











S A N C T I  
G R E G O R I I  
P A P Æ I.  
COGNOMENTO MAGNI  
O P E R A O M N I A,

J A M O L I M

AD MANUSCRIPTOS CODICES ROMANOS,  
Gallicanos, Anglicanos emendata, aucta, & illustrata notis,

*Studio & Labore MONACHORUM Ordinis Sancti Benedicti,  
e Congregatione Sancti Mauri:*

Nunc autem a JOHANNES BAPTISTA GALICCIOLLI Sacerdote Veneto, ad Codices præsertim  
MARCIANOS, iterum exacta, atque novis accessionibus locupletata.

TOMUS DECIMUS SEXTUS

Exhibens Vindicias S. GREGORII a Gradonico edisseras, & VITAM a Sammarthano  
conscriptam cum animadversionibus PETRI de CASTRO.



V E N E T I I S, MDCCLXXVI.  
SUMPTIBUS CAROBOLI, ET POMPEATI.  
SUPERIORUM PERMISSU, AC PRIVILEGIIS.

NOTES

1. The first part of the paper is devoted to a discussion of the general principles of the theory of the subject.

2. The second part of the paper is devoted to a discussion of the special principles of the theory of the subject.

3. The third part of the paper is devoted to a discussion of the practical applications of the theory of the subject.



4. The fourth part of the paper is devoted to a discussion of the conclusions of the theory of the subject.

S. GREGORIUS M.  
PONTIFEX ROMANUS  
A CRIMINATIONIBUS  
CASIMIRI OUDINI  
VINDICATUS  
STUDIO

JO: HIERONYMI GRADONICI ARCHIEP. UTINENSIS .

A C C E S S I T

EJUSDEM GRADONICI  
DE NOVA S. GREGORII MAGNI  
EDITIONE PROCURANDA .  
*DISSERTATIO EPISTOLARIS*  
SECUNDIS CURIS RETRACTATA, ET AUCTA



Digitized by the Internet Archive  
in 2013

# P R Æ F A T I O



*G*regorius Oudinus Gallus Ordinis Træmonstratensis in opusculo Parisiis edito an. 1686. de Scriptoribus Ecclesiasticis a Bellarmino, & aliis omiſſis æquum, reſertumque de Rom. Pont. GREGORIO bujus nominis Primo, cognomento Magno, judicium tulerat. Verum in Commentario posthumo<sup>a</sup> de Scriptoribus Ecclesiasticis, quod Lipsiensibus typis in lucem emissum fuit tribus supra triginta ab hinc annis, cum prioris hominem pœnituiſſet judicii, per multas accusationes non solum clarissimo bujus Pontificis nomini periculum inferre conatur; sed etiam adeo contumeliosis eum verbis objurgat, ita calumniis, ac maledictis laceſſit, ut siquis eam Dissertationem, in qua Gregoriana Opera recensentur, patienti, bilarique animo perlegerit, & legendo approbaverit, is mihi ab omni humanitate, christianæque ideæ Religionis alienissimus esse videretur. Quem enim mortalium non moveant convicia<sup>b</sup> Dissertationis Oudinianæ, quibus Romanæ Ecclesiæ hostis acerrimus insectatus est sanctum illud & egregium ingenium, in cujus laudibus celebrandis nemo fere veterum scriptorum admirandus non versatur?

Quod autem ille sibi sumserit probandum, Gregorii doctrinam ab eâ, quam Romana Ecclesia proficitur, longe differre, baud multum miror; namque ipse cum anno 1690. apud Batavos consedisſet, & sua Congregatione, Ecclesiæque Romana ad Protestantium castra deſciſcens<sup>c</sup> statim vidit magnum suæ fugæ, & inconstantiae præsidium fore,

<sup>a</sup> Hoc opus vulgatum fuisse post mortem Auctoris neque Typographus Lipsiensis monuit, neque est animalverſum a Nicéronio, qui Tomis primo, & decimo gallice conscriptis Virorum in Republica Litteraria illustrium Oudini gesta, & libros recenset. At ipſemet Nicéronius nullum reliquum facit dubitationi locum. Narrat enim ejus mortem contigiſſe mense Septembri anni 1717. citatum vero commentarium editum esse anno 1722. T. 1. pag. 281. cit. Operis. Reipsa eo anno eum obiſſe confirmabit nota mox apponenda.

<sup>b</sup> Sunt hæc laudum præconia, quibus abs Oudino Gregorius laudatur: „ Dicemus ... „ insignes plurimas Episcopatus sui actiones, & curas ignava prorsus, atque „ Rom. Pontifice indigna Phoca Tyranni „ adulatione maculasse, vel aliquo modo „ obſcuraviſſe. Anile proſecto fuiſſe Gregorii Magni judicium, ac viro magno indignum. Gregorius Primus simplex ingenio: maligne Gregorius verbum simplicis, tatis pro fatuitate sumitum Mauricio inſuſte objicit. Triviale, ac modicum hu-

„ jus Pontificis ingenium, verſipellemque „ indolem agnoſcimus ex adulatoriis &c. „ Ignavus plane, ac ingratus Pontifex &c. „ &c. &c.

<sup>c</sup> De Oudino quid factum ſit, ſi non neſcias, ſcire vellem, an in Belgio adhuc degit, an ad Reſormatorum caſtra tranſiit: certe de Profeſſoribus Batavis magnifice loquitur, & penſionem annuam ex Decreto ordinum Hollandicæ ſibi assignatam eſſe ipſemet teſtatur in epiſtola ad Majerum, quam tandem nactus ſum. Guillelmus Cave in epiſt. 14. Osborni Menchenio data T. 1. Miscellanea Lipsienſiana nova, cui hæc nota appingitur: Tranſiit utique, ut nunc omnibus eſt notum, nimirum præcipuam fortunæ ſuæ ſedem in Belgio habuit ab Ordinibus hujus Provinciæ annuo ſtipendio donatus, & in Lugdunenſi urbe Bibliothecæ Academiæ Præfeſtus. Cum in eo eſſet, ut veteris Eccleſiæ Patrum aliquot editiones novas pararet, dies vitæ ſuprema eum occupavit anno 1717.

fore, si ostendere potuisset, celeberrimi Pontificis doctrinam magis cum Protestantium, quam cum Romanorum placitis convenire: Sed in eo nulla ratione ferendus, & quod Gregorio ita obloquatur, ut diceret, nullum fuisse post hominum memoriam ingenio hebetiorem, verbis dolosiorem, & quod liberi hominis officium conculcans, de Principe latissimi Imperii, de Sacerdote moribus castissimis, de Pontifice Romano ea scommata litteris, & posteritati consignare non erubuerit, quæ vel de levissimo homunculo, vel de scelestissimo homine, ullus cordatus vir ne cogitare quidem, ne dum effutire, ausus fuisset. Hanc mihi olim cogitanti iniquam agendi rationem perneccessario videbatur<sup>a</sup> succurrendum esse Gregorianæ laudi, atque existimationi, quam omni ex parte violare, & corrumpere novus ille criticus pertentavit. Nunc vero eam causam adhuc esse integram ratus, tueri pro virili conator, ac perorare: quæ enim ab Abbate Maffejo adversus nostrum censorem nuperrime in notis ad Anastasium Bibliothecarium adducuntur,<sup>b</sup> pauca omnino sunt, nimisque brevi manu tacta. Quod vero centum ab hinc, & amplius, annis, vulgatum fuerit apud Genevenses quoddam Opusculum, quod Vindiciæ Gregorianæ inscribitur; id multum abest ab eo, quod mihi in hoc opusculo propositum est. Nam utrumque conferenti, non solum me actum non egisse apparebit, verum etiam illud Jamesii scriptoris Angli, cui tributum est, tanto Pontifici maxime indecorum videbitur. Quippe auctor epistolæ Benedicto Turretino datæ, & Jamesiano libello præmissæ, testatur in eum finem vulgatum fuisse, ut eruditis ostenderetur, Gregorianam doctrinam propius accedere ad Protestantium opiniones, quam ad dogmata, & ritus Romanæ Ecclesiæ: quod consilium satis feliciter scriptori Anglico contigisse jactat, propterea quod explosa, ac damnata Gregorianorum Operum Vaticana editione anni 1589., tum quia tredecim millibus locis dissentiat ab omnibus MSS. tum quia contineat centum sexaginta integras epistolas Gregorio manifeste suppositas, tamquam degeneres Aquilæ columnas, quæ hunc solem non ferunt: eadem loca primævo fonti restituerit ope MSS. Codicum Britannicorum, easque epistolas ad aniles fabulas amandandas Gregorio abjudicavit. Quam Jamesii sententiam is confirmare se putat, dum ibidem monet: Protonotarios, vel Apocrisiarios Apostolicos ex Archivii Romanæ Curia immiscuissæ acta temporum posteriorum, modo Gregorii nomen præferrent, nullo habito discrimine inter tot Gregorios; & indiscriminatim assignasse huic primo, & optimo, quidquid facere viderent in rem Romanam. Quibus ut obviam eam, in id maxime incumbam, ut probem, non solum GREGORIUM fuisse Pontificem vere Magnū;

<sup>a</sup> In Dissertatione epistolari de nova S. Gregorii M. editione Tom. 21. opusculorum Calogera, quam Appendicis loco dabimus, sub hujus opusculi firēm, novis curis retractam,

& auctam.

<sup>b</sup> Tom. IV. Anastasi Bibl. pag. 6. Roma 1735.



gnum; verum etiam ejus doctrinam simul quam longissime abesse a Protestantium erroribus; simul ipsissimam esse quam tunc, quam sequentis temporibus, quamque hodierna die servat, & docet Romana Ecclesia. Et quoniam veterum Codicum auctoritas tanti fit ab Adversariis (qua in re sunt maxime laudandi) quæ sum dicturus firmabo ipsismet Gregorianis verbis depromtis ex probatissime auctoritatis Codicibus, ad quorum fidem expressa est editio Operum ejusdem Pontificis sub hujus seculi initium Parisiis adornata a Monachis Benedictinis Congreg. S. Mauri; quorum fides, ac diligentia ipsis inter Protestantes doctioribus probata est. Jam vero citatus scriptor Anglus, Oudino longe doctior, Gregorii ingenium, eloquentiam, & mores extollere non pratermisit: Inter omnia Opera, sunt hæc ejus verba sub citati operis initium, quæ merito S. Gregorii Magni Papæ censentur, ab omnibus primum locum obtinent libri Moralium, idque duplici jure; ordinis, & dignitate. Ordinis, quia primo conscripti sunt ab eodem SS. Patre, cum adhuc Apocrisarius Romanæ Ecclesiæ in Constantinopoli degeret: dignitatis, quia in hujus libri expositione copiosa, & eleganti cæteros enarratores tanto post se intervallo reliquit, quanto omnium rerum cognitione, scientiæ experientiæ conjuncta, superior fuit. Quamobrem illud emolumentum ex Jamesianis vindictis labori meo accedit, quod Gregorium nobis eripere dum tentant, visæ sunt magnum suppeditare laudum cumulum, quo Oudini obreftatio, tamquam telo omnium, unde hominem ferire possemus, aptissimo juguletur.

Equidem ingenue fateor a doctissimis, atque eloquentissimis viris causam Gregorii, aliquot saltem in capitibus, antequam noster Criticus caput extulerit, fuisse peroratam, id tamen a scribendo me nequaquam deterret: Quando enim ea negantur (utor verbis, & exemplo celeberrimi inter Protestantes Critici Johannis Clerici<sup>a</sup>) quasi ignota essent, jam invito sunt probanda. Præter quamquod cum non omnia, quæ ab omnibus conscribuntur ad omnium manus perveniant, & fieri possit, ut nonnulli, qui etiam hæc intelligere queunt, illos pleniore non inveniant libros, & in istos saltem incidant, utile est plures a pluribus fieri diverso stilo, non diversa fide, etiam de quæstionibus iisdem, ut ad plurimos res ipsa perveniat ad alios sic, ad alios autem sic.<sup>b</sup> Quo utilissimo Augustini monito excitatus, quæ magnis dispersa voluminibus ad vindicandam tanti Pontificis gloriam adversus Oudinum apta mihi visa sunt, in parvum hoc conjeci volumen, in quo illud mihi proposui, ut adversarium modo consequentiis ex suamet Dissertatione erutis, modotestimoniis probatissime auctoritatis labefactarem.

Cum

<sup>a</sup> *Artis Critica* Tom. III. pag. 34. *Amstel.* an. 1700.

<sup>b</sup> *S. Aug. lib. 1. cap. 111. de Trinit.* Tom. VIII. p. 752. edit. Maur.

Cum autem Defendamus causam veritatis (ut *Lactantii* verbis <sup>a</sup> me exprimam) apud eos, qui, aberrantes a veritate falsis Religionibus serviunt, quod genus probationis adversus eos magis adhibere debemus, quam ut eos decorum suorum testimoniiis revincamus? Idcirco Protestantium verba, cum ratio Operis patietur, sciens, & volens in medium profero: qua occasione si adversarium dixerō Criticum minime moderatum, oratione injuavem, præter decorem insultantem; an levissime dixerim, non alios appellabo iudices, quam ipsosmet Protestantes, quibus hoc saltem nomine probatum iri hunc libellum confido, quod ab *Oudini* scommatibus, & maledictis me omnino cohibuerim. Aliorum quippe opera impugnaturis hominibus, qui sunt ad honestatem informati, ea imprimis habenda præ oculis, castæque observanda regula est, ab omni quocumque convincio ut abstineant; utpote quod rationibus, non contumeliis servata sit palma: quam regulam dum sibi esse conculcandam in Gregorianorum Operum recensione *Oudinus* existimavit, in suorum credo, apud quos se receperat, reprehensionem eum incurrisse, de quibus peraeque dici potest, quod jure ac merito de nostris scripsit *Johannes Albertus Fabricius*: <sup>b</sup> hoc scio in ipsa Ecclesia Romana viros emunctæ naris abhorreere ab ejusmodi armis, & videre quam sint non Christiano modo, sed sano etiam, & honesto homine indigna.

<sup>a</sup> De falsa Religione lib. 1. cap. 7.

<sup>b</sup> Prope finem Præfationis Biblioth. Ecclesiasticae Amburgi 1719. quo ipso loco & ipsi

finem imposuimus citata de nova S. Gregorii Magni editione epistolari Dissertations.

## CAPUT PRIMUM

UTRUM BARDUM, TRIVIALE, MODICUM  
FUERIT GREGORII INGENIUM.

*Prima criminatio, qua splendidum GREGORII MAGNI, venerabileque nomen denigrare nisus est Oudinus, illius petit ingenium, quod vocat modicum, anile, triviale, stupidum, bardum, simplex, versipelle. Singula quaeso hæc epitheta ad trutinam revocemus.*

I.



LORENTIS a prima ætate ad senectam usque, peracuti, eximii, subactique fuisse ingenii nostrum Gregorium luculentissime testantur, atque demonstrant tum eximii illi progressus, quos in studiis fecit; cum eloquentissima ejus Scripta reconditori eruditione re-ferta, & aspersa: ipsi demandata negotia, & præclara munera: quibus eximia, omniumque laude perfunctus est. Nonne, consentientibus omnibus Historicis, literis grammaticis, dialecticisque, atque rhetoricis ita erat instructus, ut Urbe in ipsa nulli putaretur esse secundus? Immo Isidorus Hispalensis haud fuit veritus asserere, tanto fuisse scientiæ lumine præditum, ut non modo illi præsentium temporum quifquam Doctorum, sed ne in præteritis quidem illi par fuerit unquam. Quid eloquentius illa, quam libr. xxvii. Dial. num. xxi. habemus de Britannæ laudibus oratione? Quid ad commovendos animos aptius Homilia de mortalitate inscripta, qua grassantem describit in Urbe inguinariam luem? At ejus de eloquentia non dicam hoc loco; est alius mihi locus ad hanc illius doctem demonstrandam servatus. Dia-

Tom. XVI.

lecticæ artis usum in eo requiris? Quid subtilius, quid acutius disputatione, quam Apocrysiarii Sedis Romanæ personam agens Constantino-poli habuit cum Eutychio illius Sedis Patriarcha; quamque in ejus vita ex lib. xiv. Moralium exscriptam retulit lib. 1. n. 27. Johannes Diaconus? Nimirum Origenis pravum dogma recudens contendebat scripto libello Eutychius, corpus nostrum in die Judicii impalpabile, ventis, aereque subtilius esse futurum. Gregorius ita eum veritatis ratione, & exemplo Dominicæ Resurrectionis attrivit, ut teste Paulo Diacono in Gregorii vita num. ix. Eutychii liber jussu Imperatoris Tiberii, qui concertationi interfuerat, flammis combustus fuerit; & nullus exinde sit inventus, qui ejus resuscitator existeret; ipseque Eutychius in orthodoxa ad extremum usque vitæ suæ tempus doctrina perseveraverit. Visne audire illum Theologum agentem, nostræque fidei dogmata versantem? Præter laudatum adversus Eutychium certamen consule ejus fidei symbolum, quod sive in ipso suæ inaugurationis, & ordinationis solemnibus ritu; sive in Concilio Episcoporum Romæ habito distavit, quodque a temporum voracitate, sub initium lib. 2. laudatæ

b vitæ



vita incolume nobis servavit Johannes Diaconus, quo (ut ejus utar verbis) in specula sanctæ universalis Ecclesiæ vir totius humilitatis, auctoritatis, & Orthodoxiæ, unde videri, & audiri clarius Evangelicus præco valeret, consistens, oris sui divinis gladio & rectam fidem munivit, & cunctas hæres uno symbolo dissipavit. Lege epistolas ad Virgilium Arelatensem Episcopum, ad universos Præsules Galliæ, ad ipsum Childebertum, ad Brunehildem Reginam; & fortissimis rationibus profligatam invenies simoniacam labem, qua Galliarum, sive Germaniæ Episcopi ita sæde aspersi erant, nullus ut ad sacrum Ordinem sine commodi datione perveniret: quibus ipsis in epistolis eorum etiam proscripsit, atque confutavit errorem, qui Laicorum, Neophytorumque immaturas, præcipientesque ordinationes, licitas existimabant. Lege Epistolas lib. I. 74. 77. lib. II. 48. lib. IV. 31. lib. V. 5. & per jucundum tibi erit Donatistarum technas omnes patefactas intueri, argumenta evulsa, hæresim profligatam: Consule lib. XII. epistolam primam, & errores de sabbati cultu, Judæorum ad instar, Romæ excitatos, abstinendi a quibusdam operibus, atque de prohibitione cujuscumque lavacri die Dominico provide admodum, ac solerter ab ipso fuisse propulso cognosces. Inspice tandem initium lib. III. illius Vitæ per Johannem Diaconum conscriptæ, & quam præclare de re catholica sit meritis paucis narratum cognosces: <sup>a</sup> „ Jam „ Ligures, Venetos, Iberos, alios „ que a schismate sub libello confessos Calchedonensem Synodum „ venerari compellens ad unitatem „ sanctæ Ecclesiæ revocarat; jam „ Barbaricinos, Sardos, & Campa-

„ niæ rusticos tam prædicationibus, „ quam verberibus emendatos a paganizandi voluntate removerat; „ jam Donatistarum hæresim penes „ Africam, Manichæorum penes „ Siciliam, Arianorum penes Hispaniam, Agnoetarum vero penes „ Alexandriam, scriptorum suorum „ validissimis auctoritatibus, importunissimisque legationibus, Domino suffragante, a corpore totius „ sanctæ matris Ecclesiæ sequestrarat.

II. Cui *bardum*, cui *modicum*, cui *triviale* est ingenium, is profecto ab epistolis non potest esse Romani Pontificis; provincia enim isthæc, & stili promptitudinem, atque claritatem; & ingenii acumen, atque maturitatem, & in omni quacumque re, sive politica, & pia, sive ecclesiastica, & profana exigit, postulatque peritiam; idcirco doctiores quovis ævo, cum in aliis, tum Romanorum Pontificum aulis, viros fuisse selectos, res trita, omnibusque vulgata est. Quis enim, qui vel summis labiis Ecclesiasticos attigerit annales, ignorat, S. Hieronymum Damasi Papæ, Prosperum Aquitanum S. Leonis a litteris fuisse? Ita noster Gregorius ex sui Monasterii recessu a Rom. Pont. Pelagio juniore accersitus fuit, ut ei adjutor esset in epistolis conscribendis. Has inter <sup>b</sup>, testem habemus Paulum Diaconum lib. III. cap. 10. de gestis Langobardorum, tres illas fuisse Pelagii II. nomine scriptas ad Eliam, aliosque Istriæ Ecclesiæ Episcopos, in quibus trium Capitulorum causa catholica, contra quam Istriæ Episcopi debacchabantur, æque eleganter, ac strenue, & erudite peroratur, defenditurque.

III. Ab eodem Pelagio II. juxta Baronii supputationem ad annum 581. num. 2. &c. sive potius, uti

ex

<sup>a</sup> Exstat sub initium Tom. IV. Oper. Gregorii Magni edit. Maurin. Parisien. an. 1707. qua editione in universo nostro opere usus sumus.

<sup>b</sup> Card. Baronius omnium primus res illas epistolas, quas acceperat a Niccolao Fabro, edidit in Annalibus Ecclesiæ ad annum 586. num. XXIV.

ex loco Johannis Diaconi, quem infra dabimus, inferri potest, a Benedicto Primo accersitus, & a Pelagio iterum avulsus a Monasterio, quod ipse condiderat; & in quod divitiis honoribusque facto nuntio se abdidit; in partem pastoralis curæ adscitus Diaconus, seu Levita,<sup>a</sup> aut Cardinalis ex septem Regionariis creatus fuit. Profecto & ad hanc personam rite præsentandam non ille aptus esse poterat, cui triviale erat ingenium; quandoquidem & prudentia esse debebat præditus, & scientia. Isti enim Diaconi, quos Gregorii tempore ad decem & novem ascendisse Johannes refert Diaconus *l. c. lib. 111 num. 7.* in Ecclesia Romana, instar eorum septem erant, teste Sozomeno Historiæ Ecclesiasticæ *lib. 1. cap. 15.* qui ab Apostolis primi ordinati sunt; & ex iis illos arbitror fuisse electos, qui septem Urbis Regionibus, atque Basilicis, unde Regionarii appellati, præciebantur. Porro septem illis viris ab Apostolis vocatis, non solum rei domesticæ, verum etiam spiritualis, ut plurimum, cura fuit commissa. Si enim in rebus dumtaxat familiaribus administrandis incumbere debuissent, Apostolus in 1. ad Timotheum, animadvertente Berlandi nostro<sup>a</sup> in Dissert. de Oblationibus ad Altare, tot dotes modestiæ, temperantiæ, conscientiæ puræ, & vitæ omnino integræ non desiderasset; neque eorumdem ordinatio ritu solemniori, orationum recitatione, manuum super ipsos impositione, sicuti hisce cæremoniis sancti Paulus, & Barnabas Apostolatu fuere initiati, peracta fuisset. Reipsa ex cap. XXI. num. 8. Actuum Apostolorum colligitur, Philippum Samaritanis Evangelium prædicasse, ideoque Evangelistæ nomen est consecutus propter prædicationis evange-

lium, adnotante S. Augustino serm. 261. Romanæ imprimis Ecclesiæ Diaconis sacram istam provinciam fuisse creditam, rituum illius Ecclesiæ peritissimi Viri jam adnotarunt, ex S. Leonis sermone in S. Laurentii Diaconi S. Sixti Pontificis laudes habito, ubi non solum ministerio Sacramentorum, sed etiam dispensationi ecclesiasticæ substantiæ præfuisse affirmatur. Enim vero omni solertia, atque laude munus hoc a Gregorio administratum fuisse, nulum relinquit dubitandi locum Johannis Diaconi hoc testimonium *Vita lib. 2. cap. 27.*) „ Omnium ad se con-  
„ vertebat animos. Quem prætoria  
„ dignitate fulgentem jus civibus di-  
„ cere olim conspexerant, nunc sum-  
„ ma modestia ornatum Ecclesiæ mi-  
„ nisteria tractare mirabantur: de-  
„ nique cernens Benedictus Ven. Pon-  
„ tificex virtutum gradibus Grego-  
„ rium ad alta conscendere, vio-  
„ lenter eum a quiete Monasterii  
„ sui abstrahens ecclesiastici ordinis  
„ officio sublimavit, Levitamque  
„ septimum ad suum adjutorium  
„ consecravit: in quo Venerabilis  
„ Levita Gregorius tanta humilitate  
„ vixit, tanta solertia ministravit;  
„ ut in Ecclesiasticæ Hierarchiæ mi-  
„ nisterio videretur divinis Angelis  
„ non solum nitore habitus, verum  
„ etiam claritate morum quodam-  
„ modo cœquari. Unde Samuel Basnagius cæteroquin in hujus Pontificis actionibus investigandis cavillator acerrimus, munere hoc bene eum fuisse functum testatur & *Annus jam incæperat*<sup>b</sup> (inquit ipse) *cum Gregorius Diaconi munere contentus, ejus functiones diligenter obibat... in eo gradu constitutus.*

IV. Verum, quanto ipse præstaret ingenio, argumenta longe clariora ostenderat, cum adolescentia vix egressus, præcipuis ornatus fuit se-

b 2 cu-

<sup>a</sup> Par. 1. S. 6. num. 5. pag. 181. edit. Latina 1743.

<sup>b</sup> Tom. 111. *Annal. Politic. Hist.* pag. 905 Roterod. 1706.



cularibus dignitatibus; quas inter recensenda Senatoria feliciter adeo administrata, ut annos natus quadraginta dumtaxat, aut circiter, Justino Juniore imperante, Urbanus Prætor fuerit designatus. Dignitas hæc principem inter Imperiales Italiæ dignitates secundum Ravennatem Exarcham, obtinebat locum, & auctoritate, & dignitatis apparatu veteribus Consulibus pene par videbatur; reipsa Consulum ad instar *serico contectus, ac gemmis micantibus solitus erat* (Gregorius) *per urbem procedere trabeatus*<sup>a</sup>. cum vero penes Urbanum Prætorem resideret publici privatiq[ue] juris dicundi potestas omnis, novumque jus condendi, vetusq[ue] abrogandi; eximia profecto civilis juris cognitione, animi moderatione, ac solertia pollere debebat. Istis virtutibus usus est in suis sapientissimis responsis, ac monitis, quibus Pontificiæ ejus Epistolæ tertio quoque verbo splendent. Hujusmodi est illud Epistolæ xxiv. lib. ix.<sup>b</sup>, ubi Romano Defensori committit, ut adimpleri curet ultimam per triginta annos Rusticæ Testatricis neglectam voluntatem: *Et primum quidem si in conditione testamenti (sunt ejus verba) heres incidit, per quod nostra habeat causas Ecclesia, investigare te volumus, atque evidenter addiscere; & utilitatem pauperum, sicut rei ordo poposcerit, exsequi; & tum pro ordinatione cellæ illius, vel redintegratione dimissæ rei instanter esse sollicitum: quatenus pia testatricis voluntas in utroque valeat adimpleri; & detentores injusti culpam retentionis indubitæ ex justâ amissione cognoscant*. Prudentissimas continet ordinationes ejusdem libri epistola xxxvi. ad Fortunatum Neapolitanum Episcopum data, qua Judæis negotiatoribus e

Gallia redeuntibus prohibuit, ne Christiana, quæ emerant, retinerent mancipia. Illius sagacissimæ prudentiæ & illud esttribuendum decretum, quo epistola xxvi. laudati libri donatam ab Ammonia Romanæ Ecclesiæ domum Calixeno illius nepoti, Stephanæ filio paupertate laboranti, restitui præcepit aurea hæc regula: *Quamquam ea, quæ ad Ecclesiæ jura perveniunt, alienari legis ratio non permittat: temperanda tamen interdum est censura distractionis, ubi misericordiæ respectus invitat: maxime quando tanta est quantitas, quæ dantem onerat, & accipientis pauperiem juxta aliquid consolatur*.

Sed infinitus essem omnia illius æquissima decreta congerere si vellem; vel ex iis duobus speciminis loco propositis, quanta calleret juris peritia apertissime conici potest: quemadmodum & ex suis auro, cedroque pretiosioribus sententiis, ex quibus pauca hæc, quasi quosdam flosculos, delibasse non pigebit.

„ Epistola v. lib. vii. Scimus quia „ prima virtus est cognitio infirmis „ tatis; atque ex eo colligimus „ posse nos bene susceptum ministerium implere, quia nos videmus infirmitatem propriam ex humilitate cognoscere. Omnes enim „ infirmi sumus; sed ille est infirmior, qui considerare non valet „ infirmitatem „.

Lib. vii. Epistola xxv. De S. Paulo exclamante: Castigo corpus meum &c. „ Adhuc timet qui jam ad celum ducitur; & jam timere non „ vult, qui adhuc in terra conversatur?

Eodem libro epistola xxvi. Hortatur Theodisiam, cui nutriendorum liberorum curam mandaverat Imperator, ut Eunuchos ipsorum custodiæ, ac obsequiis deputatos admo-

<sup>a</sup> Verba sunt Gregorij Turenensis lib. x. *Historia Francor.* pag. 475. Edit. Parisien. Maur. anno 1699.

<sup>b</sup> Pag. 946. Tom. II. Opp. Gregor. cit. edit. quo in uno collecta sunt omnes ejus Epistolæ.



moneat, ne insolentia verba coram ipsis habeant; *Verba siquidem nutritium aut lac erunt, si bona sunt, aut venenum si mala.*

„ Epistola xxvii. ejusdem libri.  
„ Non mirum si bene loquitur, qui  
„ perfecte vivit „.

„ Lib. viii. epist. xxxiii. Magna charitatis virtus est, quæ sinceritatis suæ vinculo altera mutuo affectu corda constringit; & ea non sinit gratiæ compage dissolvi, disjuncta conjungit, unita custodit, & ignotos sibi imagine reddit cognitos per amorem „.

„ Lib. ix. epistola ix. Incautæ præsumptionis est, quod fortis pavet, minus validum non timere; sapienter enim illicita superat, qui didicerit etiam non uti concessis; & quidem nos nullos in hoc nolentes adstringimus; sed si cut facere solent medici, etsi ad tempus, tristem curam tamen pro salute dictamus „.

V. Si vero aliquis fortasse objiciat, fieri potuisse, ut peritiam hanc juris civilis Gregorius comparaverit longo illo annorum intervallo, quod fluxit ab ejus Prætura ad Pontificatum; quo tempore scilicet epistolas, quas in speciminis locum attulimus, constat esse conscriptas. At illud, etiam si minime denegaretur (quamvis nullo certo monumento probari possit) nihilo tamen minus ejusmodi peritiam ad illius Præturæ tempus referendam esse contendimus; quippe quam, ut supra observavimus, auctoritas condendi novas leges, veteres abrogandi, interpretandique postulabat. Accedit insuper, quod præ multis occupationibus,

& negotiis, quibus eo intervallo Gregorius destinebatur, tantum otii minime nancisci potuerit, ut perdifficili juris scientiæ sedulam operam impenderet.

Sed præstat audire recentissimum Anonymum Historicum Romanorum Pontificum, qui proculdubio est Franciscus Brujus<sup>a</sup>, cujus auctoritatem plurimi sane facere debet Oudinus; quia licet eodem in opere Catholici Romani personam simulet, tamen nullam non arripit occasionem, qua catholica dogmata pro virili evertat, sacros ritus irrideat, Romanorumque Pontificum actiones vellicet atque suggillet. Sub initium igitur Vitæ Gregorianæ ita loquitur<sup>b</sup>. „ Il fit „ paroître tant d'habilité dans l'exercice de la Charge de Sénateur, que l'Empereur Justin le Jeune le crea Preteur de Rome. Chacun fait que le Preteur étoit le principal Magistrat de cette grande Ville; & l'on peut aisément conjecturer que étoit le mérite de Gregoire, par le choix qu'on fit de lui pour exercer les fonctions de cette importante charge, dans un tems d'horreur, & de calamité pour l'Italie . . . . . „ comme Gregoire étoit destiné aux principales dignités du Senat, il ne faut pas douter, qu'on ne lui eut enseigné de bonne heure la jurisprudence; & ses lettres font assez connoître combien il y étoit versé . . . si l'on veut savoir de quelle manière il s'acquitta des fonctions de juge, on n'a qu'à examiner, les éminentes qualitez, qu'il apporta à la charge de Preteur, quand il y entra: un Esprit

<sup>a</sup> Petrum Franciscum Courajerum auctorem fuisse famosi Operis, cui titulus Histoire des Papes, opinatus erat in lib. 3. cap. 7. pag. 226. *Historia Critica vite Arrii Italico sermone conscripta insignis Divini Verbi prætor, & scriptor eruditus Casertanus Travasa Cl. Reg. ac in tom. 1. p. 221. Historia Critica eodem sermone edita*

*vitarum Hæresiarcharum, qui primo Ecclesiæ seculo vixerunt, citatum opus primæ ejurata opinione, adjudicat Francisco Bruys natione Gallo, qui ad Protestantes in Belgio transfuga, apud quos opus illud in lucem misit, in sinu tandem R. E. obiit.*

<sup>b</sup> Tom. 1. pag. 350. Haga 1732.

„ prit éclairé , une grande maturité de jugement , une profonde sagesse que nulles passions ne trou-  
 „ bloient , une grande intelligence des Loix , un desintéressement par-  
 „ fait , un amour extrême de la justice . On peut lire dans la plu-  
 „ part de ses lettres , & de ses autres ouvrages les excellentes règles , qu'il donne aux juges ,  
 „ pour remplir parfaitement leurs obligations . On doit être persuadé , qu'il n'en a connu la bon-  
 „ té , que par sa propre expérience „

VI. Propter egregias hæc dotes Pelagio juniori gravissimæ antiquitatis viro ita fuit carus , atque probatus , ut ad Tiberium Augustum Romanæ Sedis Apocrisiarius an. 579. missus fuerit . Enim vero munus illud sub Magno Constantino institutum , cum semper subacti ingenii viros , tum maxime exigebat eo tempore , quo fuit illi impositum : illius enim erat excubare animo pro salute , ac dignitate Ecclesiæ ; Orientis Augustos in veri Dei cultu confirmare ; facta testâ custodire a laicali potestate sacrorum jura ; & Episcoporum Orientalium causas non raro cognoscere . Præterea , quæ duo ea tempestate sollicitum habebant Romanum Pontificem , erant & schisma ob tria Capitula constatum , & Langobardorum bellum : quorum alterum Ecclesias Orientales , & Latinas , Latinasque ipsas inter sese commiserat ; alterum vero universæ Italiæ , imprimisque Romæ gravissima intulerat , & graviora minabatur damna . Pelagius vero ægre ferens tot animarum ruinas , tanta Italiæ detrimenta , nullum non moverat lapidem , hæc ut mala pellerentur , ut schisma tolleretur , & pax in Italia refloresceret . Aliqua ipsi effulserat spes extinguendi schismatis , cum , mortuo Justino , Tiberius Princeps

mitissimi animi , atque ad Religionem quam maxime propensi , imperium solus moderari cœperat . Sperabat enim Romanos , Imperatore isto suppetias ferente , nedum ab Urbe expulsiuros ; sed etiam ultimæ daturus internecioni barbaras illas gentes , quæ excusso regiæ potestatis jugo , triginta in partes , tot sub ducibus dispersitæ , Ecclesias spoliaverant , Sacerdotes interemerant , omnia sacra , profanaque jura fus deque verterant . Age vero si *bardum* , si *modicum* fuisset nostro huic Gregorio ingenium , credendum ne est , fieri potuisse , ut eligeretur , & mitteretur ad Urbem Regiam Romanæ Sedis Legatus ad hæc pertractanda difficillima negotia , ab illo Pontifice Pelagio II. cui apprimè notum erat , quam perdifficile esset , atque salebrosus munus illud , quo ipse tribus sedentibus Pontificibus fuerat functus ? Non ita sane sensit citatus Anonymus ; immo dotes omnes ad illud munus obeundum necessarias in Gregorio cognovit . „ Le Pape ( hæc sunt illius „ verba <sup>a</sup> ) ne pouvoit pas choisir un plus habile homme que „ Gregoire pour une Negotiation „ si delicate „ . Neque de Gregorio concepta spes fellit Romanum Pontificem ; nam Constantinopoli adhuc ipso degente , cum duæ subortæ fuissent ea in Urbe hæreses , altera de impalpabili corporum resurrectione , qua de supra egimus , altera de conjugii sub Religionis prætextu dissolvendis ; statim ipse utramque ita fortiter , ita sapienter confodit , ut non amplius caput extollere ausæ fuerint . Speratum etiam auxilium obtinuit , non quidem statim , sed paulo post : cum Mauritius Augustus duce Smaragdo Exarcho potentissimum in Italiam misit exercitum . Duobus annis regnante Tiberio , tribus autem sub ejus suc-



successore Mauritio ; provinciam illam admirabili quadam laude gessit ; tantumque Populo Romano probatus fuit , ut unam hanc fuisse ex potissimis causis , propter quas in Pontificem eligi meruerit , visus sit putasse Samuel Basnagius ; *prudentiam ejus*, inquit <sup>a</sup>, *ex iis, quæ apud Tiberium, Mauritiumque Apostolicus gesserat, & intellexerant ( Romani ). Itaque sive natalium, virtutumve, vel prudentiæ ratio haberetur, ex Clero Romano nullus sane dignior inveniri potuit, qui tantæ dignitati gerendæ foret aptior.*

## CAPUT II.

*Aliæ rationes afferuntur in laudem ingenii nostri GREGORII.*

VII. **U**Nico utitur argumento Oudinus, ut nobis persuadeat, anile fuisse in Gregorio nostro ingenium ; atque illud est, quod ab Urbe Mathematicos jussit abire ; ignemque applicuerit Palatini Palatii Bibliothecæ, ubi plurima asservabantur antiquitatis monumenta ; ut sacræ Scripturæ studio homines unice incumberent, *quod certe stupidi ac bardi prorsus hominis erat* : o præclara de tanto Pontifice encomia !

Quid est quæso calumniari, si hoc non est ? Quibusnam tabulis, quibusnam testibus tantam Gregorio invidiam creat Oudinus ? Scilicet illum scriptorem in suæ calumniæ testem adhibet, qui longissimo distabat a Gregorio intervallo cum temporis, tum loci ; qui licet eo in contone ( uti opus illud de nugis curialium Johannis Sarysberienfis, unde narrationem istam sumsit Oudinus, vocatur a Lipsio <sup>b</sup> ) multos pannos purpuræ referat, &

fragmenta melioris ævi ; non pauca tamen sunt, quæ vulgi rumorem potius censenda sunt sapere, quam sint e genuinis monumentis depromta ; cum nullo innitantur vetusto auctore, inter quæ recensendam esse istam de Gregorio narrationem nullus dubito. Nemo unus ex veteribus, cujus scripta ad nostram pervenerint lucem ( & sane multorum pervenere ) hujusce incendii, atque eliminationis ne vestigium quidem posteritati consignavit. Hoc equidem argumentum negans esse non inficior ; at multi esse roboris negare non poterit homo vere doctus, cum admittatur hodie tamquam certum Mabillonii hoc præceptum <sup>c</sup> : Cum neque auctores coævi, nec qui unius, aut duplicis seculi intervallo successere, gestum aliquid innuant, & nihilominus Historiographus aliquis recentior nullo testimonio, vel auctoritate innixus id temere asseverare audeat, tunc quidem parvipendendus erit : secus enim ampla ad errandum, aliosque fallendum via sterneretur. Eo autem majoris roboris illud esse debet apud censorum nostrum, quod ipsemet Johannem Diaconum præcipuum Gregorianæ Vitæ scriptorem non timebit *cap. vi. diligentem* vocare actorem S. Gregorii *scrutatorem*. Illud saltem obtinere debebat Johannis Diaconi silentium a Critico nostro, ne tam confidenter factum hoc incautis propinaret, suumque assecram, Societatis Romanæ, quam quisque maxime, acerrimum impugnatores imitari satius fuisset, Belium nempe, cujus hæc sunt verba in suo Dictionario Historico Critico, verbo Gregorius <sup>d</sup>, „ On l'accusa d' „ avoir fait bruler une infinité de „ Livres Païens. La Bibliothèque „ Palatine qu'Auguste avoit fon-

dée,

<sup>a</sup> loc. cit. pag. 905.

<sup>b</sup> *Adm. 149. ad lib. xii. Annalium Taciti p. 207. edit. Antuerpiensis 1627.*

<sup>c</sup> *De Studiis Monasticis part. II. cap. num. 113.*

<sup>d</sup> *Tom. II. pag. 595. Amsterdam 1730.*



„ dèe , fut reduite en cendres par  
 „ S. Gregoire dit on . Je n' ai lu  
 „ cela , que dans *Johannes Sarisbe-*  
 „ *riensis* : ainsi je n' y aiout pas  
 „ beaucoup de foi ; mais je ra-  
 „ porte ses paroles . Si vero *Ma-*  
 „ *thematicorum via esset usquequaque*  
 „ *laudabilis , non tantopere pœni-*  
 „ *taisset magnum Augustinum se co-*  
 „ *rum consultationibus inclinasse .*  
 „ *Ad hæc Doctor Illustrissimus a il-*  
 „ *le Gregorius , qui melleo prædica-*  
 „ *tionis imbre totam rigavit , &*  
 „ *inebriavit Ecclesiam , non modo*  
 „ *matthesin jussit ab Aula recedere ,*  
 „ *sed ut traditur a majoribus , in-*  
 „ *cendio dedit probatæ lectionis scri-*  
 „ *pta , Palatinus quæcunque tene-*  
 „ *bat Apollo ; in quibus erant præ-*  
 „ *cipua , quæ cælestium mentem ,*  
 „ *& superiorum oracula videbantur*  
 „ *hominibus revelare , .*

„ Il dit en un autre lieu (b) que  
 „ St. Gregoire abolit les livres pro-  
 „ fanes a fin de rendre plus re-  
 „ commendables les livres sacrez :  
 „ *Fertur Beatus Gregorius Bibliothecam*  
 „ *combussisse gentilem , quo di-*  
 „ *vinæ pagine gravior esset locus ,*  
 „ *& major auctoritas , & diligen-*  
 „ *tia studiosior .* Ce qu' il y a de  
 „ fort certain c' est , que le Pape  
 „ avoit conçu beaucoup d' aversion  
 „ pour les livres du Paganisme , .

His & illud accedit penes ipsum  
 met Sarysberiensem , utpote qui  
 hac de re nihil aliud habebat præ-  
 ter rumores vagos , incertasque ho-  
 minum traditiones , hujusmodi nar-  
 rationes magna laborasse fide . Seros  
 autem nepotes mihi videtur videre  
 suspitionis hujus voluisse certiores  
 facere , cum verbo *fertur* usus est .  
 Porro Criticorum natio parum , aut  
 nihil fidei adhibere solet veterum  
 narrationibus verbo illo , aut simili  
 expostitis ; inslar omnium unus sit

citatus Bælius , qui cum sibi sum-  
 sisset momenta elidere , quibus  
 præcipuus Gregorianæ editionis nu-  
 perus auctor Dionysius a S. Mar-  
 tha , Monachus e doctissima S. Mau-  
 ri familia , in sua hujus Pontificis  
 historia gallice edita , Dialogorum li-  
 bros e Dupinii objectionibus nititur  
 liberare , hanc loco supra comme-  
 morato statuit regulam : „ Tout bon  
 „ Historien , qui raconte ce qu' il  
 „ juge fabuleux , y joint un , on  
 „ dit , ou quelque autre clause ,  
 „ qui temoigne encore plus nette-  
 „ ment , ce qu' il en pense , & ainsi  
 „ quand il n' ajoute rien de cette  
 „ nature a ses narrations , c' est une  
 „ marque , qu' il les donne pour  
 „ veritables , & qu' il souhaite de  
 „ de les persuader a ses Lecteurs , .

Hoc autem cognito haud vere-  
 mur , post alios probatissimos Au-  
 ctiores , cum Maurinis ( in vita hu-  
 jus Pontificis c ) universam illam  
 Sarysberienfis narrationem inter nu-  
 gas , anilesque fabulas rejicere .

VIII. At demus Gregoriano edi-  
 cto proscriptos fuisse , justosque ex  
 Urbe facessere hujusce furfuris ho-  
 mines , quos profecto nunquam a-  
 mavit , immo in illos vehementi o-  
 ratione insurgit *Homil. x. in Evang.*  
*num. 4. & 5.* hoc ipsi quin vitio ,  
 laudi potius verti debere æquus re-  
 rum existimator judicabit . Non enim  
 tunc temporis , qui Mathematici vo-  
 cabantur , in id incumbabant , ut  
 Cæli conversionem , syderum ortus ,  
 & occasus , Planetarum conjunctio-  
 nes , & aspectus , tum cursus , in-  
 cessus , stationes , atque regressus ad  
 commodam temporis , dierum , men-  
 sium , annorum , atque cyclorum  
 distributionem , ad orbis Terraquei  
 figuram , & magnitudinem , ad ur-  
 bium , locorum , insularumque situs ,  
 longitudes , latitudinesque naviga-  
 tionis

a Sanctissimus legitur in Opere citat. de  
 Nugis Curialium lib. II. cap. XXVI, pag.  
 123. Amstel. 1664.

b ib. lib. 8. c. 19.

c lib. 1. cap. 2. pag. 201. edit. Paris.

tionis bene definiendas, atque ad alios, ut nunc fit, in vita humana præstantissimos usus contemplarentur; sed illud unum erat eis propositum, ut signifero orbe in duodecim partes, sive casus dispartito, rati hujus orbis unamquamque partem aliam alio modo movere, & immutare cælum, perinde ut quæque stellæ in iis finitimisque partibus sint quoque tempore; multumque referre, quo statu cæli, & stellarum infantes nascentur, ex eo ingenia, mores, animos, corpus, actiones vitæ, casus, eventusque, summa impudentia, summaque fallacitate, atque hominum incommodo prævidere certo jactarent. Quam futura prædicendi artem impiam esse affirmat Vossius ipse Johannes Gerardus *de natura artium*. <sup>a</sup> Quo quidem in loco ferendus minime est eo etiam nomine Criticus noster, quod hujus sectæ δογματῶν se prorsus ignarum ostendit, hæc scribens: *non modo mathematicas scientias, quæ demonstrationibus ubique agunt, Reipublicæque utilissimæ ab aula recedere jussisse &c.*

IX. Quocirca perditū moris homines istos si non fuisset averfatus, atque eos ab urbe, quam certissimis institutis, sanisque disciplinis pro sua virili imbuere connitebatur, non eliminasset, librorumque id genus (quos *diabolicos* a Christianis primitivæ Ecclesiæ fuisse vocatos affirmat Ugo Grotius in *cap. xix. vers. 19. Actuum Apostolicorum*). <sup>b</sup> Lectionemque non prohibuisset, vapulasset jure ac merito a viris probis, veraque scientia præditis, quemadmodum vapulat S. Augusti-

nus abs Tillemontio, ejus testimonium, utpote nostram de priscis illis mathematicis observationem confirmans scribere non pigebit:

„<sup>c</sup> Augustin n' estoit pas aussi  
„ éclairé sur l'astrologie judiciaire,  
„ que sur les sacrileges de la magie,  
„ quoique la veritable piété  
„ Chrétienne condamne l'une aussi  
„ bien que l'autre: & parceque ces  
„ observateurs des astres, qu'on  
„ nommoit alors mathématiciens,  
„ ne faisoient ni sacrifices ni prières  
„ aux démons, il ne cessoit de  
„ les consulter <sup>d</sup> pour acquérir par  
„ leur moyen la connoissance de l'  
„ avenir „.

X. Neque insueta fuisset, neque insolens hujusce pestis <sup>e</sup> ab Urbe expulsio, ex qua & novum de Gregorii in jure civili peritiam argumentum elicitur. Nam florente adhuc Romana Republica fuere facta & de Mathematicis, Magisque Italia pellendis Senatus Consulta, quorum numero Pituanus Saxo dejectus est, teste Tacito *lib. II. Annal.* in quæ verba ita adnotatum est ab eodem Lipsio, immo *repetita potius; nam veteri lege, edictoque, pridem amota e Republica illa pestis*. Reipsa anno Urbis conditæ 614. ab Hispano Prætor Urbe & Italia expulsos fuisse testem habemus Valerium Max. 1. 3. 2., Cornelius Hispalus „ Prætor peregrinus N. Propilio „ Lennate, CN. Calpurnio Coss. „ edicto Chaldæos intra decimum „ diem abire ex Urbe, atque Italia jussit, fallaci syderum interpretatione, quæstuosam mendacii „ sui caliginem injicientes „; Dio Cassius *lib. XLIX.* a Marco Agrippa Ædile; Suetonius ab Augusto Tib-

<sup>a</sup> Cap. XXXIX. §. XIII. pag. 135. tom. II. Oper. Amsterdam. 1700.

<sup>b</sup> Tom. 8. Criticorum Sacrorum pag. 358. Amsterdami 1698.

<sup>c</sup> In vita S. Augusti. ad an. Christi 379. art. 12.

Tom. XVI.

<sup>d</sup> Lib. v. de Civ. Dei cap. 1. & lib. vi. cap. vi. de Confe. illud tamen animadvertendum ea deliramenta, & ipsam Augustinum deinceps condemnasse.

<sup>e</sup> Sic hoc hominum genus notatur a Lipsio adnot. 85. ad lib. II. citati Operis.



berio narrant expulsos fuisse illos homines, quod affirmatum est etiam a Vulpiano *lib. vii. de officio Proconsulis*, hisce verbis juxta Lipsii emendationem in excursu ad laudatum *lib. ii. Annal. Taciti*: *Sapissime denique interdictum est fere ab omnibus Principibus, ne quis omnino hujuscemodi ineptiis se immisceret; & varie puniti sunt hi, qui id exercuerunt, pro mensura scilicet sceleris & consultationis*. Istas autem pœnas recenset Julius Paulus *Tit. 18. lib. v. De Sententiis receptis*, quas ad capitis etiam discrimen extensas fuisse cum homines isti de salute Principis, vel summa Reipublicæ consulebantur, affirmat ibidem Paulus, & explicat Jacobus Cujacius in illius loci interpretatione: <sup>a</sup> Ubi hoc etiam addit non tantum eos, qui divinandi artem exercebant, sed, & qui ejus periti erant, aut qui vaticinos libros habuissent fuisse punitos. Pœnæ hujus præclaram rationem affert Josephus Carafa *Cl. Reg. b hujusmodi homines*, sunt hæc ejus verba, *etsi accepti vulgo, qui his studiis delectari solet, exosi tamen fuerunt Principibus, eorumque Ministris, quod sæpe in vitam Principis agerent, & vaticiniis alerent animos rebelium*.

Quod si a Principibus Laicis, immo ab ipsismet Ethnicis, bono Reipublicæ lex isthæc lata est, propter quam cordatus quisque virillos commendat; Gregorio Magno per diversam philosophiam, scilicet Christianam educato crimini hoc dabitur? *Si Astrologia Caesarum legibus* (liceat hætenus dicta verbis exponere Pici Mirandulani, viri si quisquam alius ingenii acutissimi, sub initium disputationum adversus Astrologos) *si Caesarum legibus, & prudentum uti noxia vitæ, civitatibus,*

*eliminatur, si oraculis prophetarum; Pontificum sanctionibus, hominum scientissimorum vocibus, & doctrinis, ut moribus, & pietati pestifera condemnatur....* quid est, ajo ego, cur Gregorio Pontifici maximo Christianorum non fuerit licitum vestigia tam utilia sectari?

XI. At enim illius ævo ad meliorem salutem redactum fuerat horum hominum genus. Contra perinde illo tempore, ac antea illos desipuisse ostendunt satis aperte cum supra laudatus Tillemontii locus, tum repetita ab Imperatoribus eorum proscriptio ab Justiniano in primis, qui in *lib. ix. Codicis Maleficos*, condemnavit. Porro hoc nomine, & Mathematicos voluisse comprehendere peritissimus affirmat civilis Juris interpret citatus Cujacius. Hinc enim illud versans verbum in *lib. i. Codicis cap. xvi. ii.* hæc habet<sup>c</sup>. *Maleficorum nomen latissime patet; nam complectitur etiam Mathematicos: non qui Geometriam, Arithmeticam, Musicam, Astronomiam exercent, quæ artes sunt liberalissimæ, sed Chaldaei, ut vocabantur, & Genethliaci impostores quidam Mathematicorum nomine adumbrantes suas ineptias, qui præstentur se facta cujusque nosse, & Natalitias siderum observationes; qui omnes, & his similes, arioli, vaticinatores, Magi, plerisque Senatus consultis subjiciuntur pœnis legis Corneliæ de Sicariis, & veneficis l. ex Senatuscons. D. ad leg. Cornel. de Sicar. Et apud Ulpianum in Fragment. lib. de officio Procons. & apud Cornel. Tacitum multis in locis fit eorum Senatus consultorum mentio, & coercentur tam discipuli, quam Magistri l. pen. hujus tit. Tertullian. lib. de Idololat. de his impostoribus scribens; Eadem pœna est, inquit, discipulis, & Magistris, & libri eorum combu-*

run-

<sup>a</sup> Tom. 1. Oper. pag. 503. edit. Neapolit. 1722.

<sup>b</sup> Cap. 14. num. 3. pag. 101. Histor.

Gymn. Rom. ejusque Professor. 1751. Roma.

<sup>c</sup> Tom. 9. pag. 1437. cit. editionis.



runtur; l. cætera §. 1. famil. Ubi vocantur hi libri improbata lectionis, juxta elegans illud præceptum Phocylidis. φάρμακα μὴ τοῦχ' μαγικῶν βιβλίων ἀπέχεσθαι. Quod autem permittitur in l. xv. hoc tit. ut sic iis malis artibus uti liceret salutis ferendæ causa, frugum a calamitate servandarum causa, quod plerique faciunt, quos Seneca vocat χαλαροφύλακας, quasi observatores grandinum, hoc recepit Paganismus, ut liceat improbatis artibus salutis ferendæ causa uti, & merito etiam hujus legis pars est abrogata Novella Leonis Philosophi 65. Huc etiam facit titulus xvi. lib. ix. Codicis Theodosiani, qui totus est contra Maleficos, & Mathematicos.

XII. Ac primam quidem objectionis partem solvimus; ad alteram, quæ est de conflagratione Palatii Bibliothecæ, ubi plurima servabantur antiquitatis monumenta, non minus expeditas ac bonas habemus responsiones. Principio autem illud intelligendum est criminationis hujus fundamenta fuisse labefactata, ac prorsus everfa, cum sub hujus capitis initium Scriptoris Anglici auctoritatem, qua una se tuetur noster hic censor, nihili (ad hanc rem quod attinet) esse faciendam ostendimus. Etenim uno ex illis loquendi modis combustionis hujus meminit Sarysberienfis, quo (ipsomet duce Belio) probavimus de ejusdem narrationis genuitate, ut minimum, ancipitem fuisse Anglicum Authorem: Fertur, sunt hæc ejus verba de nugis Curialium, Beatus Gregorius Bibliothecam combussisse Gentilem<sup>a</sup>.

Verum licet certissima proferri possent monumetra, non hinc tamen causa caderemus. Ratio enim, qua ad illam conflagrationem inductus fuisset Gregorius nedum a crimine omnium liberat, sed laudibus dignum reddit, cum ratio illa eadem omni-

no fuerit, qua ab Urbe Mathematicos jussit amoliri: nimirum, teste eodem Sarysberienfi, quod multa essent iis in libris de Idolorum superstitione, cujusmodi ea sunt, quæ de futuris hominum actionibus disputant: Quo in incendio, ait loco cit. Sarysber. plutei in cineres asti, in quibus erant præcipua, quæ cælestium mentem, & superiorum miracula videbantur hominibus revelare. Atque ista sunt illa, quæ ab Oudino pretiosa nuncupantur venerandæ prorsus antiquitatis monumenta. Cum vero Gregorius noster quo flagrabat morum componendorum desiderio, qua erat animi sagacitate, ac diligentia, jam tenuisset inutiles fore de Mathematicis pellendis labores suos, nisi etiam libros istos, in quibus pravæ opiniones, & ad mores effeminandos aptissimæ continebantur, de incautæ potissimum juventutis manibus non abstulisset, quippe non minus ad mores corrumpendos vox hominis vivi apta est, ac mortui. Quamobrem ne unquam hæc monstra hominum mentes occuparent atque vitarent, efficax hoc adhibuit remedium; nam ab illis, quibus regendorum populorum cura fuit commissa, intellectum semper fuit, atque experiundo cognitum, nulla alia ratione posse cohiberi subditos ab illorum lectione librorum, quos adversus Reipubl. finem aliquid amplecti sciebant, nisi ultricibus flammis libros ipsos perdere. Sexcenta cum ex Ethnicis, tum ex Christianis sanctionibus hausta, facile esset in medium proferre exempla, quæ inter alios collegerunt Schelornius in Dissertat. de libris consumptis, & Verricelli noster in quæst. 195. sect. 2. de Apostolicis missionibus. Nobis unum, vel alterum protulisse sat erit. Octavianus Augustus, narrante Suetonio in Octaviano August. cap. xxxi. Quidquid fatidicorum librorum

*græci latinique generis nullis, vel parum idoneis auctoribus vulgo ferebatur, supra duo millia contracta undique cremavit. Magicos, & Judiciarios libros iisdem flammis consignavere, Constantinus Magnus, Theodosius, & Valentinianus Imperatores, & Cabades Persarum Rex; nec non Manichæorum libros flammis exterminavere Leo Magnus, & Symmachus Pontifices. Quid plura? Ipsomet sub initium nascentis Ecclesiæ Christianos, hos libros, utpote veræ Religionis corruptores combussisse clare patet ex cap. xix. vers. ix. Actuum Apostolorum. Ἰκανοὶ δὲ τῶν τὰ πνευματικά πράξαντων συνεγέναντες τὰς βίβλους κατέκαυον ἐνώπιον πάντων, & συνέψηψαν πρὸς τιμὰς αὐτῶν. &c. Multi autem curiosa agentium conferentes libros combusserunt coram omnibus, & computaverunt pretia illorum, & invenerunt argenti myriades quinque. Quam summam Budeus quinque millia aureorum suorum valere putat. Profecto hos libros ejusdem omnino generis fuisse, quos comburi fecit Gregorius, futura nimirum prædicentes, Astrorumque cursus superstitione investigantes probatum est inter alios a Grotio in hoc caput, ubi inter alia hæc scripsit Γονιμάδης βίβλους libros magicos habent hic Patres Græci. Christiani vero diabolica hæc vocarunt. Sed Lucas recepta Ephesi voce uti contentus est. Ephesus ante alias civitates his pravis studiis dedita &c. Neque meliora tunc temporis continebant aliorum scriptorum, Rhetorum licet, Codices; unde nil mirum, si eadem forte, & ipsos condemnavit Gregorius, quandoquidem & ab Ethnicis etiam damnatos fuisse ex citato Suetonio patet, qui refert Cajo Fannio Strabone, & Marco Valerio Messala Coss. contra Philosophos, & Rhetores Senatus. Consulto cautum fuisse Romæ ne essent, iterumque censoris edicto*

Cn. Domitii, Cn. Ænobarbi, & L. Licinii sublatis fuisse id generis scholas, non ea quidem ratione ab Ericio Puteano excogitata <sup>a</sup>, quod *Martiales illi manu esse strenui, quam lingua malebant*, sed quod Rhetorum disciplinæ, ut bene adnotatum video abs Josepho Saxio, a Græcis inventæ in abusum ac turpem depravationem proruerant, Sophistarum vero argutiæ, & captiones, fictæque ad jus pervertendum controversiæ, juventuti ac Reipublicæ plurimum officiebant, unde non vera eruditio, ac sincera eloquentia, sed fraudolenta, & captiosa expulsa fuit <sup>b</sup>.

Iis autem rite seduloque expensis, quis non intelligit ex Mathematicorum exilio, ex librorum de superstitione, deque pravis moribus inducendis agentium combustionem, quam suomet jussu exemploque comprobavere ante Gregorium Imperatores & Ethnici, & Christiani, Summique Pontifices a recta discurrendi ratione omnino abhorrrere illud, quod conjicit Criticus noster *Bardum*, scilicet fuisse Gregorii ingenium, litterasque, & litteratos odio habuisse? Proh Deum immortalem! quis Gregorio veræ litteraturæ amantior? Quis Litteratorum cultior?

Ejus in investiganda veritate, atque in recta doctrina percipienda studium ostendit diligentia in consulendis vetustis Codicibus; cum enim Ephesinæ Synodi locum quemdam in vulgatis libris vitiatum fuisse suspicaretur, ita scripsit ad Narsem Comitem lib. vi. Epistolar. epist. xiv. *Caritas ergo vestra vetustos omnino Codices ejusdem Synodi requirat, & illic inde videat si quid tale invenitur, mihi que eundem Codicem quem invenerit transmittat, quem mox ut legero retransmitto. Novis enim Codicibus passim non credit, ex qua re dubius factus sum,*

*& ni-*

<sup>a</sup> In Dissertatione de scholis Palatinis.

<sup>b</sup> De studiis Mediolanensium p. 11. Med. 1729.



*Et* nihil adhuc volui de hac causa prædicto fratri meo Johanni Episcopo rescribere. Romani autem Codices multo veriores sunt Græcis, quia nos vestra sicut non acumina, ita nec imposturas habemus.

XIII. Neque minus certa, minusque efficacia suæ sollicitudinis in promovendis litteris, colendisque earum amatoribus servata sunt indicia; etenim tamquam majus lumen de sublimi quadam specula errantibus honestis disciplinis gravioribusque studiis viam ostendit, hospitio excepit suo in Palatio, Laicis hinc recedere jussis <sup>a</sup>, ubi litterarum studia reflorescere visa sunt: selectiora quippe ingenia sive ex Clericis, sive ex Monachis contubernalia habebat, quibuscum quidquid reliquis curis supererat temporis, gravissimis, sanctissimisque sermonibus traducebat, Magni Leonis vestigia persequens, cui prima fuit cura adfiscere homines pietate, & eruditione præclaros <sup>b</sup>. Sed ipsa præstat Johannis Diaconi verba etsi longiora exscribere, ne oratorio modo a nobis hæc esse enarrata aliquis putet: *Tunc rerum sapientia Romæ sibi templum visibiliter quodammodo fabricabat, & septemPLICIBUS artibus veluti columnis nobilissimorum totidem lapidum Apostolica Sedis atrium fuscibat. Nullus Pontifici famulantium a minimo usque ad maximum, barbarum quodlibet in sermone, vel habitu præferbat, sed togata Quiritum more, seu trabeata latinitas suum Latium in ipso Latiali palatio singulariter obtinebat. Refloruerant ibi diversarum artium studia, & qui vel sanctimonia, vel prudentia forte carebat, suo ipsius judicio subsistendi*

*coram Pontifice fiduciam non habebat.*

XIV. Antequam vero caput hoc absolvam a duobus aliis vindicandus est criminibus sapientissimus Pontifex, quæ Oudini quidem censoriam notam fugerunt, sed ab aliis, apud quos Gregorius noster non bene audit, solent ipsi intentari, quorum alterum est, pulcherrima Romæ ædificia, ut Peregrini Romam contententes in sacrorum locorum visitationibus tempus unice insumerent, humi æquari secisse, alterum vero Titi Livii opera flammis dedisse.

Paucis autem ab utroque me expedio, cum ostendam utrumque vehementi apud sanæ Critices sectatores debere suspicione laborare. Et ad primum quod attinet, & nullo nititur vetusto scriptore, & a recta cogitandi ratione prorsus est alienum; nam Gregorio utor verbis Platinæ hanc ipsam diluentis calumniam <sup>d</sup> post Deum, Patria, quam vita charior fuit. Idcirco non timuit Belius ipse (l. c.) scribere: „ Il „ n' est pas certain, qu' il ait fait „ détruire le beaux monuments des „ Romains.

XV. Ad alterum vero quod spectat omnium primus, qui hujusce rei meminit creditur D. Antoninus Florentiæ Archiepiscopus, & celebris xv. seculi scriptor; *At mirificus zelus fuit S. Gregorii*, inquit Vossius de Historicis Latinis, *qui ut S. Antoninus, & ex eo Johannes Hessellius, ex utroque Raderus ad Martialem tradit, Livium propterea combussit, quod in superstitionibus, & sacris Romanorum perpetuo versetur.* Unde autem S. Antoninus id acceperit se ignorare in-

ge-

<sup>a</sup> Praclarum Gregorii exemplum imitatus deinceps est, ad Ephesos quod attinet, Paulus IV. Pontifex Maximus gravissima antiquitatis vir, Congregationisque Clericorum Regularium Confundator. Eam legem hodierna quoque die Romani Pontifices custo-

diunt.

<sup>b</sup> Dissert. 1. de vita S. Leonis Magni pag. 135. tom. II. Oper. nova edit. Quisenelli.

<sup>c</sup> Lib. II. cap. XIII. cit. vita Gregorii.

<sup>d</sup> In vita S. Gregorii I.

<sup>e</sup> Lib. I. pag. 48. Francofurti an. 1677.



genue fatetur Johannes Albertus Fabricius hisce verbis <sup>a</sup>: *Nescio unde acceperit Antoninus Florentinus part. 4. Summæ Confess. tit. 11. cap. 4. quod tradit, Gregorium omnia scripta, quæ potuerit consequi T. Livii comburi fecisse, quod in illis multa de superstitione Idolorum traderentur.*

At videat Oudinus, quam sincere cum ipso disputemus. Neque primus fuit S. Antoninus, qui hanc commemoravit combustionem, neque incertum est unde ipse hoc acceperit: *De Gregorio Magno, sunt hæc S. Antonini verba, par. 4. Summæ Theolog. tit. 21. cap. iv. dicit prædictus dominus Johannes Dominici Cardinalis, quod omnes libros, quos potuerit habere Titi Livii, comburi fecit, quia ibi multa narrantur de superstitionibus Idolorum.*

Nihilotamen minus roboris nihil deperdit negatio nostra; Johannes enim Dominici ex Dominicanorum Familia, & S. R. E. Cardinalis, vir quidem fuit & pietate, & doctrina præditus, tamen cum ex altera parte nos hætenus lateat a quibusnam fontibus id hauserit, ex altera vero, quo minus indubiam faciat fidem, magnum est illud, quo a Gregorii temporibus distabat, intervallum. Ipso enim ducenomen dederat Dominicanis Antoninus, & vita functus est anno 1418. aut 1420. quemadmodum in vita habemus ejusdem S. Antonini <sup>b</sup>. Neque patiar, ut Oudinus mihi Hesselium Raderium, aliosque opponat recentiores, quos omnes ad unum revocandos esse S. Antonini, sive potius Johannis Dominici testimonium, ipse nos docet Bellius, qui *Verb. Leo X. negans in iis, quæ adversus Leonem X. <sup>c</sup> litteris consignavit in suo iniquitatis mysterio Philippo Moræo, de quo aliquid a nobis agen-*

dum erit *cap. VII. fidem esse adhibendam, hanc statuit regulam:*

„ On voit dans ce conte le my-  
„ stère d'iniquité, & dans une in-  
„ finité d'autres livres, toujours  
„ sans être muni de citation, ou  
„ n'ayant pour toute preuve que  
„ l'autorité de Baleus: de sorte que  
„ trois ou quatre cens auteurs plus  
„ ou moins, qui ont débité cela,  
„ en se copiant les uns, les au-  
„ tres, doivent être réduits à un  
„ seul témoin, qui est Baleus „.  
Quo circa nullius justam arbitramur reprehensionem incurrere, si usque dum probatiores educantur tabulæ, universæ illi narrationi minime nostram adhibeamus fidem, immo etsi male per illam combustionem Reipublicæ bono consultum fuisset, nil tamen ex illa, quippe quæ, ut minimum incerta, adversus Gregorium hætenus extendi posse, pro certo affirmare non veremur. Verumtamen si de Livii combustionem constaret, nihilominus *mirificus*, ut ait Vossius supra laudatus, Gregorii *zelus* minime reprehendendus esset totum Livium proscribentis ac Vulcani committentis in odium tot ineptiarum, & superstitionum, quibus identidem scatere præter Vossium, & Lipsium, & Possevinum, & plerique alii magni nominis viri ostenderunt quidquid in contrarium dicat Johannes Tolandus in suo Tito Livio vindicato <sup>d</sup>.

### C A P U T III.

*De libris Job, sive Moralium.*

XVI. **E**Ximius perfunctus muneribus, gravissimisque exanthlatis laboribus utraque in Roma cum veteri, tum nova, in sui Monasterii claustra anno quingentesimo

<sup>a</sup> *Bibliotheca Media, & infima Latinitatis tom. 3. pag. 746. Amburg. an. 1735.*

<sup>b</sup> *Pag. 28. sub initium tom. 1. Summæ Antonini Verona 1742. & apud Eccardum*

*in Bibl. Scriptorum Ordinis S. Dominici.*

<sup>c</sup> *In Dictionario pag. 1684. cit. edito.*

<sup>d</sup> *Hæzæ Comitum 1709.*

mo octuagesimo octavo se tertio receperat atque abdiderat Gregorius. Hoc in recessu a negotiis, quibus curiam incolens undique premebatur, remotus vitam ducebat feriatum quidem, sed non otiosus: *nihil enim*, ut scite observatum est a Vicentio Riccardo Cl. Reg. in vita S. Proculi Archiepiscopi Constantinopolitani<sup>a</sup>, *sanctissimorum virorum quiete actuosius, & cum vacant, tum maxime Dei magnalia vident, eaque aliis videnda proponunt* — Totus igitur in rerum contemplatione dum esset, ad limam vocavit, atque retractavit suam in Jobi libros ethicam interpretationem, quam susceperat Constantinopoli Apocrisiarium agens, petentibus, quos ex Urbe secum duxerat Monachis, & Leandro Hispalensi Episcopo, quocum in nova Roma consuetudinem iniverat, sub sui vero Pontificatus initium triginta & quinque digestam libris, qui ob ethicæ monita potissimum, quibus repleta est, atque resplendet Morales dicuntur, compleverat, & primo per Urbis Monasteria subdividerat, postremo vero eidem Leandro Episcopo destinaverat. Hos referens libros Oudinus *Nimie*, inquit, cap. III. *simplicitatis ac moralium immoderate luxuria quisquis commentarium hunc argueret, haudquaquam a vero rectoque aberraret ille iudicio*. Quo quidem præconcepto iudicio factum esse reor, ut præstantissimi huius libri lectio tantam moverit delicatissimo nostro Critico nauseam, ut illum deterruerit a discutiendo *ad finem usque*.

XVII. Profecto non ita sensere probatissimi viri cum veteres, tum recentiores, qui perspicui & probi ingenii lumen hisce in commentariis cognovere, ubi non simplicia quidem sunt verba, quæ stomachum ure moveant, sed pura & casta si-

ne fuco, sine lenocinio: non vacuæ, & lectorem a se removens, sed ponderosæ, pioſque animos concilians sententiæ e purioribus haustæ Scripturæ sanctæ, Veterumque saniorum auctorum libris non per vim tractæ, sed quasi sponte adductæ; ubi feracissimus ad verâ Religionis nostræ dogmata confirmanda, atque asserenda fons continetur; ubi allegoricum tunc secutus est sensum, cum verba *superficie tenus accepta nequaquam instructionem legentibus, sed errorem gignerent*. Quod vero nimia allegoriarum frequentia obiecta sit Gregorio a nostratibus etiam Auctoribus, mihi potius hinc laudandus videtur. Etenim non eo quidem inficias unam aliquando litteram in scripturis docere, verum longe frequentius in aliis sensibus virtutum semina latitare, nemo est qui nesciat; sic enim ipsum scripturarum potissimum auctorem Christum Dominum nos docuisse, S. Augustinus auctor est: *Dominus Noster Jesus Christus*, inquit<sup>b</sup>, *eaque faciebat corporaliter etiam spiritualiter volebat intelligi; neque enim tantum miracula propter miracula faciebat, sed ut illa quæ faciebat mira essent videntibus, vera essent intelligentibus*.

Hoc autem dicendi genere, etsi aliquando frigidiusculum nonnullis sapiat, usi tamen sunt quam frequentissime veteres Ecclesiæ Patres, quorum lucubrationes censoris nostri laudes extorserunt Basilii, Athanasii, Chrysostomi, Hieronymi, alique, quod intelligerent vulgum, cui debitorum in primis erant, non solum delectari, atque ad virtutis amorem *allici* gravi, & plana, sed etiam, immo ut plurimum magis admirabili atque acuta oratione. Sensum autem literalem non quidem nunquam (quod falso ab aliquibus est

<sup>a</sup> Pag. 23. Roma 1630.

<sup>b</sup> Serm. 44. de Verbis Domini cap. 111.

rom. v. pag. 518. E. M.



est affirmatum) sed tunc est amplexatus, cum timeret ne litteralis historiae sensus oblatum sibi veritatis lumen absconderet<sup>a</sup>, mysticum vero frequentius investigat, quoniam totum id, quod legimus in divinis libris nitet quidem, & fulget etiam in cortice, sed dulcius in medulla est: qui edere vult nucleum, frangat nucem: uti ad hanc in sacrarum Scripturarum interpretatione ineundam rationem Paulino Nolano Episcopo auctor erat S. Hieronymus in hisce dandis regulis vel facile principes<sup>b</sup>. Atque, ut paucis omnia comprehendam, fuisset Gregorii verbis loco citato, quadam Historica expositione transcurrit, & per allegoriam, quadam typica investigatione perscrutatur, quadam per sola allegorica moralitatis instrumenta dissecutit, nonnulla autem per cuncta simul sollicitius exquirens tripliciter indagat. Quamobrem miranda rationis a Venerab. Beda lib. II. Historiar., mirabile opus a Sigeberto Gemblacensi de scriptoribus Ecclesiasticis, & ab Isidoro Hispalensi hoc encomio laudatur<sup>c</sup>: *Gregorius Papa, Romanae Sedis Apostolica Praesul, compunctione timoris Dei plenus, & humilitate summus, tantumque per gratiam S. Spiritus scientiae lumine praeditus, ut non modo ibi praesentium temporum quisquam Doctorum, sed ne in praeteritis quidem illi par fuerit unquam. Is, efflagitante Leandro Episcopo, librum B. Job mystico morali sensu differuit, totam prophetiae ejus historiam in triginta quinque voluminibus largo eloquentiae fonte explicavit, in quibus quidem quantae mysteria sacramentorum aperiuntur, quanta sint in amore vitae aeter-*

*nae morum praecepta, vel quantae clareant ornamenta verborum, nemo sapiens explicare valebit, etiamsi omnes artus ejus vertantur in linguas.*

Ab aliis praecclaris hominibus tantum factum est opus hoc, ut, auctore adhuc superstite, a multis Episcopis cum ad eorum mensas<sup>d</sup>, tum publice ad cursus diurni vigiliis legi coeptum erat: quod ubi modestissimo Pontifici nuntiatus fuit, ne amplius id fieret, his datis ad Johannem Subdiaconum Ravennae literis prohibuit<sup>e</sup>: *Illud autem quod ad me quorundam relatione perlatum est, quia Reverendissimus Frater, & Coepiscopus meus Marinianus legi commenta B. Job publice ad vigiliis faciat, non grante suscepi, quia non est illud opus populare; & rudibus auditoribus impedimentum magis, quam proventum generaret. Eo autem vita functo, ut ejus lectio omnibus esset facilis, atque expedita, multae factae sunt Epitomae, atque exteris in linguas translationes, quas videre licet in praefatione Benedictin. in libros Moraliū.*

Tale profecto judicium de illo tulerunt veteres homines, qui studio partium minime abrepti sedulo eum perlegerunt.

XVIII. Recentiorum autem omnium nullum ferme inveniret finem praefens hoc caput si praeconia essent recensenda. Sat mihi erit in medium protulisse e nostratibus Dupinium illum, cujus loco atque auctoritate rem suam confecisse gloriatur Oudin<sup>us</sup> loc. cit. & e Protestantibus Thomasiū Jamesiū, Johannemque Clericum: *Corpus Com-*  
*men-*

<sup>a</sup> S. Gregorius lib. 1. Moraliū num. 4.

<sup>b</sup> Epist. LVIII. ad Paulinum pum. VII. edit. Veron. 1734.

<sup>c</sup> De Scripturib. Eccles. cap. XXVII.

<sup>d</sup> Laudabilis hac eaque apprime utilis consuetudo legendi libros ad mensam magno

olim in usu per Concilium Tridentinum sess. 11. per S. Carolū Borromaeū Mediolanensibus in Conciliis primo & quarto capite de Episcopi mensa restaurata, a clarioribus Episcopis hodie quoque observatur.

<sup>e</sup> Lib. XII, epist. XXIY.



mentarii convenit idea, quam in Prologo obtulit: hoc est, vix ac ne vix quidem explicationi litteræ adhaeret, sed allegoriis, & moralitatibus, quas textui Job adaptat, quarum pleraque pari jure aliis omnibus sacrae Scripturae locis applicari possent. Sed non tam ille sollicitus erat libro Jobi explicando, quam operi, quod infinitam cogitationum moralium struem contineret, colligendo. Ac ingenue fatendum est, hos libros, etsi minus eximios in librum Job Commentarios, maximum tamen moralitatum, quas contineant, esse repertorium. Incredibile quanta contineant principia, regulas, & doctrinas omni hominum generi convenientes tam Ecclesiasticorum, quam Laicorum, tam secularium, quam regularium, tam majorum, quam minorum, atque ut uno complectar verbo omni statuum generi, omnium aetatum, ac conditionum. Hoc opus heic sigillatim expendere nolumus, si enim commentariorum ejusmodi moralium, & allegoricorum summam ex cernere vellemus, in immensum excresceret labor noster. Hoc opus multa cum simplicitate, ac perspicuitate, non tamen cum tanto acumine ac elevatione scriptum est.

<sup>a</sup> Integrum hunc Dupinii locum, uti est abs Oudino relatus, describere, etsi prolixum, operæ pretium arbitratus sum, ut accuratus quisque lector vel per se dignoscat non ex judicio, sed ex odii præsumptione, quemadmodum olim contra Hieronymum Rufinus actitabat, ita & nunc Criticum nostrum scribere contra Gregorium; nam Dupinii locus quin obsit, immo prodest huic Pontifici. Adhibet quidem Gallicus hic scriptor epithetum simplex; at æqui-

vocum illud est, ac anceps; malam enim in partem non minus ac in bonam sumitur a latinissimis auctoribus; sed bonam in partem ut plurimum sumi certissimum est: ita Cicero de Officiis l. 1. c. xxx. u. x. sunt his alii multum dispares, simplices, & aperti, qui nihil ex occulto, nihil ex insidiis agendum putant, veritatis cultores, fraudis inimici. Ita Paullus Manutius vir, si quispiam alius, latinæ linguæ callentissimus in epist. v. lib. 1. Epistolar. Reginaldum Polum, quem in dedicatione operum Poli humaniorum litterarum cultissimum dixerat, sic describit: Et est homo, ut scis, natura simplex, rectus, cujus ab intimo sensu nunquam, ne minimum quidem, aut vultus, aut oratio discrepat. Sexcenta in latinæ linguæ Lexicis obvia sunt id generis exempla. Reipsa a Dupinio bonum hunc in sensum simplicis vocem acceptam fuisse solus ille negare potest, qui meridiano sole de industria tenebras querit. At hæc ferme extra ordinem: ad propositum revertamur, & Thomasi Jamnesii Angli, datam fidem ut liberemus, afferatur testimonium: Inter omnia opera, ait ipse in Vindiciis Gregorianis<sup>b</sup>, quæ merito S. Gregorii Magni Papæ censentur ab omnibus, primum locum obtinent libri Moralium, idque duplici jure ordinis, & dignitatis; ordinis, quia primo conscripti sunt ab eodem sanctissimo Patre, cum adhuc Apocristarius Romanae Ecclesiæ in Constantinopoli degeret: dignitatis, quia in hujus libri expositione copiosa, & eleganti, ceteros enarratores tanto post se intervallo reliquit, quanto in omnium rerum cognitione scientia experientia conjuncta

super-

<sup>a</sup> Mirum sane est a Barbeyracio hunc prolatum esse Dupinii locum ( P. 50. Præf. in Puffend. ) ut suum & adversus hunc veterem Patrem promat venenum; cum ipsi grates habere potius debuisset ob eximiam illam quæ ad mores dirigendos spectat regulam.

Tom. XVI.

lurum silvam; Raros enim esse Protestantibus quorum studia in explicandis morum regulis versantur, jure ac merito Barbeyracius ipse conqueritur.

<sup>b</sup> Pag. 1. citata edit.

*superior fuit. Et quamquam e scriptis illius posterius editis, postquam ad culmen dignitatis sacerdotalis proventus esset, quadam plusculum fermenti haberent Pontificii, tamen in hisce commentariis non facile quisquam invenit quod possit incurrere in reprehensionem alicujus mature, & cum judicio legentis. Johannis autem Clerici hoc est judicium in Biblioth. Universali ad ann. 1698. <sup>a</sup>: L'Ouvrage (sur Job) de S. Gregoire ne laisse pas d'etre utile, parce qu'on y trouve un grand nombre de principes, de regles, & d'instructions utiles a toutes sortes de personnes,,. Porro triplices illos sensus litteralem nimirum, allegoricum, atque mysticum aptius atque utilius ut proponeret, eliceretque nonster modo veteri usus est scripturæ Sanctæ latina versione ad septuagintaviralis interpretationem expressa, modo recenti ex hebraico fonte a S. Hieronymo concinnata, ut quia (sic ipse mentem suam exponit in Epistola Dialogorum libris præmissa) *Sedes Apostolica, cui Deo auctore præfideo utraque utilis, mei quoque labor studii ex utraque fulciatur.* Ex qua versionum varietate perinde commodius, ac delectabilius laborem suum deduxit, & præ se novum acuti judicii specimen tulit, idcirco ab homine Criticæ longe severioris Oudino, nempe Riccardo Simone, laudatur duplici in loco suæ Gallicæ in vetus Testamentum Criticæ Historiæ, nempe l. II. cap. VIII. & x. <sup>b</sup> cujus auctoritate caput hoc absolvetur., Saint Gregoire Pape s'est servi utilement de cette regle, dans ses commentaires sur Job, ou il abandonne quelquefois l'ancienne edition latine, qui avoit été faite sur le Grece de septante, pour suivre la nouvelle version de Saint Hierome sur l'Hebreu, qu'*

„ il trouvoit plus nette, & plus juste . . . . Ce Pere avoit beaucoup lu les ouvrages de Saint Augustin dont il a rempli ses Livres, & il paroît judicieux, en ce qu'il ne s'est pas attaché entièrement a l'ancienne version latine qui avoit été faite sur le Grec des septante, & qui étoit encore dans ces tems-là la version vulgate, mais il a souvent recours a la nouvelle traduction de Saint Hierome sur l'Hebreu, principalement dans les endroits où il la trouvoit meilleure que l'ancienne „,

## CAPUT IV.

*De libris Dialogorum.*

XIX. **S**ED majus negotium, atque difficilius facessere nobis videtur censoris nostri ex dialogorum libris, quos anno circiter sui Pontificatus quarto Monachis, quibuscum vitam agebat enixe rogantibus elucubrat, petita accusatio, utpote quæ a Romanis etiam aliquot magni nominis Scriptoribus, & olim & hodie intentata. Unde maxime dolemus, homines istos, quos tamen apprime colimus, fuisse aliquanto in hunc nostrum minus æquos. Compertum quidem nobis est non ea omnia tamquam vera habenda esse, quæ jactantur miracula, acutoque in illis discernendis opus esse Criterio; sed & istud omnino veritati consonum affirmamus, quod verum esse cognovit ipsemet Romanæ Societatis hostis, homo cæteroquin humanissimus, atque a præconceptis judiciis Protestantium sententia alienissimus Joan. Albertus Fabricius <sup>c</sup>: *Multa habentur vulgo profalsis, quia sunt insolita, cum verissima sint.* Nimis igitur credulitatis, & rudis, & stolidæ simplicitatis propter hos Dia.

<sup>a</sup> Tom. XXI. par. 1. pag. 136.

<sup>b</sup> Tom. 1. pag. 387. 409. Roterodam 1685.

<sup>c</sup> Biblioth. Græc. T. 1. p. 698, Hamburgi 1718.



Dialogos inurit calumniam nostro Pontifici Oudinus Guillelmo. Caveo subscribens, gravissimo Melchioris Cani testimonio sese inniti, jactanti & glorianti. Quamobrem, priusquam ad Gregorii vindicias venio, invidia ex auctoritate Melchioris Cani, quem inter communionis nostrae Theologos principes veneror, conflata, propter quam male, & ipse Canus apud multos e nostratibus audit, deprecanda esset; ast actum agere videremur; illud enim copiose satis ac fortiter in prolegomenis ad eam, quae in omnium est manu Patavii primum, & nuperrime Venetiis ejusdem Cani factam editionem exsecutus est celeberrimus Dominicanæ familiæ, Lyceique Patavini Theologus Hyacinthus Serry. Quibus ab hoc Auctore adductis, & hæc addere placet verba ex eodem Cano excerpta locorum Theologicorum undecimo l. c. 6. ubi primam statuit ipse auctoritatis Historicæ legem: *Prima lex*, inquit, *ex hominum probitate, integritateque sumetur. Quae omnino res locum habet, cum, quae narrant Historici, ea vel ipsi se vidisse testantur, vel ab his, qui viderunt, accepisse. Qualia sunt pleraque in Epistolis Ambrosii, Cypriani, Hieronymi, Augustini, in libris quoque hujus de Civitate Dei, in Dialogis Gregorii, breviter in omnibus fere Doctorum Ecclesiæ probatissimorum scriptis, in quibus mendacium suspicari, quod ad memoriam sempiternam transferre illis scribendo voluerint, piaculum est. Magnis quippe præclarisque virtutibus viri Sanctissimi, atque optimi id consequi meruerunt, ut in rebus ejusmodi, quas vel spectasse se, vel ab aliis fide dignis, qui spectarint, se audisse testati sunt, fides omnino illis habeatur.* En præclarissimæ Gregorianorum Dialogorum ipsiusmet Episcopi Canariensis verbis conceptæ adversus Oudinianas criminationes vindiciæ. Sed

quoniam in hoc contentionis summa haud impendet, demus Oudino gratias, Dialogos istos Cano haud prorsus placuisse, sicut & non placuisse alicui alii: at placuerunt sane aliis emundatissimæ naris Auctoribus. Placuerunt Photio severissimæ Criticæ, & nostro, & omnium judicio quam quisque maxime cultori, veterumque Scriptorum enucleatori egregio. Sic enim libros istos in Codice ducentesimo quinquagesimo secundo<sup>a</sup> commemorat: *Admirandus hic Gregorius multos quidem, & utiles in primis libros Latine conscripsit, ut homilias, quibus Evangelia populo explanavit. Quin etiam vitas eorum, qui in Italia clari essent, salubribus admixtis narrationibus, quatuor dialogis concinnavit. Etenim centum, & sexaginta quinque annis ii, qui latinam linguam ignorarent, soli utilitate hujus operis frustrati sunt. Zacharias vero, qui hujus Sancti Viri post illud tempus successor fuit cognitionem utilitatemque in Italia conclusam in Græcam linguam vertens, communem utilitatem orbi terrarum benigne exhibuit. Nec solum Dialogos, sed & dignos lectione alios labores in Græcam linguam transferre operæ pretium duxit.* Placuerunt illi Historicæ Ecclesiasticæ Gallico Scriptori, quem summis laudibus Religionis Reformatæ homines commendant. Is est Abbas Fleury, ejus verba, utpote legi cognoscique dignissima, exscribenda sunt: „ Je sçais, „ inquit in sua Hist. Eccl. ad ann. „ 593. l. 35.<sup>b</sup> que cet ouvrage de „ Saint Gregoire, est celui que les „ critiques modernes ont trouvé plus „ digne de leur censure, & quelques uns de leurs mepris. Mais „ ce que j'ai rapporté, & ce que „ je rapporterai encore des actions, „ & des sentiments de ce Saint Pape, ne permet, ce me semble, „ de le soupçonner, ni de foiblesse

d 2

d'cf.

<sup>a</sup> P. 1999. Colonia Allobrogum 1612.<sup>b</sup> T. 8. p. 73. Bruxelles 1721.



„ d'esprit, ni d'artifice. On voit  
 „ par tout l'humilité, la candeur,  
 „ la bonne foi, avec une grande  
 „ fermeté, & une prudence consommée. Il est vrai qu'il avoit plus  
 „ tourné son esprit aux réflexions  
 „ morales, & à la conduite des affaires, qu'à l'étude des sciences  
 „ speculatives, & des lettres humaines. C'est pourquoi il ne faut  
 „ pas s'étonner s'il a suivi le goût  
 „ de son siècle, de raconter, & de  
 „ recueillir des faits merveilleux.  
 „ D'ailleurs saint Gregoire n'avoit  
 „ point à combattre des Philosophes  
 „ qui attaquaient la religion par  
 „ raisonnement. Il ne restoit gueres d'autres payens, que des païsans,  
 „ & des serfs rustiques, ou  
 „ des soldats barbares: que les faits  
 „ merveilleux persuadoient mieux,  
 „ que les syllogismes les plus concluans. Tout ce que saint Gregoire  
 „ a cru devoir faire, est de  
 „ ne rapporter que ceux qu'il croioit  
 „ les mieux prouves: apres avoir  
 „ pris pour s'en assurer toutes  
 „ les precautions possibles. Car en  
 „ general, sa foi, & sa pieté ne lui  
 „ permettoient pas de douter de  
 „ la puissance de Dieu. Son intention,  
 „ en rapportant ses miracles,  
 „ est tres-pure: c'est de confirmer  
 „ la foi des foibles sur l'immortalité  
 „ de l'ame, & la resurrection  
 „ des corps: sur l'intercession  
 „ des Saints, & la veneration  
 „ des leurs Reliques: sur l'utilité  
 „ de la priere pour les morts;  
 „ particulièrement du saint Sacrifice,  
 „ toutes crèances, & pratiques  
 „ établies comme nous avons  
 „ vu dès les premiers tems de l'Eglise.  
 „ Aussi ces Dialogues furent regus  
 „ d'abord avec un merveilleux  
 „ applaudissement; & ont continué  
 „ d'être estimés pendant huit ou  
 „ neuf cens ans. Sainte Gregoire  
 „ les envoya à la Reine Theodelinde;  
 „ & l'un croit qu'elle s'en servit

„ pour la conversion de Lombards;  
 „ qui pouvoient savoir la verité  
 „ de la plupart des miracles qu'ils  
 „ contiennent, puisqu'ils étoient  
 „ arrivés sur des gens de leur  
 „ nation, qui n'étoient en Italie  
 „ que depuis environ trente ans.  
 „ Le Pape Zacharie traduisit cet  
 „ ouvrage en grec environ cent  
 „ cinquante ans après; & il fut  
 „ tellement du goût des Grecs,  
 „ qu'ils en donnerent à saint  
 „ Gregoire le surnom de Dialogue.  
 „ Sur la fin du huitième siècle,  
 „ ces livres furent traduits  
 „ même en Arabe. “ Quid quæso  
 „ ad ostendendum iniquam, si  
 „ uspiam a tibi, Oudini in  
 „ Gregorium accusationem  
 „ efficacius dici potest?

XX. Enim vero iis in libris præclarissime Gregorius egit pro suo instituto; nimirum postquam aureo illo de cura Pastoralis libro Ecclesiasticum quemque salutaribus præceptis ad innocentiam formare conatus erat, sanctissimisque moribus induere, illud idem exemplis ex Italorum hominum probata vita desumptis Hieronymum imitatus, Theodorum, Cassianum, efficere in animum sibi proposuerat optimo sane consilio. Tunc enim dignum operæ pretium venit cum inter se congruunt præcepta, & experimenta, hominesque potissimum rudes, propter quos imprimis illud opus Romanum Pontificem sibi sumfisse conscribendum, affirmavit citatus Historiæ Ecclesiasticæ Auctor, exemplis aptius quam verbis moveri solent, ac persuaderi. Multa retulit quæ fuisset oculis inspexerat, obtinuit cætera ab amicis, quorum opem datis litteris petierat. Nunc vero sit mihi per te, Benigne Lector, facultas concessa, ut Oudinum, aliosque omnes horum Dialogorum morosos nimis censores istis, quas in præfatione ad eosdem libros adhibere doctissimi Maurini interrogantur, oculis compellem<sup>a</sup>.

Pri-

Primò autem ab eisquæro, utrum sincere credant, quæ tum in veteri, tum in novo Testamento narrantur miracula, licet omni verisimilitudine careant? Hevæ colloquium cum serpente, *Genes. 3.* Uxorem Loth in Statuam Salis conversam *Genes. 19.* Asinam cui Balaam infidebat, humano more, immo præter plerorumque hominum captum, & consuetudinem, cum ipso sapientissime disputasse, *Num. 22.* E molari dente maxillæ asini aquas erupisse, ut unius Samsonis sitis exstingueretur, *Judic. 15.* Staterem inventum in ore piscis recenter hamo capti, *Matth. 17.* Petrum super aquas ambulasse, *Matth. 14.* Legionem dæmonum ex unico homine ejectam a Christo, & missam in porcos, qui præcipiti cursu in mare se projecerunt ac perierunt, *Marci 5.* & similia quamplurima.

Secundo interrogare liceat eos, qui ita exsufflant relata a Gregorio miracula, utrum indubitatam fidem habeant Christo etiam cum sacramento asserenti, *Johan. 14. 12. Amen, amen, dico vobis, qui credit in me, opera, quæ ego facio, & ipse faciet, & majora horum faciet.*

Tertio concedant nobis illi tam emunctæ naris Critici, tempus edendis illis signis, ac miraculis magis idoneum fuisse, quando vocandi ad fidem fuerunt Barbari a vera religione, Deique cognitione prorsus extorres, Quippe Apostolo teste *1. Cor. 14. 22. Linguae (idem dic de cæteris miraculis) non fidelibus, sed infidelibus; prophetiæ autem non infidelibus, sed fidelibus.* Iudæis ergo, quibus concessæ prophetiæ tamquam fidelibus, denegata ut plurimum signa, quæ Gentilibus a fide prorsus alienis reservata, & reposita fuerunt.

XXI. His autem impetratis, minime obstupescendum, labente quinto sæculo, & fete toto sexto decurrente (quæ tempora Gregorius Dialogis suis complectitur) tot tan-

taque a Deo procurata fuisse miracula. Nimirum totus pene tunc orbis aut in idololatriæ tenebris, aut in densa nefandarum hæresum caligine misera jacebat: adeo ut vix unus tunc, maxime in occidente regnaret Princeps, qui verum Deum legitimo ritu coleret. Italia aut ab Ostrogothis Arianam perfidiam amplexis occupata, aut Langobardis postea tradita, qui Arianorum errores æque sectabantur, vel idololatriæ, quod pejus est, serviebant; Gallia Francis idolorum cultoribus, vel ab eorum cultu paulo ante, nec perfecte revocatis parebat, aut Wisigothis, aliisque Barbaris fidei Catholicæ infestis. Hispania iisdem Wisigothis, & Suevis æque Arianis cesserat; Britannia Insula novis hospitibus, Anglis videlicet subdita, reintegratum suis in templis idolorum cultum ingemiscebat; Wandali Africa potiti, bellum atrocissimum Catholicis indixerant, ut Arianum dogma statuerent.

Numquid igitur a Dei benignitate ac providentia tum abhorrebat fieri miracula tot, & tanta, quibus ad veritatis lucem infideles pellicerentur? Quod sane contigit. Nam intra non multos annos Langobardi Arianam impietatem ejurarunt; Gothi Catholicam fidem amplexi sunt in Hispania, auctore, ac hortatore Reccaredo Rege; Angli Christo nomen dederunt; omnes denique ad Christianæ, & Orthodoxæ fidei unitatem recepti.

XXII. Quod spectat ad Langobardos, qui magna ex parte Italiam his temporibus obtinebant, eorum conversionem non mediocriter promoverunt Gregoriani Dialogi: his enim ad se missis a Gregorio, narrante Paulo Diacono, usæ est Theodelinda Regina, ad Catholicam fidem tum Regi, tum ejus Gentilibus, & subditis persuadendam. Enim vero hac in historia plurima narrantur miracula,



cula, ipso spectante Langobardorum exercitu facta, quæ nisi certo constitisent, omniumque fuissent calculo comprobata, Langobardi, quos Gregorius urbis magis, quam hominibus similes propter ferocitatem depingit, irrississent; majorique quam antea odio in Catholicam fidem, Ecclesiamque Romanam exarsissent. Contrarium autem contigisse refert ex eadem gente Paulus Diaconus *lib. iv. de Gestis Langobard. cap. iv.* scilicet Agilulfum Regem, cæteris fere ipsius exemplum sequentibus, Catholicam fidem amplexum esse, Ecclesis ademta bona restituisse, Episcopisque debitum honorem impendisse.

Præter idololatriæ reliquias in Italia, & alibi passim adhuc superstites, aperteque grassantes hæreses, apud ipsos etiam, qui Catholici audiebant, exitiosi serpebant occulteque disseminabantur errores, contra animarum immortalitatem, & corporum Resurrectionem. De posteriori ancipitem olim se fuisse, humiliter fatetur ipse Gregorius *homil. xxvi. in Euangelia. Multi enim, inquit, de resurrectione dubitantes, sicut, & nos aliquando fuimus. Vide etiam lib. II. in Ezechielem homil. viii. & lib. xiv. Moral. num. 70. Greg. Turonicus lib. x. hist. cap. xiiii. & xiv.* testatur quemdam Ecclesiæ suæ Presbyterum docuisse *futuram non esse resurrectionem*; quem ipse debellavit: & Theodulphum Diaconum Urbis Parisiacæ, qui sibi videbatur in aliquo sciolus, sæpius de hac causa altercationes movisse. Audiamus Petrum Diaconum cum Gregorio colloquentem *lib. i. cap. xxxviii. Dial. Quia multos intra Sanctæ Ecclesiæ gremium constitutos, de vita animæ post mortem carnis perpendo dubitare. Quorum saluti prospiciens Gregorius, post asserta invictissimis*

argumentis hæc fidei dogmata, plurima congerit miracula, & prodigia, quibus ut immortalitas animæ, ita resurrectio carnis apud rudiores efficacius probaretur.

XXIII. Ex his quæ gesta refert Gregorius, nonnulla sunt quibus ipse interfuit; alia vero a locupletibus testibus acceperat; nimirum a Sanctissimis Episcopis, fuci prorsus expertibus, ab integerrimæ vitæ Monachis, aut Monasteriorum Præfectis, a viris nobilibus, & ingenuis. Nihil ex imperiti vulgi rumulculis scripsit. Cur ergo reus postulatur, cum exploratum sit, historiæ leges ab eo tanta cautione scribente religiose fuisse observatas?

Neque tamen velim idcirco iurejurando affirmare nihil falsi obrepisse in rerum, quæ narrantur adjunctis, & circumstantiis. Quinimmo inficiari non possum in his quæ leguntur de S. Paulino Episcopo Nolano, aliqua pugnare contra historiæ veritatem; videlicet quod abductus fuerit in Africam a Wandalis Campaniam devastantibus; cum nonnisi diu post S. Paulini obitum Wandali Africam occupaverint, & depopulati sint Italiam. Ex hoc tamen loco insolubiles difficultates non oriuntur. Dici etenim potest Wandalos hic pro Gothis esse sumtos, quod ex eadem gente forent orti, legibus iisdem uterentur, eademque lingua, quam Gothicam vocant, eidem hæresi addicti essent<sup>a</sup>.

Nolam ab Gothis fuisse captam circa ann. Christi 410. consentiunt scriptores omnes. Quo tempore a Barbaris victus Paulinus, ut ubi opes reconditas haberet, indicaret, Deum ita precabatur, teste August. *lib. i. de Civit. Dei cap. x. Domine non ex crucier propter aurum, & argentum, ubi enim sint omnia mea, tu scis. Verisimile autem videtur,*

ca-

<sup>a</sup> Eam difficultatem ita solvit auſter Dissertationis sep. in S. Paulini vitam pag.

796. opp. S. Paulini edit. Vren. an. 1736.



captivos, & in his Paulinum, unacum Gothorum exercitu, ex Italia in Gallias, & triennio post in Hispaniam abductos ac Wandalis, qui ab anno 409 Hispaniam invaserunt, venditos<sup>a</sup>. Hac enodata difficultate plana sunt omnia in Dialogis, tum quoad historiam, tum quoad Chronologiam.

XXIV. Si qua describuntur miracula, rationi minime sunt contraria. Similia occurrunt apud Ambrosium, Augustinum, præsertim in libris de Civitate Dei, Hieronymum, Sulpicium Severum ex Patribus Latinis; ut interim taceam Gregorium Turon. Fortunatum Pictav. Nicetium Trevirenses; atque ex Græcis apud Theodorum in historia religiosa, Gregorium Nissenum in vita Gregorii Neocæsareæ Episcopi, cognomento Thaumaturgi, ipsumque Athanasium in vita S. Antonii, quam ei jure ac merito asseruit in novissima operum S. Athanasii editione Montfauconius. Itaque ne propter insolentiam narratis a Gregorio miraculis fides denegaretur, minus credibilia similibus exemplis aliunde accessitis munire curaverunt Maurini editores operum Gregorii, ut videre licet *lib. 1. cap. 1. II. IV. & lib. III. cap. III. & seq.*

XXV. Quod attinet ad eos, quos pius Doctor in extremis positos futura vaticinatos esse testatur, ut *lib. IV. cap. XXVI. id illustrari potest ex Aug. lib. XII. de Genesi ad litt. cap. XVII. ubi similia proferruntur, quem consule. Lege quoque doctissimum Petitum lib. 1. de Sybil. quo in loco laudat Tertull. lib. de Anima c. LIII. & utitur testimonio Tullii lib. 1. de Divinatione asserentis hominem quemdam ex insula Rhodo sex aliorum mortem prædixisse.*

Cæterum quibus non ita placent

miracula, liberum est, his prætermis, insignia virtutum exempla hic proposita feligere; quæ proculdubio, ut ipse monet Sanctus Doctor *lib. II. cap. ultim.* miraculis omnibus sunt anteponenda. Ut in unico stemus, quis ad Sanctuli Presbyteri humilitatem, patientiam, caritatem, ut *in lib. III. c. XXXVII* delineantur, non obstupeſcat? Hactenus fere ad litteram Maurini: Quid ad hæc Criticus noster? Profecto mihi videor tantas in angustias redactum hominem videre, ut Maurinorum vindicias etsi fuerint Gallice primum, latine deinde editæ, dissimulare satius putaverit.

XXVI. Quamobrem parta jam, & de hoc certamine adversus illum victoria, eo converteremus arma, quo impetum, atque impressionem facere nititur. Ast ad redintegrandam eodem loci pugnam evocamur a Belio Oudini commilitone. Belius enim tertiam heic positam rationem, quæ circa miraculorum necessitatem ob Infidelium conversionem versatur, contendit nihil probare, quod, ait, *nimis probet*. Si enim ut ad bonam frugem veteres illi converterentur, tot stupenda requirebantur, atque fiebant miracula, quid est, cur novissimis hisce temporibus, quibus hæreticis non minus ac olim abundamus hæc non videmus? „ Il y a „ eu d'ailleurs dans ces deux siècles „ un tres grand nombre d'Heretiques „ a convertir. Il faudroit donc „ que les miracles eussent ete pour „ le moins aussi frequens dans ces „ siècles là, que dans le siècle de „ Saint Gregoire. Concluez de là „ que le raisonnement du Pere Denys de Sainte Marthe ne prouve „ rien, car il prouve trop „: sunt hæc illius verba in famoso illo Dictionario verbo: *Gregoire*.

At fateor ingenue non video quid fidi

ptivitate S. Paulini.

<sup>a</sup> Conjectura hac proponitur in citata Dissertatione, qua idcirco inscribitur. De Ga-

sibi velit novus hic hostis : cum enim modo unam suis in libris petat societatem, quam impugnet, modo alteram ulli eum fuisse addictum, multi sunt qui negant docti homines, idcirco nulla assequi possum ratione, quosnam ipse hæresis labe infectos innuere voluerit hominum cœtus; aut enim eos spectabat, qui nonnulla Christianæ religionis dogmata profitentur, atque ab aliis dissentiant, cujusmodi sunt omnia Religionis, uti vocant, *Reformatæ* membra, aut Catholico Romanam intellexit Ecclesiam : si de primis locutus sit, non est cum eo contentiosa disputatione certandum; damus enim, & libenter damus, verâ miracula ibi ostendi non posse, quippe disertissimis rationibus, quas adversarii nondum labefecerunt, neque unquam labefacturi sunt, nostri evicere Scriptores, ea fieri non posse in asserenda falsa Religione. Porro falsam eam esse societatem, quæ etsi plurima, non omnia tamen, & singula amplectitur dogmata, vel unus ostendit Jacobus Apostolus c. II. *vers. 10.* "Ὅστις γὰρ ὅλον τὸν νόμον τηρήσει, πταίσει ὃ ἐν εἰ, γέγονε πάντων ἐνοχος. *Quicumque autem totam legem servaverit, offendat autem in uno, factus est omnium reus.* Si autem in Catholico Romanam intenderit societatem, plane ab ipso sui conditioni ad nostra usque tempora, serie nunquam abrupta, prout temporis ratio postulabat, in suâ, utpote germanæ, atque Orthodoxæ confirmationem ætata fuisse verâ miracula adfirmant, certissimisque ex historia cum exotica, tum sacra de promptis monumentis iidem Theologi nostri jam probarunt. Exemplo esse possent, ut multa præteream, quæ in actis S. Francisci Salesii recensita leguntur, patrata in Catholicæ veritatis confirmationem.

Quod si regereret Belius ea, quæ

ab illis tamquam verâ proponuntur miracula alia naturæ vires, ut plurimum non excedere, alia nonnisi incerto constare vulgi rumore, ad eum refellendum satis erit consulere præstantissimum opus de Canonizatione Sanctorum, & de Servorum Dei Beatificatione; ibi enim eximius auctor Prosper Lambertinus, quem honoris causa nomino, Cardinalis olim Romanæ Ecclesiæ sapientissimus, Pontifex modo sanctissimus mira ea, quæ a Sancta Sede inter miraculorum album recensentur, atque admittuntur naturam omnino superasse, una dumtaxat Dei Optimi Maximi inusitata potentia fieri potuisse, atque certissimis quoad per humanam fidem Divino adjutam Spiritu assequi licet, patere testimonio ad evidentiam usque demonstravit. <sup>a</sup> Hujus equidem labores non est cur ego recoquam, nam opus illud quod idem Auctor gravissimis licet Pontificatus muneribus distentus, atque impeditus retractavit atque auxit, doctorum manibus teritur.

XXVII. Priusquam vero & præsens caput absolvatur, instituti operis exigit ratio, ut de *simplicis* epitheto iterum, sed paucis, agamus. Rationes præter hætenus recensitas, atque exfufflatas, quibus non temere egregio illo epitheto abs se fuisse Gregorium laudatum, hanc in cap. II. num. II. Oudinus adfert nimirum *ita ab ejus amico Imperatore Magno Mauritio appellatus legitur, qua de re conqueritur ad Mauritium ipsum Gregorius Epistolarum lib. IV. epist. XXXI.* Perbella sanatio, quæ quantum prober, vel me tacente, intelleturus est lector. Quasi oraculi ad instar habendus sit ille Mauritius, qui ut ex proximo capite v. constabit, Gregorio ad Pontificatum evecto continuas, easque acerrimas creavit doloris causas.

Verum ea, quæ mox referentur, si non



non scripisset noster hic censor non multum ipsi repugnarem, sed turpissima, eaque injustissima malignitatis nota, qua nostrum aspersit, quænam eruditorum, & maxime fidelium, non moveret? Ubi cum Imperator, *nude simplicem appellasset, maligne Gregorius sumtum simplicitatis pro fatuitate sumtum Mauritio injuste objicit*. Ecce germana acutissimi Oudini interpretatio, qua quid ipse spectet, & quo animum intendat jam perspicio; scilicet iniquo fuisse erga Imperatorem animo, moderatum hunc Pontificem, ut lectoribus persuaderet, & sic viam sibi sterneret, ac muniret ad alia, quæ statim vibraturus erat tela. Veritatis tamen tanta est lux, ut occulari quidem ad tempus per malitiam possit, obtenebrari non possit. Legant prius, qui nostrum hunc librum sunt habituri, integrum Gregorii locum, quem mutilum, atque mancum retulisse Oudinum sive per oscitantiam, sive per malitiam lamentamur, & postea judicent, maligne, an vere ac merito de sibi impacto ab Imperatore fatuitatis crimine Gregorius conqueratur. In serenissimis jussionibus suis (ita epist. xl. lib. v. ad Mauritium Augustum noster exorditur) *In serenissimis jussionibus suis Dominorum pietas, dum me de quibusdam redarguere studeat, parcendo mihi minime pepercit*. Nam in eis Urbane simplicitatis vocabulo me fatuum appellat. In scriptura etenim sacra cum in bona intelligentia ponitur simplicitas, vigilanter sæpe prudentiæ, atque rectitudini sociatur. Unde etiam de beato Job scriptum est: *Erat vir simplex, & rectus*: & B. Paulus Apostolus admonet dicens: *Estote simplices in malo, & prudentes in bono*: & per semetipsam admonet veritas, dicens: *Estote prudentes sicut serpentes, & simplices sicut columbæ: esse valde inutile judicans, si aut simplicitati prudentia, aut pru-*

Tom. XVI.

*dentia simplicitas desit*: Ut ergo seruos suos ad cuncta eruditos efficeret; esse eos & simplices sicut columbas, & prudentes ut serpentes voluit: quatenus in eis, & serpentis astutia columbæ simplicitatem acueret, & columbæ simplicitas serpentis astutiam temperaret.

Ego igitur, qui in serenissimis Dominorum jussionibus ab Ariulphi astutia deceptus, non adjuncta prudentia simplex denuntior, constat proculdubio, quia fatuus appellor: quod ita esse ego quoque ipse confiteor: nam, si hoc vestra pietas taceat, causæ clamant. Ego enim si fatuus non fuisset, ad ista toleranda, quæ inter Langobardorum gladios hoc in loco patior, minime venissem. In ea autem re, quam de Ariulpho perhibui, quia toto corde venire ad Rempublicam paratus fuit, dum mihi non creditur, etiam mentitus esse reprehendor. Sed etsi Sacerdos non sum, scio gravem esse hanc injuriam Sacerdoti, ut veritati serviens, fallax credatur. Et dudum novi quoniam Nordulpho plus est creditum quam mihi; Leoni amplius quam mihi: & nunc eis, qui esse ad medium videntur, plus quam meis assertionibus credulitas impenditur. Quo ex loco clarissime patet nostrum a Mauritio eatenus simplicem appellatum fuisse, quatenus a vafro homine Ariulpho sibi os sublini passus fuisset. Qua in re nemo non videt simplicis vocabulo subjectam esse notionem non laudabilis illius simplicitatis, quæcum prudentia bene convenit, & in una sede moratur, sed alterius, quæ inops consilii est, quæque, ut lenissime dicam, ad fatuitatem quam proxime accedit; ac propterea Gregorium haud esse culpandum, quod de hujusmodi appellatione sit questus & simplicis nomen deprecatus sit. Sed jam ista omittamus, de quibus fortasse nimis, nam cum de re constet, ut loquar cum S. Augusti-

c

no

a no<sup>a</sup> non est opus certare de nomine.

## CAPUT V.

De Gregorii eloquentia, deque latino sermone.

XXVII. **Q**Uæ hæcenus disputata sunt, atque deducta, præclaram fuisse in Gregorio nostro ingenii aciem, ardentem erga humanas litteras, & graviora studia amorem, sublimi præditum arte dicendi opportuna atque efficaci, vel invitis ostendere apta fore speramus. Illa tamen si cuiquam satis non esse adhuc videantur, habeat & hoc caput, quod in eo totum versabitur, ut probet, nullumque amplius relinquat dubitationi locum; veram fuisse in nostro eloquentiam, verumque latinum sermonem. Ubi statim Lectoribus plane cognitam esse volumus mentem nostram. Non enim ii sumus, qui S. Gregorium contendamus omni laude cumulatam fuisse Oratorem, in quo genere vix unum singulis ætatibus tolerabilem existisse affirmabat Cicero: *Consilio ac sapientia* (sunt illius verba) *qui regere, ac gubernare Rempublicam possent, multi nostra, plures Patrum memoria, atque etiam Majorum existerunt, cum boni per diu nulli, vix autem singulis ætatibus singuli tolerabiles Oratores invenirentur.* <sup>b</sup> Vere mihi tamen hoc videor esse dicturus, orationem illius ne dum horridam non esse, nihilve in ea offendi barbariem sapiens, verum etiam comtam satis copiosamque, in quamcumque ipsi proposita re, quod vis Oratoris, professioque ipsa bene dicendi auctore eodem Cicerone <sup>c</sup> suscipere ac polliceri videtur. Epistolas XLV. libri I. XLVII. lib. II. & Dialogorum omnes ferme libros, ut alia pene infinita loca præteream, le-

gere si non gravaberis, benigne Lector, me non esse iniquum eloquentiæ Gregorianæ vindicem, ac laudatorem, scribendique rationem, quam is tenuit, immerito ab aliquibus carpi experiundo cognosces. Interim me tibi rem gratam spero facturum, si unum saltem in ejusdem eloquentiæ specimen locum tuos ante oculos ponam. Cum desæviente in populum Romanum inguinaria lue, tum exemplis, tum scriptis ad placandam Numinis Divini iram gregem suum vehementissime exhortaretur, atque excitaret, hanc ad Populum cedro, auroque pretiosiore habuit orationem de mortalitate inscriptam. <sup>d</sup>

Oportet, Fratres charissimi, ut flagella Dei, quæ metuere ventura debemus, saltem præsentia, & experta timeamus. Conversionis nobis adiutum dolor aperiat, & cordis nostri duritiem ipsa jam, quam patimur, pœna dissolvat, Ut enim Propheta teste prædictum est: Pervenit gladius usque ad animam. Quæ enim cuncta plebs cælestis ira mucrone percussitur, & repentina singuli cade vastantur. Nec languor mortem prævenit, sed & languoris moras ut cernitis, mors ipsa præcurrit. Percussus quisque ante rapitur, quam ad lamenta pœnitentiæ convertatur. Pensate ergo qualis ad conspectum districti Judicis pervenit, cui non vacat flere quod fecit. Habitatores quippe non ex parte subtrahuntur, sed pariter corruunt. Domus vacuæ relinquuntur, filiorum funera parentes aspiciunt, & sui ecs ad interitum hæredes præcedunt. Unusquisque ergo nostrum ad pœnitentiæ lamenta confugiat, dum flere ante percussione vacat. Revocemus ante oculos mentis quidquid errando commisimus, & quod nequiter egimus, flendo puniamus. Præveniamus faciem ejus in confessione: & sicut Propheta ad-

ino-

a Epist. clxvi. num. 4. E. M. Paris.

b Lib. I. de Orat. num. 2.

c l. I. n. 6.

d Tom. I. pag. 1581. cit. edit.



monet : levemus corda nostra cum manibus ad Deum . *Ad Deum quippe corda cum manibus levare , est orationis nostræ studium cum merito bonæ operationis erigere . Dat profecto bonæ operationis fiduciam , qui per Prophetam clamat : nolo mortem peccatoris , sed ut convertatur , & vivat . Nullus autem de iniquitatum suarum immanitate desperet . Vternosas namque Ninivitarum culpas tri-duana penitentia abstersit , & conversus latro vitæ præmia etiam in ipsa sententia suæ mortis emeruit . Immutemus igitur corda , & præsumamus nos jam percepisse , quod petimus . Citius ad preces Judex flectitur , si a pravitate sua petitor corrigatur . Imminente ergo tantæ animadversionis gladio , nos importunis precibus insistamus . Ea namque , quæ ingrata esse hominibus importunitas solet , Judici veritatis placet , quia pius ac misericors Deus a se vult veniam precibus exigere , qui quantum meremur non vult irasci . Hinc etenim per Psalmistam dicitur : Invoca me in die tribulationis tuæ , eripiam te , & magnificabis me . Ipse ergo sibi testis est , quia invocantibus misereri desiderat , qui monet , ut invocetur . Proinde , Fratres carissimi , contrito corde , & correctis operibus crastino die ab ipso feriæ quartæ diluculo , ad litaniam septiformem juxta distributionem inferius designatam , devotamente cum lacrymis veniamus .*

XXVIII. Hanc dicendi rationem non illi profecto eloquentem dicent , quorum studium omne in verborum , & sermonis elegantia positum est ; idcirco eorum oratio jacet , quod in ea tantum verba laudantur , ut ait quidam apud S. Hieronymum in epist. ad Paulinum Episcopum Nolanum ; <sup>a</sup> sed illi , quos apta robusta sententiarum gravitate , verborum ponderibus gravis , animorum domi-

na delectat oratio , in eoque potissimum , qui ecclesiastica fulgens dignitate ad populum conciones salutis æternæ habere debet , quibus in concionibus magis res spectantur , quam verba penduntur ; non minus enim in negotiis gerendis , quod Cicero affirmabat *Academ. Quæst. lib. iv. num. ii.* quam in tractandis animis , plurius res , quam verba profunt . Hoc idem dicendi genus eloquentissimi tenuere scriptores ecclesiastici , quorum in eo erat præsertim cura , ut neglecto sermonis cothurno , suos libros divinæ Scripturæ flosculis , atque veritate exornarent , non composita oratione , plausuque populari , qui solet imperitorum aures decipere , atque palpare . Hanc si attulisset eloquentiam Gregorius , eloquens profecto non esset dicendus : *Sicut est enim* ( aurea est hæc S. Augustini sententia *Doctrinæ Christianæ lib. iv. cap. vii.* ubi per Pauli epistolas discurret , & quæ diserte , & eleganter dicta invenit , ante legentis oculos collocat , ut probet quemadmodum in Apostolis reliquis , ita , & imprimis in Paulo eloquentiæ vim , & ornamenta se invenisse ) *sicut est enim quædam eloquentia , quæ magis aetatem juvenilem decet , & est quæ senilem , nec jam dicenda est eloquentia si personæ non congruat eloquentis ; ita est quædam quæ viros summa auctoritate dignissimos , planeque divinos decet ; hæc illi loquuti sunt , nec ipsos decet alia , nec alios ipsa .* Tantum in Gregorianis sermonibus flumen gravissimorum , optimorumque verborum , tam integræ sententiæ , tam veræ , tam sine pigmentis , fucoque puerili per sæpe inveniuntur , ut cum disertissimis Græcis , Latinisque Scriptoribus illum comparare non sit veritus celeberrimus Muratorius : *Ipsam Gregoriam*

<sup>a</sup> *Tom. i. pag. 333. num. 334. cit. edit. verba autem illa sunt Quintiliani in Proœnio :*

Magnum ( ait ipse ) Romanum Pontificem , qui unus cum precipuis totius antiquitatis , ut pietate , ita & litterarum gloria certare potuit. <sup>a</sup>

a

Quod si foedissima illa tempora , quibus vixit Gregorius noster , scientiis heu quantum inimica ! memoria repetantur , miraculi instar habendum erit , tantam potuisse eloquentiam ad scribendum afferre . Licet enim litterarum studia reflorescere jam Romæ cœpissent annitente imprimis magno Cassiodorio qui illa veluti postliminio revocarat , inque suo monasterio celebrem instituerat Academiam , Bibliothecamque bonis codicibus refertam aperuerat ; dicenda tamen sunt intra illius Monasterii claustra veluti inclusa remansisse , nec diu ultra illa steterisse .

XXIX. Enimvero ab adolescentia vix egresso Gregorio , ea rursus incidit Italorum infelicitas , ut undique conticuerint litterarum studia . Nam extinctis Theodorico , & Atalarico , quorum opera litteræ in Italia quodammodo e tumultis revocata fuerant , iterum sepultæ sunt ex insperato sub eorum successore Deodato ; *Studebant* , ita illa tempora descripta habemus per Sydonium Apollinarem *lib. I. epist. VIII. Studebant pilæ Senes , alexæ Juvenes* ; hujus internecionis litterarum duo fuere in causa , alterum scilicet bellicorum tumultus , quos excitaverant primum Gothi , deinde Langobardi ab Imperatore Justiniano acciti , ut Gothos ex hac Provincia penitus expelleret ; alterum vero studium illud , atque desiderium , ( ut moris fuit apud omnes gentes ) introducendi in subactas nationes proprias consuetudines non minus ac proprium sermonem . Qua propter de oblitteranda penitus latina lingua , veraque

eloquentia actum erat ex fallaci opinione , quæ olim Moschos etiam Tartaros , aliasque gentes invaserat , illarum institutione animos frangi , nec aptos esse ad bellum gerendum , qui calamum studiosius tractarent , quod innotescit ex celebri Amalazuntæ factio apud Procopium , & fuisse prosequitur Conrigius in dissertatione de studiis liberalibus Urbis Romæ. <sup>b</sup>

b

His ergo constitutis , quæ in dubium revocare non potest Oudinus , aut quivis alius Gregorianæ eloquentiæ inimicus <sup>c</sup> , illud necessario , quod supra commemoravi , consequitur , perinde ardentem erga litteras amorem , ac magnam ingenii aciem fuisse nostro Gregorio , qui unus ex illis perraris hominibus fuit , qui discussis , quæ iis temporibus ingruerant , spissis ignorantiae tenebris , totum se tradidit liberalibus disciplinis , tantamque eloquentiæ laudem sibi comparavit .

c

XXX. Neque vero de hac gloria aliquid detrahendum est , vel quia sæpe numero , omnis omnino expertem scientiæ atque ignarum ipse se appellet Gregorius , vel quia barbarismi aliquando in ejus operibus offendantur : ad utrumque enim facilis est , & in promptu responsio . Sic erat ille humilis , atque demissus , ut virtutis lumina , quibus aliis fulgentissimus apparebat , abscondere quantum poterat , niteretur . Hoc erat in causa , cur dictatum suum in comparatione alterius *furfurem* nominaret , Auctore laudato Johanne Diacono *lib. IV. num. LXXVIII.* cur libros suos legi publice quamdiu viveret , vehementissime prohiberet ; cur in administranda Ecclesia sapientes homines a se etiam longo itineris intervallo dissitos per litteras con-

sule-

<sup>a</sup> Tom. III. *Antiquitatum Italiae Medii Aevi* p. 409. Mediol. 1740.

<sup>b</sup> Tom. III. *Supplementorum Sallengre* pag. 1220. Haga Comitum 1724.

<sup>c</sup> *Præ oculis habemus Jacobum Bruch-*

*rum qui Gregorio per summam injuriam tribuit eas ignorantia tenebras quibus Italia omnis obscurata hæc tempore fuit . Hist. Philos. l. 2. c. 2.*



suleret; cur iis in rebus, in quibus Divinam rem nihil periclitari credebatur, facile suum consilium elevarer, constituta mutare, & fixa reficere non erubesceret; tamen ut modo significavi, tanta foret per id tempus Doctorum Hominum caritas, ut teste eodem Gregorio *epist. xxx. lib. vii.* Constantinopoli non invenirentur, qui de Græco in Latinum, & de Latino in Græcum dictata bene transferrent: (cui tamen literarum ruinæ ad Pontificatus apicem evectus accurrit, uti vidimus *cap. ii.* eamque, quoad ejus fieri potuit, reparavit.)

Ad barbarismos quod attinet, non illos peccabat ipse, quia Grammaticæ leges probe non calleret, verum dedita opera sic orationem suam componebat: *Non barbarismi confusionem devito*, ita de se ipse scripsit in epistola ad Leandrum libris Moraliū præmissa, *situs, motusque, & præpositionum casus servare contemno, quia indignum vehementer existimo, ut verba celestis Oraculi restringam sub regulis Donati.* Qua in re optimis usus est Ecclesiasticis tum Græcis, tum Latinis Auctoribus. Aliquot eorum testimonia collegere Cangius in præfatione ad mediæ, & infimæ latinitatis Glossarium *num. xlvii. xlviii.* & Huetius de claris Interpretibus *num. xlii.* Unum vel alterum describere non erit abs re. S. Basilii in celebri ad Amphilochoium Iconensem Episcopum epistola canonica ait: *Miror sane, quod Grammaticam in Scriptura diligentiam requiras, ac dictionem coactam esse putes illius interpretationis, quæ suum ipsius significatum commode exprimit, neque id transfert, quod proprie Hebræica voce significatur* <sup>a</sup>. Severus Sulpicius, quem propter facundiam jure vocant Sallustium Christianum, de se ita loquitur in Præf. ad vitam S. Martini <sup>b</sup>: *Quia nefas putarem tanti vi-*

*ri latere virtutes, apud me ipse decidi, ut de Solæcismis non erubescerem, quia nec magnam istarum unquam rerum scientiam contigissem.* Ipsemet Hieronymus, quem a puero tantus latinæ linguæ nitor assidua humaniorum Auctorum lectione delectarat, ut ad se reversus ad Prophetarum lectionem cum se contulisset, horum sermo ei horreret incultus, scriptis consignare non erubuit in caput Quadragesimum Ezechielis: *illud autem semel monuisse sufficiat, nosse me cubitum, & cubita neutrali appellari genere, sed pro simplicitate, & facilitate intelligentiæ, vulgique consuetudine ponere masculino, non enim nobis curæ est vitare sermonum vitia, sed Scripturæ Sanctæ quibuscumque verbis disserere.*

Præterquam quod nonnulla sunt, quæ a non periclitissimis linguæ latinæ barbara vocantur, cum & ipsa sint latinissima: hujusmodi sunt E. G. qui nomina quædam abstracta ex concretis damnant apud Scholasticos, *Petritatem* scilicet, & similia, cum tamen ipse Cicero *lib. iii. ad Famil. epist. vii.* ex Appio & Lentulo facere *Appietatem*, & *Lentulitatem* minime dubitaverit. Horum non infrequens usus habetur in Gregorio.

Illud etiam ad illius tuendam eloquentiam animadversione dignum est, opportune; & cum laude usurpatos aliquando ab ipso fuisse aliquot loquendi modos a Ciceronis ævo alienos; notum quippe omnibus est, linguas ab usu pendere, juxta illud Flacci de Arte poetica:

*Multa recensentur, quæ nunc cecidere, cadentque*

*Quæ nunc sunt in honore vocabula, si volet usus,*

*Quem penes arbitrium est, & vis, & norma loquendi.*

Jam vero ab Imperatorum Valentiniiani, Valentis, & Gratiani temporibus

ribus non amplius obtinebat illa Ciceronis tempore loquendi ratio, sed voces multo in barbariem erant flexæ, atque in consuetudinem adductæ cum significatione, tum pronuntiatione immutata; quapropter scite in quæstionibus Hieronymianis admonet Johannes Clericus, æquum non esse in eorum scriptis, quæ post hæc tempora vixere, sermonis elegantiam postulare, aut puritatem ad normam ævi Augusti exactam. Deinde, ut sua verba sunt Foro, sua semper etiam habuit Religio, non modo apud Paganos, sed etiam apud Christianos, quod mirum non est, cum nulla sit ars, ut post Ciceronem adnotatum est a Cangio; præfationis ad Glossarium græcum num. 20. quæ propria, aut peculiaris non habeat verba; factum hinc esse reor, ut verba, rationesque dicendi, quibus christiana Religio Romanis exponeretur, non mediocriter a purioris latinitatis elegantia discederent. Hoc animo revolvens prudentissimus Gregorius (cui Ciceronis etiam duo hæc præcepta cognita fuisse creditu facile est, de orat. lib. 1. num. 12. *Hoc est enim proprium Oratoris ..... oratio gravis, & ornata, & hominum mentibus, & sensibus accomodata*, & in num. xiv. *Oratoris: Tria videnda sunt Oratori, quid dicat, & quo quidque loco, & quomodo*, quæ præcepta illi omnes observare, qui Oratoris laudem consequuti sunt, hanc similitudinem in scribendo, & dicendo sibi servandam esse decreverat, unde orationem suam gravem quidem, & ornatam eo temperabat modo, ac tractabat, & barbarismis, qui in omnium sermone jam infederant, intermiscebat, ut ab omnibus verborum vis, ejusque scopus facile perciperetur, & sine ullis salebris quasi sedatus amnis fluere, juxta eximium illud Phavorini Philosophi præ-

ptum: *Vive moribus præteritis, loquere verbis præsentibus*. Et reipsa doctus quisque auro contra & cedro pretiosiores habet hanc, quam de lectione veterum Patrum regulam tradidit Ven. noster; isque doctissimus Cardinalis Joseph Maria Thomasius in præfatione, quam posuit in fronte Indiculi Institutionum Theologicarum <sup>a</sup>: *Quum scirent Patres* (ait ipse num. 11.) *cum Apostolis, sese debitores esse sapientibus, & insipientibus, scriberentque non ad inanis gloriæ auras aucupandas, eo de Religione stilo differebant, ut a doctis pariter, & ab indoctis intelligerentur. Quare vocabula, modosque loquendi ex communi usu, popularique sermone desumebant, popularibusque patinis divini verbi cibum dabant tempore opportuno. Id quod valde notandum est in lectione Patrum, in qua fortassis non nemo hodie offenditur iis, quæ antiquitus inoffensis auribus a christiana plebe audiebantur: tunc nimirum quando vocabula Patrum ad Aristotelis officinam non deferrebantur ponderanda, quanti valerent. Porro Gregorius una cum cæteris Ecclesiæ Patribus eo loquendi genere utens, simul eloquentiæ numeros omnes absolvebat; unde nihil est Oudino, cur eloquentiæ laudem tanto Scriptori deneget; audiat ipse si potest quid doctissimus in Florentino Athenæo politiorum litterarum Professor Angelus Riccius nuperrime scripsit in Dissert. Homerici <sup>b</sup>: *Quamvis autem non omnimodam dictionis elegantiam plerisque Patrum Latinorum adesse ultro fateamur, quandoquidem latinam linguam qualibus temporibus ipsi floruerunt multa jam barbaries sedaverat ..... eloquentia tamen Latinos quoque Patres non caruisse dicendum est; quis enim ex vobis adeo in litteris viro est, ut eloquentiam, atque elocutionem diversa plane significatione accipi**

<sup>a</sup> Edit. P. norm. 1732.

<sup>b</sup> Tom. I. pag. 195. Florentia 1740.



accipi nesciat, ita ut una tibi adse-  
pofit, etsi altera desit? Eloquentiam  
dignitas rerum, conveniens dicendi  
genus, bonus ac lucidus ordo, aptus  
nexus, sapiens denique iudicium con-  
stituit, elocutionis vero elegantiam  
verborum nitor, & concinnitas. Quod  
& ipsum Tullium iudicasse putamus,  
qui eloquentem maxime a disertio dif-  
ferre tradit. Disertus enim videtur  
esse ille, qui mentis suæ cogitata ele-  
gantibus verbis, nitidaque oratione  
cloqui valet, atque explicare: elo-  
quens vero qui sive prorsus perita,  
sive minus compta oratione utatur,  
copia tamen verborum, ac sententia-  
rum insignis est, omnesque omnium  
rerum, quæ ad dicendum pertinent,  
fontes animo ac memoria retinet.  
Quos fontes cum penes se habuerint  
Latini Patres, & graviter, atque  
copiose, quæ litteris tradiderunt, ex-  
posuerunt, eloquentes fuisse constat,  
etsi non omnes fuerint disertis, vide-  
licet eleganti omnino, tantaque ora-  
tione instructi.

Quod sensit Riccius, illud idem  
senferunt alii Critices laude celebres  
auctores non pauci, quos inter enu-  
merare mihi placet, utpote qui Ou-  
dino non ingratus, Fleury, cujus  
hæc est sententia ex altero ad Hi-  
storiam Ecclesiasticam sermone latine  
reddita <sup>a</sup>. Oratoris laus non ideo  
SS Patribus deneganda est, quia ni-  
tido illo non sunt usi loquendi gene-  
re, quod in præcipuis Latinis, Græ-  
cisque veteribus Oratoribus admira-  
mur. S. Paulus græco-barbaro uteba-  
tur sermone, & tamen & probabat,  
& convincebat, & commovebat, dul-  
cis, suavis, vehemens. Non opus est  
Patres componere cum Demosthene,  
cum Cicerone, qui tot ante seculis vi-  
xerunt, sed cum illis sunt comparan-  
di, qui suamet ætate florebant. S.  
Gregorius, quoad vixit, nedum nemi-  
ni fuit in hisce facultatibus inferior,  
sed omnes sui temporis Romanos su-

peravit, quod auctore Fleury ad  
summam laudem satis est.

Locus hic esset, quæ ferme in-  
numera in promptu forent, veterum  
testimonia referre, qui Gregorii  
Operibus summam hanc eloquentiam  
inesse testati sunt; verum ab hoc  
labore, etsi perexiguo, temperandum  
mihi esse censui, cum res ipsa testi-  
moniis non indigeat, ne illud mihi  
Ciceronis de Officiis lib. II. cap. v.  
objiciatur: *Utitur in re non dubia te-  
stimoniis non necessariis*. Sed unum  
præterire non possum, citatum nempe  
anonymum auctorem vitarum  
Romanorum Pontificum: „ Il avoit  
„ (Gregorius <sup>b</sup>) un genie tres prom-  
„ pte pour la Morale, & il s'etoit  
„ fait un fond inepuisable de pen-  
„ sées spirituelles. Il les exprimoit  
„ d'une maniere asses noble, & les  
„ renfermoit d'ordinaire plutot dans  
„ des Perodes que dans des sentences.  
„ Ses termes ne sont pas fort cho-  
„ isis, & sa compositions n'est pas  
„ beaucoup travaillè: mais, elle est  
„ facile, bien suivie & se soutient  
„ toujours egalement. Il n'a rien de  
„ bien elevè, ni de bien vif; mais,  
„ ce q'il dit, est vrai & solide.  
„ Il est plein de lieux communs,  
„ & de grandes Maximes. Il est  
„ diffus, & quelque fois ennuyeux  
„ dans ses explications de Morale,  
„ & trop subtil dans ses allegories.  
„ Enfin on peut dire, que ses Ou-  
„ vrages contennient bien de bonnes  
„ choses, mais, qu' ils n'ont rien  
„ d'extraordinaire, & d'eclatant, „

## CAPUT VI.

De Mauritio male habito, deque  
Phoca nimis a GREGORIO  
laudato.

XXXII. Superioribus capitibus le-  
viora visa sunt probra,  
quibus nostro calumniatus est Oudi-  
nus;

<sup>a</sup> Num. 16.

<sup>b</sup> Loc. cit. pag. 391.

nus; illud modo videndum, quod, nostra sententia, omnium est atrocius, iniquius, execrabilius: *At longe validior, atque insolubili argumento, triviale ac modicum hujus Pontificis ingenium, versipellemque indolem agnoscimus ex adulatoriis, quas ad usurpatorem Phocam scripsit, litteris, post earum sibi antea Mauricium cum Filiis interfecit.* Sic Oudinus cap. II. ubi recensitis Mauricii virtutibus, quibus erat ornatus, & muneribus quibus Gregorium ornaverant, & vitiis, quibus coinquinatus erat Phocas, conficit *in gratum fuisse Gregorium iniquæ adulationis, atque capiti Ecclesie prorsus indignæ.* Nescio profecto, an vel ex infima plebe homuncio moris perditissimi Thetanigriori describi potuisset, calumniisque putidioribus aspergi.

Age itaque, & videamus quæso quid fecerit atque scripserit Gregorius, quo tam acres in se reprehensiones & ignominias excitavit. Res vulgata est in Annalibus Ecclesiasticis, omnibusque nota, ideoque non nisi strictim ea dumtaxat, quæ huc spectare possunt, sunt a nobis commemoranda.

Mauricius Imperator an. 20. sui Imperii militum iram, atque odium in se commoverat, nolens modico pretio milites ab Avaribus captos redimere, sive avaritiæ causa, sive ut hostili gladio eos perderet, utpote conflata paulo ante seditionis reos. Sub idem tempus ejus Romanus exercitus jussus cum fuisset Istrum trajicere, ac ibidem hiemare, cœpit de novo Imperatore sibi eligendo cogitare, quod loca illa, utpote inimicis proxima, ad hiemandum in primis incommoda atque nimis molesta putaret. Misit igitur exercitus ad Petrum Imperatoris Fratrem leucis viginti distantem a Castris, legatos octo, e quibus erat Phocas dignitate Centurio, ut ab Imperatore obtineret redeundi ad hiberna potestatem.

Renuit Imperator exercitus vôtis morem gerere; cognita igitur Imperatoria voluntate Phocam sibi postridie constituit Exarchum, eumque supra scutum alte sublatum faultis gratulationibus prosequitur, Bizantium advolat novus Imperator, insignia sumit Imperatoria, universam Regiam Familiam miris atque tyrannicis modis trucidat. Kal. Maji Romanam cum de more venissent Icones Phocæ, ejusque conjugis Leontię Augustorum una cum eorundem favorabilibus litteris teste Johanne Diacono lib. iv. *Vitæ num. xx.* acclamatum est eis in Lateranis in Basilica Julii, easque misit Pontifex in Oratorio S. Cæsarii Martyris intra Palatium reponi, & Phocæ usurpatoris intrusioni applausit congratulatoria epistola, quæ incipit; *Gloria in Excelsis Deo, qui juxta quod scriptum est immutat, & transfert regna, & quia hoc cunctis tempore innotuit quod per Prophetam suum loqui dignatus est dicens, quia Dominator excelsus in regno hominum, & cui voluerit ipse dat illud, lib. xii. epist. xxxv.*

Oudianæ accusationis adversus Gregorium summa revocatur ad duocapita: primum, quod advectas Romanam recentium Imperatorum Icones jusserit reponi in laudato S. Cæsarii Martyris Oratorio juxta Palatium: alterum, quod laudatorias atque adulatorices ipsi litteras dederit.

Verum super arenam ædificavit ipse; nostri enim insimulandi æquam sane causam discernimus nullam. Primum enim egit ne in Regium peccaret honorem; alterum Christianæ rei ut iret consultum. Reipsa Gregorii non erat impedimentum ponere, quominus Iconibus illantus deferretur honor. Inoleverat enim consuetudo Augustorum recens electorum illas mittendi, cum in diversas Romano Imperio subjectas provincias, tum ad Principis Ami-



cos. *His* adnotante Baronio probatissimis fulto testimoniis ad ann. 603. num. 2. *veluti Imperatori presenti debitus honoris cultus deferri consuevit ab omnibus, & in eas peccans majestatis reus efficiebatur*. Nullo autem aptiori loco ratus est Gregorius eas exponi potuisse laudato S. Cæsarii Oratorio intra Palatium, quia ædes amplæ erant, Imperatoribus cum Romæ esse contingeret, infervientes <sup>a</sup>: quæ sacrum Palatium dicebantur.

Ad litteras autem quod spectat, integrum haud fuit Pontifici, nuntio ejus de electione accepto, illas non dare recenti Imperatori, quibus ipsi de adepto Imperio gratularetur. Animadvertunt enim Baronius loco citato, & Bernardinus Ferrarius de antiquo Ecclesiasticarum Epistolarum genere l. 1. c. 7. <sup>b</sup> Laicos Principes Catholicos Romanis Pontificibus Epistolas communicatorias, sive fidei formulas mittere consuevisse, ut se ad Principatus, Imperiique clavum electos ostenderent, obedientiamque, & veram fidei consociationem pollicerentur. Respondit igitur Pontifex; duo invenit post alios Criticus noster in iis Epistolis digna, quæ notarentur, easque indignissimis injuriis asperxit: primum quod Phocas adulatorie laudetur; alterum quod durius de Mauricio Augusto loquatur.

Verum & hoc loci araneæ telas eximius hic Architectus contexuit. Primo enim nullæ ibi sunt adulationes, nullæ assentationes; vota sunt fausta quidem, lætitiæque verbis expressa, sed quisnam, qui novercali non ardeat odio adversus Gregorium, ibi inficias æquitati consonum, Christianæque sagacitati fuisse, ut summus Pontifex Imperatori, a quo Rempublicam optime gubernari, Ecclesiæ jura custodiri peroptabat, con-

gratularetur? Hæc autem præstare ut posset novus Imperator, auxilium a Deo precatur suis precibus atque promittit.

XXXII. Secundo utut Mauricii mores se habuerint, quos non semper recto duxisse tramite vel ipse confessus est Mauricius, dum suis per somnium visis criminibus, deque proxima admonitus morte, tum ab ipso Gregorio, cum ab eadem visione a tyrannide Pontifici inferenda semet abstinuisse auctorem habemus in *lib. 4. Vitæ num. 17.* Johannem Diaconum, & ab omnibus Patriarchis Monachisque Hierosolymitanis potissimum petiit, suis ut precibus a Deo postularent, ut hac in vita debitas sibi pœnas infligeret, quibus æternas effugere posset. Quod a D. O. M. qua est misericordia, fuit ipsi concessus tetro illo excidio, quod per Phocam injectum æquissime, animoque constanti nunquam satis commendando, pertulit. Nihilo tamen minus dubio procul est, Gregorio ad Pontificatus apicem evecto quacumque proposita occasione infestum se præbuisse, qua de re Gregorius ipse natura licet mitissimus (nihil enim poterat fieri eo mitius) pacis cultor eximius, Principum ita venerator, ut Oudinus non timuerit asserere, eorum Famulum se esse professum, non raro tamen coactus est conqueri, maxime *Epistola XI. lib. v.* ad eundem data Imperatorem Mauricium, in qua aliquot ex iis recenset capitibus, unde vehementissimæ illatæ ipsi sunt ab Imperatore molestiæ.

Reipsa & Johannis Constantinopolitani foverat superbiam, qua œcumenici titulum sibi usurparat, & violentam in Salonitanam Ecclesiam Maximi scelestissimi hominis intrusionem adversus canonicas Gregorii pro-

<sup>a</sup> Ex Baronio ad annum 603. num. 2.  
Tom. XVI.

<sup>b</sup> p. 50. Mediolani 1613.  
f

prohibentes Sanctiones propugnavit, atque sustinuit, & Schismaticos Istriæ, & Venetiarum occasione trium Capitulorum, quos a Schismate ut revocaret nulli non pepercerat labori Gregorius, opem tulit, & datis Gregorio vere imperiosis & more tyrannico litteris, & lata lege, quæ cautum est, ne Schismatici ad unitatem Ecclesiæ redire cogentur, quam impiam legem obtinuerat Schismaticorum Coripheus & relapsus Serenus Aquilejensis, aut Gradenfis Episcopus: & impedimentum posuit per legem, quam postea Gregorii precibus emollivit, ne milites nomen suum monasticæ vitæ darent, & pacem Italiæ tot laboribus, ac expensis a Gregorio procuratam cum Langobardo proscidit, & cum misit Exarchas Ravennam, a quibus longe majora, quam ab inimicis universa Italia coacta fuit damna sustinere, quin Imperator hisce de malis admonitus voluerit fidem ipsi præstare, remediumque adhibere. Ad isthæc mala digitum intendisse mihi visus est Gregorius, dum Phocam tali pacto alloquitur <sup>a</sup>: *Aliquando vero cum misericors Deus merentia multorum corda sua decrevit consolatione refovere unum ad regiminis culmen provehit, & per ejus misericordia viscera in cunctorum mentibus exultationis suæ gratiam infundit . . . latentur Cæli, & exultet Terra, & de vestris benignis actibus universus Reipublicæ populus nuncusque vehementer afflatus hilarescat. Comprimentur iugo dominationis vestræ superbiæ mentes hostium, releventur vestra misericordia contriti ac depressi animi subjeclorum . . . cessent Testamentorum insidiæ, donationum gratiæ violenter exactæ: redeat cunctis in rebus propriis securæ possessio, ut sine timore habere se gaudeant, quæ non sunt eis fraudibus acquisita. Reformetur jam singu-*

*lis sub iugo Imperii pii libertas sua. . . Sed melius hæc orando, quam suggerendo dicimus: Omnipotens Deus in cuncta cogitatione, & opere cor vestræ pietatis, suæ gratiæ manu teneat, & quæque iuste, quæque clementer agenda sunt inhabitator vestri pectoris Spiritus Sanctus benigne disponat. Quibus sane verbis, & illud egit quod Pontificis est munus cum novo Imperatore, ut meliora sperans tempora illa adjuto gratia Divina a Phoca obtineret.*

XXXIII. Neque movere quemquam debet præclarum illud faustumque initium *Gloria in Excelsis Deo*; quippe nostra hac tempestate nonne hymnus *Te Deum* cantatur in Principum Christianorum, quibus demum cumque moribus aut fuerint, aut futuri sint exaltatione? Porro Gregorii temporibus ad lætitiæ specimen exhibendum illud usurpabatur *Gloria in Excelsis Deo* præconium, cui hymnus *Te Deum* nono sæculo suffectus fuit. Neque objiciat Oudin verba, quibus extollitur ibidem a nostro, Phocas benignitatis, misericordiæ, felicium temporum, componi nullatenus posse, cum spurcissimis immanibusque Phocæ tyranni vitiis. Nam respondemus, citra adulationis, atque mendacii notam, sic potuisse a Gregorio Phocam laudari. Quippe sub Imperii initium scriptam epistolam, & Gregorio redditam fuisse constat, quo tempore neque illius vitia innotuerant, neque divinare poterat Gregorius mores ejus ita fore perditos, ut merito pestis humani generis a Zonara vocetur in *Annal. lib. xiv. num. xiv.* <sup>b</sup>; neque secreta Dei, a quibus ob hominum scelera tetrum illud monstrum Imperio destinatum erat perferutari tenebatur, quæ Angelos ipsos, ut plurimum, latent. Enim vero quotusquisque est in Historia vel summis labiis versatus, cui com-

per-

<sup>a</sup> In citata Ep. p. 1239. T. 2. opp.

<sup>b</sup> Tom. II. *Annalium* pag. 63. *Venezijs* 1729.



peritum non sit fausta fuisse multorum Principum initia, quæ postea in pessimos eruperunt mores? Instar omnium unus sit Cajus Caligula, de quo si unquam (referente Philone Judæo paulo post initium legationis ad Cajum) ante sub Imperatore aliquo, tunc maxime sibi videbantur non jam sperare, sed certo tenere usumfructum publicorum commodorum, privatorumque, & felicitatem plenariam, fortunante cuncta numine. Erat igitur videre nihil aliud per singulas urbes, quam altaria, victimas, sacrificia, candidatos, coronatos, hilares blandosque vultus omnium, festi, celebritates &c. & post: Gaudebant inquit ignari veritatis; cæcutit enim humana mens, nec intelligit quid sit vere utile, sequendo magis conjecturas, quam scientiam. Itaque non multo post ille speratus servator beneficentissimus, qui videbatur novis felicitatum fontibus inundaturus Europam & Asiam, profuturus privatim & publice, erupit in savitiam, vel potius aperuit, quam dissimularat hactenus. Quamobrem laudabili dexterritate, qua Principum animi, regiminis maxime initio, demulcendi sunt, atque tractandi, illas oculis Phocæ subiecit dotes, quibus Christianus Imperator fulgere debet, & quas in ipso, ut præteritis mederetur malis, Ecclesiæque Romanæ jura ab Antecessore sus, deque versa pristino restituerentur loco flagrantissime Pontifex desiderabat, atque exquirebant, : tant d'agréables choses, qu'il luy dit, & qui paroissent, si flatueuses, sont plutôt des souffrances pour l'avenir, que des loanges du passé. Ut me exprimam verbis illius Gallici Scriptoris, scilicet Maimburgi, in sua hujus Pontificis Gallica Historia<sup>a</sup>, quo Auctore tam lubenter Gregorii hostes utuntur: illud idem clarius expres-

ferat alter ejusdem gentis Auctor Criticus sane & ipse severissimus Bailletus nempe, cujus auctoritatem eo libentius ponimus, quo & illam contineat responsum, qua satis superque ab eodem conniventia crimine propter Brunichildem Galliæ Reginam a nostro suis in litteris laudatam vindicatur. „ C'est sans doute, inquit ipse, dans cette persuasion que quelques unes de celles qu'il a écrites à la Reine Brunehaut princesse déchirée pour ses vices, & à l'Empereur Phocas tyran, qui étoit en horreur à tout le monde, ont déplu à ceux qui ont pris les éloges dont il les comble pour des flateries indignes d'un homme droit, & d'un grand Pape tel qu'il étoit. Nous pourrions sans commettre sa sainteté, ou sa réputation rejeter cela sur la condition humaine, aux faiblesses de laquelle les plus grands Saints sont sujets jusqu'à la mort. Mais pour sa justification on doit considérer, que Brunehaut avoit quelques bonnes qualités dont on l'avoit informé, & ce qu'elle fit de plus scandaleux n'étoit pas encore arrivé jusqu'à lui lorsqu'il eut occasion de lui écrire. Les louanges qu'il donne au détestable Phocas sont plus de difficulté. Mais elles sont voir au moins qu'il respectoit même dans un tyran le caractère, et la qualité de Souverain, & qu'il ne vouloit rien oublier pour le rendre favorable, & affectionné au service de l'Eglise catholique, ayant eu sur ce sujet peu de satisfaction de l'Empereur Maurice avec le quel il avoit été souvent broillé quoique ce fut un bon prince d'ailleurs, : Quod omne desumptum est ex Johanne Diacono

lib. IV. cap. XXIII. His Gregorius

f 2

lau-

<sup>a</sup> Lib. II. pag. 120. Paris. 1686. <sup>b</sup> T. I. pag. 157. Paris. 1724. dans les vies des Saints.

laudibus aut ideo novos Principes demulcebat, ut audientes quales esse debebant, fierent mitiores quam Mauritius fuerat, cuius tot criminibus involuta tempora cognoscebat; aut quia eos sibi, suæque Ecclesie devotissimos cernens non eos ad tyrannidem ruituros esse putabat. Unum restare videtur, quod objiciat Oudin. Cur saltē iisdem in epistolis non increparit Phocam ob inhumanos illos modos, quibus ad Imperii clavum jam evehctus in Mauricii Familiam ita inique desaviera? Credibile sane non est quin tantus rumor ad Gregorii aures pervenerit ex litteris ut minimum Rom. Sedis Apocrisarii, qui in Regio ipso Palatio ex antiqua consuetudine degere solebant.

Disimulare profecto non possumus aquam nobis heic hæsisse, nisi cum Imperator, tum Pontifex ipse responsionem suppeditassent. Dicimus itaque ex nullo hætenus detecto monumento evinci Romam sub novi Imperatoris initio tetræ illius scenæ venisse notitiam, quam nullus mittere poterat R. E. Apocrisarius. Etenim conquestus est cum Romano pontifice novus Imperator eorum nullum in Regia Urbe invenisse. Sed Gregorium ipsum universam rem narrantem præstat audire, eaque omnia quæ de Mauritio. mox innuimus confirmantem: *Quod permanere.* (inquit ipse in altera ad Phocam Epistola lib. xiiii. epist. xxxviii. <sup>a</sup> ubi Diaconi sui, sive Apocrisarii absentiam excusat, & Bonifacium ad illud munus delegisse certiorē facit Imperatorem) in palatio juxta antiquam consuetudinem Apostolicæ Sedis Diaconum vestra Serenitas non invenit, non hoc meæ negligentia, sed gravissimæ necessitatis fuit: quia dum ministri omnes hujus nostræ Ecclesie tam contrita asperaque tempora cum formidine declina-

rent, atque refugerent, nulli eorum poterat imponi, ut ad urbem regiam in palatio permansurus accederet. Sed postquam vestram clementiam, omnipotentis Dei gratiam disponente, ad culmen Imperii pervenisse cognoverunt, ipsi quoque suadente latitia ad vestra vestigia venire festinant, qui prius illuc accedere valde timuerant. Præterquam quod etiam si de iniquissimo illo modo, quo in Regia se stabilierat sede novus Imperator rumor aliquis Urbem pervasisset, ergo ne incertæ famæ aures ita præbere debuisset Gregorius, ut Phocam, qui se Christianæ fidei, Romanæque Sedis vindicem futurum sponderat, jurgiis atque comminationibus, forsitan innixis falso rumore, ad iram provocaret? Non ita profecto Sanctorum virorum exempla sequutus ipse fuisset, quorum mos semper fuit, ut optime observat Natalis Alexander Hist. Eccles. seculo vi. cap. ix. *Principes ob nonnulla bona opera laudare, ut eos ad majora pro Dei gloria, & Ecclesie commodis incitarent, & quæ de ipsis vulgabantur flagitia, non facile credere, cum scirent eos invidia, & inimicitiis patere plurimorum, qui eorum famæ detraberent; & in vitam Regum, & Reginarum, eorumque consilia, & arcana non inquirere; unde cædes ab ipsis imperatas crudelitati, injustitiæ, ultionis aut dominationis libidini non tribuebant, nisi manifesta res esset, adeoque ita essent famæ suæ prodigi, ut scelera sua nulla justitiæ specie velarent.* Videtis quæ de laudibus, deque precibus a Romanis Pontificibus fuis pro pessimis Regibus, atque Ravennatibus Exarchis. scripsere Bollandiani pag. 208. conatus Chronici Historici ad catalogum Pontificum in Propilæo, seu Tom. vii. Maii Bollandiani.



## CAPUT VII.

*Quid Gregorius Magnus senserit de  
Eucharistico Sacramento.*

XXXIV. **S**I vero dissona magis a Gregorii mente scripserit unquam noster hic censor, atque in veterum Christianorum usibus, disciplinis, ac doctrina peregrinum se ostendit, profecto hoc facit in quarto suæ Gregorianæ Dissertationis capite cui hunc posuit titulum: *Quid Gregorius Magnus de Eucharistia senserit in libris Dialogor. & alibi*. In præsentī igitur capite, & in proxime futuris accuratum, quantum poterimus, aggrediemur S. Gregorii doctrinæ examen, quem homo ille modo sectæ suæ præjudicatis opinionibus occupatus, ne tantum Catholicæ Ecclesiæ præsidium relinqueret, pravis corrumpere interpretationis, & ad Reformatorum opinionem inflectere conatus est, modo ad conflandam tanto nomini invidiam in deterius accepit. Nostrum plane est Ecclesiæ Catholicæ asservare, & ab ejus hoste eripere possessionem, in quam temere intrusus est. Plurimum etiam interest germanam Nostrī doctrinam investigare, quod ipsa cum fuerit, nedum successivis temporibus, sed statim ac disseminabatur qua ab Occidente, qua ab Oriente mirifice amplexata eximiiisque præconiis laudata, atque a nullo unquam, quod hactenus liqueat, nisi a nostris Novatoribus oppugnata, illud inde necessaria consecutione elicitur, universi Catholici Orbis doctrinæ consonam fuisse, idcirco certam omnino, puram, orthodoxam, uno verbo, Christi esse doctrinam.

XXXV. Atque ut ab ejus mente circa Venerabile Eucharistiæ Sacramentum exordiamur, illud statim monitos esse volumus Lectores nostros hoc in Oudinianæ Dissertationis quar-

to capite cum multa sint a veritate aliena, tum nihil minus esse ferendum quam quod neutros, Pontificios scilicet, atque Reformatos expressa Gregorii verba in suæ gratiam sententiæ attulisse, omnes autem rationibus ad eum suæ parti conciliandum usos esse adfirmet. Quod de suis Theologis libenter concedimus, de nostris autem confidenter pernegamus, neque satis malam Gregoriani critici fidem mirari possumus, atque detestari: ad eum enim falsitatis convincendum vel una sufficere posset in Gregorianæ doctrinæ sensu perscrutando solertissimorum S. Mauri Congregationis Monachorum auctoritas, quæ latere fane non poterat Oudinum, qui nodum in scirpo quærebat, dum horum Monachorum Gregorianam editionem invadere sibi proposuerat. Ergo afferantur eorum verba, quæ clarissima sunt, atque habentur ad num. XIII. Præfationis generalis sub initium tom. I. *Omnes fidei articulos, de quibus nobis est cum Lutheranis, & Calvinistis aliisque novis hæreticis controversia, ex S. Gregorio sigillatim probatos, & assertos legere licet in confessione Gregoriana auctore Theodoro Petrejo Campensi Colonienfis Carthusiæ Alumno. Quid luculentius hoc Dialogorum testimonio lib. IV. cap. LVIII. ad probandum tum incruentum novæ legis Sacrificium, tum realem corporis, & sanguinis Jesu Christi præsentiam in Eucharistia?* Deinde cum in brevioribus ad paginarum oras notis, tum in indicibus quotiescumque incidit sermo hoc de sacramento apud Gregorium advertere non omittunt v. g. lib. I. homil. in Evang. hom. XIV. tom. I. pag. 1484. *Christi corpus, & sanguis in Sacramento: ibidem pag. 1534. Christi corpus accipimus in Sacramento: in indice tom. II. ex Dialog. lib. IV. c. XXXVIII. Eucharistiæ veritas, in I. Regum cap. III. cap. v. tom. III. pag. 160: (qui liber sit*

genuinus Gregorii factus necne, nostra in praesentiarum nihil interest) *Qua pana digni, qui corpus & sanguinem Christi tractant indigne? & alibi saepe.*

XXXVI. Loca hæc a Theologis nostris adversus Protestantes adducta fuere in primis a Card. Bellar. & Perronio. At contendit adversarius duos istos Theologos expressa Gregorii in gratiam nostræ sententiæ non adduxisse verba, unde ratiociniis ad eum suæ parti conciliandum usos. Sumamus igitur in manibus verba eorum Theologorum huc spectantia, ut omnibus innotescat quibus oculis adversarius ea legerit, quamam sinceritate id scripserit. Bellarminus de Eucharistia lib. II. cap. xxxii. <sup>a</sup> Gregorii locis relatis homil. xxii. in Evang. & lib. IV. Dialog. cap. LVIII. catholicum dogma comprobatum iri affirmat, his verbis: *Satis aperte descripsit praesentiam veram, & realem corporis Christi cælestis, summi, & invisibilis, in specie panis terreni, imi, & visibilis.*

Cardinalis Perronius de Sacramento Eucharistiæ lib. II. unum, & septuaginta veteres auctores in Romanæ Ecclesiæ doctrinam conspirantes adducit contra Calvinistam Philippum Mornæum, qui in suæ sectæ patrocinium illos trahere conatus erat, edita in idem argumentum capitibus novem dispersita disputatione. Porro auctore xxxi. qui est Gregorius Magnus capitibus quatuor, totidem oppositis Murnæi argumentis Gregorium corpus, & sanguinem vere, ac realiter in Eucharistiæ Sacramento contineri ac sumi docuisse Cardinalis ille apertissimis verbis, & affirmat, & probat. Universum eum locum ni Lectoribus tædio esse pertimescerem quam lubentissime huc exscriberem, utpote qui Gregorii causam in primis peroret; nihilo tamen minus facere non possum, quin

versus aliquot delibem ex secunda, quam præ manibus habeo Parisiis facta editione anno 1620. Capite igitur tertio Mornæum arguit, quod mancum attulisset ex Dialogorum lib. IV. cap. LVIII. Gregorii locum, quem & nos infra utpote omnium præclarissimum adducemus: „Car  
„ la (ita ejusdem loci partem Gal-  
„ lice reddit Perronius) son corps  
„ est pris, la chair est distribuée  
„ pour le salut du Peuple, son sang  
„ est espendu non plus en mains  
„ des infideles, mais en la bouche  
„ des fideles „. Quibus ex verbis nemo non videt perinde Bellarminum, ac Perronium non quidem ratiociniis ad Gregorium nostræ parti conciliandum usos fuisse, verum clarissimis verbis non innuisse, sed aperte, & plane affirmasse.

Nunc autem quis poterit se continere, quin iterum exclamet, si hoc calumniari non est, quod nam erit? Et cum vetusto auctore: *Tanta est potentia veritatis, ut se ipsa, quamvis in rebus exiguis, sua claritate defendat.*

Jam vero proferantur loca, quibus Theologi nostri Gregorium sensitisse ostendunt in Sacramento Eucharistico ipsum reale corpus, ipsum realem Christi sanguinem manducari, ac bibi. Quinque ex istis locis sibi objecit Oudinus, quæ ex Calvinista Aubertino hausta, se evertisse gloriatur: nos vero operæ præstium facturos arbitramur, si eadem afferentes ab Oudini censuris, ut sua iplis stet auctoritas, eripere conabimur.

XXXVIII. Locus primus desumptus est ex homil. XIV. lib. I. in Evang. ubi versans Gregorius illud Evangelii: *Bonus Pastor animam suam ponit pro ovibus*, inquit, *bonus Pastor pro ovibus suis animam suam posuit, ut in Sacramento nostro corpus suum, & sanguinem verteret, & o-*

ves,



*ves, quas redemerat, carnis suæ alimento satiaret.* Contra vero Criticus noster postquam dixit Pontificios non vagis ejusmodi verbis debere agere contra Protestantes, sed expressis certisque, realitatem in se includentibus, vel figuram expresse excludentibus, verba hæc objicit neque talia esse, quæ figuram expresse excludant, vel corpus, & sanguinem Christi proprie, vere, ac substantialiter includant: *Contra vero commode in sensu figurativo accipi posse, ut in Sacramento nostro corpus, & sanguinem suum, symbolicum videlicet, videretur in alimoniam animarum nostrarum.* At vero ad hanc convellendam Oudini responsionem ipsa satis est Gregorii verba sine præjudicata mente intelligere.

Peto enim ab homine, si in animum sibi proposuisset exprimere Christum satiare nos suamet carne *reali quidem, non autem metaphorica*, quibusnam potuisset uti clarioribus verbis, *carnis suæ alimento nos satiat?* Ubi mysticus sensus? ubi figura? nonne fluunt omnia clara, & aperta? Porro quis ignorat mysticum in sensum inflectenda non esse auctorum verba, cum ex altera parte nullum ipsi dederint signum intentum ab ipsis fuisse hujusmodi sensum; ex altera vero simplicia verba sint, nuda, & clara? Gregorium autem nihil mystici præ mente voluisse clamant ipsa apertissime verba. Enim vero si licitum cuique esset mystice interpretari scriptorum verba, quando nullum hujusce interpretationis præferant vestigium; quis est quin videat in præcepturam universam fidei, historiam, uniuscujusque tandem scientiæ certitudinem? Norunt & ipsi Protestantes ( experientia rerum magistra quæ oratio nulla illustrior ) edocti quot incommoda hac ex licentia in suis dogmatibus acciderint, quorum unum, & præcipuum sunt tot illæ, quæ ex-

ortæ sunt apud illos non solum de rebus scholasticis, uti usuvenit apud nos, sed ipsismet de præcipuis fidei Christianæ capitibus inter sese oppositæ sectæ, ita ut quinam sint habendi fundamentales, uti vocant, Christianæ Religionis articuli neque inter ipsos conveniat.

Quod si voces isthæc *vere, realiter* non inveniantur Gregorianis in scriptis, nihil profecto moramur. Cum enim quæstio hæc nondum esset tunc exorta, non erat cur illæ adhiberentur, quæ passim in iis occurrunt Scriptoribus, qui, in vecta Berengarii hæresi, monumenta posteritati tradidere. Illud sane, & in hoc dogmate nobis adtulere commodi pravæ adversus illud ab hæreticis excogitatæ opiniones, quod universæ fidei veteres attulisse hæreticos observabat Augustinus: *multa, ait ipse lib. xvi. De Civit. Dei cap. 11. ad Fidem Catholicam pertinentia, dum hæreticorum callida inquietudine agitantur, ut adversus eos defendi possint, & considerantur diligentius, & intelliguntur clarius, & instantius prædicantur, & ab Adversario mota quæstio discendi existit occasio.*

Nullæ igitur cum adhuc existissent Gregorii tempore de Eucharistia turbæ, securius ipse ( quemadmodum, in aliis fidei nostræ dogmatibus actitatum fuisse a veteribus trita est nostrorum post S. Augustinum observatio ) loquutus est: sat ipsi erat illud memoria repetere, quod eodem in Sacramento contineri omnes absque concertatione, & dubio credebant.

Accedit etiam hujus generis voces *vere, realiter*, & hujusmodi nullibi ferme apud veteres inveniri Scriptores, a quibus reliqua fidei nostræ dogmata exposita sunt, atque ab hæreticorum calumniis vindicata; immo neque eas legere licet in ipsis, quæ fidei articulos proponunt. Divinis Scripturis. Ubi, amabo te, invenies appi-

appictas voces istas *vere*, *realiter* voci ὁμοσίον, qua una *veram*, *realem* Divini Filii cum Patre Aeterno consubstantialitatem se expressisse arbitrati sunt, & pro certo habuere adversus Arium tercenti decem, & octo Nicæni Patres? Ubi verbo θεοτόκον, quo uno B. Virginem, æterni Verbi appellandam esse veram Christi Matrem, definitum est contra Nestorium ducentis Ephesinis Patribus? Ubi adversus Eutychen veram, impermixtam, inconfusam utriusque naturæ divinæ, & humanæ in Christo unionem? Ubi adversus Monothelitas unam dumtaxat tribuentes Christo voluntatem, & operationem? Ubi particulæ *Filioque*? Ubi, ante novatores, cæteris Fidei nostræ tesseris?

Nunc autem quæro ab Adversario, quomodo ipse a Socinianis Divinitatem Verbi minuentibus, ab Antetrinitariis Nestorii dogma recudentibus, poterit Christianam fidem liberare? Nonne ipsi cum Scripturæ Patrumque verba de Divinitate Verbi, de qualitate Personarum agentia, sive mystico, sive allegorico sensu interpretanda esse dogmatizent, Oudino asserenti probantique litteraliter esse sumenda, utpote clara, atque Epitheta illa superflua esse contententi, respondere possent atque objicere: quid ergo, Oudine, est causæ, cur & tu in Gregorio clares, & nitide usurpante verba ad Eucharisticum Sacramentum juxta Romanam fidem exprimendum illa desideres epitheta, ex quorum fide non nisi mystice locutum fuisse illum Pontificem tam confidenter affirmas? Equidem, qua pateat censori nostro effugium, nullus video.

XXXIX. Locum alterum exhibent verba ex vigesima secunda hom. in Evangel. quæ sic se habent ²: *Quis namque sit sanguis Agni non jam audiendo, sed bibendo didicistis. Qui*

*sanguis super utrumque possem ponitur, quando non solum ore corporis, sed etiam ore (sive amore) cordis hauritur. In utroque enim poste sanguis Agni est positus, quando Sacramentum passionis illius cum ore ad redemptionem sumitur, ad imitationem quoque intenta mente cogitatur . . . . . in nocte quippe Agnum comedimus; quia in Sacramento modo Dominicum corpus accipimus, quando adhuc ad invicem nostras conscientias non videmus. Hujus Gregoriani loci pondus sibi elevarisse visus est Oudinus duplici paucis exposita responsione. Primo: Nihil in allatis verbis videri, quod realitatem expresse & insuperabiliter contra Protestantes asserat, vel quod figuram diserte excludat. Secundo: Illa verba pro illis militare: In nocte quippe Agnum comedimus, quia in Sacramento modo Dominicum corpus accipimus: idest in signo & figura modo non vere, & substantialiter ut Ecclesia Romana recens docet. Tantum abest ut figura his excludatur quin potius includatur verbis.*

Verum animadvertenti comparationis a Gregorio institutæ scopum innotescet statim, conatum quidem fuisse Oudinum clarissimis verbis tenebras obducere, sed vim argumenti a nostris inde desumptam nihil labefactasse; nam suos ut auditores exhortaretur Gregorius, ea ut maxima qua decet, ac poterant, reverentia ad accipiendum in Pascha Eucharisticum Sacramentum se componerent, opportune ante eorum oculos ponit conditiones, quas ad eum agni Paschalis in Populo Israelitico exquirebat Deus Israel *Exod. 12. vers. 7.* Atqui non mystici agni, sed realis erat Israeliticus esus, ita non mystici sanguinis, & corporis, sed realis est Christianus in Pascha esus. Reipsa eisdem omnino sensibus utrumque esum exprimit Gre-

go-



gorius: *Sument de sanguine agni .... & edent carnes nocte &c.* dicit de Israelitis: *Quis sit sanguis agni, non jam audiendo, sed bibendo didicistis ..... qui sic Redemptoris sui sanguinem accipit ..... in nocte quippe agnum comedimus, quia in Sacramento modo Dominicum corpus accipimus ..... Quid enim prodest corpus, & sanguinem illius ore percipere, & ei perversis moribus contraire,* dicit de esu Christiano. Hanc utriusque agni comparisonem perbelle tractans S. Gaudentius, qui circa ann. 420. obiit sanctissimus Brixiae Episcopus, *serm. 2. <sup>a</sup> In hac veritate,* inquit, *qua sumus, unus pro omnibus mortuus est, & idem per singulas Ecclesiarum domos in mysterio panis, & vini reficit immolatus, vivificat creditus, consecrantes vivificat, consecratus.*

Verba autem illa Gregorii: *Et ei perversis moribus contraire* in mentem nobis revocat illius mystici, quod sub realibus Eucharisticis speciebus continetur, quodque antea innuerat Gregorius his verbis, quæ videlicet cunctæ Israelitarum præparationes magnam ædificationem pariunt, si fuerint *mystica* interpretatione discussa.

XL. Gratia sive *sanctificans* sit, quæ tamen nonnisi indirecte, & per accidens, ut schola docet, hoc Sacramento confertur, unde vivorum dicitur, non mortuorum, sive sit corroborans, quæ illud sumentibus lethali culpa non sauciatis donatur, *mystica* sub interpretatione exprimitur. Corpus, & sanguis Christi nihil prosunt, immo obsunt si fuerint sumentes moribus pravis inquinati. Gregorius itaque duo hæc clare distinxit, realem nimirum, & mysticam functionem, prima sumimus reale sacramentum, altera ornatur cœlesti numinis gratia; se-

cundam hanc in Gregorii verbis Oudinus cognovit, non vidit primam, quam noluit videre suis impeditis opinionibus, Patris ad instar, sive Amantis, qui quæ sibi arrident in filio, aut in amato, statim detegit, & amat: quæ vero sibi displicent, non vidisse fingit.

XLI. Tertium momentum depromit Adversarius ex Dialogorum lib. II. narrat enim Gregorius, virum Beatissimum Agapitum S. R. E. Pontificem sacris persolutum restituisse loquelam muto, cum ei Dominicum corpus in os mitteret. Quid ad hæc, *mysticus* noster censor? reponit duo: Primum hinc non patere hanc fuisse Agapiti sententiam, ut corpus Dominicum reale esset Christi corpus: Secundo, consuetam canit cantilenam, *mysticum* intelligi debere Christi corpus. Primum utpote ad Gregorii cognoscendam mentem nihil faciens, non curamus; non enim quid Agapitus, sed quid senserit Gregorius investigare suscepimus, ad alterum vero convellendum, quæ mox fuerunt a nobis disputata, satis esse arbitramur. Enimvero quibusnam clarioribus ipsum reale Christi corpus exprimi debuisset verbis istis: *Cumque ei Dominicum corpus in os mitteret, illa diu muta ad loquendum lingua soluta est?* quod enim est *mysticum*, plane est insensibile, qui igitur in os mitti potuisset?

XLII. Quarto, quintoque loco non est cur innitatur, tria enim, quæ attulimus rem nostram satis superque conficiunt, quibus omnium præstantissimum addemus testimonium, postquam ea Oudino eripuerimus loca, quibus Calvinistam fuisse nostrum, se ostendisse jactat, quæ quatuor omnino sunt.

XLIII. Primum expiscatus est ex Dial. lib. XIV. cap. XXXI. num. LVI. ubi

ubi S. Pater adversus *Eutychium* Constantinopolitanum Patriarcham, a quo uti primo innuimus capite, vera carnis *resurrectio* in novissima die negabatur, disputans ea potissimum ratione, quia corpora eo die *resurgent* in veritate suæ naturæ, sive non amittent essentiam suæ naturæ. Unde Redemptor noster dubitantibus de sua Resurrectione discipulis ostendit manus, & latus, palpanda ossa, carnemque præbuit dicens: *Palpate, & videte, quia spiritus carnem & ossa non habet, sicut me videtis habere*. Porro si aerea resurgerent, uti dogmatizabat Eutychius, corpora, essentiam profecto amitterent suæ naturæ, cujus est, ut corpus palpabile sit, visibile &c.

Ex hac Gregoriana, quæ magnum continet pondus, argumentatione in hunc modum ratiocinatur acutus noster Logicus. *Quomodo autem id dicere potuisset Gregorius, si Domini corpus in Eucharistia verum esse credidisset, quod certo impalpabile, ac invisibile est. Si enim ipsummet Domini Corpus gloriosum palpabile, ac visibile esse necesse est, quoniam alioquin nature suæ essentiam amitteret, impossibile prorsus est illud in Eucharistia vere, & essentialiter esse, cum in ea, fatentibus ipsis adversariis, palpari ac videri non possit. Cum itaque ex Gregorio Magno verum corpus impalpabile, & invisibile esse nequeat, in Eucharistia proinde non esse ex ipsius mente dicendum est.*

Huic sane difficultati a sexcentis responsum est, cum e nostratibus Theologis, tum ex Lutheranis, qui etsi in eo errent, ut ipsam panis vinique remanere substantiam contendant, nobiscum tamen, & Orthodoxe sentiunt de reali Corporis Sanguinisque substantia. Cum vero adversus nostrorum responsiones, quas Calvinistarum nemo evertit adhuc, nec unquam everfurus est, nihil habeat Criticus noster, reli-

gioni duxerim, tædiumque Lectoribus afferrem, si eundem revolvendo lapidem illas iterum recoquerem, quæ in libris cuique obviis legi possunt. Præterquamquod instituti operis ratio non exigit, ut res quam gravissima expendatur minus accurata diligentia, quam ejus amplitudo requirit. Ne vero difficultatem a nobis declinatam omnino fuisse conqueratur aliquis, nostram quoque, sed quam brevissime, responsionem addere non gravamur. Quam parum igitur in Oudiniana ratiocinatione sit momenti nemo non videt, si modo, quæ sit palpabili, atque visibili notio subjecta tenuerit. Non enim actum ipsum, quo corpus in organum tactus & visus incurrit hæ voces significant, sed potentiam tantummodo, qua palpari, & aspici potest. Ex quo uno intelligitur, non eam fuisse Gregorii mentem nullum constare posse corpus humanum, quod sub sensus semper non cadat. Et sane quis credat Gregorium tam crassæ mentis, ut quod Gentiles suis numinibus tribuebant, quemadmodum ex fabula Giges colligitur, id summæ Dei potentiæ negaret, & opinaretur nec omnipotentia Dei fieri posse, ut corpus humanum sensus aliquando non moveat? Quid enim difficilius captu est, corpus ex utero clauso exire, & januis clausis in cœnaculum ingredi, an in sensus minime incurrere? In explicando modum, quo primum factum est, adhuc insudant Theologi, & in duas præsertim sententias abeunt, quarum neutram humana ratio complecti potest; alterius vero rationem facile quivis Philosophus percipit, & explicat, cum ad eum finem, ut corpus, vel maximum, sensus non afficiat, aliud nihil esse opus intelligat, nisi ut Deus motum nervorum, & spirituum ita cohibeat, ut ad appulsum extremi corporis nulla cerebri pars iis nervis,



atque Spiritibus vellicetur & concutatur. Nihilo tamen minus primum Gregorius conceptis verbis assentitur, & in eo summam Dei potentiam suspicit, hom. 26. in Evangelia cui hoc fecit initium: *Prima lectionis hujus Evangelicæ questio animum pulsatur, quomodo post Resurrectionem corpus Dominicum verum fuit, quod clausis januis ad discipulos ingredi potuit. Sed sciendum nobis est, quod divina operatio, si ratione comprehenditur, non est admirabilis, nec fides habet meritum, cui humana ratio præbet experimentum; sed hæc ipsa nostri Redemptoris opera, quæ ex semet ipsis comprehendere nequaquam possunt, ex alia ejus operatione pensanda sunt, ut rebus mirabilibus fidem præbeant facta mirabilia. Illud enim Corpus Domini intravit ad discipulos januis clausis, quod videlicet ad humanos oculos per nativitatem suam clauso exiit utero Virginis. Quid ergo mirum, si clausis januis post resurrectionem suam in æternum jam victurus intravit, qui moriturus veniens non aperto utero Virginis exiit? Sed quia ad illud corpus, quod videri poterat, fides intuentium dubitabat, ostendit eis protinus manus & latus, palpandam carnem præbuit, quam clausis januis introduxit. Qua in re duo mira, & juxta humanam rationem sibi valde contraria ostendit, dum post resurrectionem suam Corpus suum & incorruptibile, & tamen palpabile demonstravit. Nam & corrumpi necesse est quod palpatur, & palpari non potest quod non corrumpitur. Sed miro modo atque inestimabili Redemptor noster & incorruptibile post resurrectionem, & palpabile corpus exhibuit, ut monstrando incorruptibile invitaret ad præmium, & præbendo palpabile firmaret ad fidem, & incorruptibilem se ergo, & palpabilem demonstravit, ut profecto esse post resurrectionem ostenderet corpus suum & ejusdem naturæ, & alterius gloriæ.*

Ex quibus verbis dubitari nequit, existimatum fuisse a Gregorio palpabile simul, & impalpabile Corpus Christi, eadem remanente natura, diverso tamen statu esse posse. Jam vero in Eucharistia Christi Corpus talis est naturæ, ut ipsum per se sensus pellere queat, sed idcirco non pellit, quia Christus sui corporis actionem in nostros sensus impedit, unde quamvis substantia panis non sit, perinde tamen movet ac si foret, ita ut nobis panem, & vinum tangere, olfacere, gustare, & videre videamur. Redditur etiam Corpus Christi proxime impalpabile, atque invisibile, tamen utramque potentiam utpote necessariam, in statu saltem remoto, quemadmodum schola nostra loquitur, retineat. Ex quibus omnibus concludi potest quam infirma conclusione sit usus Adversarius noster, cum ex eo quod Gregorius corpus omne palpabile esse, & visibile putaret, S. Doctorem realem Corporis Christi in Eucharistico Sacramento præsentiam non fuisse perspectam intulit; neque mirandum ab humana natura hujusmodi existentia nullum aliud suppeditari exemplum, nec humano captu illam clare percipi posse. Immo vero mirandum esset, si mens humana, utpote finita, corporeis alligata, atque obvoluta sensibus cœlestia hæc intelligeret mysteria, quorum potissima est proprietas, ut abscondita sint atque impervia. Illud nobis sufficere debet ostendisse, naturæ legibus haud esse contrariam & pro certo habere a Deo posse hæc fieri. Qui enim dixit in principio fiat Lux, & facta est lux de nihilo, non potuit dicendo de pane, Hoc est Corpus meum, & fieri efficere? Et qui tacita virtute aquam vertit in vinum non efficacius poterat (si quid tamen efficacius de Deo dici debet) sonante vocaliter eadem virtute, vinum ipsum in sanguinem suum transferre? Ita egregie

a. argumentabatur adversus Calvinistici erroris protoparentem Berengarium illius in Academia Carnotensi Collataneus Adelmannus Brixienſis Episcopuſ in præclariffima Epiftola<sup>a</sup> quam ſub illius hæreſeos, initia ut ab eadem Amicū revocaret, conſcripſit, quāque doctiffimis notis a Cl. Canonico Galeardo illuſtratam recudi fecit in Veterum Brixianæ Eccleſiæ Patrum collectione doctrina ac pietate vere Eminentiffimus Episcopuſ noſter Angeluſ Maria Quirinuſ S. R. E. Cardinaliſ.

b. Neque novum accidere debet Oudinō ut quoquo modo *mysteriorum paradifum*, quemadmodum a S. Proclo Conſtantinopolitano Patriarcha cœna Euchariftica appellatur<sup>b</sup>, exponeremus, ad miraculum noſ conſuſiſſe. Nonne & ipſi Calviniftæ maximum agnoſcunt miraculum? Latere proſecto non poterat Oudinū authoreſ Calvinifticæ confeſſionis in articulo trigefimo ſexto confeſſoſ fuiſſe: *Mysterium Eucharistiæ altitudine ſua omnem ſenſum ſupergrēdi, omnem naturæ ordinem ſuperare, uno verbo eſſe cœleſte, neque niſi per fidem apprehendi poſſe.*

c. XLIV. Secundum momentum deſumit Oudinuſ ex reſponſione ad decimam Auguſtini Anglorum Apoſtoli interrogationem, ubi noſter cum ingreſſu in Eccleſiam Eucharifticam ſumtionem æquiparare videtur: *Vir, ait Gregoriuſ, qui poſt commixtionem conjugis lotuſ fuerit aqua, etiam ſacrum communionis myſterium valet accipere, cum ei juxta præſentam ſententiam Eccleſiam etiam licuerit intrare, epiſt. vi. lib. xi.*<sup>c</sup> Ergo non credebat Gregoriuſ Magnuſ Chriſti Corpus, & ſanguinem vere, & ſubſtantialiter contineri in Sacramento Euchariftiæ, ſed tantum virtute, figura, & ſigno, alioquin longē ma-

juſ aliquid fuiſſet percipere Corpus, & Sanguinem Domini, quā Eccleſiam intrandi licentiam habuiſſe. Sane Pontificii hodierni, qui a mente veterum Romanorum, & Gregorii circa Eucharistiæ Sacramentum receſſerunt longe aliquid eſſe ſanctius ac ſacratius cenſent, ad Chriſti Corporiſ, & Sanguiniſ perceptionem accedere, quā ipſiſ licere Eccleſiam ingredi; quia nempe Chriſti Corpus, & Sanguinem vere, & in eſſentia contineri, & ſibi dari opinantur.

Quantum contineat ponderiſ Oudiniana confeſſio, vel me tacente, intellecturuſ eſt lector, quaſi non eadem a Gregorio, ac a noſtriſ Theologiſ requireretur mentis puritas myſtice licet, & ſolum virtute, non autem realiter docerent Corpus accipi, Sanguinemque Chriſti. Quamobrem nihil tale, quod conjecit Oudinuſ, rite fluit ex illo Gregorii loco, quem mihi conſideranti illa venit in mentem vetuſ conſuetudo, qua aliquibuſ in loci� nonniſi Euchariftico cibo accedere paratiſ licitum erat ſacriſ intereſſe: juxta antiquoſ Patreſ, affirmat Microloguſ<sup>d</sup> ſoli communicanteſ diviniſ myſteriſ intereſſe conſueverunt, cui & Durandus conſonat duodecimi ſæculi auctor, Rationaliſ Divinorum Offic. lib. iv. cap. LIII. hiſ verbis: *In primitiva Eccleſia omneſ, qui celebrationi Miſſarum intererant, ſinguli� diebuſ communicare ſolebant: quā conſuetudinem ſæculo etiam decimo quinto apud Ethiopicoſ obtinuiſſe legere eſt in probato de rebuſ Abyſſiniſ libello lib. i. cap. xxxv. ab erudito Jeſuita Nicolao Godigno publici juris factu. Hanc ipſam præ oculiſ habuiſſe, quā in nova Anglicana Eccleſia plantare fortaiſſe deſiderabat, mihi videtur Gregoriuſ videre in illiſ verbis juxta præſentam ſententiam,*

qua

a Pag. 413. Brixia 1738.

b Oratione x. pag. 351. cit. edit. Romæ.

c Tom. 2. pag. 1161.

d Cap. v. de ſacriſ inſtitutionibuſ. Quiſ

vero fuerit genuinuſ illiſ Operiſ auctor; quem ſæculo xi. ſtetiſſe conſtat, non eſt huiuſ lociſ diſquiſitio.



qua nimirum erat definitum, ut his dumtaxat, quibus sacram sumere synaxim permittebatur, Ecclesiam ingredi liceret, & ideo jungit Gregorius eodem loci hæc duo de ingressu Ecclesiæ, & de sumendo Corporis Dominici, Sanguinisque mysterio; quod utrumque permittit illi, qui sua conjugē utitur non cupidine voluptatis captus, sed solummodo liberorum creandorum gratia loc. cit. pag. 1161.

Quoniam vero ex Augustini interrogatione, & Gregorii responsione de superstitionis vitio ansam arripit nostrum criminandi, nobis quoque a superstitionis crimine temere impacto vindicare incumbit. Hoc autem dilemmate objectionem conclusit ipse: *Vel commercium viri cum uxore peccatum est, vel non. Si primum: an lotio ipsa corporea per aquam peccatum ablueret Sacramenti instar poterit? Si non, ut constet, cur inde vir, qui mulieri suæ cohabitavit, ab Ecclesiæ ingressu, vel Corporis Christi, & Sanguinis communionē arcetur, nisi antea lotus aqua fuerit?* Hactenus Oudin.

Primo respondetur, juxta ipsius Oudini mentem, nullum esse peccatum, neque illam ablutionem fuisse instar Sacramenti peccati maculam abstergentis. Sed liceat & mihi hominem sic compellare: Mulierem tangere vel malum est vel bonum; si malum, cur permittuntur conjugia? Cur dicit Apostolus conjugatis: *Nolite fraudare invicem; nisi forte ad tempus ex consensu?* (prima Corinth. v. 7.) Sin bonum, cur ab eodem affirmatum est Apostolo: *Bonum est homini mulierem non tangere?* Sed utrumque bonum esse credo, si adhuc viveret responderum adversarium; cur ita? quia sunt multa, quæ etsi non mala, aliquando tamen ad tempus non permit-

tenda. Nonne & ab Achimelech Sacerdote Davidi fugienti dictum fuit primo Regum cap. xxi. *Si mundi sunt pueri, maxime a mulieribus?* cui ille respondit *ab heri & nudius tertius*. Nonne & populus omnis ad montem Sina accessurus, & Dei auditurus eloquium jussus est tribus diebus ab uxoribus abstinere? Exod. 3. Nonne panes propositionis, quasi corpus Christi, ut ait S. Hieronymus lib. adv. Jovinian. primo num. 20. <sup>a</sup> de uxorum cubilibus conjungentes edere non poterant? Nonne summus ipse sacerdos ante diem expiationum diebus septem a domo sua seclusus tenebatur, idque juxta Moysis traditionem teste Maimonide cap. 1. de die expiationum <sup>b</sup>, ut per universos hos dies segregaretur ab uxore sua? Quid plura? quis est in historia ita peregrinus, ut ignoret ethnicis ipsis solemne fuisse, ut aliquot diebus ante sacrificia ab uxoris concubitu omni abstinere? In nova autem lege quid frequentius, potissimum in veteribus Patribus, qui per tria illa vixere felicissimā secula, quibus immaculatam fuisse custoditam Christi, Apostolorumque doctrinam, & disciplinam. Reformati ipsi profitentur, invenire est exhortatione illa, qua Christi fideles recurrente nostræ fidei memoria præcipuorum mysteriorum, ut ab uxorum commercio temperarent suadebantur rogabanturque? Quamobrem non ea Gregorii erat opinio, qua existimaret conjugum immixtionem peccato esse seclatam, sed quia animos per illam in terris nimium desigi ex Patrum assertionē compertum habebat, idcirco ab illa nonnullis anni diebus revocare studebat suos Anglos, ut mens voluptatibus hisce, quæ conjugatis etsi licitæ, a rerum tamen divinarum contemplatione nimium avocare solent, minime obvoluta purior divi-

na

<sup>a</sup> Tom. II. pag. 269. cit. edit.

<sup>b</sup> Tom. II. pag. 31. sacram antiquita-

tum, qua ab eximio viro Blasio Ugolino Ver-  
netiis in lucem emittuntur.

na celebraret mysteria . Quod vero additur de corporis ablutione solvitur responsione tam facili omnibusque trita, ut in illius confutatione vel unum infumere verbum nos pudeat. Satis erit cum Hieronymo advertere ad munditiam Corporis Christi omnem coitum immundum esse . Epiphonemati autem huic, quo objectioni finem imponit Oudinus absurdis interrogatis, & superstitiosis, absurda, ac superstitiosa Gregorii responsio adjuncta est, responderemus nisi a quavis mordacitate abstinere propositum nobis esset: Absurdus Oudini objectionibus, & superstitiosis interrogatis absurda, ac superstitiosa ejusdem consequentia adjuncta sunt.

LI. III. Nova quædam commovet Oudinus ex facto illo, petita quod recenset noster, atque approbat Dialog. lib. II. cap. XXIV. ubi sic narrat Gregorius: *Quadam quoque die dum quidam ejus puerulus monachus parentes suos ultra quam deberet diligens, atque ad eorum habitaculum tendes sine benedictione de Monasterio exiisset, eodem die mox, ut ad eos pervenit, defunctus est. Cumque esset sepultus, die altero projectum foras corpus ejus inventum est, quod rursus tradere sepulture curaverunt. Sed sequenti die iterum projectum exterius, atque inhumatum sicut prius invenerunt. Tunc concite ad Benedicti Patris vestigia currentes cum magno fletu petierunt, ut ei suam gratiam largiri dignaretur. Quibus vir Dei manu sua protinus communionem Dominici corporis dedit dicens: Ite, atque hoc Dominicum corpus super pectus ejus cum magna reverentia ponite, & sic sepulture eum tradite.* Tria Oudinus hac ex narratione extrahit tela, quibus dogma Catholicum adoriatur. Primum est ne ab ipsis quidem Romanis Theologis doceri, reale Christi Corpus tunc temporis supra mortuorum cor-

pore positum fuisse unaque cum illis sepulture traditum, utpote quod fuisset sceleratissimum facinus: *An vellent, sunt hæc Oudini verba, tunc temporis supra triduanum mortui jam hominis cadaver Eucharistiam suam ponere, atque cum ea iterum cadaver sepulcro committere? Nemo non, opinor, hoc factum sceleratissimum clamaret, execrareturque.* Secundo vel Benedictum Abbatem, qui hoc fecit, vel Gregorium, qui factum referendo, & miraculis confirmando approbavit, impium fuisse, vel impios ambos. Tertio, quod nunc solis sacerdotibus conceditur, olim Benedictum simplicem Monachum nec sacerdotem, nec diaconum fecisse, & laicis præbuisse, ut cadaveri Monachi sui apponerent, & appositum Sacramentum cum cadavere terræ manderent, quia putatum fuit atque creditum priscis Ecclesiæ temporibus virtute sola, & efficacia Christum in Sacramento, velut in signo contineri.

LII. At facilis est ab omnibus hisce telis evasio. Dicimus itaque primo nullum eo in ritu a majoribus nostris patratum fuisse scelus, esto putassent, uti reipsa putabant, firmiterque credebant Corporis Christi realitatem. Hinc dicimus secundo, nec Benedictum, nec Gregorium alterum imperando, alterum approbando hocce factum, impios fuisse, quandoquidem consuetudinem secuti sunt ab optimis quibuscumque sanctissimis viris, & potissimum Episcopis cum Orientis, tum Occidentis usurpatam: ex veterum enim monumentorum lætione compertum habemus eos, qui in Ecclesiæ pace quievissent jus habuisse communionis, quam ante eorum obitum aliqua de causa sumere non poterant recuperandæ, quam consuetudinem si negaret Oudinus, eum mitteremus ad socialem suum Calvinistam Gasparum Svizzerum, qui in suo Thesau-



2 ro Ecclesiastico <sup>a</sup> (tom. II. pag. 1142. Verbo Συναξίς) Mortuis, inquit, datam, & una cum iis in primitiva Ecclesia sepultam fuisse Eucharistiam exemplis, & testimoniis probari potest. Porro ex hoc eodem ritu, quo in ipsummet aliquando cadaveris os imponebatur sacra cœna, qui postea iustis de causis a Conciliis Chartag. 3. cap. 111. a Trullano can. 83. atque ab aliis prohibitus fuit, non spirituale tantum, sed & realem existimatam fuisse a veteribus illis Christi præsentiā mihi videor non obscure elici posse; quod enim spirituale est in os plane immitti nequit. Sed quid attinet de re tam aperta conjecturis inniti, cum luculentissimum habeamus, etsi Romanæ Ecclesiæ infestissimum, duodecimi seculi testem? Zonaras is est, qui in notis ad eundem Trullanum Canonem per Antonium Salmasium Collegii Ambrosiani Doctorem de Græco in Latinum translatis: *Antiquæ*, inquit, *consuetudinis fuit corpus, & sanguinem Domini mortuorum corporibus impertiri*. Dicimus tertio, nullam contra nos præferre vim adversarii argumentationem: esto enim daremus consonum haud fuisse majestati divinæ, reale ut Christi corpus laicali manu tractaretur, quæ sane iusta quidem de causa vetitus postea fuit ab Ecclesia huiusmodi ritus; ergone hac ex indulgentia rite consequeretur figurative dumtaxat ac mystice sacratissimam Christi carnem in Eucharistia contineri, mentem fuisse Benedicto, Gregorio, aliisque Patribus, a quibus id consuetudinis frequentatum fuisse nullus reliquus est dubitandi locus? Immo vero ne conjectura quidem dici hoc potest, nisi fortasse ab iis, quibus res obsoletæ, quemadmodum scite observabat supra laudatus eximius noster Vener. Card. Thomasius in aurea sua præfat. ad Responsorialia,

b & Antiphonaria <sup>b</sup>, nostros dumtaxat mores conspiciantibus difficilius, aliquando suadetur.

LIII. IV. Adversarii probatio & ultima defumta est ex Dial. lib. IV. cap. xv. ubi Gregorius refert mulierem quamdam nomine Romulam, sub mortis tempus ab alia quadam femina nomine Redemta, quæ ipsi morum magistra erat, viaticum idest Eucharistiam accepisse, & illico obiisse. Ex quo repugnantiam eandem, ac tertio loco objecerat, intulit Adversarius: *Quis vero concesserit*, ita ipse argumentatur *fas fuisse femina alteri mulieri Eucharistiam tradere, si tunc creditum fuisset eam ipsummet Domini gloriosum corpus esse?* Verum tempore, quo nihil secundum Deum pretiosius, abutentium notam incurere timeremus, si paucillum licet in tam facili diluenda immoraremur difficultate, cui, in idem cum recidat ac supra objectum fuit, eadem accomodari possunt, quæ retro sunt a nobis commemorata.

LIV. Notam vero illam profecto non timemus, locum heic exscribendo, licet prolixum, quemque supra polliciti sumus, ex quo divino sane consilio factum est, ut clarissima, plane perspicua, nec indubitanda indicia, Gregorii doctrinam perfectissime cum Romano dogmate convenire elucescant.

Locus est in eodem Dialog. opere, ex quo Oudinus in primis gloriatur ostendere Gregorium, ad Eucharistiam quod attinet, Romano dogmati contrarium prorsus esse, & Calvinistis favere, atque sic se habet: *Debemus itaque præsens seculum, vel quia jam conspiciamus defluxisse, tota mente contemnere, quotidiana Deo lacrymarum sacrificia, quotidianas carnis ejus, & sanguinis hostias immolare. Hæc namque singulariter victima ab æterno interitu animam salvat, quæ illam nobis mortem Unigeniti*

a Pag. 26. Mediolan. 1613.

b Pag. 13. tom. IV. oper. Thomasi Rom. 1749.

geniti per mysterium reparat, qui licet resurgens a mortuis jam non moritur, & mors ei ultra non dominabitur, tamen in semetipso immortaliter, atque incorruptibiliter vivens, pro nobis iterum in hoc mysterio sacra oblationis immolatur. Ejus quippe ibi corpus sumitur, in ora fidelium funditur. Hinc ergo pensamus, quale sit pro nobis hoc sacrificium, quod pro absolutione nostra Passionem Unigeniti Filii semper imitatur. Quis enim fidelium habere dubium possit, in ipsa immolationis hora ad sacerdotis vocem caelos aperiri, in illo Jesu Christi mysterio Angelorum chorus adesse, summis ima sociari, terrena caelestibus jungi, unumque ex visibilibus, atque invisibilibus fieri? Haec tenus Gregorius lib. IV. Dial. cap. LVIII.

Ex hujus loci claritate cognoscere quisque potest, quid fuerit in causa, cur omissus fuerit ab Adversario, etsi relatus a Maurinis in ipsa Gregorianae editionis praefatione Generali, quae duo de viginti annis antequam in lucem prodisset primus Oudiniani Commentarii Tomus, edita fuerat. Intelligent etiam tandem aliquando Protestantes, qua fide, quo studio, qua diligentia agere soleant, Romanaeque Communionis argumenta proponere illi ipsi, quos ipsi Ministros, Magistros nempe appellant. Illud enim quod ab Oudino circa Gregorii doctrinam factum esse meridiana luce clarius patet, ab aliis quoque eorum doctoribus ferme omnibus factitatum esse pro certo habeant, & nos, testamur Deum, quia non mentimur, ferme innu-mera in eandem rem, si laboris, quem suscipimus ratio pateretur, nulli dubitationi subjecta, in medium proferremus exempla. Videant insuper vel ex hoc uno capite, si vera loquutus sit Oudinus, dum eodem hoc loco scripserat: *Pontificios, seu Papistas, a seculo potissimum XI. suam*

sententiam de vero, ac essentiali corpore, ac sanguine Christi in Eucharistia amplexatos esse. Dogma sane Pontificium illud omnino est, quod ab omnibus vere Orthodoxis, quod semper, quod ubique creditum fuit, postquam a Christo in illius Sacramenti institutione verba haec fuere prolata: *Hoc est Corpus meum. Hic est Sanguis meus.* Adversus hoc Sacramentum pietatis, signum unitatis, vinculum charitatis latrarunt quidem Berengariani, Lutherani, Calvinistae, Zuingliani, aliique Reformatores; sed tantam, ac splendidam lucem laudata Christi emittunt verba, tam apertum praesentiae realis sensum una cum panis & vini transubstantiatione menti obijciunt, varias ut inter sese maleque cohaerentes, atque oppositas distracti opiniones labefactare nulla ratione potuerint Adversarii: quod nisi a Theologis nostris ostensum fuisset quamplurimis, iisque insuperabilibus momentis, vel facili negotio egomet ostenderem. Sed de Gregorii mente, ad Eucharisticum quod attinet Sacramentum, fortasse nimis. Si quis autem Oudinus alter ea, quae dicta sunt labefactare tentaverit, facile etiam tacentibus nobis, veritas sese defendet.

## CAPUT VIII.

*An Catholicus Purgatorius novum sit Inventum Gregorii Magni.*

LV. **Q**uintum Oudinianae Dissertationis caput hunc praefert Titulum: *De Purgatorio, quod Inventum a Gregorio Magno in Dialogis novum dicitur.* Ne vero ipsi objicerentur ii Patres, qui ante Gregorium Magnum Purgatorii doctrinam tradidere duplicem statim velut ejusdem epocham distinguit: primam repetit ex SS. Caesario, Augustino, Ambrosio, Hilario, quibus nihil aliud



huc visum fuisse Purgatorium docet, quam ignem quemdam prævenientem ultimi iudicii diem: quoque igne non tantum reprobi, sed & ipsi electi, & Sancti, immo Martyres, & ipsa Virgo Maria probabuntur, atque examinabuntur; cujus vi, ac potentia boni a malis scilicet discernentur, optimique a mediis, & si quid sanctis ipsis, ac Martyribus vitii ex antea facta in terris vita inolitum, ac concretum adhaeserit, id statim purgatrice flamma consumtum iri: quamque purgationem a peccatis minutis eisdem intellexisse affirmat. Hoc Purgatorii genus nullum dicit habere sectatorem, sive apud suos, sive apud nostros; quandoquidem Purgatorium Romanum recens est animarum (purgationem) corpore solutarum, antequam ultima iudicii dies adveniat, immo post ultimam singularis cuiusque iudicii diem; istud vetus, est illarum ad ipsum iudicii ultimum diem, postquam corpora sua resumerint. Romanum recens cum ultimo iudicio destruendum; istud cum illo incipiendum. Romanum pro solis animabus, qua (quæ) corpora non habent constitutum; istud animarum, & corporum simul. Romanum recens solis Fidelibus pænæ temporali adhuc obnoxii; istud vetus omnium etiam Sanctorum commune est, per quod, & Maria Virgo, & Petrus Apostolorum Princeps, & Johannes Baptista purgabuntur ex sensu veterum. Quibus positis quærendum esse, ait, quis huius novi Purgatorii inventor sit? Atque cum Dallæo Gregorium I. seu magnum huius Romani recentis Purgatorii inventorem fuisse dicimus, quod nondum exstabat temporibus S. Cesarii Arelatensis Archiepiscopi, ut ante probavimus. In medium deinde profert auctoritates, rationesque

aliquot, quibus suam de Purgatorio doctrinam confirmaverat Gregorius. Tandem in ipsismet Gregorianis argumentis duas insignes contradictiones sibi videtur videre. Harum prima est, dum statuit, definitque Purgatorium suum levium dumtaxat peccatorum expurgativum esse, nec ad maiora extendi *lib. iv. Dialog. cap. xxxix.* At *cap. xxxix.* animam Paschafilii Diaconi S. R. E. gravissimo schismatis crimine maculatam in Purgatorio tamen collatam vult immemor eorum, quæ *cap. xxxix.* dixerat. Secunda circa ignem Purgatorii, vel Inferni animas cruciantis, an corporeus, vel incorporeus ille sit, atque libro quidem Dialogorum *iv. cap. xxix.* censet ignem esse corporeum; iis autem contrarium statuit *lib. xv. Moralium cap. xiv.*

Antequam tenebras istas veritatis sole fugamus, dissimulandum non est, Purgatorii locum unum ex illis esse, qui exortis Protestantibus in controversiam longe difficilem venire, teste Georgio Cortesio Benedictino, & S. Romanæ Ecclesiæ Cardinali <sup>a</sup>. Propterea quod, mea quidem sententia, ante id temporis res non fuerat adeo expedita, utpote non satis diligenter pertractata, unde una omnium maximè illo perturbatissimo tempore ab Ecclesiæ hostibus oppugnata, ut loquitur Sadoletus in epist. ad citatum Cortesium. <sup>b</sup> At Orthodoxæ fidei (quod iterum observasse non pigebit) utilitatem hanc imprudens attulit nova Protestantium opinandi ratio, ut quæ implicitis vocibus credenda Fidelibus proponebantur, clarioribus postea terminis proposita sint; non quod una, eademque semper non fuerit fides, sed quia non eadem sub Fidei initia fuerit clarificandorum Dogmatum, sive

<sup>a</sup> Sunt hæc Cortesii verba in epistola ad Cardinalem Sadoletum Tom. II. p. 98 Opp. Sadol. Veronæ 1738. Intellexi maxime obscurum locum (Purgatorium) &

Tom. XVI.

a nullo antea satis diligenter tractatum; & nescio an omnium, qui nunc precipue in controversiam venire, longe difficillimum.

<sup>b</sup> Loc. cit. p. 96.

b.

five necessitas, five opportunitas, cum, & de Fidei rebus verum sit illud S. Epiphani hær. 75. n. v. <sup>a</sup> Nulla res est, quæ ab initio suis omnibus numeris absoluta fuerit; sed procedente demum tempore sua opportunitatibus omnibus ad perfectionem accessio contigit. Factum hinc est, ut Purgatorii causa olim potius tacta, quam disputata, a Theologis postea nostris ita clare, ita fortiter sit perorata, ut ab illo dumtaxat in dubium revocetur, qui in summa luce de industria cœcutire velit.

LVII. Quid enim magis a veritate abhorret, quam hominis nostri de Romano Purgatorio a Gregorio Magno excogitato propositio? Non ne unus Veterum hereseon Elenchus a S. Epiphanio conflatus erroris eum arguit? Sanctus quippe Epiphanius, qui ducentis, & amplius annis Gregorium præverat, eo quoque nomine Aerium inter hæreticorum numerum recensuit, quod negaret appellanda esse mortuorum nomina, quia inquiebat Aerius: *Si superstitem preces iis, qui ex hac vita discesserint opitulari possent, nemo pie deinceps agat aliquod, nec boni quicquam faciat, sed amicos sibi aliquos quacumque ratione velit adjungat, sive pecuniarum largitione, sive precibus hoc ab illis sub vitæ finem impetret, ut pro se Deum exorent, ut ne illic aliquid incommodi patiatur, nec immanium a se facinorum pœnæ rependantur.* Qua ratione egregie ita sequitur S. Pater: *Necessario facere illud Ecclesiam dico, quæ traditum sibi ritum illum a majoribus acceperit. Potest vero quisquam maternam, aut legem Patris evertere? Quemadmodum a Salomone scriptum est: Audi, Filii, sermones Patris tui, & ne repellas matris tuæ; Quibus Patrem, hoc est unigenitum Deum, cum Spiritu Sancto declarat partim scripto, partim sine scripto docuisse: matrem*

*vero nostram Ecclesiam decreta quædam habere penes se, quæ dissolvi evertique nequeunt. Quæ quidem cum in Ecclesia constituta sint præclara quidem, ac penitus admiranda, ex hoc ipso capite veterator ille convincitur* <sup>b</sup>. Patris, inquam, nostri fuisse hanc de Purgatorio sanctionem præter Epiphanium testatur Tertullianus secundi seculi Auctor, qui de exhortatione cap. xi. de Monogamia cap. x. de corona militis cap. i. illius ritus non tunc investit, sed semper adhibiti apertissimam habet mentionem, & de quo ita quarto de corona capite loquitur: *Si legem expostules Scripturarum, nullam invenies, traditio tibi prætendetur Auctrix, consuetudo conservatrix, Fides observatrix.* Consuetudinem autem illam, quæ semper in Ecclesia viguit, cuius nullum fingi potest initium, utpote nullo, sive Concilii, sive Pontificis decreto sancitam ab Apostolis derivatam, clamant Patres, validissima persuadetur ratione: *Quod universa tenet Ecclesia, Augustini sunt, atque omnibus probata verba lib. de Baptismate iv. cont. Donat. cap. xxiv. & ep. i. §. ii. nec a conciliis institutum, sed semper retentum est, nonnisi auctoritate Apostolica traditum rectissime creditur.* Illud autem quod Apostolica traditione nobis est consignatum ab ipsiusmet Christi verbis, aut factis initium habuisse constanter tenuere Patres trium etiam priorum sæculorum, quibus caste fuisse custoditam Christi doctrinam ipsi e Protestantibus peritiores concedunt hac persuasi Tertulliani regula: *Ecclesia accepit ab Apostolis, Apostoli a Christo, Christus a Deo.*

LVIII. Porro ante Gregorium Magnum consuetudinem fuisse in Ecclesia tum Græca, tum Latina orationes pro mortuis fundendi, oblationesque offerendi, non est cur ego præter superius dicta evincam: pro-

pte-

<sup>a</sup> Tom. I. pag. 95. Parisiis 1622.

<sup>b</sup> loc. cit. pag. 912.



pterea quod sexcenti, & amplius Romanæ Communionis Theologi id copiosissime præstiterunt, unde eadem scribere loca hominis esset otio abutentis. Duo tamen ab iisdem vero animadversa in medium adducere placet, quorum alterum est S. Ephrem Syri, quem & ipsi Protestantes magnis laudibus extollunt: Ne cum aromatibus, queso, me sepeliatis, (ita se ipsum in ultima sua voluntate suis fratribus commendabat) at date saporitatem fumi boni odoris in domo Domini, & me orationibus potius vestris comitami, & aromata Deo offerte... comitami me in psalmis atque orationibus vestris. & assidue pro mea paritate sacrificia, & oblationes facere dignemini, & quando diem 30. complevero, mei memoriam faciatis. Mortui enim in precationibus, atque oblationibus commemorationis Sanctorum viventium beneficio afficiuntur<sup>a</sup>. Locum alterum suppeditat vetustum officium quadragesimale Græcæ Ecclesiæ a supra laudato Cardinali Angelo Maria Quirino vere Eminentissimo publici juris factum, ubi inter alia ad pag. 9.<sup>b</sup> hæc sunt: Peragentes Domine hodie commemorationem quorumvis a seculo pie defunctorum, ad te enim clamamus, fac ut cum sanctis tuis omnes quiescant. Sed præstat Calvinum, cujus castra sequi videtur Oudin, audire; hic in 3. inst. Christianæ Religionis lib. cap. v. num. 10. Ipsi etiam veteres, inquit, qui preces fundebant pro mortuis, & mandato Dei, & legitimo exemplo hic se destitutos videbant: cur ergo audebant? in eo dico aliquid humani passos esse: & paulo post votum Augustini pro matre defuncta vocat anile votum, quod filius non exegit ad normam scripturæ. Johannes Forbesius Capite Decimo Libri Decimertii in-

structionum historico Theologicarum<sup>c</sup>, hunc fecit titulum: *utrum probanda vel imitanda sit, necne illa veterum consuetudo orandi, & offerendi, & eleemosynas faciendi pro mortuis*: numero autem secundo ita scribit, eam Tertullianus lib. de Corona militis c. vii. & Epiphanius hæresi 35. & Augustinus ser. 32. de verbis Apostoli, & Dionysius lib. de Ecclesiast. Hierarch. cap. ult. de Traditionibus Patrum retulerunt. Deinde num. scilicet 7. ita sequitur: Hæc utcumque in veteribus excuset humana erga defunctos benevolentia, & pia fidem spemque suam testificandi, & superstites ad honestam optimorum imitationem exstimulandi intentio: attamen, quantum ad præcationem pro eorum requie, & remissione, non est nobis tantum veteres imitari. Sed clarius in rem nostram fuerat loquutus sub finem tertii capitis ejusdem libri in hæc verba pag. 675. Hujusmodi autem Purgatorii, quale tuentur Romanenses, suspicio quædam incessit quorundam animis paulo post annum Domini 400; citatus quoque Svicerus, nostra de Purgatorio exposita doctrina, hæc habet<sup>d</sup>: Tale Purgatorium vel non multum absimile in Ecclesiam primitus irrepere cepit tempore Augustini, an ipsius, an alius culpa, non satis certum est.

Verum quidem est Calvinum; Forbesium, aliosque Protestantes contendere, veteres in hoc imitandos non esse cum sint destituti sacræ Scripturæ auctoritate, sed nobis (quoniam nihil impræsentiarum de Purgatorii existentia disputare volumus, nam hæc quæstio ab ea, quam nunc præ manibus habemus, & commode separari potest, & fuit copiosissime a nostris disputata) satis est ostendisse eam Romanæ Ecclesiæ de Purgatorio doctrinam non fuisse a Gre-

<sup>a</sup> Tom. iI. G. L. pag. 237. Roma 1743.

<sup>b</sup> Tom. i. E. Rom. pag. 1721.

<sup>c</sup> Pag. 226. Geneva 1637.

<sup>d</sup> Pag. 696. Geneva ann. 1700.

gorio Magno omnium primo exco-  
gitatam, quod perpetam, contraque  
historiæ veritatem, Protestantiumque  
Theologorum confessionem, obiecit  
Oudinus.

LVII. At enim, Oudinus loqui-  
tur, si quis Purgatorius ignis ante  
Gregorium cognitus, non incum finem  
conditus putabatur, quem Gregorius  
tribuerat, sed in illum prope dixer-  
sum, quemque sub capitis initium  
recensuimus: cui objectioni occurri-  
mus eadem confidentia rejiciendo,  
quam Adversarius opposuit duplicis  
hujus Purgatorii distinctionem; licet  
enim Cæsarii, Augustini, Ambrosii,  
atque Hilarii loca, in quæ velut in  
portum una cum suis confugit Ou-  
dinus, id evincerent, quod Adver-  
sarius contendit (qua de re nihil  
propositionem nostram infirmante dis-  
putare modo nolumus) nihilo ta-  
men minus Catholicam de Purgato-  
rio doctrinam ne leviter quidem im-  
minueret; quippe non quod unus,  
aut alter, licet vir fuerit doctus,  
& pius, licet Episcopus, & Martyr  
litteris consignavit, sed quod univer-  
sa Ecclesia aut per orbem dispersa,  
aut in Concilium collecta credendum  
proposuit, illud credere debemus ac  
profiteri. Porro Ecclesiam pro De-  
functorum animabus orasse, annui-  
que dormitionis diebus obtulisse,  
liquet apertissime ex testimoniis Ter-  
tulliani, Cypriani, Augustini, Epi-  
phanii, Cyrilli Hierosolymitani,  
aliorumque Patrum non solum a  
nostris, verum etiam ab Adversariis  
uberrime descriptis. Hoc unum dum-  
taxat bonum esse atque utile Triden-  
tina Synodus definit: *Cum Catholica  
Ecclesia Spiritu Sancto edocta ex sa-  
cris litteris, & antiqua Patrum tra-  
ditione in sacris Conciliis, & novis-  
sime in hac OEcumenica synodo do-  
cuerit, Purgatorium esse, animasque  
ibi detentas fidelium suffragiis, po-  
tissimum vero acceptabili Altaris sa-*

*crificio juvari; præcipit S. Synodus  
Episcopis, ut sanam de Purgatorio  
doctrinam a sanctis Patribus, & sa-  
cris Conciliis traditam, a Christi fide-  
libus credi, teneri, doceri, & ubi-  
que prædicari diligenter studeant.*  
Tale est de Purgatorio decretum sess.  
25. sancitum, cum prius sess. scilicet  
6. can. 30. doctrinæ hujus velut fun-  
damentum posuisset hoc anathema:  
*Si quis post acceptam justificationis  
gratiam cuilibet peccatori penitenti  
culpam ita remitti, & reatum ater-  
næ pænæ deleri dixerit, ut nullus re-  
maneat reatus pænæ temporalis exsol-  
venda vel in hoc seculo, vel in fu-  
turo in Purgatorio, antequam ad re-  
gna Cælorum aditus patere possit, a-  
nathema sit.* In idem recidit cate-  
chismi Romani doctrina, quam iidem  
Tridentini Patres conscribi fecerunt:  
*Ut certam aliquam formulam, & ra-  
tionem Christiani populi ab ipsis fidei  
rudimentis instituendi traderent, quam  
in omnibus Ecclesiis illi sequerentur,  
quibus legitimi Pastoris, & Doctoris  
munus obeundum esset.*<sup>a</sup> De Purgato-  
rio igitur hæc solum extant verba  
*De v. Articulo num. 3. Præterea est  
Purgatorius ignis, quo piorum animæ  
ad definitum tempus cruciata expian-  
tur, ut eis in æternam patriam in-  
gressus patere possit, in quam nihil  
coinquinatum ingreditur.* Præter hæc  
nihil aliud fuisse a Concilio definitum  
observavit etiam Benignus Bossuet  
Meldensis Episcopus in probatissima  
Doctrinæ Christianæ explicatione ad  
sess. 25., *C'est, ce, sont hæc illius*  
*verba*<sup>b</sup>, que le Concile de Trente  
*nous propose a croire touchant les*  
*ames detenues dans le Purgatoire,*  
*sans determiner en quoy consistent*  
*leurs peines, ni beaucoup d'autres*  
*choses semblables, sur les quelles*  
*ce saint Concile demande une gran-*  
*de retenue, blamant ceux, qui*  
*debitent ce qui est incertain & su-*  
*spect.* Quapropter, si quæ sint

a Græ.

a Num. 9. Præfationis.

b Pag. 42. Paris. 1680.



a Græcis, Latinisque Scriptoribus de loci, pœnarum, personarumque circumstantiis opiniones excogitatæ, literisque mandatæ, possunt, salva fide, qua Christiani sumus, in utramque partem versari, utpote credenda de fide non sint proposita ab Ecclesia, cuius maxime commendanda prudentia, quæ a rebus incertis, neque a Deo revelatis assensum cohibuit.

Ut igitur eo redeat, unde discessit oratio, rem totam paucis sub oculos ita ponimus. Gregorius putavit, animas corpore exutas gravi crimine immunes, aliqua tamen peccati fuligine maculatas Purgatoriis pœnis torqueri, easque precibus Deo oblati posse sublevari; summa doctrinæ hujus optime cum illa veteris, recentisque Ecclesiæ congruit; Gregorius ergo non omnium primus doctrinam hanc excogitavit, quod mihi sumferam præsentī capite probandum.

LVIII. In contradictoria vero lapsus fuisse fidenter negamus, atque illud argumentum, quod est primo loco ab Adversario positum non est difficile refutare. Concedimus, Paschasium partibus fuisse Laurentii Archidiaconi an. 498. in summum Pontificem electi ope Festi Senatoris Romani, & paucorum aliquot, cum e contrario magna Cleri Populique frequentia eadem insignitus fuisset dignitate Symmachus Fortunati filius, unde secundum ipsum æquam licet Arrianus, tulerat sententiam Ravennæ degens Theodoricus Italiæ Rex, ad quem causa tota delata fuit, quod ex Odoacris lege non deberet Pontifex creari sine consensu Regis Italiæ<sup>a</sup>. Verum quoque est, Paschasium in sua sententia usque ad diem obitus perstitisse, ideoque in pœnali loco fuisse deputatum: at sædo schismatis crimine laborasse, quod Regis sententiæ noluerit accedere, res non

adeo explorata est, nam cuinam teste ipsomet Basnagio ad annum 498<sup>b</sup> de Episcopatu contententium insula addicenda foret, vix erat in medio: Laurentius Symmachusque eadem die creati fuerant: ac fautorum numero, & dignitate æquis viribus certabant. Quamobrem cujus essent potiora iura excusabilis videri poterat ignorantia, atque repugnantia confirmationi regiæ: difficile enim creditu non est, Paschasium sibi in animum induxisse, neminem posse cogi in re tanta iudicio Principis secularis, atque Arriani conquiescere, unde laus nulla, aut levis culpa fuit in Laurentii partibus permanere.

Quod si reponeret Oudinus, confirmata synodali decreto prioris Pontificis electione, nulla ratione defendi posse Paschasii obstinationem, quo in casu non leviter accusatur a Cardinali Baronio ad hunc annum num. 8. criminis tamen in ipsa exitus die eum pœnituisse, veniamque fuisse consequutum, licet eo superflite celebrata sit synodus, dicendum est. Hunc enim sensum præferre videntur hæc Gregorii verba: *In sua sententia usque ad diem sui exitus perstitit: sed quia (non malitiæ, sed ignorantie errore peccaverat) ex sui eleemosynarum largitate, aliisque egregiis virtutibus, quibus erat præditus hoc obtinuit*, ut sub mortis articulo sui erroris pœniteret, veniaque dignus sit factus. Veteris quoque sanctitatis merita in eodem refulsisse, Deus visus est comprobasse eo miraculo, quod refert S. Gregorius: nimirum tactu suæ Dalmaticæ feretro superpositæ Dæmoniacus statim sanatus fuit, unde iure, ac merito inter Sanctorum numerum fuit a veteri Ecclesia adoptatus, atque in Martyrologiis Baronii, De Aste, aliisque relatus sub die 31. Maji.<sup>c</sup>

Vifus

a *Tom. iv. Conc. Labbe pag. 1300. Ven. b loc. cit. tom. xii. pag. 601. c Præclara ejus gesta enarrata sunt a*

*Bollandianis pridie Kalendas Junii tom. vi. Maji pag. 787.*

Visus autem per aquas purgationis modus, neque insolens est, neque inauditus in sacris veterum monumentis; quandoquidem hujusmodi apparitionum exempla non desunt. Instar omnium loculentissimum est illud in actis Sanctarum Perpetuæ & Felicitatis, de quorum Fide post tanta veterum testimonia, maxime vero S. Augustini, nulla superest Protestantibus exceptio, & jure fuerunt in selectis trium priorum sec. actis Martyrum a Teodorico Ruinartio Congregationis S. Mauri recensita<sup>a</sup>. Martyri igitur Perpetuæ Frater suus nomine Dinocrates, qui e vita excesserat, per visionem visus est primo valde æstuans, & sitiens, sordido vultu, & colore pallido, postquam vero orationem pro se fecisset, vidit piscinam, ubi Dinocrates erat, aqua plenam, altioremq; marginem habentem, quam erat statura Pueri, qui quasi bibiturus ad illam accedebat; dolebat soror, quod & piscina aquam habebat, & tamen propter marginis altitudinem frater bibiturus non esset: experrecta cognovit fratrem laborare, sed fidebat se profecturam labori ejus, unde orabat pro eo die, ac nocte. Postea eidem ostensus est locus ille, quem retro viderat, & Dinocrates mundo corpore, bene vestitus, refrigeratus, & ubi erat vulnus, vidit cicatricem, & piscinam submisso margine usque ad umbilicum pueri, & puer aquam de ea trahebat sine cessatione, & super margine phiala erat aurea plena aqua; & accessit Dinocrates, & de ea bibere cœpit, & satiatus abscessit de aqua, & plaudebat gaudens more infantium; tunc experrecta intellexit translatum eum esse de pœna.

Visio quidem hæc fuit, quemadmodum & illa a S. Gregorio commemorata, sed divina, illique facta, quæ purgatorium credebatur: Numquid enim, ut scite advertit Natalis

Alexander in dissert. xiv. seculi xi. hist. Eccles. prop. i. eos, qui Purgatorium non credunt, similes visiones compellerent ad preces fundendas pro defunctis?

LIX. Alterum contradictorium in eo positum, quod Gregorius ignem Purgatorii corporeum putaverit lib. iv. Dialog. cap. xix. incorporeum e contrario lib. xv. Mor. cap. xiv. facile expeditur, si genuina, quam Maurini sequuti sunt, loci hujus lectio consulatur, quæque ita se habet tom. i. pag. 482. *At contra gehennæ ignis cum sit corporeus, & in se missos reprobos corporaliter exurat &c.* multorum vero codicum auctoritate, lectionem hanc prætulisse, affirmant in notis ad eundem locum doctissimi Patres, quorum hæc sunt verba: *Ita quinque codices Vatic. MSS. antiquissimus codex Bibl. Barberinæ, duo Bibl. Chisæ, Anglicani, & Gallicani plerique olim tamen in exempl. Utic. legebatur, cum sit incorporeus. Ita etiam in Germ., & in duob. Mss. Vaticanis num. 576. & 558. sed additionis factæ syllabæ manifestæ sunt argumenta. Legerunt quoque corporeus, qui Moralia S. Gregorii contraxerunt; aliunde constat ex lib. iv. Dialog. cap. xxix. Gregorium docere ignem inferni esse corporeum.*

Ad hæc si animum attendisset Oudin, calamum cohibuisset ab injusta censura.

## CAPUT IX.

*Quid senserit Gregorius Magnus in Epistolis de Cultu & Adoratione Imaginum in Templis.*

LX. **M**Utata velificatione, Gregorium suas in partes iterum inflectere Adversarius percontat iisdem usus Gregorianis locis, quæ Dallæus lib. de Imag. 111. Forbesius Instruct. Teolog. lib. 111. cap.



cap. ix. num. xxiii. & alii in idem propositum Catholicis objecerant : *Quod spectat ad Imaginum doctrinam, hanc Gregorius Magnus sub seculi sexti finem habuit firmusque tennit in Reg. lib. ii. epistola 101. & libr. ix. epist. ix. nec illas videlicet esse ab Episcopis frangendas, nec a plebe in Ecclesiis positas adorandas. Sic opinabatur ille sub seculi sexti finem, sed octavo ineunte seculo immoderata Imaginum tum colendarum, tum adorandarum superstitio circa tempora Gregorii ii. & iii. ulterius processit. In hunc modum caput Dissertationis septimum ingreditur Oudinus : expositis deinde Conciliis de Imaginum Cultu habitis, longam exscribit Gregorii epistolam Sereno Massiliensi Episcopo datam, ex qua ita concludit : Hec Gregorius quibus Imagines in Ecclesiis ad solam Idiotarum instructionem permittit, nequaquam ad cultum, cum soli debitam Sanctæ Trinitati adorationem, ac humilem prostrationem velit. Calumniis postea atque opprobriis Fidei nostræ, consuetudinumque capita sugillat, invidiamque illis constat : Quam longe ab hac Gregorii doctrina, sunt hæc illius verba, sive potius jacula venenata, Romana recens Ecclesia recessit? quæ tot Sanctis Altaria, preces, adorationes, vota, prostrationes colaudat & amplectitur, tot peregrinationes instituit, tanta per eorum intercessionem miraculorum molem confingit? ut hic Sanctus podagram sanet, ille febres omnimodas pellat, hic dissenteriam sistat, ille pestem compe scat, hic stultitiam curet, ille surditatem, vel oculorum lippitudinem, aut infirmitatem dejiciat. Ita tamen, ut donario semper aliquo pietas Sanctorum, quod in gratia Sacerdotum, vel Monachorum cedat, demulceatur, quod quomajus erit, eo sanitas promtior dabitur agrotanti.*

LXI. Verum ad istam omnem orationem non est cur pluribus ref-

pondeam, nam satisfactum jam fuit locupletissime a nostris Theologis, ex quibus unum in Lectoris commodum dare operæ pretium erit, Natalem scilicet Alexandrum tali pacto objecta hæc solventem in dissert. vi. seculi viii. §. iv. Respondeo : Sanctum Gregorium Iconomachis antiquis, & recentioribus, ut Lutheranis, & Calvinistis adversari, qui Christi, & Sanctorum Imagines impie everterunt, siquidem eas in Ecclesiis esse servandas decernit, alienumque a traditione, & Ecclesiæ doctrina esse scribit, ut confringantur. Sola autem adoratione Patriæ, quæ SS. Trinitati exhibetur, negat Imaginibus deferendam, non vero honorariam adorationem, in salutatione, & aliis hujusmodi ritibus externis positam, quibus reverentiam nostram, & amorem erga Christum, & Sanctos coram imaginibus, & ab ipsis excitati, testamur. Unde cum S. Gregorio septima synodus non pugnaret, quæ solam hujusmodi honorariam adorationem, non vero Patriæ cultum, & servitutem imaginibus sacris decernit, immo posteriorem hanc ipsis abjudicat, solique vindicat Deo. Serenus porro Imagines imprudenti zelo confringi jusserat, & ab Ecclesiis eliminari, quia etsi quidam e plebe sua eas ethnico, & superstitioso ritu adorassent, ii fuerant verbo divino sanandi, & docendi, picturas non esse adorandas, sed uni Deo serviendum; non vero propterea confringendæ erant Imagines, quas non sine ratione vetustas in Ecclesia admisit, & quæ maxime utiles sunt, gentibus maxime, & idiotis, quibus pro lectione pictura est, qua ad Christi, & Sanctorum venerationem, amorem, imitationem excitantur. Huic malo, & offensioni Christianæ plebis ut medeatur, Serenum adhortatur Sanctus Pontifex, convocatisque Ecclesiæ Filiis, qui se ab ejus communione ob insoliti facinoris horrorem suspenderant,

doceat Scripturarum sacrarum testimoniis, nihil manufactum adorandum esse, ea nimirum adoratione, quæ Latraria vocatur, & quæ soli Deo debita servitus, quoniam scriptum est: Dominum Deum tuum adorabis, & illi soli servicus: tum factum suum excuset, ac palam contestetur, se Imagines alioquin utiles ideo sustulisse, quod eas transisse in adorationem viderat, solamque incompetentem adorationem picturarum sibi displicuisse. Hæc ex serie Epistolæ S. Gregorii manifesta fient. Perlatum siquidem ad nos fuerat, inquit, quod inconsiderato zelo succensus Sanctorum Imagines sub hac quasi excusatione, ne adorari debuissent confregeris. Et quidem, quia eas adorari vetuisses, omnino laudavimus, fregisse vero reprehendimus... aliud est enim picturam adorare, aliud per picturam historiam, quid sit adorandum addiscere. Nam quod legentibus scriptura, hoc idiotis præstat pictura cernentibus: quia in ipsa etiam ignorantes vident, quid sequi debeant, in ipsa legunt, qui litteras nesciunt, unde, & præcipue gentibus prolectione pictura est. Quod magnopere a te, qui inter gentes habitas, attendi debuerat, ne dum re-  
 fecto zelo incante succenderis, ferocibus animis scandalum generares. Franzi vero non debuit, quod non ad adorandum in Ecclesiis, sed ad instruendas solummodo mentes fuit nescientium collocatum. Et quia in locis venerabilibus Sanctorum depingi historias non sine ratione vetustas admisit, si zelum discretionem condidisses, sine dubio, & ea, quæ intendeas salubriter obtinere, & collectum gregem non dispergere, sed potius dispersum poteras congregare... Hæc autem dum in hoc animi tui incaute nimis motu exsequeris, ita tuos scandalizasse Filios perhiberis, ut maxima eorum pars a tua se communione suspenderet.... & infra: convocandi enim sunt dispersi Ecclesiæ Filii, eisque Scripturæ sacræ

est testimoniis ostendendum, quia omne manufactum adorari non licet, quoniam scriptum est Dominum Deum tuum adorabis, & illi servies. Ac deinde subiungendum est, quia picturas Imaginum, quæ ad adificationem imperiti populi fuerant factæ, ut nescientes litteras, ipsam historiam intendentes, quid actum sit discerent, quia transisse in adorationem videras, idcirco commotus es, ut eas Imagines frangi præciperes. Atque eis dicendum: si ad hanc instructionem, ad quam Imagines antiquitus factæ sunt, habere vultis in Ecclesia, eas modis omnibus, & fieri, & haberi permitto. Atque indica, quod non tibi ipsa visio historiæ, quæ picturis fuerat incompetentem exhibita, atque in his verbis eorum mentes demulcens, eos ad concordiam tuam revoca. Et si quis Imagines facere voluerit, minime prohibe: adorare vero Imagines modis omnibus evita. Sed hoc sollicitè fraternitas tua admoneat, ut ex visione rei gestæ ardorem compunctionis percipiant, & in adoratione solius omnipotentis Sanctæ Trinitatis humiliter prosternatur: Hæc Sanctus Gregorius.

Nihil autem opus erat, ut in hac ad Serenum epistola modum venerationis, quæ sacris imaginibus licite, & religiose exhibetur omnem explicaret, qui solam disciplinam spectat, ut scilicet salutationibus, osculis, accensione cereorum, thurificationibus honorentur. Satis erat, ut ibi hunc honorem assereret Imaginibus, qui sacris aliis rebus debetur, ut scilicet cum reverentia in Ecclesiis servantur & tractentur, nec temere confringantur, aut violentur; cuius honoris exhibitionem Imaginibus Christi, & Sanctorum debitam esse, ex quo eorum usus in Ecclesia receptus est, Fides docet.

Fides, inquam, in Tridentina Synodo exposita sess. xxv. docet: Imagines Christi, Deiparæ Virginis, &  
 alio-



*aliorum Sanctorum, in Templis præsertim habendas, & retinendas, eisque debitum honorem, & venerationem impertiendam; non quod credatur inesse aliqua in iis Divinitas, vel virtus, propter quam sint colendæ; vel quod ab eis sit aliquid petendum; vel quod fiducia in Imaginibus sit figenda, veluti olim fiebat a gentibus, quæ in Idolis spem suam collocabant; sed quoniam honos, qui eis exhibetur, refertur ad prototypa, quæ illæ representant, ita ut per Imagines, quas osculamur, & coram quibus caput aperimus, & procumbimus, Christum adoremus, & Sanctos, quorum illæ similitudinem gerunt, veneremur. Ex quibus facile intelliget Lector quam perverse opponat nobis Oudinus singulares hominum opinionis de spe in hoc, aut alio Sancto collocanda, de Donariis, quæ in Ecclesiarum ornamentum destinantur, cum hæc, & alia ejusdem generis, ad id quod a nobis habeantur, cum ea dumtaxat certa Fide credamus, Fideique dogmata habeamus, quæ modo ex Tridentino adduximus. Quocirca frustra deinde laborat Adversarius, ut ex Moralium libris, (quibus tamen inniti hoc loci non debuisse, ut contextus cum inscriptione hujus capituli conveniret) evincat, S. Gregorium exclusisse omnem in Sanctis collocandam esse spem. Nam uni Deo esse fidendum, ultro cum Tridentino loc. cit., & sess. XXII. profitemur, ac credimus.*

Quod autem sanxit Ecclesia in illa synodo congregata, id etiam perpetuo servat, & nos canonis loco deputare, Ecclesiæquæ Decretis religionem adhærere testem appello Catechismus Romanum, atque laudatum Episcopum Bossuetum, qui<sup>a</sup> Tridentini verba referens, ita subjungit. „C'est ainsi que nous honorons les saints, pour obtenir par

„leur entremise les grâces de Dieu; „& la principale des ces grâces, „que nous espérons obtenir, est „celle de les imiter; quoique nous „somme excités par la considération „de leurs exemples admirables, & „par l'honneur que nous rendons „devant Dieu à leur mémoire bienheureuse.

LVI. Profecto ita Bossueto, Catechismo, Synodique Tridentinæ similis est Gregorius, ut ovum ovo similis non sit. Celebris est locus in epist. ad Secundinum Inclusum, quæ est 52. indictio<sup>n</sup>is II. lib. IX.<sup>b</sup> Imagines quas tibi dirigendas per Dulcidium Diaconum rogasti, misimus: unde valde nobis tua postulatio placuit: quia illud toto corde, tota intentione queris, cujus imaginem præ oculis habere desideras, ut te visio corporalis quotidiana reddat exercitatum: ut dum picturas illius vides, ad illum animo inardescas, cujus imaginem videre desideras. Ab re non facimus si per visibilia, invisibilia demonstramus; sic homo, qui alium ardentem videre desiderat, aut sponsam amans videre conatur, si contigerit eam ad Balneum, aut ad Ecclesiam ire, statim per viam incedenti se preparat, ut de visione ejus hilaris recedat. Scio quidem, quod imaginem Salvatoris nostri non ideo petis, ut quasi Deum colas, sed ob recordationem Filii Dei in ejus amore recalescas, cujus te Imaginem videre desideras. Et nos quidem, non quasi ante divinitatem, ante illam prosternimur, sed illum adoramus, quem per imaginem, aut natum, aut passum, sed & in trono sedentem recordamur. Et dum nobis ipsa pictura, quasi scriptura, ad memoriam Filium Dei reducit, animum nostrum, aut de resurrectione latificat, aut de passione demulcet. Quis autem (ut hoc obiter adnotem) studio partium haud abreptus non

<sup>a</sup> L. cit. pag. 16.  
Tom. XVI.

<sup>b</sup> Tom. II. pag. 97.  
i

non videt hic mox expositam de usu cultuque imaginum catholicæ Ecclesiæ Doctrinam? Quis non intelligit Bossuetum, & Gregorium in eundem omnino sensum convenire? Quapropter mirari satis non possumus citati Anonymi Scriptoris Vitarum Romanorum Pontificum ratiocinationem. Bossueti enim de imaginum cultu doctrinam maxime probat; irridet vero Dionysii a S. Martha conatus, quibus Gregorianam Doctrinam, eandem esse, atque illam, quam nostra hæc Ecclesia profitetur, sibi sumserat probandum. Profecto, sibi ipse constare si velit Anonymus, in hunc sermonem convenire debet. Concedit ipse Gregorii, atque Bossueti doctrinam rectam esse, & omni ex parte coherentem; atqui doctrina Bossueti omnino convenit cum illa nostræ Ecclesiæ, itaque doctrina nostræ Ecclesiæ eadem profus est atque illa Gregorii. Quocirca nescio qua fronte ita potuerit vellicare Maurinum Auctorem Vitæ Gregorianæ<sup>a</sup>. „ Il fait beau voir „ Dom Denys de Ste. Marthe sou- „ tenir contre les Protestans, que „ la Doctrine de Saint Gregoire sur „ le Culte des Images est la meme „ que celle de Notre Eglise sur le „ pied, qu'elle est aujour d' hui, „ c' est vouloir se rendre ridicule „ aux yeux de toutes les personnes „ sinceres, & impartiales. „ Immo apud viros nullius partis præjudiciis imbutos seduli probique Doctrinæ Gregorianæ investigatoris gloriam sibi comparasse dicendus est. Quocirca vane Oudinus, alique Protestantes Ecclesiæ Romanæ Gregorium abriperre satagunt. Octavum igitur caput in hunc modum absolutum sit, quod fortasse nimis longum fecimus.

## CAPUT IX.

*De subjectione, & obedientia, quam Gregorius Magnus Imperatori exhibuit.*

EXposita duobus proximis capitibus de Eucharistia, deque Purgatorio Gregorii Doctrina, explicare modo, ac tueri debemus illam, quam Adversarius Moralem vocat. Plurimis enim argumentis e Gregorii Epistolis desumptis persuadere conatur Oudinus in octavo suæ Dissertationis capite perinde in dogmatibus, ac in moralibus Doctrinis ab antiqua Ecclesia, recentem discrepare, atque e diametro corruptissimam opponi. Cum vero factorum series, qua imprimis responsionum vis nititur, accurate sit examinanda, idcirco singula Adversarii objecta singulis responsionibus velut Paragraphis, claritatis gratia solvemus. Missis igitur acerrimis illis criminationibus, quibus scholasticorum, atque casuistarum turbam in judicium vocat, tum quia multi sunt in eorum defensionem editi libri, tum quia alio nostro opusculo omnibus patet<sup>b</sup> nobis ipsis non illa probari, quæ nimio aut rigoris, aut laxitatis studio recentes doctrinæ moralis expositores tradidere, venio statim ad Gregorii facta:

I. *Fundebat Gregorius ad Dominum Christum perpetuas preces pro salute Imperatoris, & fausta vota precatus est, non tantum pro Mauritio legitimo Imperatore, sed & pro apertissimo tyranno Phoca post usurpatum Imperium: Ex libro LI. Epistolar. xxxviii. xlv. &c. Verba sunt Oudini.*

Quid hinc adversarius inferre velit adversus scholasticos casuistas, Romanamque Ecclesiam nullus video. Invenitne litteris consignatum apud

<sup>a</sup> Loc. cit. Tom. I. pag. 375.

<sup>b</sup> Lettera Istoria Critica sopra due pun-

ti concernenti la Istoria del Probabilismo e del Probabiliorismo Brescia 1750.



apud aliquos ex istis probatos auctores, orandum non esse pro Principum salute, licet eorum mores perditum sint, atque corrupti? Detexitne aliquod Ecclesiæ monumentum, quo hujusmodi preces vetentur? Nonne Rom. Ecclesia ipsas præscribit formulas, quibus sacri Ministri pro Principum, pro peccatorum, pro Hæreticorum, pro Paganorum, Hebræorumque incolumitate Deum exorare jubentur? Nonne preces istæ publica Ecclesiæ auctoritate in libris cultui divino inservientibus typiscuntur? Nonne populo spectantē, atque audiente quam sapientissime formulas istas iidem sacri Ministri recitant, æternoque Deo offerunt? Vereor plane ne nimium multa de re minime dubia loquar. Trita sunt hæc, omnibusque vulgata, vixque adduci possum, ut credam, latere potuisse hominem in Romanæ Ecclesiæ sinu educatum, diuque claustralem militiam professum. Sed ex ejus memoria forsan exciderunt, cum sibi Romanæ communionis ex orri ad Protestantes aufugienti sacra res haud amplius cordi fuit.

Illud etiam vehementer mirandum in Oudiniana oratione videtur, nulla-que ratione ferendum, quod ex iisdem Gregorii votis, quæ pro Phoca Deo obtulit, Gregorium ipsum nunc maledictis laceffit, nunc laudibus extollit. Sed hæc est calumniæ indoles ut diu sibi non constet. Quanam vero mente pro Phoca fuerint a Gregorio preces Deo oblatae, satis superque capite vi. ostendimus.

LXIII. II. *Longe aberat ut se Magistrum, ad dominum Canonum, & Conciliorum vel appellaret, vel, quemadmodum hodierni Rom. Pontifices, se Conciliis generalibus superiorem concionaretur, qui se prima quatuor Concilia œcumenica, ut quatuor Evangelia venerari, atque amplecti fate-*

*batur, quamvis Constantinopolitan<sup>o</sup> reluctati nonnulli fuissent Episcopi quidam ejus antecessores. Ita ille lib. i. epist. xxiv. Ita se adstrictum censuit Canonibus, ut instante apud ipsum Brunichilde Francorum Regina, bigamum quemdam ordinari posse, firmus recusaverit juxta Canonum regulas lib. xii. indict. vi. epist. viii. Hoc autem ipsum jam faciunt & Episcopi in suis diocesis, & Rom. Pontifex per totum Orbem dispensans. Hactenus Oudinus.*

Verum in hodierna Ecclesiæ Romanæ disciplina nihil invenitur ab hisce Gregorii actibus dissonum. Simul enim ac in Pontificem fuit consecratus ad absentes universi Orbis Episcopos, potissimum vero ad præcipuarum Ecclesiarum Patriarchas secundum priscum decessorum suorum morem scilicet, ex Garnerii opinione <sup>a</sup>, a temporibus Aureliani Imperat, circiter annum Christi 270. misit Epistolam synodicam, in qua se Fidei catholicæ assertorem, & quinque œcumenica Concilia suscipere, ac venerari profitetur. Erat hæc quippe Synodorum susceptio tunc temporis certa fidei catholicæ tessera, atque expositio, quam summus Pontifex recens electus in argumentum unionis Orientalibus potissimum mittebat. Obtinuit mos ille, teste Garnerio <sup>b</sup>, quamdiu Ecclesia Orientalis ab Occidentali non recessit. Postquam vero dirum schisma alteram ab altera distraxit, jam non amplius fuit opportunum neque scribere Fidei formam ad homines, qui sedem Apostolicam erroris arguerent. Præter istam Fidei formulam, alias etiam pro re nata edere consueverunt Pontifices Romani a Garnerio loco supra commemorato collectas. Mos vero iste licet in defuetudinem abiierit, nullus tamen reliquus est dubitandi locus, Pontifices Romanos ea omnia.

<sup>a</sup> In Appendice ad notas capituli secundi Diurni Romani num. xxi. Parisiis 1680.

<sup>b</sup> Loc. cit. num. xxv.

omnia suscipere, ac profiteri, quæ in Conciliis œcumenicis ad Fidem spectare hætenus fuerunt declarata. Est enim probata nostrorum Theologorum opinio: Non esse negandum, ut verbis utar Melchioris Cani lib. de locis Theologicis vi. cap. viii. quin summus Pontifex hæreticus esse possit, unde ab Ecclesia posse judicari, & puniri. Est ergo quinta opinio vera inquit V. Bellarminus de Rom. Pontifice lib. ii. cap. xxxi. Papam hæreticum manifestum per se desinere esse Papam, & caput, sicut per se definit esse Christianus, & membrum corporis Ecclesiæ, quare ab Ecclesia posse eum judicari, & puniri. Cum vero ille sit dicendus in hæresim lapsus, qui vel unum volens, & sciens negat Fidei articulum, consequitur summum Pontificem, ne sit hæreticus, omnia in œcumenicis Conciliis dogmata declarata profiteri debere, quod satis est, ut probetur, æque Gregorium, ac præsentem Romanos Pontifices œcumenicorum Conciliorum fidem venerari: nam eo dumtaxat spectasse Veteres Pontifices, ut per Synodicas Epistolas cæteris Ecclesiis sua de dogmatibus Fides pateret, & eorum temporum ratio persuadet, & clarissime ipsa Gregorii Synodica, utpote quæ circa unas Dogmaticas res versatur, demonstrat: Quatuor Concilia suscipere ac venerari me fateor, ita loquitur Gregorius eo loci, Nicanum scilicet, in quo peruersum Arii dogma destruitur; Constantinopolitanum quoque, in quo Eutonomii, & Macedonii error vincitur; Ephesinum etiam primum, in quo Nestorii impietas judicatur; Chalcedonense vero, in quo Eutychis Dioscorique pravitas reprobatur, tota devotione complector, integerrima approbatione custodio, quia in his, velut in quadrato lapide sanctæ Fidei structura consurgit, & cujuslibet vitæ, atque actionis existat, quisquis

eorum soliditatem non tenet, etiamsi lapis esse cernitur, tamen extra edificium jacet. Quintum quoque Concilium pariter veneror, in quo & epistola, quæ Iba dicitur, erroris plena, reprobatur; Theodorus, personam mediatoris Dei, & hominum in duobus subsistentis separans, ad impietatis perfidiam cecidisse convincitur; Scripta quoque Theodoretæ, per quæ Beati Cyrilli fides reprehenditur ausu dementia prolata refutantur. Cunctas vero, quas præfata veneranda Concilia personas respuunt, respuo; quas venerantur, amplector: quia dum universali sunt consensu constituta, se & non illa destruit quisquis præsumit, aut solvere, quos ligant, aut ligare, quos solvunt. Quisquis vero aliud sapit, anathema sit; quisquis vero prædictarum Synodorum Fidem tenet, pax ei sit à Deo Patre. Hætenus Gregorius, cujus verbis argumentum hoc abunde, ni fallor, solutum est.

Illud vero, quod affertur ex responsione ad Brunehildis Francorum Reginæ petitionem, nullum nobis facessit negotium, quoniam bigamum a sacris ordinibus arcet nostra quoque Ecclesia: Quod si ministeriis quatuor minorum Ordinum exercendis Clerici Calibes præsto non erunt, suffici possint etiam conjugati vitæ probata, dummodo non Bigami. Tale est Tridentini decretum sess. xxi. cap. xvii. ad cujus mentem sua responsa exigere Romanam Ecclesiam vel ipsimet Protestantes ignorare nequeunt; unde ii Scriptores, qui morum Doctrinæ regulas tradunt, illud hominum genus a sacris ministeriis esse removendum constantissime docent.

LXIV. Quod si aliquando ab hac regula discessum est, facta alicui bigamo ad sacros ordines accedendi potestate, usi sunt Pontifices ea facultate, atque œconomia, quam eorum Antecessores, & qui præcessere, & qui sequuti sunt Gregorium, in rebus.



rebus disciplinam respicientibus adhibuerunt; quandoquidem rerum Ecclesiasticarum peritis constat, duobus modis in ejusmodi quæstionibus veteres quoque Pontifices solitos fuisse versari, vel summo jure, vel remisso, quod interpretes vocant *providam juris relaxationem*. Alterius exempla legi possunt collecta in lib. II. cap. XII. celeberrimæ concordiæ Sacerdotii, & Imperii, ab Archiepiscopo Parisiensi Petro de Marca elucubratæ, quibus exemplis Legum Canonicarum non incauti infractores, sed æqui, & moderati interpretes appellandi sunt Romani Pontifices. Insignis est in hanc rem Symmachi Papæ ad Avitum Viennensem locus ab eodem Marca prolatus. \* Rescripserat Symmachus ad Conium Episcopum Arelatensem de controversia, quæ erat inter Episcopos Provinciarum Viennensis, & Arelatensis circa Ordinationes Episcoporum vicinarum civitatum, servandam esse antiquitatem, nec habendam rationem novæ Constitutionis ab Anastasio Papa editæ, quæ provinciam confundebat: ægre tulit Avitus hanc injuriam sedi suæ, ut putabat, illatam. Ergo ad Symmachum scribens exposulans cum eo, quod violatam ab Anastasio Ecclesiæ consuetudinem dixerit, & spreta prædecessorum ejus statuta in confusione provincie. Rescripsit Symmachus, gavisurum se, si ab Avito probatum fuerit, nihil ab Anastasio contra canones actum, sed tantum præter regulam, temperato videlicet jure: Quia quod sit præter regulam, inquit, modo sit ex justa causa, non infringit regulam, quam sola perverbia, & antiquitatis contemptus ledit; nam quamvis a Patribus statuta diligenti observatione, & observanti diligentia sint custodienda, nihilominus propter aliquod bonum de rigore legis aliquid relaxatur, quod & ipsa lex cavisset, si prævidisset; & sæpe crudele esset

insistere legi, cum observantia ejus esse præjudicabilis Ecclesiæ, videtur. Sane præclara sunt hæc monita, atque æquitatis Christianæ plena, quibus æquum est, utile, ac necessarium, ut pro re nata Ecclesiæ moderatores utantur.

Longe aberat, pergit objicere Adversarius noster cap. VIII. cit. Dissert. ut Imperatores, & Reges Christianos aliquid Canonibus adversum agentes, deponi a se Imperio, vel Regno Gregorius I. vel subditos eorum a juramento fidei absolvi posse opinaretur, ut contra se eis in omnibus obedientem præberet, legesque illorum, etiam Ecclesiasticæ libertati adversas, publicaret. Hujusque Gregorianæ subjectionis, & obedientie monumentum insigne est epist. 26. lib. II. indic. VI. & 65. L. II. indic. VI. Inhibuerat Mauritius Imperator, ut quisquis publicis administrationibus implicatus fuisset, ei ad Ecclesiasticum officium venire non liceret: Hoc valde laudabat Gregorius. Prohibuerat autem Mauritius, ne & in Monasterio susciperentur: quod multis Gregorius in hac Epistola improbavit. Nihilominus Imperatoris edictum, in varias terrarum partes, ut subditus obediens transmitti fecit, quibus suam concludit epistolam: Ego quidem jussioni subiectus eandem legem per diversas terrarum partes transmitti feci, & quia lex ipsa omnipotenti Deo minime concordat, ecce per suggestionis meæ paginam serenissimis Dominis nuntiavi: Utrobique ergo quæ debui exsolvi, qui & Imperatori obedientiam præbui, & pro Deo quod sensi, minime tacui. Neque hoc loci quidquam Oudinus obtinet, namque varias inter responsiones, quas ad hujus loci solutionem Theologi nostri adduxerunt, illam nos amplectimur, atque exscribere non gravamur, quam habet in lib. II. cap. x. sæpe laudatæ Gregorianæ vitæ Dionysius a S. Martha:

San-

Sanxerat Mauritius non solum, ut quisquis publicis administrationibus fuisset implicatus, ad Ecclesiasticum officium pervenire non posset, sed etiam ut ei in monasterio converti non liceret: quod de iis quoque, qui militiæ adscripti erant constituerat, quibus deinceps liberum non erat monasteria pœnitentiæ causa petere. Curiales quidem & secularibus negotiis adstrictos, ab Ecclesiasticis dignitatibus excludi valde laudavit S. Gregorius, evidentissime sciens, inquit, quia qui secularem habitum deserens, ad Ecclesiastica officia venire festinat, mutare vult seculum non relinquere. At iisdem non licere, in monasteriis non converti, minime probavit. Etsi enim æris alieni debitores forent, ac publicis rationibus implexi, poterat eorum debitum per monasterium satisfieri, inquit summus Pontifex. Quod uno, eodemque argumento simul demonstrat, & dotata fuisse tunc monasteria etiam amplis redditibus, & summam in ipsis viguisse caritatem. Maxime vero damnavit sanctissimus Pater legem, qua milites ab ingressu monasteriorum prohibebantur, nisi, aut expleta militia, aut pro corporis debilitate missionem essent consequuti. Ipsum audiamus de hac lege cum Mauritio exposulantem: Ad hæc ecce per me servum ultimum suum, & vestrum, respondebit Christus. dicens, ego te de notario comitem excubitorum, de comite excubitorum Casarem, de Casare Imperatorem; nec solum hoc, sed etiam Patrem Imperatorum feci, Sacerdotes meos tuæ manui commisi, & tu a meo servitio milites tuos subtrahis? Responde ergo, piissime domine, servo tuo, quid venienti, & hæc dicenti responsurus es in iudicio Domini tuo? Cetera legantur eadem, quæ summum decebat Pontificem, libertate dicta, quam tamen his postea verbis temperavit humilitatem spirantibus: Ego quidem iussioni subiectus eandem legem per diversas

terrarum partes transmitti feci, & quia lex ipsa omnipotenti Deo minime concordat, ecce per suggestionis meæ paginam serenissimis Dominis nuntiavi. Utrobique ergo, quæ debui exsolvi, qui & Imperatori obedientiam præbui, & pro Deo, quod sensi minime tacui.

Hanc epistolam Gregorius misit ad Theodorum Imperatoris Archiatrum seu medicorum principem, rogans, ut eam captato tempore offerret Mauritio, apud quem gratia plurimum valebat, adhibitisque tum conciliis, tum precibus ad hanc legem refringendam, aut emolliendam Augustum impelleret. Utrum id Theodorus præstiterit, ignoramus. Docere tamen videtur S. Pontifex Mauritium a lege sancita postea resiliisse; scribens enim ad plures Metropolitans de militibus post triennii probationem ad monasticum habitum suscipiendis, subdit: Qua de re etiam Serenissimus, & Christianissimus Imperator, mihi credite, omni modo placatur, & libenter eorum conversionem suscipit, quos in rationibus publicis implicatos non esse cognoscit.

Censet igitur Em. Car. Baronius legem hanc Imperatoriam a Gregorio emendatam, & temperatam prius fuisse, quam eam promulgari curaret, transmitteretque ad Metropolitans. Eadem est ferme Illustrissimi Viri D. de Marca sententia, additque, S. Gregorium hanc legem emolliendo eadem auctoritate usum, qua Præfetti Prætorio, penes quos erat civiles leges ad se ab Imperatoribus directas, ut publicarentur, aut tantisper immutare, aut ab earum publicatione abstinere, donec de iis emendandis ad Augustum scripsissent, vel ipsum adiissent. Alii vero existimant, hanc legem, nulla mutatione facta, fuisse missam a S. Gregorio, qualem acceperat ab Imperatore, idque his Gregorii verbis significari contendunt: Eandem legem per diversas terrarum partes transmitti feci, & quia lex ipsa omni-



potenti Deo minime concordat, ecce... nuntiavi; ergo, inquiunt, lex, qualis a Papa transmissa est nondum fuerat castigata, & emendata, quandoquidem voluntati, legique Dei post emendationem consentanea erat. Utramlibet sententiam eligat Lector.

Ceterum legis hujus ferendæ occasionem Imperatori præbuerat frequens potentiam tunc ambientium concursus ad Monasteria, ita ut plerique seculo, & curiæ variis officiis, ministrisq; alligati, intentatis tot iræ Divinæ Flagellis perterriti, rei tum publicæ tum privæ nuntium remitterent, publicani telonia desererent, militares viri, sive ii gregarii, & manipulares, sive Centuriones, aut Tribuni, alique Duces, militiæ insignia projicerent, ad conversionem festinantes.

Porro non deerant rationes, quæ persuaderent, milites nonnisi emeritos, & dimissos in Monasteriis esse suscipiendos: quippe can. 11. Concilii Chalcedonensis cautum est, ne quis in Monasteriis servus obtentu monasticæ professionis recipiatur præter domini sui conscientiam; transgredientes autem hanc definitionem excommunicantur, & in Concilio Gangrensi can. 3. legimus: Si quis servum prætextu Divini cultus doceat dominum contemnere proprium, ut discedat ab ejus obsequio... anathema sit. At milites toto militiæ tempore, non secus, ac servi ad Reipublicæ obsequium adstringebantur, unde etiam in manu signati tunc erant, tamquam mancipia, quibus notæ quadam inurebantur. De his legendus Vegetius lib. 11. cap. xxv. Ipse Gregorius in præfata ad Mauritium ep. milites appellat, manu signatos juxta morem, etsi nulla militibus inurantur stigmata, statim tamen, ac Sacramento dato, militiam professi sunt, eam deferere etiam sanctioris militiæ amplectendæ causa, impune non possunt. Hæc dicta sunt, ut eam legem ostendamus, nec impie ab Au-

gusto latam, nec a Gregorio temere promulgatam. Licet enim contra pietatem pugnare videretur, quod in sacra Monachorum acie mereri prohiberentur milites (quapropter Gregorius Mauritium liberius increpavit) re tamen propius perspecta, bonique publici habita ratione ita statuendum & prudentia consultissimorum fortasse suadebat. Quibus Benedictini verbis tertium hoc Oudinianæ objectionis caput satis superque solutum arbitramur.

LXV. Quartum objectionis caput ita est ab Adversario propositum: Conquestus Gregorius de Johanne Jejunatore Patriarcha Constantinopolitano, qui sibi universalis nomen arripuerat apud Imperatorem Mauritium (lib. iv. epist. xxxii.) præcepit Imperator, ut antequam quidpiam contra Johannem ageret, mansuete per litteras eum sui officii admoneret, cui humilis Gregorius obtemperavit, ut ipse declarat cit. epist. & in alia ad eundem Johannem data.

Immo vero, inquam ego, ex modo, quo in controversia hac agitanda, versatus est Gregorius, eximia sua animi moderatio æque resplendet ac strenuum robur, quo Ecclesiæ Rom. jura tueri quavis occasione solitus erat. Etenim Johannes in synodo, quam hac de causa, licet alia simularetur, collegerat anno 587 se universalem appellari conatus erat: quod mox Papa Pelagius ut agnovit, directis epistolis ex auctoritate S. Petri Apostoli ejusdem synodi acta cassavit (Johannes Diaconus lib. 111. vitæ S. Gregorii n. 51.) Diaconum vero, qui juxta morem pro responsis Ecclesiasticis faciendis Imperatoribus adhærebat, cum eo Missarum solemniam celebrare prohibuit: cujus sententiam Gregorius sequens Johannem sæpe commonitum acquiescere differentem sententia pari multaverat, Quapropter Johannes multis fallaciis obtinuit, ut Imperator Mauritius Gregorio scriberet, quod sibi pacificus exsti-

existisset. Pontifex igitur denuo rationibus, precibus, cohortationibusque Johannem a superbo titulo revocare studuit: neque enim, quæ erat prudentia, quæ animi dimissione aliter facere debuerat; nihilo tamen minus ab inceptis non desistit; Patriarchæ superbiam litteris Mauritio, & Constantinæ Imperat. datis vehementer increpavit illos rogans, ne injustam Johannis causam patrocinarentur: *Quantum ad me attinet*, scribit ad Imperatorem l. iv. ep. xx. *Serenissimis jussionibus obedientiam præbeo* (scilicet precibus, & suasionibus, minisque iterum egit cum Johanne epist. mox cit. lib. iv.) *Non causa mea, sed Dei est*, sequitur Gregorius, & quia non solus ego, sed tota turbatur Ecclesia, quia piæ leges, quia veneranda synodi, quia ipsa etiam Domini nostri Jesu Christi mandata superbi, atque pompatici cujusdam sermonis inventione turbantur; piissimus dominus locum secet vulneris, atque resistentem agrum augustæ auctoritatis vinculis constringat. . . . numquid ego hac in re, piissime domine, propriam causam defendo? Numquid specialem injuriam vindico? Causam omnipotentis Dei, causam universalis Ecclesiæ. . . ille ergo magis est piissimorum Dominorum præceptione stectendus, qui præceptis canonicis obedientiam præbere contemnit. Ille coercendus est, qui sanctæ universali Ecclesiæ injuriam facit, qui corde tumet, qui gaudere de nomine singularitatis appetit, qui honoris quoque Imperii vestri se per privatum vocabulum superponit. Consonat epistola ad Constantinam Augustam data, in qua eam reddit certior de epistolis ultro citroque habitis: Præterea indico quia piissimi domini scripta suscepi, ut fratri, & consacerdoti meo Johanni debeam esse pacificus, & quidem sic religiosum dominum decuit, ut ista præciperet Sacerdotibus; sed cum se nova præ-

sumptione atque superbia idem Frater meus universalem Episcopum appelleret. . . . & Serenissimo domino multa suadere conatur, sed bene novi, quia tantæ illæ orationes ejus, & lacrymæ nil ei a quoquam, contra rationem, aut animam suam, surripipermittunt. Triste tamen valde est, ut patienter feratur, quatenus, despectis omnibus, prædictus frater, & Coepiscopus meus solus conetur appellari Episcopus. . . . unde omnipotentem Dominum rogo, ut sicut parentes priores vestri Principes, S. Petri Apostoli gratiam quasierunt, ita vos quoque, & hanc vobis querere, & conservare conemini, & propter peccata nostra, qui ei indigne servimus, ejus apud vos honor nullatenus minuatur, qui & modo vobis adjutor esse in omnibus, & postmodum vestra valeat peccata dimittere.

Porro ex omnibus hisce Gregorianis epistolis nihil aliud inferri potest, nisi a SS. Pontifice adhibitum fuisse temperamentum illud, quod sub initium epistolæ ad Sabinianum Diaconum datæ præ oculis se habuisse fatetur, nimirum rectitudinem, & blandimentum, quibus suum cuique, scilicet Imperio, & Ecclesiæ jus tribuit, ex quo perdifficilis exsurgit Sacerdotii, & Imperii concordia, quam miro quodam studio simul coluit, simul efficax desiderium pacis conservandæ, errantisque ovis non perdendæ, sed ad ovile Christi reducendæ significavit, quibus tandem & prudentissimum Præfulem, & fortissimum Christi militem omnibus se præbuit. Quamobrem intelligere non possumus, cur Adversarius hostierno Ecclesiæ Rom. regimini eam objiciat rationem, quam Gregorius in hac disputatione cum Imperatore tenuit, propterea quod, si præsentium quoque Summorum Pontif. litteræ ad Christianos Principes conscriptæ percurrantur, similia humilitatis, moderationis, atque prudentiæ exempla occurrunt,



LXVI. V. Longe aberat, instat in-  
super Oudin, ut imperatoribus in-  
surgeret, qui sententiam a se canoni-  
ce latam nulli dare, & vulgare no-  
luit ne contra jussionem Imperatoris,  
vel, quod absit, in despectum ipsius  
aliquid facere videretur, lib. xii. in-  
dict. xii. ep. iiii. ad Bonifacium S.  
R. E. Diaconum.... sententiam quo-  
que, quam ea de re tulerat juris Cor-  
cyriana Ecclesiæ confirmativam secre-  
tam tenuit Gregorius: Sententiam no-  
stram nulli dare prævidimus, ne con-  
tra jussionem clementissimi Imperatoris,  
vel, quod absit, in despectum ipsius,  
aliquid facere videremur.

Sed in hujus facti narratione illud  
est ab Oudino prætermisum quod  
suum objectum jugulat, atque non  
dissimilem esse præsentium Rom.  
Pontificum in tractandis cum Prin-  
cipibus negotiis rationem, demon-  
strat; etenim latam canonicam san-  
ctionem tantum abest, ut Imperato-  
rem celare voluerit Pontifex, quin  
Bonifacio Diacono apud regiam ur-  
bem Rom. Sedis oratori in jussis de-  
derat<sup>a</sup>, ut caute quidem, & mode-  
ste, sed simul animo forti apud eum-  
dem ageret, subreptam de Cassiopi  
Castro jussionem rescinderet, Ponti-  
ficiamque sententiam servandam esse  
præciperet: *Dilectio tua pietati ejus*  
(Imperatoris) *cuncta diligenter insi-*  
*nuet, atque constanter adstruat hoc*  
*omnino illicitum, omnino prævum, o-*  
*mnino injustum, & sacris esse valde*  
*canonibus inimicum. Et ideo hujusmo-*  
*di peccatum temporibus suis introduci*  
*in Ecclesiæ præjudicium non permit-*  
*tat, sed quid de hoc negotio judica-*  
*tum antefati quondam Metropolita*  
*contineat, vel qualiter a nobis ea,*  
*quæ ab illo decreta sunt, confirmata*  
*fuertint, suggerat, atque id agere stu-*  
*deat, ut cum ejus jussione nostra illic*  
*sententia transmittatur, quatenus &*  
*severitate ipsius, sicut dignum est,*

reservasse, & rationabiliter correi-  
se, quæ male præsumta sunt, videamur.  
Qua in re omnino danda opera  
est, ut, si fieri potest, etiam jussio-  
nem suam ipse tribuat, in qua ea,  
quæ a nobis desinita sunt, servari præ-  
cipiat.

Antequam igitur Pontificia lex  
promulgaretur, merito fuerat Impe-  
ratori significanda, ut ipse re melius  
cognita sanctiones suas retractare pos-  
set, ac deinde una cum Pontificiis  
observandas præciperet: alias con-  
questus jure fuisset, quod a Grego-  
rio certior non redderetur de his ne-  
gotiis, quorum administratio cum ad  
Ecclesiasticum, tum ad civile regi-  
men per ea tempora spectabat, at-  
que hæc erat una ex potissimis ra-  
tionibus, quibus in ipsomet Impe-  
ratoris Palatio Rom. Sedis Lega-  
tus degebat, ut scilicet Ecclesiastica  
simul, & civilis potestas unanimi con-  
sensu bono publico consuleret. Pro-  
fecto si quis hodie ex catholicis  
Principibus ferret legem sacris cano-  
nibus contrariam, non ne Romanus  
Pontifex imprimis per suum Le-  
gatum Principi exponi faceret uni-  
versæ rei statum, postea suasioni-  
bus, precibusque auctor eidem esset,  
ut legem cum sacris canonibus com-  
poneret? Ne hoc in dubium voce-  
tur facit pacis, caritatis, prudentiæ-  
que studium, quod in hisce pertra-  
ctandis negotiis Romanos Pontifices  
præ oculis habuisse Ecclesiastica mo-  
numenta referunt.

LXVII. Ex quibus hætenus ex-  
pensis, Gregorius certe non videtur  
id abhorruisse, quod in objectis ab-  
surdum refellitur ab Oudino, Ro-  
manam Ecclesiam legibus a laicali  
potestate latis subditam non esse. Sa-  
ne illæla cuique jura servanda esse  
jubebat Pontifex (quod iterum ani-  
madvertisse adversus Adversarium  
non piget) sed simul infracta con-  
stan-

a Lib. xiv. epist. viii.

Tom. XVI.

stantia, eximiaque animi magnitudine auctoritatem sustinebat Apostolicæ Sedis, quam, Deo auctore cunctis prælatam esse Ecclesiis affirmabat *lib. I. I. ep. xx.* Illud erat ei alta mente repositum ex canone vi. Primi Concilii OEcumenici Nicææ habiti haustum principium: *Sicut ab aliis nostra exigimus, ita singulis sua jura servamus*, *lib. I. I. Epist. xxix.* Illud cum a se, tum ab aliis caste observandum esse voluit, quod neque ab Ephesina synodo Cœlestinus, observante Christiano Lupo in notis ad eundem canonem <sup>a</sup>, neque a Chalcedonensi Leo Pontifex, neque ab ullis usquam Hæreticorum, aut Schismaticorum violentiis eorum successores permiserunt lædi, vel attingi.

Reipsa passus non est, ut Johannes Constantinopolitanus Patriarcha, licet Imperatorum gratia fretus, in OEcumenici tituli usurpatione quietus permaneret, quia universalis nomen solis Apostolicæ Sedis Antistitibus Chalcedonense Concilium tribuebat, quantumvis ipse illo titulo non solum unquam usus non sit, & Eulogium Alexandrinum leniter increpaverit, qui ipsum universalem Papam in epistolis vocaverat, sed etiam in principio suarum epistolarum se omnium primus teste Johanne Diacono *lib. IV. cap. xviii. servum servorum Dei* inscripserit, quod eximium humilitatis monumentum hæreditarium successoribus suis reliquit.

Brunechildi Francorum Reginæ, in cujus laudibus adeo multus fuit Gregorius, ut infanz adulatio nis vitio apud Oudinum laboreat, non concessit, ut vivente Episcopo, qui propter capitis morbum munere suo fungi non poterat alius loco ejus ordinaretur: neve bigamus ad sacros ordines admitteretur.

Romano Imperatoris vices in Italia agenti, quique Ravennæ Exarchus dicebatur, suam minatur indignationem, nisi desisteret eum tue-

ri, qui Ecclesiasticas consuetudines frangebat: *Quod si excellentiæ vestra* (ita Gregorius *lib. v. epist. xxiv.*) *sine dubio pulsat invidiam necesse est, ut ab ejus vos habita discretionem debeat tutione suspendere ne si nominis vestri occasione Pastori suo inobediens, vel contumax fuerit ad tempus, & vestros contra vos Judices defendere, atque excellentiam vestram hac ex re cogatur offendere, & nos pariter de vestra discordia contristare.* Sed clarius est quod sequitur in causa quarumdam mulierum ad seculum reversarum: *Comperimus, præterea, quod dici nefas est, quasdam mulieres, quæ nuncusque in religioso, atque monachico habitu permanserunt suam vestem, & suam velaturam deponere, & conjugibus, quod sine gravi non possumus referre dolore, sociari. Sed hoc quidem ut dicere, vel attentare præsumant, favoris vestri patrocinio fulciri dicuntur: quod nos credere perversitatis ipsius acerbitas non permittit. Petimus ergo, ut in tanto vos peccato miscere nullatenus debeatis. Nam hujusmodi iniquitatem impunitam propter Deum nullo modo patimur remanere.*

Cum Marinianus Ravennæ Episcopus potentissimorum hominum supplicationibus Pallium postulasset, Castorio Chartulario Pontifex scripsit, Mauriniani merita ut expenderet nullorum attentis precibus: *Tua experientia nullius personam, nullius verba consideret, solum Dei timorem, & reſtitutionem ante oculos habeat*: *lib. vi. epist. lxi.*

Tunc etiam non minus prudentem, quam sedulum Pontificiæ auctoritatis custodem se præbuit, cum Honoratus Archidiaconus, vir bonæ frugis, in loco mortui Natalis improbi Salonitanæ Ecclesiæ Episcopi, electus fuit. Nam Provinciæ hujus Episcopi, pravis defuncti Metropolitani moribus vitiati, pertimescentes pro-



probatam Honorati vitam, favere cœperunt cuidam Maximo auctoritate, & vi Romani Patritii in ejusdem Ecclesiæ præfulem electo; quod cum fuisset Gregorio nuntiatum, vehementer Episcopos arguit: *Quod non oportuerat cujuslibet hominis faciem rectitudini justitiæ præponere.* Eisdem postea imperat sub pœna exclusionis ab Ecclesiæ Sacramentis, ne absque consensu, & permissu suo ullum Salonitanum Episcopum ordinent; *Sin vero in aliqua persona (Maximo tamen excepto) voluntarius omnium consensus accesserit, ut Deo auctore digna sit, & non sit, qui ab ejus ordinatione dissentiat, hanc a vobis in eadem Salonitana Ecclesia ex præsentis Epistolæ nostræ concessa licentia volumus consecrari,* lib. iv. epist. x. Adderemus e Gregorianis operibus hujusmodi non pauca, nisi ea, quæ posuimus, satis essent ad evincendam causam. Nam illi, qui ignari non sunt legum, consuetudinumque Ecclesiæ Romanæ, diligenterque attendere, ac existimare de omni hac causa vellent, constituent oleum, & operam perdidisse nostrum adversarium; propterea quod in hodiernis Ecclesiæ Romanæ moderatoribus mirifice resplendent eadem animi moderatio, magnitudo, constantia, ac prudentia, quibus Gregorius in Ecclesiasticis rebus moderandis usus est. Neque profecto res aliter usui venire potest; namque tam ipsi, quam aliis idem sit propositum ad opem divinam confugere, & eo convertere cursum, quo divinus Spiritus eos ducit, quemadmodum Gregorius de se ipso fatetur: *Si videro Sedis Apostolicæ canones non servari, dabit Omnipotens Deus quid contra contemptores ejus faciam.* lib. iv. epist. xxxii.

a De D. Gregorio M. Carmen Hieronymi Cardin. Aleandri inter carmina Amalthæorum. p. 256. edit. Ven. 1627.

„ Qui Regis regum titulosque vicesque gerebat

„ Servorum servum dicere se voluit.

## CAPUT XI.

\* De Cognomento Magnus Gregorio tributo.

USque eo Gregorius I. male audit apud Oudinum, usque eo sapientissimorum, sanctorumque virorum judicia susdeque ab homine habentur, ut alterum suæ Gregorianæ Dissertationis caput inscripserit: *De indole, simplicitate, credulitate nimia, aliisque, Gregorium Magnum immerito vocatum evincantibus.* Immo vero ex indole acri, simplicitate sagaci, credulitate prudenti, propter tot, ac tanta paucorum annorum spatium constanter suscepta, felicemque ad exitum deducta præclara opera, maxime infirma semper, attritaque valetudine, jure, ac merito omnium gentium consensu Magni cognomen est consecutus. Equidem non est, cur hoc suscipiam Lectoribus persuadere; non enim de Sergio Galba, aut Cajo Carbone scribo aliquid, in quo liceret mihi fingere siquid vellem, nullius memoria jam resellente, sed scribo hæc illis cognoscenda, qui scripta, qui gesta, qui monumenta D. Gregorii tum ab aliis copiose enarrata, tum a me in hac disputatione leviter commemorata consulere, atque ad severioris criticæ regulas exigere possunt: Nam si quis absurdis obrectationibus impetatur, ut verbis utar Johannis Clerici b, *quas res ipse, quas spectata hominis virtus, quas scripta ejus dudum nota, & intellectu facilia retundant, nihil opus est inutilem confutandi laborem ab eo suscipi.* Illud tamen probationis genus prætereundum mihi non est ex sapientum virorum ju-

k 2                      dicio

„ Hinc humiles Deus exaltans, atque infima tollens

„ Jure illi MAGNI nomen habere dedit.

b Artis Criticæ tom. II. pag. 371. Amstelod. 1700.

dicio depromptum. Nam præclaris uti auctoribus, & solet, & debet valere plurimum: quo in loco nesci bi Oudinus fucum fieri, etsi immerito queratur, non Isidorum Hispalensem vocabo, aut Paterium Monachum, non Venerabilem Bedam, aut Adonem Archiepiscopum Vienneensem, non Trithemium, non Baronium, non Bellarminum, non Mainburgum, non Riccardum Simonium, non Romanæ Communions homines, quos tamen & claros fuisse, & doctos ipsi quoque Oudini commilitones negare non audent, nec Melchiorem Canum producam, nec Eliam Dupinum, quorum auctoritatibus ad imminuendam Gregorii existimationem Adversarius abutitur, qui tamen non sunt dedignati Gregorium appellare *Magnum*; sed eos vocabo auctores, quos ipse tanquam Deos venerari debet, vocabo homines a Rom. communione alienos, ut, postquam eorum verba recitavero, ex altera parte prudens Lector concludat cum Lactantio de orig. erroris. <sup>a</sup> Adeo ipsa veritas, agente natura, etiam ab invitis pectoribus erumpit, ex altera vero nullus amplius Oudinianæ censuræ locus reliquus sit, quandoquidem teste S. Irenæo de hæres. lib. iv. cap. xiv. *illa est vera, & sine contradictione probatis, quæ etiam ab adversariis ipsis singula testificationis profert.*

Uldricus Coccus in epist. suæ Gregorianæ editioni præmissa Basilicæ an. 1551. Porro in ea, quam dixi, collatione inter cætera perventum, & ad Beati Gregorii cognomento Magni. Inter alias autem laudes a Coccio tributas Gregorio, istæ sunt sub ejusdem epistolæ initium: *Ut autem principio de toto loquar opere, apparet Beatum Gregorium diligentiam, & inexhaustis sudoribus judicium acre, ac pietatem summam conjunxisse.*

Gerardus Johanne Wossius epist. v. (pagina xiv. Londini 1690.) *Sed rediisse videntur tempora aliquanto lætiora paulo ante annum a nato Servatore sexcentesimo, cum Gregorii Magni discipulus Augustinus &c.*

Rivetius lib. iv. cap. xxix. Critici sacri (pag. 598. Genevæ 1660.) *Quem quidem (Gregorium dico) Magnum fuisse virum multis, & magnis gratiæ divinæ dotibus exornatum non inaus inficias.*

Samuel Basnagius Tom. iil. Anal. pagina 871. citatæ editionis, ad annum 581. num. viii. *Prisci cum Judæo disceptatio admonet mentionem quoque facere de instituta apud Regiam Urbem Gregorium Magnum inter, & Eutychium disputatione.* Multis aliis in locis Gregorii gesta commendat hic auctor. Alter etiam ejusdem cognominis, fidei, ac eruditionis Jacobus nimirum in Præf. generali ad lectiones Canisii cap. iv. v. vii. pag. xxxix. *Quod temporum asperitati tribuit Gregorius Magnus... sequitur ex eadem Epistola Gregorii Magni &c.*

Bayle in dictionario verbo *Gregoir*: „ *Tout bien compté, il mérite le sournom de grand.*

Albertus Fabricius in notis ad S. Philastrium pag. 255. <sup>b</sup> *Gregorium Magnum ejus nominis primum agnosco virum pium ea loquentem, quæ sentit, & hoc propius accedit ad Magnum.*

Idem Tom. iil. pag. 241. Bibliothecæ mediæ, & infimæ latinæ. Amburgi 1735. *Gregorius I. Sancti, Magnique nomen inter Pontifices promeritus.*

Sed nullus ex Protestantibus uberior fuit in Gregorii laudibus, unde cognomentum Magni promeritus sit, quam celeberrimus Gaspar Barthius. Unum, aut alterum locum descripsisse Dissertationis hujus pretium erit:

Ho-

<sup>a</sup> *Divin. Institut. lib. ii. pag. 115. Patris. 1748.*

<sup>b</sup> *Amburgi 1721.*



*Homilie Gregorii Magni* inquit ille cap. xiv. libri *Adversariorum* LV. pag. 2620. Francofurti 1648. barbarie fere vigente summo pretio fuerunt adeo, ut qui aliorum librorum potiri non possent, Monachis præscriptum meminerim, hunc ut librum omnimodis sibi parent. Ricculphus Sueffionum Episcopus Constitutionis sue cap. vi. Item præmonemus, ut unusquisque vestrum Missalem, Lektionarium, Evangelium, Martyrologium, Antiphonarium, Psalterium, & librum XL. homiliarum Beati Gregorii distinctum, atque correctum per nostros Codices, quibus in Sancta Matre Ecclesia utimur, habere laboret: alio deinde loco, pag. nimirum 2622. refert idem Barthius similitudinem ex homil. xxx. deinde addit. Pulcherrima est similitudo, quæ sequitur, qualibus abundat Beatus Gregorius, & maximam opinionem sibi facit apud tempora sequentia, & fuit sane etiam viventis ea existimatio, ut ipse de se scribat, cogi se ad infinitas Ecclesiarum & Monachorum causas discutiendas, modo singulorum vitas expendere, modo Civium negotia sustinere, modo irruentibus barbarorum gladiis timere, modo Raptores quosdam æquanimiter perpeti, modo eis sub studio servatæ caritatis obviare. In his omnibus nulla mihi virtute major, & admirabilior opere nullo videtur, quam quod ambitionem illam contempsit, quæ maximos quosdam Christianæ Confessionis Antistites afflixit, & advertens se ideo Summum Pontificem a Deo constitutum, ut juxta illud propheticum radicem vitiorum evelleret, virtutes autem plantaret, omnes consuetudines, quas contra Apostolicam traditionem noviter pullulare cognoverat, sub anathematis comminatione damnavit. Tum vero a suo convictu non solum juvenculos, sed & omnes exclu-

dens seculares, Clericorum quosdam; vel Monachorum prudentissimos sibi familiares & consiliarios delegit, cum quibus die, nocteque versatus nihil Monasticæ perfectionis, nihil pontificalis institutionis omisit. Videbantur itaque passim cum eruditissimis Clericis religiosi Monachi adharere, & in diversis Professionibus uniformis videbatur honestas, sanctaque censura mores ministrorum excolebat, ut eorum nullus barbarum quid, vel inconfectum religioni sermone, vel habitu proferre præsumeret. Idem ita pauperibus inserviebat, ut quaslibet, ciborum species illis suo tempore ministraret. E quibus, pauperibus scilicet, cum unum aliquando in quodam recessu vespillones mortuum reperissent, Gregorius arbitratus, eum stipis inopia periisse, per aliquot dies a sacro officio cessavit. Quid plura? non solum testimonio hominum Communionis, ut ajunt, reformatæ, sed suomet revincam Oudinum. Nonne hoc epitheto Gregorium condecorare non est veritus quam sæpiissime in suo supplemento de scriptoribus Ecclesiasticis, edito Parisiis anno 1686. pag. 155. 170. & 177. & alibi? Stat ergo nonnisi vatiniano in summos Romanæ Ecclesiæ Pontifices odio pernegatum fuisse a nostro supercilioso censore Pontifici Gregorio cognomen tum Magni, quod pluris habendum est, quam teste Tillemontio sub initium vitæ S. Leonis Magni, cumulatissimæ quæque laudes, magnumque ab omnibus vocatum, vocandumque esse, cum sit a majori Scriptorum parte vocetur. Nam quod major pars Curix efficit, pro eo habetur, ac si omnes egerint, lib. XIX. Ad municipium, atque ad universos refertur, quod publice fit per majorem partem, lib. CLX D. de reg. juris.

## E L E N C H U S C A P I T U M.

CAP. I. UTRUM BARDUM, TRIVIALE, MODICUM FUERIT GREGORII INGENIUM. *Prima criminatio, qua splendidum GREGORII MAGNI, venerabileque nomen denigrare nifus est Oudinus, illius petit ingenium, quod vocat modicum, anile, triviale, stupidum, bardum, simplex, versipelle.*

CAP. II. *Alie rationes afferuntur in laudem ingenii nostri GREGORII.*

CAP. III. *De libris Job, sive Moralium.*

CAP. IV. *De libris Dialogorum.*

CAP. V. *De Gregorii eloquentia, deque latino sermone.*

CAP. VI. *De Mauritio male habito, deque Phoca nimis a GREGORIO laudato.*

CAP. VII. *Quid Gregorius Magnus senserit de Eucharistico Sacramento.*

CAP. VIII. *An Catholicus Purgatorius novum sit Inventum Gregorii Magni.*

CAP. IX. *Quid senserit Gregorius Magnus in Epistolis de Cultu & Adoratione Imaginum in Templis.*

CAP. X. *De subjectione, & obedientia, quam Gregorius Magnus Imperatori exhibuit.*

CAP. XI. *De Cognomento Magnus Gregorio tributo.*



DE NOVA  
S. GREGORII MAGNI

EDITIONE PROCURANDA  
DISSERTATIO EPISTOLARIS

*A D*

R. P. D. ANGELUM CALOGERA'  
SECUNDIS CURIS RETRACTATA, ET AUCTA:

## M O N I T U M.

**V**ulgata in tom. XXI. Opusculorum Calogerà nostra de nova S. GREGORII MAGNI editione Venetiis procuranda Dissertatione Epistolari, aliquot prodire libri ad rem potissimum Liturgicam facientes, quibus Gregorianorum Operum collectio utilior reddi potest atque illustrior. Itaque ex eo penu retractatam, & auctam eandem Dissertationem Vindiciis Gregorianis adjungendam censuimus, ut uno libello simul collecta habeat Lector, qua sive ad vindicandum tanti Pontificis nomen, sive ad illustranda ejusdem scripta nobis visa sunt aptiora.



R. P. D.

# ANGELO CALOGERA

C A M A L.

J. H. G. C. R.

S. P. D.

**I**N eo sermone, quem tecum, Cl. Vir, superiori mense istic habui, multa mihi pro tua humanitate & de tuis studiis, quibus totam Italiam maxime illustras, & universim de novis Operibus, quæ in singulos dies ista optimorum ingeniorum mater amplissima Urbs in lucem edit, communicasti. Inter alia vero pergratum mihi fuit audire de nova, quam aliqui meditantur, D. Gregorii Magni Operum editione; præsertim cum diceres, Editoribus in animo esse Patrum quidem Congregationis S. Mauri editionem repræsentare, verum non ipsam putam & puram de verbo ad verbum transcripiam, sed si quid etiamnum castigatione opus haberet, correctiorem atque puriorem, & si fieri posset, auctam etiam & illustratam. Quotus enim quisque Italus gratum non habeat ad faciliorem emtionem Italiæ typis vulgari SS. Patrum volumina, quæ a Regionibus ultra montes sitis non sine magno incommodo accitanti constant, quæque nisi maximo bono carere malimus, nihilominus quovis pretio comparanda sunt? Cum enim ipsa per se totius eruditionis, atque doctrinæ Catholicæ suppellectilem nobis sufficiunt, tum vero potissimum, postquam doctissimi Viri, deque Christiana Republica optime meriti ad illa a quampluribus mendis, quæ ob incuriam, & exscriptorum incitiam irreperant, repurganda, suoque pristino nitore, a quo propter præteritorum temporum bar-

bariem multum aberant, restituenda accesserunt. Verum huic hominum generi, qui SS. Patrum editiones exterarum nationum studio concinnatas Italiæ communes facere student, major gratia habenda est, si totis viribus in illud contendant, ut ad obscuriores locos in majori luce ponendos, ad errores, qui forte exciderunt, corrigendos, & ad ea, quæ ab aliis omissa fuerunt, supplenda de suo quidpiam adjungant. Quamvis enim doctissimi Monachi Benedictini, ut de aliis taceam, in omnibus fere SS. Patrum Operibus, quæ de novo emisserunt in lucem, suum studium viris eruditis probaverint, nihilominus eorum editionibus aliquid addi posse, quod operæ pretium futurum sit, dubitaturum arbitrator neminem. Multi enim adhuc latent in Bibliothecis præsertim Italiæ manu scripti vetustissimi codices, quibus, non solum aliquot loca illustrari possint, verum & integræ lacunæ suppleri, immo & toti ipsi libri, quos a veteribus Patribus scriptos esse ex Historia Ecclesiastica scimus, quique ad nostras manus nequaquam venerunt. Sed hoc pro rei dignitate præstare non omnium est; propterea quod multis naturæ, artis, atque fortunæ dotibus opus est, quas non ita facile in aliquo invenias; ingenium perspicax, acie judicium, latini, græcique sermonis notitia, universæ cum profanæ, tum sacræ eruditionis cognitio, Theologicorum dogmatum scientia: præterea, quod

ex fortuna magis pendet, optimorum Codicum copia, sine quibus, etsi reliqua omnia forent, nihil satis magnum hac in re possumus obtinere. Nulla quippe certior via est, admonente litteris, pietate, ac muneribus vere Eminentissimo Cardinali Angelo Maria Quirino, *secernenda, elucendaque interpolationum faci, quam ut priscorum exemplarium auctoritas consulatur . . . etenim cum ab illis veterum Patrum operibus, ceu a caelestibus rivis, salutis scientia fidelibus haurienda sit, quam maxime refert, ut nativis tantum aquis fluentes nullis peregrinarum doctrinarum<sup>a</sup> sordibus contaminentur.* Quapropter probare non possum consilium tuum, qui cum me inter colloquendum desiderio huius novæ Editionis Operum S. Gregorii flagrantem vidisses, & nonnulla universim ad eam illustrandam necessaria suggerentem audisses, multis me hortari cœpisti, ut hanc provinciam susciperem, quæque mihi in hanc sententiam venirent in mentem, litteris mandarem. Nam præterquam quod valde me a naturæ & artis bonis inopem nosco; in ea Urbe moror, quæ nullum mihi suppeditare potest S. Patris antiquum Codicem<sup>b</sup>; & iis occupationibus distineor; quæ ad illos conquirendos diuturnum in longinquas partes iter non sinunt suscipere, & ea auctoritate non polleo, qua possim aliunde ex manuscriptis Codicibus variantes lectiones accersere. Verumtamen, ut tibi, cuius auctoritas apud me plurimum valet, morem gererem, & simul effugerem notam temeritatis, domum reversus consilium cœpi, meas in dictum Opus animadversiones ad te

perscribere, tibi que dicare; ut quo singulari iudicio doctorum hominum opuscula usque nunc selegisti, quæ in tuam omnibus probatissimam collectionem typis edenda conferres, eo meam hanc lucubratiunculam examinares; & si dignam putaveris, quæ in eorum opusculorum numerum referatur, in lucem emitteres, sin tali consortio indignam existimaveris, inter rejectanea æternis tenebris obruenda rejiceres. Ne tamen exspectes, dum ipsius textus, notarumque eidem subjectarum animadversionem suscipiam. Hoc enim, præter alia, copiam Codicum manuscriptorum desiderat, quos mihi deesse jam sum professus. Quapropter in idea generali ipsius Operis fere versabor, & eruditæ Præfationes singulis quatuor tomis præfixas, eo, quo ab Editoribus ordine collocatæ fuerunt, examinandas aggrediar.

Datum Brixæ

Kalend. Octobris An. 1739.

Tomus primus Exegetica continet in S. Scripturam, & a Moraliū libris sumit initium. Inter alia, quæ proferunt argumenta, in c Præfatione ad hos libros Maurini, ut ostendant magno in honore quovis ævo habitum fuisse aureum hoc Gregorii Magni Opus, illud est præcipuum, quod repetunt ex multis, iisque vetustissimis in vulgares linguas interpretationibus, quas etiam nominant. Verum nostræ Italicæ ne meminere quidem, quam tamen dignam esse, quæ in hunc catalogum referatur, nullus dubito.

Debetur illa studio Johannis Zano-

<sup>a</sup> Sub initium Præfat. officii Quadragesimalis Græcorum in latinum sermonem conversi, atque ad fidem præstantissimi Codicis Barberini editi Romæ græce, & latine anno 1721. antequam laudatus auctor Gorceyrensis Infulis admoveretur.

<sup>b</sup> Ne colligas velim, Codicibus aliis prorsus esse destituta Brixienſium Carthophyla.

cia; suos & ipsa præſident Codices quos inter ii sunt præclari cum vetustate, tam rebus, & etiam raritate, quos illustrissimi Canonici Cathedralis custodiunt, quorumque Elenchum dedimus in Appendice nostra Brixæ Sacræ.

<sup>c</sup> Pag. 15. num. 5.



nobii Stratz Florentini, qui circa seculi xiv. medietatem adeo litteris bonisque moribus apud suos florebat, ut non alio fere, quam *Patris, Magistrique* nomine appellaretur.

Porro etsi Italica lingua per id temporis inops adhuc foret, nihilo tamen minus labor hic ita feliciter ei cessit, ut videatur utroque sermone, Latino scilicet, & Italico, Jobi librum fuisse a S. Gregorio interpretatum. Libros dumtaxat decem & novem, & ultimi libri duodeviginti capita ipse convertit, quippe morte præreptus, quam opetiit an. 1369. persequi cætera non potuit, quæ deinde ab alio incerti nominis auctore translata fuerunt.

Hanc versionem Nicolaus Lama-gna, sive Alamanus, primus typis edidisse fertur an. 1486. <sup>a</sup> Florentiæ duobus Tomis in fol. quos jam quinque ante annos in lucem fuisse emissos adnotarat Cl. Marchio Maffejus <sup>b</sup>, Romæ vero an. 1714. iterum cudi cœpta est auctore Ven. Card. Josepho Maria Thomasi Cl. Reg. opem ferente Justo Fontanini, qui & corrigendi laborem suscipere non est gravatus, & eruditam in fronte primi Tomi in 4. qui octo complectitur priores libros, apposuit Præfationem, in qua & hujus editionis pium Thomasi scopum aperuit, & multa ad Zanobii vitam pertinentia, & ex Florentina Fratrum Villanorum Historia potissimum deprompta narravit; cæteri vero Tomi, omnino tres, annis 1721. 1725. 1730. in lucem prodire.

Aureus Regulæ Pastoralis liber, qui in altero Tomo primum obtinet locum, etsi aliis editionibus longe castigatior ope viginti & amplius optimæ notæ mss. heic repræsentetur, non ita tamen purus a mendis habetur, ut eruditorum diligentiam

amplius non requirat. Non parum igitur lucis afferre ei posset Veronense paucis ab hinc <sup>c</sup> mensibus editum exemplar a Bartholomæo Campanola amplissimi Veronensis Capituli Cancellario, & S. Cæcilie ejusdem civitatis Archipresbytero multis in locis emendatum, variisque illustratum lectionibus ope duorum Bibliothecæ Capituli Veronensis Codicum manuscriptorum, qui octingentorum antiquitatem annorum præferre putantur.

Secundus datus est locus Dialogorum libris. In eorum Præfatione nostri Editores Benedictini eadem sequuntur vestigia, quæ ab ipsis impressa fuerunt in Præfatione Moralium. Catalogum enim texunt interpretationum hujus Operis in multas vernaculas linguas. *Optimam* <sup>d</sup>, ait Dionysius a S. Martha, cui primæ in toto opere tribuuntur, *de eisdem* (Dialogis) *conceptam opinionem confirmant quoque, quod tot in linguas conversi legantur*. Hinc referuntur versiones in linguas Græcam, Arabicam, Saxoniam, Gallicam; sed Italicam commemorant nullam.

Porro nostra Brixiana Bibliotheca, cui plurima recenter librorum cum veterum, tum recentiorum accessio facta est, atque in dies magis magisque, dante Divina Providentia, fiet, duas habet hujus Operis in Etruscam linguam interpretationes. Utraque Venetis typis est edita: Prima per Angelum de Torefanis Asulensem in 4. an. 1487. die 20. Februarii, altera in 8. quæ superioris est recursio per Dominicum, & Fratres Zio an. 1538.

Quodnam interpreti nomen, & cujus is esset, ex eo non liquet, & Anonymus etiam citatur a solertissimis harum rerum indagatoribus Etrusci Vocabularii Collectoribus <sup>e</sup>. Ex

l 2.

ve-

<sup>a</sup> Error irrepsit in Veneta litteratorum Ephemeride an. 1716. ubi pag. 6. legitur an. 1481.

<sup>b</sup> In Opere inscripto: Traduttori Italia-

ni pag. 67.

<sup>c</sup> Scilicet anno 1738. typis Veronensibus.

<sup>d</sup> Tom. II. Oper. S. Greg. pag. 1.

<sup>e</sup> In Præfat. tom. I.

vetustiori editione an. 1475. die vigesima mensis Aprilis editam quoque Venetiis sine Typographi nomine, cujus loco tres hæ leguntur initiales litteræ P. M. F. concinnatam colligitur fuisse a Leonardo Utinensi.

Ex Præfatione tamen Interpretis, quatuor aperte colliguntur. 1. Auctorem alicui Religiosæ Familiæ nomen dedisse, quæ eleemosynis vitam tolerabat. 2. Eum in interpretatione malie ad sententias potius attendere, quam ad verba; quod & fecit, uti textibus inter se conferendis potest unusquisque periculum facere. 3. Inventum fuisse neminem, qui ante ipsum hanc provinciam, multæ licet utilitatis ad rem Christianam fovendam, suscipere voluerit. 4. Auctorem demisse omnino de se sentire, unamque spectasse in hoc labore D. O. M. gloriam.

Ad finem prioris editionis nostræ Bibliothecæ exstat vita ejusdem S. Gregorii eandem omnino referens interpretandi rationem; atque translatio est, mea quidem sententia, perbrevis illius a Paulo Diacono conscriptæ. Aliam perlustravi hujus Operis in eandem linguam translationem industria Torelli Folæ Pefulanæ Cathedralis Canonici Venetiis editam typis Christophori Zanetti an. 1575. in 4. Demum præter istas aliam in eadem Italica lingua Dialogorum editionem commemorant Annales Typographici \* impressam Cajetæ per Magistrum Justum an. 1488. die 24. Martii in fol. Alias etiam, ne multus sim in reparva, ejusdem Operis translationes vide, si lubet, penes Albertum Fabricium in Bibliotheca <sup>b</sup> mediæ, & infimæ latinitatis, & citatum Massejum, necnon Johannem Mariam Paitionum Cl. Reg.

a Tom. 1. part. 1. pag. 493. edit. Amst. 1733.

b Tom. 111. pag. 249. Amburgi 1735.

c Inlata est in opusc. Caloghor. tom. xxxiii pag. 531.

d Apud Clementem Galanum Cler. Reg.

Somaschum in Biblioth. Auctorum græcorum & latinorum <sup>c</sup>. Ad ejusdem autem Operis in orientales linguas translationes quod attinet, commissis illis, quæ ab aliis commemorantur, recensenda est ea, quæ laudati eminentissimi Quirini opera, ac studio triginta ab hinc annis edita fuit Venetiis eruditis notis illustrata, & cum Ms. collata, quæque alterum continet græce, & latine Dialogorum librum, in quo narratur vita S. Benedicti. Hanc ipsam Italicè redditam habemus Venetiis quoque typis vulgatam an. 1733 Armenicæ etiam Nationis præclari Viri tam utile, atque ad instituendos corrigendosque mores accomodatum idem Dialogorum Opus existimarunt, ut ejusdem in suam linguam versionem operam dederit Nierces Lampronensis sanctissimus, & doctissimus illius nationis Episcopus Tarsensis an. 626. Computi Armeni, qui incidit in annum a partu Virginis 1177. eam nos rem docuit Menologium Armenum in quo ad diem 17. Julii ita est: *Commemoratio est S. Niercensis Lampronensis... transtulit de Græco in Armenum historiam S. Gregorii Romanorum Papæ*. <sup>d</sup>

In eodem hoc Tomo occurrunt Gregorianæ Epistolæ, in quibus illustrandis præclaram, ac diligentissimam operam posuisse post Gullanvilæum, nuperos editores cognovit & ipse, ac testatus est Fabricius supra citatus. Nobis vero unum minus probatur, quod ab earum numero eximendam esse arbitrati sunt, quæ posita erat in Frobeniana editione initio lib. 11. indiſt. x. quæque inscribitur de *Litania Majori*, & tertium Appendicis locum eidem dederunt. Sed primo suo auctori, locoque resti-

in historia unionis Ecclesiæ Armenæ cum Latina tom. 1. pag. 108. & 344. Roma anno 1672. qui Galanus censum, ut reor, primus adnotavit pag. 109. cit. Operis, ritus sacrarum Ordinationum apud Armenos ab ipso et Gregorio desumptos fuisse.



stituendam esse decerner quicumque perlegerit, quæ habet Cajetanus Merati Cl. Reg. in suis eruditissimis ad Gavantum observationibus <sup>a</sup>. Patres Benedictini, ait ipse, eo quod hanc Litaniam terminari S. Pontifex jubeat ad S. Petrum, existimant hanc Epistolam esse supposititiam, putantes eam pugnare cum dictis in sermone de mortalitate, in quo Statio indicitur ad Ecclesiam S. Dei Genitricis. Verum si animadvertissent S. Gregorium in illis duobus locis non de una & eadem Litaniam agere, eam profecto opinionem exuissent. Inter igitur primam & secundam ex dictis Litiis hoc intervenit discrimen, quod prima pro ingruente calamitate, & ad submovendum pestilentie inguinarie flagellum primum indicta fuit an. 590. & in mense Augusti die 29. ac per triduum, ut aliqui tenent, fuit celebrata.... secunda vero jam erat ante Gregoriarum instituta, & jam facta anniversaria, ut patet ex illius verbis, & deinceps saltem verno tempore, & diei 25. Aprilis adhæsit addicta, ut colligitur ex Sacramentario ejusdem Gregorii a Pamelio edito, ubi talis Litaniam major sic adnotatur 7. Kalendas Maji, idest 25. diei mensis Aprilis, Litaniam Major ad S. Laurentium in Lucina. Hactenus verba Merati, quibus perspicuum fit, quam sit infirma, prima, & præcipua Maurinorum adversus hanc Epistolam ratio.

Neque obesse potest, illud, quod addunt, in omnibus fere manuscriptis Codicibus eam desiderari; namque adversus hoc argumentum mere negans tria sunt argumenta affirmantia. 1. Epistola, de qua nunc disputatur, existat in aliquot Codicibus, quos lustrarunt ipsi Maurini; dicunt enim illam abesse ab omnibus pene mss. ergo in aliquibus reperitur. Rei-

ipsa eam legimus in duobus vetustis Gregorianarum epistolarum mss. quorum alter spectat ad PP. Minorum Conventualium S. Mariæ Gratiolæ (vulgo i Frari) Venetiarum: alter vero ad Regii Archigymnasii Augustæ Taurinorum Bibliothecas optimis editis, & manu exaratis libris instructas. 2. Legitur in omnibus editionibus, ipsa non excepta, quæ prodit ex officina Frobeniana, de qua dixerat Erasmus non est alia vel accuratior, vel unde plus bonorum exeat Codicum <sup>b</sup>. 3. Stylus omnino Gregorianus est, quæ omnia simul collecta maximam habere vim, nemo non videt.

Quod attinet ad Homilias, quæ hoc in Tomo sunt, ipsis quoque fuit locupletata lingua nostra, in qua fuere editæ an. 1502. Florentinis typis in fol. <sup>c</sup>

Sub initium tertii Tomi illud exhibetur Sacramentarium Gregorianum, quod an. 1642. ex Codice Bibliothecæ Corbejenfis Monasterii S. Eligii publici juris fecerat Cl. P. Menardus. Rectene, an secus, disputatum video ab eruditissimis, quibus magis placet illud, quod ex Codice Colonienſi in lucem emiserat Cl. Pamelius, notisque marginalibus adornaverat in tom. 11. sui Liturgicon Ecclesiæ Latinæ Coloniae an. 1571. Illud enim Menardi octavo seculo non putatur antiquius, nec purum est, cum multa ei sint addita, multaque demta; Pamelianum autem & antiquius esse, & integrius ostendit inter alios laudatus Thomasius in sua ad Codices Sacramentorum Præfatione <sup>d</sup>, etsi neque illud sit purum putumque S. Gregorii jussu confiatum. Multos quidem Sacramentarios Codices mss. qui Gregorii nomen præferebant se legisse narrat eruditissimus Petrus le Brun <sup>e</sup> in suis

<sup>a</sup> Tom. 1. pag. 1204. edit. Rom. 1737.

<sup>b</sup> Apud Cave Hist. Litter. pag. 17. edit. Col. Allob. 1720.

<sup>c</sup> Ex indice Bibl. Card. Imperialis pag. 556.

<sup>d</sup> Tom. vi. Operum Ven. Card. Thomasi, qua studio Francisci Vezzosi Cl. Reg. typis Romanis eduntur.

<sup>e</sup> Tom. 11. dissert. pag. 11. 160. edit. Paris. 1720.

ad sacrum Gallicis observationibus. Verum e tenebris germanum eruere res est summi laboris, aridentisque fortunæ. Faxit Deus O. M. ut tale illud sit, quod ex antiquissimo Regi-  
 a ginæ quondam Svecorum Codice Merati in observationibus ad Gavantum<sup>a</sup>, se daturum promittit, in ea, quam parat Liturgiarum Occidentali-  
 um Collectione.

Interim e re liturgica foret, Pamelianum cum suis notis loco Menardiani recudere: cumque Menardi notæ a Criticis, vel emunctissimæ  
 b naris plurimi, & quidem jure ac merito, fiant; nec non illæ, quas, interseruere de suo Benedictini, viris eruditis probentur; sane pretium operæ faceret, qui meliores feligeret, & post singulas quasque columnas, variantibus non omittis lectionibus, repræsentaret<sup>b</sup>. Sacramentario at-  
 texitur *Benedictionale*, seu solemni-  
 um ab Episcopis dicendarum Benedictionum ordo, & series. Verum a Gregorii operibus illud opus, quod in  
 c vetustioribus editionibus Antuerpiensi, & Romana non invenitur, siquis jussit exfulare, uti posset & gravi ratione, & præclara auctoritate; atque ad primam quod attinet, illi ritus in eo describuntur, qui a Romanæ Ecclesiæ usu prorsus erant alieni. Quis ergo sibi poterit persuadere, eos exisse a Gregorii penu, qui totus in eo erat, ut eidem Ecclesiæ sacrarum omnium cæremoniarum ordinem præscriberet? Ad aliam

vero quod spectat Mabillonium virum, si quispiam alius, in hisce quoque rebus discernendis perspicacissimum, posset in medium afferre: Non ergo inferendum erat, ita ipse pronuntiat. *Benedictionale novæ Gregorii Operum editioni, quod a ritu Romanorum, atque adeo ipsius Gregorii mente alienum est; tametsi in Codice Bibliothecæ Cæsareæ Sacramentario Gregoriano subiectum reperiatur, utpote descriptum ad alterius Ecclesiæ usum, quam Romanæ*<sup>c</sup>. Quamobrem auro contra etsi foret existimandum illud *Benedictionale* cum propter antiquitatem satis remotam, tum propter res, quibus constat, non idcirco in Gregorianorum Operum editione injiciendum est, nisi eam magis appellare collectionem Veterum monumentorum ad Ecclesiasticas quasque res pertinentes.

*Benedictionale* sequitur ejusdem Gregorii Antiphonarium, seu potius eorum collectio, quæ chorus in Missa canebat. Opus hoc jam a Pamelio, & ab aliis editum recensitum fuit a Maurinis, & ad multos Codices mss. maxime vero Compendiensem S. Cornelii diligenter exactum, quem Codicem & insignem vocant<sup>d</sup>, & nono seculo exaratum fuisse suadere nituntur tum ex scriptura, tum ex quadam prosa tempore Caroli Calvi Imperatoris descripta,

Verum tantæ non esse monumentum hoc vetustatis non leve mihi ingerit dubium *λεπτολογία*, quam habet

<sup>a</sup> Tom. 1. part. 1. pag. 9. edit. cit.

<sup>b</sup> Præter hæc, utilitatem longe majorem ad exprimendum Gregorii Sacramentarium primævis fontibus confirmis, ii Codices possent suppeditare publici juris nuperrime facti per Dominicum Georgium tomis 11. & 111. Liturgia Rom. Pontificis, per Muratorium tom. 11. Liturgia Veteris Romana; sed imprimis per cit. Vezzosi; hic enim iis Codicibus, quos Thomasius sibi compararat, quosque morbo abreptus vulgare non potuit Cajetanus Merati, optime usus est in Celsiano Codice illustrando, ex quo Gregorianum Sacramentarium magna ex parte con-

luisse constat: qua de causa Thomasium cogitasse de nova Gregoriana editione multis est a Vezzosi probatum rationibus pag. 32. Prefationis ad tom. VI. Operum Thomasi, quibus & hæc addere placet verba ipsiusmet Thomasi deprompta ex notis ad antiquos libros Romana Ecclesia pag. 386. tom. V. cit. editionis: Cum edita Gregoriana Sacramentaria habeamus interpolata, quæ sinceriora fortassis edemus, annuente Domino.

<sup>c</sup> In Commentario ad ordines Romanos pag. 51. tom. 11. Musæi Italici Par. 1724.

<sup>d</sup> Tom. 111. pag. 650.



a bet de Trinitate <sup>a</sup>. Obscurum enim est, plenumque quæstionis, quisnam Trinitatis Officii fuerit auctor, quis vero Festum hunc diem, ait appolite Thomassinus <sup>b</sup>, primus auctor instituerit, sub judice lis est. Consonat Christianus Lupus, vir sacre antiquitatis peritus, qui postquam illud Gregorio IX. minime esse tribuendum ostenderat, suam de illius festivitatis initio apud Romanos inscientiam ita ingenuè fatetur: *Quis Pontifex ipsam admiserit, usquehuc ignoro* <sup>c</sup>. Sunt qui Johanni XXII. Universali Cathedræ promoti anno 1316. illud adscribunt, quorum opinio Ptolemæi Lucensis narratione posset confirmari: *Item prædictus Pontifex* (inquit) *Dominus Johannes (XXII.) instituit, quod festum Trinitatis solemniter celebrari deberet singulis annis Dominica post festum Pentecostes, licet Romana Ecclesia hoc festum antea singulari officio non consuevit celebrare, ut exstat de Feriis* <sup>d</sup>. Quibus tamen verbis, an res ita clare conficiatur, ut nullum reliquum faciant dubitationi locum, aliorum esto judicium: nobis certe non ita perspicua videtur, propterea quod celebrari poterat ante illud tempus absque distincta solemnitate, & una simul cum alio officio, quæ duorum officiorum copulatio insolens non est, nec infrequens in Romanorum Liturgiis; quamobrem contenti sumus

affirmare cum Edmundo Martene; jussu fuisse ab eo Pontifice, ut celebraretur *solemniter, ubique, & quotannis* <sup>e</sup>. Porro citra controversiam illud nobis videtur positum, apud Romanam Ecclesiam mille ab hinc annis disputatum officium prorsus fuisse incognitum, cum præteritum sit in Codice Gelasiano per Thomassinum edito, cujus de tanta antiquitate post Thomasi, & Vezzosi probationes nemo cordatus vir ambigere amplius potest. Eo in Codice Dominica proxima post Pentecosten Liturgiam continet *de Feria*, ut ajunt, atque inscribitur *in Dominica Octavarum Pentecostes* <sup>f</sup>. Accedit collectio veterum Orationum ad Ecclesiæ Romanæ usum, quam laudatus Thomassinus ex variis vetustissimis Codicibus deprompsit, ubi de Trinitatis festo ne vestigium quidem; Dominica vero post Pentecosten eodem signatur modo, ac in Codice Gelasiano <sup>g</sup>.

Verum quidem est Caroli Magni tempore in quibusdam Galliæ Ecclesiis eam celebritatem cœptam fuisse <sup>h</sup>; nihilo tamen minus Romana in Ecclesia seculis x. & xi. nondum obtinuisse præter auctoritates modo commemoratas, aliis confirmatur luculentissimis eorum temporum monumentis. Enim vero nihil tale occurrit in Johannis Frontonis Capitulari Evangeliorum <sup>i</sup> Ecclesiæ

Ro.

a Pag. 725.

b De Festis lib. II. cap. XIX. num. IX. pag. 84. edit. Ven. 1729.

c In notis ad Concilium Romanum Alex. III. tom. v. pag. 157. oper. Venetiis 1725. in eadem versatur dubietate Grancelas Comment. histor. sur le Breviaire Romain tom. II. pag. 381. Paris. 1729.

d Editus a Bollandistis in Propilæo, siue tom. VII. SS. Maji pag. 404.

e Lib. de Antiquis Ecclesiæ ritibus IV. cap. XXIV. tom. III. pag. 548. Antuerpiæ, siue potius Mediolani 1737.

f Pag. 103. tom. VI. Oper. Thomasi edit. nova.

g Pag. 480. tom. II. Oper. Thomasi cit. edit.

h Quod est a Martene observatum loco supra commemorato productis veteribus illarum Ecclesiarum Officialibus, ac Liturgicis libris.

i Dominica octabat Pentecosten ita est eo loci pag. 176. edit. Veronen. 1733. in quem locum animadvertere non prætermisit Fronto nullum hic vestigium Trinitatis; neque olim festivitas hæc in Ecclesia fuit. Illud monumentum ex ms. S. Genovesæ Parisiis, cujus Fronton erat Canonicus Regularis aureis characteribus exaratum editum est, præfixo hoc titulo: Kalendarium Romanum. Sed cur a nobis vocatum sit Capitulare Evangeliorum Ecclesiæ Romana videtur cit. Vezzosi pag. 24. Præfationis

a Romanæ, quod vetustius fertur seculo x. eandem præfert antiquitatem illud Romanæ Ecclesiæ Calendarium a Græco Leone Allatio <sup>a</sup> e tenebris erutum, in eoque sive Dominica post Pentecosten, sive quovis alio die, ne vestigium quidem invenies disputatæ solemnitate. De seculis vero posterioribus x. & xi. adduci solet Auctor libri de Ecclesiasticis observationibus, qui Micrologi nomine circumfertur, vixitque medio seculo xi. <sup>b</sup> Refert enim sexagesimo cit. Operis capite, Alexandrum Pontificem Rom. (qui fuit hujus nominis ii.) hac de solemnitate, quam in Galliis ortum habuisse supra animadversum est, interrogatum respondisse, nullam diem juxta Romanum Ordinem specialiter adscribi solemnitati *Trinitatis*, quemadmodum neque *Unitatis*, propterea quod divinarum Personarum memoria quotidie celebratur, quam Pontificis responsionem comprobant antiqui libri Missarum Romanæ Ecclesiæ vetustissimi per laudatum Vener. Thomassium in lucem emissi <sup>c</sup>, in quibus idem observare licet silentium, quod in vetustioribus observabamus ejusdem generis monumentis. Neque moramur quod integrum *Trinitatis* Officium inveniatur eo in Antiphonario, quod Gregorii nomine vulgavit citatus Thomassium <sup>d</sup>; namque perspicax Editor ea propter noluit seculo xi. vetustius illud existimare: *Ad x. vel xi. seculum* (sunt hæc ejus ver-

ba) ob Officium præsertim *S. Trinitatis*, quod ignotum erat seculis prioribus, facile referrem<sup>e</sup>. Præterquam quod ex minutori characterè, quo illud exprimi fecit facile elicitur, unum esse ex illis Officiis ad Monasticum usum accommodatis, & Gregoriano Antiphonario adsumtum ab aliquibus Monachis, forsan Monasterii S. Galli in Helvetiis, ex cujus Bibliotheca apographum habuerat Thomassium, quique Monachi, adinstar plurium Gallici Regni Ecclesiarum, illud Officium celebrare probabiliter incœperant, quæ etiam ratione, & officium S. Brictii apud Galliarum Monachos celebris eodem habes characterè signatum.

Quod si in nonnullis ex hisce monumentis v. g. in Codice Gelasiano <sup>f</sup> *Secreta* (ut nunc dicimus) quæ olim Præfationis nomine continebatur, est de Trinitate, nihil negotii nobis faceffit, nihilve ea monumenta, maxime vero Gelasianus Codex de assertæ vetustatis gloria admittere censenda sunt, propterea quod ipsomet Gregorio Magno antiquior sit ritus laudandæ Trinitatis in omnium Dominicarum Liturgia: cujus rei testem damus citatum de *observationibus Ecclesiasticis* vetustum Scriptorem; *Incongruum ergo videtur* (inquit ipse prope finem capitis lx. nuper commemorati) *unam Dominicam de S. Trinitate celebrari, cum omnes Dominicæ authenticis abundant Officiis, quæ non minus nobis intiment honorem S. Trinitatis. Præfationem autem*

<sup>a</sup> in tom. v. oper. Thomassii. Illud superare tempora Gregorii III. qui sedet anno 731. ostenderit Fronto paragrapho secundo prænotandorum ad idem monumentum.

<sup>b</sup> E Bibliotheca Vaticana Codice ante non-gentos, ut dicitur, annos descripto intulit Eo Allatius in Dissertatione de Hebdomadibus Græcorum, & est ad pag. 1487. sui Tractatus: de Ecclesia Orientalis, & Occidentalis perpetua consensione, editi anno 1648. Colonia Agripp. sed verius Ansteldami.

<sup>b</sup> De vero hujus libri auctore differui

erudite Franciscus Berlendis nostras in Dissertatione de Oblationibus ad Altare par. 1. §. c. pag. 168. edit. latina 1743.

<sup>c</sup> Tom. v. pag. 131. edit. nova. Tota Liturgia est de Spiritu Sancto in Dominica proxima post Pentecosten sic inscripta: Dominica octav. Pentecostes.

<sup>d</sup> Tom. iv. pag. 207. edit. nova.

<sup>e</sup> Sub finem Præfat. Responsorialium tomo supracit.

<sup>f</sup> Pag. 104. ubi vides hæc ex Præfatione eam fuisse desumptam, quæ habetur in ediculis R. E. Missalibus.



autem de S. Trinitate, quam in diebus Dominicis frequentamus, non ex Albino, (Alboino) sed ex Romana auctoritate suscepimus, nam hæc est una ex illis novem, quas solas Pelagius Papa Antecessor Gregorii constituit observari.

Porro si quis putaret citatam ex Codice Gelasiano Præfationem eandem esse, cuius meminit Micrologus, a Pelagio institutam, a veritate fortasse non abhorreret, cum eandem levi quadam nonnullarum syllabarum immutatione repræsentent Gregoriana Sacramentaria<sup>a</sup>. Equidem scio Menardum in notis ad Sacramentarium Gregorianum<sup>b</sup> partim convenire cum Micrologo, & partim ab eo dissentire: in eo convenit quod eandem adjudicet citato Pelagio: dissentit autem, quod neget institutam ab eo Pontifice, ut subsequenter Dominicis usui esset, bene vero ut festo SS. Trinitatis inserviret. Interpretationem hanc nititur probare auctoritate Codicis S. Eligii, & Sacramentarium Vaticanorum, in quibus adest festum S. Trinitatis; miratur deinde scribi potuisse a Micrologo, illam Præfationem frequentari diebus Dominicis: Nam in omnibus nostris Sacramentariis ms. (verba sunt Menardi) & in editis ex Vaticano, ejusmodi Præfatio in nulla Dominica, (si octavam Pentecostes exceperis) reperitur; sed singulis Dominicis propria sua tribuitur Præfatio, qui sane Codices mss. ipso Micrologo sunt antiquiores, qui proinde solam suæ tempestatis usus in quibusdam Italiæ locis rationem habuisse videtur, non satis explorato usu antiquiore. Quare ex his, quæ supranotata sunt, ejusmodi præfatio videtur a Pelagio in-

stituta ob festum S. Trinitatis. Verum ea facilitate, qua ipse a Micrologi narratione recessit, liceat & mihi a sua opinione recedere, tum quia nullo Codice adhuc detecto vetustiore seculo x. probari possit festum Trinitatis fuisse tunc temporis apud Romanos receptum, tum quia in aliis Sacramentariis (Gregoriana si excipias) haud semper singulis Dominicis propria tribuatur Præfatio. Enim vero etsi in Gregorianis Sacramentariis ab octava Pentecostes usque ad primam Adventus Dominicam xxiv. recenseantur Dominicæ; in Gelasiano tamen xvi. dumtaxat enumerantur, quod argumento est, aliquid olim intercessisse etiam in hoc capite Gelasianos inter, & Gregorianos ritus discriminis. Jam vero creditu facile est, Præfationem Dominicæ octavarum Pentecostes assignatam, subsequenter frequentatam fuisse octo Dominicis, atque in eo sensu scripsisse Micrologum, Præfationem de Trinitate esse unam ex illis novem, quas solas Pelagius Papa constituit observari. Ad hanc persuadendam conjecturam in medium afferri possunt hujusmodi exempla ex veteribus Gothico Gallicanis Missalibus deprompta, quæ etsi rem non ponant extra omnem controversiæ aleam, magnam nihilominus vim habitura sunt apud Liturgicarum rerum peritiores, quibus exploratum esse debet, haud parum Gelasianos, & Gallicanos vetustos Ordines inter se convenire<sup>c</sup>. Ut igitur omittam in Missali Gothico nullam Missam post clausum Paschæ de Dominicis consequentibus usque ad Pentecosten adnotari<sup>d</sup>, eo quia Pascales repetebantur, interprete Muratorio<sup>e</sup>; una dumtaxat Missa post Pentecosten usque

<sup>a</sup> Apud Maurinos tom. 111. Oper. Gregorii pag. 203. & apud Muratorium tom. 11. Liturgia veteris Rom. pag. 321.

<sup>b</sup> Tom. 111. Oper. Gregorii pag. 401.

<sup>c</sup> Eam convenientiam omnium, ut arbitror, primus adnotavit Mabillonius lib. 111. Liturg. Gallic. pag. 177.

<sup>d</sup> Pag. 866. apud Muratorium loci cit.

<sup>e</sup> loc. cit.

usque ad Adventum in Lectionario Gallicano habetur, in Missali vero Gallicano sex, in Mosarabico septem, quam differentiam cum animadvertisset Mabillonius *lib. II. de Liturgia Gallicana*<sup>a</sup>, ita sibi esse concludendum existimavit: *Itaque repetebantur illæ Missæ quando festa Sanctorum in Dominicas non incurrebant*, quam Mabillonii observationem Vezzosi quoque intulit in sua illorum Missalium editione<sup>b</sup>. Quibus expensis, cum ex altera parte Gelasianum Codicem nongentis annis vetustiore esse in dubium revocari nequeat: ex altera vero satis ostendisse putem Præfationem de Trinitate, quæ in eo continetur, nulla ratione spectasse ad sollemnitatem Trinitatis, bene vero pro Dominicis aliquot institutam fuisse, iccirco illud constare arbitror, quod mihi erat ostendendum, Gregorii nimirum Antiphonario a Maurinis dato, ex eo quia Trinitatis Liturgiam contineat, non eam concedi posse antiquitatem, quam ipsi tribuendam esse censuerunt, atque adeo aut post seculum IX. exaratum fuisse, aut ad Ecclesiæ Romanæ usum minime spectasse.

Neque in Maurinorum sententiam venire possum, qui ad vindicandam suo monumento, aliisque id generis, assertam IX. seculi antiquitatem, a Romanis dicunt<sup>c</sup> Pontificibus hoc Officium fuisse instauratum, quod antiquitus celebrabatur, & deinde fuit intermissum. Profecto qua ratione de Rom. Ecclesia, cujus *λεττηριον* habet hic Antiphonarius, possit affirmari non video. Nullum enim ad hanc diem, quo assertio illa innitatur, e tenebris eductum est, quod ego sciam, monumentum; quin immo tale quidpiam adhuc latere vix adduci possum, ut

credam; quia a laudato Thomasio viro emunctissimæ naris, harumque rerum indagatore diligentissimo aliquod fuisset detectum vestigium, neque, qua erat in affirmationibus religione, Trinitatis Officium ante sec. XI. vel X. ignotum fuisse absque ulla hæsitacione pronunciasset.

Succedunt alia ad Ecclesiasticum cursum spectantia, scilicet Responsorialia, Antiphonaria, & Hymni ejusdem S. Patris. In observationibus autem præviis ad Collectionem Responsoriorum<sup>d</sup> negant Maurini, genus hoc *λεττηριον* lucem ante vidisse, idcirco publici juris se illud facere, ajunt. Tamen silentio non est prætereundum, duodeviginti annis priusquam hic Tomus emitteretur, Josephum Thomassium publicasse sub nomine Josephi Cari Romæ, præmissa eruditissima Præfatione, ex vetustissimis Codicibus ejusdem rationibus complexionem, cui est hic titulus: *Responsorialia & Antiphonaria Romanæ Ecclesiæ a S. Gregorio Magno disposita. Accedit Appendix varia continens monumenta vetera ad Antiphonas, Responsoria, Ecclesiasticosque cursus pertinentia.*

*Ex mss. Codicibus nunc primum prodeunt, Scholiisque explicantur.*

De his Thomassii monumentis nescio quid causæ fuerit, cur Benedictini omnino siluerint. Eorum tamen mentionem fecerat Mabillonius in tom. I. Musæi Italici<sup>e</sup>, ubi ait . . . . *recte probat amicus noster pius & doctus Josephus M. Carus sive Thomassius in erudita Præfatione sua ad Responsorialia, & Antiphonaria, quæ Romanis typis anno superioris prodierunt.*

Plurimi quidem faciendum esse Maurinum Codicem ultro concedo, utpote XI. & X. seculo antiquiorem; sunt enim in Dominica Septuagesimæ

<sup>a</sup> *Lib. II. pag. 157.*

<sup>b</sup> *Tom. VI. Oper. Thomassii pag. 301.*

<sup>c</sup> *Tom. I. Oper. Greg. pag. 401.*

<sup>d</sup> *Pag. 738.*

<sup>e</sup> *Pag. 278. edit. ann. 1689.*



mæ Officia Allelujatica, & deest SS. Trinitatis Officium: tamen contemnendus non est ille, quem Thomafius edidit, tum quod & sua gaudet antiquitate, tum quod omnium primus in lucem prodiit.

Hic habet præter appendices, duo Responsorialia & Antiphonaria. Primum est Vaticanæ Basilicæ notis Musicis, sed non *istis*, quæ hodie sunt in usu, connotatum: *Ritus exhibet*, ut verbis utar ipsius Thomafii in Præf. <sup>a</sup> *usurpari solitos in Ecclesia seculo XII. .... Per id temporis scriptum existimamus, quod ab Alexandro III. ad Gregorium IX. excurrit.*

Alterum quod est antiquius erat Monasterii S. Galli in Helvetiis, Thomafioque fuit communicatum ab Hermanno Shenk ejusdem Cœnobii Bibliothecario & Thomafii peramico. Refertur illud ab eodem Thomafio ad seculum x. vel xi. ob Officium præsertim S. Trinitatis, ait ipse loc. cit. pag. 48. *Quod ignotum erat seculis prioribus, post Johannis Diaconi atatem omnino conscriptum fuisse satis demonstrant Antiphonæ in festo Beati Gregorii de ejusdem Sancti vita, quam Johannes ille texuit, excerptæ; antiquiorem demum Alexandro II. ob id maxime censerem, quod in Dominica Septuagesima nocturna matutinaque Officia Allelujatica contineat. Alexandri enim II. Sanctione, Alleluja pridie illius Dominicæ prætermitti cepit, cum antea ipsamet Dominica post Matutinum omitteretur.*

Quapropter optimum esset variantes alicujus momenti lectiones, eruditaque ejusdem Thomafii Scholia non omittere in nova, quæ paratur Gregoriana editione. Nam quamvis, duo illa Thomafii Antiphonaria germanam illam puramque S. Gregorii institutionem illibatam non exhi-

beant, ut fatetur Thomafius in laudata Præfatione pag. 47. horum tamen Codicum mutua collatione id fieri posse arbitror, ut ferme dignoscatur, quæ ex S. Gregorii institutione, & quæ a sequentium temporum usu profecta sunt.

In iv. & ultimo tomo tres leguntur vitæ. Prima a Paulo altera a Johanne (cognomento Hymmonide) Diaconis conscriptæ: Tertia ab ipsismet Maurinis ex Gregorii potissimum scriptis concinnata. Nullas alias præter duas priores ex integro conscriptas inter antiqua monumenta invenire se potuisse ingenue fatentur <sup>b</sup> Editores. Aliqua tamen in promptu habeo, quæ possunt addi. Henricus Valesius annotatione in *cap. xxxvi. lib. III. Hist. Euseb.* <sup>c</sup> vetustissimum laudat, quem dignum lucis putabat, sed Anonymum, Scriptorem vitæ Gregorii Magni ex ms. Cod. Musciacensi. Verum illam ego Johanni Diacono adjudicarem; versus enim non pauci, quibus Eutichii error narratur, quosque Valesius ibidem recitat, iidem omnino leguntur in vita ejusdem S. Gregorii *lib. I. cap. xxviii. pag. 31.* a laudato Johanne lucubrata.

Canisio Henrico alias contigerat videre vitas ejusdem Gregorii. Viderat unam in Codice S. Galli, quam edere noluit, quia fabellis infartam ipsomet narrante in suis *Antiq. Leth. par. III. tom. II.* <sup>d</sup> Ex membranis ms. Monasterii Petrusiani unam evulgavit *loc. cit.* Et si vero Canisius in eam propendat sententiam, ut neget, opus esse Pauli Diaconi, tamen inter scriptores ix. seculi collocatur. At laudatus Valesius *loc. cit.* post Johannem Diaconum esse elaboratam, affirmat. Ego autem si quid ex mutua textuum collatione licet inferre, in ea

m 2 fum

<sup>a</sup> Pag. 47.

<sup>b</sup> Tom. IV. p. 4.

<sup>c</sup> Tom. I. pag. 50. edit. Amst. 1695.

<sup>d</sup> Pag. 252. edit. Antwerp. an. 1725.

sum sententia, aliud nihil esse hujus Anonimi lucubrationem, quam compendium narrationis ejusdem Johannis, quod Bernardinus Ferrarius doctissimus Ambrosianæ Ecclesiæ Alumnus in Tract. de antiq. Eccl. Epistolis <sup>a</sup> olim subodoraverat.

Hic vero prætereundum non est, quod Jacobus Basnagius in observatione prævia ad hoc Canisii monumentum, etsi non audeat aperte illud opus, quod Pauli Diaconi nomine insignitum cudunt iterum in hoc tomo Benedictini, Paulo Diacono adjudicare; nullum tamen non movet lapidem, momenta ut elevet, quibus Mabillonius ostenderat in seculo i. Benedictino & in suis Analectis <sup>b</sup> utrique esse opus illud Pauli Diaconi, quod jam vulgatum erat in tom. II. Martii a Bollandis tamquam Anonymi Scriptoris, sed Synchroni.

Quæ in hanc sententiam induxere Mabillonium, tria porissimum fuerunt a Basnagio *loc. cit.* relata.

I. Codex ms. Monasterii S. Petri de Conchis in Normandia, qui Pauli nomen præfert.

Basnagius respondet: *Non sufficit unus Codex ms. ut Paulino (legendum est Paulo) tribuatur illa Gregorii vita a Mabillonio vulgata, cum ceteri de ejus nomine plane sileant . . . . argumentum quod credendi necessitatem imponat, aut videatur irrefragabile non licet educere; quippe cæterorum Codicum fides, præsertim ubi plurimi sunt, uni debet præferri.*

Plurimorum auctoritatem Codicum, cætera si paria sint, uni esse præferendam non inficior, ubi cæteri illud idem negent, affirmantve, quod ab uno est affirmatum, negatumve; secus vero, cum ab aliis

silentio prætermittitur quod ab uno clarissime asseritur, & contra; tunc enim argumentum inter affirmans & negans comparatio instituitur. Quo in casu maximam affirmanti adhibendam esse fidem, & neganti pene nullam, nihil est opus ut a me ostendatur, cum probatum uberime sit a quamplurimis doctissimis viris, & recenter pererudito nostræ Congregationis sacerdote Francisco Berlendi in Dissert. Italica de oblationibus ad Altare <sup>c</sup>. Hoc constituto jam per se se Basnagii argumentum labi nemo non videt.

Quod si Johannes Baptista Thiers, vir severissimæ Critices, & ab ipsis non Romanæ Societatis magno in pretio habitus asserere non dubitavit in Dissertatione adversus Lanojum <sup>d</sup>, flocci esse faciendum negans argumentum e silentio petitum veterum omnium Scriptorum adversus auctoritatem unius dumtaxat Scriptoris docti, & accurati quantumvis neoterici, & novitii; quidni licitum erit Mabillonio contendere, Basnagii argumento mere neganti nullam esse vim adversus apertissimam unius vetustissimi, integerrimique Codicis mentionem?

Ut vero omne effugium Basnagio intercludatur, adnotasse sat erit, Maurinos, quorum fides nulli est suspecta, affirmare <sup>e</sup>, in plurima alia se incidisse exemplaria ejusdem auctoris nomen præferentia, nempe Ebroidense majoris Ecclesiæ, Lirensense, Beccense, majoris Carthusiæ, Cassinense, de quo alios etiam habeo testes accuratissimos, Mabillonium tom. I. Annal. Benedic. pag. 284. & Johannem Baptistam Marum in adnotat. ad Petrum Diaconum de viris illustr. M. Cassini <sup>f</sup>.

II. Mabillonius observ. 2. § aliud col-

<sup>a</sup> Lib. III. cap. I. pag. 161. edit. Mediol. an. 1613.

<sup>b</sup> Pag. 407. edit. Paris. 1723.

<sup>c</sup> Pag. 311. edit. Ven. 1736. In edit. Latina an. 1743. pag. 411.

<sup>d</sup> Pag. 182.

<sup>e</sup> Tom. IV. oper. Greg. pag. 12. Pref.

<sup>f</sup> Apud Murat. rer. Ital. Script. t. VI. p. 193.

<sup>g</sup> Pag. 378. sec. I. Bened. edit. Ven. & in Anal. l. c.



colligit argumentum ex istis Johannis Diaconi verbis, quæ habet lib. 17. vitæ S. Gregorii cap. xcix. *Cujus (Gregorii) venerabile meritum quo usque Mundi hujus orbita volvitur, ut cum Paulo viro disertissimo fatear, semper accipiet incrementum; quæ verba omnino eadem leguntur in subjecta Vita num. 29.*

Hujus vim argumenti declinare sic putat Basnagius: *Cum illa verba laudes Gregorii in compendium contractas contineant, non mirum est si illas descripserit hic auctor eadem ratione, ac ipse Johannes Diaconus illis nititur operi suo finem imponens, cum potissimum auctor ille Johannis Diaconi sit imitator, vel potius descriptor, ut mox probatum ibimus.*

At aerem verberat Basnagius; etsi enim Mabillonii rationem demonstrationis vim non habere, concederem, propterea quod aliquando contingit, ut antiquiorum Scriptorum sententias de verbo ad verbum suppresso nomine auctoris, scientes atque prudentes, vel etiam fortuito, recentiores excubant; plurimum tamen in eo roboris esse cordatus vir nullus inficiabitur. Nam regula hæc ab omnibus Criticis, paucos aliquot si excipias, Dallæum in primis Calvinistam Gallum, recepta est ad auctoritatem veteris Scriptoris asserendam, confirmandamque, duo tantum argumentorum genera afferri posse, interna scilicet, & externa; quorum priora ex ipsis petuntur scriptis; posteriora autem a testimoniis: *Neque aliqua ratio assignari poterit, ut animadvertit Johannes Pearsonius in Vindiciis Ignatianis part. 1. cap. 1. a si hæc a nobis rite probata reprobentur.*

Primi generis argumento, ex Pauli nempe scriptis, desumpto, Gregorianam fuisse monumentis mandata ab ipso Vitam opus non est,

ut in præsentî probetur, quoniam hujusce propositionis impugnatores habemus neminem. *Nolim ego negare Mabillonio, ait ipse Basnagius loc. cit. num. 11. Paulum Aquilejensem vitam Gregorii Magni scripto mandasse; illud enim evidentissime patet ex ipsius Historia Langobardorum, quæ nemini dubia est.*

Altero argumentationis genere eadem res tali pacto conficitur: Johannes Diaconus lucubrationum Pauli conscius, utpote Cœnobii ejusdem alumnus, rerumque in eo gestarum non indiligens perquisitor, & Paulo octoginta circiter annis junior, quædam refert verba, quæ Gregorium nostrum laudant, tamquam a Paulo prolata; atqui eadem ipsissima leguntur verba penes Mabillonii auctorem; non igitur temere affirmatur, Paulum esse Mabillonii auctorem; eo vel maxime quia alium, cui nomen Paulus, Gregorianæ vitæ existisse auctorem nullus adhuc, quod sciam, affirmavit.

Neque similis est vero Basnagii conjectura, hunc scilicet auctorem descriptorem esse Johannis Diaconi; quin immo, si conjecturis niti velimus, contrarium infero ex laudato loco; ille enim Scriptor absolute loquitur in propria persona, quippe ait <sup>b</sup>: *Quamdiu Mundi hujus orbita volvitur, ejus laudabile meritum semper accipit incrementum; Johannes vero pag. 186. hæc repræsentat verba non a se, sed a Paulo dicta, nam dicit: Ut cum Paulo disertissimo loquar.*

Cæterum ut ista sæpe a Basnagio repetita obiectio penitus labefactetur, non vereor pro certo affirmare, dici peræque posse, vel Johannem Diaconum copiosius ea narrasse, quæ arctius a Mabillonii auctore expressa fuere; vel ea, quæ fuerant copiose narrata abs Johanne Diacono, fuisse

<sup>a</sup> Vol. 1. pag. 275. edit. PP. Apostolicæ. Amstel. 1724.

<sup>b</sup> Tom. 4. oper. Greg. pag. 15.

fe in compendium ab auctore Mabillonii redacta, uti statim patebit utramque conferenti lucubratiorem. <sup>a</sup>

III. Mabillonius in *Analect.* pag. 498. usus est auctoritate Johannis Garethii Lovaniensis Canonici Regularis S. Augustini, qui in *Tract. de Reali Corporis & Sanguinis Christi præsentia in Eucharistia*, aliqua ex S. Gregorii vita a Paulo Diacono elaborata ad propositum argumentum confirmandum adducit.

Basnagius auctoritatem renuit admittere quia Scriptoris seculi xvi.

Verum argumenti vis hac ratione non retunditur. Si enim Basnagius disertam, doctamque, quam suo Operi præmiserat nuncupatoriam Snickio Præposito Monasterii S. Martini apud Hiperas legisset Epistolam, intellexisset Garethium mss. Codices eo in *Tractatu* conscribendo consuluisse <sup>b</sup>, & ad eorum fidem veterum, quorum recitat testimonia, Scriptorum, exegisse. In eo igitur Mabillonii argumenti vis sita est, Garethium ulum esse Codice, qui Pauli nomen præseferbat, quod aperte jam observatum est a Dionysio a S. Martha <sup>c</sup>, & ab ipsomet Mabillonio in suis *Analectis* pag. 498. ubi Gufsanvillæi difficultatem e silentio mss. petitam solvit.

Verum Basnagio satis non est Mabillonii argumenta infirmando sententiam illius, veluti oblique, oppugnare; sed illam etiam directe petita, impostoris crimen, a quo Pau-

lus Diaconus integerrimæ fidei vir alienus erat, auctori Vitæ, quam nunc habemus, affingens: hæc enim, quæ mox referemus, hujus vitæ exagitat verba <sup>d</sup>: *Denique a fidei & Religioso Viro, ac huic nostro P. Sanctissimo pro suæ Religionis & utilitatis merito valde familiarissimo fideliter post obitum ejus narratum didicimus.* Ad quæ Basnagius hæc adnotat: *Indicat auctor omnium consensus Petrum Diaconum, & 1. sibi ipsi narravisse Petrum asserit. 2. Tempus, quo illud factum sit, assignat, nempe post obitum Gregorii, quæ verba elapsum longi ante tempus non indicant; & quidem brevissimum debuit esse spatium, si Petrus ipse obierit dum æmuli Gregorii I. ejus scripta igne cremari juberent. Inde concluditur facile Gregorio vel Petro ejus Diacono coævum fuisse scripti a Mabillonio vulgati auctorem, vel de sua ætate mentitum fuisse, ut operi suo majorem conciliaret fidem, cumque nullus ex professo vitam Gregorii scripserit ante Paulum, & illum Scriptorem post Bedam vixisse, affirmet idem Mabillonius, sequitur non fuisse Gregorii coævum, quanto minus Paulum Diaconum, sed impostorem aliquem, qui suam ætatem anticipare sit conatus.* Hactenus Basnagius loc. cit.

Diffimulandum profecto non est, laudatis in verbis auctoris, quo de quæstio est instituta, non nihil esse difficultatis, cui occursum jam fuerat a Mabillonio <sup>e</sup>: 1. Incertum

an

<sup>a</sup> Pro tranquilla animi sui indele Bm: auctor plus Basnagio concedit, quam rigore concedendum videatur, si consulamus proleg. seu præf. Johannis Diac. ad Vitam S. Gregorii. In eo enim fatetur, & ante se scriptorem gesta hujus Pontificis apud Saxones & Langobardos descripta fuisse, sed compendiosissime, & se se du suis prioribus, qui vitam ejus, licet breviter descripserant, conferre dubitantem, tandem

Johannis Papa assiduis hortamentis concessisse, & M. Gregorii Vitam edidisse. Quæ profectio vehementissime suadent contra Basnagium, non Paulum Johannis, sed hunc illius scriptorem habendum. E. V.

<sup>b</sup> Pag. 19. 20. 23. edit. Ven. 1562.

<sup>c</sup> Tom. iv. oper. Greg. pag. 11.

<sup>d</sup> loc. cit. pag. 254.

<sup>e</sup> Tom. i. Ann. ex Basn. loc. cit.



an viva voce, an scripto illa didicerat auctor. 2. Non solum in persona sua loqui, sed etiam, ut passim alibi, in persona Romanorum, quorum majoribus id narratum fuerat.

Hiscæ rationibus non acquiescens Basnagius respondet loc. cit. *Fideliter post ejus obitum nobis narratum didicimus, tales non patiuntur subtilitates. Tempus denotat illud post obitum ejus. Personam indicat vox nobis. Quid Aquilejensi Diacono, & Desiderii Langobardorum Regis Cancellario cum Romanorum Avis, Atavis, Majoribus, quibus talia narrasset Petrus?*

Labefactari Basnagianis verbis Mabilionii ultima responsa nullus, mea sententia, in animum inducet suum. Primo enim respondendum est, ut bene advertunt Maurini loc. cit. n. 4. hic Paulum Diaconum uti modo loquendi non insolenti, quemadmodum cum dicimus nobis narrat Eusebius, didici a Hieronymo &c.

Præterea multis in Codicibus vetustissimis deest vos, nobis, uti in textu legerat ipse Basnagius, et si in objectis deinde vocem illam posuerit, qua constituta lectione tota evanescit difficultas. Codices autem sunt Audomirensis Cathedralis Ecclesiæ, S. Martini Trevirensis, duo Regiæ Sveciæ, quos omnes referunt Bolladistæ tom. II. Martii die 12. His accedunt Beluacensis, & Gemeticensis relati a Maurinis loc. cit. & in notis ad vitam Pauli Diaconi pag. 14.

Illud vero, quod ultimo objicit Basnagius, de Romanis nimirum, nullo negotio solvitur. Quis enim in illius tempestatibus historia ita est peregrinus, ut nesciat maximam Romanos inter, & M. Cassini Cœnobitas intercessisse consuetudinem?

Nonne quotidie viri Principes Romanorum Monachis illis curæ tradebant proprios liberos, ut Christi Religione scientiaque illos informarent? Nonne Roma quam sæpissime accersebantur ex illis Monachis celeberrimi, ut Christianæ rei consilio, scriptis, bonis moribus, aliisque id generis adminiculis opem ferrent? Nonne Romanorum Clarissimi Senatores ad Montem Cassinum ventitabant, uti suos filios, sanctosque illos Monachos inviserent, & vitæ bene gerendæ præcepta ab iisdem haurirent? Neminem ergo mirari subeat, auctorem hausisse multa, quæ ad S. Gregorii Magni vitam pertinerent, ex Romanorum colloquio.

Casimiri Oudini de vita, & scriptis S. hujus Gregorii dissertatio negligenda non est<sup>b</sup>: nonnulla quippe habet, quibus novæ huic Gregorianæ editionis non parum utilitatis splendorisque accedere potest. Multa sunt etiam in ea, quæ & a veritate Historiæ cum Sacræ, tum Profanæ, & ab honesti viri ratione omnino abhorrere, ostendere debent novi Editores, quod facile, mea sententia, præstari potest<sup>c</sup>. Convicia vero, contumeliæque, quibus Pontificem hunc, quem *Sanctissimum doctissimumque* tota retro Ecclesia nedum Occidentalis, verum & Orientalis appellavit, & ejus Editores nuperimos doctrina, sanctimoniæque præditos Monachos Benedictinos Congregationis S. Mauri tertio quoque verbo in ea Dissertatione laceffit desertor iste suæ Congregationis, & suæ avitæ communionis Romanæ, ipsis etiam credo stomachum movisse, quibus nomen dedit; de ipsis enim peræque dici possunt, quæ de nostris unus ex suis dixerat vir humanus.

<sup>a</sup> Pag. 122. num. 5.

<sup>b</sup> De Script. Eccl. tom. 1. pag. 1403. *Islp.* 1722.

<sup>c</sup> Id præstare conati sumus in superiori Opusculo.

a manissimus Albertus Fabricius in finæ Præfationis suæ collectionis Scriptorum Ecclesiasticorum \*: *Hoc scio in ipsa Ecclesia Romana viros emundæ naris abhorrere ab huiusmodi armis, & videre quam sint ea non Christiano modo, sed sane etiam & honesto homine indigna.*

Atque hæc sunt, quæ mihi notanda occurrerunt, ut tibi rem gratam facerem, utque prodessem, quantum in me, quod quidem in-

genue fateor exiguum est, novæ huic Gregorianæ editioni; non ut quidquam detraham de gloria, & estimatione doctissimorum Congregationis S. Mauri Monachorum; quos in vastis operibus aliquid interdum vel fugere, vel minus accuratum proferre, qui non ferat, aut qui eos idcirco minoris faciendos decernat, is mihi profecto ab omni humanitate alienissimus esse videatur. Vale.

a Amburgi 1719.

F I N I S.





S A N C T I  
G R E G O R I I P A P Æ I.  
V I T A ,

*Ex ejus potissimum scriptis recens adornata.*

L I B E R P R I M U S .

Ejus historiam ab ortu ad summum pontificatum complectens.

CAPUT PRIMUM.

*I. S. Gregorii genus . Gordianus ejus pater. II. Mater sancta Silvia . III. Majores, inter quos sanctus Felix Papa . IV. Amita, inter quas sanctæ Tharsilla & Æmiliana . V. Fratrem habuit. VI. Quo anno sit ortus . VII. Ejus nomen quid significet . VIII. Sancti pueri institutio . IX. Et studia .*



REGORIUS cognomento Magnus Romæ in lucem editus est, parentibus non minus splendore<sup>a</sup> generis, quam morum integritate ac sanctitate illustribus. Gordianus ejus pater senatorii ordinis vir nobilissimus

ac ditissimus, Regionarius fuit; hoc est, ut ex Johannis Diaconi l. 4. c. <sup>hist. c. 2. Lib. 8. ep. 14.</sup> 83. narratione conjicit Eminentissimus Annalium Ecclesiasticorum parens, ad annum 604. unus ex septem Diaconis cardinalibus, qui dicti sunt Regionarii, quod certis Urbis regionibus præficerentur. At vero non ex solis Diaconis Regionarii constituiebantur, sed etiam ex Subdiaconis & ex Notariis; posteaque Gregorio Magno concedente, ex Defensoribus. Verba Johan. Diaconi referam, ut quid ex illis intelligendum sit prudens lector statuat: *In cujus venerabilis monasterii (S. Andree) atrio, jussu Gregorii, juxta nymphium duæ iconiæ veterrimæ artificialiter depictæ, usque hactenus videntur: in quarum altera B. Petrus* 2  
*Ado-*

<sup>I.</sup> Gregorii genus, Gordianus, ejus pater. Paul. Diac. Johan. Diacon. lib. 1. c. 1. Beda l. 2. hist. c. 1. S. Greg. Turon. lib. 10.

<sup>a</sup> Aniciorum videlicet, ut communis fert opinio; nec abnuat noſter Mabillonius in Antom. XVI.

nalib. Bened. lib. vi. pag. 163.

*Apostolus sedens conspicitur stantem Gordianum Regionarium, videlicet patrem Gregorii, manu dextera per dexteram suscepisse. Cujus Gordiani habitus, castanei coloris planeta est, sub planeta dalmatica, in pedibus caligas habens.* Quæ sane vestimenta arguere videntur Diaconum. Sed Ferrarius lib. 1. de re vestiaria c. 38. censet promiscuum tunc fuisse planetæ ac dalmaticæ usum; idque luculenter probatur ex ipso Johanne Diac. dum inter vestimenta S. Silvix Matris B. Gregorii, planetam recenset, ut infra dicemus. Qua de re legendus doctissimus Johannes Mabillonius in Præfat. ad Tom. 1. Act. SS. §. cviii. Regionarium tamen fuisse Gordianum, & inter ministros basilicæ S. Petri, aut Ecclesiæ Rom. cooptatum, demonstrant tum Johan. Diaconi verba, tum B. Petri effigies, Gordianum dextra manu suscipientis. Ex eadem veteri pictura Johan. Diacon. tribuit Gordiano staturam longam, faciem diductam, virides oculos, barbam modicam, vultum gravem.

Silvia mater Gregorii mundo valledicens (utrum viro demortuo, an adhuc superstite, incertum) juxta portam basilicæ S. Pauli Apostoli, secessum sibi delegit; quo in loco vulgo dicto *Cella nova* conditum oratorium ejus nomini dicatum, adhuc sua ætate iterisse testatur Johan. Diaconus. Silvia enim in Sanctorum album est relata, ejusque nomen Martyrologio Romano inscriptum legitur ad diem tertiam Novembris. S. Silviam in S. Andreæ asceterio depictam jussu S. Gregorii refert laudatus scriptor: *Sedens, inquit, depicta est Silvia, candido velamine a dextro humero taliter contra sinistram revoluta contecta, ut sub eo manus tamquam de planeta subducatur.* Reliqua

ad vestimentum & ornatum ejus pertinentia lege apud Johannem Diaconum lib. iv. c. 83. Ad formam ejus quod attinet: *Statūra ei plena, inquit ibidem, facies rotunda quidem & candida, sed senio jam rugosa: quam ipsa quoque senectus pulcherrimam fuisse significat; oculis glaucis & grandibus, superciliis modicis, labellis venustis, vultu hilari, ferens in capite matronalem a mitram.*

<sup>b</sup> De Gregorii majoribus nihil certi nobis traditum, nisi quod de *Senatoribus primis*, ut docet Gregorius, Turonensis Episcopus, cœvus scriptor, fuerit oriundus. Quibus verbis duplex hic sensus aptari potest; scilicet aut Gregorium ab antiquis Senatus Romani proceribus, illis nimirum vigente Republica rerum dominis, genus duxisse; aut ejus patres inter primarios sui temporis Senatores locum obtinuisse. Felicem Papam atavum suum fuisse testatur ipse lib. iv. Dialogorum c. 26. & homil. 38. in Evangelia.

Quis autem fuerit ille Felix, tertius an quartus, ambigitur. Johannes Diaconus quartum fuisse asserit, quem *virum magnæ in Christi Ecclesia reverentiæ* appellat; itaque basilicam sanctorum Cosmæ & Damiani Martyrum via sacra juxta templum Romuli venustissime fabricasse. Neque vero facile in animum inducere possumus, Johannem Diaconum temere Felicem IV. pro III. pronuntiasse. Vitam S. Gregorii, hortatu Johannis Papæ VIII. scribendam suscepit hic Rom. Ecclesiæ Diaconus, quam postea ejusdem summi Pontificis auctoritate comprobata publicavit. Omnia vetera monumenta inspexerat, summorum Pontificum catalogos, acta, diaria evolverat. Stantem adhuc, qualem Felix Papa eam construxerat, sanctorum Cosmæ & Damiani-

a  
b  
III.  
Majores.  
Lib. 10. hist.  
c. 1.

S. Felix Pa.  
pa ejus atavus.

II.  
Mater S.  
Silvia.  
Johan. Diac.  
lib. 1. c. 9.

a De mitra lege notam ad locum Johan. Diaconi laudatum. Mitræ proprie coronæ sunt ex fascis & ornatu compactæ: auctor

vet. Etymolog. Græci.

b Vide de Castro nota (aa).



miani basilicam, sollicitis oculis lustraverat, & ex nonnullis proculdu-bio vel inscriptionibus, vel aliis cer-tis argumentis deprehenderat, Felicem Pontificem Gregorii atavum fuisse quartum nomine non tertium. Et sane ante Baronii emendationem in Martyrologio Rom. legebatur Felix IV. aliundeque constat basilicam sanctorum Martyrum de qua loquitur noster Diaconus, non a Felice tertio sed a quarto hujus nominis Pontifice, fuisse ædificatam.

Hanc Johannis sententiam Eminentiſſim. Cardinalis Baronius impugnat, tum in Annotation. ad Martyrolog. Romanum die 25. Februarii, tum in Annalibus Ecclesiasticis ad an. 581. hac præsertim ratione, quod Felicem IV. Samnitem fuisse constet, majoresque Gregorii Magni, Romanos. At quid vetat Felicem, etsi genere Romanum, in Samnitibus tamen ortum esse? Quamquam ipse Gregorius, aliquos e suis consanguineis Samnites fuisse satis innuere videatur, cum ait, libro 111. Dialogorum capite. 26. *Nuper in Samni provincia quidam venerabilis vir, Mennas nomine, solitariam vitam ducebat, qui nostrorum multis cognitus, ante hoc fere decennium est defunctus.* Cæteroquin magnatum assignare patriam non ita quandoque expeditum est, quia parentes ipsorum sive ob diversas, quas pro utilitate Reipublicæ obeunt, provincias, sive propter varia multis in regionibus prædia quæ possident, nulla fere in civitate fixam habent sedem. Sane extra Romanum agrum Gregorii proavos. villas plurimas opimasque obtinuisse, inde liquet quod eorum heres Gordianus, amplissimum filio patrimonium in Sicilia reliquerit, ex quo postea sex monasteria in eadem insula, non solum construxerit, ut infra dicitur, sed etiam munificentissime dotaverit. Ruit etiam tota hujus argumenti moles, si dicatur

Gregorium ex genere paterno Romanum quidem fuisse; aliquem tamen ex ejus majoribus in Samnio habitasse, ubi Felicem suscepit.

Unicus dumtaxat nodus hic superest solvendus. Nimirum Felicis IV. qui auspicatus est pontificatum an. 526. & an. 529: ad cælum migravit, ætas vix finit eum Gregorii atavum suspicari; quinque enim generationum gradus inter utrumque numerari deberent, etsi a Felicis obitu ad Gregorii ortum, undecim tantummodo anni effluxerint; & Gordianum abnepotem septennem saltem Felix vidisset.

Fateor equidem raro evenire ut pater filios usque ad quartam generationem propagatos, quod Felici datum fuisset, amplectatur; neque tamen id omnino impossibile, aut inauditum, vel etiam prorsus insolens. Forsitan etiam *atavus* hic strictè pro patre abavi, & avo proavi non est accipiendus, sed hac voce unus ex majoribus, non habita ratione gradus generationis, significari potest.

Felix IV. Ecclesiam ea prudentia, & virtutum omnium laude gubernavit, ut Sanctorum fastis addi meruerit ad diem 30. Januarii. Eundem honorem consecutus est Felix III. cujus natalis dies 25. Februarii celebratur.

De tribus amitis suis hæc observatione digna commemorat sanctus Gregorius, tum libro iv. Dialogorum capite 16. tum homilia 38. in Evangelium. *Tres pater meus sorores habuit, quæ cunctæ tres sacræ virgines fuerunt: quarum una Tharsilla, alia Gordiana, alia Æmiliana dicebatur. Uno omnes ardore conversæ, uno eodemque tempore sacratæ, sub districtione regulari degentes, in domo propria socialem vitam ducebant.* Pergit sanctus Doctor in describendo continuo Tharsillæ & Æmilianæ profectu, optatoque ad cælum transi-

IV.  
Tres ejus Amittæ.  
num. 15.

tu, invitante maxime Tharsillam nempe suam, ad lucis æternæ confortium S. Felice Papa, occurrenteque carissimæ sponsæ Christo Domino. *At contra*, inquit Gregorius, *Gordiana animus capit a calore amoris intimi per quotidiana detrimenta tepescere, & paulisper ad hujus seculi amorem redire. Quam curabant* ( piæ sorores ) *blanda quotidie redargutione corripere, atque a levitate morum ad gravitatem sui habitus reformare. Defunctis vero sororibus oblita Dominici timoris, oblita pudoris & reverentiæ, oblita consecrationis, conductorem agrorum suorum postmodum maritum duxit. Ecce omnes tres uno prius ardore conversæ sunt, sed non in uno eodemque studio permanserunt: quia juxta Dominicam vocem, multi sunt vocati, pauci vero electi.*

Gregorius alterius aut amitæ aut materteræ meminit lib. 1. Ep. 39. scribens Anthemio Subdiacono: *Volo autem ut domne Pateria thia meæ... offeras ad calciarium puerorum solidos viginti, & tritici modios trecentos. Thia enim vox est a Græco θία, quod amitam vel materteram significat, derivata. Lingua etiam Hispanica Tia idem sonat. Quoniam casu extremam ad inopiam Pateria nobilissima femina redacta fuerit, diu non est inquirendum, conflagrante tunc assiduus bellis universa Italia.*

a  
v.  
Fratrem ha-  
buit.

<sup>a</sup> Gregorium fratrem habuisse, nullus qui ejus epistolæ attente legerit, in dubium revocabit; sæpe enim in illis fratris sui mentionem habet. Libro 1. Ep. 44. Petro Subdiacono scribit: *Agimus autem gratias sollicitudini tuæ, quia de causa fratris mei præcepi tibi, ut argentum illius transmississe debuisses. Lib. 9. Ep. 98. sed si tantum est, gloriosum fratrem nostrum, vel de Episcopis unum... subscribere faciemus. Eodem libro Ep. 102. Filius noster vir ma-*

*gnificus Occilianus... puerum unum. ex jure germani nostri ad eum noscitur perduxisse. Lib. 10. Epist. 51. Quæ a glorioso fratre meo Palatino Patricio &c. Denique lib. xiv. Ep. 2. De monasterio S. Hermæ, quod ... a fratre nostro constructum est. De eodem loqui videtur Greg. Turon. cum ait: Sed Præfectus vobis Romæ Lib. 20. c. 1. germanus ejus ( Gregorii ) anticipavit nuntium. Nam Germanus, etiam apud optimæ latinæ scriptores, fratrem quasi eodem germine natum significat; hincque ab Hispanis Hermano frater dicitur, & ab Italis Germana.*

Quo anno in lucem susceptus fuerit Gregorius conjecturis potius assequi, quam rationum momentis statuere licet. Ut a notis ad obscuriora elucidanda perveniamus, constat ex antiquis monumentis, ipsum diem extremum clausisse mense Martio an. 604. Morbis continuis potius quam senio confectus e vivis excessit sanctissimus Pontifex. Nutrix ejus adhuc superstes erat, decem saltem annis antequam ipse vita cederet: quo tempore eam Rusticianæ Patriciæ commendavit Ep. 46. libri iv. Præterea de podagra, de stomachi languore, ac de variis aliis infirmitatibus sæpe conqueritur Gregorius; at de senii incommodis, nusquam; quod sane non leve suppednat argumentum nondum ita provectæ ætatis. His adde quæ scripsit sanctus vir ad Januarium Caralitanum Episcopum Ep. 1. lib. ix Pontificatus sui anno nono, ante obitum quarto vel quinto. Nempe objurgare coactus hunc Episcopum senem, pudore statim videtur cohiberi, sibi que hæc Apostoli ad Timotheum adhuc juvenem objicit: *Seniorem ne increpaveris. Ergo* 1. Tim. 3. 1. *junio- rem se tunc agnoscebat præ* Januario, proindeque vix credi potest ipsum tunc sexagenario fuisse majorem: verum quid de sua ætate suis

VI.  
Quo anno  
natus.

<sup>a</sup> Vide de Castro nota (bb).



fuis in Dialogis ipse doceat confu-  
lamus.

Lib. III. c. 1. Gregorius referens  
miraculum in S. Cerbonio Populonii  
Episcopo factum, tempore quo To-  
tila Gothorum Rex, Merulis octavo  
ab urbe Roma milliario calstrameta-  
batur, id suis diebus contigisse ob-  
servat. Totila qui regnare cœpit  
an. 541. Romam bis obsidione cin-  
xit, & expugnavit; annis videlicet  
546. & 549. Prior obsidio in annum  
integrum protracta est, quo tempo-  
re Totila non longe ab Urbe dista-  
bat. Unde vero propius videtur tunc  
id accidisse quod narrat Gregorius,  
eique ac aliis Romæ degentibus ea  
ratione facile innotuisse. Sex autem  
aut septem annos eo tempore saltem  
natus erat; neque enim quæ nobis  
adhuc vagientibus gesta sunt, ea no-  
stris diebus evenisse dicere consuevi-  
mus. His perpensis, referendum exi-  
stimo S. Gregorii ortum ad an. 540.  
Vigilii Papæ tertium (si tamen ejus  
pontificatus anni, a tempore quo in-  
locum S. Silverii injuste exauktorati  
suffectus est, computandi sunt) Ju-  
stiniani Aug. decimum tertium, Vi-  
tigis Gothorum Regis, quem Bel-  
lisarius capta Ravenna, vinctum du-  
xit Constantinopolim, quintum &  
ultimum.

VII.  
Quid Gre-  
gorii nomen  
signet.  
num. 10

Gregorii nomen, quod vigilantem  
sonat, *Non sine magno quodam præ-  
sagio consecutus est*, inquit Paulus  
Diaconus. *Re etenim vera vigilavit  
sibi, dum divinis inherendo præceptis  
laudabiliter vixit: vigilavit fidelibus  
populis, dum doctrinæ affluentibus in-  
genio, eis, quo tramite cælestia scan-  
derent, patefecit. Quanti fecerit vi-  
gilantiam sollicitudinemque Grego-  
rius noster non obscure multis in  
locis aperit, maxime vero lib. 20.  
moral. num. 8. Electi quique, quam-  
diu in hac vita sunt, securitatis sibi  
confidentiam non promittunt. Horis  
enim omnibus contra tentamenta su-  
specti, occulti hostis insidias metu-*

*unt, qui etiam tentatione cessante,  
vel sola graviter suspicionem turbantur.  
Nam saepe multis grave periculum in-  
cauta securitas fuit: ut callidi hostis  
insidias non tentati, sed jam prostrati  
cognoscerent. Vigilandum quippe sem-  
per est, ut mens continue sollicita  
numquam relaxetur intentione super-  
na; ne laboriosa deferens, in cogita-  
tionibus fluxis, quasi in quibusdam  
mollibus stramentis jacenti, venienti  
corruptori diabolo mens se resoluta  
prostituat. Cætera omitto etsi ad chri-  
stianam vigilantiam suadendam ex-  
quisitissima.*

De educatione & institutione Gre-  
gorii in puerili ætate nihil nobis com-  
pertum est: verum neque summa  
parentum pietas, neque filii sancti-  
tas eximia, qui etiam in sæculo mi-  
litans, mores suos ad exactissimam  
christianæ perfectionis normam com-  
ponere satagebat, dubitare sinunt  
quin a teneris fuerit omnibus legis  
Evangelicæ præceptis innutritus, in  
omnium virtutum palæstra quantum  
ferebat ætas, immo supra ætatem,  
exercitatus & edoctus. Cumque par-  
vulorum educatio matrum potissimum  
sit provincia, juxta Paulum, non  
immerito conjicimus S. Silviam hoc  
strenue officio erga suum Gregorium  
defunctam esse, omnesque Christianæ  
matris partes in ipso instituendo di-  
ligenter implese. Qua vero arte ac  
industria excoli ad pietatem informa-  
rique debeant pueri nobiles maxime-  
que regis stirpis, Gregorius docet  
pulcre ad Theodistam scribens lib.  
VII. Ep. 26. cui ut carissimæ sorori  
Mauricius Augustus dulcissima pigno-  
ra sua crediderat; filios videlicet tra-  
diderat educandos. Inter cætera exi-  
mia, quæ hac in epistola leguntur,  
hæc maxime ponderanda, & memo-  
riæ insculpenda: *Verba, inquit, nu-  
trientium, aut lac erunt si bona sunt;  
aut venenum, si mala.*

VIII.  
Sancti pueri  
institutio.

1. Tim. 5. 10.

Quibus magistris ac doctoribus  
usus fuerit sanctus puer, ut ad tan-  
tum

IX.  
Et studia.

tum scientiæ ac sapientiæ culmen perveniret, penitus nos fugit. *Litteris grammaticis*, inquit Gregorius Turon. loco jam laudato, *dialecticisque ac rhetoricis ita erat institutus, ut nulli in Urbe ipsa putaretur esse secundus*. Linguam tamen Græcam minime calluisse, raro inter doctos humilitatis exemplo, profitetur Ep. 32. libri VII. Juris eum fuisse peritissimum & consultissimum plurimæ probant ejus epistolæ, maxime libri decimi tertii 45. Eadem cum Gregorio Turon. tradit Paulus Diaconus, additque Romæ hoc tempore potissimum floruisse litterarum studia; nimirum annitente præsertim magno Cassiodoro, qui in Italia jacentes litteras excitaverat, & celeberrimam in suo monasterio academiam instituerat, ut toto fere libro tertio ejus vitæ descripsimus. Notanda præ cæteris sunt hæc Pauli Diaconi verba: *Inerat ei (Gregorio) in parva adhuc ætate maturum jam studium; a adherere scilicet dictis majorum; & si quod dignum potuisset auditu percipere, non segniter oblivioni tradere, sed tenaci potius memoriæ commendare. Hauriebatque jam tunc sitibundo doctrinæ fluentia pectore, quæ post congruenti tempore, meli- lito gutture eruflaret.*

num. 1.

a.

Lib. I. c. 10.

Paulo concinit Johannes Diaconus, additque Gregorium fuisse arte Philosophum. Quam vero Philosophorum sectam sit amplexus, non aperit. Ethicem ab eo maxime cultam fuisse nullus ignorare potest, nisi in operum ejus lectione fuerit peregrinus. Certe Christianorum Senecam eum libenter appellarem, nisi de illo satius videretur dicere: quod de Abraham Ambrosius: *Magnus plane vir & multarum virtutum clarus insignibus, quem votis suis Philosophia non potuit æquare. Denique minus est quod illa sinxit, quam quod iste gessit.*

Ambros. lib. 3. de Abraham. c. 2.

a Id ipsum de seipso testatur. *Ut mihi, inquit, senum collocutio esse semper amabi-*

Astrologiam divinantem aliasque curiosas & periculosas artes nunquam sectatus est. Contra Mathematicos futura prædicere præsumentes insurgit hom. 10. in Evangelica num. 4. & 5. Quod autem ait Johannes Sarsburienfis lib. 11. de nugis curialium c. 26. & lib. VII. c. 19. eum non solum Mathesin ab aula recedere jussisse, sed etiam Bibliothecæ Palatinæ in cujus archivis recondabantur omnium disciplinarum libri, zelo intempestivo ignem admovisse, ut major esset sacræ Scripturæ auctoritas, & in ea legenda flagrantius studium; id plane inter nugas & aniles fabulas rejici debet. His virtutibus ornatus, his excultus studiis Gregorius, mox ad præcipuas Urbis, Senatus Reipublicæ dignitates viam sibi aperuit. Quia vero pars magna fuit eorum, quæ aut in Imperii aut in Ecclesiæ administratione gesta sunt dum viveret, qualis tunc fuerit utriusque status, maxime in Italia, paucis exponendum.

## C A P U T II.

I. Ecclesiæ status. II. Et Imperii. An. 564. Langobardi Italiam invadunt. III. Gregorius fit Prætor Urbis. Ejus prætura tempus. IV. Quomodo in prætura se gesserit. V. Frequentia de rebus pns colloquia, ad monastica vitæ propositum eum accendunt. Quod diu differt. VI. Septem ædificat monasteria. VII. Fit Monachus. Quo in loco & tempore. VIII. Quibus magistris.

D Ejecto S. Silverio Papa, Vigilius ab anno 537. usque ad an. 554. vel 555. Sedem Romanam occupavit, a Justiniano Aug. quo auctore ipsam invaserat, multa postea perpeffus. Cum condemnationi trium Capitulorum, ut Imperatori obseque-

1. Ecclesiæ status.

lis select. Dialog. lib. 1. c. 9.



retur, tandem consensisset, ab ejus communione secesserunt plurimi in Occidente, maxime Illyrici & Africæ Episcopi, quod indigne ferrent tres Episcopos Theodorum Mopsuestenum, Ibam Edessenum, & Theodoretum Cyri, quos Concilium Calchedonenſe pro orthodoxis habuerat, condemnatos & reprobatos ab Orientalibus fuisse in Synodo Constantinopolitana, quæ Quinta œcumenica vulgo appellatur.

Demortuo in Sicilia Vigilio Pelagius I. successit. Quo tempore Istriæ, Liguriæ, Venetiarumque Episcopi, habita Synodo, cui præfuit Paulinus Aquilejenſis Episcopus, pro causa trium Capitulorum in apertum schisma eruperunt; Narsenque Comitem tumultuantes coercere conantem, imbellinanis excommunicationis fulmine percusserunt. Tot tantisque Italiæ malis conflictatum Pelagium mors ad quietem æternam vocavit an. 559. Illi tamen undecim anni Pontificatus & menses decem, in appendice ad Marcellini Comitis Chronicon tribuuntur.

Ejus successor Johannes III. per annos 14. Ecclesiam rexit. Sedente hoc Pontifice, Gregorius præturam Urbis sapienter gessit, ut infra dicemus: verum quo anno cœperit, utrumve Justiniano qui usque ad an. 565. pervenit, adhuc imperante, non liquet.

II. Et Imperii. Reportatas de barbaris victorias, recuperatas plures Imperii provincias, aliaque sub Justiniano præclare gesta, in vita Cassiodori magna ex parte attigimus. Immortales sane laudes consecutus fuisset Justinianus, si in rebus Ecclesiasticis & Theologicis sapere ad sobrietatem didicisset. At præire volens Episcopis, factus est erroris dux & magister, quos

a Ut sunt *Voosan* seu *Godan*, quæ significat Deum; *Feld*, patentes campos, *Lama*, aquam; *Scala*, pateram; *Schilpor*; armigerum; *Marpabis*, vel *Marhais*, equisonem, unde forte Gallica vox *Marechal*, *Fara*,

sequendo factus fuisset discipulus veritatis.

Ut Gothos ex Italia penitus expelleret Imperator, Langobardos e Pannonia evocavit, belloque confecto, priores sedes, additis in mercedem præstitæ operæ quibusdam urbibus, repetere jussit. At Italiæ deliciis inescati; data postea redeundi occasione, statim advolarunt. Cum vero de ipsis deinceps frequentissimus locuturi, eorum historia a prima origine breviter est deducenda.

E Scandinavia orti, quam utpote feracissimam belligerantium populorum, Jornandes officinam gentium, vaginam nationum optime appellat de Rebus Geticis c. 4. in eam Germaniæ partem quæ Pomerania nunc dicitur, prius commigrarunt: deinde in Pannoniam, licet ab Hunnis magna jam ex parte occupatam.

Langobardi, teste Paulo Diacono, a longa barba dicti sunt. Nam eorum lingua *lang* longam significat, & *baert* barbam. Quarum vocem uti a & aliarum plurimarum apud Paulum Diaconum passim occurrentium affinitas cum Gothicis ac Germanicis vocabulis, Langobardorum originem non obscure demonstrat. Ducibus primum, dein Regibus paruerunt. Ab Agelmundo, qui primus fuit, duodecim numerantur, usque ad Alboinum; quo imperante Italiam a Narse invitati invaserunt, anno scilicet 568. ut ex duabus Gregorii Epistolis colligitur. In priori enim scripta Indictione tertia decima an. 595. quæ est libri v. 21. ait: *Viginti jam & septem annos ducimus, quod in hac urbe inter Langobardorum gladios vivimus.* In posteriori vero scripta an. 603. Indict. sexta quæ est 38. libri XIII. *Qualiter*, inquit, *quotianis gladiis . . .*

ecce

familiam. Omnia fere vocabula hæc Germanica sunt: explicantur autem ab Hugone Grotio Hist. Goth. Vvandl. & Langob. pag. 574. & seq. quem consule, necnon Mabill. Analect. Tom. 11. pag. 422. & seq.

Langobardi Italiam invadunt.

Paul. Diac. de Gestis Langob. lib. 1. c. 1. & 2.

ecce jam per triginta quinque annorum longitudinem premimur, quæ chronologiam nostram mire adstruunt.

Lib. 2. c. 10.  
& 25.

Quantis autem rapinis, incendiis, cædibus Italiam fere totam devastaverint, idem Gregorius nos docet lib. III. Dialog. c. 38. *Mox effera, inquit, Langobardorum gens de vagina suæ habitationis educta, in nostram cervicem grassata est, atque humanum genus, quod in hac terra præ nimia multitudine, quasi spissæ segetis more surrexerat, succisum aruit. Nam depopulatae urbes, eversa castra, concremata Ecclesiæ, destructa sunt monasteria virorum ac feminarum, desolata ab hominibus prædia, atque ab omni cultore destituta, in solitudine vacat terra, nullus hanc possessor inhabitat, occupaverunt bestiae loca, quæ prius multitudo hominum tenebat. Easdem clades deflet hom. XVII. in Evangelia, & alibi. Non dissimilia narrat Gregorius alter Turon. testis coævus lib. IV. hist. c. 38. ubi præsertim observat spoliatas a barbaris Ecclesias, occisos Presbyteros & Episcopos; ut sane decebat gentem aut idolorum cultui adhuc addictam, aut Arianorum impietatibus corruptam. Victoribus tota cecidit Italia, si Romam, Ravennam, finitimaque ac maritima loca excipias. Ravennæ totiusque Italiæ tunc Præfectus erat Longinus Narfi successor datus, qui primus Exarchi nomen sumsit.*

Langobardorum furorem fugiens Paulinus Aquilejensis Episcopus seu Patriarcha (sic enim eum appellat Paulus Diaconus, quasi novum hunc titulum, pro præmio conflati a se schismatis fuisset consecutus,) Gradus insulam & Urbem Forojulii, hostibus, quod navibus carerent, inaccessam se recepit; ubi expleto 12. Episcopatus anno mortuus Probinum habuit successorem.

Alboinus, scelerum & singularis immanitatis qua uxorem cogerat cra-

nio patris, quem ipse occiderat, uti pro poculo, pœnas dedit ipsius uxoris artibus interemtus. Clebo postea quem sibi regem elegerant, elapsis decem & octo mensibus etiam occiso, Langobardi a multis simul ducibus per decennium regi maluerunt.

Inter tot armorum strepitus, & bellorum calamitates Gregorius aliquamdiu Prætoris Urbani officio defunctus est; verum quo tempore magistratum hunc auspicatus sit aut deposuerit, non in promptu est statuere. Ipse testatur, se, dum præturam Urbanam gereret, subscripsisse cum aliis nobilissimis viris cautioni seu promissioni, quam Laurentius Mediolanensis Episcopus de tribus famosis Capitulis ad Sedem apostolicam miserat. Id contigisse an. 581. quo Laurentius creatus est Episcopus, fidemque suam contestatus est, asserit Baronius, ex Mediolanensium Pontificum indicibus, qui duodecim annos pontificatus Laurentio tribuunt. Cumque Laurentii obitum, Constantique in ejus locum electi ordinationem factam fuisse an. 593. exploratum habeamus ex Epistolis 29. 30. & 31. libri tertii; ut duodecim annos Pontificatus Laurentii numeremus, ejus exordium ad anno 581. referri debet: consentiuntque, telle doctissimo Annalista, omnes qui res Ecclesiæ Mediolanensis profecuti sunt, & ex ejusdem Ecclesiæ monumentis Episcoporum seriem texuerunt. Proindeque Gregorius nondum tunc, abdicata prætura, ad monasterii portam confugerat,

Sed hanc Baronii argumentationem evertit index Archiepiscoporum Mediolanensium ex veterrimis illius Ecclesiæ tabulis a nostro Mabillonio editus, ex quo post Frontum seu Frontonem „*Laurentius Episcopus sedit annos novendecim, menses septem; obiitque duodecimo Kalendas Septembris*; quos annos, inquit Mabillonius, si ex nonagesimo-tertio quo

III.  
Gregorius  
Prætor Ur-  
bis.  
Lib. IV. Ep.  
2.

Ejus prætu-  
ra tempus.

Mus. Ital.  
Tom. I.  
pag. 111.  
Annal. Be-  
ned lib. VI.  
pag. 105.

Con-



Constantius ei suffectus est, detraxeris, anno 574. Laurentii creationem, adeoque ejus cautionem ad Romanum Pontificem missam, cui Gregorius Prætor subscripsit, admittas necesse est. Huic sententiæ, ait idem Mabillonius, subscripsere Bollandiani focii in vita S. Gregorii; ubi tamen incaute post Baronium, Gregorium *Præfecturam* gessisse dicunt, quamvis in omnibus codicibus manu exaratis sive Epistolarum sive Vitæ a Johanne Diacono conscriptæ, legatur *prætor*, & *prætura*, non *præfectus*, & *præfectura*.

IV.  
Quomodo  
in Prætura  
se gesserit.

Prætor Urbanus, ut jus in Urbe diceret, creatus est. Penes eum erat omnis publici privatiq; juris potestas; adeo ut novum jus condere, & vetus abrogare posset. Ut auctoritate, sic dignitatis apparatu & insigniis, Consulibus pene par videbatur. Primus qui præturam obtinuisse in Urbe memoratur, fuit Furius Camillus Romanorum suæ ætatis clarissimus, qui multoties patriam suam in libertatem vindicavit. Quid in hac amplissima dignitate gesserit Gregorius, ignorari a nobis voluit; conjicitur tamen ex morum probitate, juris peritia, judicii maturitate, strenuitate, vi indefessa in laboribus & negotiis, denique ex tot tantisque animi dotibus, quibus magis quam purpuræ splendore præfulgebat, eum optimi Prætoris partes omnes obiisse: unde singularis ille amor quo Romani cives ipsum persecuti sunt, quique maxime in ejus ad Pontificatum electione enituit. Itaque haud dubie suo tum exemplo docuit quod poëta scripsit ad Justinum Siciliae Præto-  
rem: Nulla vos lucra ad injustitiam pertrahant, nullius vel mine vel amicitia ab itinere rectitudinis deflectant. Quam sit vita brevis aspici-  
te, ad quem quandoque ituri estis Judicem, qui judicariam potestatem geritis, cogitate. Selerter er-  
Tom. XVI.

Lib. I. Ep.  
2.

go intuendum est, quod cuncta lucra hic relinquimus, & solas dispendiosorum lucrorum causas nobiscum ad judicium deportamus.

Ut consuetudini & dignitati morem gereret Gregorius, serico contextus, ac gemmis micantibus solitus erat per Urbem procedere trabeatus, inquit alter Gregorius Turon. a quo hæc ipsa verba mutuatus est Paulus Diaconus. Verum sub secularibus pompis, non seculo, sed Christo militabat; inter illos Reges & Consules terræ proculdubio numerandus, qui, ut loquitur Job, *adificiant sibi solitudines*. Quem locum exponens noster Gregorius lib. IV. Moral. n. 58. & 59. seipsum dum prætor sederet, adumbrasse videtur: *Solitudines*, inquit, quippe *adificare*, est a secreto cordis terrenorum desideriorum tumultus expellere, & una intentione æternæ patriæ in amorem intimæ quietis anhelare. Bene autem hi, qui sibi solitudines construunt, etiam Consules vocantur: quia sic in se solitudinem mentis adificant, ut tamen in quo prævalent, aliis per caritatem consulere minime desistant. Et lib. xxx. num. 52. si prematur, inquit, aliquis popularibus turbis, & tamen nullos curarum secularium tumultus in corde patitur, non est in Urbe, sed solitudinis quiete fruitur.

ibidem.  
num. 2.

Job. I. 14.

De illo sane ita scribit Paulus Diaconus: Hic in annis adolescentiæ, in quibus solet hujusmodi ætas sæculi vias ingredi, Deo cæpit devotus exsistere, & ad supernæ vitæ patriam totis desideriiis anhelare. Vix quidem annum vigesimum attigerat, cum frequentibus colloctionibus a beato Constantino S. Benedicti discipulo ejusque in monasterii Casinensis regimine successore, qui anno circiter 60. supra 500. obiisse legitur, jam omnia pene quæ de eodem S. Benedicto scripsit toto lib. II. Dialogorum perfecte didicerat, ut ipse Gregorius testatum reliquit in laudati libri Dialog. Præ-

V.  
Frequentia  
de rebus piis  
colloquia ad  
monasticæ  
vitæ propo-  
situm cum  
accendant.

2471. 2.

fatione; unde intelligas quæ fuerint nobilissimi hujus juvenis studia. De eodem argumento, scilicet de S. Benedicti vita, frequenter etiam colloqui solebat cum Valentiniano, qui annis multis monasterio Lateranensi præfuit: cum Simplicio, qui S. Benedicti congregationem post eum tertius rexit: & cum Honorato, qui Sublacensi monasterio præerat: jamque tunc ad arctioris & perfectioris vitæ propositum accendi videbatur.

Quod diu  
distulit.  
Ep. ad S.  
Leand.

At conceptum vitæ monasticæ desiderium implere diu distulit, utilem se suis concivibus existimans, meliusque putans seculari habitu contegi, sub quo specietenus tantum seculo militare sibi persuadebat, quam exteriorem cultum mutare. Postea tamen pius Prætor, cum intimos animi sensus explorare scrutarique sæpe consuevisset; animadvertit tandem cælesti lumine illustratus, inolita se vitæ secularis consuetudine devinctum mundique blanditiis irretitum, in ipsis relinquendis morasnectere; neque corpore tantum, ut falso putaverat, sed ipso mentis affectu in seculo retineri. Cuncta itaque sollicitè fugiens portum monasterii petiit, & relictis quæ mundi sunt, ex hujus vitæ naufragio nudus evasit, ut ipse scribit ad Leandrum in Epistola quam libris Moralium præmisimus statim ab exordio.

a

VI.  
Septem ædi-  
ficat mona-  
stria.  
Lib. 2. c. 1.

<sup>a</sup> Antequam autem seculo nuntium remitteret, *In rebus propriis sex in Sicilia monasteria congregavit*, ut loquitur illorum temporum scriptor Gregorius Turon. *septimum infra ur-*

<sup>a</sup> Vide de Castro nota (cc).

<sup>b</sup> Ubi monasteriis non erant sufficienter assignata prædia, quæ Monachis sufficerent ad victum & vestitum, hæc Ecclesiæ sumtibus suppeditabantur, ut colligimus ex Severi Sulpicii Dialogo 3. de S. Martino. *Sed priusquam pondus illud (centum vigintilibrarum) monasterii limen attingeret redimendis id captivis continuo deputavit (S. Martinus) Et cum ei suggereretur a fratribus, aliquid ex eo in sumtum monasterii reservare.... nos, inquit, Ecclesia & pacat & vestiat; dummodo nihil usibus quæ-*

*bis Romæ muros instituit, quibus tantam delegans terrarum copiam, quantam ad victum quotidianum præbendum sufficeret, reliqua vendidit, cum omni præsidio, ac pauperibus erogavit.*

Observe hic obiter studiosus lector, consilium munifici ac pii fundatoris non fuisse ut Monachi proprio labore sibi <sup>b</sup> victum quærere cogerentur. Et sane in omnibus epistolis in quibus de monasteriis instituendis agit, iis assignari vult sufficientes redditus, ad vitæ necessaria. Sex illa Siciliæ monasteria enumerat post Rochum Pirrhum Mabillonius Annal. Bened. lib. vi. pag. 164. & de iisdem deinceps sæpe ait. Opes ad hæc ædificanda & sufficientibus prædiis dotanda necessarias, liberamque iis utendi facultatem consecutus fuerat Gregorius parentum obitu, si

Lib. 1. c. 9.

Paulo Diacono fides sit. Contra vero Johannes Diaconus scribit Silviam ejus matrem ipsi Monacho legumina ministrasse. Locus ergo Pauli de solo Gordiano patre videtur accipiendus. Septimum quod in ipsis ædibus paternis construxit monasterium, celebre fuit cœnobium <sup>c</sup> S. Andreae ad Clivum Sauri, in quo ipse vitam amplexus est monasticam. Eucherium, Paulinum, Cassiodorum, aliofque plurimos patriciæ ac senatoriæ nobilitatis viros æmulatus. Hoc asce-terium, postquam a Monachis Benedictinis diu occupatum fuisset, Johannis Diaconi tempore Græcis Moanchis <sup>Lib. 17. c. 82.</sup> cesserat, forsitan Stephani III. beneficio, qui etiam Græcis tribuit aliud monasterium a se constructum, & S. Dionysio

fuisse videamur.

<sup>c</sup> Verissimile est aliud fuisse Romæ monasterium S. Andreae, & S. Lucie; alii melius forsitan S. Luca. Singularis erat causa SS. Andreae & Lucam in eodem simul cultu conjungendi: nimirum eodem die scilicet 9. Maii, eorum reliquiæ translatae fuerant. Vide Hieronymum de Scriptoribus Eccl. in Luca. Hujus monasterii Abbas fuit ille Probus qui condendi testamenti facultatem impetravit; quam vide ad calcem Epistolarum. Consule Annales Bened. lib. 9. num. 26. & lib. 10. num. 6.



nyfio Areopagitæ dicatum; at Benedictinam Regulam sequentibus tandem restitutum est a Gregorio XIII. istud S. Andreæ sanctuarium, & Camaldulensibus datum. De Gregorio sua Deo consecrante sat diximus; eundem seipsum totum offerentem vitæ monasticæ professione, videamus.

VII. Fit Monachus. Quo in loco. Incongruum cuiquam fortasse videbitur pium virum in ipsa patria, in ipsa Ubre quæ ejus imperiis paruerat, secessum sibi tranquillamque stationem quæsiisse. At vero nullus erat in tota Italia locus a barbarorum armis & incursionibus tutior, ac proinde quieti aptior, urbe Romæ, propugnantibus eam sanctis Apostolis, ut sæpe suis in Epistolis asserit sanctissimus Pater, & Langobardorum impetum retundentibus.

Quo tempore. Ut vero quantum licebit assignemus quo tempore, quavæ ætate Gregorius Monachum induerit, id factum subodoramur paulo post subscriptam Laurentii cautionem de qua supra num. 111. hoc est, anno. 575. cum quadragenario quinque annis esset minor. Sane plurima quæ de se in monasterio degente narrat, aut quæ aliunde ipsum gessisse novimus, infra a nobis ordine referenda, nos minime sinunt in sententiam Baronii descendere, qui vix eum in monasterio per biennium integrum commoratum esse censet. Hujus autem opinionis fundamentum nutat, immo penitus subruitur, post vindictas Laurentio Pontificatus novemdecim annos. Neque enim alia ratione vir historiæ Eccles. peritissimus adeo contraxit tempus quo S. Gregorius in monasterio vixit, quam quod Laurentii in Ecclesia Mediolanensi Episcopatum duodecim tantum annorum fuisse crediderit, ac incoatum ann. 581. quo emissam ab ipso cautionem a Gregorio adhuc Prætorē subscrip- tam asserit.

Etiam si veteris monumenti a Ma-

billonio laudati de tempore episcopatus Laurentii, nulla haberetur ratio, certe ipsi Gregorio credendum est toties in monasterio vixisse diu se testanti, ut lib. v. Ep. 48. *Marinianum quem diu mecum didicere in monasterio conversatum.* Et lib. 111. Dialog. c. 33. de Eleutherio: *Diu mecum est in meo monasterio conversatus.*

Doctissimi Annalistæ chronologia aliunde evertitur a Johanne Diacono, immo ab ipso Gregorio. Dialogos ab eo scriptos fuisse an. 593. aut 594. probavimus<sup>a</sup> in præfatione ipsis præfixa num. 18. in iis vero Dialogis cap. 47. libri IV. narrans felicem exitum quorundam Monachorum quos in monasterio convictores habuerat, ut expresse docet Johannes Diaconus, nec obscure colligitur ex Gregorii verbis, Meruli mortem ante annos quatuordecim contigisse asserit; ergo vel an. 579. aut 580. proindeque Gregorius an. 581. Romæ Prætor non erat. His rationibus trutinatis, Eminentissimus Cardinalis Norisius Baronii chronologiam deserit in dissertatione historica de Synodo v. §. 3. & nostram confirmat sententiam. Utque probet S. Gregorium diu moratum in monasterio, adducit hunc locum Dialog. lib. 111. c. 33. ubi de Eleutherio Abbate dicit: *Diu mecum est in hac Urbe, in meo monasterio conversatus.*

<sup>b</sup> Idem Eminentissimus Annalium scriptor colligit ex lib. IV. Dialog. c. 21. S. Gregorium habuisse in vita monastica institutorem Valentium seu Valentionem Abbatem, cui successit Maximianus, Maximiano Pretiosus; post quem S. Andreæ monasterio præfuit Probus. Itaque ex Abbatum cœnobii hujus catalogo expungit Hilarionem, quem Johannes Diaconus primum Gregorii patrem doctoremque in monasticis institutis tradit;

B 2

nisi

<sup>a</sup> V. ibi notas. <sup>b</sup> Vide de Castro nota (44).

nisi dicamus Hilarionem alium non esse a Valentione, cujus mentio fit in prælaudato libri IV. Dialogorum loco. Afferit autem Baronius Gregorium sub Maximiano Abbate non militasse, quod diu non sit permisus in monasterio degere, contra manifestum Johannis Diaconi testimonium, cui infra suffragabimur; Nec dissimulandum doctissimum scriptorem adhuc falli, cum Pretiosum Abbatem fuisse S. Andreæ asserit ex lib. IV. Dialog. c. 55. ubi Pretiosus non Abbas, sed Præpositus dicitur. Neque etiam legimus cap. 21. ejusdem libri, Valentium fuisse Gregorii in vita monastica institutorem, cum de eo S. Doctor tantum dicat: *Valentius qui post in hac Romana urbe, mihi, sicut nosti, meo quoque præfuit monasterio*. Quod spectat ad Probum inter illos S. Andreæ Abbates a Baronio commemoratum, verisimile est alii S. Andreæ asceterio ipsum præfuisse, ut jam monuimus supra in nota ad num. 6.

Itaque sic restitui debet Abbatum S. Andreæ series: Hilarion, Valentius, Maximianus, qui tum cum Gregorius Legatus creatus est, Andriano monasterio præerat, ipsemet Gregorius, qui ex sua legatione reversus monasterium suum rexit, ut infra videbimus. Denique Petrus, quo sedente sanctus Doctor suos scripsit Dialogos. Verum ad gravio rem nobis a Baronio motam, de monastico quod Gregerius sectatus est instituto, litteram dirimendam jam veniamus.

### C A P U T III.

An. 575.

I. S. Gregorii monachatus indubitatus. II. Monachi olim ut nunc veste peculiari insignes. Et tonsura. III. Baronii de monastico S. Grego-

a Lib. IV. Dialogorum; quem ipse jam Monachus Monachum vidi, & in præfat. ad Dialog. ubi suam in monasterio conversacionem describit.

rii instituto sententia refellitur: IV. Et nostra adstruitur. Laudes a S. Gregorio datæ vitæ S. Benedicti & Regulæ. V. In ejus monasteriis observabatur. VI. Illius verba sæpe usurpat. VII. Fuit etiam propagata in Valeria. VIII. Adversariorum cavillationes refutantur. IX. Concilii Duxiacensis de Regula S. Benedicti testimonium. X. Aliud invictissimum argumentum, a propagatione hujus Regulæ per S. Gregorii discipulos. XI. Nonnullis objectionibus occurritur.

Gregorium Monachum fuisse nemo cordatus ac sanus negare potest, quod de se toties ipse clamat<sup>a</sup> tum in Dialogis, tum<sup>b</sup> hom. 12. in Evangelia, tum in<sup>c</sup> præfat. ad libros Moral. seu Epistola ad S. Leandrum, ubi texit historiam conversionis suæ diu dilatæ, quod exteriorem cultum mutare molestum ipsi foret; maxime cum sub seculari habitu Deo se posse militare non dubitaret. Sed cœlesti lumine afflatus moras rupit, monasterium petiit, & ex mundi naufragio nudus evasit. Idem de illo docet Gregorius Turonensis, mutataque pretiosa & micantia gemmis indumenta in vilem vestitum miratur.

Ex his satis innuitur monasticas vestes, uti nunc, olim etiam fuisse Monachis peculiare; quo in probando non immorarer, nisi a nonnullis criticis injectos ea de re scrupulos viderem. Sane id luce clarius ex Gregorio demonstrari potest. Lib. VIII. Ep. 5. scribit de militibus monasticæ vitæ candidatis: *Juxta normam regularem debent in suo habitu per triennium probari, & tunc monachicum habitum Deo auctore suscipere*. Ejusdem libri Ep. 8. *Nec projectis religiosis vestibus, ad seculari*

I.  
S. Gregorii  
monachatus  
indubitatus

a  
b  
c

Ibidem.

II.  
Monachi olim  
ut nunc  
veste peculiari  
insignes.

b Num. 7. quem ipse jam Monachus Monachum vidi.

c Portum monasterii petiit &c.



rem reverti habitum. Ibid. Ep. 9. *Projectis quas sponte assumerat religionis vestibus, indumentis se laicis deturpavit.* Lib. ix. Ep. 114. habitum monachicum sacram vestem appellat. Idem conficitur ex hom. 10. in Ezechielem num. 8. Missa facio quamplurima alia testimonia, in quibus coacervandis frustra tempus tere-

Et tonsura. Ut singulari veste, item tonsura insignes erant Monachi, quod S. Benedictus clare docet Regulæ c. 1. de pseudomonachis, dicens: *Mentiri Deo per tonsuram nesciuntur.* Id etiam li- quido constat ex S. Gregorio lib. xi. Ep. 50. ubi virum Agathosæ, Monachum ipsa renitente factum, reddi jubet, *Etiam si jam tonsuratus est; hoc est, etiam si post probationem, jam vestem mutaverit, & tonsuram monasticam acceperit.* Lege quoque libri x. Ep. 24. Tonsuram etiam esse Monachorum cœnobarum, non Eremitarum, insigne apud Græcos, discimus ex<sup>a</sup> Theodoro Studita lib. 11. Ep. 137.

II. Baronii de monastico S. Gregorii instituto sententia refellitur.

b  
n. 47. 10. \* Valentio. \* meoque. Lib. 4. Dial. c. 4. His breviter, & data tantum occasione observatis, expendamus Baronii de monastico S. Gregorii instituto sententiam, cujus auctorem fuisse non S. Benedictum contendit, sed S. Equitium; haud alia ratione, quam quia *primum S. Andrea Abbatem Valentium ex Provinciæ Valeriæ monasterio, in quo S. Equitii vigeat institutio petita apparet*, inquit, *ex duplici Gregorii testimonio.* Audiamus ergo S. Doctorem de se loquentem: *Vitæ venerabilis \* Valentius, qui post in hac Romana urbe, mihi, sicut nos, \* monasterio præfuit, prius in Valeriæ provincia monasterium suum rexit.* Qua vi aut arte ex his verbis extundi potest Valentionem fuisse primum monasterii S. Andreae Abbatem, & institutorem? Quid hic

de Equitio, Equitianove instituto, cui addictus Valentio fuerit? At, *Lib. 1. Dial. c. 4.* inquit Baronius, quædam de S. Equitio Gregorius narrat, quæ a Valentino suo Abbate didicisse profite- tur. Porro Valentius ea noverat, dum in monasterio S. Equitii dege- bat, quod solum celebre tunc fuisse reperitur in Valeriæ provincia. Quasi vero in aliquo vicino seu Valeriæ five finitimæ cujuscumque regionis cœ- nobio degens, non potuisset nosse miraculum publica fama disseminatum.

Itaque prolatis a Baronio testimo- niis nequaquam probatur Valentio- nem fuisse S. Equitii discipulum, ejusque instituti sectatorem, immo contrarium ex collatis inter se duo- bus locis elicitur. Nam l. 1. Dia- log. c. 4. Gregorius asserit Equitium post mortem discipulos suos tutatum esse contra Langobardos, atque a morte liberaisse. At lib. 1v. cap. 21. refert Langobardos e monasterio Va- lentionis Abbatis duos Monachos in- ramis arboris suspendisse, qui eodem die defuncti sunt. Aliunde satis li- quet, dum dicit Valentionem in Valeria prius *rexisse suum monaste- rium*, per *suum*, intellexisse mona- sterium non ab Equitio aut ab alio, sed ab ipso Valentione conditum; quo sensu *suum* semper dicit S. An- dreæ Romanum asceterium. Judicent ergo æqui lectores utrum hæc Emi- nentissimi scriptoris argumenta per- suadeant, S. Gregorium non a pro- ximis Casinatibus Lateranense mona- sterium incolentibus institutum suum accepisse, ut communis ante Baro- nium ferebat opinio, sed a longe positus in Valeria Monachis; atque præponderare debeant gravissimis ra- tionibus quibus sanctissimum virum Benedictinæ familiæ vindicamus.

i. Constat ex<sup>c</sup> supradictis, Gre- gorio, longe antequam de S. An- dreæ

remitarum. Vide etiam lib. xi. Ep. 50.

b Vide de Castro nota (ee).

c Cap. 2. num. v.

c  
iv. Et nostra adstruitur. Laudes a Greg. datæ vitæ S. Be- nedicti & Regulæ.

a Et quod stupendum magis, inquit, qui, quod solitaria vitæ insigne, de tonsus furas... promissam rursus comam alias in morem E-

dræ monasterio cogitaret, nota fuisse S. Benedicti gesta, miracula, scripta, scilicet regulam. Quanti autem fecerit hanc Regulam prodit lib. II. Dialog. c. 36. *Scriptis*, inquit, *Monachorum Regulam discretionem præcipuam, sermone luculentam*. Regulæ autem ab Equitio conscriptæ nullibi meminit. Interim sileo S. Gregorium fuisse vitæ S. Benedicti admiratorem potius quam scriptorem, cui delineandæ vix satis fuit integer liber secundus Dialogorum: nam alibi passim adhuc sæpe in S. Benedicti laudes excurrit: de Equitio vero unico dumtaxat capite 4. libri 1. loquitur Quomodo ergo tanta de S. Benedicto ejusque legibus & institutis concepta existimatione, aliam sibi suoque monasterio quævisisset Regulam, vir monasticæ perfectionis amantissimus, quam *Regulam Monachorum discretionem præcipuam*?

V.  
In ejus monasterio observabatur.

Quando autem illam appellat *nostram* *Regulam*, satis ostendit eam cæteris, si quæ in Occidente jam receptæ forent, esse anteponendam. De eadem proculdubio loquitur lib. XI. Ep. 48. cum de Catello Monacho scribit ad Urbicum Abbatem: *Quia Monachus non sit agnovimus; ex parva enim eulogia quam Bonus Monachus accepit, partem petendo, contentionem facere in itinere minime timuit. Quod ex quantâ amaritudine cordis descenderit, tua poterit Dilectio scire, si Regulam Monachorum scire voluisset*. Scilicet S. Benedicti Regulam cap. 54. de eulogiis vel quibuslibet munusculis non accipiendis sine Abbatis præcepto, & cap. 34. ubi murmurationis malum ante omnia præcipitur amputandum; caveturque ne occasione rerum necessariarum sibi procurandarum tantum vitium subrepat. Urbicus

in monasterio S. Andreae, aut saltem in alio Siciliae S. Gregorii munificentia condito præpositus fuerat, ex Epistola 6. libro v. postea Abbas monasterii Sancti Hermæ apud Panormum, unius ex sex Gregorianis cœnobiis, in quibus ordinandis, auctoritate sanctissimi Pontificis, velut Præpositi generalis officium gèrebat; quod vel ex laudata Epistola 48. libri XI. liquet. Qua vero ratione Gregorius objicit Urbico & Monachis ei subditis *Regulam Monachorum* seu Regulam S. Benedicti, hoc titulo deinceps, in <sup>a</sup> Conciliis passim & apud Ecclesiasticos Scriptores designatam, nisi quia ejus præceptis additi erant? At si pro lege habebatur hæc Regula in monasteriis Siculis a Gregorio conditis, quidni etiam in Andrea Romano cœnobio?

a

Certe Gregorius ita Benedictinæ Regulæ assuefactus & velut innutritus videtur, ut ejus verba passim usurpet. Apud S. Benedictum congregationis nomine intelligitur Monachorum cœtus; eodemque sensu in Gregorianis Epistolis centies occurrit, ut Ep. 48. lib. XI. Idem observavimus de voce *utilitas* sumpta pro rebus utilibus. Lib. x. Epist. 32. & 61. officium divinum appellat, *opus Dei*, quod S. Benedicto familiare esse norunt, qui ejus Regulam legerunt. Eleganter S. Benedictus Reg. c. 64. monet Abbatem, *Oportere prodesse magis quam præesse*. Et S. Gregorius Moral. lib. XXI. num. 22. *nec præesse gaudent sed prodesse*. Abbati præcipit S. Benedictus Reg. c. 64. *Oderit vitia, diligat fratres*. Et S. Gregorius Epistola 12. lib. XI. ad Cononem Abbatem scribit: *Personas diligas, vitia persequaris*. In Ep. 29. lib. XII. S. Gregorius ait: *Nam ad personam in priori loco positam*

VI.  
Illius verba sæpe usurpat.

<sup>a</sup> S. Benedictus in Concilio Rom. sub Bonifacio IV. an. 610. sex annis post S. Gregorii obitum appellatur *Monachorum præceptor*, proculdubio propter *Regulam Monachorum* ab eo scriptam. Concilium Cloves-

hovensæ in Anglia an. 747. nomine Regulæ monasticæ laudat Regulam S. Benedicti, cujus adducit ipsa verba ex cap. 58. Cætera omitto.



*sitam respicit, quidquid a minori delinquitur: sane sanctum Benedictum imitatus qui Reg. c. 36. ad ipsum (Abbatem) inquit, respicit, quidquid a discipulis delinquitur. Apud S. Benedictum responsum idem est ac negotium, c. 51. Fratres qui pro quovis responso proficiuntur. Ita etiam apud S. Doctorem, maxime initio Ep. ad Leandrum præfixæ libris Moralium: Cum me illic Sedis apostolicæ responsa constringerent. Passim apud utrumque Eulogiæ pro munusculis, solatium pro auxilio sumuntur. Non raro idem S. Legislator monasterii superiorem, Priorem appellat, ut cap. 53. Ita etiam S. Gregorius lib. 25. Moral. num. 36. & sæpe alibi. Hom. x. in Ezech. num. 31. legitur; Eo ipso zelo quo alios correxit, semetipsum convenit, & erubescit immunda cogitare, quæ se in aliis recolit correxisse. Idem fere legerat in Regula S. Benedicti c. 2. Qualis debeat esse Abbas, duobus locis maxime in fine; Cum de admonitionibus emendationem aliis administrat, ipse efficitur a vitiis emendatus. In*

*Verum in expositione lib. 1. Regum* <sup>b</sup>*frequentius Regulæ Benedictinæ sententias & verba ipsamet adhibet; nec mirum, cum tunc Abbas esset, atque his homiliis suos alumnos ad monasticæ vitæ perfectionem erudiret. In præfatione ad hunc commentarium plurimos loquendi modos ex laudata Regula petitos, quos colligere curavimus, invenies; ex quibus hunc tantum locum nunc pro-*

*feremus, sed adeo luculentum, ut ad probandum S. Gregorium beati Benedicti discipulum fuisse sufficeret: Quare, inquit, & ejusdem arctissimæ vitæ magister optimus, summæ veritatis discipulus præcipit dicens: Probate spiritus si ex Deo sunt. Et item: Nuntientur ei dura & aspera per quæ itur ad Deum ut sciat ad quod intrat; quæ c. 58. Reg. totidemfere verbis exstant. Cæterum commentarium illum Gregorio vindicare & asserere hoc loco superfluum foret, cum id in Præfatione prævia præstiterimus. Neque tamen inficias imus, aliqua esse a Claudio Abbate addita; sed si velis quæ ex Regula S. Benedicti deprompta sunt, Claudio tribuenda, idem superest argumentum de Benedictina Regula in monasterio S. Andreæ recepta nostris adversariis dissolvendum. Nimirum hujus asceterii alumnus fuit Claudius, & sub Abbatis Gregorii disciplina positus exceperat quæ sanctus pater de libris Regum disseruerat & exposuerat, ut ipse testatur lib. xxi. Ep. 24. Si itaque Claudius S. Gregorii filius, sub Regula S. Benedicti in Andreano monasterio militavit, quid de patre sentiendum?*

*2. Jam vero ut ipsum opinionis Baronii fundamentum convellamus, ut probandum est in Valeria propagatam fuisse S. Benedicti Regulam; immo solam hic viguisse quando ea in provincia Valentio monasterium regebat. Id autem clare demonstratur ex Epistola Fundani Abbatis ad Simplicium, tertium a S. Benedicto Casinensis monasterii Abbatem scripta; quam Mabillonius exhibet integram in præfat. ad tom. 1. Act. Sanctorum, ac iterum propugnat Annal. Bened. lib. vi. num. 2. Summa epistolæ est, eotempore omnia Campania, Samnitiæ, Valeriæ, Tusciæ, Li-*

VII.  
Fuit eriana  
propagata  
in Valeria.

84.

a Vide lib. viii. Ep. 15 & notas in quibus Concilii hujus fit mentio. Si laciniam illam de Missis publicis ab hujusce Synodi

actis refeces; vix ab illa Epist. 15. discrepabit.

b De hac expositione vide quæ diximus suo loco. E. V.

guriæ, & aliarum Italiæ provinciarum monasteria, dimissis peculiaribus Regulis, Benedictinam servare decrevisse. Hanc epistolam in codice manu exarato exploravit Lucas Holstenius eruditus Bibliothecæ Vaticanæ Præfectus, suoque calculo comprobavit. Eundem codicem recensit quoque Mabillonius, nec ullas fraudis notas observavit. Ergo paulo post S. Benedicti obitum monasteria etiam Valeriæ, etsi fortasse prius ab Equitio instituta, sanctissimi Legislatoris Regulam sectabantur. Nec mirum ea cœnobia, quibus S. Equitius nullam certam Regulam assignaverat, postea illam Monachorum Regulam discretionem præcipuam assumpsisse. Immo potius miraculo proximum videretur, S. Benedicti Regulam, quæ statim ac est condita, in duodecim monasteriis Sublaco proximis observata est, postea brevi temporis intervallo in Casinensi & Terracinensi cœnobiis instituta, adhuc vivente S. Benedicto in Sicilia & paulo post in Galliis disseminata, ab Hispanis expetita & culta; usque ad tempora S. Gregorii in provincia Valeriæ non longe a Sublaco dissita, incognitam & neglectam prorsus fuisse; itaut sic arguere cum Baronio liceat: Valentio in Valeria Monachus & Abbas fuit; ergo a S. Benedicti legibus prorsus liber, alteri quam Benedictinæ Regulæ parebat.

viii.  
Adversariorum  
cavillationes  
refutatur.

Scio Gallonium opinionis Baronii assertorem, de Epistolæ Fundani Abbatibus sinceritate dubitasse, quia Bernardini & Hugonis nomina, hoc, inquit, seculo ignota in ea deprehenduntur. At Bernardi nomen hac in Epistola non magis exprimitur, quam vel Bartholomæi, vel Barnabæ &c. Cum vocis decurtatæ littera B. tantum observetur. Quamquam hoc nomen Bernart, a lingua Gothorum non multum abhorre vi-

deatur, in qua multa reperiuntur desinentia in *hart*, quorum a varia exempla exhibet Smaragdus Abbas Commentarii in Donatum lib. 11. c. 10. Nec mirum, postquam Gothi diu Italiam occupaverunt, aliquos ex illa gente conversos in Italiæ monasteriis, posteaque Abbates factos. Et quidem vii. seculo inter Episcopos Cremonenses unus recensetur Bernardus nomine, Italiæ sacræ tom. 14. Quod spectat ad aliud nomen ut illo seculo insolens a Gallonio notatum *Hugo* vel *Ugo*, videtur etiam Gothicam originem aut Theodiscam seu Germanicam redolere: nihil enim frequentius inter illas septentrionales gentes, quarum una origo est, occurrit, quam vocabula in *God* vel *Goth* cadentia. Neque aliunde ob unam voculam debuit integram Epistolam, in suspicionem fraudis adducere Gallonius, cum alioquin ipse primus ediderit ex Vaticano codice quosdam versus de nostro Simplicio, qui manifeste docent eum S. Benedicti Regulam propagasse in omnes. De his versibus, ut de toto hoc argumento lege Mabill. tom. 11. Anal. p. 200. & seq.

3. Tamen disputare non est animus de vulgato Sublacenti Privilegio, quo ajunt S. Gregorium in Synodo Regulam S. Benedicti confirmasse, observandamque Monachis omnibus in Ecclesia latina proposuisse: id certe a sanctissimo Papa factum aliquando dubitare vix possumus, post luculentum illud Concilii Duziacensis II. testimonium c. 7. Eadem Regula (S. Benedicti) sancto Spiritu promulgata, & laudis auctoritate beati Papæ Gregorii inter Canonicas Scripturas & Catholicorum Doctorum scripta teneri decreta est. Quod cum referri non possit ad c. 36. lib. 11. Dialogorum (etsi enim Regula S. Benedicti hoc laudetur loco, nullum tamen ibi de ea decre-

IX.  
Concilii  
Duziacensis  
de Reg. Be-  
ned. testi-  
monium.

An. 874.

tum



tum legitur ) ea de re S. Gregorium in Synodo edixisse pene constat. Accedit Bonifacii IV. & Concilii Rom. an. 610. auctoritas. Cum enim Clericos inter & Monachos de muniis Ecclesiasticis orta esset controversia, Bonifacius & Synodi Patres ex Regula S. Benedicti, utpote jam inter Canonica scripta Ecclesiæ statuto relata, litem finiendam censuerunt, decreveruntque Monachos a sacris ministeriis non arcendos: Neque enim, inquit Pontifex, *Benedictus Monachorum præceptor, hujus rei aliquo modo fuit interdictor.*

X.  
Aliud invictissimum argumentum, a propagatione hujus Regulæ per S. Gregorium discipulos.

4. Aliud superest argumentum, idque invictissimum, quod petitur ex promulgatione Regulæ Benedictinæ in Anglia per Monachos Romani S. Andreæ monasterii a Gregorio Magno missos; at illud alteri loco reservamus, opportuniussive pertractabimus, quando de Anglorum ad fidem Christianam conversione, illorum Monachorum opera, erit agendum. Interim vero respondeamus quibusdam, quæ solvenda supersunt, contra nostram sententiam hic assertam vel jam objectis, vel objiciendis.

XI.  
Nonnullis objectionibus occurratur.

Gregorius, inquit, quædam ab Regula S. Benedicti plurimum diffronsa constituit. Nam cum novitiorum probatio vix ad annum integrum extendatur, juxta Bened. Regulæ cap. 58. S. Gregorius lib. x. ep. 24. scribit Fortunato Episcopo Neapolitano: *Monasteriis omnibus Fraternitas vestra districtius interdicit, ut eos quos ad convertendum susceperint, priusquam biennium in conversatione compleant, nullo modo audeant tonsurare.* Ergo Gregorius Regulam S. Benedicti non erat amplexus, quam hac in parte improbat. Respondeo S. Benedictum, etsi probationis novitiorum tempus ultra annum non protrahat, minime tamen vetare ulterius protendi; quapropter in plerisque congregationibus Benedictinis arctioris observan-

Tom. XVI.

tix, fratrum converforum probationi biennium impenditur, & Monachi choro addicti aliquando iustis de causis ultra annum probantur, illæso S. Benedicti ejusque Regulæ honore. Cur autem S. Gregorius biennium exercendis explorandisque novitiis assignaverit in diocesis Neapolitanæ monasteriis, ipse docet his verbis: *Pervenit ad nos Mauricius quemdam, qui nuper in monasterio Barbaciani conversus est, ablatis secum aliis Monachis, fuga de eodem monasterio discessisse. Qua in re prædictum nobis Barbacianum hac præcipitatio vehementer accusat, qui temere secularem hominem, & non ante probatum tonsuravit.* Sane tot Monachorum ante sufficientem probationem temere admissorum apostasia, ratio erat haud spernenda decernendi, ut deinceps per biennium exercerentur & probarentur, antequam professionem emitterent.

Opponunt etiam nonnulli cum Cardinali Baronio S. Gregorium prohibuisse suscipi in monasteriis adolescentes ante decimum octavum ætatis annum, ut constat ex epist. 50. lib. I. Id autem manifeste pugnat contra S. Benedicti Regulam quæ c. 59. permittit etiam infantes libertatis & rationis expertes, in monasteriis a parentibus oblatos recipere.

Respondemus illud Gregorii Magni decretum, non pro omnibus monasteriis, sed pro his tantum, quæ quibusdam in insulis Tyrrheni maris erant condita, fuisse promulgatum; idque satis innuit sanctus Pontifex dum ita scribit: *Quia autem dura est in insulis congregatio Monachorum, etiam pueros in eisdem monasteriis (insulæ Eumorphianæ) ante decem & octo annorum tempora suscipi prohibemus .... hoc & in Palmaria, aliisque insulis te per omnia volumus custodire.* Causam igitur habemus cur adolescentes nondum maturæ ætatis vetet suscipi, & Monachos

chos in his insulis fieri. Nempe durum erat & asperum vivendi genus in illis locis, sive propter insalubrem aerem, sive propter soli sterilitatem; nec ad id tolerandum vires in tenera ætate suppetebant.

Hæc sunt argumentorum momenta quibus Eminentissimus Annalium Ecclesiasticorum scriptor, aut ejus opinionis assertores, conati sunt firmatam doctorum virorum fere omnium consensu, tot a seculis sententiam de S. Gregorii vita monastica juxta S. Benedicti leges, evertere. Utrum tormentorum illorum mole ruat, aut inconcussa stet præconcepta opinio, sapiens lector judicet. De hacce controversia fuse doctæque pro suo more scripsit noster Mabillonius, tum in præfatione ad tom. I. Act. Sanctorum, tum in singulari dissertatione *De monastica vita Gregorii Magni* analect. Tom. II. tum in annalibus Benedictinis lib. VI. & in Appendice I. ubi secunda parte §. VI. resercentur gravissimi scriptores ab obitu S. Gregorii, qui nostræ causæ suffragantur; a quibus commemorandis abstinemus, tum quod post tot rationum pondera, vix indigeamus testibus, tum quod rerum dicendarum multitudo ac magnitudo, in hac controversia nos non sinat diutius immorari. Nunc quid in monasterio gesserit Gregorius, quantumque in virtutum studio profecerit, inspiciamus.

#### C A P U T IV.

An. 575. I. Gregorii profectus in monasterio.  
576. &c.

II. Longioris in eo moræ argumentum. III. Ejus abstinencia & jejunia. Unde molestissimi morbi. IV. Ipsius exemplo quantum alii Monachi profecerint. V. Jam tunc Angliam cogitat. VI. Fit Diaconus. VII. A quo Pontifice. VIII. An Diaconus Cardinalis. IX. An Archidiaconus.

Qualis in tranquilla monasterii statione Gregorius evaserit, ipse mire depingit, dum amissam quietem in Pastoralis cura, non mentitis oculorum lacrymis, sed intimo cordis gemitu ita deflet: *Infelix animus meus occupationis suæ pulsatus vulnere, meminisse qualis aliquando in monasterio fuit; quemodo ei labentia cuncta subter erant; quantum rebus omnibus quævolvuntur, eminebat; quod nulla nisi cœlestia cogitare consueverat; quod etiam retentus corpore, ipsa jam carnis claustra contemplatione transibat; quod mortem quoque quæ pene cunctis pœna est, videlicet ut ingressum vitæ & laboris sui premium amabat. At nunc ex occasione cure Pastoralis secularium hominum negotia patitur, & post tam pulcræ quietis suæ speciem, terreni istius pulvere sedatur. Cumque se pro condescensione multorum ad exteriora sparserit, etiam cum interiora appetit, ad hæc proculdubio minor redit. Perpendo itaque quid tolero, perpendo quod amisi. Familiares sunt Gregorio, peneque continuæ similes querelæ de amissis monasticæ vitæ bonis, dum pectus suum amicis explicat, ut in Epistolis 4. 5. 6. 7. 25. 26. libri primi & in prævia ad libros Moraliū singulari Epistola. In publicis etiam ad populum concionibus dolorem de prioris vitæ in monasterio sanctissime institutæ jactura premere & cohibere vix potest: Et quidem in monasterio positus, inquit homil. undecima in Ezechielem, valebam & ab otiosis linguam restringere, & in intentione orationis pene continue mentem tenere.*

Quis facile sibi persuadeat Gregorium, cui cum inolita consuetudine vitæ secularis, mollioris & fastuosæ, ipso teste, certandum fuit, statim ad hoc perfectionis culmen, ad orationis pene continuæ contemplationisque fastigium, adhuc novitium, si Baronio fides, pervenisse; & non

I. Gregorii profectus in monasterio.

In Pref. Dialog.

num. 6.

II. Longioris in eo moræ argumentum.



Ep. ad Leandrum  
Præf. in lib.  
Moral

& non potius id labore improbo affiduæque exercitatione, adspirante tamen divina gratia, consecutum esse? Attamen concedamus. Sed quo pacto tam brevi mora tantam moralium ac spiritualium rerum peritiam comparavit, quanta elucet in expositione libri Job, cui elucubrandæ paulo postquam avulsus a monasterio Legatus Constantinopolim missus est, operam dedit? Fortasse præturæ curis pene immerfus, in sublimioris theologiæ cognitione tantum profecerat, abstrusioresque sacræ Scripturæ sensus tanta facilitate, felicitate tanta rimatus fuerat? Ejus ergo plurimum annorum in monasterio commorationi & ascési adscribamus illam divinarum sacrarumque rerum scientiam, quam jure suspiciunt, qui iis studiis tota fere vita innutriti sunt, sapientiores & peritiores spiritualis vitæ magistri. Verum diuturnam in monasterio Gregorii commorationem jam sufficientibus argumentis adstruximus.

III.  
Ejus abstinencia & jejunia.

Non solum orationi & contemplationi ab ipso monasticæ palæstræ ingressu totum se dedit Gregorius, sed etiam abstinentiæ, jejuniis, aliisque pœnitentiæ operibus, quæ sacrorum librorum lectione ac meditatione condiebat, ita deditus erat, ut debilitato stomacho, & afflicta valetudine brevi moriturus videretur. Neque tamen frequentes morbi suadere potuerunt, ut de tanta vitæ asperitate aliquantulum remitteret. Cibus ejus legumina erant quæ Silvia mater eodem forte cibo victitans suppeditabat & parabat. Inde contractus, ipso teste, molestissimus morbus quem medici syncopen, seu vitalium incisionem vocant; qua laborans crebris angustis per horarum momenta, ad exitum properare putabatur: & nisi frequenter cibo reficeretur, vitalem sibi spiritum intercipi sentiebat, & tamen de intermis-

Johan. Diac.  
lib. 1. c. 7. 9.  
10.

Greg. Tur.  
lib. x. c. 10.

Lib. III.  
Dialog. c. 33.

Unde molestissimi morbi.

sione jejunii, magis quam de gravi dolebat infirmitate. Maxime vero moleste tulit, quod ipso sacratissimo Sabbato paschæ pervigilio, in quo omnes etiam parvuli jejunarent, ipse a cibo abstinere non posse videretur. Id tamen & suis & <sup>a</sup> Eleutherii S. Andreæ Monachi, sui convictoris & sodalis precibus & lacrymis tandem impetravit; quamvis soli Eleutherio miraculum hoc tribuerit vir summæ humilitatis & modestiæ; *Ad vocem benedictionis illius, inquit, virtutem tantam meus stomachus accepit, ut mihi funditus a memoria tolleretur cibus & agritudo. Cæpi mirari quis essem, qui fuerim... cumque in monasterii dispositione occupata mens esset, obliviscebam penitus agritudinis.* Quod hic ait S. Pater, de occupatione sua, in dispositione monasterii, forte intelligi debet de aliqua administratione bonorum temporalium ipsi injuncta, non de Abbatis officio, quod nonnisi post suam legationem gessisse Gregorium jam cum Mabillonio diximus.

a

Plurimos ejus exemplo in monasterio profecisse, & ad summam sanctitatem pervenisse probant quæ de multis e suis commilitonibus ipse refert, præsertim in Dialogis. De Eleutherio jam pauca attingimus. De sanctis Antonio, Merulo, & Johanne, qui quotidianis lacrymis, assiduis orationibus, continua sacrarum litterarum meditatione, ad æternam felicitatem, quo jam animo prævolarent, cœlitus vocati pervenerunt, legendum c. 47. lib. iv. Dialogorum. De S. Maximiano cœnobii S. Andreæ Abbate, postea Syracusano Episcopo, passim in Dialogis & in Epistolis. Porro certis annis assignare quæ S. Gregorius de sanctis illis narrat, difficillimum. De Merulo tamen constat eum anno saltem 579. ad meliorem vitam transisse, cum ab ejus morte usque ad tempus quo

IV.  
Ipsius exemplo quantum alii Monachi profecerint.

C 2

sunt

a De sanctitate Eleutherii vide lib. 3. Dial. c. 33.

a

sunt scripti Dialogi, scilicet ad an. 593. vel 594. saltem anni 2. quatuordecim effluxissent. Cætera ea ratione distinguemus, quæ Johannes Diaconus fortasse confundit, si ante S. Gregorii legationem contigisse dicamus ea ex quorum narratione non liquet eum tunc monasterio suo præfuisse: & post ejusdem reditum expleta legatione, alia ex quibus summam eum potestatem jam obtinuisset in eodem monasterio constat.

v.  
Jam tunc  
Angliam co-  
gnat.

Beda lib. 12.  
c. 1.  
Paulus 9. 14.  
Johann. lib. 1.  
c. 20. & seq.

Intra monasterii claustra contineri non potuit sanctissimi viri flagrantissimus zelus, sed transmissio Oceano ad procurandam Anglorum, nondum christianorum, conversionem vehementius exarsit. Qua occasione pium illud consilium inierit, narrant post Bedam Paulus & Johannes Diaconi. Quo. vero tempore, etsi omnes id factum ante Gregorii Pontificatum consentiant, solus tamen Johannes hoc ante Constantinopolitanam legationem contigisse asserit, aliis neque affirmantibus neque inficiantibus. Rem ex Beda describemus, a quo primum desumpta est; quamque ipse ex majorum traditione accepisse proficitur vir summæ fidei, nec minoris diligentia, qui a S. Gregorii temporibus integro seculo non aberat. Cum Gregorius in foro venales conspexisset pueros nuper ex Britannia advectos egregia forma, candido corpore, ipso etiam capillamento insignes, interrogavit qua ex gente essent. Anglos esse responsum est; ad quod Bene, inquit, nam & angelicam habent faciem: & tales Angelorum in cælis decet esse consortes. Nec mora: accedit ad summum Pontificem, rogatque ut genti Anglorum, quam audiebat adhuc idolorum cultui addictam, aliquos sacri verbi ministros mittat, qui eorum conversioni operam dent, seipsum paratum esse in hoc opus, si ita supremo An-

tistiti videatur. Annuat Papa: infatigabilibus ejus precibus victus, inquit Paulus Diaconus. Gregorius vero accepta discedendi copia, assumtisque e suo Andreano sodalitis selectis quibusdam sociis, quamcunq; clam se subduxit & itineri commisit; metuens quod postea contigit, ne ab itinere, suorum civium amore ac studio revocaretur. Itaque Romani audientes viri sancti profectiorem, summum <sup>b</sup> Pontificem adeunt & terribili voce conclamant: Eja, Apostolice, quid fecisti? S. Petrum offendisti, Romam destruxisti. Tanta erat de sancto viro exultatio & fiducia jam concepta, ut ex uno Gregorio salus omnium pendere videretur. His clamoribus motus Papa, seditionemque pene imminentem vehementer metuens, celerrime misit nuntios qui vel renitentem viatorem ab itinere quantocius revocarent & in Urbem reducerent, ut viso eo cives a tumultu compescerantur. Jamque trium dierum confecto itinere, sodales post brevem quietem, ut alacriter cœptam persequerentur viam hortabatur, cum ecce adveniunt sudantibus equis a summo Pontifice missi, offeruntque Epistolam qua Gregorio præciebatur vestigia relegere, & actutum Urbem revivere. Obtemperare coactus vir sanctissimus, qui obedientiam Deo præfacerificiis omnibus placere noverat, Romæ summa omnium ordinum gratulatione exceptus est; & in monasterium regressus, novo fervore ad intermissos monastici instituti labores sese accinxit; in his damni quod patiebatur solatium & compensationem quærens. Sed eum spes fefellit.

Vix enim in monasterium sese receperat, cum ab ejus quiete abstractus a summo Antistite, & Diaconus septimus creatus est, tum ut ad altare ministraret, tum ut in par-

b

VI.  
Fit diaconus.

a Dum Petrus . . . sibi sepulchrum facere post annos 14. voluisset.

b Pelagium ex Paulo, & Benedictum ex Johanne.



Greg. Tur.  
lib. 10. c. 2.  
a

partem Pontificalis sollicitudinis succederet. Quod audis hic Gregorium factum *Diaconum* vel *Levitam septimum*, significat tunc adhuc Romæ viguisse antiquum <sup>a</sup> morem, cujus meminit S. Cornelius Papa in Ep. apud Euseb. lib. vi. c. 43. ut septem dumtaxat essent Diaconi, exemplo fortasse prioris & apostolicæ Ecclesiæ, in qua septem tantum Diaconi ordinati sunt. Hic etiam numerus septenarius, septem præcipuis Urbis regionibus & basilicis respondebat, quibus singuli Diaconi præficiebantur; hincque dicti sunt Regionarii.

Vim sibi tunc factam explicat sanctus vir in Epistola ad Leandrum jam toties laudata; testaturque sibi nolenti & renitenti obedientiæ virtutem objectam, cui cedere coactus est. A quo Pontifice consecratus fuerit, & in partem curæ Ecclesiasticæ vocatus, neque Gregorius Turon. neque Paulus nos docent: hic tamen Pelagio secundo id adscribere videtur. Etenim diserte testatur Gregorium ab eodem Pontifice Diaconum effectum, & Constantinopolim missum. Cum itaque constet ipsum non Benedicti sed Pelagii II. Legatum seu Apocrisarium apud Augustum fuisse, inde liquet ad mentem Pauli, non a Benedicto, sed a Pelagio II. Papa effectum eum esse Diaconum.

VII.  
A quo Pontifice.

Hæc apud Paulum legerat Johannes Diaconus; cumque in his maxime quæ de Gregorio refert ante adeptum Pontificatum, ab ejus sententia recedere non soleat, sed ipsa ejus verba & periodos integras transcribere, quando hic a Paulo dissentire conspicitur, liquet id non temere sed gravissima de causa factum. Nimirum aliter haud dubie in Romanæ Ecclesiæ scrinio legerat Johannes, ac in Pauli historia.

<sup>a</sup> Vide Mabill. in Comment. de Ordine Rom. Septenarius ille Diaconorum numerus, etiam in Oriente receptus erat; cavetur enim

Eminentiss. Card. Baronius Johannis opinionem impugnat, non alia ratione quam tuendæ suæ chronologiæ necessitate; sed eam stare non posse jam a nobis demonstratum, aliundeque non ita nobis contemnenda videtur Johannis auctoritas. S. Gregorii vitam scripsit hic Ecclesiæ Romanæ Diaconus, tum ex ejus Epistolis aliisque operibus collectam, tum ex antiquis Ecclesiæ monumentis, in scrinio seu tabulario summorum Pontificum asservatis. Hæc quidem magna ex parte ad nos minime pervenerunt: sed cum videamus illius scriptoris diligentiam & fidem in legendis S. Doctoris operibus quæ præ manibus habemus, nullatenus desiderari (quæ enim ex ipsis excerptis, eadem apud S. Gregorium leguntur vix unica voce mutata) quidni de ejusdem optima fide ac sinceritate certi & securi simus in aliis laudandis? Certe Johannem Diaconum in suspensionem vocando vel fraudis vel incuriæ, alterius Johannis, scilicet Papæ VIII. pulsatur auctoritas; qui & illum ad vitam S. Gregorii conscribendam hortatus est, & scriptam approbavit, haud dubie præmissis accurato examine, uti sane tanti momenti opus postulabat. Igitur cum Johanne Diacono asserendum putamus a Benedicto I. avulsam e monasterio S. Gregorium, & assumptum fuisse ad Ecclesiæ ministerium. Benedictus I. mortuo Johanne III. rexit Ecclesiam a mense Majo anni 573. ad finem Julii anni 577. elapsisque tribus mensibus & paucis diebus, Pelagius II. creatus est summus Pontifex, quo sedente, officio Diaconi Gregorius in Ecclesia Romana fere fungi cœpit, quod a Benedicto ejus antecessore paulo ante mortem ordinatus esset. Hac quidem ratione conciliari posse Johannem Diaconum cum Paulo non diffi-

can. 15. Concilii Neocæsar. ineunte quarto seculo habiti, ne plures quam septem Diaconi ministrarent, etiam si magna sit civitas.

fidimus. Quid enim vetat dicere cum Johanne, a Benedicto primo Gregorium assumptum fuisse ad Ecclesiæ Romanæ Diaconatum, & fortasse ad legationem apud Imperatorem obeundam; quæ cum nonnisi mortuo Benedicto, sedenteque Pelagio II. ejus successore fuerint impleta, Paulum Diaconum non immerito scripsisse hæc a Pelagio facta?

VIII.  
An Diaconus Cardinalis.

Gregorium factum fuisse Diaconum Cardinalem ait Baronius, quamvis apud nullos veterum, qui de ipso scripserunt, hoc legerit: nisi forte per *Levitam* seu *Diaconum* septimum, Cardinalem significari censeamus. Et quidem erant septem illi Romanæ Ecclesiæ Diaconi singulis titulis quasi cardinibus affixi; unde dici poterant Cardinales: non secus ac ita dicebantur vel Presbyteri minoribus, vel Episcopi majoribus Ecclesiis tamquam proprii Sacerdotes additi, & ut ipse Gregorius loquitur, incardinati; de quibus frequentissime in ejus Epistolarum Registro, ubi consule notas, indicibus adhibita face.

ann. 581.  
num. 1.

IX.  
An Archidiaconus.

S. Eulogius Alexandrinus Patriarcha videtur sensisse S. Gregorium Archidiaconum fuisse, penes quem erat summa bonorum omnium Ecclesiasticorum præfectura. Eulogius enim, Gregorio nostro pernecessarius, asserit in libro de administratione Ecclesiastica contra Novatum, Archidiaconum in Ecclesia Romana, mortuo Episcopo semper succedere ex veteri more & constitutione. Quo pacto vero id asseverasset, si intellexisset S. Gregorium etsi non Archidiaconum, ad summum Sacerdotium provectum fuisset? Non potuit autem ignorare de amico sibi familiarissimo, utrum a diaconatu tantum an ab archidiaconatu ad Pontificatum ascendisset. At credibile est Eulogium, de veteri Ecclesiæ consuetudine tunc antiquata loqui; nempe agit de S. Cornelio Papa, a quo

Photius cod.  
82.

dicit Novatum Ecclesiæ Romanæ Archidiaconum, Presbyterum factum fuisse, ne, si in Archidiaconatu remaneret, sibi successor daretur; quippe Archidiaconum succedere summo Sacerdoti statutum erat pro hujus temporis more.

## C A P U T V.

- I. Gregorius Constantinopolim mittitur a Pelagio II. II. Ejus vivendi ratio in Aula. III. Quibus cum sociis. IV. Quæ ab eo Constantino- poli sint gesta. V. Depellendis Langobardis Pelagii Papæ sollicitudo. VI. Eutychii novam hæresim Gregorius comprimit. VII. An cum Johanne Eutychii successore jam tum decertaverit. VIII. Ex tempore collationis cum Eutychio habitæ, nostra chronologia stabilitur. IX. De nova alia hæresi fama. Quid de ipsa Gregorius senserit. X. Libros Moraliū elucubrat. XI. Præcipui ejus amici ex Aula. Filium Imperatoris ex sacro fonte suscipit. XII. Quamdiu in urberegia manserit. XIII. Romam redit sacris reliquiis ditatus.

An. 578.  
usq. ad 585.

**N**ON multo post suam in Ecclesiæ Romanæ ministerio & diaconatu provectionem S. Gregorius Constantinopolim migrare jussus est a Pelagio II. ut in ea urbe totius Imperii Sede, negotiis Ecclesiasticis curam & sollicitudinem impenderet, Apocrisarii que (Latine *Responsalem* dices, vel potius negotiorum curatorem) ibi officio fungeretur. Etsi vero arduum sit decernere quo anno hæc ei provincia demandata est, vero tamen propius est eum ad id muneris assumptum fuisse an. 578. aut sequenti, quo Tiberius post Iustini obitum cœpit imperare solus; nec diu post subrogatum Benedicto I. Pelagium II. qui gratum proculdubio se facturum Augusto putavit,

I.  
Constanti-  
nopolim  
mittitur a  
Pelagio II.



talem tantumque virum, præcipuis olim Reipublicæ muniis egregie defunctum ipsique probe notum Legatum ad eum mittendo.

II.  
Ejus vivendi ratio in Aula.

Quamvis autem in regia urbe inter aulicos viveret, ac in ipso Imperatoris palatio manere cogeretur, vitæ cœlestis propositum non intermisit, inquit sæpe laudati vitæ ejus Scriptores, venerabilem Bedam secuti. Cum enim usque ad extremum spiritum in monasterio perseverare cupiens, voti sui compos esse non potuisset, effecit quodammodo ut monasterium secum migraret, sibi que semper adhæreret. Ipsum audiamus ea de re ad S. Leandrum scribentem: *Cum in terreno palatio licentius excubarem, inquit, me multi ex monasterio fratres mei germana vincti caritate secuti sunt. Quod divina factum dispensatione conspicio, ut eorum semper exemplo, ad orationis placidum littus quasi ancoræ fune restringerem, ne causarum secularium incessabili impulsu fluctuarem. Ad illorum quippe consortium velut ad tutissimi portus sinum . . . fugiebam. Et licet illud me ministerium ex monasterio abstractum a pristina quietis vita, mucrone sue occupationis exstinxerat, inter eos tamen per studiosa lectionis alloquium, quotidianæ me aspiratio compunctionis animabat. Quibus verbis expressius adumbrari poterat, quam pie in ob-eunda Constantinopolitana legatione Gregorius sese gesserit?*

III.  
Quibus cum sociis.

Inter eos qui sancto viro sese committentes itineris adjunxerunt, aut in urbe regia commorantem caritate moti adierunt, eminebat S. Maximianus Presbyter & monasterii S. Andreæ Abbas, postea Syracusanis datus Episcopus, ex multis Gregorianis Epistolis aut ad ipsum aut de ipso scriptis satis notus. At post aliquot annorum moram, jubente summo Pontifice, Romam redire coactus est, ut suo monasterio provi-

deret ac invigilaret. Pelagii Epistolam Maximianum revocantis exhibet Johannes Diaconus, ex qua con-jicere possumus quo tempore Romam redierit, relicto Constantinopoli Gregorio. Si quidem data est Epistola quarto nonas Octob. Indict. tertia; sic enim legitur omnibus in manu-scriptis quos consulimus. Porro hæc Indictio, quæ mense Septembri in-cœperat, pertinet ad an. 584. Rediit Maximianus vel desinente hoc anno, vel sequenti incoato. Illo itaque anno 585. Gregorius adhuc in urbe regia commorabatur, vel potius exsulabat; se enim in exilio positum tamdiu doluit, quamdiu inter aulicos strepitus vivere coactus est.

Lib. I. c. 32.  
Est tertia  
inter Pelagii II. Epistolæ.

Quod spectat ad Maximiani reditum, narrat S. Gregorius imminens mortis periculum a quo cum sociis in Adriatico mari liberatus est insigni miraculo: nam per octo dies navis qua vehebantur, usque ad superiores tabulas aquis plena, iter proprium peragens enatavit. Nono autem die in Crotonensis castri portum deducta est. Ex qua exierunt omnes incolumes, qui cum prædicto venerabili viro Maximiano navigabant. Cumque post eos ipse quoque fuisset egressus, mox in ejusdem portus profundum navis demersa est: ac si illis egredientibus pro pondere, sublevatione caruisset; & quæ plena hominibus in pelago aquas portaverat, atque nataverat, Maximiano cum suis fratribus recedente, aquas sine hominibus in portu non valuit portare.

Lib. 3. Dial. c. 36.

Abeunte Maximiano, plurimi e fratribus Gregorio semper adhæserunt; qui videlicet sive Legatus apostolicæ Sedis, sive postea Episcopus, tanti fecit Monachos, ut eos in mensa convictores, in operibus adjutores, consiliorum participes, & vitæ testes; pene dixerim moderatores & arbitros semper habere voluerit. Huic Monachorum cœtui cum

Gre-

Gregorio in Regia hospitanti frequens intererat S. Leander, monasticæ quoque vitæ cultor, de quo fusius postea erit agendum.

IV.  
Quæ ab eo  
Constanti-  
nopolitani  
gesta.

Quæ gesserit apud Tiberium Constantinum Augustum Gregorius, non narrant Scriptores; ipse quoque ab omni jactantia prorsus alienus humili obruit silentio. Duo tunc erant quæ præcipue Romanam Ecclesiam totamque vexabant Italiam, schisma scilicet ob tria capitula conflatum, & Langobardorum bellum. De schismate sopiendo, revocandisque ad Ecclesiæ sinum schismaticis, quam sollicitus fuerit Pelagius, testantur ejus Epistolæ brevia nobis commemorandæ. Nec minori zelo id prosecutus est noster Gregorius, quod etiam ex ipsius Epistolis aliisque monumentis liquet; unde satis intelligitur frequenter sapientissimum Legatum apud Imperatorem egisse, ut tanto scandalo, tam fœdæ scissioni, tam gravi vulnere remedium afferret.

Magna sane spes assulserat schismatis extinguendi, cum Tiberius pius Imperator, Ecclesiasticæ pacis amantissimus, ad Reipublicæ clavum solus Justino mortuo sedere cœperat, maxime vero Langobardos ab ipso tota ex Italia pellendos sibi Romani pollicebantur, post plurimas et præclaras quas de Persis reportarat victorias. Tunc excussoregiæ potestatis jugo Langobardi triginta sex ducibus obtemperabant, qui sibi partiti erant quas occupaverant civitates. Ab illis autem tyrannis toto decennio spoliatas Ecclesias, Sacerdotes interfectos, urbes everfas, populosque qui more segetum excreverant, excisos narrat Paulus Diaconus. Hujus interregni et veluti anarchiæ tempore, anno circiter 579. aut 580. Casinense monasterium tota Italia celeberrimum, a barbaris direptum et dirutum est.

a Cum tot clades a Langobardis

pateretur Italia, gravioresque Romæ impenderent, Pelagius Papa opportunum esse tempus liberandæ patriæ exillimavit, quando tot in partes tot in duces divisa barbaræ gentis potestas imminuta videbatur. Ea de causa non solum ad Gregorium scripsit illam quam refert Johannes Diaconus Epistolam, ut quantocius missis, pecunia, duce peritissimo, & copiis, periclitanti Romanæ Reipublicæ subveniretur; sed etiam Aunacharium Episcopum Antisiodorenses, qui erat Regibus Francorum a consiliis, admonuit, ut ea qua pollebat apud eos auctoritate, Ecclesiæ Romanæ et Italiæ, unde Galliis fidei lumen affulserat, suppetias ferri procuraret; deterreretque pios principes, quibus una cum Romanis erat fides, ab omni fœdere cum Langobardis ineundo. Epistola Pelagii legitur data anno septimo imperii Tiberii, ubi necesse est ejus imperii tempus computari antequam solus imperaret. Non multo post Childebertus Rex bellum cum Langobardis qui jam sæpe in Gallias irruerant, feliciter gessit, litteris Pelagii motus, ut par est credere. Quod vero spectat ad Tiberium Augustum, aliis bellis curisque distentus, parum de recuperanda Italia, aut etiam Roma conservanda cogitavit; adeo ut solis piorum, maxime vero ancillarum Dei precibus & sanctorum Apostolorum protectione, tunc & postea Urbs stetisse videatur.

Nihil autem utilius Reipublicæ christianæ præstitit Gregorius Constantinopoli agens, quam cum nascentem Eutychii Constantinop. Patriarchæ hæresim de impalpabili Sanctorum corpore post resurrectionem, oppressit. Integram de hac quæstione concertationem refert ipse libro XIV. Moralium a num. 72. ad 75. unde transcripta apud Johannem Diaconum legitur lib. I. c. 29. Gregorio vi-

V.  
De pellendis  
Langobardis,  
Pelagii  
solicitudine.

Lib. I. c. 32.

Tom. V. Conc.  
Ep. 4.

VI.  
Eutychii  
novam hæ-  
resim Gre-  
gorius op-  
primit.

Lib. 2. hist.  
Langob. c. 17.



Storia cessit; at victoriæ fructus Eutychio, qui errorem ante mortem paulo post secutam ejuravit. Gregorii doctrinam Tiberius August. calculo suo comprobavit, deliberavitque de libro Eutychii flammis abolendo. Eutychio subrogatus est invitatus & reluctans Johannes, cognomento jejunator.

<sup>a</sup> Utrum vero jam tum Gregorius cum Johanne decertaverit, pro cœcumenici titulo quem usurparat, nos latet. Testatur quidem Ep. 68. libri ix. Johannem in Synodo superbum hoc vocabulum usurpasse, ac Pelagium suum decessorem hujus Synodi gesta irritasse, atque adhibita prius in eum *districissima increpatione*, prohibuisse ne suus Diaconus seu Apocrisiarius cum Johanne procederet, hoc est in sacrorum celebratione communicaret. At quis esset ille Diaconus, Gregorius, an qui ei successit Laurentius, silentio præterit. Si tamen de se loqui voluisset, quare non dixisset, sibi a Pelagio præceptum non procedere cum Johanne? alium ergo a se designare videtur.

Cum legamus apud Gregorium concertationi cum Eutychio Tiberium Imperatorem interfuisse, constanterque asseverent melioris notæ chronographi & historici ipsius mortem contigisse mense Augusto anni 582. inde novum eruitur argumentum contra Baronii opinionem de monastica vita tardius a S. Gregorio suscepta, hoc est vel an. 582. vel 581. quo eum adhuc præturam gessisse contendit. Nostram chronologiam confirmat Gregorius Turon. qui scribit anno octavo Childeberti Regis, Mauricium imperare cœpisse, hoc est an. 582. Nam Sigeberto patre occiso successit Childebertus an. 575. & ejus regni annus decimus quintus scilicet absolutus, teste

eodem scriptore, convenit cum an. 590. Accedit venerabilis Bedæ auctoritas. Nam lib. i. c. 23. Eccl. hist. Anno, inquit, ab incarnatione Domini quinquagesimo octogesimo secundo, Mauricius ab Augusto quinquagesimus quartus, Imperium suscipiens, uno & viginti annis tenuit; nimirum viginti annis integris & uno incoato. Hac ratione temporum tam inconcussis fundamentis stabilita, interrogare liceat chronologiæ Baronianæ propugnatores, qui possit intelligi Gregorium adhuc laicum & Prætorem fuisse anno 581. postea Monachum induisse, deinde avulsam a monasterio, in quo se diu vixisse passim asserit, Diaconum factum, mox Constantinopolim missum, ibique cum Eutychio Patriarcha disputasse, saltem mense Aprili an. 582. quandoquidem constat, ut fatetur Baronius, Eutychii obitum, teste Eustathio, qui præfens aderat, antecessisse quatuor mensibus Tiberii Imperatoris mortem, qui ut diximus, e vita migravit mense Augusto an. 582.? sed de his satis.

Eodem tempore quo in urbe regia commorabatur Gregorius, rumor invaluit de nova hæresi, sed ut suspicatur ipse Gregorius, imaginaria: de qua agit Epistola 45. libri xi. Illius sectatores dicebantur *sub obtentu religionis conjugia solvere*, & docere quod *baptisma peccata penitus non auferat*. Et si de iniquitatibus suis quis in triennium penitentiam ageret, postmodum ei *perversè vivere liceret*. Sed teste conscientia, inquit Gregorius, fateor nunquam in eis aliquid erroris, aliquid pravitatis, aliquid de his quæ contra eos dicebantur inveni. Unde & eos, opinione contemta, familiariter suscipere, & magis ab insequentibus defendere curabam; quo exemplo docemur quomodo cum his qui de falso dogmate

IX.  
De nova alia  
hæresi fama. Quid  
de illa senserit Gregorius.

a Vide de Castro nota (33).

Tom. XVI.

te gratis infamantur, sit agendum.

X.  
Libros Mo-  
ral. elucu-  
brat hortan-  
te S. Leand-  
ro.

a

Quidquid temporis a negotiis vacabat, illud sacræ Scripturæ legendæ, piisque studiis impendebatur. Tunc a Leander Episcopus Hispalensis legatione & ipse fungens apud Imperatorem, auctor fuit Gregorio exponendi libri Job. Inter præstantissimos illos viros magnam necessitudinem adstrinxerat vitæ monasticæ communis utrique professio, par fere morum sanctitas, eadem studia. De legatione S. Leandri apud Imperatorem pro Hermenegildo Vvisigothorum Rege in Hispania consulendi Hispanici scriptores; & legendum caput 31. libri III. Dialog. Amicissimi viri, necnon fratrum suorum precibus cedere coactus Gregorius, ad referenda tanta profunditatis mysteria, quæ in libro Job latent sese accinxit, certus, inquit, quia impossibile esse non poterat, quod de fraternis cordibus caritas imperabat. Verum de hoc opere quod Leandro nuncupavit sanctus Doctor, legere juvat quæ de ipso præfatur, & admonitionem quam eidem præmisimus.

XI.  
Præcipui-  
us amic-  
ex aula.

Præter S. Leandrum Gregorius multos alios amicos in urbe regia sibi comparavit, in his præcipue Domitianum Mauricii Augusti consanguineum Melitinæ Episcopum, de quo infra, Theodistam ejusdem Imperatoris sororem; Narsen Patricium bellis contra Persas feliciter gestis celeberrimum, quem re non satis perspecta, Baronius eundem esse putavit, qui post multas de Gothis reportatas in Italia victorias, tam præclare gesta invitatis postea Langobardis ad Italiæ direptionem, ulciscendæ privatæ injuriæ gratia, fœdavit & deturpavit. Alios omittimus de quibus in historia Pontificatus Gregorii frequens occurret mentio. Et ut paucis absolvamus, multorum quidem sa-

miliaritatem & amicitiam; omnium vero amorem & existimationem est consecutus. At silentio præterire non possumus quod Gregorius Turonensis refert, sanctum Diaconum filium Mauricii Augusti (haud dubie natu majorem) ex lavacro sacro suscepisse, dum Constantinopoli adhuc moraretur: quod quantum ei fuerit perhonorificum nullus est qui non intelligat.

L. b. 10. c. 1.  
Filium Imperatoris ex sacro fonte suscipit.

Ex hoc Gregorii historici testimonio possumus facilius statuere quo anno vir sanctissimus Romam redierit. Mauricius non prius Constantinam Tiberii Augusti filiam duxit, quam fieret Imperator: sed simul & uxorem, & dotis nomine imperium accepit, anno scilicet 582. mense Augusto ut jam supra demonstravimus. Itaque nasci ei non potuit filius, nisi anno sequenti mense Aprilii aut Maio. Ex iis evidenter probatur Gregorium ex urbe regia prius non discessisse. At ex Epistola Pelagii ad eum scripta quam profert Johannes Diaconus, lib. 1. c. 32. multo longior mora colligitur: nam data legitur hæc Epistola mense Octobri Indict. III. proindeque anno 584. Neque vero hoc anno Constantinopoli discessit Gregorius, quia Maximianum laudata epistola revocatum, ut supra diximus, & hoc anno vel etiam sequenti Constantinopoli profectum, reditum Gregorii antecessisse manifestum est ex libro III. Dialog. c. 36. Hæc quomodo stare possint cum sententia Baronii & b Bini fati non video, quibus placet, statim postquam Mauricius renuntiatus est Imperator, quod contigisse mense Aug. anno 592. jam ostendimus, Laurentium fuisse a Pelagio missum ut in Apocrisiarii officio succederet.

XII.  
Quamdiu in urbe regia manserit.

Diuturnioris mansionis in urbe regia probationem adhuc suppeditat in-

a De S. Leandro lege Annales Benedict. Mabil. lib. vi. num. 64 & Nicolaum Antonium in Bibliotheca vet. Hispan.

b In notis ad Ep. Pelagii II. inter Concilia.



ingens Moraliū volumen hac in urbe a Gregorio elucubrātum , cui plures anni , maxime tot inter negotia vix potuerunt sufficere . Neque vero S. Leander , neque Gregorii fratres & sodales , eum ad opus illud aggrediendum hortati essent , si Constantinopoli tam brevem moram , ut placet Baronio , fuisset facturus .

<sup>a</sup> Jam vero de reddendo Romæ Gregorio cogitemus , & quem abeuntem comitati sumus , redeuntem prosequamur . Rediit autem magnis muneribus , nimirum sanctissimis reliquiis ditatus , scilicet brachio S. Andreæ Apostoli , & capite S. Lucæ , quæ sacra pignora ab Imperatore impetrata in suo Romano monasterio collocavit ; ut refert Baronius ex priori pagina Vaticanæ cod. signati numero 153. Neque huic narrationi contrarium est quod dicit ipse Gregorius lib. iv. Ep. 30. ad Constantinam Augustam , *consuetudinem non esse , ut quando sanctorum reliquiæ dantur , quidquam de corpore tangere præsumatur* ; nam loquitur de Romanorum & Latinorum , non vero Græcorum more & consuetudine . Italix quoque reportavit ab Mauricio Augusto spem proximi auxilii , quod brevi adfuit duce Smaragdo Exarcho Longini successore . Si tamen quis contendat Smaragdum Gregorii reditum prævenisse , de re tam incerta minime pugnabo ; neque enim expeditum est certo assignare quod tempore Gregorius repatriaverit . Id vero constat ejus precibus & sollicitationibus impetratum hoc subsidium . Cæterum ex Epistola I. Pelagii ad Eliam Aquilejensem Episcopum , discimus quid Italix præstiterit Smaragdi adventus : gratulatur enim summus Pontifex , quod per labores atque sollicitudinem excellentissimi filii Smaragdi Exarchi & Chartularii sacri

palatii , pacem & quietem Deus donare dignatus sit .

## C A P U T VI.

- I. S. Gregorius monasterii sui fit Abbas . II. Pelagius eum sibi adiutorem adhibet scribendis Epistolis . III. Argumentum prioris Epistolæ ad Eliam scriptæ contra schisma . IV. De secunda ad eundem Eliam Epistola . V. De tertia . VI. Schisma fiste ejurant quidam Episcopi . VII. S. Gregorius libros Moraliū retractat .

**R**OMAM reversus Gregorius , in monasteriū sui portum , urbis aulæque tumultum exosus , iterum se recepit , ubi Abbatis officium rogantibus , immo cogentibus fratribus exercuit . Quod in monasterio post reditum & ante suam ad Pontificatum assumptionem habitaverit & præfuerit , dubitare non sinit ipse Gregorius narrans lib. iv. Dialog. cap. 55. infelicem Justii Andreani Monachi mortem , quam dicit contigisse ante triennium , hoc est paulo antequam apostolicam cathedram ascenderet . Ex hoc loco liquet hunc Monachum medicinali arte imbutum , Gregorio in eodem S. Andreæ monasterio constituto , sedulo obsequi atque in assiduis ejus agritudinibus excubare solitum . Cum Justus morti proximus deprehensus fuisset reus occultatæ pecuniæ , mox ut tantum malum Gregorio nuntiatum est , id æquanimiter ferre non valuit . Statimque violatæ regulæ monasterii vindex , quia Abbas , cogitare cepit vel quid ad purgationem morientis faceret , vel quid ad exemplum viventibus fratribus provideret . Pretioso igitur ejusdem monasterii Præposito accersito , jubet ut curet a rei consortio fratres omnes

D 2. rece-

<sup>a</sup> Vide de Castro nota (bb).

<sup>b</sup> Assumpto nuper ad Syracusanum Epi-

scopatū S. Maximiano S. Andreæ Abbate .

XIII.  
Romam re-  
dit sacris  
reliquiis di-  
tatur .

Ad an. 526.  
num. 24.

I.  
S. Gregorius  
monasterii  
sui fit Ab-  
bas .

b

recedere. Præcipit quoque mortuo etsi in extremis pœnitenti stercorariam parari sepulturam, et super ejus cadaver tres occultatos aureos projici, fratribus clamantibus: *Pecunia tua tecum sit in perditione*. Tandem quia Justus piaculi pœnitens diem extremum clauserat, procurat ut Pretiosus Præpositus *per triginta dies continuos pro ipsius absolutione a sacrificium offerat*. Quantum sapientissimi Abbatis severitas Justo cæterisque fratribus profuerit, lege aut in laudato Dialogorum libro, aut apud Johannem Diaconum. Quæ apud eundem leguntur de largis eleemosynis a Gregorio factis dum in monasterio degeret, probant quoque eum tunc monasterio præfuisse; alioquin non *præcepisset* <sup>b</sup> Vestiarario, ut tot daret *numismata*. Postea multa refert Johannes Diaconus quæ Gregorio Abbatis loco sedente contigisse testatur: qualia sunt miracula & signa quibus Deus quosdam Monachos aut fugientes, aut de fuga cogitantes, aut alterius noxæ reos terruit, & ad saniolem mentem revocavit. Sed fallitur hic scriptor, quandoquidem ipsemet Gregorius scribens ad Rusticianam Ep. 44. libri XI. eadem commemorat, aitque ea sibi narrata fuisse ab Abbate & a Præposito hujus monasterii. Verum quid indigemus aliunde quæstis argumentis, cum ipse Gregorius coram Synodo diserte professus sit se olim rexisse monasterium, his verbis: *Quam sit necessarium monasteriorum quieti conspiciere . . . antea actum nos officium, quod in regimine monasterii exhibuimus informat?*

Concil. 117.  
seu Later.  
sub S. Greg.

II.  
Pelagius

<sup>a</sup> De sacrificio pro defunctis offerri solito jam diximus in notis ad libri IV. Dialog. caput 55.

<sup>b</sup> Sic Johannes vocat Monachum vestiararii custodiæ præpositum. Porro in chronico Cassinensi lib. I. c. 25. Vestiarium appellatur locus ubi etiam pecunia servabatur. Proprie

men iis prorsus frui non licuit, aut ab omnibus penitus Ecclesiasticis negotiis feriari. Nam ut olim Hieronymus S. Damaso Papæ, Prosper S. Leoni Magno, sic ille Pelagio Juniori in scribendis Epistolis adjutor fuit. Ita sensit Baronius: & sane ipsi tribuit Paulus Vvarnefridi lib. III. de gestis Langobardorum, *satis utilem Epistolam* a Pelagio Papa Eliæ Aquilejensi Episcopo missam, *quam*, inquit, *beatus Gregorius, cum adhuc esset Diaconus scripsit*. Tres editæ sunt tum a Baronio, tum a Conciliorum collectoribus Pelagii II. Epistolæ, *ad Eliam & ad alios Istriae Ecclesiae Episcopos & filios*, pro trium capitulorum causa tumultuantes. <sup>c</sup> Unum est trium illarum Epistolarum argumentum, unus scopus, stilus plane non absimilis; proindeque idem omnium scriptor Gregorius, a quo unam saltem scriptam esse Pauli constat testimonio. Adde quod his in Epistolis quas Gregorius jam Pontifex factus ad eosdem schismaticos scripsit, vel ad alios quos in condemnatione trium capitulorum hærrere noverat; eadem pro pacis hostibus caritas ferveat, pro anxiiis & scrupulosis eadem indulgentia elucescat. Et de iis quidem postea fusius; nunc autem paucis exponendum quid tribus Epistolis nomine Pelagii II. scriptis potissimum contineatur.

In prima præfatur piissimus Pater *de viscerum suorum divisione*, nimirum de schismate Ecclesiam scindente, *se non sine gravi fletu doluisse*; ad pacem dissidentes cum lacrymis adhortatur. Vacillantibus in fide, Petri fidem indeficientem opponit; tubantibus, Sedis Petri firmitatem, contra quam portæ inferi prævalere non

vestiarium est locus ubi vestes sacræ & vasa ad altaris ministerium aliaque pretiosa reposta custodiebantur; qui cum esset tutior, forte aliquando ad pecuniam asservandam delibebatur.

<sup>c</sup> Has epist. & cætero huc pertinentia, vide in Append. ad Reg. Epist. E. V.

eum sibi adhibet adjutorem scribendis Epistolis.  
Ad an. 526.  
num. 26.  
cap. 10.

III.  
Argumentum prioris Epistolæ, ad Eliam scriptæ contra schisma.



non possint. Cæterum ut omnem præscindat sese calumniandi occasionem, profitetur amplecti quæ ab Apostolis eorumque successoribus tradita sunt, & in quatuor œcumenicis Conciliis explanata & confirmata, maxime in Synodo Chalcedonensi, cujus auctoritatem pulsari & labefactari, trium capitulorum damnatione in quinto post Concilio conclamata schismatici querebantur. Si tamen hæc ad compescendum scandalum sufficere non videantur, rogat eos ut manentes in unitatis caritate eligant transmittantque aliquos e fratribus, ad proponendas & componendas pacifice quæstiones omnes. *Et parati sumus, inquit bonus ille Pastor ovibus errantibus compatiens, secundum præceptionem Apostolicam, et cum caritate eos suscipere, et cum humilitate ad placita satisfactionis reddere rationem; & si sine aliquo impedimento, cum omnidilectione, quando reverti voluerit, voluntate sincerissima, relegare.*

2. Petri 3.

IV.  
De secunda  
ad eundem  
Eliam Epi  
stola.

2. Tim. 2. 7.

Ut ad hanc Epistolam responderent schismatici, *Scripta diversis infecta contagiis direxerunt*, quibus Patrum testimonia incongrua & ad causam non pertinentia inferuerunt, ordine ita turbato, ut quod scriptum nomine alterius fuerat, alterius nominis titulo promeretur, uti observat Pelagius in Ep. 2. ad Eliam ejusque symmyctas, unde ipsis hæc ab Apostolo dicta tribuit: *Nescientes neque de quibus dicunt, neque de quibus affirmant.* Itaque ut veris & genuinis falsa et supposititia destrueret, Pelagius curavit schismaticorum legatis ex antiquis *Polyptycis scrinii sanctæ Sedis Apostolicæ* sincera Synodorum acta exhiberi: ipsosque secunda sua Epistola vehementer est cohortatus ad caritatem & unitatem, cujus scissio culpa est ita inextinguibilis, ut ne martyrio quidem purgetur. Postremo invitat eos ad collationem Romæ per legatos habendam;

aut si locorum obstitent intervalla, rogat ut apud Ravennatensem urbem Istriæ finitimam conveniant, quo se Legatos missurum pollicetur, qui vice sui Synodo intersint.

Irrita fuit vigilantissimi Pastoris sollicitudo cura que erga oves extra Ecclesiæ septa & pascua vagantes. Utque suam in schismate pertinaciam tuerentur, pro defensione damnatorum in V. Synodo trium capitulorum, apologiam evulgarunt: ad quam refellendam Pelagius, Gregorii opera rursus usus, tertiam scripsit Epistolam, quam ipse Gregorius librum appellat. Ex hac Epistola intelligimus conjuratos Istriæ vicinarumque regionum Episcopos, eo insaniæ provectos, ut summo Pontifici tam præclara humilitatis & caritatis exempla præbenti, *deliberata* Lib. II. Ep. 51. *judicii sententia imperarent*, a trium capitulorum damnatione resiliere. De hac perduellione gemit Pelagius, dolentque oves extra caulas, leonis rugientis moribus patere, palmites a vite rescissos exsiccare & ad combustionem præparari, operarios extra vineam laborantes & defudantes mercede carere; novo diluvio mundum obruente vesanos homines arcam fugere. Ut autem satisficiat omnibus quæ obruderant schismatici, primum sigillatim expendit ea quibus abutebantur S. Leonis Papæ pro Concilio Chalcedonensi testimonia, quæ soli fidei definitioni favere ostendit; at de ea non agi, sed de personis, ut etiam in superiori Epistola luculenter probatum est, contendit. Deinde nodum solvit quem ex Vigiliis Papæ aliorumque Latinorum Episcoporum reluctancia adstringebant; qui scilicet prius damnationi trium capitulorum consentire constantissime recusarant. Ait nimirum Latinos linguæ Græcæ minus peritos, errores in Theodoriti, Theodori & Ibas scriptis latentes statim non potuisse detegere; quibus tandem cognitis eorum

V.  
De tertia.

rum condemnationi ultro subscripserunt; & prius acta retractarunt. Cæterum mirum non esse Petri successorem, in sententia variasse, cum ipse Petrus qui prius restitit ne ad fidem gentes sancta Ecclesia sine circumcisione reciperet, postea Paulo reprehendenti cessit, & obstitit ne iugum Mosaicæ legis gentilibus imponeretur. Denique Pelagius multa ex Theodori Mopsuesteni scriptis profert in Christum impiissima, multa quoque ex Ibæ Epistola, quibus palam fit quanta pertinacia Nestorio adhæserit, & in S. Cyrillum impii Nestorii adversarium exarserit; unde manifestum est eorum scripta vel hæretica, vel hæresi faventia, non immerito fuisse damnata. Ad Theodorum quod spectat, hæc ait Pelagius: *Neque Theodoriti omnia scripta damnamus, sed sola quæ contra duodecim Cyrilli capitula, solæ quæ contra rectam fidem aliquando scripsisse monstratur, quæ tamen & ipse damnasse cognoscitur.*

Digna fane est hæc Epistola, quæ ex integro legatur. Nemo autem legens, nisi in S. Gregorii scriptis peregrinus, dubitare poterit, an sit ipsius fetus; quippe sapit Gregorianam phrasim, & explicandæ sacræ Scripturæ methodum. Idem sit de duabus aliis criterium. Hinc eas hoc loco inferendas, aliqua saltem ex parte judicavimus.

His armis cum expugnari non potuissent schismatici pertinaces, Smaragdus Patricius veniens de Ravenna in Gradum, per semetipsum e basilica extrahens Severum Aquilejensem seu Gradensem Episcopum, Ravennam cum injuria duxit, cum aliis tribus Episcopis. (Verba sunt Pauli Vvarnefridi in historia Langobardorum) quibus comminans exilia, atque violentiam inferens, communicare compulit Johanni Ravennati. . . . Exaësto vero anno ex Ravenna Gra-

dum reversi sunt, quibus nec plebs communicare voluit, nec ceteri Episcopi eos susceperunt. Severum incorporatum fuisse in unitatem Ecclesiæ quam postea deseruit, testatur S. Gregorius lib. 1: Ep. 16. ad eundem scripta.

Eo tempore cum paulo liberiori otio frueretur, suam in Job expositionem ad limam revocavit, multa augens, pauca subtrahens, ut ipse ait in prævia ad illos libros Epistola, ubi lege cætera, quæ in hac veluti secunda Moraliū editione præstitit. Sed amicam illam quietem turbavit pestis gravissima quæ Romam Italiamque devastavit, & Pelagium summum Pontificem interemit; cuius loco Gregorius electus est. De his nunc morosius est agendum.

VII.  
S. Gregorius  
libros Mo-  
rali tetra-  
stat.

## C A P U T VII.

I. Tiberis exundatio. II. Mala inde subsecuta. In his pestis. Pelagius 539. & 590.  
peste sublato, Gregorius in ejus locum eligitur. Petitur Imperatoris consensus. III. Jure an injuria. IV. Num ad consensum impetrandum soluta pecunia. V. Acris delevit pestis: Gregorius Romanos ad penitentiam hortatur. VI. Indicit publicas supplicationes. VII. Qua auctoritate. VIII. Fugit & latebras querit. Indicio columnæ fulgidæ agnoscitur.

<sup>a</sup> Anno octogesimo nono supra quingentesimum, mense nono seu Novembris tanta inundatione Tiberis fluvius urbem Romam obtexit, ut ædes antiquæ diruerentur; horrea etiam Ecclesiæ subversa sint, in quibus nonnulla millia modiorum tritici perire, inquit primus rerum Francicarum scriptor; observatque id contigisse anno xiv. Childeberti Regis; quod de anno hoc non incoato, sed completo intelligendum est.

Nam

VI.  
Schisma fide  
de ejuranti  
quidam E-  
piscopi.  
Lib. 111. c.  
12.

a  
I.  
Tiberis ex-  
undatio.  
Greg. Tur.  
lib. 10. c. 1.



a Nam eodem Gregorio historico teste, medio mense <sup>a</sup> undecimo sequenti, hoc est Januario, Pelagius Papa peste percussus est. *Et quia Ecclesia Dei absque Rectore esse non poterat Gregorium Diaconum plebs omnis elegit*. Gregorium ordinatum esse mense Septembri anni 590. nemo diffitetur. At si decimo quarto anno Childeberti tantum incoato, Pelagius peste correptus interiisset, hoc est anno 588. per viginti menses vacasset Sedes Romana, scilicet a Januario anni 588. usque ad ordinationem S. Gregorii mense Septembri an. 590. tamdiu autem Romanam, immo totam Ecclesiam sine Pastore tunc fuisse nullus ex historiæ scriptoribus litteris consignavit. Itaque inundatio de qua Gregorius Turonensis, accidit mense Novembri an. 589. Januario sequenti pestilentia Pelagium Papam abstulit. Paulo post electus est Gregorius in summum Pontificem. Verum cum reluctaretur, expectandusque foret Imperatoris consensus, ejus ordinatio citius quam ineunte mense Septembri proximo non potuit impleri. His certis terminis definienda fuit & stabilienda chronologia, antequam cætera quæ vel præcesserunt Gregorii electionem, vel subsequuta sunt, prosequeremur.

Inundationis Tiberis meminit ipse Gregorius lib. III. Dialog. cap. 19. his verbis: *Ante hoc fere quinquennium, quando apud hanc Romanam urbem alveum suum Tiberis egressus est, tantum crescens ut ejus unda super muros Urbis influeret, atque inde jam maximas regiones occuparet, apud Veronensem urbem fluvius Athesis excrescens, ad beati Zenonis martyris atque pontificis ecclesiam venit*. Hæc magis ac magis confirmant stabilitam a nobis chronologiam. Gregorius enim scripsit Dialogos an. 593.

<sup>a</sup> Cum hic legis Januarium esse anni undecimum mensem, intellige Gregorium Tu-

ron qui erat fere quintus, hoc est quintus incoatus ab anno 589. Tiberis inflatio jam antea Romæ non semel exitialis fuerat, videratque suis temporibus Horatius:

*Tibcrim retortis.*

*Littore Etrusco violenter undis*

*Ire dejectum monumenta Regis,*

*Templaque Vestæ.* lib. 1. od. 2.

Inter maximas autem Urbis & orbis clades hujus fluminis exundatio censebatur. Unde Tertullianus Apologetici. c. 40. *Si Tiberis, inquit, ascendit ad mœnia, si Nilus non ascendit in arva; si calumstet, si terra movit; si fames, si lues; statim Christianos ad leonem; quasi tot calamitatum suis flagitiis provocatores & auctores.*

Quanta mala intulerit hæc Tiberis prope immensa effusio, narrat Gregorius Francicus his verbis: *Multitudo etiam serpentium cum magno dracone in modum trabis valida, per hujus fluvii alveum in mare descendit: sed suffocata bestie, inter salsos maris turbidi fluctus littori ejectæ sunt. Subsecuta est de vestigio clades quam inguinariam vocant*. Primus omnium hoc flagello percussus interiit Pelagius Papa, eodem Gregorio teste, juxta illud quod in Ezechiele Propheta legitur: *A san-* II. Mala ex ea subsequuta in his pestis. Ezech. 9. 6. *tuario meo incipite*. Mox subsequuta est magna populi strages. In tanta ergo calamitate populus Romanus ad Gregorium confugit, eumque in summum Pontificem elegit. *At ille hunc apicem attentius fugere tentans, ne quod prius abjecerat, rursus ei in seculo de adepto honore instantia quadam subreperet*, Mauricium Augustum, cujus filium ex sacro fonte susceperat, confestim supplicibus litteris oravit, ut consensum eligenti populo seque ad Episcopatum deposcenti denegaret. Scripsisse quoque ad Johannem Constantinopolitanum Pa-

Pelagio peste sublati, Gregorius in ejus locum eligitur.

ron annum non incoasse a Januario, sed a Martio.

Patriarcham, ut Imperatori apud quem gratia plurimum pollebat, rescindendæ hujus electionis suasor & auctor esset, conjicitur ex Epistola 4. libri 1. in qua cum ipso expostulat, quod ne ad Episcopatum eveheretur minime obstiterit. Sed Præfectus urbis Romæ <sup>a</sup> germanus ejus, præoccupato nuntio, misit ad Imperatorem solemne electionis decretum. Mauricius Deo gratias agens, quod Diaconus sibi amicitia conjunctissimus, ad tanti honoris culmen populi suffragiis fuisset vocatus, dato ex more præcepto, jussit eum institui & ordinari. Hæc ex Gregorio historico excerpta, quæ ipse ab oculato teste Turonensis Ecclesiæ Diacono (quippe qui tunc Romæ ageret) didicerat. Inter optimates qui ad electionem Gregorii suis suffragiis & fortasse consiliis auctoritateque plurimum contulerunt, præcipuam laudem meruerunt Johannes Exconsul & Quæstor vir Patriciæ nobilitatis, necnon Philippus Excubitorum comes, de quibus eam ob rem queritur Epistolis 31. & 32. libri 1.

Gregorius solummodo Diaconum fuisse cum ad Pontificatum evectus est, ex hoc alterius Gregorii testimonio liquet. Neque vero legimus eum <sup>b</sup> Presbyteratu donatum, antequam in Pontificem ungeretur & consecraretur; quod hodiernis quidem moribus adversari haud diffitemur; sed non ita fortasse antiquis.

Nonnullorum quoque mentem haud dubie pulsabit, quod narrat laudatus scriptor, de petito & expectato Imperatoris consensu, antequam Gregorius electus ordinaretur. Sed a Regum Gothorum Italiam obtinentium saltem temporibus usurpatum erat, ut electus Papa non se-

deret nisi accedente prius Principis confirmatione. Huic juri vel injuriæ quæsitus hic color, quod cum summi Pontificis electio, non solum ad clerum, sed etiam ad Senatum populumque Romanum tunc spectaret, citra auctoritatem Imperatoris aut Principis, qui Senatus populique caput erat, stare non deberet. Neque vero Gregorius, qui sacrum <sup>c</sup> sibi ministerium ab Imperatore commissum agnoscebat, hunc morem usquam damnare visus est, aut improbasse. Nam quod affert Baronius ut displicuisse sanctissimo Pontifici morem hunc ostendat, id ex spurio vel saltem dubio commentarii in <sup>d</sup> Psalmos Pœnitentiales loco depromsit. Restituto in Occidente Imperio, Carolus Magnus ejusque posterum, hoc jure confirmandi summi Pontificis, nullo repugnante, potiti sunt, ut ex Anastasio Ecclesiæ Romanæ Bibliothecario, & ex aliis passim non iniquis erga Sedem Apostolicam scriptoribus constat.

Idem <sup>e</sup> Eminentissimus Cardinalis existimat Mauricii consensum in Gregorii electionem soluta pecunia comparatum fuisse; quod nescio an in hujus aut inferioris ævi scripto aliquo legatur. Querela enim de sponsa Christi captiva facta & tributo subdita, quæ profertur ex commentario in Psalmos pœnitentiales neque id significat, neque extra suspicionem interpolationis & suppositionis est. Non me fugit Athalaricum Arianum aliquando imperasse tria solidorum millia pro confirmatione *Apostolici Pontificis*, & duo millia pro confirmanda aliorum Patriarcharum, hoc est Metropolitanorum electione; sed Catholicos Principes, liberata a Gotho Italia, idem exegisse, aut Gregorium ab

petitur consensus Imperatoris.

Lib. 1. Ep. 5.

IV.  
Num. ad  
consensum  
impetrandum soluta  
pecunia.  
Cassiod. lib.  
ix. Ep. 5.  
e

<sup>a</sup> Aliqui legunt apud Gregor. Turon. *Præfectus Urbis Germanus*, ejus &c. minimæ rati referendum esse ejus ad Germanum. S. Gregorium fratrem seu germanum habuisse jam supra ostendimus c. 1. num. 5.

<sup>b</sup> Lege notas ad Ep. 34. lib. x.

<sup>c</sup> Qui virtutis ministerium infirmo commisit.

<sup>d</sup> Vide censuram nostram de hoc Commentario.

<sup>e</sup> Ad an. 590, num. v.



ab hujusmodi simoniaca pecuniæ pen-  
satione non abhorruisse nusquam  
sibi persuadere poterit, qui legerit  
ejus epistolas quamplurimas contra  
simoniacam hæresim scriptas. Præter-  
ea Rex Arianus pecuniam persolvi  
non jubet, nisi cum de electione aut  
ordinatione Præfulum, *ad palatium  
producta fuerit altercatio populorum.*

a At in electione Gregorii mirus  
fuit populorum consensus. Addo in-  
super obscurum esse locum hunc ex  
rescripto ad Johannem Papam quæ-  
situm, quandoquidem in eo Rex con-  
tra simoniacos, sive qui dant sive  
qui accipiunt, saluberrima promul-  
gat decreta.

V.  
Acrius de-  
favir pestis.

Interea dum expectaretur Augusti  
responsio & assensus, in dies auge-  
batur pestilentia, Romaque conti-  
nuis funeribus devastabatur. Ab hac  
lue immune non fuit S. Andreæ cœ-  
nobium; tuncque enituit maxime fra-  
trum omnium sollicitudo & caritas  
erga Theodorum adolescentem hoc  
morbo correptum, & ad extrema  
perductum; quem eorum orationibus  
a duplici morte animæ scilicet ac cor-  
poris liberatum refert Gregorius tum  
homil. 19. & 38. in Evangelia, tum  
lib. iv. Dialog. c. 38.

Gregorius  
Romanos ad  
penitentiam  
hortatur.

Aberat tunc a monasterio sanctus  
Pater, procurandis afflictæ civitati  
solatiis totus incumbens. Ut autem  
pene jam despondentes animum Ro-  
manos spe in Deum erigeret, atque  
ad pœnitentiam tot inter flagella vel  
invitos provocaret, concionem ad  
populum habuit, dignam sane quam  
litteris consignaverit Gregorius Tu-  
ronensis. Ejusdem meminerunt Pau-

Tom. I. col.  
1660.

a Eodem sensu debet intelligi Justiniani  
jussio de qua Baronius ad an. 554. num. 1.  
& 2. & quod legitur apud Anastasium Bi-  
blioth. in Agathone: *Hic suscepit divalentem  
jussionem* ( Imperatoris constitutionem ) *per  
quam relevata est quantitas, qua solita erat  
dari pro ordinatione Pontificis facienda, sic  
tamen, ut si post ejus transitum contingerit  
electionem fieri, non debeant ordinari qui etc.*

Tom. XVI.

lus & Johannes Diaconi, necnon alii  
quamplurimi. In prioribus editis legi-  
tur habita Indictione sexta, cujus  
loco potius legendum, *Indictione viii.*  
Constat enim Gregorium incipiente  
Indictione nona fuisse ordinatum.  
Erroris causa fuit, quod hæc oratio  
libro Epistolarum olim xi. nunc XIII.  
fuerit præmissa, cujus videlicet libri  
Indictio est sexta. b Nec minus men-  
dose assignatur dies quarta Kalend.  
Septembris.

Post concionem S. Gregorius pu-  
blicas supplicationes seu litanias in-  
dixit, præcepitque ut convenientes  
ad septem designatas in totidem Ur-  
bris regionibus basilicas, omnes Cle-  
rici, Monachi, sacræ Virgines, in-  
fantes, laici, viduæ, conjugatæ, in-  
de cum singularum regionum Pres-  
byteris, ad sanctæ Dei Genitricis  
basilicam ex condicto cum precibus  
& lacrymis procederent. Insuper  
congregatis Clericorum catervis, præ-  
cepit psallere per triduum. *Hora  
igitur tertia* ( nostro more nona )  
*veniebant omnes chori psallentium ad  
Ecclesiam, clamantes per plateas,  
Kyrie eleison.* Ipso autem supplica-  
tionis tempore intra unius horæ spa-  
tium octoginta homines spiritum ex-  
halarunt. Hæc Gregorius Turonum  
Episcopus, ex sui Diaconi qui tunc  
Romæ erat haud dubia relatione me-  
morix prodidit, cui subscripsit Paulus  
Diaconus. Johannes Diaconus vero &  
alii non parum discrepant ab illis scri-  
ptoribus sive in recensendo persona-  
rum ordine, sive in assignandis ba-  
silicis. Nam Johannes Diaconus assi-  
gnat pro litania Clericorum Eccle-  
siam

VI.  
Indicit pu-  
blicas sup-  
plicationes.

Lib. III. de  
gestis Lange-  
c. 25.

*Etus fuerit, nisi prius decretum generale in-  
troducatur in regiam urbem secundam an-  
tiquam consuetudinem.* Tom. vi. Concil. in  
Agath. p. 574. Cæterum ista pecuniæ per-  
solutio potius videtur populis eligentibus im-  
perata, ut jus eligendi conservarent, quam  
electis Pontificibus.

b Lege notam qua ista priorum editorum  
errata castigavimus.

E

siam S. Johannis, consentitque charta de litanis quæ nunc legitur in appendice Epistolarum: Gregorius Tur. vero, basilicam sanctorum Cosmæ & Damiani. Hoc tamen dissidium componi potest si dicamus non semel indictas fuisse supplicationes illas; & in his quidem servatum ordinem a Gregorio Turonico relatum, in aliis alterum a Johanne assignatum; quod ex ritualibus libris potest confirmari, si Emin. Annalium Eccl. parenti fides sit. *Habent*, inquit Baronius, *rituales libri ultimis Litanis esse processum ad basilicam Apostolorum Principis, atque ab Gregorio sanctam imaginem a Deipara magna veneratione delatam*. Tunc ferunt prope molem Hadriani Tiberi adjacentem visum esse Angelum, in signum reconciliati Numinis, *nudatum gladium in vaginam reponere, eoque symbolo morbum cessasse significare voluisse*. De supplicationibus sæpius habitis, & ultimo loco factis in basilica S. Petri contendere minime volumus, etsi de multiplici, aut etiam duplici processione tempore pestis habita scriptores omnes fileant. At quæ narrantur de viso Angelo, & de sedata peste dubiæ videntur fidei. Si enim id contigit, quonam pacto Gregorius Turon. id a suo Diacono non accepit? si vero ipsum audierit tanta miracula referentem, quomodo ab ipsis commemorandis abstinuit, qui aliquando levissima nec ita certa referre delectatur? Altum est quoque de istis Bedæ, Pauli, & Johannis silentium. Pestilentiam tamen quievissse Paulus & Johannes qui res a Gregorio gestas accuratius prosecuti sunt, non obscure testantur; sed brevi recruidisse postea ostendemus. Cum de supplicationibus iterum aut sæpius tempore pestis habitis, scriptores omnes fileant; felicius fortasse dissidentes

scriptores ad concordiam revocabuntur, dicendo unius ejusdemque litaniarum ordinem varie indictum ac præscriptum. Nempe cum prius assignatæ fuissent hæ & illæ basilicæ quod varii convenirent ordines, aliæ postea mutato consilio delectæ sunt, vel quod ampliores, vel quod propiores forent, vel quod in regionibus ubi sitæ erant Ecclesiæ illæ pestis minus grassaretur. Nimirum cavendum erat a locis in quibus acrius morbus desæviebat. Itaque juxta opinionem hanc quam ultro fateor nullibi legisse me, tum Ecclesia S. Johannis, tum sanctorum Martyrum Cosmæ & Damiani designatæ sunt, quod conveniret Litania Clericorum, & unde postea procederet (idem de cæteris in quibus discrimen est, dicendum) sed ad alterutram tantum convenere Clerici.

Ab illis supplicationibus originem traxisse videntur <sup>b</sup> Litanie quæ dicuntur majores, & in festo S. Marci quotannis celebrantur, cum illæ quæ in triduo ante Ascensionem Domini sunt, dicantur minores.

Quæri potest, quo nomine quæve auctoritate Gregorius adhuc Diaconus tantum, electus quidem ad Pontificatum, sed nondum ordinatus, Ecclesiæ Romanæ gubernationem quodam modo præoccupavit, omnia quæ superius retulimus decernendo. Eum quidem jam Presbyterum factum fuisse putant nonnulli, quos inter eminet Baronius, propter illa de eo Gregorii Turonensis dicta: *Sed non destitit Sacerdos tantus prædicare populo &c.* At vero Sacerdotis nomine non sotebant veteres designare Presbyterum. Itaque Turonensis Episcopus nostrum Gregorium hic non alia ratione Sacerdotem appellat, quam quod esset ad summum electus Sacerdotium; unde paulo post non obscure innuit eum adhuc in diaconatus

VII.  
Qua auctoritate.

<sup>a</sup> Quam dicunt a S. Luca factam.

<sup>b</sup> De his litanis consulenda quæ habet

nostra synagoga, & Gradonicus. E. V.



zus gradu positum. Neque vero Presbyteratus ordo jus ipsi contulisset exercendæ in Romanam Ecclesiam potestatis. Subodoramur ergo Gregorium tamquam electum Pontificem, vacantis Sedis administrationem natum esse cum aliis Ecclesiæ Romanæ vicariis; idque conjicimus ex Epistola Cleri Romani ad Scotos redita, cum mortuo Severino Papa. Sedes Apostolica vacaret anno circiter 640. Illa enim Epistola scripta legitur nomine *Hilarii Archipresbyteri & servantis locum*, scilicet ut auguror Vicarii *sanctæ Sedis Apostolicæ Johannis Diaconi & in Dei nomine electi*, qui fuit Johannes IV. *Johannis primicerii & servantis locum Apostolicæ Sedis, & Johannis servi Dei consilarii ejusdem Sedis Apostolicæ*. Quod monumentum exhibet Venerab. Beda lib. II. hist. c. 29. unde addiscere licet, quibus demandata foret Ecclesiæ Romanæ administratio, donec qui electus erat Pontifex consecraretur.

*beati Apostoli Petri basilicam deducitur, ibique ad pontificalis gratiæ officium consecratus, Papa Urbi datus est.* Hæc Gregorius Turon. cujus ultima verba exscripsit Paulus Diaconus. Addit vero Gregorium, cum ad portas Urbis sollicitè excubaretur, ne evaderet, a negotiatoribus impetrasse ut in cratera occultatus educeretur extra Urbem: sicque per triduum delituisse, sed tertia nocte indicio fulgidæ columnæ fuisse detectum & comprehensum. Missa facio cætera quæ tum obtigerunt, mira quidem & stupenda, quæ apud Paulum legiqueunt. Johannes Diaconus in omnibus fere Paulum secutus, nullius tamen alius signi meminit, quam columnæ fulgidæ. Ipse Gregorius miracula tunc facta, etsi premere silentio, præ modestia & animi demissione (quæ ambæ virtutes in ipso præsertim intuerunt) plurimum optasset, dissimulare tamen omnino non potuit, scribens ad Natalem Salonitanum Episcopum: *Conscientiam nostram indicamus, ipsius honoris onera me ægro animo suscepisse. Sed quia divinis iudiciis non poteram resultare, &c.* Et ad Cyriacum Constantinopolitanum Patriarcham: *Ego quoque qui indignus ad locum regiminis veni, infirmitatis meæ conscius, secretiora loca petere aliquando decreveram: sed superna mihi iudicia adversari conspiciens, iugo Conditoris subdidi cervicem cordis.* Fugæ latebrarumque suarum meminit quoque initio libri Regulæ Pastoralis. Ita Gregorius vocantis, melius dixerim, cogentis Dei signis, potius quam hominum votis obtemperans, accedente Imperatoris consensu & gratulatione ordinatus est die 3. Septembris an. 590. in ipso Indictionis novæ principio, quæ dies in tabulis ecclesiasticis consignata, olim fuit celeberrima. Cum enim sanctissimi Pontificis natalis incidat in diem 12. Martii, quo tempore

Indicio columnæ fulgidæ agnoscitur.

Lib. VII. ep. 4.

a  
VIII.  
Fugit & la-  
tebras qua-  
rit.

Lib. III.  
Dialog. c. 14.

Lib. II.

a De concivium suorum salute sollicitus Gregorius, pene sui oblitus fuerat, & propositum fugiendæ Pontificiæ dignitatis intermiserat. Securus forsân dormiebat, quod Mauricius Imperatorem suis supplicibus litteris permotum electioni factæ non consensurum speraret. Ut vero accepit interceptam fuisse suam ad Augustum epistolam, & aliam delatam qua Præfectus Urbis eum de electione unanimi consensu facta, & de incredibili populi torius erga electum studio, certiozem faciebat, sibi maxime timendum ratus, de fuga quamprimum cogitavit. Formidabat enim celsum quidem, at arduum locum; Et sic metuebat paupertatis suæ securitatem perdere, sicuti avari divites solent perituras divitias custodire, ut ejusdem Gregorii verba usurpem. Verum cum latibula fugæ præpararet, capitur, trahitur, & ad

a Vide de Castro nota ( j )


E 2 pro-

propter Quadragesimam nullæ antiquitus erant Sanctorum solemnes feriae, anniversaria ejus ordinationis dies, ipsius memoriæ celebrandæ fuit consecrata.

Nunc vero paululum subsistamus, & admirati pene invictam Gregorii in fugiendo Pontificatu pertinaciam, doleamus Ecclesiæ vicem, cujus dignitates & summa sacerdotia invadunt plerique ambitiosi, ea vel natalium suorum splendori, vel confanguineorum bellicæ fortitudini, vel suis in aula obsequiis assiduisque pre-

cibus & excubationibus debita existimantes. Tantum e Gallia malum magna jam ex parte depulit Rex christianissimus Ludovicus XIV. cujus exemplo utinam obsequantur omnes quorum intrest: *Et tamen nomen Christi etiam per lucrorum sectatores suæ gloriæ retinet potestatem. Et sunt in talibus causis ministri mercenarii, sicut naves onerariæ.... quarum rectores potius eorum quos ducunt pecuniis inbiant, quam saluti: & tamen mare seculi hujus necessarios habet hujusmodi transvectores.*

Arnald. de Bonevalle lib. de Card. Christi oper. c. de Bapt. Christi.



## SANCTI GREGORII PAPÆ VITA.

### L I B E R S E C U N D U S.

Quatuor priores Pontificatus S. Gregorii annos complectens.

#### CAPUT PRIMUM.

An. 590. &  
391.

I. S. Gregorius ordinatur, & fidei symbolum emittit. II. Ejusdem Synodica Epistola ad Patriarchas. III. De ipsius inscriptione. IV. Cur dicta Synodica. V. Gratulantibus de suscepto Pontificatu quam humiliter rescripserit. VI. Aliæ præter animi demissionem, detrectandi Episcopatus causæ, gravissima Ecclesiæ mala. VII. Ea magna ex parte sustulit. VIII. Ejus hoc in opere adjutores. Johannes CP. IX. Eulogius Alexandrinus. X. Anastasius Antiochenus. XI. Johan. Jerosolymitanus. XII. Domitianus Arabiæ Metropol. XIII. Dominicus Carthag. XIV. S. Leander in Hispania. XV. Virgilius Arclat. Syagrius &c. in Gallis.

a Vide Castro nota (kk.)

b Hujus ordinationis dies in tabulis Ecclesiasticis configatur; estque tertia Septembris.

c Hujus consuetudinis meminit Gregorius l. ix. Ep. 52. *Hinc est, inquit, ut quo-*

**C**onsecrandus de more Gregorius<sup>a</sup> ad Confessionem S. Apostolorum Principis ductus est, (hoc nomine intelligitur apud veteres ejus sepulturæ locus) ubi fidem orthodoxam exposuit, quam intra paucos articulos complexus est. Illud autem symbolum exhibent Registri Epistolarum codices fere omnes manu exarati, vel in capite vel ad calcem, legiturque apud Johannem Diaconum lib. ii. c. 2. idcirco ipsum tamquam genuinum S. Gregorii factum Epistolis subjiciendum duximus.

Ut etiam receptæ jamdudum<sup>c</sup> consuetudini morem gereret, Synodicam Epistolam scripsit ad omnes Patriarchas, in qua suscipere ac venerari proficitur quatuor Concilia Nicænum, Constantinopolitanum primum,

2  
b  
I.  
S. Gregorius ordinatur & fidei symbolum emittit.

c.  
II.  
Ejusdem Synodica Epistola ad Patriarchas.

zient in quatuor præcipuis Sedibus, Antistites ordinantur, Synodales sibi invicem Epistolas mittant, in quibus se sanctam Chalcedonensem Synodum cum aliis generalibus Synodis custodire fateantur.



Lib. I. Ep. 4.  
Ibid. Ep. 25.

num, Ephesinum, & Chalcedonen-  
se, sicut sancti Evangelii quatuor  
libros. In eadem Epistola Synodica,  
ea qua par erat veneratione Grego-  
rius amplectitur quintum Concilium,  
in quo Epistola quæ Ibe dicitur, er-  
roris plena reprobatur; Theodorus per-  
sonam Mediatoris Dei & hominum,  
in duabus substantiis separans, ad  
impietatis perfidiam cecidisse convin-  
citur; scripta quoque Theodoriti, per  
quæ beati Cyrilli fides reprehenditur,  
ausu dementiæ prolata refutantur.  
Subdit: Cunctas vero quas præfata  
veneranda Concilia personas respuunt,  
respuo. Tandem quoslibet aliter sen-  
tientes anathemate ferit. In alia rur-  
sus Epistola, quatuor Universalis Ec-  
clesiæ Synodis cum totidem libris  
Evangeliorum collatis summam su-  
premamque tribuit auctoritatem.

a  
111.  
De ipsius in-  
scriptione.

Idem. 521.

<sup>a</sup> In hujus Epistolæ Synodicæ ad  
Patriarchas inscriptione primum om-  
nium occurrit Johannis Constanti-  
nopolitani nomen, quod a Grego-  
rianarum Epistolarum collectoribus  
factum, non ab ipso Gregorio jure  
censet Baronius. Singulis enim Pa-  
triarchis singula misit illius Episto-  
læ exemplaria, in quibus solum no-  
men Patriarchæ ad quem unumquod-  
que mittebatur erat inscriptum.  
Neque enim exemplum quod ad  
Johannem delatum est, aliud quam  
Johannis ipsius nomen præferebat.  
<sup>b</sup> Hinc legitur *Frater carissime*, non  
*Fratres carissimi*. Nostram sententiam  
confirmat, quod subjunctum fuerit,  
*a paribus*, post Patriarcharum no-  
mina, ut in notis observavimus.  
Nihil tamen minus jam consentien-  
tibus aliis Patriarchis, Constantino-  
politani primum locum post Ro-  
manum Pontificem obtinebat.

Tunc duo erant Antiocheni Pa-  
triarchæ; nam <sup>c</sup> Anastasio ex hac  
Sede pulso, Gregorius subrogatus  
fuerat, quod cum injuria magis quam

jure factum fuisset, aliundeque Ana-  
stasius præcipua laude pietatis & do-  
ctrinæ inter Orientalis Ecclesiæ An-  
tistites fulgeret; noluit sanctus Pon-  
tifex pro exauctorato eum habere,  
sed ad ipsum sicut ad cæteros Pa-  
triarchas Synodicam transmisit. Jam-  
que ad ejusdem litteras de suscepto  
summo Pontificatu gratulatorias re-  
sponderat. Sed quia Gregorius ei  
successor datus, pro legitimo Pasto-  
re in universa Orientis Ecclesia,  
nemine reluctante agnoscebatur, vir  
alioquin ob sanctissimos mores, E-  
piscopatu dignus; eum præterire in-  
salutatum non debuit novus Papa,  
ne pacem turbaret.

Ep. 7.

Synodica vel Synodalis dicta est  
prælaudata Epistola. Simul ac enim  
quis creatus erat Romanus Pontifex,  
collectis vicinis Episcopis Synodum  
habebat, in qua se fidei catholicæ  
assertorem profitebatur; ex eaque Sy-  
nodo Epistola Synodica transmitti  
solebat ad absentes universi orbis  
Episcopos, potissimum vero ad præ-  
cipuarum Ecclesiarum Patriarchas.  
Hujus sane consuetudinis exempla in  
antiquis Ecclesiæ monumentis passim  
sunt obvia. Porro fidei suæ confes-  
sionem recens assumptus ad Pontifica-  
tum mittebat, non solum ut se or-  
thodoxum probaret, sed etiam ut  
sub qua fide vivendum esset secundum  
statuta patrum, sibi subditos doceret.  
Hac etiam in Epistola, primariis  
Orientalis Ecclesiæ Episcopis, ipse  
primus Pastor Gregorius, voluit ab-  
solutissimam recte regendi & pascendi  
Christi gregis formam præbere: ad  
illos enim fusissime ac doctissime scri-  
bit de munere Pastoralis; adeo ut in  
ea Epistola suo de Regula Pastoralis  
aureo plane libro prælusisse videatur.  
Verum nihil magis elucet in ea,  
quam stupenda viri sanctissimi hu-  
militas, imparem se Episcopali curæ  
ex animo profitentis.

IV.  
Cur dicta  
Synodica.  
Baron. ibid.

Ep. 2. Gela-  
si 1. Tom. 4.  
Concil. pag.  
1163.

Eam-

<sup>a</sup> Vide Castro nota ( II )

<sup>b</sup> Vide notas ad hanc Epistolam;

<sup>c</sup> De illo consule notas ad Ep. 7. lib. 10.

v.  
Gratulantibus de suscepto Pontificatu quam humiliter scripsit.

Eandem animi demissionem testatam reliquit in plurimis quas paulo post susceptum Pontificatum rescripsit Epistolis. Quippe statim ac fama de ejus ad summum Pontificatum assumptione percrebuit, illustres viri quamplurimi, maxime qui in urbe regia ejus modestiæ, sapientiæ, pietatis, cæterarumque virtutum testes & conscii fuerant, eum amicis & gratulatoriis litteris compellavere, quibus potius lacrymas & gemitus quam verba, rescribendo reddidit & rependit. Legendæ sunt præ cæteris tertia cum quatuor sequentibus, vigesima prima, & quadragesima tertia lib. I. in quibus vehementissime dolet imposita sibi immerito & impari Episcopatus pondera: Tanto, inquit Narsetem Patricium alloquens, me percussum mærore agnoscite, ut vix loqui sufficiam; oculos enim mentis meæ doloris tenebræ obsident. Triste est quidquid aspicitur &c. Quia vero suas lacrymas, etsi juges, ad deplorandam mutatam sortem, minime sufficere putabat, familiaribus suis pro amicitia tessera, fletus ea de re suspiriaque imperabat.

Johannes Exconsul non parum contulerat tum ad Gregorii electionem, ut jam monuimus, tum ad hujus electionis confirmationem; idcirco in illum amice exandescere videtur. Sed nullibi magis prodit dolorem de amissa vitæ monasticæ tranquillitate, & suscepta pastorali cura, quam hom. XI. in Exechielem. Unde non immerito Johannes Diaconus nonnullorum ex Langobardis vesaniam exagitat, quos non pudebat affirmare Gregorium appetiisse magis Pontificatum, quam fugisse.

<sup>a</sup> Quid causæ esset cur a Pontificatu tantum abhorreret sanctus vir, præter singularem animi demissionem & vitæ solitariæ amorem, hic investigare operæpretium videtur. Tunc

Roma, totaque Italia cruentissimo Langobardorum bello premebatur, cui accesserunt fidæ comites fames & pestilentia. Verum gravioribus adhuc malis Ecclesia laborabat. De his dolens ita scribit ad amicum Leandrum:

*Respondere Epistolis vestris tota intentione voluisssem, nisi Pastoralis curæ ita me labor attereret, ut mihi magis flere libeat, quam aliquid dicere. Quod vestra quoque Reverentia in ipso litterarum mearum textu vigilanter intelligit, quando ei negligenter loquor, quem vehementer diligo. Tantis quippe in hoc loco hujus mundi fluctibus quatior, ut vetustam ac putrescentem navem, quam regendam occulta Dei dispensatione suscepi, ad portum dirigere nullatenus possim. Nunc ex adverso fluctus irruunt, nunc ex latere cumuli spumosi maris intumescunt, nunc a tergo tempestas insequitur. Interque hæc omnia turbatus, cogor modo in ipsam clavum adversitatem dirigere, modo curvato navis latere, minas fluctuum ex obliquo declinare. Ingemisco, quia sentio quod negligente me crescit sentina vitiorum, & tempestate fortiter obviante, jamjamque putridæ naufragium tabulæ sonent.*

Certe si fluctibus obrui potuisses Petri navis, ex sævientibus tunc procellis nunquam emerisset. Quippe Langobardi <sup>b</sup> idololatriæ addicti, aut impietatis Arianæ sectatores, Romæ totius Christianæ religionis arcu imminebant: parumque abfuit quin expugnarent. Nuper Autharis ipsorum Rex Arianus, liberos eorum in fide catholica baptizari prohibuerat, orthodoxisque sese infensissimum ostendebat. Fervebat furebatque in Istria & in finitimis provinciis schisma pro tribus capitulis excitatum. In Hispania, & Gallia Narbonensi Wisigothi Arianam hæresim

Lib. I. Ep. 43.

Lib. I. Ep. 17.

Lib. I. Ep. 31. num. 6.

a  
VI.  
Aliæ præter animi demissionem, detestandi episcopatus causæ, gravissima Eccl. alicuius mala.

<sup>a</sup> V. de Castro nota (mm)

<sup>b</sup> De stolta illorum idololatria; in ca.

præ capitis adoratione vide lib. III. Dialog. c. 28.



sim ad hæc usque tempora disseminant & propagant . Qui Britanniam invaserant Angli , adhuc idolorum cultui mancipati , Christi nomen ignorabant . Pergebant Donatistæ Africanam Ecclesiam scindere vexareque jam penè tribus a seculis . Fœda erat Orientalis Ecclesiæ facies , propter grassantes ubique Nestorii aut Eutychetis , errores , quorum plurimi furculi pullularant . His accensebantur Agnoitæ , qui non ita pridem apud Alexandriam fuerant exorti . In Galliis , quæ catholicæ fidei semel receptæ tenaciùs inhæserant , variæ morum irrepserant corruptelæ , ipsamque disciplinam Ecclesiasticam labefactarant , maxime simoniaca hæresis ( sic appellat S. Gregorius ) & Neophytorum , hoc est ad ejusdem mentem , laicorum immaturæ præcipientesque ad sacerdotium promotiones .

VII.  
Ea magna  
ex parte  
stulit .

Tot malis mederi Gregorio incumbebat , cui cum summo pontificatu Ecclesiarum omnium sollicitudo fuerat demandata . Sed ad tantæ molis opus imparem se præ humilitate judicans , maxime infirma semper attritaque valetudine , magna animi anxietate laborabat . Verum adiutorem expertus est Deum , cui vocanti obsecutus fuerat : ejusque ope qui se servum inutilem existimabat & dictitabat , schismaticos Italiam turbantes coercuit , Langobardos ad fidem catholicam perduxit , Gothos Ecclesiæ reconciliavit , Anglos christianis præceptis imbuere , & sacro lavacro tinxit , repressit Donatistas in Africa tumultuantes , Agnoitas aliosque in Orientè hæreticos debellavit ; varios ubique succrescentes , contra fidem aut pios mores , extirpavit errores ; tot denique tantaque intra paucorum annorum spatium præstitit , ut jure omnium gentium consensu magni cognomen sit consecutus Præcipuos autem quos ha-

buit laboris socios & adiutores , qui scilicet majoribus tunc præerant Ecclesiis , recenseamus .

Johannes , propter miram abstinentiam dictus Jejunator , ob insignes virtutes ad Constantinopolitanam Sedem , quæ secundum post Romanam locum jam sibi vendicabat , mortuo Eutychio , assumtus fuerat , ut supra diximus . At usurpato in Synodo CP. œcumenici Patriarchæ titulo , quem deponere nunquam consensit , Pelagium Papam , & postea S. Gregorium in se concitavit . De illo deinceps frequenter acturi sumus . Eum summis laudibus efferunt scriptores Græci , propter doctrinam , pietatem , singularemque in pauperes , cum sibimet foret parcissimus , liberalitatem & munificentiam . Diem clausit extremum an. 596 . & a Grecis in Sanctorum catalogum est relatus . Hunc excepit Cyriacus in eadem Sede CP.

VIII.  
Ejus in hoc  
opere adju-  
tores Johan-  
nes CP.

Eulogius ex Monacho , si auctori prati spiritualis fides sit , factus Patriarcha , Ecclesiam Alexandrinam rexit ab anno 581. ad an. 608. hæreticorumque hostem acerrimum , & strenuissimum fidei orthodoxæ vindicem se semper probavit . Quinque libros scripsit adversus Novatianos seu contra Novatum , impugnavitque varios temporum illorum hæreticos ; contra Concilium Chalcedonense & S. Leonem Papam rebellantes . De ipso ejusdemque lucubrationibus agit Photius multis in locis . S. Gregorio propter eximias quibus præditus erat virtutes & animi dotes , fuit semper acceptissimus , ut ex Epistolis infra commemorandis palam fiet . Post obitum , Sanctorum albo fuit additus .

IX.  
Eulogius  
Alexand.  
147.  
Photius cod.  
152. 208. 225  
226. 227.

<sup>a</sup> Anastasius , quem Sinaitam esse multis scriptis celebrem plurimi putarunt , ad Sedem Antiochenam assumtus , eandem Gregorio , monasterii apud montem Sina , ut ajunt ,

a  
X.  
Anastasius  
Antioche-  
nus .

Præ-

Præfecto, cesserat anno 572. a Justino Imperatore pulsus & dejectus. Ipsum tamen pro legitimo Patriarcha Sedis hujus habuit semper Sanctus Gregorius; unde ad eum scri-

*Lib. I. ep. 25.* pfit: *Apud me semper hoc estis; quod ex omnipotentis Dei munere accepistis esse, non quod ex voluntate hominum putamini non esse.* Mortuo Gregorio Antiocheno, cujus

laudes fuscè persequitur Evagrius lib. quarto, propter virtutes multiplices & præstantissimas, rectèque administratam Ecclesiam, Anastasius suæ Sedi restitutus est anno 594. vel ut aliis placet 592. quam usque ad an. 599. quo devixit, sanctissime gubernavit. Quæ scripserit aut scripsisse vulgo sit creditus, lege apud sacrarum Bibliothecarum auctores. Plurimos autem spectatæ sanctitatis suæ laudatores & admiratores nactus est, inter quos Gregorio Magno primus extra controversiam locus debetur. Non mediocri conceptæ de Anastasio existimationis & singularis in eum amoris testimonium exhibuit Sanctus Gregorius, quando statim post sumtum Pontificatum, *suggestionem summis precibus plenam fecit apud piissimos Dominos, ipso teste, ut virum beatissimum dominum Anastasium Patriarcham, concessio usu Pallii, ad beati Petri Apostolorum Principis limina secum celebraturum solennia Missarum transmittere debuissent: quatenus si ei ad Sedem suam minime reverti liceret, saltem secum in honore suo viveret.* Utrum tamen suggestionem hanc vel libellum supplicem miserit, dubios nos facit, quod ibidem additur. Quam tenera vero caritate amicum hunc complecteretur, quæ ad ipsum scripsit palam demonstrant. Sic præfatur in Epistola 26. libri 1. *a Scripta vestre Beatitudinis, uti fessus requiem, sa-*

*Lib. 7. ep. 28.*

**a**

<sup>a</sup> Idem pene est Ep. 7. ejusdem libri exordium.

<sup>b</sup> Idem ex multis aliis Gregorianis Epi-

*litem ager, fontem sitiens, umbram æstuans inveni.* Neque enim illa verba per linguam carnis videbantur expressa: quia sic spiritalem amorem suum quem gestabat, aperuit, ac si mens per semetipsam loqueretur. Quæ hoc loco describere volumus, <sup>b</sup> ut qualem se erga amicos Gregorius ostenderet quisque possit intelligere.

<sup>c</sup> Ut ab Antiochena Sede ad Jerosolymitanam transeamus, eam obtinuit Johannes IV. ab anno 561. quo Eustochio demortuo subrogatus est, usque ad annum 595. successorumque habuit Amos, cui Nicephorus octo Episcopatus annos tribuit. Verum exstat Sancti Gregorii Epistola ad Isachium, qui ei successus est, scripta Indictione IV. hoc an. 601. vel 600. Unde erroris arguitur Nicephorus, probaturque jam ab anno 600. Isachium Jerosolymitanum Patriarcham creatum esse, ac Synodicam Epistolam ad Sanctum Gregorium misisse, cui respondit hac Epistola Indictionis quartæ.

Domitianus, Mauricii Augusti consanguineus, Melitinæ Episcopus & Armeniæ Metropolitanus erat, quando summum Pontificatum auspicatus est vir sanctissimus. Eum ad res maximas gerendas aptissimum, & in consiliis prudentissimum expertus Imperator, multis in negotiis adiutorem adhibere consueverat, ac liberis suis tutorem designarat. Fuit quoque Gregorio Magno carissimus, ob eximiam vitæ sanctitatem, ut ex litteris ad eum scriptis liquet. Mortuus apud Theophanem in chronographia legitur Indictione V. quæ anno 601. ex modica parte, & 602. respondet. Peragratō Oriente, nunc Occidentalem orbem perlustremus.

Ecclesiæ Carthaginensi totique Africæ a Wandalorum Arianorum jugo non ita pridem vindicatæ præerat Do-

<sup>c</sup> Johann. Jerosolymit. *Evangel. lib. v. c. 16. Niceph. lib. xvii. c. 36. Lib. xi. ep. 56.*

<sup>xii.</sup> Domitianus Armeniæ Metropol. *Evangel. lib. vi. c. 18. Simocat. lib. 10. cap. 14. & lib. viii. c. 11.*

<sup>xiii.</sup> Dominicus Carthag.

stolis eruitur. Vide præsertim lib. I. Ep. 54.

<sup>c</sup> Castro nota ( eo )



Dominicus, ob pastorem sollicitudinem, strenuamque in coercendis hæreticis navatam operam plurimis S. Gregorii Epistolis celebratus. Ultima ad eum scripta, quinta Indictione ineunte hoc est mense Septembris anni 601. probat eum saltem ad hoc usque tempus superstitem fuisse.

XIV.  
S. Leander  
in Hispania.

Quamvis Episcopus Toletanus, qui nunc totius Hispaniæ primas audit, jam tum Primatus titulo, plurimis ejusdem Hispaniæ præesset Ecclesiis, in universa tamen Wisigothorum Monarchia quæ Hispanias & Galliam Narbonensem complectebatur, S. Leander Hispalensis Episcopus, omnium erat Antistitem celeberrimus, quod Recharedum Regem universamque Wisigothorum gentem, Arianis prius erroribus impietatibusque mancipatam, ad catholicam fidem perduxisset. Ariam hæresim a Recharedo, annitente S. Leandro in Concilio Toletano anno 589. aut 590. proscriptam fuisse auctor est Nicolaus Antonius.

Biblioth. vet.  
Hispan. rom.  
x. lib. 14.

XV.  
In Gallis  
Virgilius  
Arelat.

Sub Pontificatu Gregorii Virgilius Arelatenus Archiepiscopus, inter cæteros Gallicanos Præsules, non solum dignitate Sedis eminebat, sed morum etiam integritate omnibusque virtutibus quæ Pastorem decent. Ex Monacho Lirinenfis Abbas monasterii Augustodunensis primum factus fuerat; dein mortuo Licério Arelateni Episcopo an. 588. Syagrius, multæ apud Galliæ Principes auctoritatis & gratiæ Episcopus, cui perspectissimæ erant sancti viri dotes eximæ, vacanti Ecclesiæ præficiendum eum curavit, quam annis 49. sanctissime rexit. Florebat tunc in eadem Ecclesia Gallicana Etherius Lugdunensis, Desiderius Viennensis, Gregorius Duronensis, Aregius Vapincensis, imprimisque jam laudatus Syagrius, & alii ex Gregorianis Epistolis satis noti.

Syagrius.

Etherius  
&c.

De Britannicis insulis in quibus nunc Angliæ, Scotiæ, & Hiberniæ  
Tom. XVI.

regna numerantur, de Germania ad Boream vergente, de Polonia seu Sarmatia aliisque septemtrionalibus regionibus nihil hic attinet dicere: quippe quæ Christi suave jugum, nondum excussa idolorum servitute, ad hæc usque tempora detrectarant.

## C A P U T II.

I. Orbis Christiani status politicus sub Mauricio Imperatore. II. Status Italiæ. III. Galliarum sub tribus Francorum Regibus. IV. Hispaniæ sub Recharedo. V. Majoris Britanniæ. VI. Quas ad regendam Ecclesiam dotes attulerit Gregorius. VII. Summa ejus humilitas. VIII. Et caritas. IX. Animi constantia.

**D**elineato breviter, quantum ad Ecclesiasticum statum, Orbis Christiani quodammodo situ, idem nunc eadem brevitate, quantum ad statum politicum, præstare operæ pretium est. Mauricio ab anno 582. renuntiatus Imperator, iisdem virtutibus, prudentia maxime, fortitudine ac religione Rempublicam administrabat, quibus ad Imperium viam sibi munierat. Post multas de Persis, assiduis Romanorum hostibus, relatas victorias, eorum Regem Chosroem profugum benigne suscepit, & dato exercitu, in regnum pristinamque dignitatem restituit. Cum zelo catholicæ fidei flagraret, eo regnante, ut etiam testis est S. Gregorius, hæreticorum ora continebant, & prava quæ sentiebant, eloqui non præsumerunt.

De Italiæ Romæque præsertim salute sollicitus, Smaragdum præstantissimum ducem Exarchum constituerat, & bello adversus Longobardos præfecerat. Francos etiam ab ipsis jam laceratos, missis Legatis, oblataque pecunia, ad ultionem sollicitaverat. Qua re audita Longobardorum duces, de Rege sibi consti-

470. 590. 61.  
591.  
I.  
Orbis Christiani status politicus sub Mauricio Imperatore.  
Lib. x. 12.  
46.

II.  
Status Italiæ.

F tuen-

\* seu  
Autharith.

a

tuendo serio cogitarunt, & \* Autharim, Clebi, qui ultimus apud eos regium nomen obtinuerat, filium, virtutis fama nulli secundum elegerunt. Hic \* Flavii prænomen apud Romanos illustre, quo sibi plus dignitatis & gratiæ apud Italos conciliaret, assumpsit. Moxque Brixellum defectione Droctulfi nuper amissum oppugnavit ac recuperavit. Cumque Childeburtum Francorum Regem, Alpes cum exercitu superasse accepisset, belli Langobardis inferendi gratia, æquo vero Marte cum ipsis confligere posse diffideret, ducibus suis præcepit ut intra urbium munitarum & arcium muros sese continerent. Interim Legatos ad Childeburtum de pace misit, quam demissis precibus, amplissimisque muneribus consecutus est. Ex hac expeditione Childeburtum pene adhuc impuberem plurimum gloriæ reportasse scribit Gregorius Turonensis lib. VI. c. 42. Sæpe postea contra eodem hostes ancipiti plerumque eventu, aut etiam infausto, bellum redintegrarunt Franci, quorum imperium bellicamque virtutem, artibus cunctabundaque prudentia frangere solitus erat Autharis. Anno tandem 590. quo S. Gregorius Pontificatum auspicatus est, Rex Langobardorum pacem supplex oravit, & magno Italiæ detrimento, a Francis impetravit.

Superiore anno fœdus cum Bajoariis inierat, ducta in matrimonium Theodelinda Garibaldi eorum Regis filia, quæ cum catholicæ fidei ardore flagraret, ad eam postea totam fere Langobardorum gentem pellexit. Interim Francorum metu soluti Langobardi, tota fere Italia, nimirum ab ultimis Istriæ finibus Rhegium usque in extrema Calabria, libere potiti sunt; vixque caput or-

bis Roma furorem barbarorum evasit.

Quæ de bellis a Childeberto Italiæ illatis attigimus non sufficiunt, ut quo statu tunc res Francorum essent, intelligatur. Francia omnis tunc in tria regna divisa, totidem parebat Regibus. Clotarius II. Chilperici anno 584. occisi filius ex Fredegunde, Neustriæ seu Franciæ Occidentali adhuc junior imperabat. Childebertus Sigeberti & Brunichildis ex regia Wisigothorum stirpe filius, Austrasiam seu Franciam Orientalem, cui tunc magna Germaniæ pars accensebatur, obtinebat. Guntramnus utriusque Regis patruus, Burgundiam, cujus tunc Provincia portio erat, orbis liberis regebat; sed Childebertum heredem instituit. Hæc Franciæ divisio, & duarum præsertim Reginarum Fredegundis & Brunichildis odia, multorum bellorum seminarium fuere.

Hispania longe pacatior erat, ex quo ejurata Ariana hæresi, ad fidem orthodoxam Wisigothi transierant. Antea enim fuerat cum Francis decertandum. Guntramnus etenim indigne ferens Ingundem fratris filiam, Hermenegildi Regis uxorem, ab Leuvigildo & a Goswitha Hermenegildi noverca, in odium fidei catholicæ, ad mortem usque vexatam fuisse, duobus missis exercitibus bellum Wisigothis moverat. Sed extincto Leuvigildo, cum Recharedus ejus filius ac successor, amplexatus fidem catholicam, Ecclesiæ reconciliatus fuisset, pacem a Francis impetravit, ac pro pacis & fœderis pignore Clotindem in uxorem. Ea erat Childeberti soror, quam Authari Langobardorum Regi enixe petenti collocare noluerat. Recharedi laudes abunde persequitur S. Gregorius lib. IX. Ep. 122. & libro III. Dialog. c. 31. ubi ait eum tanto fidei catholice

III.  
Galliarum  
sub tribus  
Francorum  
Regibus.

IV.  
Hispaniæ  
sub Recharedo.

Paul. Diac.  
lib. III. de  
gest. Lang.  
c. 32. & 33.

a Observat doctissimus Tillemontius in historia Augustorum in Constantio art. 36. pag. 48, hoc Flavii prænomen a Silvano

qui Imperium in Galliis usurparat, fuisse assumptum; maxime vero alienigenas ipso se exornare solitos.



licæ ardore flagrasse, ut nullum in suo regno militare permetteret, qui regni Dei hostis existere per hæreticam pravitatem non timeret: quod ad conversionem bellicosissimæ gentis non parum contulit.

V. Majoris Britannia. Britannia vulgo dicta major, ab Anglis idolorum cultoribus occupata, plures in dynastias divisa erat. Qui supererant ex pristinis incolis Britones in Walliæ loca inaccessa, jugum novorum dominorum fugientes sese receperunt, aut in Aremoricam Galliæ provinciam. Hibernia suis Regibus obtemperabat.

VI. Quas ad Ecclesiam regendam doctes attulerit Greg. Prasat. in Dial. & lit. 21. ep. 121. En aperuimus stadium in quo Gregorius decurrens, & decertans, jam spectaculum futurus est mundo, immo & Angelis & hominibus; licet si ipsi credamus, vilis homuncio, ignavia torpens. Verum, ut res est, gigas fortissimus, & mollis otii præcæteris Pastoribus impatientissimus.

Quas autem dotes ac virtutes ad Pontificatum attulerit ut eo rite fungeretur, ex jam dictis facile poterit intelligi, & ex dicendis clarius elucebit. Sufficiat hoc observare loco, in sanctissimo Pontifice, ad miraculum & stuporem usque effulxisse humilitatem & caritatem. Per humilitatem sollicitus ubique & semper de circumstantibus periculis, cavebat ne de collato tanto honore sibi blandiretur & assentaretur. Per caritatem, cum jam sibi viluisset, in Deum semper erectus, e supremo illo fastigio subditi gregis necessitatibus & commodis vigilantissime prospiciebat.

a VII. Summa ejus humilitas. Lib. 9. Ep. 221. Humilitatis abyssum produnt multa jam ex ejus Epistolis prolata, quibus longe plura addere licuisset. Quo fuisse animo erga supremam, cui alligatus non sponte fuerat, Ecclesiæ dignitatem Gregorium existimamus, quando amico Leandro scribebar octo annis a sua inauguratione jam elapsis: *Summopere esse decreve-*

ram opprobrium hominum, & abjectionis plebis, atque in ejus sorte currere, de quo rursus per Psalmistam dicitur: *Ascensus in corde ejus disposuit in convalle lacrymarum; ut videlicet tanto verius intus ascenderem, quanto per convallem lacrymarum foris humilius jacerem. At me multum nunc deprimit honor onerosus, curæ innumere perstrepunt, & cum sese ad Deum animus colligit, hunc suis impulsibus quasi quibusdam gladiis scindunt. Nulla cordis quies est. Prostratum in infimis jacet suæ cogitationis pondere depressum. Aut rara valde aut nulla hoc in sublimia pena contemplationis levat. Torpet ignava mens, & circumlatrantibus curis temporalibus, jam pene ad stuporem deducta, cogitur modo terrena agere, modo etiam quæ sunt carnalia dispensare.*

Cum Natalis Salonitanus Episcopus moleste tulisset se a Gregorio correptum fuisse, ipse ad eum rescripsit: *ab omnibus corripitur, ab omnibus emendari paratus sum; & hunc solum mihi amicum aestimo, per cuius linguam, ante apparitionem districti Judicis, meæ maculas mentis tergo. Quod & factum comprobavit: cum enim Anastasius Antiochenus Patriarcha, motam de usurpato œcumenici titulo controversiam parvipendens ad S. Gregorium summa libertate scripsisset, pro nulla causa eum dare locum scandalis non debere, & maligno spiritui querenti animas cribrare; quibus non obscure amico significabat, levem sibi videri questionem in qua zelus ejus ita efferbuerat: sanctissimus pater ad cathedræ suæ primatum non attendens, aculeum apis (ita Anastasium vocat) infixum modestissime ac patientissime tulit, & pro aculeo mel reddidit; Epistolam dico caritate mellissimam, in qua inter cætera rescripsit, *Meliora sibi esse vulnera diligentis, quam inimici**

Lib. II. Ep. 52.

Lib. VII. Ep. 27.

blandientis oscula. Atque ut Anastasio monenti morem gereret, Cyriaci nuper ad Sedem CP. evecti Epistolam Synodicam, in qua œcumenici Patriarchæ titulum sibi vendicabat, sine mora suscepit, ne unitatem Ecclesiæ turbaret.

Denique singularem omnibus in Epistolis animi demissionem testatam, & quodammodo insculptam reliquit, cum primus omnium Romanorum Pontificum in ipsis <sup>a</sup> servum se servorum Dei præfari voluit; hanc modestiæ tesseram vano & superbo œcumenici titulo, quo gloriabatur CP. Episcopus, objiciens; simulque non obscure significans Pontificatum durum sibi videri servitutem, cui sola ex caritate collum jubente Deo subdiderit.

<sup>a</sup> Johan. Diac.  
lib. II. c. 1.

VIII.  
Et caritas.

Ad caritatem quod spectat, quanto erga Deum amore flagraret, factis probant continuæ quas singulis Epistolis inspergit querelæ de amisso illo præ sollicitudine Pastoralis, vel remisso: qui enim de sacri hujus ignis jactura ita est anxius, dolet, lacrymatur, quanto ardore se Deum diligere vel hoc ipso demonstrat? De caritate erga proximum dicere hoc loco nihil attinet, post tot effusæ illius in pauperes liberalitatis argumenta, quæ suppeditant ejusdem Epistolæ, recensetque Johannes Diaconus, præsertim lib. II. capitibus novem, scilicet a 22. ad 30.

IX.  
Animi constantia.

Ex utraque illa summa virtute prodiit infracta quædam animi constantia, quæ in arduis, & in gravioribus periculis maxime elucebat: quippe, quo magis sibi diffidebat Gregorius per humilitatem, eo majori in Deum fiducia dicebat cum Apostolo: *Omnia possum in eo qui me confortat.* Ita de se loquitur Ep. 47. libri IV. ad Sabinianum: *Mores meos bene cognitos habes, quia diu porto. Sed si semel deliberavero non portare, contra omnia pericula latus vado.*

Philip. 4. 13.

Verum si velimus nosse qualis ad summum Pontificatum accesserit S. Gregorius, & qualiter in eo vixerit, legamus librum Regulæ Pastoralis, de quo strictim jam loquendum; ut enim de S. Benedicto ait, eum non potuisse aliter docere in Regula Monachorum a se promulgata, quam vixit, idem quoque de sanctissimo Papa, Regulæ Pastorum auctore, affirmare non veremur.

Lib. II. Diac.  
c. 36.

### C A P U T III.

I. S. Gregorius librum Regulæ Pastoralis elucubrat. II. Et librum Sacramentorum cum Antiphonario meliorem in formam restituit. III. De sua domo constituenda & ordinanda statim cogitat. IV. Laicis valere jussit, Clericos & Monachos pietate ac eruditione conspicuos, convivtores sibi assumit. V. Quantæ ei pauperum & peregrinorum cura. VI. Nullos laicos procurandis Ecclesiæ patrimoniis præficit. VII. Dei verbo suum pascit gregem. VIII. Ejus prædicandi ratio. IX. Barbaris nondum christianis prædicatores mittit. X. Episcoporum rigidus censor, sed sui maxime fuit.

I.  
S. Greg. librum Regulæ Pastoralis elucubrat.

Paulo post assumtum Pontificatum Sanctus Gregorius librum Regulæ Pastoralis elucubravimus, tum ut in Ecclesiæ gubernatione, quidquid ad Pastoris officium spectat, ob oculos haberet semper, tum ut amicorum, præsertim Johannis Ravennatis Episcopi querelis quibus assidue pulsabatur, propter diu recusatum Episcopatum, responderet. In hoc enim opere plane aureo, tot tantæque esse Episcopatus opera, vel validissimis humeris plurimum formidanda probat; ut nullus nisi mentis impos, ad illa attendens possit episcopalem dignitatem ambire, aut etiam oblatam ultro suscipere. Verum cum



cum ea quæ de hoc libro præfati sumus adiri facile possint, cæteris hac de re dicendis nunc supersedemus. Optimum vero foret ipsum opusculum sæpius legere, & assidue terere, ad quæque vitæ christianæ præcepta, quorum refertissimum est promptuarium, animo imbibenda. Nunc quomodo ex perfectissimæ hujus regulæ præscripto S. Gregorius tum vixerit tum rexit Ecclesiam perspiciamus.

*Omnis Pontifex ex hominibus assumtus, pro hominibus constituitur in his quæ ad Deum sunt, ut offerat dona & sacrificia.* Quod intelligens S. Gregorius, mox ut Pontificatum iniit, de Liturgia rebusque sacris rite disponendis cogitavit. Ordinem itaque Romanum a Gelasio I. quibusdam aut detractis, aut additis, aut immutatis, meliori forma donavit. Canon missæ attexit: *Diesque nostros in tua pace disponas; atque ab æterna damnatione nos eripi, & in electorum tuorum jubeas grege numerari.* De stationibus & processionibus ad sanctorum Martyrum basilicas & cæmeteria ab ipso institutis, necnon de Missarum solemnis super beatorum Apostolorum Petri & Pauli corpora celebrari jussis, de plurimis olivetis ad basilicarum luminaria concessis, de aucto sacrorum ministrorum qui in his basilicis famularentur numero, consulendus est Johannes Diaconus. Psalmodiam & cantum Ecclesiasticum, quod amplificando divino cultui, & fovendæ in christiana plebe pietati plurimum conferat, ex gravioris musicæ regulis ad accuratorem harmoniam & modulationem revocavit, instituta Cantorum schola, & ordinato Antiphonario. Verum de iis uberius in

præfationibus ad librum Sacramentorum, Antiphonarium, &c.

Cum Apostolus gravi notet censura Episcopos qui domui suæ præesse nesciunt; infidelique deteriore judicet cum qui curam suorum non habet, maxime domesticorum; Gregorius in regenda domo familiaque sua, præcipuam statim curam adhibuit; & vitam ita suam composuit, ut omnibus exemplum se præberet bonorum operum, & quarumlibet virtutum. Vilis erat ejus supellex, vestimenta juxta<sup>a</sup> monasticam normam simplicia & inculta; pontificalia quoque, quibus rem sacram facturus utebatur, indumenta, modestiæ potius quam magnificentiae consona. Sciebat enim juxta præceptum Apostoli, ornatum quid esse debere Episcopum, sed pudicitia, candore morum, caritate, doctrina: pompam autem, luxum, pretiosas aut molles vestes, superbi aulici, aut etiam lascivientis mulierculæ insignia potius esse quam Episcopi, & Apostolorum successoris. Dedit operam in ipso Pontificatus exordio, ut pravæ consuetudines eliminarentur, maxime vero quæ vel tantisper simoniam redolebant.

<sup>b</sup> Mos apud superioris ætatis Pontifices invaluerat, ut ad ministerium cubiculi sui<sup>c</sup> laicos pueros adhiberent; quem Gregorius exemplo suo prius improbavit, postea vero in Synodo Romana publico decreto damnavit; jussitque ut selecti ex Clericis & Monachis ad cubiculi officia summo Pontifici ministrarent: Nimirum *ut is, inquit S. Gregorius, qui loco est regiminis, habeat testes tales, qui vitam ejus in secreta conversatione videant, & ex visione sedula exemplum profectus sumant.* Decreti hujus in

<sup>a</sup> Vide Mabill. Præf. ad seculum IV. Benedict. par. 2. pag. 93. ubi probat Episcopos, & ipsos summos Pontifices ex Monachis factos, vestes monasticas olim nunquam dimississe.

<sup>b</sup> Vide Castro nota ( 27 )

<sup>c</sup> Contra morem hunc pulcre Bernardus lib. IV. de Consider. c. 6, ad Eugenium: *Discant a se coepiscopi sui comatulos pueros & comotos adolescentes secum non habere. Certe inter miratos discurrere calamistratos non deset.*

III. De domo constituenta & ordinanda statim cogitat.

<sup>a</sup>

1. Tim. 3. & 5. 8. Johan. Diac. lib. II. c. 11. & seq. Johan. Diac. lib. IV. c. 20. 1. Tim. 3. 2.

<sup>b</sup>

IV.

Exclusis laicis, Clericos ac Monachos pietate ac eruditione conspicuos convitatores assumit.

<sup>c</sup>

II. Et Librum Sac. cum Antiphon. meliorem in formam restituit. Hebr. 5. 1

Johan. Diac. lib. II. c. 17. Beda lib. II. hist. c. 1. Ibid. a. 9. & 20. Johan. Diac. lib. II. c. 6.

in Synodo facti meminit Johannes Diaconus lib. 11. cap. 5. 11. & 15. Aitque sanctissimum Papam, remotis a suo cubiculo secularibus, sibi prudentissimos consiliarios familiaresque delegisse, ex Clericis quidem Petrum Diaconum, Æmilianum Notarium, Paterium, Johannem defensorem; ex Monachis vero Maximianum, Augustinum, Mellitum, Marinianum, Probum, Claudium. Porro quales fuerint hi Papæ convictores, & quibus virtutibus, quibus studiis, quibus scriptis gestisve insignes evaserint, discas tum ex Johanne Diacono lib. 11. c. 11. tum ex infra dicendis. Ita Gregorius quidquid statuebat, exemplo magis quam auctoritate confirmabat.

Cum his sociis & commilitonibus Gregorius vitam communem retinuit semper, nihil de monastica perfectione remisit; nihil tamen omisit quod ad Pontificis officium curamque pertineret. Magna sollicitudinis ejus pars fuit in promovendis litterarum & optimarum artium studiis, quæ Romæ præsertim, & maxime in Papæ palatio reslorere visa sunt, cum neminem in famulitium reciperet aut in sodalitium, nisi quem singularis vitæ sanctimonia, vel alicujus artis ex liberalibus non mediocris peritia commendaret.

Peregrinos tamen & pauperes hospitio excipiebat (quod etiam ut ceteri præstarent<sup>a</sup> Episcopi magno studio curavit) & ad mensam non modo invitabat, sed cogebat. Effusam in egenos liberalitatem condiebat mira quædam affabilitas qua ipsos compellabat, maxime senes, honoris causa<sup>b</sup> patres eos vocans: utque inopia laborantes omni verecundia sive in petendo sive in accipiendo liberaret, dice-

re solebat non a se, sed a sancto Petro dari, quæ tam liberali manu profunde-  
 C  
 bat; quod ex plurimis ejus<sup>c</sup> Epistolis infra recensendis patebit. Ea comitate potissimum utebatur erga nobiles viros aut matronas quos ad inopiam redactos noverat; ne dum eorum sublevaret egestatem, eosdem pudore suffunderet. Monasticam vitam sectantibus omnia ad sumtus necessaria in primis erogari curabat, ut liberiori mente Deo rebusque divinis vacarent. In perquirendis, & quodammodo venandis pauperibus assiduus, latebras omnes explorabat; obscuriora quæque tecta, in quibus tamquam sepulti jacebant, scrutabatur; & si quos offenderet, quorum os metus pressisset ac verecundia, eos serio increpabat, quod sibi beneficentiæ occasionem invidissent. Amplissimos egenorum catalogos, dictos olim<sup>d</sup> *matriculas*, apud se habebat, quibus abunde omnia suppeditabat necessaria.

Quo majori sollicitudine pauperum necessitatibus aut commodis prospiceret, omnia Ecclesiæ patrimonia, quæ in toto orbe Christiano plurima erant, solis Clericis procuranda & administranda commendavit. Cum enim sine liberis essent, futurum sperabat ut pauperes in filios adoptarent & susciperent. Si qui autem parcius eleemosynas erogarent, eos acriori censura & vindicta, quam si Ecclesiastici fundi prædatores fuissent, afficere consueverat.

Cum itaque laici omnem sibi adiutum ad patrimonia & officia Ecclesiastica præcludi sapientissimis Gregorii decretis moleste ferrent, in hereditatem Christi subdole irrepere tentarunt; & ex optimatibus etiam nonnulli, clericali militiæ per toun-  
 furam

VI.  
 Nullos laicos procurandis Ecclesiæ patrimoniis præficeret

Johan. Diac.  
 lib. 11. c. 15.  
 Ibid. c. 16.

Vo.  
 Quanta ei pauperum & peregrinorum cura.

2

<sup>a</sup> Vide lib. 11. Ep. 33.

<sup>b</sup> Quæso te, Pater, num Fortunatum Episcopum nosti? lib. 1. Dialg. c. 10.

<sup>c</sup> Vide præsertim lib. 1. Ep. 31. & 45. lib. 11. Ep. 2. lib. 111. Ep. 19. legendus etiam Johan. Diac. lib. 11. capp. 22.

& seqq.

<sup>d</sup> Hinc pauperes Ecclesiæ sumtibus nutriti, dicti olim *matriculati*. Greg. Turon. lib. 111. cap. 29. nonnulli etiam *matriculariorum* & reliquorum pauperum &c.



suram adscribi curarunt: at eorum  
fictæ conversioni sapiens Pontifex no-  
va opposuit decreta, quibus cautum  
erat ut *qui ad servitium Dei con-  
verti desiderarent, probarentur prius  
in laico habitu, deinde servire Deo  
in monasterio permetterentur*. Post-  
quam vero in monastico habitu fuis-  
sent exercitati, & post præfixa sacris

Lib. III. Ep.  
65.

VII.  
Dei verbo  
suum gre-  
gem pascit.

De spirituali cibo non minus quam  
de corporali filiis suis ministrando  
semper sollicitus fuit optimus Pa-  
stor. Sane inter præcipua Episcopi  
munera merito recenset prædicandi  
& docendi officium, de quo fusissi-  
me agit tota tertia parte libri Re-  
gulæ Pastoralis, omnium amplissima.  
Huic itaque ne deesset, quamdiu per  
vires corporis licuit, Evangelia &  
selectos quosdam sacræ Scripturæ li-  
bros in publico cœtu exposuit; an-  
tecessores suos æmulatus, <sup>a</sup> quibus  
nihil antiquius erat, quam uti exem-  
plo, ita verbo gregi suo prodesse.  
Ex ejus autem homiliis adhuc su-  
persunt quas in varias Evangelii cer-  
tis anni Dominicis diebus aut solem-  
nitatibus assignatas lectiones pero-  
ravit, & quæ in Ezechielem Pro-  
phetam sunt habitæ.

b

<sup>b</sup> In his nihil mollius, nihil com-

<sup>a</sup> Inde mendacii aut hallucinationis ar-  
guendus Sozomenus, qui lib. VII. cap. 19.  
asserit in Ecclesia Romana neque Episcopum  
neque alium prædicare aut docere. Sane Leo  
magnus prædicare solitus erat, ut ex ejus  
operum inspectione statim liquet. Nec le-  
gimus primum eum fuisse ex Romanis Pon-  
tificibus, qui concionandi partes sibi sum-  
serit. Certe Ambrosius lib. tertio de Vir-  
gin. multa refert ex concione quam Li-  
berius Papa in basilica S. Petri habuerat ad  
populum, cum Marcellinam aliasque Virgi-  
nes sacro velamine donaverat. Cassiodorus  
quem pro sententia Sozomeni confirmanda  
Valesius adducit, in Tripartita historia non

tius occurrit: sed pura & casta sine  
fuco, sine lenocinio fuit eloquentia.  
Ponderosa verba, graviores senten-  
tiæ, quales & Scripturæ sanctæ ma-  
jestati, & tanti Sacerdotis dignitati  
convenirent; magno cum delectu in-  
serta ex divinis libris testimonia,  
non per vim tracta, sed quasi spon-  
te adducta. Hæc sunt quæ laudatas  
homilias maxime commendant. Ex  
priori autem in Evangelia, pauca  
dumtaxat sententias decerpimus,  
hocque loco subjiciendas in cætera-  
rum specimen duximus. Exponens  
itaque sanctus Doctor illa verba Luc.  
21. *His autem fieri incipientibus, re-  
spicite & levate capita vestra*, ad  
diligendum optandumque Christi ad-  
ventum, ac mortem non formidan-  
dam ita nos adhortatur: *Qui Deum  
diligunt, ex mundi fine gaudere at-  
que hilarescere jubentur: quia vide-  
licet eum quem amant, mox inve-  
niunt, dum transit is quem non a-  
maverunt. Absit enim ut fidelis quis-  
que qui Deum videre desiderat, de  
mundi percussione lugeat, quem  
finiri eisdem suis percussione non  
ignorat. Scriptum namque est: Qui-  
cumque voluerit amicus esse seculi  
hujus, inimicus Dei constituitur. Qui  
ergo appropinquante mundi fine non  
gaudet, amicum se illius esse testa-  
tur, atque per hoc inimicus Dei es-  
se convincitur. Sed absit hoc a fi-  
delium cordibus, absit ab his qui &  
esse aliam vitam per fidem credunt,*

Jacob. 4. 4.

& eam

suos sensus profert, sed eorum Scriptorum  
quos in compendium redegit, scilicet Sozo-  
meni, Socratis, & Theodoriti. Aliunde  
quis in mentem inducere possit verbum di-  
vinum in Ecclesia Romana per tot secula  
non fuisse prædicatum? Tot sanctissimos Pa-  
stores fuisse canes mutos & maximæ sui of-  
ficii parti defuisse? nam ut ait S. Greg. Ep.  
25. lib. 1. *Praconis officium suscipit, quis-  
quis ad Sacerdotium accedit*. Vide disserta-  
tionem 1. de vita & rebus gestis S. Leonis  
Mag. ad an. 440. S. VII. IX. X. XI. XII.

<sup>b</sup> Legendæ Præfationes quas illis homiliis  
præmissimus.

Et eam per operationem diligunt. Ex mundi enim destructione lugere, eorum est qui radices cordis in ejus amore plantaverunt, qui sequentem vitam non quarunt, qui illam neque esse suspicantur. Nos autem qui cælestis patriæ gaudia æterna cognovimus, festinare ad ea quantocius debemus. Optandum nobis est citius pergere, atque ad illam breviori via pervenire. Quibus enim malis mundus non urgetur? Quæ nos tristitia, quæ adversitas non angustat? Quid est vita mortalis, nisi via? Et quale sit, fratres mei, perpendite, in labore viæ lassescere, & tamen eandem viam nolle finire. Et post nonnulla, mundum senescentem describens: Sicut, inquit, in annis senilibus statura curvatur, cervix exsiccata deponitur, frequentibus suspiriis pectus urgetur, virtus deficit, loquentis verba anhelitus intercidit; (nam etsi languor desit, plerumque senibus ipsa sua salus ægritudo est) ita mundus in annis prioribus velut in juventute viguit, ad propagandam humani generis prolem robustus fuit, salute corporum viridis, opulentiarum pinguis; at nunc ipsa sua senectute deprimitur, & quasi ad vicinam mortem molestiis crescentibus urgetur. Nolite ergo, fratres mei, diligere quem videtis diu stare non posse. Cætera commodius ex ipso fonte possunt hauriri. Attentius autem has homilias legenti, perspectum erit quam sapienti consilio Ecclesia eas omnes, si unam aut alteram eximas, cursui seu officio suo inferuerit.

Quando in Sanctorum natalitiis concinabatur, non solebat in steriles eorum laudes excurrere; sed quæ ad mores recte componendos conferre poterant, hæc urgere curabat, ut

(102. 5. 22. & 3.) patebit legenti homilias in solemnitatibus S. Andreæ Apostoli, sanctorum Martyrum Nerei & Achillei, sanctæ Felicitatis, &c.

Cum per se non posset, per discipulos suos, maxime per sui monasterii alumnos, Evangelium apud barbaras gentes jugo Christi nondum subditas disseminavit, & propagavit. Et quidem superioris ævi Pontifices idem strenue præstiterant, quippe qui se toti Reipublicæ Christianæ præfectos fuisse intelligerent: hincque ex Romana Sede per totum orbem fides dimanavit. At nunquam tanta felicitate, facilitate tanta, quanta Gregorio ad Ecclesiasticæ navis clavum sedente. Audeo dicere Petrum jussu a Domino ducere in altum & laxare retia in capturam, vix unquam majorem, quam tunc piscium multitudinem, intra sagenam conclusisse; quippe Britanniam fere integram, omnium olim notarum insularum maximam, missis semel aut iterum retibus coepit, & ad littus, hoc est ad veræ fidei stationem tutam traxit.

Si novis in Ecclesiis Christo congregandis tam sedulam navavit operam Sanctus Gregorius, de antiquis recte ordinandis multo sollicitior fuit; & ut ipsis digni præficerentur Pastores, imprimis curavit. Quos si contingeret aliquando suo deesse officio, paterna caritate admonerat; contumaces autem acrius insequeretur. Verum erga nullum Episcopum severiorem censuram, quam in semetipsum exercuit. Quis non admiretur præstantissimum hunc virum quem suspiciebat orbis universus, publica confessione & quidem ex suggestu facta, leviora in se piacula, ut putabat, redarguentem his verbis: O quam dura mihi sunt ista quæ loquor: quia memetipsum loquendo ferio, cujus neque lingua, ut dignum est, prædicationem tenet, neque in quantum tenere sufficit, vita sequitur linguam. Qui otiosis verbis sæpe implicor, & ab exhortatione atque ædificatione proximorum torpens & negligens cesso. Qui in conspectu Dei

IX.  
Barbaris  
nondum  
Christianis  
prædicato-  
res mittit.

X.  
Episcopo-  
rum rigidus  
censor, sed  
sui maxime  
tuit.

Hom. XI. in  
Ezech. n. 5.  
& seq.



factus sum mutus & verbosus: mutus in necessariis, verbosus in otiosis. Sed ecce sermo Dei speculatoris vita compellit ut loquar. Tacere non possum, & tamen loquendo me ferire pertimesco. Dicam, dicam, ut verbi Dei gladius etiam per memetipsum ad configendum cor proximi transcat. Dicam, dicam, ut etiam contra me sermo Dei sonet per me. Ego reum me esse non abnego, torporem meum atque negligentiam video. Erit fortasse apud pium Judicem impetratio veniæ, ipsa cognitio culpæ. A reliquis abstinco; nam pauca hæc factis ostendunt Gregorium severitatem plusquam censoriam in semetipso arguendo adhibuisse.

Ista Gregoriani Pontificatus prima veluti lineamenta modo sufficiant. Singulas autem res ab eo gestas, servato annorum & temporum ordine quantum licebit, jam evolvam.

## CAPUT IV.

*An. 590. & 591. I. S. Gregorius in Sicilia Synodum quotannis celebrari jubet. II. Inde frumenta Romam advehi curat. III. Lustruosus Romæ status. Cujus occasione Romanos ad pœnitentiam hortatur S. Gregorius. IV. Ecclesiis destructis qua ratione providebit. Et egenorum Episcoporum necessitatibus. Translationes Episcoporum. V. Gregorii erga monasteria sollicitudo & liberalitas. VI. Vagos & flagitiosos Monachos coercet. VII. Nova monasteria jubet construi. VIII. Viduarum curam suscipit.*

*I. S. Gregorius in Sicilia celebrari Synodum quotannis jubet.*

**P**Arum fuisset Gregorio seipsum domumque suam recte regere, aut etiam Romanæ Ecclesiæ singulariter spectatæ invigilare, nisi

toti simul Christi gregi, cui auctoritate præerat, paterna caritate ac sollicitudine providisset. Prima ejus Epistola ad Episcopos Siciliæ scripta constituitur, ut singulis annis ad Synodum conveniant, cujus moderatorem esse jubet Petrum Subdiaconum Patrimonii S. Petri procuratorem hac in insula; & ideo suas ipsi vices intra provinciam hanc se commisisse significat. Erat enim Sicilia una ex suburbicariis provinciis, quæ Romano Episcopo immediate subijciebatur, de quibus legendus sextus canon Nicænus ex Rufini translatione. Consulendus etiam vetus codex canonum a Justello editus, in quo sextus canon ex Nicænis, Ecclesiarum<sup>a</sup> suburbicariarum meminit. Utrum tunc forent in Sicilia Metropolitanis discrepatur: in partem negantem, quam sequitur & tuetur Rochus Pirrus in notitia secunda Ecclesiæ Messanenſis propendimus; eamque sententiam multis gravissimis rationibus confirmavimus in notis ad laudatam Epistolam. Cum fortasse molestum foret Siculis Episcopis, Subdiacono apostolicæ Sedis vices agentem obtemperare; S. Gregorius eas anno sequenti S. Maximiano Syracusano Episcopo commisit, ut infra dicemus. Iisdem postea indulſit, ut uno quoque quinquennio tantum Romam ad Synodum convenirent, cum prius intra triennium semel seſistere tenerentur.

Romæ totiusque Italiæ horreum erat Sicilia, indeque frumenta Romam transmittere penes insulæ Præto-rem erat. Magistratum hunc gerebat Justinus Gregorii familiaris, quem statim ac Pontificatum auspicatus est, rogavit ut debitam & indictam frumenti copiam in Urbem transvehi curaret, ne interitus totius populi Ro-

*II. Inde frumenta Romam advehi curat.*

a De provinciis suburbicariis ævo nostro motæ sunt controversiæ quamplurimæ, a quibus abstinemus. Lege quæ observavimus Tom. XVI.

in indice Geographico epistolarum S. Gregorii ipso in limine.

Ibid. ep. 1.

Romani reus fieret, id minus strenue implendo; simulque officii sui cum admonuit: *Nulla vos lucra, inquit, ad injustitiam pertrahant. Nullius vel minæ vel amicitia ab itinere rectitudinis deflectant. Quam sit vita brevis aspiciat. Ad quem quandoque ituri estis Judicem, qui judiciariam potestatem geritis, cogitate.* Neque enim verbis adulatoriis amicos palpare consueverat. Eundem hortatus est ut ab omni adversus Ecclesiasticos viros simultate abstineret; cupiens maxime concordiam fovere inter Sacerdotium & Imperium, ac utriusque ministros.

III.  
Lutuosus  
Romæ flatus.

Quis tum esset Romæ status, describit S. Gregorius hom. 1. in Evangelia, tempore adventus habita, tribus post initum Episcopatum circiter mensibus, & lib. 11. Dialog. c. 15. Pestilentia desæviebat, & multos repentina morte opprimebat; subito turbine annosæ arbores erutæ nuperrime fuerant, destructæ domus, eversæ a fundamentis Ecclesiæ. Sic implebatur hoc S. Benedicti vaticinium, ut ipse Gregorius observat: *Roma a gentibus non exterminabitur, sed tempestatibus, coruscis, turbinibus ac terræ motu fatigata, in semetipsa marcescet.* Ne ad tot flagella omnium forsan gravius, fames videlicet accederet, merito formidabat piissimus patriæ pater; quæ ad Iustinum Prætorem scribendi fuit præcipua ratio.

Cujus occasione ad penitentiam Romanos hortatur S. Greg.  
Hom. 1. in Evang.

Tot flagellis castigatos, tot calamitatibus attritos filios ad penitentiam flectere tentabat Gregorius, & salutari metu concutere: *Si enim, inquit, per tenuissimi venti spiritum Deus terram movit, adificiorumque fundamenta subruit; si per levissimam nubem ita ferit, qui facturus est cum ipse advenerit Judex ac vindex; cumque in ultionem peccatorum ira ejus exarserit*

Prædicandi studium; quominus Gregorius publicis Ecclesiæ utilitatibus assiduam operam daret, minime obstabat. Destructæ jacebant quamplurimæ in Italia Ecclesiæ, ob continua Gothorum, posteaque Langobardorum bella, occisis aut fugatis Clericis, cæterisque fere in servitutum abductis. Graves præsertim calamitates passæ erant Minturnensis & Populoniensis, in quibus nullus supererat Sacerdos, a quo vel *penitentia decedentibus vel baptisma posset infantibus dari.* Quocirca viduatas & desertas illas Ecclesias, reliquasque parem calamitatem passas aut proximis Ecclesiis adhuc integris univit, aut vicinis Episcopis visitandas & regendas commendavit. Mauricius Imperator jusserat ut Episcopi, quos a propriis locis hostilitatis furor expulerat, ad eos Episcopos se conferrent, qui suis ab Ecclesiis avulsis non fuerant, & ab eis stipendia vitæque necessaria acciperent. Hoc decretum Gregorius laudavit, hortatusque est Episcopos illos ut fratres & coepiscopos suos sibi convicturos sociarent, eorumque inopiam sublevarent. Aliquos etiam Episcopos suis Ecclesiis depulso, alios ad Episcopatus transtulit, ut patet ex pluribus ejus Epistolis. Observatione dignum est quod legitur de <sup>a</sup> Paulo Nepefino Episcopo, quem sapientissimus Papa visitatorem & administratorem Ecclesiæ Neapolitanæ, Sede vacante, constituerat, commendata Ecclesiæ Nepefinæ visitatione & cura Johanni Episcopo, maxime ut in solemnibus Paschæ diebus sacra faceret. Paulus dum traditam sibi provinciam exsequeretur, gravissimam injuriam passus est in Castro Lucullano prope Neapolim. Eum Gregorius litteris consolatus est; & ne tantum scelus inultum remaneret, misit <sup>b</sup> Epiphanium

IV.  
Ecclesiis destructis qua ratione providerit.

Lib. 1. Ep. 3.  
& 15. lib. 11.  
Ep. 45. &c.  
Et Episcoporum ege-  
norum necessitatibus.  
Lib. 1. Ep. 45.

a  
Lib. 3. Ep. 79.  
lib. 11. ep. 37.

Translationes Episcoporum.  
b

<sup>a</sup> Vide lib. 111. Epp. 1. 2. & 35.

<sup>b</sup> Judicem Ecclesiasticum & laicum de eodem negotio conjunctim inquirere, &

sententiam ferre video hic, quod novum non esse docent notæ ad Ep. 1. libri 111.



nium Subdiaconum, ut simul cum Campaniæ Judice, de perpetrato facinore inquireret, ac sententiam ferret. Ex dictis autem probatur eo tempore Italiæ Episcopos immediate Romano Pontifici tamquam suo Metropolitano subditos, ad ejus nutum a propriis Ecclesiis ad alienas quandoque migrasse, eorumque Ecclesias aliis Episcopis eadem auctoritate fuisse commendatas.

v.

Gregorii erga monasteria sollicitudo & liberalitas. Lib. I. ep. 12 Ep. 9.

Post primas iis Ecclesiis curas impensas, alteras caris sibi monasteriis servavit. Itaque egestate laborantibus munificentissime subvenit. Ab Episcopis gravari se vexarique conquerentes Monachos in suam tutelam suscepit, *inhumanum* censens eis interdiceret suis in monasteriis Missarum celebrationem & mortuorum sepulturam. Ipse spectandum humilitatis & æquitatis exemplum omnibus Præsulibus præbuit, erga Monachos S. Theodori in territorio Panormitano. Gregorius servus Dei Presbyter & Abbas hujus monasterii oblato libello supplici conquestus fuerat fines possessionum suarum ab auctoribus Ecclesiæ Romanæ fuisse pervasos. Quapropter Petro Subdiacono, qui Sedis apostolicæ negotia & Patrimonia tunc in illis oris curabat, præcepit S. Gregorius ut res quas repetebat Abbas, restituere festinaret, si eas continuis annis quadraginta quiete cœnobium possedisse probaretur. Ubi a privilegio Ecclesiæ Romanæ, concessio a Justiniano, uti noluit: quo videlicet Abbatem ad centenariam possessionem probandam cogere potuisset.

2

vi.

Vagos & flagitiosos Monachos coarctet.

Aliud erat S. Theodori monasterium apud Messanam, in quo recludi voluit Monachos civitatis Tauri apud Brutios a barbaris fugatos, & per totam Siciliam sine Rectore vagantes. Qua de re scripsit tum ad Felicem Episcopum Messanensem, tum ad Petrum Subdiaconum jam

laudatum. Alia sanctissimi Papæ Epistola Monachi quidam Surrentinæ diocesis eadem vagandi licentia abrepti & peculio insuper studentes, ad officium revocantur. Nonnulli quoque ex istis erronibus, *usque ad tantum nefas profilierant*, ut uxores publice duxissent, de quibus scribit ad Anthemium Subdiaconum, ut *omni vigilantia perquirantur*, & in monasteriis digna coercitione tanti flagitii pœnas luere cogantur. Usque adeo monasticæ stabilitatis assertor fuit, ut Clericis in monasterio conversis nullam ad Ecclesias in quibus prius militaverant remeandi licentiam relinquendam censuerit, & multo minus ad alias transeundi; nisi eos ad sacerdotia assumendos judicaverit Episcopus.

Ep. 40. & 41.  
Ep. 42.

Ibidem.

Quanta fuerit sanctissimi Pontificis de ordine monastico sollicitudo & vigilantia probat alia ad eundem Anthemium epistola, qua duo præcipit non leviter prætereunda. Unum est ut mulieres quæ hostium metu ad Eumorphianam insulam confugerant, inde amoverentur, ne Monachis hanc insulam incolentibus occasionem lapsus præberent. Alterum est ut ante annum ætatis octavum decimum nulli adolescentes ad monasticum habitum hac in insula, in Palmaria, & in aliis insulis susciperentur. *Quia*, inquit providus Pontifex, *dura est in insulis congregatio Monachorum*; hoc est, quia durissimam vitam hic agebant Monachi, propter aeris inclementiam, & rerum ad vitam requisitarum penuriam. Perperam autem ex hoc loco quidam arguunt, hic definitum absolute a S. Gregorio tempus professionis monasticæ; cum ibidem jubeat pueros his in monasteriis repertos infra annum ætatis 18. Romam transmitti, proculdubio ut in monasteriis ubi mitior esset disciplina possent institui. Verum de his jam diximus libro

Ep. 52.

G 2

pri-

C. 3. 5. 21. primo & in nota ad hanc Epistolam 50.

Ad restauranda & construenda etiam nova monasteria, aut his in insulis aut in adjacentibus, usus est Gregorius Horosii Abbatis opera, ut ex variis hoc anno scriptis Epistolis intelligimus. Monachi in insula montis Christi degentes a regulæ monasticæ præceptis penitus exorbitarant: nec qui habitabant in Insula Gorgonia religiosius leges suas observare ferebantur. Hæc erat perturbatorum & iniquorum illorum temporum conditio, circumtrepentibus undique armis, inter quæ leges etiam sanctiores aut silent aut vix audiuntur. De fratrum tamen illorum emendatione non desperans Gregorius, Horosio Abbati jam laudato in mandatis dedit ut hæc monasteria visitaret, tamquam Sedis apostolicæ Legatus, & quæ correctione digna inveniret, ea satageret extirpare; atque Monachos ad meliorem frugem revocaret.

VII.  
Nova monasteria  
construi jubet.  
Ep. 52.

Neque vero propter nonnullorum Monachorum corruptos mores a novis monasteriis excitandis abstinendum judicavit æquus ille rerum æstimator. Quinimmo eidem Horosio & Symmacho defensori præcepit, ut præter monasterium a Labina religiosa femina nuper ædificatum in Corsica insula, ad quod instituentum Monachos a Gregorio postulaverat Symmachus, aliud in loco ejusdem insulæ munito ædificari curarent; *Quatenus, inquit, insula ipsa quæ monasterium nunc usque non habuit, etiam in hujus conversationis via meliorari debeat.* Sed in rebus monasticis diutius non est immorandum.

VIII.  
Viduarum

Ut Episcopi viduas honorent jubet Apostolus; quod etiam de suppeditando victu cæterisque vitæ necessariis est intelligendum.

a Scripsit S. Gregorius ad illos Monachos: *Quidquid disposuerit (Horosius) velut a me dispositum, cum debita reverentia custodite.* Quod probis ipsi collatam

tando victu cæterisque vitæ necessariis est intelligendum. Idcirco Gregorius non solum eas Episcopis b commendavit, sed tueri quoque ac in egestate sublevare semper ipse curavit. Hujus autem paternæ erga eas caritatis argumentum est imprimis Epistola 39. libri 1. qua imperat Anthemio Subdiacono Ecclesiastici Patrimonii curatori in Campania, ut mille modios tritici & octoginta solidos tribus eroget viduis necessitatem patientibus. Annuam fuisse largitionem hanc ex Ep. 59. ejusdem libri conjicimus. Exordium prioris Epistolæ nos docet, nihil sancto & pio Pastori cordi magis fuisse, quam pauperum curam: præcipuamque auctorum & procuratorum ipsius provinciam fuisse, indigentibus subsidium ferre; ad quod & coram & scriptis eos hortabatur. At si officio suo negligentius incumberent, & pauperibus præsto non adessent, acrioribus Gregorii increpationibus stimulati suæ socordiae statim poenas dabant.

Ex tribus viduis modo commemoratis erat Pateria *thia* seu amita aut matertera S. Gregorii: quam etsi viduam expresse non dicat, innuit tamen, dum eam aliis viduis annumerat, & de ipsius filiis loquens, de viro tacet. Tanti Pontificis exemplo discere possunt Episcopi consanguineis & proximis suis (etsi ditari bonis Ecclesiæ non debeant) misericordiae tamen viscera non claudere, sed inter alios pauperes illis locum dare. Si qui autem propinquitate sibi conjunctos pauperes a se repellant, videant ne superbo id pudori adscribi possit.

Cum beneficia conferre, non fecerare cuperet vir munificentissimus, & beatius esse dare judicaret quam ac-

curam su-  
scipit.  
Tim. 5. 3.  
b

Munera re-  
spuit.  
Lib. 1. Ep.  
66.

fuisse Legati aut Vicarii apostolici auctoritatem.

b Lib. 1. Epp. 13. & 62.



accipere, munera renuebat, ut ex ejus Epistola ad Felicem Messanensem hoc anno scripta potissimum discimus. Mimirum intelligebat se ideo in summo Ecclesiæ fastigio constitutum, ut a se in subditos dona copiose sponteque defluerent; non, inverso ordine, a subditis ad se fluerent.

## CAPUT V.

An. 590. & I. S. Gregorii misericordia in hæreticos, per prudentiam temperata. II. Quomodo se gesserit erga schismaticos pro tribus capitulis tumultuantes. Damnatio trium capitulorum nunc in Hispaniis recepta. Et in Galliis. III. Exempla caritatis & aequitatis Gregorii in Judæos. IV. Autharis Langobardorum Rex moritur. Cujus successor Agilulfus Catholicis favet. V. Quid pro fide & pro disciplina restauranda Gregorius decreverit. VI. Quid statuerit de Subdiaconorum calibatu. Putida heterodoxorum fabella exploditur. VII. De Venantio monastici status desertore. VIII. Eum S. Gregorius ad penitentiam hortatur. De Monachorum conjugis quid sentiendum.

I.  
S. Gregorii  
misericordia  
in hæreticos,  
per prudentiam  
temperata.  
Lib. I. cap. 14.

**Q**ua caritate Gregorius suos & Ecclesiæ filios complecteretur, satis superque demonstrant, quæ ex ejus Epistolis primo Pontificatus anno scriptis jam eruimus. Nunc vero de ejusdem in alienos, videlicet hæreticos aut schismaticos, imo etiam in Judæos misericordia, quædam iisdem ex monumentis depromenda: ubi quomodo se gesserit erga omnes illos Christi & ejus sponsæ hostes, simul ostendemus. Mansuetudinem severitati præferendam esse, ut in hæresim lapsi ad veram fidem revo-

centur, docet Ep. ad Demetrium Neapolitanum Episcopum; ipsosque ad communionem etiam *interpositionis animæ periculo* facile suscipiendos. Ne tamen summa hæc indulgentia in nimiam remissionem declinaret, aderat moderatrix prudentia, quæ maxime eluxit in responsione ad quæstionem de unica aut trina merfione baptismi a S. Leandro Hispalensi propositam. Ritus apud Arianos receptus erat tribus vicibus in conferendo baptismo mergere, sed orthodoxis unica sufficiebat merfio. Nuper ad fidem catholicam conversi Wisigothi, auctore præsertim Recharedo Rege, & doctore S. Leandro, pristinum ter mergendi morem retinere cupiebant. Obstabant veteres Catholici, sui quoque ritus retinentissimi. De hac controversia consultus Leander, Sedem apostolicam adeundam censuit, eaque inconsulta nihil decernere est ausus, antiquam<sup>a</sup> patrum suorum secutus consuetudinem. Scripsit itaque ad Gregorium & in utramque partem disseruit, varias tum pro unica tum pro trina immersione rationes exponens. Ad quæsitum respondit sanctissimus magister, citra fidei periculum, alterutrum indiscriminatim ritum sequi licere, quia ubi una est fides, nihil officit Ecclesiæ consuetudo diversa. Addit tamen: *Sed quia nunc usque ab hæreticis infans in baptismo tertio mergebatur, siendum apud vos esse non censeo, ne dum merfiones numerant, divinitatem dividant; dumque quod faciebant faciunt, se morem nostrum vicisse gloriantur.* Prudentissimum sane responsum. Atque eadem est ratio cur fratribus nostris nuper e pravo Calvinii dogmate ad nos reversis, plurima non indulgeamus, quæ alias inter *adiaphora* censi possint.

Lib. I. cap. 43.

Ea-

<sup>a</sup> Himerius Tarraconensis Episcopus consuluit Damasum Papam. Cujus successor Siricius scripsit Epistolam decretalem ad Hi-

merium; quam leges Tom. 2. Conciliorum.

II.  
Quomodo se  
gesserit erga  
schismaticos,  
pro tri-  
bus capitu-  
lis tumul-  
tuantes.

Eadem lenitate per prudentiam attemperata usus est Gregorius erga schismaticos, eos maxime qui trium capitulorum defensione dissidebant ab Ecclesia. Pro schismate isto soli tunc stabant Istri Episcopi & Veneti. Quamvis enim prius in Africa & Illyrico acrius conflagrasset, his in provinciis jam sopitum fuisse non temere conjicimus, ex tot Epistolis tum ad Illyricos tum ad Africanos Episcopos a S. Gregorio missis, in quibus nulla schismatis hujus sit mentio. Schismaticis autem non accensemus eos, qui, etsi Concilium V. non reciperent, & trium capitulorum condemnationi minime subscripsissent, tamen ab eorum communione qui Synodum hanc adferant, & conclamantam in ea trium capitulorum damnationem, nullatenus abstinebant. Certe pro schismaticis eos nunquam habuit S. Gregorius, sed illos tantum qui occasione quintæ Synodi secedebant, & aliorum communionem respuebant, ut infra manifestis documentis ostendemus.

Damnatio  
trium capit-  
ulorum in His-  
paniis rece-  
pta.

Quippe observandum est, in Hispaniis, Galliis, & aliis fere provinciis quæ Romano Imperatori non parebant (quo videlicet cogente, licet Vigilius Papa reluctaretur, damnata sunt capitula hæc) de eorum damnatione decretum nonnisi tardius fuisse receptum. De Hispaniis id luculentissimis argumentis probat Eminentissimus Cardinalis Henricus Norisius, dissertatione historica de Synodo v. cap. ix. §. 2. Præsertim ex conciliorum Hispaniæ silentio Synodum hanc suscipiendam nullibi decernentium, atque ex S. Isidoro qui tum in catalogo Scriptorum Eccles. de Theodoro Mopsuesteno loquens, tum in Chronico, Justinianum Imperatorem quod Episcopos intra imperii fines, ad tria capitula damnanda compulerit, liberius redarguit.

De Galliis idem probatur. Tomo ij. seu in appendice ad opera S. Leonis Papæ magni, in observatione ad Judicium Chrodoberti Turonensis Episcopi; prolatis etiam Vigilii & Pelagii Pontificum Epistolis id non obscure significantibus. Sane quid diu vixerat in Galliis Columbanus, ita sensisse satis aperuit in Epistola ad Bonifacium V. ubi inter cætera hæc contra Vigilium Papam intorquet: *Vigila itaque, quæso Papa, quia forte non bene vigilavit Vigilius, quem caput scandalii isti clamant, qui vobis culpam injiciunt*. Etsi vero de Columbani doctrina & ritibus mota sit quandoque in Gallicanis Synodis controversia, nunquam tamen in suspicionem erroris aut schismatis adductus est ob trium capitulorum damnationem rejectam.

Et in Gal-  
liis.

Ep. 1. Tom.  
xii. Bibliot.  
PP. Lugd.  
pag. 26. &  
seq.

Si intra lineas istas sese continuissent Istriæ Antistites, satisque habuissent toties decantatæ damnationi non subscribere, communionis & caritatis vinculum non abrumpendo, minime schismatici audivissent. At nunquam tumultuari cessarunt, & in Romanam Sedem debacchari. Eos tamen eorumque antesignanum Severum Aquilejensem seu Gradensem Episcopum relapsum & reversum ad ejuratum prius schisma S. Gregorius affectu paterno ad pacem invitavit, & ad Synodum Imperatoris jussu celebrandam. Johannes Diaconus refert Severum tunc apostolica simul imperialique jussione coactum, & imminente Smaragdo, Ravennam Lib. 1. Ep. 16  
venisse, ubi veritus cum Gregorio Synodalem subire conflictum, mediante Johanne Ravennate Episcopo, ad unitatem Ecclesiæ rediit, a qua paulo post eum resiliisse testatur, *subrepta* quoque Mauricii Augusti jussione qua præcipiebat *ut schismatici redire ad unitatem Ecclesiæ minime cogerentur*. Verum quæ hic narrat Johannes, prius contigerunt, ut patet ex Paulo Diacono, Constat enim

Lib. iii. de  
gest. Langob.  
c. 27.



enim Smaragdum Exarchum jam locum cessisse Romano, quando Gregorius Severum litteris suis ad pacem compellavit. In iis quoque S. Gregorius meminit tum reditus Severi ad Ecclesiam, ut ejusdem recidivi lapsus in schisma: *Quantum*, inquit, *incorporatum te jam pridem fuisse in unitate Ecclesiæ gavisi fuimus, abundantius nunc dissociatum a catholica societate confundimur*. Obturavit aures Episcopus schismatis inceptor cum suis sociis; at de paterno erga perduelles affectu nihil remisit sanctissimus vir, ut ex aliis ipsius Epistolis infra ostendemus.

III.  
Exempla caritatis & unitatis Gregorii in Judæos.  
a

Ipsos etiam Judæos non solum æquitatis sed etiam caritatis Gregorii periculum fecisse jam demonstramus. Petrus Terracinensis Episcopus, Judæos de loco in <sup>a</sup> quod ad celebrandas festivitates sua convenire consueverant, expulerat, assignato tamen alio loco, ubi libere possent religionis causa congregari. At Paulo post eosdem inde quoque migrare coegerat. De injuria sibi facta Judæi conquesti sunt apud Papam, qui Petro rescripsit: *Si ita est, volumus tua Fraternitas ab hujusmodi se querela suspendat, & ad locum quem cum tua conscientia quo congregentur adepti sunt, eos, sicut mos fuit, ibidem liceat convenire. Eos enim qui a religione christiana discordant, mansuetudine, benignitate, admonendo, suadendo, ad unitatem fidei necesse est congregare: ne quos dulcedo prædicationis & præventus futuri Judicis terror ad credendum invitare poterat, minis & terroribus repellantur*.

Ibid. Ep. 47.

Huic sententiæ prorsus consona sunt quæ paulo post ad Virgilium Arelatensem, & ad Theodorum Massiliensem Episcopum scripsit, videlicet Judæos ad baptismum suscipiendum cogi non debere, <sup>b</sup> ne neces-

sitate potius quam voluntate Christiani facti, ad pristinam superstitionem relaberentur, indeque deterius morerentur, nuda renati esse videbantur.

Delinquentes tamen Judæos, maxime si periculum foret ne contemptui esset Religio Christiana, coercere quantocius satagebat. Hinc ubi accepit Judæum quemdam Ecclesiæ Venafranzæ ministeria seu vasa sacra (quod legibus interdictum) comparasse, præsertimque calices duos; jussit Anthemio Subdiacono, ut emitorem per judicem provinciæ faceret conveniri, & ad sacra illa cimelia restituenda cogeret, relegatis in penitentiam Diacono & aliis Clericis sacre suppellectilis impiis venditoribus.

Nunc Langobardorum res primò Gregoriani Pontificatus anno gestas summam attingamus. Hoc anno extinctum fuisse Autharim eorum Regem discimus ex Ep. 17. libri 1. prolato Regium usque in extremis Brutiorum finibus Langobardorum imperio. Paulo antea princeps Arius suæ sectæ propagandæ zelo abreptus, edicto solemniter prohibuerat, ne suorum gentilium filii in fide catholica baptizarentur. At non multo post Deum expertus est vindicem, & pro hac culpa a vivis est sublatus. Eum veneno interiisse narrat rerum Langobardicarum Scriptor, postquam sex annis regnasset. Cognita ejus morte Langobardorum duces & optimates, Papiam conveniunt, de successore eligendo deliberaturi. Quibus in comitiis unanimi sententia decretum est ut Theodelinda spectatæ prudentiæ virtutisque Regina, regni gubernaculo semper assideret, & quem mallet educibus in maritum sibi & in totius gentis Regem deligeret. Illa habito cum

IV.  
Autharis Langobard. Rex mortuit.  
Paul. lib. 112  
c. 34.

Paulo Diacon. lib. 112. c. 36.

ma-

<sup>a</sup> Cur id factum, docet Ep. decima hujus libri. Nimirum Synagoga ita erat Ecclesiæ proxima, ut inde facile audirentur

voces psallentium Judæorum.

<sup>b</sup> Vide etiam lib. 11. Ep.

Cujus suc-  
cessor Agi-  
lulfus favet  
Catholicis.

majoribus natu consilio Taurinatum  
ducem, Agonem seu Agilulfum no-  
mine, in regni thalamique confor-  
tem adscivit: cui Mediolani in fre-  
quenti totius gentis conventu impo-  
sita est, ut habent scriptores Me-  
diolanenses, corona aurea ex incluso  
ferreo circulo dicta ferrea; quæ ce-  
leberrima deinceps evasit. Tanto be-  
neficio sibi devinctum Agilulfum Theo-  
delinda catholicæ fidei ardore incensa  
impulit ad eandem fidem amplecten-  
dam, si Paulo Diacono credimus.  
Regis vero exemplum secuti magna  
ex parte Langobardi, Arianismum  
ejurarunt. Quod tamen de suscepta  
catholica fide ab Agilulfo Paulus ait,  
tardius factum intelligimus ex S. Co-  
lumbani ad Bonifacium Papam Epi-  
stola non ante annum 607. scripta,  
quo tempore Rex Langobardorum  
adhuc erat Arianus, de eo namque  
sic loquitur: *Fertur enim dixisse, si  
certum sciret, & ipse crederet.* Ejus  
rei causa Columbanus librum contra  
Arianos composuit, teste Jona. Con-  
stat nihilominus Agilulfum, etsi non-  
dum orthodoxam sequeretur fidem,  
Catholicis multum favisse, ab ipso  
regni exordio; quod etiam expertus  
est S. Columbanus ab eodem beni-  
gne exceptus.

v.

Quid pro-  
fide & pro  
disciplina  
restauranda  
Gregorius  
decreverit.  
Lib. I. Ep.  
41.

Gregorius audita Regis Autharis  
morte, scripsit ad universos Italiz  
Episcopos, ut Langobardorum par-  
vulos in Ariana baptizatos ad ca-  
tholicam fidem conciliare, imminente  
maxime gravi mortalitate, curarent:  
postea vero ad refarciendam in Italia  
Ecclesiæ disciplinam, quæ inter bar-  
barorum heterodoxorum gladios pes-  
sumdata fuerat, mentem adplicuit.  
De Sacerdotum aliorumque ex clero  
lapsum pœnitentia sollicitus, jussit  
eos in pauperrima monasteria ubi  
regularis observantia vigeret, retru-  
di, eisque sufficientia stipendia sup-

peditari, ut ex iis etiam subsidium  
ad victitandum haberent Monachi,  
qui de eorum emendatione sollicitu-  
dinem gererent.

Ambitum in Clericis comprimere  
satagebat. Unde Liberatum Diaconum  
ambitionis spiritu inflatum & dissen-  
tum, in ultimo inter cæteros Dia-  
conos loco stare jussit, quo humi-  
litati & subjectioni assuesceret. Epi-  
scopos de crimine postulatos, in Con-  
cilio de more judicari, neque alia  
quam Synodali sententia deponi  
præcepit. Clericos peregrinos absque  
Episcopi sui cessione seu litteris di-  
missoriis non recipiendos aut incardi-  
nandos esse statuit. De Subdiacono-  
rum cœlibatu quid decreverit, nunc  
morosius explorandum.

Pelagius Papa II. ante triennium  
legem cœlibatus Siciliæ Subdiaconis,  
a more Romanæ Ecclesiæ imposue-  
rat; jussitque ut qui jam uxorati  
essent, ab uxoribus separarentur;  
quod durum Gregorio incompetensque  
visum est, ac plurimis pejus caden-  
di periculis obnoxium. Hoc itaque  
decretum ita temperavit sapientissi-  
mus Pontifex, ut fineret conjugatos  
Subdiaconos uxores retinere, ea lege  
ut ad sacros ordines nunquam per-  
venirent: *Quia nullus debet ad mi-  
nisterium altaris ascendere, nisi cu-  
jus castitas ante susceptum ministerium  
fuerit approbata.* De cætero prohi-  
buit ne deinceps Episcopi Subdiacono-  
num ullum ordinarent, nisi qui vi-  
cturum se caste promitteret. His  
exploditur fabella quam<sup>b</sup> Centuriato-  
res Magdeburgenses ex conficta no-  
mine S. Udalrici Augustani Episcopi  
Epistola ad Nicolaum Papam deprom-  
serunt; scilicet nostrum Gregorium  
prius uxores Sacerdotibus solemn-  
i decreto ademisse; at cum ex piscina  
sua capita infantium ad sex millia  
extracta fuisse a piscatoribus intellexit.

Lib. I. Ep.  
83 & 84.  
Item lib. III  
Ep. 8.  
Lib. I. Ep.  
83.

VI.  
Quid statu-  
rit de Sub-  
diaconorum  
cœlibatu.  
Lib. I. Ep. 44  
& lib. IV.  
Ep. 34.  
2

b

a Moris hujus meminit S. Leo Ep. 12.  
c. 4. Ne Subdiaconis quidem connatum car-  
nale conceditur; ut & qui habent, sint

tamquam non habentes, & qui non habent,  
permaneant singulares. b Vindicias hu-  
jus importare vide apud Dinium, E. V.



xisset, hocque infanticidium sibi tribueret ( non dubitabat enim tot infantes ex furtivis Sacerdotum fornicationibus aut adulteriis natos ) decretum suum refixisse, & de tanto scelere pœnituisse.

Tutida he-  
reodoxorum  
fabula ex-  
ploditur.

Quot verba hic, tot putida & stolida legis mendacia. Qua ratione in piscinam potius Pontificiarum ædium projecta isthæc infantilia capita, quam in Tiberim, aut in cloacas publicas? Capita inveniuntur & numerantur, quid de reliquis cadaveribus factum est? Quasi verisimilitudinem vel minimam habeat infantium illorum parricidas quorum adeo intererat tantum scelus occultare, projectis ex condito in piscinam Pontificiam occisorum capitibus, illud ultro quasi per ludum voluisse publicare? Quam perfrictæ vero frontis sunt, qui volunt Gregorium pœnituisse, quod Presbyteres & ministros sacros, legi cœlibatus adstrinxerit, cum nec ipse talis legis unquam auctor fuerit; (quippe quæ semper saltem in Ecclesia Latina fuerit observata, ubi vigebant canones) nec ullum fere sui Pontificatus annum elabi siverit, in quo de majorum Clericorum cœlibatu aliquid non scripserit. Lege præsertim sēquentes Epistolas lib. I. Epp. 44. & 52. lib. IV. Epp. 26. & 36. lib. IX. Ep. 60. lib. X. Ep. 62. lib. XI. Ep. 64. ad secundam interrogat., respondendo, ubi de Clericis loquens quibus liberum est uxores accipere, excludit eos qui sacris in ordinibus sunt constituti; denique lib. XIII. Epp. 35. & 36.

Cæterum operæ pretium non est, pluribus argumentis fabulam hanc explodere, quæ statim evanescit, cum expenditur quo tempore vixit S. Udalricus Episcopus. Neque enim cœvus esse potuit aut Nicolai I. aut II. Qua de re consulendus est Em.

Card. Baronius ad an. 591. num. 21.

<sup>a</sup> Haud minori zelo Gregorius cavet Monachorum castitati & famam quam Clericorum, ut præmonuimus cap. superiori num. 6. Et quidem arctissime alligatos illos voto seu proposito castitatis perpetuæ censuit, ut ex ipsius ad Venantium Epistola hoc anno scripta extra dubium ponitur. Venantius Patricio genere in Sicilia, ut videtur, ortus, vitam amplexus erat monasticam, verum relicto postea monasterio uxorem duxerat <sup>b</sup> nomine Italicam, aut ad prius ductam redierat, ex qua duas filias Barbaram & Antoninam suscepit. Tunc temporis aliquos Monachos uxores publice duxisse dolet S. Gregorius lib. I. Ep. 42. jubetque ut ab ipsis avulsi, in monasterium retrudantur, uti jam observavimus. Suspiciatur noster Mabillonius Italicam fuisse Venantii parentem, non uxorem; at, quod tanti viri pace dixerim, conjectura hæc ruit lecta inscriptione Epistolæ 123. libri IX. Non firmiori fundamento nititur Cancellarii Italiæ titulus qui gratis huic Patricio confertur, ex corruptis epistolarum inscriptionibus quas habent codices editi, non vero manu exarati. Barbaram & Antoninam ante Venatii lapsum natas nihil cogit dicere. Venantius aliquot annis ante susceptum a Gregorio Pontificatum e monasterio excefferat. Ejus natæ litteris Gregorium compellarunt undecimo ejus Pontificatus anno, una sorte duodecim, altera decem annorum. Quid supra illam ætatem? Non magis abhorrebat a sanctissimi Pontificis pietate, virgines nobiles etsi ex iniquis nuptiis natas honorifice salutare ac tueri, quam ad earum parentes Venantium & Italicam reverentissimis & amicis verbis scribere, Johannemque Syracusanum Epi-

a  
VII.  
De Venantio  
monastici  
status deser-  
tore.

h

Annal. Be-  
nedict. ann.  
601. pag.  
216.

Lib. XI. Ep.  
35. & 76.

Lib. VI. Ep.  
7.

<sup>a</sup> Vide de Castro nota ( r )

<sup>b</sup> Vide Ep. 123. lib. IX. & lib. XI. Epp.  
Tom. XVI.

Episcopum obrepulsas Venantii oblationes redarguere. Parumper extra metas excurrimus, viri doctissimi conjecturas expendendo, nunc ad id unde digressi sumus, redeundum.

VIII.  
Eum S. Gregorius ad penitentiam hortatur.  
Lib. I. Ep. 34. A. 5.

Gregorius ad Venantium propositi monastici desertorem gravem Epistolam scripsit, ut eum ad penitentiam hortaretur, quæ facile legi potest. Notatu præsertim digna sunt verba hæc: *Ananias pecunias Deo voverat, quas post, diabolica rictus persuasione, subtraxit. Sed qua morte multatus est, scis. Si ergo ille mortis periculo dignus fuit, qui eos quos dederat, nummos Deo abstulit: considera quanto periculo in divino judicio dignus eris, qui non nummos, sed temetipsum Deo omnipotenti, cui te sub monachali habitu devoveras, subtraxisti? Considera judicium Dei, quid mereatur, qui semetipsum Deo vovit, continuoque mundi desideriis irretitus, mentitus est quod vovit.*

De Monachorum conjugis quid sentiendum.  
Ep. I. c. 6.  
Tom. I. Concilior. p. 1019  
Lib. de Bonis viduis. cap. 10. 11. 12.  
Tom. 6.

Quibus verbis quid expressius ad votorum monasticorum obligationem adstruendam? Incesta Monachorum & Sanctimonialium conjugia diuante Siricius Papa tamquam publicis legibus & Ecclesiastico juri contraria damnat, scribens ad Himerium Tarraconensem Episcopum. Suffragantur Concil. Calced. can. 16. & Cartagin. IV. cui subscripsit Augustinus capit. 104. Docere tamen videtur Augustinus, conjugia eorum qui continentiam voverint, adulteria non esse, quamvis eorumdem lapsus quovis adulterio pejorem censeat. Sed hoc vitium nubentium esse contendit, non ipsarum nuptiarum, quæ sanæ sunt & nunquam damnandæ. Ita vero loquitur sanctus Doctor, ne Manichæis nuptias damnantibus consentire videatur. Hanc questionem sibi propositam attingit S. Bernardus lib. de præcepto & dispen-

satione cap. 27. at nihil decernit.

Non resipuit Venantius; neque tamen ab ejus amicitia resiliit Gregorius, sperans opportunius aliquando sibi tempus adfuturum, amicum ad penitentiam iterum adhortandi. Sane audita postea gravi quædecumbebat ægritudine, de ejus salute sollicitus scripsit ad Johannem Syracusanum Episcopum, ut de anima ejus cogitare debeat, exhortando, rogando, Dei terribile judicium proponendo, ineffabilem ejus misericordiam promittendo, ut ad habitum suum redire vel in extremis debeat, ne ei tantæ culpæ reatus in æterno judicio obsistat, Verum quid inde secutum sit, ignoramus. De Venantio adhuc postea erit agendum. Nunc e Sicilia in Africam transmittamus, ubi Pontificia S. Gregorii auctoritas, & sollicitudo pastoralis, primo anno quo Romanam ascendit Sedem, innotuerunt.

Lib. XI. Ep. 36.

## CAPUT VI.

I. Quid de Primatibus inter Africanos Episcopos S. Gregorius decreverit. II. Num Columbus tunc Numidie Primas esset. III. S. Gregorii labores in Donatistas. Quo successu. IV. Quædam notatu digna de rebus Episcopis judicandis. De Ecclesiasticis immunitatibus. De litibus. A quibus Monachos eximit. V. Prævas consuetudines tollit. VI. De Monachorum testamentis. VII. De bonis lapsorum & dejectorum Sacerdotum. VIII. Oratoriorum dedicationes tunc percelebres.

Ann. 590. & 591.

**M**Os erat apud Africanos Episcopos, ut singulis in provinciis inter eos loco Primatis aut Metropolitanis haberetur, qui ordinatione foret antiquior; unde non primas, sed senex, aut primæ Sedis Epi-

I.  
Quid de Primatibus inter Africanos Episcopos S. Gregorius decreverit.  
a

a Loquimur de politione Ecclesiastica apud orthodoxos observata. Quod spectat ad Vandalos Arianos, suum in Africa Patriarcham habebant. Duos eorum Patriarchas no-

minat Victor Vitenfis, Jocundum & Cyryllam, qui ut puto successive sederunt. Consulatur Victor Vit. Histor. Vandal. persecut. lib. 11. c. 18.



Episcopis vocabatur. Sola Carthaginensis Ecclesia, inter cæteras diversarum provinciarum Africæ pene innumeras primatu perpetuo gaudebat. Cum itaque Sedes episcopales etiam in exiguis ignotisque vicis essent institutæ (hinc ignota fere obscuraque Africanæ Ecclesiæ notitia) sæpe fiebat ut ignobilis oppidi Episcopus reliquis provinciæ suæ Episcopis tamquam Primas præesset. Quod cum incongruum S. Gregorio visum fuisset, ut reapse erat, optimum esse judicavit primo eligi Primatem *non ex ordine loci*, videlicet aut propter antiquitatem ordinationis, aut propter Sedis dignitatem concessi; sed habita potius morum ac meritorum ratione. Secundo Primatem non passim, sicut moris erat, per villas, sed in una civitatum residere, quo facilius Donatistarum in Africagraftantium insidiis & conatibus resistere valeret. Tertio prohibuit ne hi qui ex Donatistis ad Episcopatum pervenerant, Primatis dignitatem possent adipisci. Loquitur autem de Donatistis ad fidem & unitatem Ecclesiæ reversis: *Sufficiat, inquit, illis commissæ sibi plebis tantummodo curam gerere; non autem etiam illos Antistites quos catholica fides in Ecclesiæ sinu & edocuit & genuit, ad obtinendi culmen primatus anteire*. Hæc Gregorius ad Episcopos Numidæ scribens, <sup>a</sup> & ratas habens reliquas eorum consuetudines, quas sibi servari supplices a Pelagio II. petierant.

Qui Columbum Episcopum, tunc Primatem <sup>b</sup> Numidæ fuisse cum Baronio asserunt, a vero prorsus aberrant, resellunturque ab ipsomet Gre-

gorio ad Columbum scribente: *Itaque erga Primatem Synodi tuæ esto sollicitus*. Ad eum scripta est Epistola 49. lib. III. in cuius titulo legitur: *Adeodato Episcopo Primati provincia Numidiæ*; eumque hortatur S. Gregorius *ne officium primatus, quod Deo auctore habet, studeat tota intentione sagaciter exhibere*. Paulo infra suadet ut Columbum præ cæteris adiutorem adhibeat in omnibus. Adeodato successit in Primatu Victor de quo in Epistola 28. lib. XII. ad Columbum scripta: *Victori fratri & coepiscopo nostro, qui primatus inter vos locum tenet, curavimus scribendum*. Ad Columbum tamen in præcipuis provinciæ Numidiæ negotiis scribere solet sanctus Papa quasi vicarium S. Sedis eum constituisse, quod nihilominus nullibi factum legitur.

Singulari Gregorii erga Ecclesias Africanas diligentia præstitum est ut prius tumultuantes Donatistæ, tandem quiescerent. Nimirum satis non fuit vigilantissimo Pastori adversus illos lupos in gregem Christi sævientes, alios sibi subditos Pastores ad vigilantiam & constantiam excitare, scriptis ad eos plurimis Epistolis, inflictaque negligentibus & mercenariis poena; sed etiam Gennadium Patricium & Exarchum Africæ, qui multis bello præclare gestis illustris erat, rogavit ut hæreticorum contra Ecclesiam catholicam colla subrigentium conatus comprimeret, ac superbas eorum cervices inflecteret; omnemque adimeret nocendi licentiam. Postea cum rescivisset Pantaleonis Africæ Præfecti nimia in hæreticos indulgentia factum esse, ut

H 2 eorum

*suorum consuetudinem decessorum, & provinciales suos Episcopos . . . congrua sibi auctoritate disponat*.

<sup>b</sup> Numidiæ ex septem Africæ provinciis secunda era & post provinciam proconsularem cujus caput Carthago, recensetur in notitia Africæ, quam consule in nova edidit. Vandalicæ persecut.

Baron. ad an. 502. n. 4. Lib. III. Ep. 48. & 49.

Lib. I. Ep. 74.

Ibid. Ep. 77.

III. S. Greg. I. auctores in Donatistas. Lib. I. Ep. 77. Lib. II. Ep. 48. Lib. IV. Ep. 35. Lib. V. Ep. 50. Lib. I. Ep. 74. Lib. IV. Ep. 34.

II. Nam Columbus tunc Numidiæ Primas fuerat.

b

a Observa sanctæ Sedis apostolicæ auctoritatem, ad quam videlicet pertinet remotissimarum Ecclesiarum confirmare consuetudines. Ea magis eluxerat longe antea in S. Leone, qui rogatus Ecclesiæ Alexandrinæ post Romanam secundæ privilegia confirmavit. *Improba, inquit, suorumque ambitioni, servato verorum privilegiorum jure, sollicitus obviavi . . . teneat fraternitas tua*

eorum audacia in dies cresceret, infollescereque in Ecclesiæ catholicæ Sacerdotes, ab eis baptizatos iterum baptizando; de socordia Præfectum increpavit, quamque gravi peccato subjaceret, reserpendi occasionem hæresi tribuendo, liberrime admonuit.

Quo successu.  
Lib. v. Ep. 5.

Tandem frequentibus S. Gregorii monitis tum ad Episcopos, tum ad Præfectos & Magistratus, tum ad ipsummet Augustum, habitum est concilium in quo, annitente præsertim Dominico Carthaginensi Episcopo totiusque Africæ Primæ, constitutum est *investigandos* esse ab Episcopis hæreticos, & compescendos; quod decretum qui exsequi negligerent, bonorum ac dignitatum privatione esse plectendos. Laudavit Papa Dominici zelum; neque tamen omni ex parte probavit decretum de spoliandis qui negligentius hac in re incumberent Episcopis. Resipuisse tandem Donatistas aut <sup>a</sup> quievisse, inde autumat, quod sanctus Pontifex ad Dominicum & ad alios Africæ tum Episcopos tum Imperatoris ministros deinceps frequentius scribens, nusquam de illis coercendis amplius agat, post Indictionem xiv.

IV.  
Quædam  
notatu digna,  
de re  
Episcopis  
judicandis.  
Lib. i. ep. 33.

Cum cætera quæ primum Gregoriani Pontificatus annum commendant, fusiori stilo prosequi non liceat, quædam tantum ex ejus Epistolis nondum supra delibatis decerpimus notatu digniora. Episcopos nonnisi a Synodo judicari voluit, etiam si graviorum noxarum rei forent, ut in causa Blandi Hortensis Episcopi non obscure significavit.

De Ecclesiasticis immunitatibus.

Septa Ecclesiastica tunc habita præasylis probat Epistola 37. Quæ vero loca per septa Ecclesiastica debeant intelligi, docent notæ ad hanc Epistolam.

De litibus.

Cum a strepitu forensi multum abhorreret vir sanctissimus, si qua

litigandi occurreret occasio inter Episcopos, Clericos, Monachos, etiam laicos nobiles; suadebant ut pro componenda controversia eligerentur arbitri, qui nullo vel minimo sumtu, præcis dilacionibus frustratoriis, jus cuique litigantium tribuerent. Ipse si qua oriretur quæstio de finibus & fundis, inter actores Ecclesiæ Romanæ qui ejus prædia curabant, & vicinorum agrorum possessores, hujusmodi iudices eligi volebat. Quo animo esset erga lites, non potuit melius prodere quam his verbis: *Non solum nunquam mota suscitari volumus, verum etiam quæ prava foris admoventur, sopire modis omnibus festinamus.*

Ep. 9.

Quanto studio Monachos a forensibus litigiis & strepitibus curaret submovere testatur ejus Epistola 69. cum enim Johannes Abbas ipsi suggestisset plurima se habere pro monasterio suo negotia, quibus intendere vix posset citra regularis observantiæ dispendium: optimum visum est provido patri ut hujus monasterii tuendi contra litigantes cura commendaretur <sup>b</sup> cuidam Fausto Romani Exprætoris Cancellario, eique *salarium* pro impensa opera constitueretur. *Expedi enim, inquit, parvo incommodo a strepitu causarum servos Dei quietos existere; ut & utilitates cellæ per negligentiam non pereant, & servorum Dei mentes ad opus Dominicum liberiores existant.* Hæc videtur prima commendatariorum Abbatum origo; qui utinam tales forent ut servos Dei ab omnibus negotiis eximerent, non in lites immergerent.

A quibus  
Monachos  
eximit.

b

In Ep. 44. Petro Subdiacono pleraque Ecclesiæ patrimonia in Sicilia curanti, præcipit emendare plurimas consuetudines, quibus Ecclesiæ colonos vexari noverat, & quæcumque

V.  
Pravas consuetudines  
tollit.

<sup>a</sup> Lege Donatistarum historiam novissimæ Optati operum editioni additam & præfixam, in fine.

<sup>b</sup> De hujusmodi procuratore loqui vide.

tur S. Gregor. ad Johannem Abbatem scribens lib. III Ep. 3. *In causis istis procuratorem, & tu ad lesionem & ad craticam vaca.*



quæ percēpta forent injuste rusticis abunde restitui. Quin etiam veritus ne Petrus sibi mandata minus strenue impleteret, iudicium ultimum ei comminatur, & his verbis Epistolam claudit: *Vide ut omnia absque imminutione custodias: quia de his quæ tibi pro servanda justitia scribo, ego absolvor; & tu si negligis, obligaris. Terribilem Judicem considera venientem, & de adventu illius nunc tua conscientia contremiscat, ne tunc sine causa jam timeat, cum coram illo cælum & terra tremuerit. Audisti quod volo: vide quid agas.*

VI.  
De Monachorum testamentis.

In eadem Epistola legitur Johannem Monachum morti proximum, Fantinum defenforem heredem in sex uncias, hoc est in dimidiam bonorum partem instituisse. Quod non improbat S. Gregorius. Ne tamen inde inferas licuisse tunc Monachis testamentum condere, lege notam qua locum hunc illustravimus. Consule quoque nostrum Mabillonium in Annal. Bened. an. 599. n. 31. & ad an. 601. n. 6.

VII.  
De lapsorum & dejectorum Sacerdotum bonis.

Ex laudata Epistola compertum habemus quam sollicitè S. Gregorius caveret, ne ii quorum ministerio in Ecclesiæ negotiis utebatur, in Sacerdotum & aliorum Clericorum lapsorum e suo gradu dejectorum bona invaderent, unde sane grave scandalum oriri potuisset; nimirum ita dejecti haud dubie conquesti fuissent se ideo loco motos, & ad pœnitentiam in monasteria detrusos, ut sua bona, suæ facultates Pontificiorum ministrorum prædæ paterent. Decernit ergo S. Gregorius ut eorum bona, vel monasteriis in quibus pœnitentiam agunt, cedant; vel eorum parentibus dentur; ita tamen ut eorum stipendium, qui in pœnitentiam dati fuerint, sufficienter debeat procurari: vel si ex Ecclesiastica fuerint familia illi lapsi, res eorum

Ecclesiastico juri non subtrahantur; servata pœnitentibus alimentaria pensione. Consule notas ad hunc laudatæ Epistolæ locum.

Quanta celebritate tunc vel oratoriorum dedicationes fierent, & quæ his in festis esset in pauperes munificentia docet Ep. 59. Dedicationes Ecclesiarum & oratoriorum sine sacris reliquiis quæ in eis conderentur vix fiebant. Nullum autem, ubi collocabantur, corpus prius humatum fuisse constare oportebat; sane optimis de causis, ut explicatur in not. ad Ep. 54. lib. 1. In Italiæ provinciis Romanæ Sedi tamquam Metropolitanæ arctius adstrictis nullas tunc factas fuisse templorum consecrationes non audet asserere Mabillonius. In hanc tamen sententiam valde propendet: nec immerito. At de hoc argumento alibi fortasse opportunior erit dicendi locus. Interim lege Ep. 37. lib. v.

VIII.  
Oratoriorum dedicationes tunc per celebres Lib. I. ep. 51.

a

## C A P U T VII.

I. De causa Natalis Episcopi Salonitani. II. Archidiaconus ab eo dejectus apostolicam Sedem appellat. III. Quæ responderit Natalis. Respiscit. IV. Illo mortuo S. Gregorius de eligendo successore curat. Electus est Honoratus Archidiaconus. V. Mauricius Imperator mitius cum schismaticis agit. VI. Langobardi Romam premunt. VII. S. Gregorius Ezechielem Prophetam exponit. Luctuosus Romæ status.

An. 597. & 598.

**N**unc ordo rerum temporumque ratio postulant, ut de Natali Salonitano Episcopo Dalmatiæ Metropolitanæ loquamur. Qui cum adversus summum Pontificem diu rebellasset, hoc secundo Gregorii anno, ad saniores mentem, ejus invicta magnanimitate ac patientia de-

I.  
De causa Natalis Salonitani Episcopi. Lib. II. ep. 17. 19. 20. Lib. III. ep. 32. Lib. I. ep. 19. & 106.

bel-

a Id centies repetit S. Gregorius, scilicet omnibus in Epistolis, in quibus de tem-

plorum consecratione, & reliquiarum collatione agit.

bellatus, feliciter tandem rediit. Hic Episcopus ferebatur, Pastoralis cura derelicta, solis vacare conviviis; & quod gravius est, vasa sacra pretiosamque Ecclesiæ suppellectilem, suos ut ditaret, distraxisse. Cui sacrilegio cum obstaret Honoratus Archidiaconus, quod ejus esset res sacras asservare; Natalis eum, ut ab hoc officio removeret, honoris specie, licet renitentem, Presbyterum ordinare voluit; neque enim Presbyter tunc Archidiaconi munere fungi poterat, ut observimus maxime ex S. Leone & Apoll. Sidonio in notis ad Epistolas indicatas. Sententiam suam de Honorati dejectione ab Archidiaconatu in provincie suæ concilio ratam haberi, & gestis Synodicis confirmari curavit. Quibus sane nihil iniquius, nihil insulsius: eodem enim judicio, ab Archidiaconi ministerio tamquam indignus repellebatur Honoratus, & ut dignus ad Presbyteratum assumebatur.

De vi sibi illata jam expostulationem fecerat Honoratus, & ad Pelagium Papam confugerat; qui utrumque, Archiepiscopum videlicet Archidiaconumque adesse saltem per procuratores jusserat, ut de ea controversia judicium ferret. Natalem cunctantem & moras nequentem iterum ad causam dicendam vocavit S. Gregorius primo sui Pontificatus anno, præcepitque ut ante omnia Honoratum in pristinum gradum restitueret. Anno vero sequenti comminatus est ei Pallii privationem, si obtemperare abnueret; ac demum excommunicationem, ut a corpore & sanguine Domini esset abstentus, nisi male acta emendaret. De Episcopatu, an in ipso permanere deberet, alio definiendum judicio reservavit. Præterea in locum Honorati ordinatum Archidiaconum depositione plebendum censuit, & si ultra hoc in officio ministrare præsumeret, sacræ

communione exsortem esse pronuntiavit.

De his Gregorius certiores fecit universos Dalmatiæ Episcopos, & Antonium Subdiaconum Ecclesiastici patrimonii rectorem in hac provincia, cui jubet latam in Natalem & in intrusum ab eo Archidiaconum sententiam, utrique præmissis adhortationibus, denuntiare. Ne vero Jobinus Illyrici Præfectus Natali patrocinaretur (sciebat enim eum optimatibus quos conviviis excipiebat esse pergratum) illum scriptis litteris rogavit ne opem reo contra justitiam ferret.

Natalis ægre tulit Papam sibi pœnam excommunicationis esse comminatum, & in sui defensionem ad eum scripsit: convivia non dedecere Episcopum, quæ in sacra Scriptura & apud veteres Christianos commendata leguntur & laudata. Sibi *tribulationibus presso* liberum non esse, lectioni sacræ operam dare; at non ideo intermissum prædicationis opus. Quid de vasis sacris distractis, quid de Honorato ab Archidiaconatu avulso responderit, subicitur in Epistola quam ad eundem Gregorius scribendam judicavit, ut hominem exasperatam de sincera tamen obedientia spondentem pia humilitate mitigaret, ac in spiritu lenitatis, uti docet Apostolus, instrueret. Admiremur eum ita blandis, efficacibus tamen verbis, oleum simul & vinum Natalis vulneribus infundentem: *Ecce, inquit, Fraternitas tua ægre tulit se de conviviis esse reprehensam, cum ego qui etsi hanc non vita, tamen loco transgredior, ab omnibus corripì, ab omnibus emendari paratus sim. Addit post multa: Quod si quilibet ex quatuor Patriarchis fecisset (nimirum Sedis apostolicæ despexisset judicia) sine gravissimo scandalotanta contumacia transire nullo modo potuisset. Tamen Fraternitas vestra ad suum ordinem rediit, nec ego meæ*

III.  
Quæ respon-  
derit Nata-  
lis.  
Ep. 52.  
Resipiscit.

II.  
Archidiaconus ab eo dejectus, Sedem apost. appellat. S. Gregorius excommunicationem Natali comminatur.



*nec decessoris mei injuriæ memor sum.*

Magna Gregorio lætitiâ attulit Natalis pœnitentiâ, de qua his verbis certior fecit hoc ipso anno

Lib. II. ep. 52.

Johannem Ravennatem: De fratre autem & coepiscopo nostro Natali valde contristabar, quod de illo quædam superba cognoveram: sed quia mores suos ipse correxit, meam tristitiâ simul meipsum vincendo consolatus est.

IV.  
Eo mortuo curat S. Greg. de eligendo successore.

Natali paulo post e vivis sublato, Gregorius ad Antonium Subdiaconum scripsit, ut de successoris electione sollicitus esset. Et quia ex ejus Epistola quænam electionum tunc esset forma licet intelligere, quædam ex ea decerpta hoc loco subjiciemus.

Lib. III. ep. 22.

Experientia tua, inquit, omnia instantia omnique sollicitudine clerum & populum ejusdem civitatis admonere festinet, quatenus uno consensu ordinandum sibi debeant eligere Sacerdotem, factoque in personam, quæ fuerit electa, decreto, ad nos transmittere studebis, ut cum nostro consensu, sicut priscis fuit temporibus, ordinetur. Illud quidem præ omnibus tibi curæ sit, ut in hac electione nec datio quibuscumque modis interveniat præmiorum, nec quarumlibet personarum patrociniâ convalescant.

Quid vero curæ impenderent sanctæ Sedis ministri aut legati, qualis erat Antoninus Subdiaconus, ut intacta conservarentur Ecclesiæ bona mortuo Episcopo, discimus ex his verbis: De rebus vel ornamento ejusdem Ecclesiæ, fideliter rerum inventarium facito te præsentem conscribi. Et ne rebus ipsis possit aliquid deperire, Respectum Diaconum atque Stephanum primicerium notariorum, ut ipsarum rerum omnino gerant custodiam admoneto: interminans eis de propria eos satisfacturos esse substantia, si quidquam exinde eorum negligentia fuerit imminutum. Deinde de supeditandis omnibus ad electionem necessariis ita monet: *Expensa vero, quæ necessaria fuerit, per æconomum,*

*qui tempore mortis prædicti Episcopi inventus est, erogetur, quatenus rationes suas futuro Episcopo ipse, ut novit, exponat.*

Non leviter prætereunda fuerunt hæc, in quibus tanta elucet Romanæ Sedis auctoritas, etiam in Metropolitanas extra Italiam Ecclesias. Aliquando Gregorius hanc electionum curam dabat Episcopis; aliquando etiam iudicibus & magistratibus, ut argumento est Ep. 15. lib. III. ad Iudicem Campaniæ ea de re scripta. Sed laicis nullam in bona Ecclesiæ potestatem tradidit, facta scilicet ipsis tantum copia plebis christianæ ad eligendum Episcopum convocandæ.

Lib. I. ep. 17.  
Lib. II. ep. 32.

Electus fuit a clero in Salonitanum Archiepiscopum Honoratus Archidiaconus, de quo jam sæpe dictum; quod pergratum Gregorio fuit: perspectam enim habebat hujus viri probitatem, constantiam, & in rebus gerendis prudentiam. Sed ejus Sedem invasit Maximus auctoritate optimatum fretus, ut infra suo loco dicetur: quæ enim hic de morte Natalis, ejusque successoris electione attigimus, per antecessum dicta sunt, ut una eademque serie, quidquid ad controversiam illum inter & Honoratum motam pertineret contractum ob oculos poneretur. Nunc quo nos revocat ordo temporum redeamus.

Electus est Honoratus Archid.

Cum in Italia res imperii nutarent, ne schismatici Venetiæ & Istriæ desperatione acti Langobardis dedicationem facerent, si ad ejurandum schisma compellerentur, Mauricius Augustus Gregorium admonuit ut a vi & coactione interim abstinere. Nuper Gradus Severi schismaticorum Patriarchæ Sedes incendio vastata fuerat; quod movit Johannem Ravennatem a sancto Pontifice postulare, ut illuc eleemosynas mittere curaret; cui respondit, Severum abunde habere, unde munera in aulicos profunderet, & in suas eos partes contra Sedem apostolicam pertraheret.

V.  
Mauricius mitius agit cum schismaticis.  
Lib. II. ep. 46.

Mi-

Misericordiam quidem Ecclesiæ hostibus denegandam non esse, sed prius fidelibus exhibendam. In proximo vero esse civitatem, cujus multi cives in captivitatem abducti, ad quos redimendos mittendum esse cum pecunia Claudium Abbatem.

Hanc Gradi conflagrationem contigisse credimus quando Agilulfus contra tres duces qui rebellaverant profectus est. Ex his Minulfus Dux Insulæ \* S. Juliani qui ad Francos defecerat, eorumque partes aperte foverat, victus & interemptus est. \* Gaidulfus Pergamensis seu Bergomensis deditione facta in gratiam est receptus, Ulfaris autem Tarvisii dux urbe capta in vincula conjicitur.

Hoc anno Ariulfus secundus post Faroaldum dux Beneventanus, agrum Romanum invasit, & e Romana plebe plurimos, aut occidit aut detruncavit, inquit Gregorius, qui præmorsitia in cholica molestiam incidit; cholera forsitan seu bilem, quæ intestina laborarent & stomachus, hic significat. Tristitiam augebat Romanus Exarchus, qui etsi bello impar esset, paci nihilominus toto nisu repugnabat, lucrum ex publicis calamitatibus aucupans. Omni fere præsidio vacua erat Roma, & qui ad murorum custodiam relictæ fuerant

<sup>a</sup> Theodosiani, cum stipendia non acciperent, vix ad excubias aliaque militaria officia poterant cogi. Reliquas copias eduxerat Exarchus, quibus aucto exercitu, receperat subito velut impetu Sutrium, Polimartum, Hortam, Tudertum, Ameriam, Perusium. Hinc queritur Gregorius ad Mauricium scribens, Roman, ut Perusium teneretur, fuisse relictam: maxime vero pacem quam ipse impetraverat a Langobardis Etruriam obtinentibus, temere violatam desset amare pius ille pacis angelus. Ita cum tanta spes affluisset pacandæ totius Italiæ; cum Ariulfus ipse jam

in partes Romanorum inclinaret, neque a pace abhorreret Agilulfus Rex, a Theodelinda, quæ Gregorii obfervantissima erat, mitigatus; atrocius bellum, ob Romani Exarchi perfidiam recrudit. Rex etenim illatam suæ genti mala fide injuriarum ulturus, Perusium obsedit expugnavitque, capto Mauritione Langobardorum duce qui ad Romanos defecerat.

Legenda est ex integro jam laudata Epistola, ut exploretur quanta calamitosi illis temporibus esset Papæ cura, ut periclitantibus civitatibus subveniretur, ut bello capta data ex Ecclesiæ ærario pecunia redimerentur, maxime vero ut pax in tam deploratis rebus omnino necessaria æquis conditionibus compararetur. Ex aliis Epistolis hoc anno scriptis liquet in rebus bellicis quam sollicitus, quam peritus foret.

In ea de qua locuti sumus Agilulfi expeditione, Langobardi non solum agrum Romanum Perusio vicinum deprecationibus, incendiis, cædibus scedarunt, sed ad ipsius Urbis muros castrametati sunt. Tunc S. Doctor Ezechielem Prophetam christianæ plebi exponebat eadem animi tranquillitate, ac si nihil ab hoste fuisset metuendum. Neque postquam accepit Regem Padum jam transisse & ad Urbis obsidionem festinare, cœptum opus intermisit, quod merito Bernardus admiratur. Sed ab ejus verbis referendis abstinco, quæ in Præfatione ad homilias in Ezechielem legere licet, uti cætera quæ ad illas homilias pertinent. Hoste tamen Urbi jamjam imminente, sinem concionandi facere coactus est, ut ipse ait. Partem hanc homiliæ ultimæ attexo, quod in ea miserabilis Romæ status quasi ob oculos positus conspiciatur: *Ecce hæc, ut Deo largiente potuimus, coram vobis, Fratres carissimi, rimati sumus. Nemo*

*autem*

<sup>a</sup> Sic dicti milites legionis quæ nomine Theodosii unius ex Imperatoris filiis insigniebatur.

Paul. Diac.  
lib. iv. c. 3.  
\* Sive S. Ju-  
lii.  
\* Al. Gaidulfus.

VI.  
Langobardi  
Romam pre-  
munt.

Lib. III. ep.  
46.

Paul. Diac.  
lib. iv. c. 8.  
Lib. vi. ep.  
40.

Lib. III. ep.  
46.  
Ep. 3. 29.  
30. 31.

VII.  
S. Gregorius  
Ezechielem  
Prophetam  
exponit.

Lib. I. de  
confid. c. 9.

Luca  
Lucas  
Romæ sta-  
tus.



autem me reprehendat, si post hanc locutionem cessavero: quia sicut omnes cernitis, nostræ tribulationes excreverunt: undique gladiis circumfusi sumus, undique imminens mortis periculum timemus. Alii detruncatis ad nos manibus redeunt, alii capti, alii interemti nuntiantur. Jam cogor linguam ab expositione retinere: quia tædet animam meam vite meæ. Alii testatur vivos a se Romanos more canum in collis funibus ligatos, qui ad Franciam ducebantur venales. O duram illorum quondam Orbis dominorum sortem!

Hæc Agilulfi expeditio, inter res anno 595. gestas referri solet; sed ad annum 592. potius pertinere, hæc mihi persuadent. Agilulfus Romam tentavit, quando ad Perusii expugnationem est profectus, ut colligitur ex Paulo Diacono: *Statim Ticino egressus Rex, Perusium petiit. . . . hujus Regis adventu in tantum beatus Gregorius Papa exterritus est, ut ab expositione templi, de quo Ezechiel scripserat desisteret.* Id contigisse statim ac Rex accepit Perusium, cum aliis urbibus jam enumeratis, ab Exarcho fuisse occupatum, idem scriptor clare docet. Ac Romanum Exarchum Perusio positum esse saltem anno secundo Pontificatus S. Gregorii, scribit ipse in Epistola hoc anno data, quæ cum alia jam sæpe laudata conferri debet.

## CAPUT VIII.

*I. Roma fame laborat. II. Quid passus sit Gregorius ab adversariis. III. Pacem ab Langobardis impetrat. IV. A turpi lucro quam alienus foret. V. De Judicum rapinis conqueritur. VI. Archidiaconum ob superbiam deponit. VII. Sanctæ Sedis vices Maximiano tribuit. VIII.*

*Varia ab eo constituta. IX. Legum amicitia fuit observantissimus. X. Pacem inter Maximianum Episcopum & Eusebium Abbatem conciliat. Prudentissima utrique dat monita. XI. Privilegium Ariminenſi Monasterio concessum.*

**E**odem anno ad belli incendium quo Romanus ager conflagravit, famis flagellum accessit, ob quam Gregorium Præfectum Urbis, Castorium magistrum militum, & summum Pontificem negligentia criminari ausi sunt apud Augustum eorum inimici & æmuli. Quamquam omnem curam adhibuisset noster Gregorius, <sup>a</sup> ut hanc penuriam depelleret: cum enim superiori anno paucæ ob sterilitatem collectæ essent segetes in Italia, opportuno tempore operam dedit, ut a Petro Subdiacono magna frumenti copia compararetur in Sicilia, aut ab ecclesiasticorum prædiorum colonis, absque tamen vexatione suppeditaretur. Deindeque ut multæ, quibus deportaretur, naves onerariæ præsto essent, curaverat: sed hanc egestatis quam passa est Urbs assignat causam, quod videlicet frumenta diu Romæ servari non possunt incorrupta. Hoste autem imminente, obsessisque viis, integrum non erat novis subinde com meatibus Urbi subvenire.

Incredibilis tunc enituit Gregorii constantia, tum in perferendis æquo animo calumniis, tum in asserenda illustrium virorum sibi amicitia conjunctorum adversus obrectatores innocentia. Obscurum non erat Romanum Exarchum rerum infelicitè gestarum invidiam ut a se deprecaretur, in Præfectum Urbis ipsumque summum Pontificem rejecisse. De eo sic loquitur S. Gregorius in Epistola ad Sebastianum Sirmiensem Episco-

I.  
Roma fame laborat.  
Ibid.

2  
Lib. 1. ep. 72

II.  
Quid passus sit sanctus Gregorius ad adversarios.  
Lib. 5. ep. 42.

Lib. 5. ep. 40.

Lib. 14. c. 8.

Lib. 11. ep. 46.  
Lib. 5. ep. 40.

An. 591. & 592.

<sup>a</sup> Ea de re statim post suam ordinationem Justinum Siciliæ Prætozem commone-  
Tom. XVI.

fecerat. Vide lib. 1. ep. 2.

scopum: *Quæ, frater sanctissime, de amici vestri domni Romani persona in hac terra patimur, loqui minime valemus. Breviter tamen dico, quia ejus in nos malitia gladios Langobardorum vicit; itaut benigniores videantur hostes, qui nos interimunt, quam Reipublicæ Judices, qui nos malitia sua, rapinis atque fallaciis in cogitatione consumunt. Et uno tempore curam Episcoporum, atque Clericorum, Monasteriorum quoque, & populi gerere, contra hostium insidias sollicitum vigilare, contra ducum fallacias atque malitias suspectum semper existere, cujus laboris, cujus doloris sit, vestra Fraternitas tanto verius penset, quanto me qui hæc patior, purius amat.*

III.  
Pacem ab  
Langobardis  
impetrat.  
Lib. v. ep.  
21.

Paulo post admota mœniis Urbis castra recessit Agilulfus. Pacem tunc factam, suadente Theodelinda, narrat Paulus Diaconus. Ad ejus consilia Gregorii preces accesserunt & munera, quibus populi Romani libertatem vitamque redimere solebat, ut ipse describit, rerum statum Constantiæ Augustæ exponens: *Viginti autem jam & septem annos ducimus, quod in hac urbe inter Langobardorum gladios vivimus. Quibus quam multa hæc ab Ecclesia quotidianis diebus erogantur, ut inter eos vivere possimus, suggerenda non sunt. Sed breviter indico, quia sicut in Ravenne partibus Dominorum pietas apud primum exercitum Italiæ sacellarium habet, qui causis supervenientibus quotidianas expensas faciat, ita & in hac urbe in causis talibus eorum saccellarius ego sum. Et tamen hæc Ecclesia, quæ uno eodemque tempore Clericis, monasteriis, pauperibus, populo, atque insuper Langobardis tam multa indefinenter expendit, ecce adhuc ex omnium Ecclesiarum premitur afflictione.*

IV.  
A turpi lu-  
cro quam  
alienus fo-  
ret.

Ecclesiæ Romanæ facultate (dum ejus patrimonia & prædia ubique prædæ paterent) tot necessitatibus, Gre-

gorio eas dispensante, suffecisse, miraculo videtur proximum, præsertim cum nihil antiquius haberet, quam illata colonis & rusticis a patrimoniorum Ecclesiæ rectoribus & æconomis damna refarcire, ut supra observavimus, atque in posterum cavere. Quantum ab injustis exactionibus abhorreret, indicant verba hæc Ep. 44. lib. 1. *Nos sacculum Ecclesiæ ex lucris turpibus nolumus inquinari.* Quin etiam in Concilio Romano non solum re-  
*Olim ep. 44. lib. 1. v. nunc ad calcem Ep.*

tores patrimoniorum Ecclesiæ ultra quam par esset illis amplificandis studentes, & alienos fines apposis titulis invadentes, anathematis pœna multandos censuit; sed ipsos etiam pontifices, si id fieri, aut præciperent; aut non prohiberent.

Verum ejus æquitas, integritas, & animi magnitudo nullibi clarius elucet, quam in Epistola ad Constantinam Augustam, ea occasione scripta. Cum Gentilium non paucos adhuc in Sardinia superstites esse cognovisset, ac insulæ Sacerdotes præ torpore de eorum conversione parum esse sollicitos; illuc quemdam Episcopum ex Italia mittere curaverat, cujus prædicatione plurimi ad fidem accesserant, accepto baptismo, idolisque sacrificare desierant. At quia Prætori seu Judici prius nescio quid pretii persolvere soliti erant, ut immolandi copiam consequerentur, Judex hoc turpi lucro carere nolens, etiam a baptizatis, nec amplius alii quam vero Deo servientibus, idem tributum exigebat. Qua de re correptus ab Episcopo, responderat sibi ipsi tantum pecuniæ imperari, ut nisi injusta hæc exigendo, id persolvere non posset. Tam immensis etiam in Corsica insula exactionibus opprimebantur incolæ, ut eis facere satis, etiam venditis liberis, vix possent: nec minoribus depopulationibus vexabatur Sicilia. Quorum scelerum & latrociniorum Gregorius certiore fecit Augustam,

V.  
De Judicium  
rapinis con-  
queritur.  
Lib. v. ep.  
41.

ut



ut de his, explorato commodotempore, Mauricium commonere curaret. Occupat autem hac in Epistola, quod respondere poterat Imperator: Nimirum quia in Italiæ expensis transmittebatur quidquid de prædictis insulis aggregabatur. Ad quod sanctissimus Papa: Sed ego, inquit, suggero ad hoc, ut etsi minus expensæ in Italia tribuantur, a suo tamen imperio oppressorum lacrymas compescat. Nam & idcirco fortasse tantæ expensæ in hac terra minus ad utilitatem proficiunt, quia cum peccati aliqua admixtione colliguntur. Præcipiant ergo serenissimi Domini nil cum peccato colligi. Et scio, quia et si parum Reipublice attribuitur utilitatibus, ex eo multum Respublica adjuvatur. Quam etsi fortasse contingat expensis minoribus minus adjuvari, melius est tamen temporaliter nos non vivere, quam vos ad æternam vitam obstaculum aliquod invenire. Quæ enim mentes, qualia viscera parentum esse possunt, perpendite; quando filios suos distrabunt ne torqueantur. Nunc ad res ecclesiasticas convertamur.

VI.  
Archidiaconum ob superbiam deponit.  
Vide ad calcem Ep. Olim.  
lib. II. præmittitur.  
Cic. ad Brutum.

Ineunte hoc anno secundo Gregoriani Pontificatus, Laurentius Romanæ Ecclesiæ Archidiaconus (is forte qui in locum ipsius Romam revertentis Constantinopoli susceptus fuerat a Pelagio Papa) ob superbiam & alia depositus est. Ejus locum accepit Honoratus in Synodo Presbyterorum Diaconorumque omnium & universi cleri: ut palam faceret summus Pontifex, quantum sibi cordi esset indignos a sacro ministerio removere: sapientissime scilicet intel- ligens Rempublicam etiam Ecclesiasticam, uti præmio, ita pœna contineri.

VII.  
Sanctæ Sedis vices Maximiano tribuit.  
Lib. II. Ep. 7.  
Ibid. Ep. 24.

Eodem anno Sedis Apostolicæ vices, in cunctas Siciliæ Ecclesias commisit sancto Maximiano Syracusano Episcopo, de quo jam egimus: quam dignitatem non loco tribuit, sed personæ; ex transacta vita probe intel-

ligens, quid de subsequenti ejus conversatione præsumere liceret. Majores tamen causas difficilioresque dirimendas ad se deferri voluit. Ex Epistola ad eundem paulo post scripta liquet quam curiose investigaret, quinam Episcopatu fungi (ubicumque laterent) digni viderentur; ut eos ad Pastoralem curam provehi satageret.

Inter cætera observatione digna quæ hoc anno constituit, non obiter prætereundum hoc adversus iteratas ordinationes decretum: Sicut baptizatus semel iterum baptizari non debet: ita qui consecratus est semel, in eodem iterum ordine non valet consecrari. Sed si quis forsitan cum levi culpa ad sacerdotium venit, pro culpa penitentia indici debet, & tamen ordo servari.

Attente quoque legenda sunt verba hæc sancti Pontificis; Absit hoc a me, ut statuta majorum consecratoribus meis in qualibet Ecclesia infringam: quia mihi injuriam facio, si fratrum meorum jura perturbo. Quibus ostendit quam religiosus cultor foret institutæ a Christo episcopalis potestatis, etiam in subjectis Episcopis. Idem testatur ad Dominicum Episcopum rescribens: De Ecclesiasticis privilegiis quod vestra Fraternitas scribit, hoc postposita dubitatione teneat: quia sicut nostra defendimus, ita singulis quibusque Ecclesiis sua jura servamus. Nec cui libet, favente gratia, ultra quam meretur impertior, nec ulli hoc quod sui juris est, ambitu stimulante de- rogo, sed fratres meos per omnia honorare cupio.

Epistolam Dominici de suscepto Pontificatu congratulatoriam detulerant ad Gregorium honoris causa duo Episcopi, quibus duo comites dari, Diaconus unus & alter notarius. Cum honoris vices reddere non posset (hoc enim a suprema ejus dignitate fuisset alienum) amorem certe amoris rependit, etiam cum

VIII.  
Varia ab eo constituta.  
Lib. II. Ep. 26.  
Ibid. Ep. 52.

Ibid. Ep. 47.

IX.  
Legum amiciz fuit ob servantissimus.

scenore: non minus videlicet sollicitus amicitiae, quam Episcopatus jura servare. Id pro certo habebit, qui hanc ad Dominicum Epistolam legerit. Quanta enim caritatis fragrantia his in verbis! *Hanc matrem custodemque virtutum* (dilectionem) *sanctissime Frater, inconcussa stabilitate teneamus. Nulla in nobis eam subdolorum linguae imminuant; nulla antiqui hostis insidiae corrumpant. Hæc namque divisa jungit, & conjuncta custodit. Hæc humilia sine timore subrigit. Hæc erecta sine dejectione submittit. Per hanc universalis Ecclesiae unitas, quæ est compago corporis Christi, exauratione mentis gaudet in singulis, cum sit ei disparilitas in diversitate membrorum. Per hanc eadem membra & alieno gaudio in suis afflicta exsiliunt, & alienis mororibus etiam in suis leta contabescunt. Teste enim Magistro gentium, dum si quid patitur unum membrum, compatiuntur cætera membra: & si gloriatur unum membrum, congaudent omnia membra: vos non ambigo de nostra perturbatione ingemiscere, cum nos omnino certum sit de vestra pace gaudere. Et post multa: Per caritatis compagem & tua sunt quæ de me loquor, & mea quæ te agere concupisco.*

Ut de rebus monasticis ad secundum Pontificatus Gregoriani annum pertinentibus pauca delibemus, nihil notatu magis dignum nobis occurrat, quam Papæ sollicitudo ad componendum dissidium inter Maximianum Episcopum Syracusanum, & Eusebium Abbatem. Quantæ sanctitatis foret Maximianus jam non semel a nobis dictum. Sanctæ Sedis vices ipsi commissas a Gregorio, ineunte hoc anno supra commemoravimus. Virum tamen sanctum, & in intimis fere primum, redarguendum censuit S. Pontifex ob inflatam leviori ex causa & ex animi commotione, Eusebio Abbati excommu-

nicationem. Ea de re monendum eum putavit a Petro Subdiacono in Sicilia pro negotiis Romanæ Sedis agente, ad quem ita scribit: *Ægre tuli quod (Maximianus) domnum Eusebium excommunicavit, virum tantæ ætatis, & tantæ ægritudinis. Unde necesse est ut eidem domno Episcopo secrete dicas, quatenus in proferendis sententiis præceptum non sit: quia causa quæ per sententiam decidenda sunt, necesse est ut prius studiosa & frequentissima consideratione mensurentur. Nota domni titulum ab ipso Papa honoris causa seni concessum Abbati. Nec satis fuit Gregorio Maximianum alloqui per Petrum, sed litteris eum admonuit ut lenire & consolari Eusebium tanto furore exasperatum studeret. Hac in Epistola ad Maximiani mentem revocat, quoties eum admonuerit, ut in proferenda sententia præceptum non esset. Miratur eum ita furore exarsisse in Abbatem, cujus antiqua conversatio, ætas longa & ægritudo diuturna, Episcopi animum ab ira deflectere debuissent. Quilibet enim in eo fuerit excessus, inquit, ipsa ægritudinis afflictio ei debuit pro flagello sufficere.... sed fortasse ideo excedere in tali persona permissus es, ut cautior in villioribus fias. Utinam hæc sanctissimi Doctoris monita ob oculos haberent semper in suis erga subditos iudiciis Antislites & Rectores. Obtemperavit Maximianus, & Eusebio communionem ac gratiam reddere voluit; sed accipere detrectabat Abbas. Unde illum ad officium revocare studuit S. Gregorius hac Epistola: *Credat mihi Caritas tua, quia valde contristatus sum de tristitia tua, ac si in te injuriam ipse pertulissem. Sed cum postmodum agnovi, quia etiam reddente reverendissimo viro fratre & coepiscopo nostro Maximiano gratiam atque communionem, tua Dilectio ab eo communicari volebat, cognovi & illud prius ju-**

*Ibid. Ep. 343*

X.  
Racem conciliat inter Maximianum Episcopum, & Eusebium Abbatem.  
Prudentissima utriusque dat monita.  
Lib. II. Ep. 32.

*sum*



fum fuisse quod factum est. Servorum Dei humilitas in afflictionis tempore debet apparere. Qui vero se contra Præpositos suos erigunt, profecto ostenditur, quia servi Dei esse contemnunt. Et quidem ab illo hoc quod factum est, minime fieri debuit, a te tamen cum omni debuit humilitate suscipi: & rursus cum gratiam reddebat, ad eum cum gratiarum actione debuit occurri. Quod quia ita a te factum non est, ad hoc cognosco quia nobis omnino lacrymarum opus est. Non enim grande est iis nos esse humiles, a quibus honoramur, quia & hoc seculares quilibet faciunt: sed illis maxime humiles esse debemus, a quibus aliqua patimur. Nam Psalmista dicit: Vide humilitatem meam de inimicis meis. Nos cuius vitæ sumus, qui humiles esse etiam patribus volumus? Proinde, dilectissime Fili, rogo ut omnis amaritudo de corde tuo transeat, ne fortasse finis vicinus sit, & antiquus hostis per iniquitatem discordiæ, viam regni cælestis intercludat. Integram fere hanc Epistolam plane auream hic recudendam existimavimus, ex qua discant omnes humilitatem, & erga majores etiam iniquius agentes reverentiam. At vero ne Eusebius libera hac increpatione forsitan exacerbaretur, ad eum demulcendum, centum ei solidos a Petro Subdiacono ad ejus monasterii necessaria erogandos curavit; quod summam viri probat simul & liberalitatem & prudentiam.

xi.  
Privilegium  
Ariminensi  
monasterio  
concessum.  
Lib. II. Ep.  
41.  
Lib. III. c.  
2. n. 9.

Alio modo composuit rixas inter Episcopum Ariminensem, & Monachos monasterii SS. Andreæ & Thomæ apud Ariminum, quibus amplum concessit privilegium, ut his verbis Castorio Ariminensi Episcopo significavit: *Fraternitatem tuam hortamur, ut obcunte Abbate monasterii ipsius, Ecclesia tua in describendis, providendisque acquisitis acquirendisque ejusdem monasterii rebus, nulla se oc-*

*casionis permisceat. Abbatem vero eodem monasterio non alium, sed quem dignum moribus atque aptum monastica disciplinæ communi consensu congregatio tota poposcerit, te volumus ordinare.* De aliis privilegiis in gratiam Monachorum datis infra loquemur.

## CAPUT IX.

I. Duos Metropolitanos castigat S. Gregorius, causa Thebani Episcopi. II. Episcopum percussorem excommunicat. III. De Isaurie Monachis a Johanne CP. male habitis. Epistola S. Gregorii ad Johannem ea de causa scripta. IV. Monachos post oblatam fidei confessionem absolvit. De Johanne Presbytero ab hæresi quoque absoluto. V. Johannes CP. hæresim objiciens, in errorem incaute labitur. VI. Johannis Ravennatis factum comprimit S. Gregorius. VII. De Domitiano Melitina Episcopo. Qui prædicat Persis irritum conatu. Eum consolatur S. Pontifex.

Quanta Gregorius caritate complectebatur optimos Episcopos, tanta severitate coercebat eos qui sua potestate non ad ædificationem, sed contemptis ecclesiasticis regulis, ad destructionem utebantur: quod in ipso tertii anni sui Pontificatus exordio contra Johannem primæ Justinianæ, & alterum Johannem Larissæ Archiepiscopum demonstravit.

Hadrianus Thebarum Episcopus, cum duos Diaconos exauctorasset; unum, quod violatæ castitatis esset reus, alterum propter fraudem in rerum ecclesiasticarum administratione factam, ab utroque fuerat apud Mauricium Augustum provocatus, tam de pecuniariis quam de criminalibus causis. Imperator servato canonum ordine, constituit ut a Johanne Larissæ Archiepiscopo Thebarum Metropolitano pecuniaria con-

I.  
Duos Metro-  
politano ca-  
stibat S. Gre-  
gorius causa  
Thebani E-  
piscopi.  
Lib. III. Ep.  
67 & 7.

troverſa dirimeretur; de criminibus autem objectis, ad ſe referretur quidquid habita inquisitione cognitum & exploratum fuiſſet. Hæc Hadriano impaſſa legimus, quod Stephanum turpiſſimæ vitæ Diaconum, loco non moviſſet, & quod infantes baptizari prohibuiſſet poſtea ſine baptiſmate mortuos.

Lariſſæus Archiepiſcopus, inſuper habita imperiali juiſſione, de utroque controverſiæ capite judicium tulit, & Hadrianum condemnavit, provocantemque ad Auguſtum nihilominus in arctiſſimam cuſtodiam detruiſit. Suſcepta ejus appellatione Mauricius, quæ geſta erant expendi voluit ab Honorato Diacono ſanctæ Sedis Apocriſtario, & ab Sebaſtiano<sup>a</sup> Anti-grapho; quibus auditis eum abſolvit. At neſcio quibus machinationibus impetratum eſt poſtea, ut de hoc negotio Johannes primæ Juſtinianæ Epicoſus Apoſtolicæ Sedis Vicarius cognosceret ac judicaret; *Qui divino humanoque jure contempto, abruptam in condemnatione Hadriani ſententiam protulit.*

Gregorius his ad ſe relatis Hadrianum injuſte deſiſitum, in priſtinam dignitatem reſtituit, eumque ac ejus Eccleſiam a jure Lariſſæi Epicoſi (quod jam a Pelagio II. conſtitutum fuerat) eximi voluit. Johanni tamen ejuſdem urbis Epicoſo, pœnam excommunicationis ejus prævaricationi & præſumptioni debitam remiſit; ea lege ut niſi abſtineret in poſterum ab omni juriſdictione in Eccleſiam Thebanam exercenda, ipſo facto communionem ſacra careret: nec illam unquam, excepto mortis articulo, niſi prius judicio Romani Pontificis abſolveretur, perciperet. Cum Johanne primæ Juſtinianæ ſeverius actum; reſciſſis enim ejus ſententiæ decretis, ipſe tringinta dierum ſpatio ſacræ commu-

nionis expers juiſſus eſt pœnitentiam agere.

Hadriani accuſatores cum eo in gratiam rediſſe docet Epiſtola 39. lib. III. ad Epicoſos Corinthios: vix enim dubitare licet utrum idem ſit Hadrianus Epicoſus de quo hæc agit Epiſtola. Sic illatam Epicoſo, totique ſimul ordini epicoſali ultus eſt injuriam S. Gregorius; & qui Epicoſos omnes (ipſo quidem Romano Pontifice non excepto) *ſecundum rationem humilitatis æquales eſſe* putavit, cum culpa nulla in eos animadvertente cogeret: ſupremam quam obtinebat poteſtatem, in delinquentes exercere ſollicitus fuit, ad quantumlibet gradum in Epicoſatu provectus eſſet, & in quovis orbis chriſtiani loco ſederet.

Ejus quoque magnanimitas hoc anno exarſit in Andream Tarentinum Epicoſum. Illum concubinam habuiſſe compertum erat; & poſt ſuſceptum ſacrum ordinem eam adhuc retinuiſſe, quibuſdam nata fuerat ſuſpicio. Præterea paſtoralis manſuetudinis immemor, mulierem quamdam ſultibus crudeliter cædi juiſſerat, quæ migraverat e vita poſt octo meſes; quam ob ſævitiâ ſtatuit Gregorius eum per duos meſes in pœnitentia tranſigendos a Miſſarum celebratione *ſuſpenſum* feriari debere. Quia vero non ita certum erat, ipſum carnali ſe flagitio maculaſſe, cum in rebus dubiis *abſolutum judicium* ferre non liceat, eundem ſuæ conſcientiæ dimittendum ut ab ea judicaretur, cenſuit; ſimulque admonuit, ut ſi tanti flagitii ſibi conſcius foret, ſacerdotii honore abdicato, nunquam ad ſacrum opus accedere præſumeret. Ut huiuſmodi ſuſpicionibus, quibus etiam optimorum Epicoſorum ſama poteſt laborare, tolleretur occaſio, olim præceptum fuit, Ennodio teſte, ut omnes

Lib. IX. Ep. 19.

II. Epicoſum percufforem excommunicat. Lib. XII. Ep. 45.

opus, 7.

Epi-

<sup>a</sup> De hac voce conſule notas ad Ep. 28. Lib. I.



Episcopi *cellularios* haberent, occasione fortasse calumniarum quibus vexatus nuper fuerat Symmachus Papa, ut jam diximus in notis ad decreta S. Gregorii.

III.  
De Isauriæ  
Monachis a  
Johan. CP.  
male habitis.  
Lib. ix. Ep.  
59.  
Lib. xxi. Ep.  
53.

In coercenda etiam Johannis Patriarchæ Constantinopolitani sævitia & immanitate, paterna Gregorii pietas eodem fere tempore laboravit; quod satis probat nullum Episcopum esse, ut alibi docet, qui Sedis Apostolicæ potestati & castigationi, si culpa exigat, non subjiciatur. Ex Isauriæ Monachis unus dignitate sacerdotii insignis, in Ecclesia CP. fustibus cæsus fuerat. Tanti facinoris reus ferebatur juvenis quidam Johannis familiaris. multorum scelerum infamia satis notus; qui, ut ait Gregorius, adhuc de Deo nihil didicerat, qui viscera caritatis nesciebat. Qui insidiari quotidie diversorum mortibus per occulta testamenta dicebatur; nec Deum metuens, nec homines erubescens.

Epistolæ S.  
Gregorii ad  
Johannem  
hac de cau-  
sa.

Hanc vim & ignominiam Athanasio illatam (hoc fuisse nomen creditur Presbyteri hujus & Monachi) cum Gregorius accepisset, semel & iterum ad Johannem scripsit; ut criminis perpetrati veritatem exploraret. At ille dissimulans respondit, se qua de re interrogaretur penitus ignorare; sicque violatæ in Monacho & Sacerdote religionis invidiam deprecari volens, culpam augebat: etenim vel ipsam cumulat mendacio, vel se veterani & socordix arguebat. Nimirum, ut objicit Gregorius, *quid deterius esse potest, quam ut agantur talia contra servos Dei, & ipse nescit qui præsto est? Quæ vero potest esse Pastoris excusatio, si lupo oves comedit, & Pastor nescit?* Hæc præfatus Papa, Johannem ad saniora consilia revocat, & ad canones observandos hortatur, qui Episcopos Pastores esse volunt, non percussores. Nova enim & inaudita est ista prædicatio, quæ verberibus exigit fidem,

inquit: *si autem canones non custoditis & majorum vultis statuta convellere non cognosco qui estis.* Ad extremum suadet ut emendato juvene totius mali artifice, rejectisque ejus consiliis, Monachos a se male habitos in suis ordinibus suscipiat, eisque pacem præbeat. Sabiniano quoque suo apud Mauricium Legato præcepit, ut de eodem negotio Patriarcham sui officii admoneret. Illum statim non obtemperasse satis indicat alia Epistola ad Narsen Patricium: *De causa*, inquit, *Presbyterorum, quæ cum fratre meo & coepiscopo, viro reverendissimo Johanne Patriarcha agitur, ipsum adversarium patimur, quem asseris velle canones custodire. Caritati autem tuæ breviter fateor quia omni virtute & omni pondere eandem causam, auxiliante omnipotente Deo, exigere paratus sum. In qua si videro Sedi Apostolicæ canones non servari, dabit omnipotens Deus quid contra contemptores ejus faciam. Athanasium ejusque socios de Manichæorum hæresi infamatos esse docet Epistola 14. libri sexti.*

Lib. xv. Ep.  
12.

Quid postea factum sit discite ex eadem Epistola & ex 66. ejusdem libri, quam integram hic exhibemus, ut quæ esset Gregorii prudentia in tractandis hujusmodi negotiis ostendamus: *Gregorius Athanasio Presbytero de Isauria: Sicut de eis quos ab unitate Ecclesiæ hæreticæ pravitate error abscidit, affligimur & dolemus: ita his quos intra sinum suum catholicæ fidei professio continet, congaudemus. Et ut pastoralis sollicitudine illorum nos oportet impietatibus obviare: si piis horum professionibus congruit favorem impendere, & sincera esse quæ sapiunt declarare. Atque ideo, dum tibi Athanasio Presbytero monasterii sancti Mule, cui est vocabulum Tamnaco, quod in Lycaonia est provincia constitutum, contraria integræ fidei fuisset orta suspicio; ut professionis tuæ potuisset integritas appa-*

IV.  
Monachos  
post oblatam  
fidei confes-  
sionem ab-  
solvit.

pare-

parere, ad Apostolicam Sedem cui præsides, elegisti recurrere, asserens etiam te corporaliter verberatum aliqua iniuste ac violenter fecisse. Et quamquam ea quæ vi impulsione sunt, canonum minime censura recipiat, & jure habeantur infirma; quia ipse ea dissolvit qui injustum fateri fierique compellit: sed magis illa suscipienda est & amplectenda confessio, quæ ex spontanea voluntate monstratur procedere, sicut apud nos fecisse dignosceris. Ne quid tamen nobis ambiguum potuisset existere, sanctissimo Johanni quondam fratri & coepiscopo nostro, Constantinopolitane civitatis Antistiti, de te prævidimus scribendum, \* ut suis nos quid actum esset Epistolis informaret. Qui sæpe a nobis admonitus, rescribens \* innotuit, codicem apud te fuisse inventum in quo plurima continebantur hæretica; & ob hoc se adversus Dilectionem tuam fuisse commotum. Quem quia ad nos studuit pro satisfactione transmittere, priores ejus partes sollicita lectione percurrimus. Et quoniam manifesta in eo hæreticæ pravitatis venena reperiimus, ne denuo debuisset legi, vetuimus. Sed quia hunc te simpliciter testatus es legisse, & ad amputandam ambiguae suspicionis materiam libellum nobis manu tua porrexisti perscriptum, in quo fidem tuam exponens, omnes generaliter hæreses, vel quidquid adversus catholicæ fidei vel professionis integritatem est, apertissime condemnasti: & cuncta quæ sanctæ quatuor universales Synodi recipiunt, te semper recepisse ac recipere, & quæ condemnant, condemnasse, condemnareque professus es: eam quoque Synodum quæ Justiniani Imperatoris temporibus de tribus capitulis facta est, & suscipere & custodire promisisti, & prohibitus a nobis codicem ipsum legere, in quo pestifera fraudis virus innexum est, libentissime consensisti: reprobans etiam atque condemnans ea omnia quæ contra catholicæ fidei in-

tegritatem in eo dicta vel latenter inserta sunt, nec eum te legere denuo promisisti. Hac ratione permoti, postquam etiam ex probati a te libelli pagina, fides tua nobis catholica Deo custodiente perclaruit, ab omni te hæreticæ perversitatis macula juxta professionem tuam liberum esse decernimus atque catholicum, & sinceræ fidei in omnibus professorem atque sequacem, Christi Jesu Salvatoris gratia claruisse pronuntiamus: liberam quoque tribuimus licentiam ad tuum monasterium in tuo te loco vel ordine nihilominus remeare. De hoc quoque & dilectissimo fratri nostro Constantinopolitane civitatis Antistiti, qui in supradicti sancti Johannis loco ordinatus est, nostra volumus scripta transmitti. Sed quia consuetudo non est, ut prius quam ad nos ejus Synodica deferatur, debeamus scribere, idcirco distulimus. Sed postquam ea nobis delata fuerit, ei hæc, dum opportunum fuerit, indicabimus.

Huic negotio affinis est causa Johannis Presbyteri Chalcedonensis, quem eodem tempore ab ignaris accusatum de hæresi Marcianistarum, vel potius Marcionitarum, Judices ab eodem Johanne CP. deputati injuste damnaverunt. At Papa facto Concilio eundem absolvit, maxime quia libellus ab ipso oblatus fidei sinceritati per omnia concordaret. De hac sententia Johannem Presbyterum ab hæresis crimine liberum pronuntians scripsit Gregorius ad Mauricium Augustum & ad Theodisiam. Synodalis quoque judicii hujus certiolem fecit ipsum Johannem CP. Patriarcham. In ea quam ad ipsum scripsit Epistola S. Doctor aperte damnat eos qui falso abrepti zelo, hæreses etiam invitis, & orthodoxam fidem profitentibus obtrudunt. Notanda sunt præcæteris verba hæc: Sicut hæreticorum pravitas zelo rectæ fidei comprimenda, ita veræ confessionis est integritas amplectenda. Nam si credi

De Johanne  
Presbytero  
ab hæresi  
quoque ab-  
soluto.  
Lib. IV. Ep.  
16. & 17.  
Ibid. Ep. 15.

fide-

\* Indict. XI.  
Ep. 52.

\* Indict.  
\* 111. Ep. 18.



*fideliter confitenti despicitur, cuncto-  
rum in dubium fides adducitur, at-  
que errores mortiferi ex incauta di-  
strictione generantur. Et hinc non so-  
lum errantes oves ad caulas minime  
Dominicas revocantur: sed etiam in-  
troposita ferinis dentibus laniandæ cru-  
deliter exponuntur. Hoc ergo, Frater  
carissime, subtiliter perpendamus, &  
sub prætextu hæresis affligi quempiam  
veraciter profitentem fidem catholicam  
non sinamus: ne, quod absit, hæresim  
feri sub emendationis magis specie  
permittamus.*

V.  
Johan. hæ-  
resim obji-  
ciens in er-  
rorem inca-  
ute labitur.  
Lib. VII. Ep.  
34.

Quod autem illis obrectatoribus  
contingere solet, ut hæresim objicien-  
tes, in oppositum serantur errorem,  
hoc Johanni CP. evenisse testatur S.  
Gregorius his verbis: *Ante triennium,  
cogente causa Monachorum Isauriæ,  
qui hæretici accusabantur, satisfaciens  
mibi quondam frater & confacerdos  
meus domnus Johannes litteras misit,  
quibus nitebatur ostendere eos Ephe-  
sine Synodi definitionibus contradixisse,  
& velut ex eadem Synodo certa no-  
bis quibus ipsi obsisterent, capitula  
destinavit. Inter alia autem scriptum  
illic continebatur, de Ade anima,  
quia in peccato mortua non fuerit,  
eo quod diabolus in cor hominis non  
ingrediatur; & si quis hoc dixisset,  
anathema esset. Que cum mihi relecta  
fuissent, valde contristatus sum. Hunc  
Johannis errorem hæresis Pelagianæ  
sirculum Pelagianorumque in pseu-  
do-Ephesina Synodo fetum refellit  
doctissimus Papa, tum in laudata  
Epistola, tum lib. IX. Ep. 49. ubi  
capitula sub nomine Synodi Ephesinæ  
ad se ex regia urbe transmissa, af-  
ferit esse ipsamet Pelagii & Cælestii  
prava dogmatat. De Monachis Isau-  
riæ consulenda historia monastica O-  
rientis lib. IV. c. 17. p. 753. ubi  
eos potius in Lycaonia vixisse dici-*

*tur, quam in Isauria. Certel lib. IV.  
Dialogorum c. 38. Gregorius me-  
minit cujusdam Athanasii Presbyteri,  
& ut conjicere licet, Monachi Ly-  
caoniæ, si fides sit plurimis mss. hoc  
loco in nota designatis. At Isauria  
& Lycaonia vicinæ erant provinciæ;  
unde non mirum unam pro alia usur-  
patam fuisse.*

Exstat libro V. Ep. 37. ad Heliam  
Presbyterum & Abbatem in Isauria,  
cujus discipulum Epiphanium nomi-  
ne, S. Gregorius Diaconum Ecclesiæ  
Rom. ordinavit. Petierat Helias 50.  
solidos ad monasterii sui necessaria;  
sed misit 72. beneficentissimus pater.  
Utrum in illo monasterio degerent  
illi Monachi de hæresis crimine in-  
simulati, prorsus incertum est. Ex  
commemoratis intelligere licet Jo-  
hannem CP. non satis a Pelagiana  
hæresi cavisse (quod de Græcis quam-  
plurimis etiam constat) & in historia  
scientiæque Ecclesiastica parum exer-  
citatum, quippe qui supposititia &  
hæretica, pro genuinis Ephesinæ Sy-  
nodi actis imperite laudabat. Non  
semel, cum hoc regis urbis Patriar-  
cha luctandum Gregorio fuit, ut suo  
diceretur loco.

Quandoquidem de Episcopis officii  
sui immemoribus a Gregorio co-  
ceptis & emendatis loqui cœpimus,  
operæ pretium est de Johanne Ra-  
venate Episcopo, propter saltum &  
insolentem Pallii usum hoc etiam  
anno reprehenso pauca subicere. Hic  
Exarchorum Ravennæ commoran-  
tium auctoritate fretus, nonnulla sibi  
supra communem Metropolitanorum  
consuetudinem usurpanda existimavit.  
Cum enim cæteri Pallio extra Mis-  
sæ a tempus non uterentur, ipse  
in litanis solemnibus & supplicatio-  
nibus publicis, ex pœnitentiæ disci-  
plina institutis, novo cultu palliatus in-  
ce-

VI.  
Johannis  
Ravena. fa-  
stum com-  
primit S.  
Greg.  
Lib. IX. Ep.  
56.  
Quis Pallii  
usus.

a Quinetiam in Eccl. Græca Episcopi  
quibus concessus est Pallii usus, illud non  
toto Missæ tempore gestant, sed usque ad

Tom. XVI.

recitationem Evangelii. ex Ildoro Pelus.  
lib. I. Ep. 136. Idem testatur Simeon The-  
salonic. lib. de templo & Missa.

K

incedebat, qui in cinere potius & in cilicio tunc debuisset humilitatem profiteri. Hoc improbavit Gregorius modestiæ Sacerdotalis præcipuus assertor, cujus illud plane aureum dictum, nihil in Episcopi cervice splendidius fulgere, quam humilitatem.

a Ad Archiepiscopi sui exemplum superbientes Ravennatis Ecclesiæ Clerici, <sup>a</sup> mappulis uti (quod solus sibi vendicabat clerus Romanus) præsumserunt. De his Gregorius ad Johannem scribere quantocius curavit per Castorium S. Ecclesiæ Rom. notarium. Johannes hæc privilegia sibi suæque Ecclesiæ a summis Pontificibus concessa respondit, & a Gregorio confirmari poposcit; quod etiam flagitarunt Romanus Exarchus, Præfectus, & alii urbis Ravennæ nobiles viri. Iis ergo morem gerens Pontifex annuit, ut Ravennæ Archiepiscopus, donec aliquid certius constaret de privilegiis ipsi concessis, Pallio uteretur in litaniiis quatuor tantum dierum solemnum; scilicet S. Johannis Baptistæ, S. Petri Apostoli, S. Apollinaris hujus Ecclesiæ patroni, & in anniversaria suæ ordinationis commemoratione.

Lib. v. Ep. 11. Non placuit Johanni judicium hoc, <sup>11</sup> ut conjicere licet ex Epistola ad eundem postea scripta, in qua queritur S. Gregorius de irrisoriis & mordacibus Johannis sermonibus. Ut autem omnem expostulandi occasionem tolleretur, scripsit Archiepiscopo exploraturum se per Apocrisarium suum Constantinopoli agentem, utrum nonnulli ex majoribus Metropolitibus qui tricenos & quadragenos sub se Episcopos habebant, in litaniiis cum Pallio solerent ambulare; & si qui reperirentur, se libenter Episcopo Ravennati concessurum Pallii in litaniiis gestandi privilegium. Sic exasperatum placare conatus est humilis Pontifex. Johannis tamen vitia ne-

quaquam dissimulanda existimavit; sed ipsum sedulo de iis admonuit; præsertim quod amicis præsentibus blandiretur, obloqueretur absentibus; quod in servos fureret ac turpia evomeret; quod disciplina ad vitam Clericorum custodiendam nulla esset, sed tantummodo se Clericis suis dominum exhiberet.

Quantum talibus Episcopis infensum se Gregorius exhibebat, tantum erga optimos Pastores, benignum se officiosumque præbebat; quod maxime erga Domitianum Melitinæ in Armenia Episcopum & Metropolitenum comprobavit. Is Mauricii Imperatoris consanguineuserat, vir prudens, industrius, verbo & opere potentissimus, & ad res maximas gerendas efficacissimus, inquit Evagrius. Hinc ad plurima & gravissima negotia hunc adiutorem adhibere consueverat Augustus. Quin etiam ejus tutelæ commendarat liberos suos adhuc immaturos, dum anno imperii decimo quinto periculose ægrotaret, ut ait Simocatta, qui in Domitiani laudes latissime excurrit. Cum Cosroes Persarum Rex profugus, Mauricii ope regnum recuperasset, ac paulo post ad Gregorium Antiochenum Patriarcham crucem auream gemmis fulgentem misisset in templo S. Sergii offerendam, ejusdem Martyris basilicam plurimis donis ornasset (quod ejus ope regno se restitutum crederet, conjugemque suam dilectissimam & prolem consecutam esse & valetudinem) magna spes injecta fuerat fidei Christianæ apud Persas disseminandæ ac propagandæ. Hujus rei gratiam Domitianus ad Regem perrexerat, quem jam sibi pluribus devinxerat beneficiis; hunc enim Episcopum Regi fugienti & extorri Mauricius obviam honoris causa miserat, ut eum quocumque vellet deduceret. Cosroem Christianum tunc

VII.  
De Domitiano Melitinæ Episcopo.  
Lib. IV. c. 18.

De vita Mauricii. lib. IV. c. 14. & lib. 8. c. 11. Evagrius lib. VI. c. 18. & seq. Qui prædicat Persis invito conatu. Baron. ad an. 593.



factum fuisse narrant Johannes Biclariensis in chronico, & Paulus Diaconus lib. IV. c. 17. <sup>a</sup> At vana specie religionis delusos fuisse Scriptores hos, ob Regis munificentiam erga Christianorum templa, eumque a gentilium cultu non recessisse manifestum est, tum ex Græcis Scripturibus, qui gesta Mauricii persecuti sunt, tum præsertim ex Gregorii Epistola consolatoria ad Domitianum hoc anno scripta: *Imperatorem vero Persarum, inquit, etsi non fuisse conversum doleo, vos tamen ei Christianam fidem prædicasse omnimodo exultato: quia etsi ille ad lucem venire non meruit, vestra tamen Sanctitas predicationis suæ præmium habebit. Nam & Æthiops in balneum niger intrat, & niger egreditur, sed tamen balneator nummos accipit. Sic sanctissimi Episcopi sibi que amicitia conjunctissimi labores irritos blande ac ingeniose consolatus est Gregorius, ad ejus Epistolam respondens, qua suam ad Persas professionem prædicationis gratia fructu caruisset dolens Domitianus indicaverat.*

## CAPUT X.

<sup>An. 592. & 593.</sup> I. De lege Mauricii milites in monasteriis recipi prohibente. Hanc improbat S. Gregorius. II. Utrum illam, antequam publicaretur, emendaverit. III. Qua occasione lex illa fuerit lata. Quibus rationibus niteretur. IV. Gregorius de disciplina monastica sollicitus. V. Num Abbatibus & Monachis egredi foras prohibitum. VI. Judæus falso Eliæ cultu Christianis illudit. De eo puniendo scribit Gregorius. VII. Dialogos elucubrat.

<sup>a</sup> Ejusdem Regis conversionem refert Fredegarii chronicon c. 9. aitque ipsum cum sexaginta Persarum millibus esse baptizatum, & a Gregorio Antiocheno de lavacro susceptum.

<sup>b</sup> Idem plurimis jam canonibus, & sum-

**A**Ntequam ab Oriente recedamus agendum est de lege quæ eodem fere tempore ab Imperatore promulgata, quæ sanctissimum Pontificem ægritudine jam laborantem, gravissimo dolore affecit. Nimirum sanxerat Mauricius non solum ut quisquis publicis administrationibus fuisset implicatus, ad Ecclesiasticum officium pervenire non posset: sed etiam ut ei in monasterio converti non liceret: quod de iis quoque qui militiæ adscripti erant constituerat, quibus deinceps liberum non erat monasteria, penitentia causa, petere. <sup>b</sup> Curiales quidem & secularibus negotiis adstrictos, ab Ecclesiasticis dignitatibus excludi valde laudavit S. Gregorius, evidentissime sciens, inquit, quia qui secularem habitum deferens ad Ecclesiastica officia venire festinat, mutare vult seculum, non relinquere. At iisdem non licere in monasteriis converti, minime probavit. Etsi enim æris alieni debitores forent, ac publicis rationibus implexi, poterat eorum debitis per monasterium satisfieri, inquit sanctus Pontifex. Quod uno eodemque argumento simul demonstrat & dotata fuisse tunc monasteria etiam amplis redditibus, & summam in ipsis viguisse caritatem. Maxime vero damnavit sanctissimus pater legem quæ milites ab ingressu monasteriorum prohibebantur, nisi aut expleta militia, aut pro corporis debilitate missionem essent consecuti. Ipsum audiamus de hac lege cum Mauricio expostulantem: *Ad hæc, ecce per me servum ultimum suum & vestrum respondebit Christus, dicens: Ego te de notario comitem excubitorum, de comite excubitorum Casa-*

K 2 rem,

morum Pontificum decretis statutum fuerat. Vide Epist. 2. Innocentii I. ad Victricium Rotom.

<sup>c</sup> Ex Cassiodoro lib. 1. Var. Ep. 4. colligitur, Notariorum apud Imperatores magnam fuisse dignitatem & potestatem.

I. De 1430  
Mauricii  
milites in  
monast. re-  
cipi prohi-  
bente.  
Lib. III. Ep.  
65. & 94.

b

Hanc im-  
probat. S.  
Greg.

Lib. III.  
Ep. 65.

c

rem, de Cesare Imperatorem: nec solum hoc, sed etiam patrem Imperatorum feci. Sacerdotes meos tuæ manui commisi, & tu a meo servitio milites tuos subtrahis? Responde rogo, piissime Domine, servo tuo, quid venienti & hæc dicenti responsurus es in iudicio Domino tuo? Cætera legantur eadem quæ summum decebat Pontificem libertate dicta, quam tamen his postea verbis temperavit humilitatem spirantibus: Ego quidem iussioni subjectus, eandem legem per diversas terrarum partes transmitti feci; & quia lex ipsa omnipotenti Deo minime concordat, ecce per suggestionis meæ paginam serenissimis Dominis nuntiavi. Utrobique ergo quæ debui exsolvi, qui et Imperatori obedientiam præbui, & pro Deo quod sensi minime tacui.

II.  
Utrum illam emendavit, antequam publicaretur.  
*Ibid. Ep. 66.*

Hanc Epistolam Gregorius misit ad Theodorum Imperatoris Archiatrum, seu medicorum principem, rogans ut eam captato tempore offeret Mauricio, apud quem gratia plurimum valebat, adhibitisque tum consiliis tum precibus ad hanc legem refingendam aut emolliendam Augustum impelleret. Utrum id Theodorus præstiterit igr. amus. Docere temen videtur sanctus Pontifex Mauricium a lege sancita postea rescississe. Scribens enim ad plurimos Metropolitans de militibus post triennii probationem ad monasticum habitum suscipiendis, subdit: Qua de re etiam serenissimus & Christianissimus Imperator, mihi credite, omni modo placatur, & libenter eorum conversionem suscipit, quos in rationibus publicis implicatos non esse cognoscit.

De concord.  
lib. 2. c. 14.

Censet etiam E. C. Baronius legem hanc Imperatoriam a Gregorio emendatam & temperatam prius fuisse, quam eam promulgari curaret, transmitteretque ad Metropolitans. Eadem est fere Illustrissimi viri D. de Marca sententia; additque

S. Gregorium hanc legem emolliendo eadem auctoritate usum qua Præfeci prætorio, penes quos erat civiles leges ad se ab Imperatoribus directas ut publicarentur, aut tantisper immutare, aut ab earum publicatione abstinere, donec de iis emendandis ad Augustum scripsissent vel ipsum adiissent. Alii vero existimant hanc legem nulla mutatione facta fuisse missam a S. Gregorio qualem acceperat ab Imperatore; idque his Gregorii verbis significari contendunt, eandem legem per diversas terrarum partes transmitti feci, & quia lex ipsa omnipotenti Deo minime concordat, ecce... nuntiavi. Ergo, inquiunt, lex qualis a Papa transmissa est nondum fuerat castigata & emendata, quandoquidem voluntati legique Dei post emendationem consentanea erat. Utamlibet sententiam eligat lector.

Cæterum legis hujus ferendæ occasionem Imperatori præbuerat frequens poenitentiam tunc ambientium concursus ad monasteria, itaut plerique seculo & curiæ variis officiis ministeriisque alligati, inrentatis tot iræ divinæ flagellis perterriti, rei tum publicæ tum privatæ nuntium remitterent, publicani telonia deferrent; militares viri, sive ii gregarii & manipulares, sive centuriones aut tribuni alique duces, militiæ insignia proijcerent, ad conversionem festinantes.

Porro non deerant rationes quæ persuaderent milites nonnisi emeritos & dimissos, in monasteriis esse suscipiendos. Quippe can. 4. Concilii Chalced. cautum est, ne quis in monasteriis servus obtentu monasticæ professionis recipiatur, præter Domini sui conscientiam: transgredientes autem hanc definitionem excommunicantur. Et in Concilio Gangrensi can. 3. legimus: Si quis servum prætextu divini cultus doceat Dominum contemnere proprium, ut discobat ab

III.  
Qua occasione lex hæc lata.

Quibus rationibus nitetur.

ejus



*ejus obsequio... anathema sit. At milites toto militiæ tempore non secus ac servi, ad Reipublicæ obsequium adstringebantur; unde etiam in manu signati tunc erant tamquam mancipia quibus notæ quædam inuebantur. De his legendus Vegetius lib. II. c. 23. Ipse Gregorius in præfata ad Mauricium Ep. milites appellat manu signatos. Juxta morem hodiernum etsi militibus nulla inurantur stigmata, statim tamen ac sacramento dato militiam professi sunt, eam deserere, etiam sanctioris militiæ amplectendæ causa, impune non possunt. Hæc dicta sunt ut eam legem ostendamus nec impie ab Augusto latam, nec a Gregorio temere promulgatam. Licet enim contra pietatem pugnare videretur, quod in sacra Monachorum acie mereri prohiberentur milites (quapropter Gregorius Mauricium liberius increpavit) re tamen propius perspecta, bonique publici habita ratione, ita statuendum esse prudentia consultissimorum fortasse suadebat.*

Cum de conscribendis Christo militibus ita sollicitus esset vir sanctissimus, ut inter eos disciplina vigeret magis ac magis allabòrabat, præsertim vero ut fratrum suorum salutis custodiæque Abbates invigilarent admonere satagebat. Unde statim ac audivit <sup>a</sup> Johannem Abbatem sua socordia opinionem sui monasterii inquinasse ac labefactasse, ad eum scripsit in hæc verba; *De fratrum animabus omnino esto sollicitus. Sufficiat jam quod opinio monasterii per vestram negligentiam inquinata est. Non frequenter foras egrediaris. In causis istis procuratorem institue, & tu ad lectionem atque orationem vaca.... In ipsis autem fratribus monasterii tui quos video, non invenio eos ad lectionem vacare. Unde considerare necesse est quantum peccatum est, ut*

*ex aliena oblatione Deus vobis alimoniam transmiserit, & vos mandata Dei discere negligatis. Non solum autem Clericis & Monachis lectionem sacram imperabat peritissimus animarum rector, sed etiam laicis & militiæ addictis, ut liquet ex Epistola ad Maurentium Magistrum militum scripta, quem ob id laudat quod humana conventicula cavens sacris libris evolvendis incumbat; dolet vero quod in hoc pio lectionis studio nullum socium habeat.*

Cæterum ex his verbis Gregorii ad Johannem, non frequenter egrediari, immerito asserit novæ bibliothecæ Ecclesiæ Gallicæ conscriptæ b parens prohibitum esse tum Abbatibus tum Monachis, foras progredi: cum Gregorius frequentes tantum egressus in publicum vituperet. Sane qui suos alumnos vitæ solitariæ addictos esse voluit S. Benedictus, in duobus Regulæ suæ capitulis clare significat, non eis interdictum extra monasterium exire, & negotiis vacare. Ipse vero Gregorius multis negotiis tum Ecclesiasticis, tum etiam politicis non solum adhibuit Abbates & Monachos, ut infra sæpe dicemus, sed etiam præfecit. Anno superiori scripserat Johanni Raven-nati, mittendum esse in urbem Fanum cum aliquanta pecunia Claudium monasterii Classensis Abbatem, ad captivos redimendos. Postea cum Theodelinda Regina sese a communionem Constantii Mediolanensis Episcopi suspendisset, propter damnata ab eo tria capitula, misit ad eam Johannem Abbatem & Hippolytum notarium, qui damnatione hac minime pulsata fuisse (quod schismatici vociferabantur) Concilii Chalcedonen-sis auctoritatem Reginæ persuaderent, eamque ad Constantii communionem revocarent. Quin etiam Secundini Monachi & Probi

Lib. VII.  
Ep. 17. & lib.  
XI. Ep. 78.

V.  
Num Abbas  
tibus & Mo-  
nachis egre-  
di licitum.  
b

Cap. 51. &  
67.

Lib. II. Ep.  
46. Lib. IV.  
Ep. 3. & 4.

Lib. VI. Ep.  
30. & lib. IX.  
Ep. 4. & 43.

<sup>a</sup> Is est fortasse cui inscribitur Ep. 50. lib. V.

<sup>b</sup> Tom. IV. pag. 277. & 279.

IV.  
Gregorius  
de discipli-  
na monasti-  
ca sollicitus.

3  
Lib. III. Ep.  
3.

Abbatis opera usus est, ad pacem cum Agilulfo Langobardorum Rege componendam; quod feliciter cessit. Commemorandos hoc loco non existimamus tot Monachos a S. Gregorio Evangelii prædicandi gratia missos, de quibus postea fiet mentio. Secessum tamen & ab omni negotio feriatiorem, quibus solitaria vita maxime commendatur, quamdiu his frui licet, amplecti debent Monachi ac prosequi, exemplo S. Gregorii potissimum id suadente, qui a monasterii quiete abstractus, & ad summi Pontificatus fastigium evectus, tamquam ablactatus a materno ubere infantulus, tot fere vagitus emisit, quot scripta edidit.

VI.  
Judæus falso  
Eliæ cultu  
Christianis,  
illudit.  
Lib. III. Ep.  
38.

a

Ut de iis etiam qui foris sunt, & ad Ecclesiam non pertinent obiter agamus, Judæi non semel experti Gregorii clementiam, hoc anno ejusdem impigra sollicitudine zeloque indefesso repressi sunt. Nimirum cum quidam <sup>a</sup> Nasas inter eos *sceleratissimus*, sub honore beati Eliæ altare construxisset, multosque Christianorum illuc orationis causa pertraxisset ac seduxisset; scripsit vigilantissimus Pontifex ad Libertinum Siciliæ Præfectum, ubi facinus commissum fuerat, superstitioneque vigebat, ut *districte* & corporaliter in Judæum hunc, si de reatu constaret, animadverteret, nec fociordiam eaque pejorem avaritiam Justinii ejusdem insulæ Prætoris imitaretur. Is enim Judæorum delinitus muneribus, Dei injurias vindicare non curabat, uti Gregorius scriptis ad se litteris didicerat. Idem Judæus Christiana sibi mancipia comparasse ferebatur, quod contra legem a Constantino Magno latam ne Judæis famularentur Christiani, pugnabat. Quia vero eadem lege cautum erat, ut si quos Judæi Christianos in obsequio & famulatio haberent, ii extemplo in li-

De ipso puni-  
endo Gre-  
gorius scri-  
bit.

Exus. lib. 4.  
vita Const. c.  
27.  
Lib. IV. ep. 1.

<sup>a</sup> Hoc nomine forsitan intelligendus Præses seu Princeps Synagogæ qui a Judæis Naz-

bertatem assererentur; id executioni mandari strenue ac sine mora Papa postulat. Idem fere est argumentum alterius Epistolæ ad Venantium Lunensem Episcopum scriptæ anno sequenti.

<sup>b</sup> S. Gregorium hoc tertio sui Pontificatus anno de conscribendis Dialogis cogitasse, testatur Epistola ad Maximianum Episcopum Syracusanum, in qua etiam subodoramur eum paulo post iis elucubrandis incubuisse. Verum de tempore quo scripti sunt lege Præfationem nostram maxime vero numero XVII. ac sequentibus. Ex eadem Præfatione omnia repetenda sunt quæ ad hos libros pertinent. Id unum hic observabo, egregium hoc opus fuisse solitudinis fructum, ad quam frequenter anhelabat Gregorius, ut a Pastoralis vitæ molestiis & sollicitudinibus levaretur, & amissæ quietis, eam piis deslendo lacrymis, jacturam utcumque refarciret. Qualis autem esset in secessu, quibusve meditandis tunc animum intenderet, discere ex ipso Dialogorum exordio.

b  
VII.  
Dialogos e-  
lucubrat.  
Lib. III. Ep.  
51.

## C A P U T XI.

I. In Ecclesia Salonitana turbæ propter Maximum, invito Papa, ordinatum Episcopum. II. Gregorii hoc in negotio constantia & prudentia. III. Maximi audacia in sanctum Pontificem. IV. Maximi ordinationem asserit Imperator. V. Maximi penitentia & satisfactio. VI. Quid de Honorato Archidiacono definitum. VII. Constantina Augusta S. Pauli reliquias postulans fert repulsam. Mos antiquus Sanctorum corpora loco non movendi. VIII. Antiquitus tamen factæ nonnullæ translationes.

An. 593. &  
594.

**V**ix in tranquillo monasterii secessu Gregorius otium & quietem

I.  
In Ecclesia  
Salonitana  
turbæ pro-

sci dicitur.

<sup>b</sup> Vide de Castro nota (ff).



pter Maxi-  
mum, invi-  
to papa, or-  
dinatum E-  
piscopum.  
Lib. 4. Ep.  
10.

tem tantisper degustaverat, cum ad consuetam Pontificatus onera redeundum fuit, & Salonitanæ Ecclesiæ totique Dalmatiæ subveniendum, atque consulendum. Provincie hujus Episcopi, Natalis olim sui Metropolitanus de quo supra diximus, pravis exemplis corrupti a Sacerdotalis honoris tramite deflexerant: secularibus enim negotiis immergi, abjecerant omnem Dei metum; neque quid Deo, sed quid sibi placeret exquirere ac explere jamdudum consueverant. Hinc mortuo Natali, cum Honoratus Archidiaconus vir inculpatæ vitæ, incredibilisque constantiæ, quam non semel ostenderat adversus Natalem bona Ecclesiæ dilapidantem, in Salonitanum Episcopum electus fuisset: illi plurimum sibi a tam severo censore, Maximo qui a seculari potestate fretus hanc Sedem invaserat, favere dicebantur. His acceptis, Gregorius ad universos Dalmatiæ Episcopos scribendum duxit; ut nullum in Salonitanum Episcopum, nisi consulta prius & annuente Apostolica Sede, ordinare præsumerent. Secus facientes, excommunicatos & a participatione corporis & sanguinis Domini abstentos denunciavit; ordinationemque futuram irritam declaravit. Præsertim vero Maximo manus imponere prohibuit. Attamen aut nondum accepta Pontificia jussione (quod vero propius videtur) aut insuper habita, ut Papæ significatum est, Maximus cæsis Presbyteris, Diaconibus, omniique clero, militari manu in Ecclesiam deductus est, & tunc forsitan Episcopus consecratus; si tamen consecratio dici possit, quæ ab excommunicatis celebrata, & excommunicato dirisque devoto collata fuerat. Aderat tunc Antonius Subdiaconus Ecclesiastici patrimonii in Dalmatia Rector; qui cum summi Pontificis jussu adlaborasset ut

Salonitanus Episcopus juxta canones eligeretur, ea ratione Maximo prævaricatori exosus, & ab ejus satellitibus ad mortem quæsitus, fuga sibi consulere coactus est. Præcipuus mali auctor erat Marcellus Dalmatiæ Proconsul, ut habemus ex Ep. 5. lib. ix.

Gregorius ad tantam offensionem ab Ecclesia Salonitana reinovendam, non minus prudentiam, quam constantiam necessariam ratus, litteris monuit Maximum, ut ipse ordinatoresque ipsius *attrectare quidquam Sacerdotalis officii non præsumerent*, donec explorare posset utrum vera an supposititia Imperatoris jussione fuisset ordinatus, quidve sibi visum foret rescriberet. Si vero contra interdictum aliquid agere non vereretur, ei anathema comminatur a Deo & a B. Petro Apostolorum Principe.

Maximum jam ab anno superiori Salonitanam Sedem invasisse, nimirum labente undecima Indictione, docet quod legimus de ejus poenitentia in fragmento nunc ad Epistolarum calcem rejecto, prius vero præmisso Epistolis Indict. primæ. Quocirca constat nondum ad eum aut ad Episcopos Dalmatiæ tunc pervenisse Epistolas 10. & 20. hoc anno quarto Pontificatus Gregorii, duodecima Indict. datas, quod etiam ex ipsa Epistola 20. elici potest. Idque forsan in causa fuit ut cum eo postea Gregorius mitius egerit, ejusdemque ordinationem tandem ratam habuerit.

Non me latet renuntiatum Gregorio fuisse, post interdictionem ab ipso prolatam, *deductum in medium fuisse militari manu Maximum*, quod in ejus ordinatione contigisse debuit. At illa *deductio* potuit etiam fieri aliquo post ordinationem intervallo. Ad hæc, plurima de hoc Episcopo, ejusdemque corruptis moribus acceperat Papa, quæ nullo legitimo testi-

It.  
Gregorii hoc  
in negotio  
constantia,  
& prudentia.  
Lib. xv. 17.  
20.

*Uidem.*

*Ibid. Ep. 20.*

Lib. 131. Ep.  
22.  
Lib. xv. Ep.  
47.

a Milites & lictores Romani Patricii conduxerat, ex lib. iv. Ep. 47.

monio nitebantur, quæque postea diluit, ut quod subreptitio Imperatoris diplomate usus fuisset, quod per simoniam ad Episcopatum pervenisset, quod violatæ castitatis reus foret. Quidni ergo dicamus, incerto aut etiam falso rumore pervenisse ad summum Pontificem, Maximum spretis ejus litteris ordinatum fuisse? Sane Gregorius ad Constantinam Augustam postea scribens, anno videlicet sequenti, quasi de omnibus certior factus, tantum conqueritur Maximum se suoque Responsali nesciente fuisse ordinatum.

Lib. v. ep.  
210

III.  
Maximi audacia in  
sanctum Pontif.  
Lib. xv. ep.  
97.

Quæ postea subsecuta sunt docet S. Gregorius in Epistola ad Sabinianum Sedis Apostolicæ Apocrisiarium seu Legatum apud Mauricium Imperatorem. Nimirum seculari & aulica auctoritate fretus Maximus, eo venit audaciæ ut Papæ litteras excommunicationem, ni subderetur & resipisceret, intentantes, publice scindi fecerit, ipsumque apud Augustum accusarit, quod a Malchum Episcopum aliquantæ pecuniæ sibi debitorem in custodia occidisset.

Calumniam hanc ita diluit vir sanctissimus: de qua re, inquit Sabiniano, unum est quod breviter suggeras serenissimis Dominis nostris, quia si ego servus eorum in morte Langobardorum me miscere voluissem, hodie Langobardorum gens, nec Regem, nec Duces, nec Comites haberet, atque in summa confusione esset divisa. Sed quia Deum timeo, in mortem cuiuslibet hominis me miscere formido. Malchus autem Episcopus neque in custodia fuit, neque in aliqua afflictione, sed diè qua causam dixit, & adductus est, nesciente me, a Bonifacio notario in domum ejus ductus est, cui & prandium factum est, ibique prandit, & honoratus est ab eo, &

nocte subito mortuus est. Itaque statim evanuit falsa hæc Maximi criminatio.

Nihilo tamen minus Mauricius ordinationem ejus asseruit, Præfectorum & Ducum qui publicæ in Dalmatia rei præerant, ut conjicere licet, impulsu; quibus nimirum, denudata sua Ecclesia, præmia multa præbere dicebatur. Ea de re ad Constantinam Augustam scribens, vehementer expostulat S. Gregorius: Et si, inquit, Episcoporum causæ mihi commissorum apud piissimos Dominos aliorum patrociniis disponuntur, infelix ego in Ecclesia ista quid facio? Sed ut Episcopi mei me despiciant, & contra me refugium ad seculares judices habent, omnipotenti Deo gratias ago, peccatis meis deputo. Hoc tamen breviter suggero, quia aliquantulum exspecto; & si ad me diu venire distulerit, in eo exercere distributionem canonicam nullo modo cessabo.

IV.  
Maximi ordinationem  
asserit Imperator.

Jusserat Mauricius ut Maximus Papæ se sisteret, eumque cum honore Gregorius exciperet; quod ei grave visum est; nempe quo honore dignus erat is de quo tanta & talia nuntiabantur, antequam discussa causa, in fontem se probasset? neque vero de ipsius ordinatione infacio Romano Pontifice facta erat amplius quæstio: eam enim ut Imperatori morem gereret, ita ratam habere consensit, ac si se auctore hic Episcopus ordinatus fuisset; quamvis sub anterioribus Principibus nullus ad hæc usque tempora Salonæ Episcopus, prætermissa Romani Antistitis auctoritate fuisset constitutus. At multa supererant crimina diluenda, nimirum quod flagitiose ac impudice vixisset, quod data pecunia fuisset electus, quod excommunicatus Missas facere præsumisset.

Callide egerat Maximus, ut Gregorii

a Patrimonium aliquod Ecclesiæ Rom. procuraverat in Dalmatia, ut patet ex Ep. 46. lib. 11.

b Sic appellat eos quos jure Patriarchali regebat, & quorum ordinationes ad eum

aliquatenus pertinebant; cum universis quidem præellet Episcopis & Patriarchis, propter singularem Ecclesiæ Rom. principalitatem.

b



gorii litteras quibus a Missarum celebratione cessare jubebatur, ad se non pervenirent. Ideoque iterata iustitione rem ei sacram interdixit. Quade re clero & optimatibus tum Salonæ tum Jaderæ scripsit, ut a communione Maximi recederent: neque enim ullus adhuc ejus communionem respuerat, præter Paulinum Episcopum, & Honoratum Archidiaconum, cujus electionem de qua supra egimus, non amplius tuebatur sanctus Pontifex; quandoquidem eum Archidiaconum tantum appellat, non Episcopum.

Lib. vi. ep. 27  
ac 29.

v.  
Maximi pœnitentia & satisfactio  
Lib. vii. ep. 17. lib. viii. ep. 10.

Tandem paternis adhortationibus & infracta constantia consecutus est Gregorius, ut Maximus ad sanioram rediret mentem. Ab ejus communione jam plerique recesserant; & Sabinianus Jaderæ Episcopus pœnitentia ductus, quod in valetudinem & perduelli adhæsisset, in monasterium abjecto Episcopatu sese receperat, ut tantam culpam lacrymis dilueret. At S. Gregorius eum ad suam communionem & amicitiam receptum, ut pastorem curam resumeret hortatus est, cæterisque ad Ecclesiam revertendi præberet exemplum, quod futurum sperabat. Neque vero spes fefellit; ipse enim Maximus rediit tandem ad cor, & jugo se debitæ obedientiæ subdidit. Urgente Papa ut Romam judicandus accederet, obsessas ab hostibus vias causari poterat, & Imperatoris præceptum, qui iusserat ut Salonæ aut in Dalmatia mora hæc quæstio finiretur; quod etiam sacris canonibus erat consentaneum. Præterea plebem & Præfectos militari manu suæ protectioni, suo itineri obstitisse respondere in promptu erat. Quibus rationum momentis prudenter perpensis, accedentibus quoque

Lib. ix. ep. 20. 21.

quam de cæteris objectis criminibus, præstito ad corpus S. Apollinaris Martyris sacramento. Cum autem inobedientiæ & perduellionis in Sedem apostolicam reus esset manifeste (constabat enim eum post intentatam a summo Pontifice excommunicationem, ad sacrum altare accessisse) iudicio Mariniani reliquit statuendum, qua satisfactione talis deberet culpa purgari. Ex cujus forsitan Antistitis consilio & sententia prostratus per tres horas Maximus jacuit, gravis luctus & pœnitentiæ causa clamans: *peccavi Deo & beatissimo Papa Gregorio*. Sublevatus a Mariniano, juvantibus Callinico Exarcho & Castorio Chartulario cœpit vehementius dolere; at in reconciliationis & absolutionis argumentum, Castorius ei Epistolam a S. Gregorio scriptam obtulit, qua significabat redditam ipsi fraternæ caritatis gratiam, pollicebaturque se ad eum quantocius Pallium esse missurum.

In appendice  
epist.

Cum Sabinianus Jaderinus Episcopus, Honoratus Archidiaconus Salonitanus, & alii plurimi, Sedis apostolicæ jura contra Maximum asseruissent, iussit sapientissimus Pontifex ut eos qua decebat caritate susciperet. Optabat Gregorius ut Honoratus ab Archidiaconi munere ac dignitate, de qua jam a Natalis Archiepiscopi temporibus fuerat quæstio, non repelleretur: verum obstabat illius Ecclesiæ consuetudo, quæ Archidiaconos expleto quinquennio a suo remove ministerio cogebat. Id in Ecclesia Salonitana pro lege haberi asseveravit Maximus, confirmavitque Castorius Chartularius; quin etiam adjecit tres superiores Archidiaconos ab ipso Honorato, postquam per quinquennium ministrassent cedere compulso. Quapropter sententia Gregorii fuit *non flagitandum ab Honorato iudicium de causa, quam ipse jam judicarat*. Hunc exitum habuit diuturna illa de Maximi ordinatione

VI.  
Quid de Honorato Archidiacono definitum.  
Ibid. ep. 125.

contentio, in qua vicit tandem infracta sancti Pontificis patientia & constantia, ex adversis augeri solita. Quas animi dotes ac virtutes optime describit in Epistola ad Sabinianum Diaconum: *Paratior sum*, inquit, *mori, quam beati Petri Ecclesiam meis diebus degenerare. Mores etiam meos bene habes, quia diu porto; sed si semel deliberavero non portare, contra omnia pericula latrus rado.*

Lib. IV. ep.  
47.

VII.  
Constantina  
Augusta re-  
liquias S.  
Pauli a S.  
Gregorio  
postulans  
repulsam re-  
fert.  
Lib. IV. ep.  
30.

In hoc toto negotio Gregorius adversarium apud Imperatorem expertus est Johannem Constantinopolitanum, ut par est credere; quippe quem ob usurpatum œcumenici Patriarchæ titulum redarguendo & increpando, insensum sibi fecerat. Antequam vero de hac disceptatione fusius & enucleatius agatur, quod paulo post fiet, ratio temporis postulat ut qua arte idem Johannes Constantinæ Augustæ mentem a Gregorio alienam efficere molitus sit aperiamus. Ipsum enim digito monstrare videtur sanctissimus Pontifex his verbis: *Sed quidam homines contra me pietatem vestram excitare voluerunt, ut mihi, quod absit, voluntatis vestræ gratiam subtraherent.*

Piissima Augusta basilicam in honorem S. Pauli Apostoli ædificandam curaverat in ipso regię urbis palatio; quam ut sacris ejusdem reliquiis ditaret, postulavit a Gregorio ut sibi transmittere *vel beatissimi Apostoli caput, vel aliud quid de ipsius corpore* festinaret. Cujus jussioni respondit se obtemperare nec posse nec audere, quod sanctorum Apostolorum corpora nequidem loco moveri impune, vel tangi possent; idque multis miraculis ibidem commemoratis confirmat. Petierat etiam Constantina beati Apostoli *sudarium*, quo fortasse nomine intelligi debet linteam aliquod ejus cruore sacro tinctum, & in sepulcro inclusum. Sed quia extrahi non poterat nisi corpus

Apostoli detegendo, & loco movendo, quod nefas erat, piæ Augustæ precibus annuere non potuit Papa. In Epistola quam Gregorius ad eam misit, ait: *Quia Romanis consuetudo non est, quando Sanctorum reliquias dant, ut quidquam tangere præsumant de corpore: sed tantummodo in pixide \* brandeum mittitur, atque ad sanctissima corpora Sanctorum ponitur. Quod levatum, in Ecclesia quæ est dedicanda, de tota cum veneratione reconditur. Addit plurima* in locis, ac si Sanctorum corporibus potirentur, patrari solita miracula. Insuper docet in totius Occidentis partibus omnino intolerabile esse ac sacrilegum, si sanctorum corpora tangere quisquam fortasse voluerit. Utinam vero piam hanc & Sanctorum reliquiarum venerationi consentaneam consuetudinem perpetuo retinuissemus! Cum Græcorum contrarius mos posset objici, quibus videlicet nulla erat sacra corpora levandi ac alio transferendi religio, respondit S. Gregorius dubiæ fidei sibi videri, quas transferebant & distrahebant reliquias; suspicionemque suam hoc exemplo confirmat. Nimirum quidam Græci Monachi ante biennium Romæ deprehensi fuerant nocturno silentio juxta Ecclesiam beati Pauli, corpora mortuorum in campo jacentia effodientes, atque ipsorum ossa recondentes. Qui cum interrogati fuissent quo id consilio facerent, confessi sunt *quod illa ossa ad Graciam essent tamquam Sanctorum reliquias portaturi.* Apud Gregorium

\* Id est, veltamen.  
Mos antiquus Sanctorum corpora loco non movendi.

a

a Vide Guibertum de Novigento lib. de pignoribus Sanctorum.

(quæ



(quæ tamen ornari decet) integra & intacta relinquendo; quod etiam a civilibus cavetur legibus.

a

Abfit tamen a nobis, ut omnes

VIII. Antiquitas tamen factæ nonnullæ translationes.

b

Sanctorum translationes damnemus pio consilio factas. b Tempore Constantii Augusti legimus Constantinopolim delatum fuisse S. Timothei corpus Ephesi prius sepultum, ac in basilica sanctorum Apostolorum collocatum esse. Paulo post etiam reliquæ sanctorum Andreæ Apostoli & Lucæ Evangelistæ delatæ sunt ex Achaia, & eodem in loco depositæ; quod refert ac laudat Hieronymus.

Hieronymus contra Vigilant.

Præfat. ad Tom. ij. Aët. SS. ubi serv. 8.

Lege apud Mabillonium plurimas Sanctorum translationes quarto & quinto seculo in occidente, ipsaque in Italia factas, quas Gregorius ignorare minime potuit. De his quoque consule notas ad Ep. 30. libri quarti, verum his in translationibus et tumulis suis educebantur sacra illa pignora, ut in aliquo decentiori loco quiescerent, neque procul deferebantur.

Lib. xiv. ep. 7. & 13.

Haud improbavit quidem sanctus Doctor Episcopum & clerum urbis Euræ inde commigrantes corpus S. Donati secum abstulisse, & in Cassiopi Castro insulæ Corcyræ deposuisse. At vero migrationem istam necessariam effecerant barbaricus gladius & hostiles incursus. Metuentes ergo Sacerdotes & Clerici civitatis hujus, ne sacræ S. Donati reliquæ in Ecclesia deserta & patente, aliquam a barbaris injuriam paterentur, maluerunt eas secum asportare.

Quæ de sanctis corporibus loco non movendis, ad mentem S. Gregorii diximus, de eorum vestibus aut aliis rebus ad ipsos sanctos pertinentibus, minime intelligi debent: nam cum accepisset a Johanne Abbate tunicam S. Johannis repertam, ut eam ad se transmittere curaret rogavit. Tuni-

cam hanc fuisse S. Johannis Apostoli & Evangelistæ, positamque Romæ in basilica Constantiniana, docet Johannes Diaconus, ubi eam asserit multis coruscasse miraculis. Utrum hæc Papæ responsio Constantiæ Augustinæ satisfecerit, compertum non habemus. Exstant tamen plurimæ sancti Pontificis Epistolæ ad eandem postea scriptæ, ex quibus intelligitur eam quod sibi denegatæ fuissent S. Pauli reliquæ, non indigne tulisse: sed erga Sedem apostolicam pio semper flagrasse studio.

## CAPUT XII.

I. Theodelinda Constantio Mediolanensi Episcopo infensa pro causa trium Capitulorum. II. Gregorius ad eam Legatos mittit & Epistolas. III. Quo eventu. IV. Idololatris convertendis incumbit. V. Januarii & aliorum Sardinie Episcoporum socordia. VI. De licentia chrisinate consignandi Presbyteris Sardis data. VII. Res hoc anno in Monachorum gratiam a S. Gregorio gestæ. VIII. Mulieres a monasteriorum ingressu arcet. IX. Monialium honestati & tranquillitati prospicit. X. De Abbatissarum ætate decernit. XI. Eiusdem decretum de Clericis Abbatibus explicatur.

I. Theodelinda Constantio Mediol. Episcopo infensa. Lib. III. ep. 29. 30. 31.

Eodem fere tempore S. Gregorius ad Theodelindam Reginam scribere coactus est, ut ejus animum Constantio Mediolanensi Episcopo infensum, ad pacem & concordiam revocaret. Laurentio Mediolanensi Episcopo e vivis sublato anno superiori, Constantius ejusdem Ecclesiæ Diaconus unanimi totius cleri consensu successor datus fuerat, Gregorio dudum probe cognitus, cui etiam dum Constantinopoli moraretur, lon-

L 2 go

a Lege ultima de sepulcrorum violat. estque Theodosii Magni an. 386.

b Consule Tillemontium in Constantio

art. 4. pag. 415. Translationem hanc factam vigesimo Constantini Magni anno, dicit Hieronymus.

go tempore adhæserat. Et quamvis in ejus moribus nihil quod reprehendi potuisset, invenisset; quia tamen in animum suum pridem induxerat, ad suscipienda pastoralis curæ onera, pro nullius unquam misceri persona, ab ejus electione promovenda penitus abstinuerat: ipsam solis apud Deum precibus prosequi contentus; assidue orans ut summus Pastor talem Mediolanensibus Pastorem præberet, in cujus lingua & moribus exhortationis divinæ pascua valerent invenire: in cujus mente & humilitas cum rectitudine fulgeret, & severitas cum pietate: qui eis viam vitæ non solum loquendo, sed etiam vivendo posset ostendere; quatenus exemplo illius discerent ad æternæ patriæ desiderium suspirare. Itaque quando sapientissimus Pontifex aliquas Episcoporum electiones sibi vendicavit, nonnisi gravissimis rationibus coactus, a priori proposito recessit. Nimirum satis habebat, ut antiquam servaret consuetudinem, aliquem mittere Ecclesiæ Romanæ militem (hoc nomine Clericos, Ecclesiæ militantes & servientes significat) qui electioni interesset, & ab Episcopis provincialibus, cum assensu tamen summi Pontificis, consecrari procuraret. Constantius in ipso episcopatus exordio suam fidei confessionem, ut moris erat, Papæ obtulit; in qua condemnata fuisse tria capitula, læsamque ac pulsatam Concilii Chalcedonensis auctoritatem tres Episcopi pervulgarunt; quorum malis artibus decepta Theodelinda Langobardorum Regina, Constantium statim averfata est ut legitimæ fidei desertorem. Brixientem Episcopum unum ex tribus iis schismaticis Præfulibus fuisse, non obscure indicat Epistola 39. ejusdem libri, ex qua habemus ipsum & Brixie cives importune postulasse, ut Constantius jurejurando affirmaret se tria non damnasse capitula.

Pro causa  
trium capi-  
tuli.  
Lib. IV. ep.  
2. & 4.

Hæc audiens Gregorius, ut opem utrique ferret, scilicet Archiepiscopo calumniam passo, & Reginæ ob spretam ejus communionem de salute periclitanti, misit ad Theodelindam Hippolytum Notarium & Johannem Abbatem, qui eam revocarent ab errore; quod & litteris suis præstare conatus est. Priores quidem ipsius litteras Reginæ offerendas non censuit Constantius, quod in eis rerum tempore Justiniani Augusti gestarum, & quintæ Synodi mentionem injecisset, qua offendi potuisse ejus animus. Alteras vero misit in quibus Constantio suadenti morem gerens, de illa Synodo siluit, & quatuor priores tantum laudavit, inprimisque Chalcedonensem, cujus auctoritati detractum iri per trium capitulorum damnationem schismatici causabantur. Amoto itaque hoc scrupulo, sanctissimus Pontifex hortatur piissimam Reginam, ut imperitis stultisque hominibus minime credat, caveatque ab Catholice Ecclesiæ communione separari; ne tot ejus lacrymæ, tantaque bona opera perirent, si a vera fide aliena invenirentur. Decet ergo, inquit, Gloriam vestram, ad reverendissimum fratrem & coepiscopum meum Constantium, cujus & fides, & vita bene olim mihi approbata est, sub omni celeritate transmittere, eique directis vestris Epistolis indicare ordinationem ejus quam benigne suscepistis, & quia ab ejus Ecclesiæ communione in nullo separamini.

II.  
Ad eam  
Greg. mittit  
Legatos &  
Epistolas.  
Ibid. ep. 10.

Rediit ad unitatem Ecclesiæ prudentissima & christianissima Regina, quamvis ad condemnanda tria capitula minime adduci potuerit; aut certe id si aliquando imperatum est ab ea, tardius contigit. At schisma occasione condemnationis illorum capitulorum exortum, non in eo positum erat, quod ab illis condemnandis abstinere, sed quod a condemnantium communione secessio fieret.

III.  
Quo eventu



fieret : Gregorius enim pro veris Ecclesiæ filiis semper habuit eos, qui cum tria illa capitula rejicere formidarent, in Ecclesiæ tamen unitate permanserunt, & cum ipsis benignius egit semper, quos inter, præter Theodelindam, erat Secundinus eximie sanctitatis Monachus, Regine acceptissimus.

Redeunte ad Constantii communionem Regina, tres de quibus jam locuti sumus Episcopi, ut vero simile est, quieverunt; nec ultra eum a Brixienfibus civibus vexatum fuisse ut sacramentum de tribus capitulis a se nunquam damnatis præstaret, inde potest colligi, quod plurimis in Epistolis ad ipsum deinceps scriptis, ea de re plane sileat sanctus Pontifex.

IV.  
Idolatriæ  
convertendis  
incumbit.

Non minori labore ac studio in vocandis ad Ecclesiam infidelibus, quam in revocandis schismaticis deludabat. Sardinie partem incolabant quidam populi, Barbaricini dicti, qui ad hæc usque tempora cultum idolorum retinuerant. Eos a Wandalis pulsos ex Africa, in Sardiniam migrasse, conjectura potius quam certis rationum momentis habetur. Barbarorum illorum mores exprimit his verbis Gregorius : *Ut insensata animalia vivunt, Deum verum nesciunt, ligna autem & lapides adorant.* Arduum igitur erat eos ad veram fidem protrahere : quod tamen aggressus est sanctissimus Papa, cujus caritati nihil erat difficile; atque ad hoc opus elegit Felicem quemdam Episcopum, & Cyriacum servum Dei Abbatem S. Andreæ. Ab iisdem postea didicit non solos Barbaricinos, sed rusticos fere omnes in Sardinia idolatriæ deditos. Quapropter scripsit confestim ad nobiles & ad cæteros in Sardinia possessores, ut rusticis a cultu idolorum avertendis & retrahendis invigilarent; significans nihil sibi gratius aut ju-

cundius ab ipsis posse nuntiari, quam quot quisque idololatrias ad Christum perduxisset. Strenuam ad hoc operam navavit Zabarda Sardinie dux, de quo Felix & Cyriacus ad Gregorium scripserant; eum cum Barbaricinis eo pacto facere pacem disponere, ut Christi fidem & servitutem amplecterentur. Ea de causa piissimo duci gratis egit Pontifex sanctissimus, & prædicatores a se missos commendavit. Tunc Hospitonem Barbaricinorum ducem jam christianum factum, patet ex Epistola ad ipsum scripta, qua Gregorius de recta fide ab eo suscepta eum laudavit; admonuit autem veram fidem bonis operibus esse comprobendam: insuper ejus officii esse ut quoscunque posset ex sublitis, ad Christum adduceret, ac prædicatores eorum conversioni insudantes solatiis foveret necessariis.

Quid illi tunc profuerint, satis non liquet. Ex alia Epistola diu postea scripta constat multos adhuc barbaros in Sardinia idolatriam tunc minime abjecisse, quos tamen ad fidem Christianam amplectendam festinare scribit Insulæ Præsili. Eodem tempore jussit ut Vitalis in Sardinia defensor Barbaricina mancipia compararet; an ut ea in fide erudienda curaret, iisdemque postea uteretur ad eorum populares Christiana fide imbuendos? Eodem sane consilio legimus pueros Anglos ab annis decem & septem, vel decem & octo ejus cura & munificentia emtos, ac in monasteriis, ut in Christiana religione instituerentur, positos; quorum postea ministerio usus est, ad totius Anglorum gentis conversionem, de qua infra.

Ideo Gregorius Felici & Cyriaco partes imposuit annuntiandi in Sardinia Evangelii barbaris & rusticis, quia insulæ hujus Episcopi, parum de eorum salute solliciti videbantur.

His

*Ibid. ep. 24*

*Ibid. ep. 23.*

*Lib. IX. ep. 22,  
Ibid. ep. 23.*

*Lib. IV. ep. 23. & 24.*

*Lib. IV. ep. 10.*

*Ibid. ep. 23.*

V.  
Januarij &  
aliorum Sardinie  
Episcoporum  
sociordia.  
*Lib. IV. ep. 26.*

His verbis increpat Januarii Caralitani Episcopi, & totius Insulæ Metropolitani socordiam & segnitiam: *Accidit, inquit, aliud valde lugendum: quia ipsos rusticos, quos habet Ecclesia tua, nuncusque in infidelitate remanere negligentia Fraternitatis vestræ permisit. Et quid vos admoneo ut extraneos ad Deum adducatis, qui vestros ab infidelitate corrigere negligitis? Unde necesse est vos per omnia in eorum conversionem vigilare. Nam si cujuscunque Episcopi in Sardinia insula paganorum rusticorum invenire potuerit, in eundem Episcopum fortiter vindicabo.*

VI.  
De licentia  
chrismandi  
Presbyteris  
concessa.  
*Ibid. ep. 9.  
Ibid. ep. 26.*

Januarium despiciebant ejus ministri & Clerici, quod nimis esset simplicitatis; unde oriebatur Ecclesiasticæ disciplinæ neglectus & remissio. Hinc fortasse data Presbyteris occasio præsumendi, sacro chrismate parvulos in fronte signare, quod ne ultra fieret prohibuit Gregorius. Quia tamen accepit postea quosdam ob hanc prohibitionem valde offensos, aliud promulgavit decretum in hæc verba: *Pervenit quoque ad nos quosdam scandalizatos fuisse quod Presbyteros chrismate tangere eos qui baptizandi sunt, prohibuimus. Et nos quidem secundum usum veterem Ecclesiæ nostræ fecimus; sed si omnino hac de re aliqui contristantur, ubi Episcopi desunt, ut Presbyteri etiam in frontibus baptizandos chrismate tangere debeant, concedimus.* De hujus decreti sensu digladiantur theologi, aliis permixtum ut sacramentum confirmationis administrarent contententibus, aliis negantibus. Mentem nostram circa questionem & controversiam hanc satis aperuimus in notis ad laudatas Epistolas, quas diligentem lectorem consulere non pigeat.

VII.  
Res hoc anno in Monachorum gratiam a Grego.  
gestæ.

Ut res monasticas, quæ Gregorio semper cordi fuerunt, nunc attingamus, ad quartum ejus Pontificatus annum pertinere videtur quod de

ipsius erga monasterium Sublacense olim a S. Benedicto conditum, & Honoratum Abbatem, munificentia legitur: nimirum eum cum sua matre Silvia huic cœnobio Castrum Apollonium & alia multa bona contulisse.

Neque præteunda quæ hoc anno contigit, admissio Monachorum in Ecclesiam S. Pancratii, quæ Romæ via Aurelia etiam nunc exitat. In ea prius ministraverant & rem sacram curaverant Clerici seculares & Presbyteri, sed ita negligenter, ut etiam die Dominico nullus adesset Presbyter qui Missarum solemniam celebraret. Murmurantibus hac de re populis, qui istuc devotionis gratia confluebant, Gregorius matura deliberatione judicavit socordes illos Clericos inde amovendos, & in monasterio huic Ecclesiæ cohærente instituendam esse Monachorum congregationem, cui Abbatem præfecit Maurum. Legenda est ea de re Epistola ad eundem Maurum qua ei terrarum, reddituum, oblationum illius Ecclesiæ summam administrationem tribuit sive ad Monachorum victum, sive ad facta tractata. Observat hoc loco Mabillonius ad fidelium ædificationem aliquando conducere, ut Monachi in locis frequentibus instituantur.

Mabill. n.  
Annal. Benedict. lib. vii. c. 11.  
n. 44. p. 231.  
Lib. xv. ep. 18.

Vid. Mabill.  
loco laud. ad an. 594.

Aliunde tamen sollicitè cavebat vigilantissimus pater<sup>a</sup> ne ex mulierum consortio, regularis apud Monachos disciplina labefactaretur. Unde Valentinum Abbatem increpat quod mulieres in monasterium suum ascendere sineret, ac fieri Monachorum commatres; idque ne ulterius contingat, eum severissimæ ultionis comminatione prohibet. Utrum arcendas mulieres ab Ecclesiis ubi Monachi observabant & sacras laudes persolvebant introitu, censuerit Gregorius, hocque ad Valentinum præcepto sanxerit, exploratum non est. Sane in Epistola 41. libri secundi frequentio-

VIII.  
Mulieres a monasteriorum ingresso sua arcet.

a

Lib. xv. ep. 42.

rem

a Vide lib. xi. Ep. 25. olim 20. lib. ix.



rem tantum feminarum accessum ad monasteriorum Ecclesias videtur interdiceret. Prætera basilicam S. Pancratii Martyris frequentabat promiscuus sexus, in cujus gratiam singulis Dominicis ibidem Missarum sollemnia celebranda decrevit; in quam tamen Monachos maluit militare, quam Clericos.

IX.  
Monialium  
honestati &  
tranquillita-  
ti prospicit.  
Lib. IV. ep. 8.

Erga Moniales, ob sexum fragiliorum, majorem sollicitudinem & severiorem custodiam adhibendam ratus, hæc ad Januarium Caralitimum, hoc fere ineunte anno scripsit: *Pervenit ad nos minus te monasteriis ancillarum Dei in Sardinia sitis tuitionis impendere: & cum dispositum a tuis prudenter fuisset decessoribus, ut quidam de clero probati viri curam gerentes, earum se necessitatibus adhiberent: nunc ita funditus esse neglectum, ut per publicas personas pro tributis aliisque muniis ipsæ per se principaliter Deo dicata femina compellantur ire, necessitatemque habeant pro supplendis fiscalibus per villas prædiæque discurre, atque virilibus incompetenter se miscere negotiis. Quod malum Fraternalitas tua facili correctione removeat, ut unum probatum virum vita moribusque, cujus ætas atque locus nihil de se prava suspitionis objiciat, sollicitè deputet, qui sic monasteriis ipsis cum Dei timore possit assistere: quatenus ulterius eis pro quibuslibet causis privatis, vel publicis extra venerabilia loca contra regulam vagari non liceat: sed quidquid pro his agendum est, per eum quem deputaveris, rationabiliter peragatur. Ipse vero referentes Deo laudes, atque coercentes semetipsas in monasteriis suis, nullam occasionem ulterius fidelium mentibus prava suspitionis injiciant.*

X.  
De Abbatissarum ætate  
decernit.

Ad eandem sanctissimi Papæ sollicitudinem erga Moniales spectat quoque quod constituit ad Maximia-

num Syracusanum Episcopum scribens: *Juvenculas Abbatissas fieri vehementissime prohibemus.* Addit nullas<sup>a</sup> velandas & benedicendas ab Episcopis in Abbatissas, nisi sexagenarias virgines, quarum ætas hoc atque mores exegerint.

Mirum fortasse videbitur Gregorium tantam in Abbatissis ætatis maturitatem requisivisse. Verum alibi docet, eos qui impugnantium vitiorum certamina adhuc tolerant, quod in juventute & in virili ætate sæpe sit, aliorum curam suscipere non debere. Statim autem ac domita sunt vitia, etiam juvenes, inculpate possunt morum magistri judicio Episcoporum & Prælatorum constitui, aliisque regendis præfici. Unde S. Gregorius minime improbavit Beatum Benedictum in juvenili ætate, post superatam carnis tentationem, extinctumque spinarum aculeis omnem voluptatis sensum, in virtutum magisterio multis præfuisse discipulis.

<sup>b</sup> In eadem Epistola ubi de Abbatissis hæc edixit Gregorius, quædam de Abbatibus præscribit observatione digna: Presbyteros, inquit, Diaconos, ceterosque cujuslibet ordinis Clericos, qui Ecclesiis militant, Abbatessas per monasteria esse non permittere, sed aut omissa clericatus militia, monachicis provehantur ordinibus: aut si in Abbatis loco permanere decreverint, clericatus nullatenus permittantur habere militiam. Satis enim incongruum est, si cum unum ex his pro sui magnitudine diligenter quis non possit explere, ad utrumque judicetur idoneus: sicque invicem & Ecclesiasticus ordo vite monachicæ, & Ecclesiasticis utilitatibus regula monachatus impediat.

Ex hoc loco quidam probare nituntur, S. Gregorium Clericos ab amplectenda professione monastica detertere ac prohibere voluisse; sed con-

Lib. IV. ep.  
II.  
Moral. lib.  
XXIII. n. 21.  
& lib. II.  
Dial. c. 2.

b  
XI.  
Ejusdem decretum de  
Clericis Abbatibus ex-  
plicatur.

<sup>a</sup> Consule notas ad hunc laudatæ Epistolæ locum.

<sup>b</sup> Vide de Castro nota (II).

contra ipsius mentem, cum alibi  
*Lib. XII. ep. 42.* Desiderium Episcopum hortetur, ut  
 Pancratio Ecclesiæ suæ Diacono *gratiam monasticæ conversationis appetenti, minime impedimento sit; sed cum potius pastoralis admonitione succendat, ne hujus desiderii fervor in eo tepescat.* Præterea sanctissimus Doctor beati Benedicti Regulam impense laudat commendatque, cujus c. 60. Sacerdotes in monasterio suscipi rogantes, ea lege admitti jubentur, *ut omnem regulæ disciplinam observaturos se spondeant.* Hinc Concilii Toletani IV. patres <sup>a</sup> can. 50. statuunt, ut Episcopi Clericis Monachorum propositum appetentibus, quia meliorem vitam sequi cupiunt, liberos in monasteriis largiantur ingressus. Cavet igitur sapientissimus Papa laudata Epistola, ut Presbyteri, Diaconi, aut alii Clerici, Abbates in monasteriis non fiant & ordinentur, nisi post legitimam probationem, & diutinam in monastica vita exercitationem, *omissaque prius clericatus militia*, hoc est relicto illo Ecclesiæ titulo, cui per suam ordinationem erant alligati, & ut aliquando loquitur Gregorius, incardinati. Eadem ratione alibi vetat eos, qui clericalem militiam cum monastica mutaverint, pro arbitrio ad suam reverti denuo Ecclesiam. Ubi obiter notandum dari a sancto Papa Clericis copiam amplectendæ vitæ monasticæ his verbi: *Si quos autem qualibet occasione a clericatu in monachicam conversionem venire contigerit &c.*  
*I. x. Ep. 11. lib. 10.* Perperam quoque nonnulli pro-

hibitum Monachis & Abbatibus putant Gregorianis verbis superius allatis, ne Presbyteri ordinentur, aut clericali adscribantur militiæ: quia videlicet ordo Ecclesiasticus vitæ monasticæ obest, & vicissim Regula monastica Ecclesiasticis utilitatibus. Sed ne ita interpretemur Gregorius ipse intercedit, cum sæpius Monachos presbyteratu insigniendos censuerit & jusserit. Vide Epistolam 42. libri sexti, in qua Victorem Panormitanum Episcopum hortatur, ut unum e Monachis S. Hermæ Presbyterum ordinet absque mora, postulante Urbico Abbate, quem sacerdotio quoque insignitum legimus. Ea de re sane nullus remanebit scrupulus legenti notas ad Epistolam ex qua ita cavillandi sumta occasio.

Scopus ergo vigilantissimi Pastoris eo loci est, repellere a monasticis prælaturis Clericos, ut nunc audiunt, seculares, aliarum jam Ecclesiarum titulis addictos, pro illorum temporum more; tum quod clericalis & monastica militia in diversis Ecclesiis sociari non possint, tum potissimum quod per Clericorum illorum qui monasticis inhiabant dignitatibus, ambitionem, & remissiorem vitam (ne quid pejus dicamus) monasteria destruenda, quod etiam postea contigit, prævideret: *Dumque hi*, inquit vir sanctus, quasi vaticinans, *singunt se religiose vivere, monasteriis præponi appetunt, & per eorum vitam monasteria destruantur*; quibus quoque verbis id se jam experimento didicisse significat.

*Mabill. ad an. 594. p. 233.*

*Lib. v. ep. 2.*

<sup>a</sup> Juxta Loaisam, aut 49.



## SANCTI GREGORII PAPÆ VITA

## LIBER TERTIUS.

Complectens historiam Pontificatus S. Gregorii ab annis 594. & 595. ad annos 598. & 599. seu ab Indict. 13. ad Indict. 2.

## CAPUT PRIMUM.

*Ant. 594. & 1. OEcumenici titulus a CP. Patriarcha assumptus. II. Quæ Concilia œcumenica dicta. III. Oblatum hunc titulum Papa respuit. IV. Hujus vocis significatus. V. S. Gregorii studium in explodendo hoc titulo propugnatur. VI. Quibus gradibus ascenderit Patriarcharum CP. ambitio. VII. Quanta fuerit in Johanne. VIII. An ex Monacho factus sit Patriarcha. IX. Epistolæ S. Greg. de illa controversia expenduntur. De prima ad Mauricium scripta. Et ad Augustam. X. Scribit ad Patriarchas. XI. Quid ab Eulogio Alexand. responsum. XII. Et ab Anastasio Antioch. XIII. De interpolatis S. Ignatii Epistolis. XIV. Summa Epistolæ ad Johannem CP. scriptæ. XV. Irriti S. Papæ conatus in Johan. & in ejus successorem. XVI. Hujus controversiæ finis. XVII. Refelluntur hæretici S. Gregorii modestiam ejus successoribus objicientes.*

I.  
Oecumenici  
titulus a CP.  
Patriarcha  
assumptus.

**E**Xordium hujus libri sumimus a controversia quæ Gregorium inter & Johannem CP. Patriarcham exarsit, ob superbum œcumenici Patriarchæ titulum a Johanne assumptum, & favente huic injustæ usurpationi Mauricio, dissimulantibusque illatam sibi invidiosa hac appellatione injuriam cæteris Patriarchis, assertum & conservatum. Quamvis vocis hujus insolentia turbas & gravissimam offensionem diu ante Gregorii Pontificatum excitasset, de illa tamen e medio tollenda serio non cogitavit

Tom. XVI.

ante hunc annum Pontifex prudentissimus, qui nihil nisi maturo cum consilio aggredi solebat.

Quod spectat ad ipsi œcumenici titulum, constat eum Concilia generalia sibi longe antea tribuisse. Ante Synodum tamen Chalcedonensem nullam aliam hoc titulo donatam fuisse tradit P. Gussanvillæus, & Legatos S. Leonis Papæ hujus esse nominis auctores. At hæc ipsi incauto aliudque agenti excidisse fatebitur, quisquis Ephesinum Concilium attente legerit: etenim par. 2. actione 3. occurrit *Exemplum Epistolæ &c. sancta & magna & œcumenica Synodus*. Act. 4. in Epistola Cyrilli & Memnois ad Synodum: *Contra hujus œcumenicæ Synodi præsides*. In relatione Synodi piissimis christianissimisque Theodosio &c. *sacra œcumenica Synodus*. In Relatione de subscriptione: *Piissimis &c. sancta & œcumenica Synodus*. Tam graviter aberrantem Gussanvillæum nihilominus secutus est Ludovicus Membourg. histor. Pontif. S. Gregorii Magni lib. 11.

II.  
Quæ Concilia dicta œcumenica.  
In notis ad ep. 32 lib. 14.

Oblatum Romano Pontifici, nimirum S. Leoni Magno, pro beati Petri Apostolorum Principis honore œcumenici titulum per venerandam Chalcedonensem Synodum testatur S. Gregorius; sed nullus, inquit, eorum unquam hoc singularitatis nomen assumpsit, nec uti consensit. In Chalcedonensi sane Concilio lecti sunt nonnulli libelli supplices Papæ oblatis, in quibus hoc honorifico vocabulo insignitur. Et in Act. sexta Paschasinus Episcopus unus ex S. Leonis Legatis, habita coram sancta Synodo oratione, summum Pontificem

III.  
Oblatura hunc titulum respuit Papa Lib. vi. ep. 20.

M

œcu.

*œcumenicum* appellavit; quibus cum non incercesserint Synodipatres, ea probare & rata habere visi sunt: maxime cum hæc acta in Synoditabulas relata fuerint.

IV.  
Hujus vocis  
significatus.

Quod spectat ad vocis hujus significationem, idem est *œcumenicum*, ac universale; & Concilium *œcumenicum* dicitur, quod ex omnibus mundi partibus habitabilibus, ad quas religionem Christianam credimus pervenisse, convocatur & congregatur. Et quamvis has ad Synodos ex omni Orbe Christiano Episcopi aut eorum legati fortasse non convenerint; aliquando quæ in convocatione & congregatione non erat Synodus universalis, facta est generalis & *œcumenica*, nimirum accedente postea orthodoxorum omnium consensu.

Si ex hoc significato quid sit *œcumenicus* Episcopus aut Patriarcha constituamus, statim quale in Religione Christiana monstrum foret hujusmodi Episcopus manifestum fiet. Nullus enim universalis Episcopus fieri proprie potest, nisi exclusis cæteris aliis Episcopis; etenim si totius orbis Christiani unus quispiam foret Episcopus, cui alteri locus relinqueretur? Id vero sacre Scripturæ diserte adversatur, quæ non obscure nos docet Spiritum sanctum posuisse non unum sed, plures Episcopos regere Ecclesiam Dei. Unus quidem est grex Christi, sed plures gregis hujus Pastores sunt, qui singuli unam hujus gregis portionem pascendam & regendam susceperunt.

Ant. 20.

V.  
S. Gregorii  
studium in  
explodendo  
hec titulo  
propugna-  
tur.

Non inficior aliquo sensu nec a fidei regula exorbitante, Romanos Pontifices *œcumenicos* dici potuisse, propter singularem quam obtinent in tota Ecclesia jurisdictionem; cui singuli subjiuntur etiam Episcopi. At cum ab illo titulo modeste abstinere voluissent, qua fronte Constantinopolitani Episcopi eundem sibi vindicare non verebantur? Quasi vero extra sui Patriarchatus fines a-

liquam episcopalem auctoritatem exercere possent; aut Patriarchatus Constantinopolitanus, pro toto Orbe Christiano non insulse intelligeretur? Satis ergo mirari non possum quosdam scriptores, licet orthodoxam fidem profitentes, Gregorii magni studium in oppugnando hoc superbo titulo vellicasse, vel etiam aperte damnasse: quasi de nomine tantum & non de re gravis momenti acrius quam par erat decertaverit. Ipsi e quidem ultro concessurus sum, huic voci & nomenclaturæ nonnullos affingi & accommodari potuisse sensus innocuos. At cum longe pluribus noxiis & a fide alienis subjacent, iisque obviis, dum econtrario qui sani sunt, aliunde accersiti videntur, quis nisi temere improbare audeat tantum Pontificem de novo insolentique vocabulo, & a modestia episcopali prorsus alieno profligando sollicitum?

Ajunt Aristarchi nostri eandem esse *œcumenici* significationem ac *generalis*, cujus titulus tot Præfectis sive militaribus, sive civilibus & politicis, sive etiam ecclesiasticis ac monasticis tribuitur. At longe latius patet *œcumenici* significatus. Illi autem ministri aut Præfecti in exemplum adducti, generales dicuntur; ut a particularibus, quorum minor est auctoritas, discernantur. Verum hoc sensu Patriarchæ Constantinopolitani nequaquam generales dici poterant. Peto enim qui fuerint illi Patriarchæ particulares a quibus hoc vocabulo discerni debuerint?

Præterea cum in ancipiti foret, quo sensu *œcumenicos* esse se jactarent, metuendum erat ne ipsorum ambitio satis nota, illum qui latius pateret, hoc est pessimum & hæreticum assumeret: quis modo sanus, vituperet sanctum virum, quod cum ipse in præstantissima summaque Ecclesiæ dignitate humilitatem adeo coleret, superbientes Episco-

fco.



scopos ad eam virtutem quam Christus a se nos discere potissimum voluit, provocare & revocare conaretur?

VI.  
Quibus gradibus  
Constantinopolitanus  
Episcopus ad tantæ dignitatis fasti-  
gium pervenisset, ut nulli alii quam  
Romano Pontifici haberetur inferior.

Hic operæ pretium est observare quibus gradibus Constantinopolitanus Episcopus ad tantæ dignitatis fastigium pervenisset, ut nulli alii quam Romano Pontifici haberetur inferior. Primum itaque Episcopo Heracleensi subditus, postea jus Metropolitanum & Exarchicum in Heracleensem aliofque plurimos Episcopos exercuit. Deinde antiquis Patriarchis annumeratus est; ac non multo post fultus Imperatorum potestate, consentireque coactis Episcopis & ipsis etiam Patriarchis, qui ejus opera & gratia apud Augustos, in variis Ecclesiarum suarum negotiis indigebant, id consecutus est in Concilio Constantinopolitano secundo generali, & in Chalcedonensi, ut secundo post Romanum Pontificem loco federet; repugnante licet S. Leone, qui canonem Chalcedonensem ea de re promulgatum, tamquam supposititium, & absoluto jam Concilio per fraudem adjectum reprobavit. Neque hoc in gradu stare & quiescere potuit ambitus hujus Præfulis de cathedra sua in regia urbe quæ nova Roma dicebatur, constituta, ultra modum sibi blandientis & superbientis: nam œcumenici titulum aut sponte assumserunt, aut ab adulatoribus oblatum ambabus manibus acceperunt retinueruntque Johannes III. Epiphanius, Mennas, œcumenicus Patriarcha sæpe a Synodo Constantinop. sub ipso habita vocatus, aliique deinceps ejusdem urbis Episcopi; universalem præfecturam forsitan in totum Orbem Christianum & in ipsam Romanam Ecclesiam sibi vendicaturi, nisi eorum superbix quæ semper ascendebat, Romani Pontifices obstitissent.

VII.  
Quanta fue-

Ex omnibus autem Constantino-

politans Episcopis nullus tanta cupiditate aucupari visus est œcumenici nomenclationem, quanta Johannes cognomento Jejunator, qui ea de causa, licet aliam simularetur, Synodum totius Orientis habuit Constantinopoli, ut docent nos Scriptores non pauci, præsertimque S. Gregorius. *Quod mox, inquit, idem decessor meus ( Pelagius ) ut agnovit, directis litteris ex auctoritate S. Petri Apostoli ejusdem Synodi a acta cassavit. Quarum videlicet Epistolarum Sanctitati vestræ exemplaria studui destinare. Diaconum vero qui juxta morem pro responsis Ecclesiæ faciendis piissimorum Dominorum vestigiis adharebat, cum præfato consacerdote nostro Missarum solemnia celebrare prohibuit.* Hæc Gregorius, qui cum Pelagio successor datus fuisset, Johannem per Sabinianum Legatum suum rogavit, ut ab hoc titulo abstineret. At nihil his precibus lucratus, alia tentavit remedia.

Antequam de Epistolis in hanc rem a sancto Pontifice scriptis loquamur, quisnam fuerit Johannes Jejunator, explorandum est. Vulgaris est opinio eum fuisse Monachum, nititurque tum Johannis Diaconite testimonio, tum inscriptione cujusdam Sermonis de pœnitentia, qui ipsi tribuitur, & in titulo præfert nomen Johannis Monachi Patriarchæ CP. cognomento jejunatoris. Additur eum Liturgiam quæ Chrysostomi creditur, meliori ordine disposuisse, atque in ea se nomine sacri Monachi aut Sacerdotis Monachi *ιερομοναχου* designasse. At illa oratio in qua vocabulum hoc legitur, abest a Liturgia S. Chrysostomi quam exhibet doctissimus Jacobus Goar. Neque constat Liturgiam hanc Johannis Jejunatoris opera fuisse ordinatam. Fuerunt autem plurimi Episcopi CP. qui cum prius vitam monasticam es-

M 2 sent

a Exceptis tamen his quæ in causa Gregorii Antiocheni hac in Synodo absoluti &

restituti gesta fuerant, ut patet ex Ep. 66. lib. ix.

rin Johan-  
ne.  
Lib. v. ep.  
43.

a

VIII.  
An ex Mo-  
nacho factus  
Patriarcha.  
Lib. III. c.  
51.  
Liturg. S. J.  
Chrysost.  
Tom 4. oper.  
p. 111.

a

sent amplexi, ἱερομονάζοντες aut sacri Monachi dici potuerunt. Ex Græcorum Menæis Johannes Jejunator Constantinopoli ortus<sup>a</sup> erat, ubi primum statuariam (melius χαρμητὴς sculptoriam) artem exercuit. At ob præstantes virtutes a Patriarcha hujus urbis in clerum fuit cooptatus & Diaconus factus. Mortuo tandem Eutychio, ad suscipiendam Patriarchalem dignitatem invitatus cogitur, quam mira abstinencia, largis eleemosynis, aliisque piis operibus decoravit. Ejus vitæ sanctitas sive sincera fuerit, ut Græci contendunt, sive fucata, ut plerisque Latinis placet, quod humilitas virtutum omnium fundamentum ei defuisse videatur, hæc, inquam, sanctitas aut sanctitatis species, non parum contulit ad conciliandum ei Mauricium Imperatorem, quem in tota illa de œcumenici titulo controversia infensissimum expertus est S. Gregorius.

IX.  
Epistolæ S.  
Gregorii de  
hac contro-  
versia ex-  
penduntur.  
De prima ad  
Mauricium  
scripta.  
Lib. II. ep. 20

In prima quam de hoc argumento scripsit Epistola, apud Mauricium Augustum conquestus est de Johannis superbia, qua pax inter Episcopos turbata & labefactata fuerat, quæve dicit barbarorum gladios in Rempublicam exacui. Eum vero his verbis mire depingit: *Ossa jejuniis atteruntur, & mente turgemus. Corpus despectis vestibus tegitur, & elevatione cordis purpuram superamus. Jacemus in cinere, & excelsa despiciamus. Doctores humilium, duces superbiæ, ovina facie lupinos dentes abscondimus.* Et multo manifestius de eodem loquens infra: *Ille ergo, inquit, magis est piissimorum Dominorum præceptione flectendus, qui præceptis canonicis obedientiam præbere contemnit. Ille corcendus est, qui sanctæ universali Ecclesiæ injuriam facit, qui corde tumet, qui gaudere de nomine singularitatis appetit, qui honori quoque Imperii vestri se per privatum vocabulum su-*

*perponit.* Objicit Johannis fastui Apostolorum Principis modestiam, qui cuncti totius Ecclesiæ curam a Christo accepisset, nunquam tamen universalis Apostolus vocari voluit, cujus exemplo adhæserunt ejus dignitatis heredes Romani Pontifices: postea exclamat: *O tempora o mores! Ecce cuncta in Europæ partibus Barbarorum juri sunt tradita, destructæ urbes, eversa castra, depopulatæ provinciae, nullus terram cultor inhabitat: sæviunt & dominantur quotidie in necem fidelium cultores idolorum; & tamen Sacerdotes, qui in pavimento & cinere stentes jacere debuerunt, vanitatis sibi nomina expectunt, & novis ac profanis vocabulis gloriantur.*

Tandem hunc titulum arietat multis rationum momentis, præsertim ex pravo sensu cui subest, deductis. Præcipua quibus Johannem urget argumenta, cum in hac Epistola tum in aliis, ea sunt: repugnans humilitati christianæ quæ in Episcopis magis fulgere debet, novum œcumenici nomen; caritatem turbat, unitatem scindit, cæteros Episcopos sua dignitate spoliatur, ut unum tantum faciat Episcopum, quo ruente tota ruit Ecclesia. Cumque plurimos Constantinopolitanos Episcopos in hæresim lapsos esse legamus, inde sequeretur a vera fide sæpius excidisse Ecclesiam. Denique Romani Pontificis titulum hunc ultro sibi oblatum respuerunt.

Papam hortatus fuerat Imperator ut cum Johanne pacifice ageret; ad quod respondit: *Ad vitam rectam revertatur auctor scandali, & omnia Sacerdotum jurgia cessabunt.* Ego enim cunctorum Sacerdotum servus sum, inquantum ipsi sacerdotaliter vivunt: nam qui contra omnipotentem Dominum per inanis gloriæ tumorem, atque contra statuta Patrum suam cervicem erigit, in omnipotenti Domini



nō confido, quia meam sibi nec cum gladius flectit.

Et ad Augu-  
stam.  
Ibid. ep. 21.  
Ipsa. 14. 13.

Idem fere est argumentum Epistolæ ad Constantinam Augultam scriptæ. Vehementius tamen insurgit in Johannem, cuius immensam superbiam ait prænuntiare propinqua Antichristi tempora; illum quippe imitatur, qui speretis in sociali gaudio Angelorum legionibus, ad culmen conatus est singularitatis erumpere, dicens: Super astra cæli exaltabo solium meum.

X.  
Ad patriar-  
chas scribit.  
Ibid. ep. 43.

Cum Episcoporum omnium, maxime vero Patriarcharum honor, hac usurpatione pulsaretur, sanctus Gregorius ad Eulogium Alexandrinum, & ad Anastasium Antiochenum Patriarcham, communem scripsit Epistolam, cui adjunxit omnia litis hujus instrumenta, & exemplaria litterarum tum a Pelagio II. tum a se ad Johannem scriptarum; ut intelligerent de summa Episcopatus, adeoque totius Ecclesiæ, agi hæc in controversia. Tum eos hortatur ut neminem unquam suis in in Epistolis universalem nominent Episcopum, ne sibi debitum detrahant, cum alteri honorem offerunt indebitum. Quia vero pacis & unitatis amor intercedere poterat quominus Johanni resisterent, docet quæ ratione fovenda sit pax, ex Apostolo dicente: Si fieri potest, quod ex vobis est, cum omnibus hominibus pacem habentes. Vidit enim, inquit, pacem bonos cum malis habere non posse: & idcirco, sicut nostis, præmisit, si fieri potest.... Quam videlicet pacem tunc veraciter tenemus, cum superbiorum culpas, caritate simul & iustitia insistente prosequimur; cum eos diligimus, & eorum vitia odio habemus. Hoc animo ait bellum superbiæ Johannis indicendum esse, & pro tuendo suarum Ecclesiarum honore, per hanc superbiam pessumdato illis esse decertandum: State,

Rpm. 12. 18.

inquit, fortes, state securi. Scripta cum universalis nominis falsitate, nec dare unquam, nec recipere præsumatis.... Si qua autem adversa subsequantur, unanimiter persistentes, etiam moriendo debemus ostendere quia indamnando generalitatis nomine, nostrum specialiter aliquid non amamus.

Responsum Eulogii diu expectavit Gregorius, qui de tanta mora cum eo expostulavit amice alia in Epistola, ubi commemorat beatum Evangelistam Marcum a sancto Petro Apostolo magistro suo Alexandriam fuisse transmissum; unde infert Ecclesiam Alexandrinam arctius Romanæ esse adstrictam. Postea tamen Eulogius Papæ respondit, se ut iustus fuerat, scribendo ad Johannem abstinuisse a superbis vocabulis, quæ ex vanitatis radice prodierant, eaque se amplius non usurpaturum. At læserunt summam Gregorii modestiam verba hæc, sicut iussistis: Quod verbum iussionis, inquit, peto a meo auditu removete; quia scio qui sum, qui estis. Loco enim mihi fratres estis, moribus Patres. Magis ægre tulit se ab illo universalem Papam in Epistolæ inscriptione appellatum. Recedant, inquit, verba quæ vanitatem instant, & caritatem vulnerant.

Quod spectat ad Anastasium, non probavit vir pius tantam pro œcumenici titulo motam controversiam, ut patet ex alia ad ipsum scripta Epistola. Mira autem eluxit Gregorii modestia, & humilitas in excipienda libera hac amici admonitione, pene dixerim increpatione; his enim verbis caritatem spirantibus orditur Epistolam qua Anastasio monenti respondet: Desideratam suavissimæ vestræ Sanctitatis Epistolam communi filio Sabiniانو Diacono deferente suscepi, in qua non linguæ, sed animæ verba profluebant. Et non mirum si bene loquitur qui perfecte vivit.

XI.  
Quid ab Eu-  
logio re-  
sponsum.  
Lib. VI. ep.  
60.  
Lib. VIII. ep.  
30.

XII.  
Et ab Ana-  
stasio.  
Lib. VII. ep.  
27.

2.

Et

Et quamvis ab insectando œcumenici vocabulo nunquam cessaverit, quod illud profanum, & Episcopis omnibus injuriosum putaret; nihilo minus a communione Patriarchæ CP. non recessit: & mortuo Johanne, Cyriaci ejus successoris Epistolam synodicam, in qua œcumenicum se Patriarcham præfatus fuerat, suscepit, ne unitatem Ecclesiæ scinderet. Qua vero de causa patienter ferendum hoc vocabulum senserit Anastasius, haud difficile est subodorari. Nuper enim, e vivis sublato Gregorio Antiocheno Patriarcha, ab exilio revocatus fuerat Anastasius, & pristinae Sedi restitutus; qua de re gratulatus ei fuerat noster Gregorius.

Lib. 5. ep. 39.

Cum igitur post longa bella, pace tandem frueretur, atque Imperatoris beneficio, annitente quoque forsitan Johanne CP. Patriarcha, quem Augustus de negotiis Ecclesiasticis consulere solebat, suam Sedem recuperasset, iterum adire pericula metuens, e re magis esse judicavit benigne œcumenici titulum interpretari, quam pro illo usurpato tumultuari & contendere.

XIII.

De S. Ignatii Epistol. in interpolatis.

Hac in Epistola observatione dignum videtur, hæc verba *Amen, gratia*, laudari tamquam sancti martyris Ignatii Antiocheni Episcopi, priusque usurpata etiam ab Anastasio fuisse velut ab Ignatio suis inserta Epistolis: ea tamen in germanis & sinceris ejusdem martyris Epistolis minime reperiri, sed dumtaxat in corruptis; unde constat eas jam tunc fuisse depravatas.

XIV.

Summa Epistolæ ad Johannem scriptæ. Lib. 9. ep. 18.

In discutiendis cæteris Gregorii eam ob rem scriptis Epistolis non immoramur; at silentio prætereunda non est ea qua ipsum Johannem ad sanio rem mentem revocare tentavit. In ea statim de pace Ecclesiæ ab ipso turbata conqueritur, miraturque quod cum ad Episcopatum invitatus acce-

serit, in eo tamen, postquam adeptus est ita se gerere videatur, ac si ambitione ad sacram illam dignitatem viam sibi parasset. Omnia contra cum gesta tempore Pelagii II. ad mentem revocat, quæque ipse ingravescenti malo lenia primum per Legatos suos remedia conatus sit adhibere, antequam ad districta & canonica pervenire cogeretur. Et quia, inquit, *refecanda vulnera prius leni manu palpanda sunt*, rogo, deprecor, & quanta possum dulcedine expono, ut *Fraternitas vestra cunctis sibi adulantibus atque erroris nomen deferentibus contradicat*, nec *stulto ac superbo vocabulo appellari consentiat*. Sileo rationes quibus hoc vocabulum impugnat; eadem enim sunt quas jam attigimus.

Iriti fuerunt tot conatus. Johannes enim assumptum titulum usque ad mortem retinuit, quæ paulo post acceptam hanc Epistolam contigit. Data est enim Kalendis Januarii Indictionis 13. scilicet anni 595. quo anno Johannem e vivis excessisse docent qui de ipso scripsere. Cyriaci successoris ei dati synodicam Epistolam recepit quidem sapientissimus Papa; cum tamen admonuit, ut profanum nomen deponeret tot scandalorum seminarium. In Epistola ad Mauricium scripta, in qua de Cyriaci electione gratias agit, Johannem sanctæ memoriæ Episcopum appellat, quod satis probat eum nunquam a Sedis apostolicæ communione fuisse <sup>a</sup> rejectum. Imperator de successore Johannis diu deliberaverat; unde non mirum est Cyriacum tardius, integro etiam anno elapso, fuisse ordinatum.

Paulo post sancti Gregorii transitum ad superos, Bonifacius tertius qui ab ipso ad Phocam Imperatorem Apocrisarius fuerat missus, eumque sibi demeruerat, <sup>b</sup> ab eo im-

XV.

Iriti S. Greg. conatus in Johannem, &amp; in ejus successorem. Lib. VII. ep. 4. Ibid. ep. 6.

a

XVI.

Finis hujus controversiæ.

b

<sup>a</sup> A sancto Isidoro multum laudatur Johannes; sedus autem fecisset si in schismate

diem clausisset extremum.

<sup>b</sup> Vide Baronium ad annum 606, S. 2.



impetravit sanctionem, qua cavebatur ne in posterum Cyriacus, cui Phocas infensus erat, aut alii deinceps CP. Patriarchæ, œcumenicos ultra se profiterentur. Diu tamen hæc lex non viguit; nam in Synodis generalibus sexta & septima hoc titulo, non secus ac Romani Pontifices, insigniuntur, illoque gaudet adhuc Constantinopolitanus Antistes.

De illa voce contigit, quod de multis alii, quæ statim ob novitatem periculosa visæ sunt, & idcirco rejiciendæ; paulatim vero cum eas veneno carere, & ad legitimum sensum inflecti posse exploratum fuit, iis assuesieri cœptum. Neque tamen vituperari debet illud Gregorii studium quo voci dubiæ, novæ, peregrinæ, factum redolenti, multisque pravis sensibus & significatibus obnoxia, obstitit. Certe morosi illi censores, qui cum pro vocula tamdiu digladiatum esse criminantur, quantis laudibus extollerent Episcopum quempiam qui Romano Pontifici, hunc aut similem titulum æque insolentem ambienti & sectanti toris viribus intercessisset, utque dignitatem episcopalem tueretur, lubens omnibus se periculis exposuisset?

XVII.  
Refelluntur  
hæretici,  
sancti Gre-  
gorii mode-  
stiam ejus  
successori-  
bus ob-  
icientes.

Immerito vero heterodoxi apostolicæ Sedis hostes insensissimi, ad se trahunt quod sanctus Gregorius docet, œcumenici nomen ne Romano quidem Pontifici concedi posse, cuius primatum & amplissimam in omnis Ecclesiæ jurisdictionem hac sententia pulsari contendunt. Sic ex sancti viri modestia & humilitate fragrantibus illis floribus non mel ut apes, sed venenum conficiunt ut araneæ. At non attendunt œcumenicum eo sensu quo sanctus Gregorius vocem hanc interpretatur, significare unicum in tota Ecclesia Episcopum, quod ultro fatemur Papæ non congruere, & ad supremam ejus dignitatem ac potestatem minime convenire. Cæcutiunt autem qui

non vident Gregorium ipsum de se suaque auctoritate tam modeste sentientem, jurisdictionem tamen in tota Ecclesia exequisse; in Africa, Ægypto, Asia, intra ipsos CP. Patriarchatus fines, ut ex causa Monachorum Isauriæ liquet. Libro III. Ep. 30. ait: *Apostolica Sedes, Deo auctore, cunctis prælata constat Ecclesiis*. Libro v. Ep. 13. Curæ, inquit, nobis fuit, quæ universis Ecclesiis a nobis impenditur. Lib. VII. Ep. 19. *Quia cunctarum Ecclesiarum injuncta nos sollicitudinis cura constringit*, &c. lib. IX. Ep. 59. Occasione Primatis Byzaceni in Africa, qui se apostolicæ Sedi subditum profitebatur, hæc scribit Johanni Syracusano: *Si qua culpa in Episcopis invenitur, nescio quis ei Episcopus subiectus non sit*. Hoc jure usus est in Episcopos, cum Petri Africani Episcopi causam Columbo in Numidia Episcopo judicandam commisit: Ursicini Taurinæ civitatis Episcopi, Syagrio Augustodunensi: & Januarii Malacitani Episcopi, alteriusque Episcopi nomine Stephani, Johanni Defensori. Paulum in Africa Episcopum a Gennadio Patricio accusatum, cum ipse ut judicio Papæ se sisteret, venisset Romam, nec adfuissent accusatores idonei, remisit. Johannis, Episcopi primæ Justinianæ in Illyrico Episcopi & Primatis, ordinationem, petentibus provinciæ Episcopis sua auctoritate confirmavit, eumque Pallio donavit. Plurima alia jurisdictionis hujus exempla jam exhibuimus, & infra occurrent.

Lib. VI. Ep. 37.  
Lib. IX. ep. 115.  
Lib. XII. op. 45.  
Lib. VII. ep. 2.  
Lib. III. ep. 22. & 23.

## C A P U T II.

I. Gregorii pro pace facienda sollicitudo. II. Non auditur ab Imperatore. Falsæ contra eum criminationes. III. Luget S. Maximianum vita defunctum. Cui successorem dat Johannem virum sanctissimum.

IV.

IV. *Johannes Ravennas moritur. V. Cura S. Gregorii pro monasteriis. VI. Marinianus Ravennæ fit Episcopus. VII. Romanæ Synodi Decreta. VIII. De Mariniano querelæ. IX. Maxime quod monasteria vexari pateretur. X. Privilegium Monachis concessum.*

I.  
Gregorii  
pro pace fa-  
cienda sol-  
licitudo.  
Lib. v. ep. 36.

**P**RO pace Romanos inter & Langobardos facienda, & coagmen-  
tanda, hoc anno Gregorius adlabo-  
ravit. Ab ea non adhorrebat Agi-  
lulfus Rex; at postulabat ut quæ  
tempore pacis ablata sibi per dolum  
fuerant, restituerentur: vicissimque  
se modis omnibus satisfacturum polli-  
cebatur, si quid a partibus suis con-  
sisterit esse commissum. Id æquitati  
consentaneum esse judicavit sanctus  
Pontifex, & ne ab Exarcho respue-  
retur, ad Severum ejusdem Schola-  
sticum scripsit, ut ipsi persuaderet  
oblatis illas pacis condiciones non re-  
pudiare. Romæ quidem, agroque  
Romano pacem privatim procurare  
in promptu erat, ad eam enim con-  
cedendam propendabat Agilulfus. At  
Gregorius, ut communis pater, de  
pace generali conficienda sollicitus  
erat, quia nisi bellum cum Lango-  
bardis componeretur, *diversæ insu-  
læ & loca aliâ proculdubio peritura  
erant.*

II.  
Non auditur  
ab Impera-  
tore.

Ibid. Ep. 40.

At de pace minime cogitabat Exar-  
chus, qui bellum toti Reipublicæ  
exitiosum, sibi utilissimum esse fu-  
turumque perspiciebat: ex detrimen-  
tis enim alienis lucra captare non  
verebatur. Illius itaque aliorumque  
similium publicæ rei administratorum  
suasionibus & consiliis deceptus Mau-  
ricius, non solum bello finem im-  
ponere minime consensit; sed etiam  
Gregorium ad odia deponenda, &  
ineundum sædus hortantem, nimis  
*simplicitatis* arguit, maxime quod  
de Ariulfo Spoletano duce scripsis-  
set, eum toto corde venire ad Rem-  
publicam paratum esse; hoc est, ad

pacem & societatem cum Romanis  
faciendam pronum. Sicque dum Pa-  
pæ sanioribus consiliis non credeba-  
tur, vires hostium immaniter excre-  
scebant, & Italia quotidie sub Lan-  
gobardorum jugo captiva ducebatur.  
Hæc deplorat pius Pastor, & clades  
tum Italiæ, tum præsertim Romæ  
illatas enumerat. Cumque nihilomi-  
nus a suadenda petendaque pace non  
cessaret, adhibita Castorii Notarii o-  
pera, quem Ravennæ Responsalem  
habebat apud Exarchum: *Quidam  
maligni spiritus consilio repletus, con-  
tra hunc nocturno silentio, in civi-  
tatis loco contestationem posuit in e-  
jus crimine loquentem, & Gregorio  
etiam de facienda pace callide con-  
tradicentem.* Adversus libelli hujus  
famosi auctorem excommunicationis  
sententiam tulit Papa, nisi prodiret,  
ac ea quæ in contestatione ob-  
ijciebantur, probaret; aut facti pœ-  
nitens, publica confessione suam a-  
gnosceret culpam, pœnamque debi-  
tam deprecaretur. Eadem excommu-  
nicatione multavit eos, qui *consen-  
sum in tantæ iniquitatis consilio præ-  
buisent.*

Falsa con-  
tra eum criminationes.  
Lib. VI. ep.  
31.

Gregorii dolorem de publicis ca-  
lamitatibus conceptum, auxit luctus  
de amici morte, nimirum S. Maxi-  
miani, qui ex Monacho & Abbate  
S. Andreæ creatus fuerat Episcopus  
Syracusanus. Tanto viro de se opti-  
me merito his verbis justa persolvit,  
& parentavit sanctissimus pater, ad  
Cyprianum Diaconum scribens: *A-  
marissimas tuæ Dilectionis Epistolas  
de domni Maximiani obitu mense  
Novembris suscepi. Et quidem ille  
ad præmia desiderata pervenit, sed  
infelix populus Syracusanæ civitatis  
lugendus est, qui Pastorem talem diu  
habere non meruit. Proinde Dilectio  
tua sollicitudinem gerat, ut in eadem  
Ecclesia talis debeat ad ordinandum  
eligi, qui post dominum Maximianum  
ejusdem regimis locum non videatur  
immerito sortiri.* Ex hac Epistola

III.  
Luger S.  
Maximiani  
vita  
functum.  
Lib. v. ep.  
17.



*Ibid. Ep. 21* intelligimus Maximianum diem clausisse extremum mense circiter Novembri an. 594. Nobiles Syracusani electionis onera sapienter delcinant, Gregorii arbitrio commiserant, quibus gratias agens scripsit, se quem ipsis daret Pastorem Maximiano similem non habere. Cypriano Diacono tamen indicavit Johannem Catannensis Ecclesiæ Archidiaconum tanquam magis idoneum; cui, si eligeretur, voluit a Leone Catanensi Episcopo *cessionem*, sive ut modo loquimur, dimissorias litteras dari, antequam ordinaretur. Deinde electo & ordinato Pallium misit.

Cui successorem dat Johannem virum sanctissimum. Lib. VI. ep. 28. Lib. VII. Ep. 9.

Johannes in episcopatu virtutibus omnibus fulsit, præsertim effusa in pauperes liberalitate, itaut, & si innumeros apud se pauperes haberet, pro explenda tamen largitate misericordiæ, etiam loca alia & longe posita requireret, inquit sanctus Gregorius, ipsi gratias referens pro elemosynis ad se missis. Ideo fortasse in egenos ita beneficium se præbuit, quod ad sanctissimi Doctoris præcepta sese componeret, eaque assidua scriptorum ejus lectione imbibere curaret. Hanc lectionem suæ mensæ, etiam *coram extraneis* adhibebat, qua cibos quodammodo condiret. Id ægre omnino tulit vir summæ humilitatis & modestiæ, auctorque fuit ut saltem coram peregrinis ab hac lectione Johannes abstineret, ac antiquiorum Patrum dicta legi juberet, ex quorum auctoritate valerent infermari.

IV. Johannes Raven. monachus. Lib. V. ep. 25. 48. 56. Ibid. ep. 11. & 15.

Eodem quoque anno quo Maximianus, Johannes Ravennatum Archiepiscopus e vita migravit, nondum sopita de usu Pallii controversia, ut ex nonnullis Gregorii Epistolis ad eum paulo antea scriptis perspicuum est. Imminentem mortem ei prænuntiassse visus est sanctissimus Pater his verbis, Ep. 13. *Hæc ergo omnia, quasuperius dixi, Frater carissime, recogita. Diem tuæ votum. XVI.*

cationis attende, quas rationes de sarcina episcopatus redditurus es, considera. Emenda illos mores notarii. Vide quid in lingua, quid in actu Episcopum deceat. Esto totus purus fratribus tuis. Non aliud loquaris, & aliud in corde habeas. Nec appetas ultra videri quam es, ut possis ultra esse quam videris. Prius cum increpaverat quod irrisoriis verbis uteretur; quod servis suis, cum fureret, turpia imponeret crimina; quod sedominum tantummodo Clericis exhiberet, quos nulla coercebat disciplina.

Ejusdem socordiæ forsitan tribui debet, quod Clerici multa monasteria pervasisent. Nimirum *fungentes religiose vivere, monasteriis præponi appetebant; verum per eorum vitam monasteria destruebantur*, inquit S. Gregorius: qui enim in clericatu militat, arctam monasterii disciplinam ipse servare non potest. Quo itaque pacto qui monasticam regulam non implet, ad strictius observandam alios cogere poterit? Proinde non immerito providus pater tanto malo mederi quantocius curavit, loca sacra per Clericorum ambitum destrui minime patiens.

V. Cura sancti Gregorii pro monasteriis. Lib. V. ep. 12.

Nonnulli hac usi sunt Epistola; ut probarent monasticæ vitæ statum a clericatu prorsus esse alienum. Verum quantum id a mente S. Doctoris abhorreat, ipse manifeste ostendit cum ad sacros ordines, immo ad episcopatum Monachos quamplurimos tum e suo, tum ex aliis monasteriis assumit, & apostolicis etiam præfecit muniis. Quid quod monachatum aliquando assignat ut gradum & dispositionem præviam ad episcopatum? *Hortandus est*, inquit, *Optortunus, ut vel Monachus vel a-*

Lib. XII. ep. 12.

Benedictini Tomo I. in Præfat. tum

N

in

a in Annalibus. Mens igitur sancti Doctoris fuit <sup>a</sup> quantum ex laudata libri quinti prima Epist. & ex aliis assequi possumus, monasteriorum præfecturam minime Clericis esse commendandam; quia cum disciplinæ laxiori serviant, nec severioribus Monachorum moribus sint innutriti, de regulæ monasticæ observantia minus solliciti sunt. Præterea quandoquidem aut ambitus, aut avaritia, aut pravus quispiam alius affectus, iis Clericis quos Gregorius infectatur, viam ad abbatialem dignitatem munierat, secularium vivendi modum sectabantur, in epulis, in suppellectili, in vestibus, quibus sibi procurandis ut pares esse possent, monasteria expilabant.

b Mortuo Johanne, de eligendo successore sollicitudinem gessit sanctus Pontifex. Donatum Archidiaconum postulabat Exarchus; eum enim designari credimus his verbis: *Excellentissimi viri domni Patricii voluntatem in persona Donati Archidiaconi impleri volumus.* Sane periculosum erat summi hujus Præfecti postulationi morem non gerere; qui cum Ravennæ Sedem haberet, in Episcopi illius urbis electione plurimum sibi vendicabat. Verum cum non pauca innotuissent in vita & moribus Donati quæ ab episcopatu repellendum eum suaderent, ejus ordinationi consensum non præbendum censuit Gregorius. Johannem quoque Presbyterum ad episcopalem dignitatem promoveri non est passus, quod Psalmorum nescius foret, ac in officio sacerdotali minus strenuus. Tandem unanimi consensu electus est Marinianus, invitus & reluctans. Hic diu in monasterio cum Gregorio vixerat; qui eum Andreæ Scholastico sibi familiari commendavit.

Gratum erga suum archipræsulem animum testaturus Andreas, apud

S. Gregorium postea præcibus egit, *de usu Pallii secundum antiquam consuetudinem in Ravennati Ecclesiæ restituyendo.* Verum antequam annueret, ut quibusdam in Litanis & diebus solemnibus Pallio uteretur Marinianus, jussit sapiens Pontifex ea de re explorari Archidiaconi & seniorum urbis testimonia, præstito prius a singulis sacramento.

Ravennatem Ecclesiam regere cœpit Marinianus ante quintam Julii diem hujusce anni quo interfuit Synodo Romæ a Gregorio celebratæ. Hujus autem Synodi gesta & decreta quæ prius in Epistolarum serie habebantur, nunc legere licet in Appendice ad Epistolas. Præcipua sunt de Diaconorum officio, de amovendis a pontificalis cubiculi ministerio laicis pueris, de coercendis rectorum Ecclesiastici patrimonii de prædationibus, de sacris ordinibus Pallioque gratis & absque ullo pretio conferendis, &c. In hac Synodo sancta unanimi consensu corroborarunt & subscriptionibus munierunt viginti tres Episcopi ac plurimi Presbyteri qui præcipuis Urbis titulis seu Ecclesiis præerant, non autem Diaconi & cæteri Clerici. In subscriptionibus secundo loco legitur Mariniani nomen, scilicet post Gregorium. De hoc cœtu loqui creditur sanctus Papa, ubi plurimis in Epistolis testatur Johannem Ecclesiæ Chalcedonensis Presbyterum de quo \* jam dictum, in Synodo, Episcoporum judicio fuisse ad hæresis crimine liberatum.

Cæterum non multo post, suscepti episcopatus, & amissæ monasticæ tranquillitatis pœnituit Marinianus, calumniantibus schismaticis eum minus quam deceret Concilium Chalcedonense venerari. Qua de re scripsit S. Gregorius ad clerum & plebem Ravennatem, asserens Marinianum a cunabulis in sanctæ universalis

Lib. VI. Ep. 61.

VII. Romanæ Synodi decreta.

Vl.  
Marinianus  
fir Raven.  
Episcopus  
Lib. 5. Ep.  
48.

\* Lib. XI. c. 9.  
num. 5. lib.  
VI. Epp. 54.  
15. 16. 17.

VIII.  
De Mariniano  
no querelæ.  
Lib. VI. ep.  
2.

a Vide supra lib. II. cap. ultimo.

b V. de Castro nota (vv).



salis Ecclesiæ gremio nutritum, re-  
tam fidei prædicationem tenuisse, nec  
aliter quam par esset de Chalcedo-  
nensi sentire Synodo: Proinde, in-  
quit, satisfactionem plenissimam reci-  
pientes, caritate integra, puro corde,  
Pastorem vestrum diligite, ut apud  
Deum purius fusa ejusdem vobis va-  
leat prodesse intercessio Pastoris. Hæc  
pro Mariniano Gregorius.

Postea cum accepisset eum in pau-  
peres esse nimis parcum, & litteris  
suis ejus tenacitatem increpavit, &  
per \* Secundum sanctissimum Mona-  
chum hæc ad eum secreto monita  
deferenda curavit: Non sibi credat  
solam lectionem & orationem suffice-  
re, ut remotus studeat sedere, & de  
manu minime fructificare; sed largam  
manum habeat, necessitatem patien-  
tibus concurret, alienam inopiam suam  
credat: quia si hæc non habet, va-  
cuum Episcopi nomen tenet.

Aliæ fuerunt postea de Mariniano  
querendi occasiones, maxime quod  
Monachis ipse Monachus iniquiorem  
se præberet; unde ad ipsum scripsit  
S. Gregorius: Miramur cur sibi in  
brevis Fraternalitatis tuæ fuerit immu-  
tata discretio, ut ea quæ postulat,  
non advertat: ex qua re dolemus,  
quia manifestum præbes indicium,  
plus apud te verba male suadentium  
valuisse, quam divinæ lectionis stu-  
dium profecisse. Cumque monasteria  
te oporteat defensare, & religiosos il-  
lic summopere congregare, ut lucrum  
de animarum congregatione possis ef-  
ficere; in eorum te e diverso grava-  
mina, sicut litteræ tuæ testantur, de-  
sideras exercere: &, quod est deterius,  
nos tuæ culpæ studeas fieri debere par-  
ticipes, scilicet, dum cum nostro con-  
sensu monasterium, quod decessor tuus  
condidit, cupis sub curandarum rerum  
atque causarum nomine pręgravare.  
Debes enim recolere, quia te præ-  
sente, diversis etiam Presbyteris &  
Diaconis, Clericisque tuis præsentibus,

contra testamentum ipsius, præceptum,  
sicut postulavere, concessimus. Ubi tamen  
ejusdem decessoris tui dispositio, quam  
fecerat de monasterio ipso, firmata est;  
tu nunc ista dissimulans, contraria nos  
poscis debere præcipere. Cujus mo-  
nasterii defensionem hac in Epistola  
Gregorius suscepit, non clare con-  
stat. Loqui tamen optimum Mona-  
chorum patrem pro Classensi S. A-  
pollinaris monasterio a Mariniani  
prædecessore constructo conjicimus.  
Nec alia monasteria in Ravennati  
diœcesi posita Archiepiscopum ma-  
gis beneficium experiebantur, ut ex  
fine laudatæ Epistolæ liquet. Præ-  
terea, inquit, pervenit ad nos, quia  
monasteria, quæ sub Fraternitate tua  
sunt constituta, Clericorum importuni-  
tatibus, & diversis eorum molestiis  
prægraventur; quod ne de cætero fiat,  
districta hoc interminatione compesce;  
quatenus Monachis illic degentibus,  
libere in Dei nostri laudibus liceat  
exultare.

Cumque pius pater audisset, in-  
super habita sua admonitione, Mo-  
nachos adhuc a Ravennatibus Cle-  
ricis, dissimulante Archiepiscopo,  
non secus ac antea vexari, iterum  
scribendum putavit, & vehementius  
instandum. Epistolam suam his ver-  
bis claudit: Hec itaque omnia vi-  
gilanti cura emendare jam secundo  
commonita Sanctitas vestra non disse-  
rat; ne si post hæc negligentes vos  
esse, quod non credimus, senserimus,  
aliter monasteriorum quieti prospicere  
compellamur. Nam vobis notum sit,  
quia tantæ necessitati servorum Dei  
congregationem amplius subjacere non  
patimur.

Dum hæc scriberet S. Gregorius,  
jam fortasse meditabatur tranquillita-  
ti monasteriorum prospicere, celebri  
illo a privilegio, quod in Concilio  
Romano tertio promulgavit. Simile  
jam concesserat monasterio sanctorum  
Johannis & Stephani in urbe Clas-

x.  
Privilegium  
Monachis  
concessum.

N 2 sita-

\* Al. Sc-  
cundinum.

IX.  
Maxime  
quod mona-  
stera vexari  
pateretur.  
Lib. vii. Ep.  
29.

Lib. vii. ep.  
43.

a Vide illud in Appendice.

sitana, ejus erat Abbas Claudius S. Gregorii discipulus. Inter Archiepiscopos Ravennates & Abbatem hunc motam litem Romæ judicari volebat sanctissimus Pontifex. Cumque nonnulli ex clero & ex populo contra clamitassent, id legibus & canonibus adversari, rescripsit Papa: *Iloc poterat fortassis opponi, si non ad majorem recurreret, & apud eum cause sue peteret meritum terminari. Numquid non ipse nosti, quia causa, que a Johanne Presbytero contra Johannem Constantinopolitanum factum & coepiscopum nostrum orta est, secundum canones ad Sedem apostolicam recurrit, & nostra est sententia definita? Si ergo de illa civitate ubi Princeps est, ad nostram causa cognitionem deducta est: quanto magis negotium quod intra vos est, hic est veritate cognita terminandum? Ut igitur controversiam hanc radicitus amputaret omnemque litigandi occasionem, sapiens Pontifex monasterium hoc amplo munivit<sup>a</sup> privilegio, quod ita incipit: *Quam sit necessarium monasteriorum quieti prospicere* &c. Similibus quoque munivit<sup>b</sup> privilegiis Monialium cœnobia. Quis autem S. Papæ copus esset has immunitates concedendo, non obscure aperit ad Luminosum Abbatem scribens: *His autem ita perfectis, in Dei opere estote solliciti, & assidue operam orationi date, ne non videatur magis vobis quasita mentis in oratione securitas, sed male, quod absit, degentibus episcopalis evitata districtio.**

## C A P U T III.

117. 594. & I. S. Gregorius simoniam, & neophy-

<sup>a</sup> Legitur lib. viii. Ep. 15.

<sup>b</sup> Lib. vii. Ep. 12. & lib. xiii. Ep. 9.

<sup>c</sup> Gallia est seu Francia, quam Germaniam vocat, fortasse quod Franci e Germania sint oriundi: Eodem modo sæpe loquitur Joh. Diac. in vita S. Greg. superius edita. Apollinaris Sidonius provinciam Lug-

torum ordinationes in Galliis instituitur. II. Arelatensi Episcopo suas vices committit. Eccl. Gallicana Romana filia. III. De primatu Arelatensi. IV. S. Gregorii de Franciæ Regibus oraculum. V. De laudibus a S. Greg. Brunichildi datis. VI. Quantum ab adulatione abhorrerit. VII. Gregorius Turonicus Papam invisit. Quo tempore. VIII. Quomodo ab ipso exceptus. IX. Quadam pro Monachis constituta. X. Et pro Sanctimonialibus. XI. Erga heterodoxos quomodo se gesserit S. Gregorius.

**P**AULO post profligatam in Synodo Romæ hoc anno habita simoniam, cum inaudiisset vigilantissimus Pastor in Galliarum vel<sup>c</sup> Germaniæ partibus plerosque Episcopos ejusdem esse reos, nullumque iis in provinciis ad sacrum ordinem sine commodi datione pervenire; tanto Ecclesiæ Gallicanæ morbo mederi volens, ad Virgilium Arelatensem Episcopum, & ad universos in regno Childeberti Præsules, necnon ad ipsum Childebertum Regem scripsit: rogavitque ut de hac corruptela quamprimum eliminanda solliciti forent. In his etiam Epistolis laicorum & neophytorum præcipientes ac immaturas<sup>d</sup> ordinationes damnat, tamquam a recto ordine prorsus dissentaneas. Quid enim? *Qui discipulus non fuit, inconsiderata ambitione magister efficitur*, inquit S. Gregorius; & quoniam quod possit docere non didicit, sacerdotium tantum gerit in nomine. Quomodo vero pro aliorum peccatis intercessurus est, qui sua primitus non deflevit?

Quod supra de simonia in Galliis

dunensem, appellat Lugdunensem Germaniam lib. v. Ep. 7. Etiamnum Archiepiscopus Senonensis, Primatis Galliarum & Germaniæ titulo gloriatur.

<sup>d</sup> Vide codicem Canonum Eccl. Romanæ can. 3. *Ne neophyti Presbyteri vel Episcopi fiant.* Et c. 39. *Ne laici fiant Episcopi.*

<sup>i.</sup> S. Gregorius simoniam & neophytorum ordinationes in Galliis instituitur.

<sup>c</sup>

<sup>d</sup>

Lib. v. Epp. 53 54 55.

Lib. vi. Ep. 27.

Lib. vi. Ep. 42.



lis grassante Gregorium querentem audivimus , confirmat alter Gregorius , Turonicus videlicet , de re sibi nota loquens in Vitis patrum c. 6. *Jam tunc , inquit , germen illud iniquum cæperat fructificare , ut Sacerdotium aut venderetur a Regibus , aut compararetur a Clericis .* Neque ad tantum malum averruncandum satis fuit sancto pontifici , semel aut iterum scribere . Immo plurimis deinceps Epistolis vel ad Brunichildem Reginam , vel ad Reges & ad Episcopos missis , vix ita profecit , ut a tanta labe Gallicanam nonnihil Ecclesiam repurgaret . Tales enim sunt hujusmodi corruptelæ ex cupiditate ortæ , ut continuis curentur remediis , sanentur nunquam .

II.  
Arelatenſi  
Episcopo  
ſuas vices  
commiſſit .

Virgilio probis moribus & virtutibus ornatissimo ſuas vices , juxta antiquum morem Gregorius conceſſit intra regni Childeberti fines , & Pallii uſum , ab ipſo Rege & ab Archiepiſcopo rogatus . Qua vero in ſubjectos Episcopos auctoritate tamquam S. Sedis vicarius polleret , explicatur in Epistola 54. jam laudata . Ad ipſum cauſæ omnes , niſi forte majores aut de fide forent , quæ pro ſui magnitudine judicio Sedis apoſtolicæ indigebant , finiendæ & judicandæ referebantur . Concilia cogebar & coactis præerat , *nul-  
lus Episcoporum ad longinquiora loca ſine ejus auctoritate proficiſci poterat .*

Eccleſ. Galli-  
cana Roma-  
næ ſilia .  
Ep. 53.  
Tom. II.  
Concil. Lab.  
Ep. 54.

Non prætereundum quod Gregorius docet in Ep. ad Virgilium , Eccleſiam Gallicanam Romanæ eſſe ſo-  
bolem ; & quidem , ad mentem Innocentii I. ſcribentis ad Decentium Eugubinum , *in omnem Italiam , Gallias , Hispanias , Africam , atque Siciliam , inſulasque interjacentes , nullum inſtituiſſe Eccleſias , niſi eos quos venerabilis Apoſtolus Petrus aut ejus ſucceſſores conſtituerunt Sa-  
cerdotes .* Arelatenſis autem Eccleſia

præſertim hac illuſtri origine gloria-  
tur . Ejus ſane antiquæ nobilitatis meminit S. Gregorius , quando ait antiquam ſe conſuetudinem ſecutum eſſe , quando ſuas Virgilio vices commiſit .

<sup>a</sup> Urbem Arelatenſem a Valenti-  
niano & Honorio Galliarum matrem  
appellatam referunt qui de ea ſcri-  
pſerunt , Sedemque conſtitutam Præ-  
fecti prætorio , in qua ſeptem pro-  
vinciarum Galliæ conventus quotan-  
nis celebrabatur . Ab ea dignitate  
politica Primatus & Exarchatus Ec-  
cleſiaſticus initium duxiſſe videtur .  
Placuit enim Zozimo aliſque deinceps Romanis Pontificibus , nobiliſ-  
ſimæ civitatis Episcopos , vicaria ſan-  
ctæ Sedis poteſtate inſignire : quo-  
rum tanta erat auctoritas , ut ſeptem  
provinciarum Synodo præſent , lit-  
teras formatas Clericis peregrinan-  
tibus , ipſiſque Episcopis abeundi li-  
centiam darent ; ſi quæ vero in Gal-  
liis & in Hiſpania oriſentur de fide  
aut moribus controverſiæ , ad illos  
tamquam Primates Romanique Pon-  
tificis vicarios dirimendæ referren-  
tur . At cum ab Hilario Arelatenſi  
Episcopo pervafa fuiſſe Metropolita-  
norum jura & uſurpatas quæ ipſis  
deberentur ordinationes accepiſſet S.  
Leo , primatum ampliſſimum inter  
ipſum Episcopumque Viennenſem <sup>b</sup>  
diviſit .

<sup>a</sup>  
III.  
De primatu  
Arelatenſi .

<sup>b</sup>

Collatam aut confirmatam Virgi-  
lio vicariam Sedis apoſtolicæ pote-  
ſtatem Gregorius Magnus poſtea im-  
minuit , quando , ut infra dicitur ,  
Syagrio Auguſtodunenſi Episcopo ,  
ſuas intra Childeberti regnum vices  
demandavit . Ita Romani Pontifices ,  
in argumentum ſummæ qua pollent ,  
non precariæ poteſtatis , hujusmodi  
honores , ut magis e re Chriſtiana  
videbatur , ad nutum aut confere-  
bant aut auferebant .

Ad ulteriora progredi non licet <sup>IV.</sup>  
niſi De Francia  
Regibus S.

<sup>a</sup> Conſule de Caſtro nota ( xx ) .

<sup>b</sup> Ante S. Leonem Bonifacius I. & Cæ-

leſtinus I. de Arelatenſium Episcoporum pri-  
vilegiis jam quædam detraxeras .

Gregorii  
oraculum.

Lib. vi. ep. 62.

nisi observato prius hoc celeberrimo Franciæ Regum encomio, quod oraculo simile Gregorius in Epistola ad Childebertum Regem cecinit; *Quanto ceteros homines regia dignitas antecedit, tanto ceterarum gentium regna regni vestri profecto culmen excellit. Esse autem Regem, quia sunt & alii, non mirum est; sed esse Catholicum, quod alii non merentur, hoc satis est. Quidquid autem Reges se ceteri gloriantur habere, habetis, &c.* Plurimis aliis laudibus quas subiceo subjecit sapiens pater præstantissimam de sectanda iustitia cæterisque virtutibus colendis adhortationem. Ut ergo sicut fide, ita & actione vincantur, (cæteri Reges) benignam se Excellentia vestra suis subiectis semper exhibeat. Et si qua sunt quæ ejus animum offendere valeant, ea indiscussa non puniat. Tunc enim vere Regi Regum, id est omnipotenti Domino amplius placebit, si potestatem suam restringens minus sibi crediderit licere quod potest.

V.  
De laudibus  
a S. Greg.  
Brunichildis.  
Ibid. Ep. v.

a

Laudes ab eodem pio Pontifice in Brunichildem Reginam effusas, nonnulli paulo iniquius ferunt. Nimirum non ob id solum quod incolumem filio suo Childeberto rerum temporalium gloriam provida sollicitudine conservavit, eam laude dignam existimat; verum etiam quod ipsi æternæ vitæ præmia pia institutione providerit. Ubique pietatem ejus & <sup>a</sup> summum erga res divinas studium honorifice commemorat. Inter alia bona, inquit ad eam scribens, hoc apud vos præ cæteris tenet principatum, quod in mediis hujus mundi fluctibus, qui regentis animos turbulenta solent vexatione confundere, ita cor ad divini cultus amorem & venerabilium locorum dispendendam quietem reducit, ac si nulla vos alia cura sollicitet. Unde quia hujusmodi Præpositorum actio,

subiectorum magna solet esse munitio, præ aliis gentibus gentem Francorum asserimus felicem, quæ sic bonis omnibus præditam meruit habere Reginam. Hæcne, inquit Brunichildis criminatores, hæcne citra adulationem dici potuerunt de Regina flagitiosissima, tot bellorum & discordiarum flabello, tot Regum interfectrice, tot scelerum artifice?

Si excutimus Gregorianas ad Brunichildem Epistolas, laudesque in illam collatas perpendamus, eam ob regnum summa prudentia gubernatum, & filiis assertum, necnon propter Christianam & Catholicam fidem vel apud Francos conservatam, vel in exteris gentibus propagatam, & propter insignia quædam in xenodochiorum ac monasteriorum aut aliorum locorum constructione pietatis opera commendatam fateri cogemur dumtaxat a Gregorio, nec immerito, fuisse liquido constabit. Sane Brunichildis Childebertum filium quinque annorum, mortuo patre Sigiberto, te Fredegundis manibus ereptum, ab Australiæ optimatibus Regem Metis renuntiari, quod summæ fuit prudentiæ ac industriæ argumentum; & a Gumthramno patruo Burgundionum Rege heredem postea institui curaverat rejecto Clothario Chilperici filio. Post Childeberti obitum, utriusque regni Australiæ scilicet ac Burgundiæ administrationem, & Theodeberti ac Theoderici nepotum adhuc in tenera ætate tutelam, quibus optime defuncta est, suscepit. Cum summa rerum potiretur, missos a S. Gregorio ad Anglorum conversionem Monachos fovit, & suppeditatis omnibus necessariis sanctum hoc opus mire promovit. In construendis sacris locis iisque ornandis ac ditandis munificentiam ostendit plane regiam. Quis tot tantisque prudentiæ, religionis ac liberalitatis operibus debitas laudes invidet? Quod

c Vide lib. xi. Ep. 62. & 63. necnon lib. xiii. Ep. 6.



Quod spectat ad crimina huic Regiæ impacta, aut post Epistolas ad eam a Gregorio scriptas admittuntur, aut plane nulla fuere; ab ejus videlicet adversariis conficta, ut non immerito putant ex recentioribus Scriporibus Carolus Cointius in Annalibus Francicis, & Cordemoyus in historia Regum Francorum quam Gallice scripsit. Nimirum cum tandem Brunichildis Clothario Chilperici filio quo nullum magis infensum hostem habebat, fuisset ab Austrasiæ & Burgundiæ optimatibus tradita; ut crudelissimam cui addicta est, mortem juste meruisse crederetur, undique conquestis criminibus est impetita: ita ut ei etiam objicerentur cædes, quas vel Clotharius imperaverat; vel qui ejus partes sectabantur, patrarent.

Ut autem ostendamus quantum ab adulatione S. Gregorius alienus fuerit in Epistolis ad Brunichildem scriptis, indicare sufficiat <sup>a</sup> Epistolas in quibus eam de nonnullis emendandis in ejus regno admonet; scilicet de simoniaca labe, de laicorum immaturis ordinationibus, de idololatria in Galliis adhuc superstite, de Sacerdotibus flagitiose viventibus. Legenda præsertim sunt hæc increpatoria verba quibus Dei judicia non obscure intentat Brunichildi ejusque nepotibus: *Cum scriptum sit: Justitia elevat gentem, miseros autem facit populos peccatum: tunc regnum stabile creditur, cum culpa quæ cognoscitur, citius emendatur. Multorum igitur ad nos relatione pervenit, quod dicere sine afflictione cordis nimis non valemus, ita quosdam Sacerdotes in illis partibus impudice ac nequiter conversari, ut & audire nobis opprobrium & lamentabile sit referre. Addit libera & pene prophetica voce: Nec enim sunt dissimulanda quæ dicimus: quia qui emendare potest & negligit, participem*

*se proculdubio delicti constituit. Provide ergo animæ vestræ, provide nepotibus, quos cupitis regnare feliciter, provide provinciis: & prorsus quam Creator noster manum suam ad ferendum excutiat, de correctione hujus sceleris studiosissime cogitate; ne tanto postmodum acrius feriat, quanto modo diutius & clementer expectat. Hæc sane hæc satis superque demonstrant Gregorium cum Apostolo dicere potuisse: Ita loquimur, non quasi hominibus placentes, sed Deo qui probat corda nostra; neque enim aliquando fuimus in sermone adulationis.*

E Galliis discedentes Italiam repetituri, Gregorium Turon. comitemur Romam euntem ad visitanda sanctorum Apostolorum limina, visendumque nostrum Gregorium: hanc enim sacram peregrinationem cujus meminit S. Odo in ejus vita, vix licuit aut citius referre, aut serius morari. Tardius quidem non potuit Romam proficisci Gregorius Turo-nicus; quippe S. Odone teste mortuus est ann. 21. suæ ordinationis, quem ipse cum anno quinto Pontificatus S. Gregorii concurrere testatur in fine libri decimi historiæ. Multa vero persuadent Gregorium Gallicum haud citius Romam advenisse. Romæ quidem non erat anno 590. Gregorii Romani Pontificatus primo: quandoquidem quæ Romæ tunc contigerant, didicerat, & retulit ex sui Diaconi testimonio; quod aperte liquet ex lib. x. hist. c. 1. Anno sequenti, Regis Childeberti decimo sexto in Galliis erat, & Turonis excepit Episcopum quemdam Armenum, nomine Simonem, ex eodem lib. hist. c. 24. Hoc ipso anno ad Childeberti Regis aulam perrexit, & per pagum Remensem transivit, ex libr. iv. de miraculis S. Martini c. 26. Anno 592. Plato ejus Archidiaconus, cujus meminit

1. Thess. 2.5.

VII.  
Greg. Turo-  
nicus Papam  
invisit, quo  
tempore.  
num. 24.

VI.  
Quantum  
ab adulatione  
ne abhor-  
rueat.

a

Prov. 14. 34.  
Lib. xi. Ep.  
69.

a Vide præsertim lib. ix. Ep. 109. & lib. xi. Ep. 60.

eodem libro c. 32. ad episcopatum Pictaviensem vocatus est, cui cathedram hanc ascendenti adfuit, ut testis est Fortunatus Platonis postea, successor. Anno nonagesimo tertio supra quingentesimum, mense Januario, S. Leobardum reclusum in majori monasterio prope Turonum invisit; qui paulo post, hoc est die 18. ejusdem mensis die Dominica efflavit animam. Anno assignato dies 10. Januarii Dominica erat, quod nobis persuadet obitum S. Leobardi hoc ipso contigisse, non quinque aut sex annis prius. Quippe cum Gregorius ultimo loco de S. Leobardo egerit in libro de vita patrum, conijcere licet eum non multis ante suum obitum annis hæc sanctissimi hujus Monachi acta litteris consignasse. Eodem anno 593. quo Childebertus Rex Aurelianensium urbem adiit, & Gunthramni defuncti regnum est adeptus, Gregorius in ejus aula erat, ex lib. IV. de miraculis S. Martini c. 37. Turonique S. Martini solemnitatem annuam celebravit mense Novemb. ex ejusdem libri c. 38. Cum itaque S. Greg. Turon. e vivis excesserit Turoni, ut probabilius videtur, mense Novembri an. 595. ejusdem adventui in Urbem & reditui assignari debet annus nonagesimus quartus supra quingentesimum aut sequentis initium.

De hac professione Gregorius historicus omnino silet, quod argumento est ipsum morte occupatum statim ac Turones revisit, nihil novi scripsisse aut jam scriptis adjecisse. Quippe si diutius incolumis in Galliis postea vixisset, de tot Sanctorum sacris reliquiis Romæ visis eorumque miraculis auditis diu silere non potuisset.

Quidquid sit de tempore quo Gregorius Turon. sanctorum Apostolorum limina visitavit, cum a sanctissimo Papa magna cum reverentia

exceptum fuisse narrat S. Odò. *Quem*, inquit, *ab beati Petri \* Confessionem* <sup>\* Al. ad altare.</sup> *introducens, e latere constitit præstolans quoad surgeret. Interim autem ut erat ingenio profundissimus, secretam dispensationem admirans considerabat in hujusmodi hominem (erat enim statura brevis) tantam gratiam cælitus profluxisse. Quod ille mox divinitus persentiens, & ab oratione surgens, placidoque ut erat vultu ad Papam respiciens: Dominus, inquit, fecit nos, & non ipsi nos; idem in parvis qui & in magnis. Cumque id suæ cogitationi sanctus Papa responderi cognosceret, ipsa sua deprehensione gavisus, gratiam quam hactenus in Gregorio mirabatur, in magna veneratione deinceps habere cepit; Sedemque Turonicam ita nobilitavit, ut auream ei cathedram donaret, quæ apud præfatam \* Sedem in posterum <sup>\* Al. urbem servaretur.</sup>*

Paulo post reditum suum sanctus Episcopus e vivis excessit die 15. <sup>Moritur. Lib. VI. ep. 52.</sup> Novembris. Exstat S. Gregori Epistola ad ejus successorem Pelagium scripta Indict. XIV. quæ respondet an. 595. & 596. Verum cum inter ultimas hac Indictione currente scriptas legatur, ad finem hujus Indictionis, proindeque ad annum 596. pertinere debet.

Et si non pauca in monasteriorum commodum hoc anno a S. Gregorio constituta jam observaverimus, aliqua tamen adhuc supersunt observatione digna, quæ breviter hic recensere non pigebit. Monachorum qui ad sacerdotium seu potius ad presbyteratum assumebantur, alii pro monasteriis ordinabantur, quibus addicti & alligati permanebant. Et illi quidem nisi consentiente Abbate, non poterant ab Episcopo e monasterio tolli; ut manifeste probant quæ leguntur in Epistola ad Candidum Episcopum *de Urbe veteri* scri

IX.  
Quædam  
pro Mona-  
chis consti-  
tura.  
Lib. VI. ep.  
28.

VIII.  
Quoniam  
ab ipso ex-  
cepit.



a scripta. \* Idque confirmat quod ben-  
nio post scripsit ad Marinianum Ra-  
vennatem Episcopum: *Pariter autem*  
*custodiendum est, ut invito ejusdem*  
*monasterii Abbate, ad ordinanda alia*  
*monasteria, aut ad ordines sacros,*  
*vel clericatus officium, tolli exinde*  
*Monachi non debeant.*

Lib. viii.  
ep. 15

Ad sacrum ministerium ordinari  
non debent, nisi præmisso de vita  
& moribus serio examine. Et hi  
quidem velut emancipati, ulterius  
in monasterio nec habitabant nec habi-  
tandi potestatem habebant aut licen-  
tiam. Ne monasteria hujus occasionis ve-  
lamine, ea quæ prohibemus, sustinere o-  
nera compellantur, inquit S. Greg. lib.

Lib. vii. ep.  
28.

viii. ep. 43. Qui vero pro monasteriis  
Presbyteri constituebantur, adhuc ju-  
ris Abbatum erant, neque obedientiæ  
jugum excutere poterant; quod etiam

Lib. vii. ep.  
42.

Regulæ S. Benedicti c. 62. cautum  
est: eosque tantum ordinabat Epi-  
scopus, quos ad hoc officium Abbas  
ejusque congregatio elegissent. Ad

Lib. i. ep.  
28.

summum tamen sacerdotium, non  
expectato Abbatum aut congregatio-  
num consensu, sola cleri populique  
voluntate ac postulatione rapi po-  
terant. Tunc enim ex b Clericis &  
ex Monachis indiscriminatim assume-  
bantur, qui episcopali fungerentur  
cura.

b

Lib. i. ep. 9.  
Lib. v. ep. 4.  
7. 33.  
Lib. v. ep. 34  
et 7.

Et si nondum lege fuisset constitu-  
tum, ut Abbates essent Presbyteri,  
non raro tamen presbyterali digni-  
tate tunc insignes erant, qui regen-  
dis monasteriis præficiebantur, ut ex  
plurimis S. Gregorii Epistolis explo-  
ratum habemus, & ex variis aliis  
Ecclesiæ monumentis. Qui propter  
lapsum a sacro ministerio cessare jussi  
fuerant Abbates Presbyteri, licet ad  
sacerdotale officium resurgere nun-  
quam possent, ad monasteriorum

tamen præfecturas redire, ex sanctis-  
simi Pontificis indulgentia passi sunt.

Si omnia vellem hic recensere quæ  
hec anno in monasteriorum gratiam  
a S. Gregorio sunt constituta, vix  
numerando essem. Non minus curæ  
erant pio patri Sanctimoniales, quam  
Monachi; quas utpote infirmioris se-  
xus, legibus muniendas severioribus  
existimavit. Quapropter cum acce-  
pisset per Anastasium medicum in  
quodam Virginum cœnobio multa  
mala contigisse, ei monasterii hujus,  
& cæterorum quæ sacra Virgines  
incolerent, fores occludendas esse  
censuit, de animæ potius quam de  
corporis salute sollicitus.

X.  
Et pro Sancti-  
moniali-  
bus.

Lib. v. ep. 6.  
Ibid. ep. 24.

Romanum Exarchum Sanctimo-  
nialibus ad seculum reversis & con-  
jugio sociatis auxilium patrocinium-  
que impendentem, ab hoc peccato  
deterruit, ei libere significans se nul-  
latenus amicum ejus esse posse, qui  
tanto flagitio, quod inultum rema-  
nere nunquam passurus erat, tantis-  
per faveret.

c A se constituta mutare & fixa  
refigere non verebatur humilis Gre-  
gorius, quando experientia comper-  
tum habebat, ea Reipublicæ Chri-  
stianæ non amplius prodesse. Itaque  
quamvis plurimis in Epistolis docuif-  
set cum heterodoxis & ipsis Judæis  
mitius esse agendum, religionemque  
Christianam, non minis & terrori-  
bus, sed benignitate ac prædicationis  
suavitate, persuaderi debere: postea  
tamen mutato consilio frequenter scri-  
psit Manichæos & Judæos qui in  
possessionibus Romanæ Ecclesiæ erant  
(cum mansuetudine pellici non po-  
tuissem) summopere esse insectan-  
dos & tributis onerandos: conversos  
autem ad fidem, remissis ex parte  
pensionum oneribus confirmandos.

C  
XI.  
Erga hetero-  
doxos  
quomodo se-  
gesserit S.  
Greg.  
Lib. i. ep.  
35. et 47.

Et

a Propterea presentibus vobis licentiam  
damus Epistolis, Monachos de monasteriis  
in tua parochia positis, cum consensu Ab-  
batis sui tollere & Presbyteros ordinare.

Tom. XVI.

b De clero Ecclesiarum ipsarum, vel ex  
monasteriis, si qui digni ad sacerdotalem  
locum possint inveniri.

c V. de Castro nota (yy).

O

*Et si, inquit, ipsi minus fideliter veniunt, ( ad Ecclesiam ) hi tamen qui de eis nati fuerint, jam fidelius baptizantur. Aut ipsos ergo, aut eorum filios lucratur,*

Quantum lucrandis animabus inhiaret S. Gregorius potissimum ostendit, missis ad Anglos adhuc idololorum cultui deditos prædicatoribus: de qua sacra expeditione nunc agendum.

#### C A P U T IV.

*I. S. Gregorius mittit S. Augustinum in Angliam. II. Christianæ fidei exordium in Britannia. III. Angli idololatræ hanc occupant insulam. IV. Quando profecti Augustinus & socii Monachi. V. De reditu cogitantes a S. Gregorio corroborantur. VI. Quo loco subsisterint. VII. Eorum iter per Galliam describitur. VIII. De Cantii quo appulsi sunt regno, Rege, Regina. IX. Augustinus Regem adit. X. Eiusdem ad Regem oratio. XI. Responsum Edilberthi. XII. Cantuariam ingreditur cum sociis. Quo apparatu.*

**A**nglorum salutem jam a longo tempore sitiebat Gregorius, quod ex <sup>a</sup> antea dictis liquet, ac Britanniam cogitabat. Ut verbi Dei præcones illuc brevi profecturi aliquos adjutores haberent, jussit sapientissimus Pontifex a Candido Gallicani patrimonii Rectore, ex Anglorum gente comparari adolescentes, ab annis decem & septem, vel decem & octo, & in monasteriis de fide ritibusque Christianis edoceri ac erudiri, quorum postea ministerio ad gentis totius conversionem uteretur. Et si nondum tanto labori & operi maturi viderentur hi pueri ( sexto

enim anno sui Pontificatus incunte, de ipsis emendis scripsit S. Gregorius ad Candidum Presbyterum, & eodem exeunte, Augustinum in Galliam misit, unde in Angliam postea transmitteret) hanc tamen expeditionem diutius procrastinandam non est ratus: sive quod morte, quam ex assiduis morbis vicinam esse suspicabatur, præveniri metueret, sive potius quia, ut ipse innuit ad Gallicanos Episcopos scribens, Anglorum gentem velle fieri Christianam inaudierat; Bertha Edilberthi Cantiorum Regis uxore Christiana, virum proculdubio ejusque subditos ad Christi fidem amplexandam pelliciente.

Insula illa omnium quæ Europæ adjacent amplissima, Britannia tunc dicta, & ab Anglis incolis Anglia postea magna ex parte nuncupata, longe antequam ab hac gente occuparetur, fidem Christianam susceperat; & <sup>b</sup> ab ipsis quidem ( si Eusebius Cæsariensis Episcopus audiatur ) Christi Salvatoris discipulis. Quinam illi fuerint non audeamus asserere; vulgo tamen creditur Josephum ab Arimathæa <sup>c</sup> Britannis Christum annuntiasse. Sanctos Apostolos Petrum & Paulum in Britanniam trajecisse, prædicandi Evangelii causa nonnullorum est sententia, ut apud Spelmannum legere licet; ad quod probandum adducunt testimonium Theodoriti. Qui Britannicæ & Anglicæ gentis historiam texuit Venerabilis Beda, de Lucii Regis conversione agit, sedente Romæ Eleutherio, a quo Lucius verbi divini præcones petiit & impetravit, circa annum Christi 177. aut 180. Sane Tertullianus Eleutherii suppar lib. adversus Judæos, quem circa an. 208. elucubravimus, docet cap.

*Ibid. ep. 52. 53 & c. 58. 59*

*II. Christianæ fidei exordia in Britannia.*

*b*

*c*

*Beda lib. 1. hist. c. 4.*

<sup>a</sup> Vide lib. 1. c. 5.

<sup>b</sup> Lib. 111. demonstrat. Evang. pag. 12. ἐπὶ τὰς καλουμένας Βρετανικὰς νῆσους.

<sup>c</sup> Vide Spelmanni Præfationem in Con-

cilia Angliæ §. de exordio Christianæ Religionis in Britannia, & Daniele Langhornum in Antiquitatibus Albionensibus. Londini an. 1673.



cap. 7. Britannorum inaccessa Romanis loca Christo paruisse & subdita fuisse; cui suffragatur vix ætate & auctoritate inferior Orig. hom. 6. in Lucam.

Diocletiani persecutio multorum Martyrum sanguine Bitanniam purpuravit consecravique, quos inter eminet S. Albanus, ex celeberrimo tota insula monasterio ejus nomine insignito notissimus. Pace Ecclesiæ reddita, plurimi e Britannia Episcopi, variis quarto incunte & decurrente seculo habitis conciliis interfuerunt; Arelatensi anno 314. Sardicensi anno 251. & paulo post Ariminensi: unde profecta hæresis Ariana, corrupto pene toto Orbe, hanc etiam insulam velut extra Orbem positam infecit; *dum illius incolæ novi semper aliquid audire gaudent, & nihil certi firmiter obtinent*, inquit Beda de populis sibi notis suisque gentilibus. Postea regnantibus Arcadio & Honorio, *Pelagius Brito contra auxilium gratiæ supernæ, venena suæ perfidiæ longe lateque dispersit*; quæ per Agricolam Severiani Episcopi Ariani filium, apud Britannos illata & propagata, Gallicanorum Antistitum ope repressa est ac extincta. Hi etenim supplicantibus Britannis, qui se ad superandas hæreticorum versutias, impares sentiebant, duos doctrina & sanctitate præcipuos in subsidium Episcopos miserunt, Lupum Trecentem & Germanum Antistiodorensis Episcopum, cujus præsertim miraculis & prædicatione, qui perseverarant in fide, confirmati sunt, debellatique heterodoxi. Britannicam postea Ecclesiâ a cæteris pene divisit Scottorum error & singularis in celebrando pasce ritus, quem doctissimus Petavius ortum putat ex Anatolii loco falsa Rufini interpretatione corrupto. Sane Anatolium, qui fuit Laodicensis tempore Diocletiani & Maximiani Episcopus, mire

laudat S. Columbanus in <sup>a</sup> Epist. ad S. Gregorium, in qua pro hoc suorum Scottorum ritu decernat.

Christianam Religionem in insula pene obliterarant Angli & Saxones, aliique barbari nondum ab idolorum servitute liberati; quos Britones adversus Pictos & scotos assiduos hostes, ab extrema Germania, malis avibus accersiverant. Ab his potior insulæ pars occupata est, & in septem Ethnarchias, pro gentium diversitate divisa; Pictis interim e Scythia, & Scotis ex Hibernia oriundis septentrionalem partem, Britonibus vero magis Australem retinentibus.

In tanta rerum perturbatione, neque Britones oppressi de ferendo apud hostes infensissimos Evangelico semine cogitabant; neque, etiamsi de Christiana lege prædicanda solliciti fuissent, Angli eam erant amplexuri, ne victis victores deditonem fecisse viderentur. Gallicanorum Episcoporum oscitantiam in accuranda eorum conversione carpit S. Gregorius ad Theodericum & Theodebertum Francorum Reges scribens: *Pervenit ad nos Anglorum gentem ad fidem Christianam Deo miserante desideranter velle converti, sed Sacerdotes e vicino negligere, & desideria eorum cessare sua adhortatione succendere.*

Cæterum tantæ molis, utilitatique majoris opus Gregorio debebatur, quod cum anno sexto sui Pontificatus aggressum esse testis est Beda: *Anno, inquit, decimo-quarto Mauricii Augusti, Christi juxta eundem 596. Misit servum Dei Augustinum & alios plures cum eo Monachos timentes Dominum, prædicare verbum Dei genti Anglorum.* Præcipui Augustini adjuvatores fuere Laurentius Presbyter, & Petrus. De tempore cæptæ hujus expeditionis validius argumentum eruitur ex Epistolis eade re scriptis, quæ omnes ad In-

III.  
Angli idola hæc hanc occupant insulam.

Lib. 1. v. ep. 58.

IV.  
Quando profecti Augustinus & socii Monachi. Lib. hist. c. 23

Ibid. c. 3.

Pelagiana hæresis inficitur.

In animadvers. ad Euphrasianum hæres. 51. p. 293.

dictionem XIV. pertinent, & libro VI. Registri continentur.

Lib. 20. ep.  
51.

a

Ex iisdem Epistolis liquet Augustinum fuisse Monachum & quidem a monasterio S. Andreæ cuius Præpositus erat. Ipsius socios ex eodem monasterio sumtos & delectos, probant ista verba: *Remeanti Augustino Præposito vestro, quem & Abbatem vobis constituimus, in omnibus humiliter obedite.*

V.  
De reditu  
cogitantes a  
S. Gregorio  
corroboran-  
tur.

At cum profecti essent, & aliquantum itineris confecissent, percussit timore inertis, redire domum, potius quam barbaram, feram, incredulamque gentem, cuius ne linguam quidem nossent, adire decreverunt; quod tamen exsequi minime ausi sunt inconsulto sancto Pontifice. Ad eum itaque miserunt Augustinum ipsum Gregorio supplicaturum, ut sibi sodalibusque suis revertendi copiam concederet, ne se suamque gentem, immo summum ipsum Pontificem Francorum Anglorumque ludibrio exponerent, ob tentatam temere nulloque fructu incertam alexque ac laboris plenam peregrinationem. At Gregorius ut titubantes confirmaret, Augustinum ad socios redire iussit, quibus scripsit in hæc verba: *Quia melius fuerat bona non incipere, quam ab his quæ capta sunt, cogitatione retrorsum redire, summo studio, dilectissimi Filii, oportet ut opus bonum, quod auxiliante Domino capistis, impleatis. Nec ergo vos labor itineris, nec maledicorum hominum lingua deterreant: sed omni instantia, omni que fervore quæ incoastis. eo auctore peragite, &c.* quæ legi possunt tum apud Bedam, tum in Registro Epistolarum. Ex tempore quo scripta est hæc Epistola (data legitur decima die Kalend. Augusti) conjici potest quando Augustinus & socii profecti fuerint. Eodem die & anno

Lib. 21. ep.  
51.

scriptam Epistolam 52. ex Beda præsertim eam referente intelligimus. Eandem quoque ætatem esse cæterarum Epistolarum, quibus Papa prædicatores a se missos commendavit Galliæ tum Regibus & optimatibus, tum Episcopis, facile in animum induxerim. Quippe cum illos nutantes cognovisset, ac visor eminus tantum periculo territos, atque ad longam inter ignotas gentes peregrinationem minus expeditos, ad procuranda ipsis subsidia, quibus magna laboris pars levaretur, animum adjecit. Hoc autem consilio scriptam fuisse Epistolam 52. cum duabus immediate subjectis, necnon 57. duasque sequentes libri sexti, satis intelligitur ex argumento singulis præfixo.

Quo loco substituerint hi verbi facri præcones non legimus. Apud Bedam & in vita S. Augustini tantum habetur eos postquam aliquantum itineris confecissent, seu emenso aliquot dierum itinere, cursum repressisse, & donec rediret Augustinus ad S. Gregorium ab ipsis missus, moram fecisse. Conjicitur tamen, nec immerito, eos in Provincia, non longe ab insula Lirinenfi consedisse. Id sane significant verba hæc Ep. 56. lib. IV. ad Stephanum Abbatem Lirinensem: *Latos nos relatio Augustini servi Dei presentium portitoris effecit, quod Dilectionem tuam, ut oportet, vigilantem esse narravit.* Quomodo enim Augustinus Romam ex suscepto itinere reversus, hæc de Lirinenfi Abbate retulisset, si longe antequam ingressus esset Provinciam, patriam revississet? Idem Augustinus adierat quoque Protasium Aqueensem Episcopum, & Arigium Patricium, de quibus multa Gregorio tamquam oculatus testis narravit in Urbem reductus. Itaque quando legitur apud

VI.  
Quo loco  
substituerint.  
Lib. 1. c. 11.  
tom. 1. Act.  
SS. Ord. S.  
Bened.

Be-

a S. Greg. in Ep. 3. lib. VIII. scribens Zulegio, Augustinum appellat monasterii sui

Monachum.



Lib. VI. ep.  
66. & 57.

Beda *aliquantum itineris* tantum progressos fuisse Augustinum ejusque sodales, id intelligendum non simpliciter, sed comparate ad multo longius quod conficiendum supererat. Eadem ratione debet explicari scriptor vitæ S. Augustini, dum post iter *aliquot dierum* de reditu cogitasse Monachos illos asserit. Nunc ipsos alacriter viam iterum carpentes videamus.

A  
VII.  
Eorum iter  
per Galliam  
describitur.  
Ep. 52.  
Ep. 53.  
Ep. 54.

<sup>a</sup> Ex commendatitiis quas Augustinus deferendas acceperat Epistolis descriptam habemus ejus iter per Gallias. Primo quidem appulerunt Massiliam, ubi Serenum Episcopum salutarunt; ex Gregorii nomine data ei Epistola. Postea pervenerunt Arelate, inviseruntque Virgilium Archiepiscopum sanctæ Sedis Vicarium, cui eos potissimum commendarat Papa. Deinde adeunda Vienna cujus Episcopus erat Desiderius, unus ex his ad quos Gregorius scripsit. Tum petendum Lugdunum, ethi ad Etherium hujus urbis Episcopum nullæ existent litteræ tunc ea de re scriptæ. Inde tetenderunt Cabilonem, ubi Theodericus Rex cum Brunichilde avia residere consueverat. Utrique Papa suis commendarat Epistolis Augustinum ejusque adjutores. Tum Augustodunum perrexerunt Syagrii Episcopi opem imploraturi, litterasque Papæ oblaturi. Multis peragratis locis vel Divodurum-Mediomatricum pervenerunt, vel Durocortum Remorum Theodeberti Austrasiæ Regis Sedes, quem commendatos habere suos Monachos verbi divini præcones, litteris plurimum rogabat S. Gregorius. Ab hujus Regis aula Cæsarodunum-Turonum venerunt, tum ut S. Martini tumulum sacrasque reliquias venerarentur, tum ut Pelagio Episcopo S. Gregorii litteras redderent. Utrum ex itinere deflecentes Me-

Ep. 58. & 59.

Ep. 54.

Ep. 52.

diolanum-Santonum adierint ad salutandum Palladium Episcopum, ad quem Papa scripserat, difficile est statuere. Fortasse cum plurimum gratia polleret apud Francorum Reges, eum in aula invenerant, eique sanctissimi Pontificis, qui eundem jam beneficio devinxerat, litteras reddiderunt. Augustinum per Andegavos transisse auctor est Gotselinus in ipsius vita; narratque miraculum non longe a *Ponte Sai*, sive ut alii dicunt, *Ponte Cæsaris*.

His omnibus omisiss Beda scribit:

*Roboratus ergo confirmatione beati Patris Gregorii Augustinus, cum famulis Christi qui cum eo erant, rediit in opus verbi; pervenitque in Britanniam; & in insulam Tanetos dictam appulit regni Cantii portionem ad Orientalem plagam. In Cantio regione Britanniae Galliis objecta usque ad Humbrum fluvium, tunc regnabat<sup>b</sup> Edilberthus, cujus uxor erat Bertha Chariberti Francorum Regis filia & Clotharii primi neptis: Anglo hac lege in matrimonium data, ut fidem Christianam retineret ac libere profiteretur; quapropter Luidhardum Silvanectensem Episcopum secum duxit, ac in aula sacrorum ministrum habuit. Ab illa præsertim pellectum fuisse Regem ad ejurandum idolorum cultum credimus, ex S. Gregorii consilio, qui conversionem gentis Anglorum ejus mercedi reservaram asserit, atque ad tantum opus perficiendum eandem vehementissima adhortatione accendit: quasi Regiæ Francorum stirpis filia veram fidem pro dote viris suis asferre consuevissent. Sic enim Chlothsuinda Chlotharii Regis filia Alboinum Langobardorum Regem Christianum effecit; & Ingundis filia Sigiberti & Childeberti Regis soror, Hermenegildo Ariano tradita, eum ad Catholicam inflexit fidem, &*

ad

VIII.  
De Cantii  
quo appulsi  
sunt regno,  
Rege, Regina.  
Lib. I. c. 25.

b

Lib. XI. ep.  
29.

<sup>a</sup> V. Castro nota (22).

<sup>b</sup> Sic legendum, non *Adilbertus*, Edil.

lingua Saxonica significat gloriosum, honoratum juxta Spelmannum.

ad martirium inflammavit.

IX.  
Augustinus  
Regem adit.  
Beda ibid.

Augustinus ab insula Taneto missus ad Edilberthum ex suis sociis, qui dicerent se Roma profectos nuntium ad eum ferre optimum, qui sibi obtemperantibus æterna in cælis gaudia & regnum sine fine cum Deo vivo & vero futurum, sine ulla dubitatione promitteret. Eos perhumaniter excipiens Rex, iussit ut in eo quod appulsi erant loco aliquamdiu morarentur, donec quid facto opus esset decerneret; suppeditatis interim cunctis necessariis. Post dies aliquot venit ad insulam Rex, & sub dio residens, Augustinum ac socios ad colloquium accersivit: *Caverat autem ne in aliquam domum ad se introiret, veteri usus augurio*, inquit Beda, *ne superventu suo, si quid maleficæ artis habuissent, cum superando deciperent. At illi non demoniaca, sed divina virtute præditi, veniebant, crucem pro vexillo ferentes argenteam, & imaginem Domini Salvatoris in tabula depictam, Letaniasque canentes.*

X.  
Ejus ad Regem oratio.  
Beda ibid.  
Acta S.  
Augustini  
die 26 Maii  
apud Bol-  
land.

Augustinus impetrata loquendi licentia, Regi aperuit se sociosque suos eo consilio advenisse, ut ipsum docerent, qua ratione post mortem gloriosius regnaret, immortalitatisque coronam consequeretur. Ipsam credentibus in se Jesum Christum sua morte promeruisse, regnumque cælorum referasse. Nimirum tanto Deum amore flagrasse erga homines, ut ad eorum salutem procurandam filium suum unigenitum turpissimæ morti, crucis videlicet supplicio tradiderit. Ita crucis scandalum minime dissimulandum putavit egregius prædicator; quo magis divinam ejus virtutem ad hominem a mortis peccati-que servitute liberandum commendaret. *Quid enim tam dignum Deo quam salus hominis?* Eundem Christum post mortem resurrexisse, regnum cælorum conscendisse, atque ad dexteram patris sedere adjecit; venturum au-

tem in extrema mundi consummatione ad ferendum de cunctis mortalibus iudicium. Atque ut fidem faceret, miracula enarravit innumera & stupenda, quæ divinitatis Christi certa argumenta sunt; præ cæteris vero gentium fere omnium in suscipienda Christiana religione, idolisque rejiciendis miram conspirationem, licet renitentibus pravis hominum affectibus ac vitiis; quibus ita favebat Ethnicismus, ut divinos etiam honores pro eis decerneret ac rependeret: cum contra mortem æternam corruptelæ morum stipendium esse doceat lex Evangelica. Subjunxit Augustinus Orbem ita Christianum factum a Gregorio Romano Pontifice sapientissime gubernari: qui salutem Regis, Anglorumque omnium faciens, libenter hæc ipsis prædicaturus advolasset, nisi tot sibi creditarum ovium curam deferere formidasset optimus pastor: se vero pro ipso legatione fungi.

Ad hæc Rex inter inoliti erroris tenebras, & affulgentem veritatis lucem anceps & cunctabundus, *respondit ut ager, favens quidem medicis, sed necdum patiens curationis, pulcra sibi videri verba & promissa; sed quia nova sunt & incerta*, inquit, *non possum assensum tribuere; relictis eis quæ tanto tempore cum omni Anglorum gente servavi. Verum quia de longe huc venistis: ut quæ vera & optima vobis videntur, ea nobis communicaretis, pergratum habemus; annuimusque ut quicumque Christo nomen dare veluerint, a vobis suscipiantur, & pro vestro more instituantur.* Præterea locum assignavit in civitate Dorrobernia, totius regni metropoli, ubi commode manerent; & quæ ad vitam necessaria forent abunde suppeditari iussit.

XI.  
Responsum  
Edilberthi.

Urbem regiam ingressi sunt, crucem & imaginem Christi Servatoris more suo præferentes, & litaniam hanc

XII.  
Canuariam  
ingreditur  
cum sociis.  
Quo apparatu.

a Postea Cantuarja dicta.



Beda *ibid.* c.  
26.

hanc voce consona modulantes: *De-*  
*precamur te, Domine, in omni mi-*  
*sericordia tua, ut auferatur furor tuus*  
*& ira tua a civitate ista, & de*  
*domo sancta tua, quoniam peccavi-*  
*mus, alleluja.* In concessa sibi sede  
Augustinus ejusque commilitones,  
apostolicam nascentis Ecclesiæ vitam  
imitari cœperunt, cuncta mundi hu-  
jus velut aliena spernendo, & ea tan-  
tum quæ victui necessaria forent, ab  
eis quos docebant, accipiendo: ut  
exemplis potius quam verbis, legis  
Christianæ sanctitatem commendarent.  
His innoxii illecebris allekti ad veri-  
tatis retia non pauci, fidem in Chri-  
stum amplexi sunt; quibus in anti-  
qua sancti Martini juxta urbem Ec-  
clesia, sola tum superstitē, synaxes  
agere concessum est. At postquam  
Rex ipse credidit & baptismo ini-  
tiatus est, <sup>a</sup> miraculorum quibus  
Deus fervorum suorum doctrinam  
sanctitatemque confirmabat, invicto  
testimonio ultra reluctari non ferens:  
vetera templa diruta restaurare, ac  
nova exstruere mira cœperunt alacri-  
tate neophyti. Nimirum tanta tunc  
Ecclesiæ nascenti facta est accessio,  
Anglis Regis exemplam certatim se-  
quentibus ( licet ad religionem ne-  
minem cogeret ) ut eos prior Ec-  
clesia minimè caperet.

## CAPUT V.

1. *Augustinus ordinatur Episcopus.*

<sup>a</sup> De patris ab Augustino sodalibusque  
ejus miraculis, non solum eorum acta lo-  
quuntur, sed etiam Beda loco laudato, &  
ipse Gregorius, præcipue in Ep. 30. lib.  
VIII. ad Eulogium: *Tantīs, inquit, mira-*  
*culis vel ipse ( Augustinus ) vel hi qui*  
*cum eo transmissi sunt, in gente eadem co-*  
*ruscant, ut Apostolorum virtutes in signis*  
*quæ exhibent, imitari videantur.* In solem-  
nitate autem Dominica Nativitatis quæ hac  
prima Indictione transacta est, plus quam  
decem millia Angli ab eodem nuntiati sunt  
fratre & coepiscopo nostro baptizati.

<sup>b</sup> Siricius Papa in Ep. ad Himerium Tar-  
racon. can. 2. damnat quidem eos, qui passim

II. *Baptizat decem Anglorum mil-*  
*lia. Romam mittit & Papam*  
*consulit.* III. *A quo novum præ-*  
*dicatorum subsidium accipit. Et*  
*alia plurima.* IV. *Epistola S. Gre-*  
*gorii ad Regem. Ad Reginam. Et*  
*ad Augustinum.* V. *De monasterio*  
*prope Cantuariam condito. Et mo-*  
*nastica vita in Ecclesia Cantua-*  
*riensi instituta. Luculentum ea de*  
*re Bedæ testimonium.* VI. *Alterum*  
*ex Beda sumtum argumentum ine-*  
*luctabile.*

**D**Atam sibi a S. Gregorio pro-  
vinciam tam feliciter auspica-  
tus Augustinus, ejusdem jussu in  
Galliam trajecit ubi a Germaniarum  
Episcopis factus est Episcopus. Per  
Germanias Gregorius intelligit Gal-  
lias tunc a Francis & Germania ori-  
undis & prosectis occupatas. Forsitan  
quoque Germanias inter Arelatensem  
censuit provinciam ob Burgundiones  
ejus incolæ origine Germanos. Ea-  
dem enim ratione Apollinaris Sido-  
nius provinciam Lugduno subditam,  
Lugdunensem Germaniam appellat.  
Ab Episcopo Arelatensi ordinatum  
fuisse Augustinum refert Beda; quem  
memoria lapsus Etherium nominat.

In insulam reversus novus Aposto-  
lus ipso <sup>b</sup> Natalis Domini die plus  
quam decem Anglorum millia lu-  
stralibus aquis tinxit. Quod Indi-  
ct. 1. contigisse testatur Gregorius ad  
Eulogium scribens, hoc est Pontifi-

catus

baptizant in Natalitiis Christi aliisque so-  
lemnitatibus; solumque Paschale tempus ac  
Pentecosten assignat ad celebrandum bap-  
tismum. Ab hac tamen eximit lege necessita-  
tis casus. Sane Clodovæus qui primus ex  
Francorum Regibus Christo nomen dedit,  
die Natalis Domini baptizatus est cum mul-  
tis aliis, ex Epistola S. Aviti Viennensis  
Episcopi ad eundem Clodovæum. Quod  
confirmatur Anastasii II. ad ipsum scriben-  
tis Ep. 2. *Tuum, gloriose Fili, in Chri-*  
*stiana fide cum exordio nostro in Pontificatu*  
*contigisse gratulamur.* Porro Anastasius paulo  
ante Natalem Christi diem Pontificatum  
auspicatus est.

I.  
Augustinus  
ordinatur  
Episcopus.  
Lib. 8 ep. 30.  
Lib. v. ep. 7.  
Ibid. c. 27.

II.  
Baptizat  
decem An-  
glorum mil-  
lia.  
b

Lib. viii.  
Ep. 30.  
Romani  
mittit &  
Papam con-  
sulit.  
Lib. xi. ep.  
64.

catus sui anno octavo. Mox Augustinus duos ex sodalibus, Laurentium & Petrum Romam misit, ut de omnibus quæ gesta fuerant certiores facerent sanctum Pontificem, eumque de nonnullis quæstionibus interrogarent & consulerent, quas cum ipsius responsis ad singulas legimus tum apud Bedam, tum in Epistolarum Registro. Præcipuæ sunt de quatuor Ecclesiasticorum reddituum & oblationum portionibus faciendis; de Clericis post susceptum clericatum conjugatis; de consanguinitatis affinitatisque gradibus matrimonium impediens; de ordinatione Episcoporum. Canonibus quidem cautum erat, ut Episcopo alterum consecranti duo alii adessent Episcopi, saltem tamquam testes. Verum quia in Anglorum Ecclesia Augustinus solus tunc erat Episcopus, annuit Papa ut ab illo solo Episcopi possent ordinari.

III.  
A quo novum prædicatorum subsidium accepit.

Quandoquidem ab Augustinilegatis acceperat Gregorius messem in Anglia multam esse, operarios autem paucos (cum quadraginta tamen circiter sociis in insulam hanc appulsus fuerat) novum subsidium, plurimos videlicet selectos ad verbi divini altarisque ministerium Monachos, Laurentio & Petro adjunxit, quorum præcipui fuerunt Mellitus, Justus, Paulinus, Rufinianus. Transivis per Galliam<sup>a</sup> litteras dedit commendatitias ad Brunichildem Reginam, ad Reges, & ad præcipuos Galliarum Episcopos, in quibus omnibus Mellitum Abbatem, cæteros vero Monachos vocat. Ex monasterio Sancti Andree produsse supplementum hoc prædicatorum, unde etiam priores educti, significare videntur illa verba Epistolæ ad Mellitum Abbatem: *Post discessum congregationis nostræ quæ tecum est* &c. Quod argumentum est quantum floreret Gregorianum hoc cœnobium.

Lib. xi. ep.  
76.

Et alia plurima.  
Beda lib. 3.  
c. 29.  
Lib. xi. ep.  
29.

Per eos Papa misit ad Augustinum

quæque erant ad cultum divinum & ad ministerium Ecclesiasticum necessaria; vasa sacra videlicet, pallia vestiendis & ornandis altaribus, sacerdotalia indumenta, Martyrum reliquias, & codices plurimos. Adidit pallium & Epistolam qua novo Apostolo de Anglorum conversione, ac de patris ab ipso miraculis ita gratulabatur, ut ad humilitatem & de acceptis donis formidine nihilominus discipulum suum provocaret, a reprobis facta miracula ei obiciens.

Scripsit quoque Edilbertho Regi, gratias agens pro fide Christiana quam susceperat, & velut alter Constantinus propagaverat; qua in Epistola Augustinum impense laudat, quod in monasterii regula doctus sit, sacræ Scripturæ scientia repletus, & bonis, auctore Deo, præditus operibus: dignus proinde quem Rex monentem audiat, cui suadenti morem gerat.

Ante illam Edilbertho Regi scriptam Epistolam, Gregorius Berthæ ipsius uxori scripserat, ei gratulatus quod tamquam altera Helena Constantini Imperatoris mater, zelo fidei accensa, conversioni Anglorum operam daret; eam tamen tacite neglectus arguens ob Odilberthum ad Christianam fidem nondum ejus cura & prudentia inflexum; qui paulo post Christo se subdit.

Præter Epistolam ad Augustinum missam, cujus meminimus supra, exhibet aliam venerabilis Beda, in qua legimus Augustino jus Pallii concessum, potestatemque datam duodecim Episcopos ordinandi, qui ejus ditioni subjacerent; ea lege ut Londoniensis Episcopus in posterum semper a propria Synodo consecraretur, Palliumque ab apostolica Sede acciperet. Eboracensem quoque Episcopum ab ipso ordinandum, constituit deinceps Metropolitano jure Pallique honore potiturum; a quo, si finitimæ urbes

IV.  
Epistolæ  
sancti Gregorii ad Reginam.  
Lib. ix. ep.  
66.

Ad Reginam.  
Ibid. ep. 29.

Et ad Augustinum.  
Lib. i. c. 29.  
Lib. xi. ep.  
65.



urbes verbum Dei reciperent, duodecim Episcopi instituerentur. Post Augustini mortem, quem quamdiu viveret, voluit Gregorius Angliæ primatum obtinere, decrevit ut ex Londoniæ ac Eboracæ civitatis Episcopis ille Primas haberetur, qui prior fuisset ordinatus. Ex hac Epistola conjicere licet summo Pontifici prius placuisse, ut Augustinus Londoniæ potius quam Doroberniæ cathedram haberet. Aliter vero visum est postea; primaque Sedes episcopalis Angliæ, Doroberniæ seu Cantuariæ remansit.

<sup>a</sup> Augustinus prope eandem civitatem monasterium construxit, in quo, ipso auctore, Rex Ecclesiam beatorum Apostolorum Petri & Pauli nomine ædificari curavit, ac diversis ditavit donis; quæ ejusdem Augustini & omnium deinceps Episcoporum Dorobernensium, necnon Regum Cantii conditorium fuit. Hoc monasterium primum Abbatem habuit Petrum <sup>b</sup> Monachum & Presbyterum, cujus jam meminimus. De ejusdem sanctitate, morte, editisque post mortem ad ejus sepulcrum miraculis legendus venerabilis Anglicanæ historiæ scriptor.

In Ecclesia quoque Metropolitana Cantuariensi S. Augustinus vitam observavit cœnobiticam cum suis sociis, & observandam deinceps instituit, ex Gregorii consilio vel præcepto his verbis dato: *Quia, inquit, tua Fraternitas monasterii regulis erudita, seorsum vivere non debet a Clericis suis in Ecclesia Anglorum, quæ auctore Deo nuper ad fidem perducta est, hanc debet instituire conversationem, quæ in initio nascentis Ecclesiæ fuit patribus nostris, in quibus nullus eorum ex his quæ possidebant, ali-*

*quid suum esse dicebat, sed erant illis omnia communia.*

Equidem haud inficior his verbis æque significari posse vitam cœnobiticam & communem, qualis est Canonorum, ut vocant, Regularium, ac monasticam. Verum de conversatione monastica in Ecclesia Cantuariensi instituta qualis decebat Augustinum ejusque socios Monachos, id interpretatur venerabilis Beda, sane hac in re audiendus. Cum enim historiam Ecclesiasticam suæ gentis texendam suscepisset accuratissimus & doctissimus scriptor, S. Augustini aut ejus discipulorum fere suppar, (eodem nempe seculo florere cœpit quo Augustinus Christianæ religionis in Anglia fundamenta jecit, & tanto operi est immortalis) non potuit cum fugere, quale vitæ genus in primaria Anglorum Ecclesia, Clericorum an Monachorum instituerit vir sanctissimus. Bedam igitur audiamus lib. iv. hist. Eccles. c. 27. *Quia nimirum, inquit, Aidan qui primus hujus loci (Lendissarnensium) Episcopus fuit, cum Monachis illuc & ipse Monachus adveniens, Monasticam in eo conversationem instituit. Quomodo & prius beatus Pater Augustinus in Cantia fecisse noscitur, scribente ei beatissimo Papa quod supra posuimus: sed quia tua fraternitas, inquit, monasterii regulis erudita, seorsum fieri non debet a Clericis suis, &c. Unde patet minus fidos esse mentis S. Gregorii interpretes, qui ex his verbis extundunt clericalem vitam quam Canonici Regulares vulgo dicti sectantur, a beato Augustino fuisse in primaria Anglorum Ecclesia institutam: nisi fateri velint Monachos eosdem esse atque Canonicos communis vitæ sectatores.* Men-

Lucilegarum  
ca de re Bedæ  
testimonium.

Et monastica vita in Ecclesia Cantuariensi instituta. Lib. xi. ep. 64.

<sup>a</sup> Vide Castro nota (ana).  
<sup>b</sup> Hic Romam cum Laurentio missus fuit. Beda quidem eum vocat tantum Presbyterum Tom. XVI.

loco indicato: verum c. 27. ejusdem libri eundem fuisse Monachum clare docet.

VI.  
Alterum ex  
Beda sum-  
tum argu-  
mentum in-  
cristabile.

Mentem suam clarius explicat venerabilis Beda in vita S. Cutberthi cap. 16. *Neque aliquis miretur, inquit, quod in eadem insula Lendisfarnea, cum permodica sit, & supra Episcopi, & nunc Abbatis & Monachorum esse locum dixerimus. Revera enim ita est. Namque una eademque servorum Dei habitatio utroque simul tenet. Immo omnes Monachos tenet. Aidanus quippe qui primus ejusdem loci Episcopus fuit, Monachus erat, & Monachicam cum suis omnibus vitam semper agere solebat. Unde ab illo omnes loci ipsius Antistites, usque hodie sic episcopale exercent officium, ut regente monasterium Abbate, quem ipsi cum consilio fratrum elegerint, omnes Presbyteri, Diaconi, Cantores, Lectores cæterique gradus Ecclesiastici monachicam per omnia cum ipso Episcopo Regulam servant. Quam vivendi normam multum se diligere probavit beatus Papa Gregorius, cum sciscitanti per litteras Augustino, quem primum genti Anglorum Episcopum miserat, qualiter Episcopi cum suis Clericis conversari debeant, respondit inter alia, Sed quia tua Fraternitas monasterii regulis erudita seorsum fieri non debet a Clericis suis, in Ecclesia Anglorum, quæ Deo auctore nuper adhuc ad fidem perducta est; hanc debet conversationem instituere, quæ in initio nascentis Ecclesiæ fuit patribus nostris, &c. ut supra.*

Cap. 11. art.  
1. & seq.  
1. 23. 79.

Ex tam perspicuis verbis pene oculati ac indubitatæ fidei testis patet Dorobernensem Ecclesiam, æque ac Lendisfarnensem, pro clero suo solos habuisse Monachos. Unde mirari subit nuperi scriptoris commentum qui de ordine Canonicorum Regularium scribens, Augustinum ejusque socios exhibet tamquam primum exemplum Clericorum communiter canonicæque viventium: cumque tam apertis testimoniis quæ ipsos fuisse mansisseque Monachos luce clarius probant, effugium non inveniret:

iplos fingit ea lege in clerum cooptatos fuisse, ut monachismum ejurent. Quibus rationibus fulcire conetur hoc paradoxum, nunc expendamus, licet paulo extra Gregorianæ historiæ metas, hac in disceptatione excurrere videamur.

## CAPUT VI.

I. *Objecta ex Gregor. Epistolis dissolvuntur.* II. *Respondetur alteri objectioni.* III. *An Monachus ad clericatum promotus, ultra non dicatur Monachus, apud S. Gregorium.* IV. *Monachi olim Clerici passim dicti.* V. *Utrum Canonicos Regul. instituerit S. Gregorius.* Johannes Diaconus explicatur. VI. *Num vita communis Canonicum potius innuat, quam Monachum.* VII. *Objectorum Johannis Diaconi verborum genuinus statuitur sensus.* An Canonicis Regularibus annuerandi Clerici omnes qui juxta canones vivunt. VIII. *De discrimine Canonicorum secul. & Regul.* IX. *Novum de S. Augustini sociis Monachis nunquam ordinatis commentum.* X. *Laurentius & alii S. Augustini sodales omnes fuere Monachi.* XI. *De Presbyteris Arelatensibus Augustinum secutis aliud figmentum.* XII. *Gregorii ad August. Responsio explicatur.* XIII. *Urbani II. testimonium expenditur.* XIV. *Decretum Bonifacii IV. Pro Monachis Ecclesiastica munia obeuntibus.* XV. *Ejusdem Epistola pro Monachis in Ecclesia Cantuar. militantibus. Male a nupero scriptore intellecta.*

**D**Uæ nobis opponuntur S. Gregorii Epistolæ. In priori, quæ libri quarti prima est, legitur: *Nemo potest & Ecclesiasticis officiis de- servire, & in monachica Regula ordinate persistere, &c.* Ergo admissis in clerum Augustini sociis integrum non fuit monastica retinere instituta.

Huic

I.  
Objecta ex  
Greg. Epi-  
stolis dissol-  
vuntur.



Huic loco jam multoties responsum est tum a Mabillonio nostro, tum a nobis, lib. II. c. 12. §. II. & in notis ad hanc Epistolam, ubi genuinum verborum illorum sensum aperuimus. Jam dictis tamen addendum, sateri nos perlibenter Monachos qui nonnullis Ecclesiasticis officii deserviunt, qualia sunt verbi divini assidua prædicatio, sacramentorum administratio, Ecclesiarum gubernatio, quæque Gregorius his verbis significat: *Qui quotidie in obsequio Ecclesiæ cogitur permanere*, non posse ad amissum omnia Regulæ monasticæ instituta districtius observare, in silentio, vigiliis, jejuniis, aliisque similibus; quod est Gregorio, *distinctionem monasterii tenere*. Unde Abbates alique cœnobiorum præfecti, a quorum verbo & exemplo pendet vigor omnis regularis observantiæ, non possunt simul Ecclesiastica implere munia, & monasteriis præesse. Cæteri vero Monachi, si Ecclesiarum plebiumque curam gerant, aliquid de rigore disciplina remittere cogantur. At idem dicere sive de Canonicis Regularibus, maxime severioris & arctioris observantiæ, qualis adhuc viget apud Præmonstratenses Reformatos, sive de eorum præfectis quid prohibet? Idcone vero somnabit quis eos non posse Clericorum simul obire munus, & Ecclesiasticis officiis addici? nisi prius Canonicorum Regularium instituto valedicant. Adhibita forsan distinctione respondebunt illi, duo in suo Canonicorum Regularium instituto conjuncta; vota scilicet quæ ad sui status essentiam pertinent; & pias quasiam asceses, quales sunt certis horis in choro psallere, lectioni, orationi, meditationi operam dare, in communi cœnaculo cibum sumere, ab hominum consortio secedere, silentioque studere, eodem loco & tempore decumbere &c. Et quidem

horum dispendium pati eos qui aut lucrandis aut regendis animabus incumbunt; vota vero illibata permanere. At eandem simul responsum supeditabunt Monachis, Sacerdotale munus obeuntibus, nodique solutionem quem ex priori Gregorii testimonio adstringere conantur.

<sup>a</sup> Ad posteriorem locum jam veniamus. Sanctus Doctor lib. VII. Epist. 43. hæc decernit: *Si quispiam Abbatum aut Monachorum ex quocunque monasterio ad clericatus officium vel ordinem sacrum accesserit, non illic aliquam habeat ulterius, ut diximus, potestatem; ergo hoc ipso quod ad curam Ecclesiæ sustinendam ordinabatur Monachus, monachus auferebatur*, inquit nuperus scriptor. Mira sane consequentia. Quasi vero idem esset potestas in monasterio, & monasticus status, qui obedientia & subiectione potius quam potestate ac auctoritate constat. Scopum autem S. Gregorii hæc scribentis jam ostendimus. Cæterum ut tam dubiis, ne dicam plane falsis, certissima & invictissima opponamus argumenta, breviter ostendamus primo Gregorium Magnum non sic ubique Clericum a Monacho sejunxisse, ut quem semel Clericum appellaverit, is hoc ipso quisquis est, nequaquam sit pro Monacho putandus, quod forte aliud cogitans dixit ille scriptor; secundo Monachos passim Clericos etiam dictos in celeberrimis scriptoribus Gregorio synchronis.

Sane Clericus jam erat, & ecclesiasticis, immo apostolicis officiis ad dictus Sanctus Augustinus, cum eum ad Anglorum conversionem misit sanctissimus magister. Eundem tunc aut Presbyterum aut Diaconum saltem fuisse pene liquet, quod Gregorius illum, nulla alterius ordinis collati facta mentione, ordinatum Episcopum testetur. Nihilominus eundem Monachum adhuc ap-

a  
II.  
Responde-  
tur alteri  
objectioni.

Sup. c. I. r.  
num. 9.  
pag. 80.

III.  
An Mona-  
chus ad ele-  
cticam  
promotus  
ultra non  
dicatur Mo-  
nachos apud  
S. Greg.

pellat ad Eulogium scribens : *Dum gens Anglorum in mundi angulo posita, in cultu lignorum ac lapidum perfida nuncusque remaneret, ex vestre mihi orationis adjutorio placuit, ut ad eam monasterii mei Monachum in prædicationem transmittere Deo auctore debuissim. Qui, data a me licentia, a Germaniarum Episcopis Episcopus factus est.*

Idem de Sancti Augustini sociis & in Anglorum conversione adjutoribus dicendum est, quos Sanctus Gregorius, etsi ad prædicandum missos & ad apostolica opera, nunquam non Monachos appellat: *Quia, inquit, Redemptoris nostri gratia coeoperante, tanta de Anglorum gente ad Christianæ fidei gratiam multitudo convertitur, ut reverendissimus communis frater & coepiscopus noster Augustinus eos qui secum sunt, ad hoc opus exsequendum, per diversa loca asserat non posse sufficere: aliquantos ad eum Monachos cum dilectissimis & communibus filiis Laurentio Presbytero, & Melito Abbate prævidimus transmittendos.* Idem repetit ad nauseam usque in Epistolis aliis ea de re scriptis. Brevi audiemus Bonifacium IV. non secus ac antecessor Gregorius loquentem in Epistola ad Edilberthum Regem: *Ut ipsi vestre salutis prædicatores Monachi, Monachorum gregem sibi adsociant.* Non pudet Bonifacium appellare Monachos, illos prædicatores haud dubie Clericos, immo Episcopos, Presbyteros, Diaconos.

IV. Ex cœvis scriptoribus sufficiat nobis Gregorius Turonicus, ut ostendamus tunc temporis Monachos passim Clericos dictos. In lib. I. de gloria Mart. c. 76. qui in monasterio Agaunensi Deo laudes persolvebant, indiscriminatim vocantur modo Clerici, modo Monachi. *Mulier, inquit Gregorius, quadam filium suum unicum ad hoc monasterium adducens, Abbati tradidit erudiendum, videli-*

*cet ut factus Clericus sanctis manciparetur officiis. Verum cum jam spiritalibus eruditus esset in litteris, & cum reliquis Clericis in choro canentium psalleret, &c.* En Clerici dicuntur Agaunenses; at paulo infra Monachi appellantur: *Audies vocem ejus inter choros psallentium Monachorum.* Et paulo post: *Ubi . . . Antiphonam caterva suscepit Monachorum, audit genitrix, parvuli vocem cognoscit.* Idem Gregorius libro de miraculis S. Juliani c. 28. *Clericus autem quidam Aridii Lemovicini Abbatis, &c.* Multa omitto quibus narrat Clericum hunc miraculo in basilicam S. Juliani fuisse introductum. Et subdit: *Quod ne quis dubitet, testor omnipotentem Deum, quia ab ipsius Abbatis ore hæc omnia cognovi apud cujus Monachum gesta sunt.* Vides hic Monachum, quem supra Clericum legisti. At vice versa cap. 39. quem prius Monachum dixit, statim Clericum appellat. Etsi vero Monachus ad ecclesiasticas curas & dignitates assumtus Monachus ultra non diceretur, esse tamen minime desineret, quod contendit vir doctus, at in lectione Gregorii Magni pene peregrinus. Cum enim denominatio a nobiliori gradu desumatur, quid mirum si quis Monacho superinduens Episcopum, exempli gratia, non amplius Monachus vocitetur, licet Monachum non deposuerit, & in monasticis etiam institutis, in vigiliis, jejuniis, orationibus perseveret? De his quæ delibamus tantum, legendi sunt noster Mabillonius tum in Præfat. ad seculum 11. Bened. n. 27. tum in Resp. 1. ad scriptum Canonicorum Reg. de sessionibus in Burgundiæ Comitibus, Hadrianus Valesius in disceptatione de basilicis, & in ejus defensione, necnon Thomassinus Disciplinæ Eccles. par. 1. lib. 1.

Magnum sane opinatorem esse virum eruditum cujus nunc argumenta

V.  
Utrum C2.  
nonico



Reg. insti-  
tuerit san-  
ctus Greg.  
C. 11. art.  
1. p. 77. &  
seq.

expendimus, inficiabitur nemo, qui ad ea ponderanda liber ab omnibus præjudiciis accesserit; quæ videlicet proponere, refellere est, ut ex mox dicendis palam fiet. Non stabit per ipsum quominus persuasum habeamus Gregorium Magnum Canonicos Regulares instituisse, posteaque decrevisse ut ex eodem instituto Clerici primam Anglorum Ecclesiam Cantuariæ conditam occuparent; tandemque reliquas Angliæ Sedes Pontificales Canonicis similiter obvenisse.

Primum quidem probare nititur ex Johanne Diacon. lib. 11. vitæ S. Greg. cap. 12. Videbantur, inquit, passim cum eruditissimis Clericis adhærere Pontifici religiosissimi Monachi: & in diversis professionibus habebatur vita communis: ita ut talis esset tunc sub Gregorio penes urbem Romam Ecclesia, qualem hanc fuisse sub Apostolis Lucas, & sub Marco Evangelista penes Alexandriam Philo commemorat.

Johannes  
Diac. expli-  
catur.  
Abidem.

Hic agnosco nostrum Gregorium monasticæ vitæ cultorem, & monastici sui instituti retinentissimum, Monachos habentem convictores, cum quibus diu nocturne versatus, nihil monasticæ perfectionis in palatio... dereliquit, inquit Johannes. Video quoque ipsi adhærere Clericos, qui libere nullis adstricti votis, nulla lege obligati, cum Monachis communem ducebant vitam. Cæterum de Canonicorum Regularium instituto cujus fuerit parens S. Gregorius, neque hoc in loco quidquam legitur, neque ullis in Epistolis aut lucubrationibus Gregorianis: Num ergo Clerici statim ac vitæ victusque communitatem habebunt, continuo evadent Canonici Regulares?

At inquires cum docto viro, poeta nescio quis meminit Canonicorum ordinis Gregoriani; ergo Gregorius Magnus Canonicorum Regularium ordinem instituit; Et quidni, ait, nos Gregorianos Canonicos honoris causa nominemus?

Ab sit ut pios ac religiosos viros Gregoriani ordinis Canonicos eodem sensu appellemus, quo ab illo Poeta dicuntur, quos refert e S. Walarici monasterio ejectos his verbis:

Ap. Mabill.  
seculo v.  
Bened. p.  
560.  
Ibidem.

*Ordine Dux Hugo vacuans mox Gregoriano*

*Templum, normalem statuit normam Monachilem.*

Nam ex historia relationis S. Walarici discimus Canonicos illos seculares fuisse: Tunc præfatus Dux magna sollicitudine procurans S. Walarici locum, abiecit ab eo secularem congregationem, & aggregavit in eam regularem Ordinem Monachorum. Ita Scriptor suppar, quem latere non potuit qui & quales fuerint isti Canonici ut sal infatuatum foras projecti, forte ideo Gregoriani Ordinis dicti, quod in psalmodia Ordinem Romanum a Gregorio concinnatum sequerentur; non monasticum qualem præscribit S. Benedictus, & postea observarunt qui Canonicis successerunt in S. Walarici Ecclesia Benedictini Monachi.

Id fallit virum nimio in Ordinem suum studio æstuantem, quod ubicumque vitæ communis juxta prioris & apostolicæ Ecclesiæ morem occurrit mentio, id ad probandum Canonicorum Regul. institutum trahat: non attendens cœnobiticam & communem Monachorum vitam, etiam ad ejusdem antiquioris ab Apostolis institutæ Ecclesiæ modum normamque præscriptam fuisse, & in omnibus pene monasticis regulis exemplum veteris illius Ecclesiæ Jerosolymitanæ sub Apostolis, in medium adduci: Omniaque omnibus sint communia, inquit S. Benedictus, sicut scriptum est (Act. 4.) nec quisquam suum aliquid dicat vel præsumat. Et cap. 34. si omnes æqualiter debeant necessaria accipere. Sicut scriptum est, dividebatur singulis prout cuique opus erat. Cum sancto Benedicto vero hac in parte concinunt omnes fere

VI.  
Num vita  
communis  
Canonicum  
potius in-  
nuat, quam  
Monachum.

Cap. 33.  
Act. 10. 33.

mo.

monasticarum regularum conditores, ut videre est in concordia regularum auctore S. Benedicto Anianæ Abbate, cap. 42. & 43. proindeque potiori jure Monachi sibi vendicare possunt veterum de vita cœnobitica & communi testimonia.

Quod spectat ad Ecclesiam Alexandrinam sub Sancto Marco sanctitate florentissimam, plerique veterum qui de rebus monasticis egerunt, in ipsa & in therapeutis Philonis a Johanne Diacono commemoratis propositum esse status politicæque Monachorum exemplar, non Canonico. rum censuerunt.

VII.  
Objectorum  
ex Johan.  
Diac ver-  
borum ge-  
nuinus sen-  
sus statui-  
tur.  
In Præfat.  
Moral.

Exploso falso verborum Johannis Diaconi fictitioque sensu; sincerum jam & genuinum aperiamus. S. Gregor. qui Monachis convictoribus usus fuerat, cum Constantinopoli Apocrisiarium ageret, *ut eorum exemplo semper ad orationis placidum littus quasi anchoræ fune restringeretur*, eodem voluit habere contubernales, postquam ad Pontificatum invitus raptus est, palatiumque suum velut in aliquod monasterium convertit, ubi familiariter ipsi affidebant selecti quidam ex Monachis. Sex Monachos pietate ac sanctitate insignes recenset Johannes Diaconus. Quatuor quoque Clericos nominat prudentia & eruditione conspicuos, quorum operam & consilium sive in Ecclesiæ negotiis, sive in studiis adhibebat. Præterea cum a cubiculo suo seculares omnes removisset (quod etiam ut fieret a Pontificibus in posterum decrevit Romana Synodus ipso auctore) quosdam ex Clericis & ex Monachis indiscriminatim accersierat qui sibi ministrarent. Quorum omnium unanimi-  
tatem, licet in diversa professione, vitamque socialem & communem admiratus Johannes Diaconus, non dubitavit dicere in ea societate & concordia visas esse veluit redivivas fundatas ab Apostolis

apud Jerosolymam, & Alexandriæ a S. Marco Ecclesias. Cæterum de Canonicis Regularibus a Gregorio institutis, ne quidem per somnium cogitavit, quippe cum nulli fuerint sive S. Gregorii sive etiam Johannis temporibus. Neque enim iis adscribendi sunt Clerici omnes juxta canones & regulas Ecclesiæ mores componentes suos, quos ab exordio existisse constat, nisi votis fuerint alligati. Sane ab undecimo seculo Canonicorum Regularium, qui Monachorum more iisdem fere votis obligati, suis Abbatibus aut Præpositis obedientes sub arcta disciplina viverent, sæpe fit mentio apud Fulbertum, Bernardum, Petrum Blesensem & alios auctores cœvos: abbatiarum aut aliorum monasteriorum pro hujusmodi Canonicis tunc exstructorum origines novimus, vel aliorum jam extantium quæ ipsis cesserint mutationes (ipsis enim præposituræ non paucæ Ordinis S. Benedicti sunt concessæ, quas inter emineat celeberrimum S. Victoris apud Parisios asceterium) de his vero ante illud seculum nihil occurrit. Nam Aquigranenses Canonici aut qui Chrodegangi Regulam sectabantur, vel etiam Eugenii II. & Leonis IV. non solum a religiosis & solemnibus votis soluti vivebant, sed etiam ex regularum suarum præscripto non nihil proprii habebant & peculii; <sup>a</sup>fatente ipso Canonicorum Regul. oratore, quem hic impugnamus. Porro vel hæc sola proprii retentio, ex ipso met regulæ instituto, a Canonici Regularis statu adeo abhorret, ut evertat, & secularem eum efficiat.

An Canonici Regularibus annumerandi Clerici omnes qui juxta canones vivunt.

Gall. Christ.  
Aberis. ad  
an. 1029.

a

Scio equidem minimum discriminis inter Canonicum Secularem & Regularem agnosci a Disquisitionum auctore apud quem non absque stupore legi c. 1. art. 2. pag. 8. Cæterum qui meminerit Monachos Benedictinos in Ordinem Cluniacensem, ant

VIII.  
De discrimine Canonicorum secul. & Reg.

Ty-



Tyronensem, in Ordinem majoris monasterii atque in alios bene multos Ordines fuisse XI. seculo atque XII. distributos, is facile intelliget quomodo id tempus Regularium Ordo & secularium Ordo Canoniorum, tametsi uterque uniusmodi esse debuisset, inter se distingui ac jecerni potuerint. Unde infert: sed neque doctus quispiam si viderit regiones Canonicis secularibus abundantes diu Regularibus caruisse, inde quidquam eliciet ad impingendam Canonicis Regularibus novitatem. Alioquin simili argumento necesse est ut conficiat a Cluniacensibus aut aequalibus Monachis esse Benedictini Ordinis sumenda primordia. Itaque ad mentem nuperi Scriptoris, in ordine Canoniorum haud majus est discrimen Regulares inter ac seculares, quam in ordine Benedictino inter Cluniacenses, Tyronenses, &c. qui cum omnes magistrum sequerentur regulam S. Benedicti, eorumdemque votorum lege tenerentur, penes minutissimos ritus distingui tantum poterant, ut ajunt, accidentaliter; indeque consequens est nihil esse quod secernat Canonicum Regularem a seculari quoad essentiam, ad quam proinde neque vota neque religiosæ vitæ instituta pertinent, sed velut inter adiaphora debent amandari, levissimamque tantummodo constituunt differentiam.

Ad hæc, fateor, expavi; & nisi nota Scriptoris ejusque sodalium religio securum me fecissent, valde veritus fuisset, ne forte iis defectio transitusque ad Canonicos seculares pararetur, quos adeo vicinos, & vix levissima differentia discretos ostendit *Disquisitionum* parens. Verum hæc ipsi incaute, inconsultisque maxime suæ Congregationis religiosissimis Præpositis, excidisse credere maluerim, quam ultra urgere. His itaque omissis, postquam probavimus plane fictitium esse quod excogitavit hic

scriptor de Canonicis Regularibus in Ecclesia Romana a Gregorio Magno formatis, expendamus utrum melius divinarit, quando eosdem, jubente sanctissimo Pontifice, in Cantuariensi Ecclesia institutos asserit.

Primo quidem fingit ex Monachis ad Anglorum conversionem procurandam delectis, a S. Gregorio nulum aut ordinatum aut ordinandum ex ejusdem sententia fuisse, præter Augustinum: Necdum scilicet, inquit, Gregorius cogitabat de Monachorum ordinatione: tantummodo Augustinum eis Episcopum ordinandum, si ab Anglis susciperentur, disposuerat. Ergo eos non ad verbi divini prædicationem aut ad sacrum ministerium (quod tamen ipse ubique clamat; <sup>a</sup> consentientibus Beda, Bonifacio IV. scriptore Vitæ S. August. &c.) sed fortasse ad olera ferenda, aut ad coquinæ curam habendam. Cui enim sapienti veniat in mentem, mittere ad opus apostolicum laicos etiam nunquam ordinandos; maxime cum sacrorum ministrorum adest copia?

Haud equidem diffiteor a Gregorio solum Augustinum ad episcopalem dignitatem, statim, cum adhuc anceps esset de eventu, delectum fuisse. Verum de aliis ordinibus aut nondum collatis, aut nunquam conferendis Augustini sodalibus altum ubique silentium. Immo ex Monachis ejus adjutoribus fere quotquot novimus, Episcopi fuere, ut Mellitus Londoniensis, Justus Rossensis; qua de re legendus Beda.

Secundo placet Canoniorum Regularium patrono, Laurentium Presbyterum unum ex Augustini sociis, ex numero & censu Monachorum expungere, suisque adscribere. Quo vero jure, cum eos omnes Monachos clament S. Gregorius, Beda, & alii qui de ipsis loquuntur? Num quia Presbyter erat? quasi tunc nul-

IX.  
Novum de  
S. Augusti-  
ni sociis  
nunquam  
ordinatis  
commen-  
tum.

<sup>a</sup>  
Lib. XI. ep.  
58. & seq.

X.  
Laurentius  
& alii S.  
Augustini  
socii omnes  
Monachi.

li existissent in monasteriis Presbyteri, contra quam probant tot S. Gregorii <sup>a</sup> Epistolæ. Gotfelinus in vita S. Augustini eum ejusque sym-  
 mystas, a maternis visceribus monasterialis Ecclesiæ apulso fuisse dicit; additque tot Dominice legationis manipulares, ad quadraginta numerari; quot videlicet Beda narrat ad insulam Tanctum applicuisse. Ergo nullus locus relinquitur Presbyteris non Monachis sive ex Italia, sive ex Gallia assumtis, nequidem Arelatenfibus quos suo Ordini liberalissime tribuit Disquisitor: fingitque religionem Canonicam ad Anglicam Ecclesiam detulisse. Injunxerat quidem Papa Augustino ejusque sociis ut ad agenda hæc e vicino secum deberent Presbyteros ducere. Verum fortasse nullus adfuit qui ad legationem & peregrinationem hanc paratus esset; quandoquidem docet Beda accepisse eos de gente Francorum interpretes, at de assumtis Presbyteris omnino file; quod si factum foret, non fuisset dissimulaturus. Adde Augustinum coactum fuisse novos ex Romano S. Andreæ monasterio verbi divini præcones advocare; haud dubie quia in Galliis parum subsidii nactus esset.

XI.  
 De Presbyteris Arelatenfibus Augustinum secutis aliud figmentum.  
 Lib. vi. ep. 56.

Esto tamen secuti sint eos nonnulli Arelatenfes Presbyteri; quidni dicamus eos fuisse simul Monachos, & forsitan ex illis Lirinenfis monasterii Presbyteris quos laudat S. Gregorius? nimirum ne professionis diversitas aliquid dissidii, ut sit, in hoc sancto cœtu generaret, Monachos Monachis sociare debuit Virgilius Arelatenfis Episcopus, maxime cum Lirinenfis Monachus fuisset, uti ex ejus prædecessoribus quamplurimi.

Demus etiam Presbyteros aliquos monasticis legibus nullatenus adstrictos Augustino sociatos esse; quid inde eliciet vir doctus, ad Canonico-  
 rum Regularium institutionem in

Cantuariensi Ecclesia probandam? quasi vero Clerici ac Presbyteri omnes, illis temporibus ad eorum Ordinem pertinerent? Difficultatem omnem, si qua occurreret, tolleret unicum venerabilis Bedæ testimonium supra relatum. Solus est qui Respon-  
 sionem S. Gregorii ad Augustini quæstita de vita communi in Cantuariensi Ecclesia servanda nobis trans-  
 miserit; cujus proinde legitimus est interpret. At vero de vita cœnobitica Monachorum eandem intellexit. Neque sane ignorare potuit Scriptor diligentissimus & doctissimus, peneque suppar, quinam & quales ab initio hac in Ecclesia notissima totius Anglorum gentis primaria Deo militaverint, Clerici seu Canonici Regulares, an Monachi; cum etiam nunc haud ignoremus quænam Ecclesiæ cathedrales, quæ a trecentis annis Canonicis secularibus cesserunt, olim aut a Canonicis Regularibus, aut a Monachis fuerint occupatæ, Quis autem nisi temere credat, virum sanctitate conspicuum, fingere voluisse nullum alium præter Monachos clerum in Ecclesia Cantuariensi existisse; quod falsi revincere facile potuisset quilibet in Anglia natus?

Igitur ut jam fusius dicta colligamus, & ex præmissis interpretemur S. Gregorium Augustino interroganti <sup>b</sup> respondentem (ex ejus enim Respon-  
 sionis intelligentia pendet hujus controversiæ compositio.) Primo S. Gregorius discipulum suum meminisse vult vitæ monasticæ quam Romæ professus est in S. Andreæ asceterio. Quia, inquit, Fraternitas tua monasterii regulis erudita, &c. Secundo eum hortatur ad vitam cœnobiticam & communem cum Clericis suis ducendam, seorsim fieri non debet a Clericis suis; quo nomine significatur tum Monachi ad prædicandum adjutores ei dati, & in partem laboris vocati, tum etiam juniores Cle-

XII.  
 Gregorii ad Augustinum Responso explicatur.  
 b

<sup>a</sup> Vide præsertim lib. vi. Ep. 56.

<sup>b</sup> Vide sup. c. v. §. 5.



Clerici quos instituebant, tamquam Seminarii episcopalis præfecti & administratores. Tertio providet victui Clericorum illorum, quibus, cum in sacris ordinibus constituti non essent, uxores ducere licebat; *Si qui vero sunt Clerici extra sacros ordines constituti, qui se continere non possunt, sortiri uxores debent, & stipendia sua exterius recipere.*

XII.  
Urbani II.  
testimo-  
nium expe-  
ditur.  
De ord. Can.  
Reg. p. 69.

His omnibus argumentis immo demonstrationibus, unicum nobis objicitur Urbani II. testimonium, certe grave, & a Benedictinis eo minus respuendum, quod ipse ex S. Benedicti familia fuerit ad summum Pontificatum assumptus. Is itaque in quadam ad Canonicos Regulares scripta Epistola testatur, Gregorium *vitam Canonicam Augustino Anglorum Archiepiscopo instituendam præcepisse*; haud dubie quando ad eum scripsit ut communiter cum suis viveret Clericis.

Quidquid sit de hac Epistola cui Conciliorum collectores nequidem in appendice Epistolarum Urbani II. locum dederunt; Respondeo his verbis tantummodo significari S. Gregorium Canonicis Regularibus instituendis in sua ad Augustinum Responsione præluisse: quemadmodum (ut in eadem Urbani Epistola legitur) Apostoli in Ecclesia Jerosolymitana communia esse omnia instituendo, & Urbanus Papa & Martyr suis decretis (quæ tamen pro spuris habent omnes eruditi) Canonicorum Regularium disciplinam prævie delineasse dicuntur: neque enim exempli gratia de eorum institutione priore dicta intelligi possunt quæ de Ecclesia Jerosolymitana scribit S. Lucas, in qua præter Apostolos, Discipulos, Clericos, erant uxorati laici, viduæ, mulieres omnis ætatis & conditionis.

Sane ex veteribus non pauci nec infimi ordinis Scriptores, monasticæ vitæ institutionem, ad Heliam, Jo-

hannem Baptistam, & Apostolos revocandam censuerunt. Cassianus Heliam & Elisæum professionis hujus fundasse primordia docet lib. 1. institut. c. 2. quod etiam asserit Hieronymus Epist. 13. ad Paulinum. *Monachorum Princeps Johannes Baptista est*, inquit Chrysostomus hom. 1. in Marcum, cui suffragatur Sozomenus lib. 1. hist. c. 12. Monasticum Ordinem commendat Bernardus in Apolog. ad Guillelmum Abbatem, quod *primus fuit in Ecclesia, immo a quo cæpit Ecclesia, quo nullus in terra similior angelicis ordinibus; cujus Apostoli institutores; cujus hi quos Paulus tam sæpe sanctos appellat, incoatores exstiterunt.* Hæc Bernardus confirmat allato Lucæ testimonio Act. 4. vita communi a primis Christi discipulis observata. Innumera possemus adducere sive ex sanctis Patribus, sive etiam ex Conciliis loca idem significantia.

Neque tamen idcirco de Monachis instituendis aliquando cogitasse Apostolos asserimus, aut de talibus auctoribus nobis blandimur: adumbratam solummodo in eorum exemplis ac institutis monasticam & cœnobiticam vitam dicimus; idque significare voluisse Scriptores laudatos, cum ad Monachorum commendationem eos ab Apostolis prodiisse & ortum ducere pronuntiarunt. Sic explicari quoque debet, quod Urbanus II. & alii de Canonicis dixere quos videbant cœnobiticam vitam spectari & Monachos æmulari; prorsusque nutat quidquid pro eorum antiquitate stabilienda inde petit vir doctus.

Ex dictis ergo planissimè liquet in Ecclesia Cantuariensi, ab ipsius exordio, solos militasse Monachos, non puros Clericos. Unde licet in adversarium hoc argumentum retorquere: *Si unam hanc sedem recte Canonicis Clericis adjudicavero*, inquit (dicam ego, Monachis) *non immerito concludam reliquas Angliæ Sedes Ponti-*

*ficales . . . Canonicis Clericis ( dicam Monachis Clericis ) similiter obvenisse .*

XIV.  
Decretum  
Bonifacii  
pro Mona-  
chis eccle-  
siastica mu-  
nia obeunti-  
bus .  
Beda lib. II.  
hist. c. 4.  
Tom. v. on  
I. I. p. 1618.

Hæc Monachorum in ecclesiastico ministerio præcipua auctoritas cum eorum æmulos commovisset, Mellitus unus ex Augustini sociis Londoniæ Episcopus Romam venit, de necessariis Ecclesiæ Anglorum causis cum apostolico Papa Bonifacio tractaturus. Et cum idem Papa reverendissimus cogeret Synodum Episcoporum Italiæ, de vita Monachorum & quiete ordinaturus; & ipse Mellitus inter eos assedit . . . ac in Britanniam rediens secum Anglorum Ecclesiæ mandata atque observanda detulit, una cum Epistolis quas idem Pontifex Deo dilecto Archiepiscopo Laurentio, & Clero universo, similiter & Edilbertho Regi, atque genti Anglorum direxit. Inter laudata mandata, celeberrimum est Decretum quod ita incipit: *Sunt nonnulli fulti nullo dogmate ( vel, sunt nonnulli stulti dogmatis ) magis zelo amaritudinis quam dilectionis inflammati, asserentes, Monachos, quia mundo mortui sunt & Deo vivunt, Sacerdotalis officii potentia ( vel, Sacerdotali officio ) indignos, &c. Eos refellit summus Pontifex, maxime exemplis Gregorii Magni & Augustini ejus discipuli, qui licet Monachi, pontificali dignitate fulserunt, additque: Neque enim Benedictus Monachorum præceptor, hujus rei aliquo modo fuit interdictor.*

XV.  
Ejusdem Epistolæ pro Monachis in Ecclesiæ Cant. militantibus.  
Ibidem.

Epistolam ad Edilberthum Regem, cujus Beda meminit, habemus in novissima collectione Conciliorum, ex qua quæ ad nostrum propositum faciunt satis erit exscribere: *Quapropter, gloriose Fili, quod ab apostolica Sede per coepiscopum nostrum Mellitum postulastis, libenti animo concedimus; id est, ut vestra benignitas in monasterio in Dorovornensi civitate constituto, quod sanctus Doctor vester Augustinus beate memorie Gregorii discipulus sancti Salvatoris nomini consecravit, cui ad præsens præesse*

*dignoscitur dilectissimus frater noster Laurentius: licenter per omnia Monachorum regulariter viventium habitationem statuatur: apostolica auctoritate decernentes, ut ipsi vestrae salutis prædicatores Monachi, Monachorum gregem sibi adsocient. Ex his liquet Metropolitanam S. Salvatoris Ecclesiam ab exordio Monasterium fuisse dictam propter inhabitantes Monachos. Non solum autem ratum habuit summus Pontifex traditam fuisse Monachis hanc Ecclesiam, sed etiam apostolica auctoritate decrevit ut prædicatores Monachi, alios sibi Monachos sociarent, a quibus ad posteros monasticum institutum propagaretur. Non ergo contendimus Monachos ad Ecclesiam Christi Cantuariensem, ex Bonifacii litteris admissos esse, ut credere videtur Canoniconum Regularium patronus, sed ejusdem Papæ auctoritate in hujus Ecclesiæ possessione confirmatos & assertos. Somniare autem eundem causæ prorsus desperatæ auctorem pene dixerim, dum fingit Bonifacii consensu aut decreto adjunctos Canonicis Regularibus fuisse Monachos, qui psalmodiam quotidianam absolvent dum illi Clerici, quos alio publica utilitas vocabat, libere fungentur omni Ecclesiastico munere. Nugæ sane: quasi vero priores hujus Ecclesiæ prædicatores & habitatores, non Monachi a Bonifacio appellarentur sed Clerici; aut ullum postea quæ diximus, receptorum ab initio in Ecclesia Cantuariensi Clericorum non Monachorum vestigium appareret.*

Pag. 82.  
Male a suo  
pero Scrip-  
tore intel-  
lecta.

## C A P U T VII.

I. Angliæ Monachi fuere ab initio Benedictini. Unde jam dicta confirmantur de Sancto Gregorio S. Benedicti legibus adstricto. II. Prima ratio ex Aldhelmo. III. Secunda ex S. Wulfride vite Scriptore



re cœvo. IV. Tertia ratio ex veteribus litaniis, quibus S. Benedicti nomen insertum. V. Cloveshoviæ Synodi silentium frustra nobis objectum. VI. Et venerabilis Bedæ. VII. Aliud argumentum ex S. Benedicti Regula per Monachos Anglos in Germaniam delata. VIII. Bollandianorum ea de re sententia. IX. Mareshamus aliter sentiens refellitur.

apud Vvest-Saxones, quorum etiam Episcopus fuit, in Carmine de virginitate, S. Benedictum hoc elogio designat:

Primus qui statuit nostræ certamina vitæ,

Qualiter optatam teneant cœnobîa normam,

Quoque modo propter directo tramite sanctus,

Ad superos scandens cœlorum culmina cultor,

Cujus præclaram pandens ab origine vitam

Gregorius Præsul chartis descripserat olim.

Hic manifeste S. Aldhelmus Monachus & Abbas, qui eodem seculo quo S. Augustinus ejusque socii Anglos ad fidem Christianam adduxerunt, floruit (devixit enim tantum an. 709. teste Beda) palam testatur Benedictum vitæ monasticæ, quam professus fuerat observabantque Anglicana monasteria, primum fuisse institutorem.

Secundam rationem suppeditat vitæ S. Vvifridi scriptor cœvus Eddius Stephanus, apud quem S. Vvifridus ita loquitur ad Synodum ejus causa congregatam: Nonne (al. necnon) ego primus post obitum primorum procerum a S. Gregorio directorum curavi ut Scoticæ virulenta plantationis germina eradicarem... vel quomodo vitam Monachorum secundum Regulam S. Benedicti patris, quam nullus prior invexit, constituerem; scilicet apud Ultra humbrenses: nam in regno Cantii jam receptam fuisse S. Benedicti Regulam, indeque ad Nordam humbrorum cœnobîa vel instituenda vel restituenda a S. Vvifrido delatam fuisse probant hæc Eddii verba c. 14. Ecbertus quoque Rex Cantuariæ religiosus, Pontificem nostrum ad se accersivit, & illic Presbyteros multos... ordinavit... omnibus carus episcopalia officia per-

III.  
Secunda ratio ex vitæ S. Vvifridi scriptore cœvo. Secul. 10. Benedict. p. 1. in Appendice.

a  
I.  
Angliæ Monachi fuisse ab initio Benedictini.

Unde jam dicta confirmantur de S. Greg. S. Benedicti lib. 1. gibus adscrip-  
to. Lib. 1. cap. 111. §. 3. &c. & 10.

II.  
Prima ratio ex Aldhelmo.

Commemoratum S. Benedicti nomen a summo Pontifice Bonifacio, addito etiam præceptoris Monachorum titulo, ubi maxime de Monachorum Anglicanorum tranquillitate agebatur, non obscure nobis conjiciendum præbet Angliæ Monachos tunc fuisse Benedictinos; sive ii essent Augustini socii superstites, sive illi quos sibi post legitimam probationem suæque Congregationi sociarunt. Verum quid opus est conjecturis, ubi tot adsunt demonstrationes? hoc sane nomine dignæ sunt rationes, quas doctissimus Mabillonius in hoc argumentum congeffit tum in Præfat. ad Seculum I. Benedict. §. 8. tum in observationibus præviis ad S. Vvifridi vitam I. parte Seculi IV. Benedict. tum Analectorum tomo II. dissertatione de S. Gregorii monachatu parte II. §. 8. pag. 173. & seq. tum denique Annalium Benedict. lib. x. §. 18. ac in appendice I. pag. 655. & seq. Præcipuas autem delibare ad nostrum fatis erit institutum; unde consequens erit (quod jam quoque diximus) S. Gregorium Benedictinam Regulam observasse, observandamque suis commendasse.

Prima ducitur ex indubitato S. Aldhelmi testimonio, qui ab Hadriano Abbate monasterii S. Petri apud Cantuariam primum eruditus, deinde Monachus & Abbas in cœnobio Maildunensi seu Malmesburien-

plura spatia agens, cum cantoribus  
Ædde & Æona, & cæmentariis...  
in regionem suam revertens cum Re-  
gula Benedicti, instituta Ecclesiarum  
bene melioravit.

V.  
Tertia ratio  
ex veteribus  
litanis S.  
Benedicti  
nomen con-  
tinentibus.

Tertia ratio petitur ex veteribus  
litanis Anglicanis, quas a mille sal-  
tem annis, & ante seculum VIII.  
concinnatas probat doctissimus Mabil-  
lonius, tum ex pervetusti codicis  
characteribus semi Saxonis; tum  
maxime quod in eis nullus invocetur  
aut commemoretur sanctus medio se-  
culi VII. inferior; non Mellitus, non  
Paulinus, Cuthbertus, Vvilfridus,  
Aidanus & alii plurimi, multis re-  
censitorum in litaniarum serie Bea-  
torum sanctitate & doctrina longe  
illustriores; qui sane prætermissi non  
fuissent, si diem jam clausissent ex-  
tremum, & de eorum sanctitate,  
quemadmodum postea seculo VIII.  
constitisset. In his autem litanis S.  
Benedicti nomen bis inclamatur post  
S. Hieronymum, ante SS. Hilarium  
& Martinum; quod argumentum est  
validissimum, S. Benedictum apud  
eos qui hujusmodi litanis utebantur,  
patroni locum obtinuisse: alioquin  
cur hic solus commemoraretur omissis  
Pachomio, Antonio, Basilio, Colum-  
bano? Cur bis invocaretur, quod nul-  
li alteri concessum, præterquam S.  
Stephano & S. Mariæ ter appellatæ?  
Porro usitatas fuisse litanias illas in  
Anglia; immo pro Anglia concinnatas,  
probat hæc supplicatio: *Ut clerum  
& plebem Anglorum conservare digne-  
ris, te rogamus, audi nos*; nullius  
alterius gentis facta mentione.

V.  
Clovesho-  
vianæ Syno-  
di silentium  
frustra no-  
bis obje-  
ctum.

His æqua lance ponderatis, Clo-  
veshovianæ Synodi & venerabilis  
Bedæ silentium de Regula S. Bene-  
dicti, quod ab adversariis olim obje-  
ctum nobis est, minime causæ no-  
stræ nocere posset, etiam si nulla illis  
aut S. Benedicti, ut promulgatæ ab  
eo Regulæ fieret mentio. Verum ne

illud quidem licet nobis opponere;  
nam in Synodo Cloveshoviæ legitur:  
*Vicesimo quarto sancitum est capitu-  
lo, ut si quis secularium sanctæ pro-  
fessionis famulatum subire desiderat,  
non antea tonsuræ habitum suscipiat,  
quam illius conversatio & morum  
qualitas secundum monasticæ regulæ  
definitionem manifestius probetur, jux-  
ta apostolicum præceptum: Probate  
spiritus, si ex Deo sunt; nisi aliqua  
rationabilis causa, ut ante suscipian-  
tur in Congregationem, rite persua-  
deat.* Quænam, rogo, mediante o-  
ctavo seculo, quo tempore Concili-  
um Cloveshoviæ celebratum est, Re-  
gula monastica ita celebris erat, ut  
simpliciter nulloque addito, nomine  
Regulæ monasticæ designaretur, præ-  
ter S. Benedicti Regulam in cujus  
cap. 58. legitur: *Noviter veniens  
quis ad conversionem, non ei facili  
tribuitur ingressus, sed sicut ait A-  
postolus: Probate spiritus si ex Deo  
sunt? Deinde præscriptis omnibus ad  
probationem & receptionem novitio-  
rum, subjungitur: Et jam ex illa  
die in congregatione reputetur.* Neque  
silentio prætermittendum videtur in  
utroque contextu S. Johannem, præ-  
ter solitum, vocari Apostolum sim-  
pliciter, quod soli Paulo ex more  
tribuitur; unde suspicari liceret (si  
alia non suppeterent argumenta) Sy-  
nodum Cloveshoviensem, Johannem  
laudando sub Apostoli nomine, mo-  
rem gessisse S. Benedicto.

1. Johan. 4.

Quod spectat ad venerabilem Be-  
dam, in 2. historiæ Abbatum Vvi-  
remutensium & Girsvenensium ab ipso  
editæ libro 1. legimus. S. Benedi-  
ctum Episcopum quartam profectio-  
nem Romam aggressum esse, post  
compositum juxta Regulam monaste-  
rium. Quam Regulam intelligit nisi  
Benedictinam, præter quam nulla  
fuit in Occidente late propagata?  
Verum hanc ipsam postea clare de-  
signat

VI.  
Et venera-  
bilis Bedæ.  
a

2 Hanc historiam cujus meminit Guillel-  
mus Malmesbur. lib. 1. c. 3. primus edidit

Jacobus Vvaræus eques auratus Dublini 1664.



signat Beda referens in fine libri 1. hæc Abbatis sui verba in oratione extrema ad discipulos habita: *Multum cavetote, fratres, ne de foris aliunde vobis patrem queratis; sed juxta quod Regula magni quondam Abbatis Benedicti, juxta quod privilegii vestri continent decreta, in conventu vestre congregationis, communi consilio perquiratis, qui secundum vitæ meritum & sapientiæ doctrinam, aptior ad tale ministerium perficiendum, digniorque probetur.* Hæ sunt dotes quas in eligendo Abbate postulat S. Benedictus Regulæ cap. 64.

Ceolfrius Abbas Biscopi successor mare transmissurus, eadem suis fratribus præcepit. *Utilius decrevit, inquit Beda ejusdem congregationis Monachus lib. 2. dato fratribus præcepto, ut juxta sui statuta privilegii, juxtaque Regulam S. Abbatis Benedicti, de suis ipsis patrem qui aptior esset eligerent.*

Cum idem venerabilis scriptor asserat lib. 1. Biscopum eam discipulis suis Regulam tradidisse, quam in decem & septem monasteriis a se perlustratis invenerat, quorum unum erat Cantuariense S. Petri cœnobium, evidentissime patet longe ante ipsum S. Benedicti Regulam in Angliæ monasteriis receptam fuisse & viguisse.

Non minus validum depromitur argumentum, ex propagatione Regulæ Benedictinæ in Germania & vicinis regionibus septentrionalibus, auctore S. Bonifacio aliisque Monachis ex Anglia profectis, ad fidem Christianam disseminandam: qui videlicet plurima cœnobيا condiderunt, in his maxime Fuldense monasterium tota Europa nedum Germania celebrimum, ubi ritus Benedictinos ab exordio viguisse inficiatur nemo. Nimirum quam a majoribus suis Augustino ejusque sodalibus Gregorii Magni discipulis Romanique monasterii alumni acceperant hi sacri verbi præcones, eandem in erectis a

se asceteriis observandam tradiderunt; & in ipsius institutis ad amussim sectandis ad mortem usque perseverarunt. Huc revocanda sunt quæ libro 1. diximus cap. 111. de S. Benedicti Regula in Romano S. Andreæ monasterio suscepta, & ab ipsomet S. Gregorio servata.

His rationibus victi Bollandiani socii, contrariam olim secuti sententiam, tandem ultro confessi sunt Benedictinos *maxima cum verosimilitudine ac propemodum evidentiâ* Augustinum ejusque sodales inter suos numerare. Quibus si videre contigisset laudatam supra Eddii lucubrationem de S. Vvifridi vita (nondum enim eam e tenebris eruerat noster Mabillonius, cum hæc docti viri scriberent) remota omni dubitatione ac fluctuatione, S. Augustinum Anglorum Apostolum ejusque socios Benedictinæ familiæ adjudicassent.

Aliter sane sentit Johannes Mareshamus in propylæo ad Monasticum Anglicanum; qui licet fateatur maximam apud Anglos olim fuisse Regulæ S. Benedicti reverentiam, eandem tamen ab annotantum 965. in Anglicanis monasteriis receptam esse contendit, ob Synodi Cloveshoviæ ac venerabilis Bedæ hac de Regula silentium. Verum negantia hæc argumenta jam sufficienter diluimus, prolatis tum ex laudata Synodo, tum ex venerabili scriptore non dubiis de Benedictina Regula testimoniis. Aliunde vero ab historici veritate prorsus aberrat Mareshamus, cum ante seculum x. S. Benedicti Regulam Anglicanis monasteriis ignotam asserit; quod quam sit temere dictum, vel unus Johannes Diaconus ostendit lib. iv. vitæ S. Gregorii cap. 82. *Quod vero, inquit, Monachi, qui a Gregorio in Saxoniam (transmarinam scilicet seu Angliam) missi sunt, S. Benedicti Regulæ fuerint mancipati; inter alia etiam illud ostendit, quod ex ipsius*

VIII.  
Bollandianorum ea de re sententia.

IX.  
Mareshamus aliter sentiens refellitur.

VII.  
Aliud argumentum ex Regula S. Benedicti per Monachos Anglos in Germaniam delata.

discipulis vix potest in illis partibus Monachus inveniri, a quo non observetur tam in proposito quam in habitu Regula S. Benedicti. Scribebat Johannes Diaconus nono seculo, centum pene annis ante Concilium Vintoniense habitum an. 965. in quo de S. Benedicti Regula in Anglicanis monasteriis admittenda actum censet Mareshamus; & jam eo tempore ita passim S. Benedicti Regula in Angliæ monasteriis obtinuerat, ut vix in tota reperiretur Anglia vel unus Monachus, qui S. Benedicti leges non observaret. Neque vero id levius assertum a Johanne vitæ S. Gregorii scriptore suspicabitur, qui adducta supra ex Aldhelmo, Beda, Eddio, & Cloveshovienfi Concilio testimonia non oscitanter legerit. Præterea Johannem, ut de S. Gregorii rebus gestis, ac præsertim de Anglicana Ecclesia ab ejus discipulis fundata, gubernata, propagata scriberet, non perfunctoriam Anglicanarum rerum notitiam sibi comparasse constat: unde ignorare non potuit quibus adstringerentur legibus Angliæ monasteria. Verum de hoc argumento plusquam satis; maxime cum illud occupaverit doctissimus Mabillonius. Nunc ad S. Gregorium redeamus, de conversis Anglis in Domino exultantem, ac de absolviendo tanto opere sollicitum.

## CAPUT VIII.

I. Sanctus Gregorius debitas sibi pro Anglorum conversione laudes in alios regerit. II. Quantum floreret tunc religio in Anglia. III. Quædam recens conversis indulget Papa. IV. Idolorum templa christiano ritu consecrari jubet. V. Quas neophytis epulas, & agapas concesserit. VI. Augustinus frustra Britones dissidentes ad pacem invitavit. Qui pervicaciæ pœnas dant. Augustini obitus, & post obitum cul-

tus sacer. VII. Quantum ejus successores pro reconciliandis Britonibus & Scottis laboraverint. VIII. In Anglos christianos persecutio deservit. Quæ tandem sedatur. IX. Britones Ecclesiæ Romanæ doctrinam ritusque suscipiunt. Pro hodiernorum Anglorum conversione votum.

**A**cceptis quæ in Anglicana expeditione feliciter ab Augustino ejusque fratribus in dies gerebantur, Gregorius amicos suos ad gratias Deo pro tanto beneficio agendas litteris suis provocavit. Ad S. Eulogium, a quo nuper lætum de hæreticorum conversione, & de Catholicorum concordia nuntium acceperat, ita scribit: *Quoniam vere in bonis quæ agitis scio quod & aliis congaudetis, vestræ vobis gratia vicem reddo, & non dissimilia nuntio: quia dum gens Anglorum in mundi angulo posita, in cultu lignorum ac lapidum perfida nuncusque remaneret, ex vestra mihi orationis adjutorio placuit, ut ad eam monasterii mei Monachum in prædicationem transmittere Deo auctore debuissim.* Narrat postea quot quantisque miraculis Augustinus ejusque focii apud Anglos coruscarent; itaut Apostolorum virtutes, in signis quæ exhibebant, imitari viderentur. *Quod idcirco narravi, inquit, ut cognoscatis quid in Alexandrino populo loquendo, & quid in mundi finibus agitis orando. Vestra enim orationes sunt in eo loco ubi non estis, quorum operationes sanctæ monstrantur in eo loco in quo estis.* Sic debitas sibi laudes pro tanto opere deprecari conabatur humilis Pontifex, ac in quoslibet alios regerere.

Quam tunc floreret in Britannia religio christiana, his verbis exprimit: *Ecce lingua Britannicæ, quæ nil aliud noverat, quam barbarum fremdere, jam dudum in divinis laudibus Hebræum caput Alleluia resonare.* Ecce quondam tumulus, jam substratus

I.  
S. Gregorius laudes sibi pro Anglorum conversione debitas, in alios regerit. Lib. III. Ep. 30.

II.  
Quantum floreret tunc religio in Anglia. Moral. l. 27 num. 21.



tus Sanctorum pedibus servit Oceanus, ejusque barbaros motus, quos terreni principes edomare ferro nequiverant, hos pro divina formidine Sacerdotum ora simplicibus verbis ligant: & qui catervas pugnantium infidelis nequaquam metuerat, jam nunc fidelis humilium linguas timet. Quia enim perceptis celestibus verbis, clarescentibus quoque miraculis, virtus ei divine cognitionis infunditur, ejusdem divinitatis terrore refrenatur, ut prava agere metuat, ac totis desideriiis ad eternitatis gratiam pervenire concupiscat.

III.  
Quædam recens con-  
versis indul-  
get Papa.  
Lib. XI. Ep.  
64. in res-  
pons. ad 6.  
interrog.  
l. xiv. Ep.  
ulr.

Quædam tamen in gratiam neophytorum indulgit, quæ antiquitus receptæ in Ecclesia leges prohibebant; maxime de contrahendo intra certos consanguinitatis & affinitatis gradus matrimonio: ut paulatim Christi jugo assuescerent in ipso recens geniti: & a fide quam susceperat gens Anglorum, recedere non cogerent austeriora. Hanc rationem concessæ indulgentiæ affert ipse respondens Felici Messanensi Episcopo de hoc sacræ legis laxamento pene expostulanti. Sic summam in Ecclesia nactus auctoritatem, & premere & laxas dare habenas, ut e re videbatur, noverat Pontificum prudentissimus.

IV.  
Idolorum  
templa ritu  
christiano  
consecrari  
juber.  
Lib. XI. Ep.  
66.  
Ibid. Ep. 76.

Prius statuerat ut idolorum templa everterentur; qua de re etiam ad Edilbertum scripserat: sed mutato consilio satius putavit, ea destructis ejectisque idolis, aspersione aquæ benedictæ lustrare, atque ritu christiano consecrare, ut Angli nuper ad fidem vocati, familiarius ad loca consueta concurrerent.

V.  
Quas neo-  
phytis epu-  
las & agapas  
concesserit.  
Ibid. Ep. 79.  
Pag. 579.

Consuetudo erat Gentilium multos, cum suis idolis offerrent sacrificia, boves occidere, atque ex eis epulari. Quod ut in piam solemnitatem transferret sanctissimus Papa, annuit ut in die dedicationis Ecclesiæ, vel natalitio sanctorum Marty-

rum, quorum reliquiæ in novis templis conditæ fuerant, Angli nuper christiani facti tabernacula sibi, circa easdem Ecclesias quæ ex fanis erant commutata, de ramis arborum facerent, & religiosis conviviiis sollemnitatem celebrarent. Nam duris, inquit, mentibus simul omnia abscindere impossibile esse non dubium est: quia is qui locum summum ascendere nititur, necesse est ut gradibus vel passibus, non autem saltibus elevetur. Eadem pia industria usum olim legimus S. Gregorium cognomento Thaumaturgum erga neophytos, ut refert alter Gregorius Nyssenus dictus in ejusdem vita; quod idcirco judicavimus observandum, ne Gregorius noster illa Paganis nuper conversis ad fidem christianam concedendo & facile indulgendo, humanum aliquid passum esse ac secundum carnem sapuisse videatur. Hic una eademque serie quæcumque ad Anglorum conversionem annitente S. Gregorio facta, ad nascentis Anglicanæ Ecclesiæ constitutionem pertinebant contraximus, etsi diversis annis contigerint. Quæ tam faustis initiis successerint, breviter delineare, & ob oculos contracta ponere operæ pretium est.

Quamvis nihil antiquius haberet Augustinus, quam Anglos ad christianam fidem perducere, Britones tamen antiquos insulæ incolas, ad Ecclesiæ Romanæ unitatem, a qua penes nonnullos ritus dissilebant, revocare sollicitus fuit, coacta semel & iterum in hanc rem Synodo. Quibus reluctantibus, etsi quæ verbis prædicarat, miraculo confirmasset, *vir Domini fertur minitans prædixisse, quod si pacem cum fratribus accipere nollent, bellum ab hostibus forent accepturi*. Nec vaticinium effectum caruit; nam Edilfridus Northan-Humbrorum rex fortissimus, post Augustini obitum Britones ingenti strage profligavit; nec Sacerdotibus

VI.  
Augustinus frustra Bri-  
tones dissi-  
dentes ad  
pacem in-  
vitat.  
Eod. l. II. c. 2  
Qui per-  
caciæ po-  
nas dant.

a  
Ibidem.

Spelman.  
som. I. Con-  
cil.  
Angl. p. 93.  
Augustini  
obitus, &  
post obitum  
sacer cultus

pepercit, qui frequentes convenerant, maxime ex monasterio<sup>a</sup> Bancor, in quo tantus fertur fuisse numerus Monachorum, ut cum in septem portiones esset cum præpositis sibi rectoribus divisum, nulla harum portio minus quam trecentos homines haberet, qui omnes de labore manuum suarum vivere solebant. Hujus internecionis invidia Augustinum onerare conati sunt ex heterodoxis nonnulli, quasi ipse belli Britonibus inferendi Edilfrido auctor fuerit. Verum id minime apud Bedam, aut alios e veteribus legitur Scriptoribus. Immo cæcos eos, ipso jam multo ante tempore ad cælestia regna sublato, expresse docet venerabilis Beda. Quæ verba prætermisit quidem Alvredus in versione Saxonica; sed ea repræsentant exemplaria omnia Latina. Ad superos autem transit Augustinus an. 607. die 26. Maii, qui feriatu fuit apud Anglos hoc Synodi Cloveshoviensis ann. 747. decreto: *Septem-decimo constitutum est præcepto, ut dies natalitius beati Papæ Gregorii, & dies quoque depositionis (qui est septimo Kalend. Junii) S. Augustini Archiepiscopi & confessoris, qui genti Anglorum missus est a præfato Papa: scientiam fidei, baptismi sacramentum, & cælestis patriæ notitiam primus attulit, ab omnibus sicut decet honorifice venerentur: ita ut uterque dies ab Ecclesiasticis, & Monasterialibus feriatus habeatur; nomenque ejusdem B. Patris & Doctoris nostri Augustini in Letaniæ decantatione post sancti Gregorii vocationem semper dicatur.*

b  
VII.  
Quantum e-  
jus succel-  
lores pro  
reconcilian-  
dis Britoni-  
bus, & Scoto-  
ris labora-  
rint.

c

<sup>b</sup> Evocato ad superos Augustino, qui ab ipso ordinati fuerant Episcopi, Mellitus Londoniæ, Justus<sup>c</sup> Roffæ, & Laurentius ipsius in Dorovernensi Cathedra successor; de revocandis a schismate tum Britonibus, tum Scottis Hiberniæ insulæ habita-

<sup>a</sup> In Vvalla Angliæ provincia situm erat, & distingui debet ab alio ejusdem nominis monasterio in Ultonia Hiberniæ provincia posito, cujus S. Beraardus mentionem vide-

toribus plurimum fategerunt, scriptis ad eos Epistolis caritatem & humilitatem christianam spirantibus. Missæ ad Scottos seu Hibernos hæc erat inscriptio quam refert Beda: *Dominis carissimis fratribus Episcopis vel Abbatibus per universam Scotiam.* Ubi Episcopi & Abbates iidem fuisse videntur.

Nec minus pro novæ Ecclesiæ profectu, & incremento allaborarunt vigilantissimi Episcopi; at vita functis Regibus Edilbertho & Saberetho ejus sororis filio, qui christianam fidem impense coluerant & asseruerant, adeo grave bellum in Anglicanam Ecclesiam exarsit, moventibus persecutionem in fideles eorum successoribus, ut Mellitus & Justus in Galliam trajicere coacti sint; quos brevi sequi parabat Laurentius, nisi gravissima objurgatione acrioribusque flagellis ab Apostolo Petro fuisset deterritus. Adiens ergo Eadbaldum Regem, & inflicta sibi verbera ostendens, eum ad idololatriam cjurandam, amplectendamque christianam fidem, cui postea ex animo favit in omnibus, adduxit. Saberethi autem filii qui Mellitum, & quod prædicabat Evangelium rejecerant, perduellionis suæ pœnas dederunt, in prælio adversus Genissorum gentem cum omni exercitu cæsi. Revocati itaque ex Galliis ab Laurentio Mellitus & Justus, ad intermissum prædicationis opus redierunt. Hæc fusius apud Bedam.

S. Laurentio laboribus apostolicis & vita defuncto successor datus est Mellitus; Mellito postea successit Justus; Justo Honorius. Hunc excepit Deusdedit, post quem sedit Theodorus a Vitaliano Papa missus, qui Britones tandem ad Ecclesiæ Romanæ ritus omnes feliciter perduxit. Hic subsistendum putamus, ut ad

S. Gre-

tur in vita S. Malachii c. 6.

<sup>b</sup> Rochester apud Bedam vocatur, quod nomen adhuc retinet.

<sup>c</sup> De Castrò nota (44)

VIII.  
In Anglos  
christianos  
persecutio  
desavit.  
B. da ibid. c.  
5.  
Quæ itaq-  
dem sedatur.

IX.  
Britones  
Ecclesiæ  
Romanæ  
doctrinam  
ritusque sus-  
cipiunt.  
Pro Anglo-  
rum hodiernam  
conversionem vo-  
tum.



S. Gregorii gesta redeat oratio. Quæ de Anglorum conversione congestimus, recolant eorum posterii: interrogent Patrem suæ fidei S. Gregorium, & annuntiabit eis; majores Augustinum ejusque adjutores Monachos, & dicent ipsis, quam ab exordio fidem sint amplexi, quantam apostolicæ Sedi reverentiam exhibuerint & obedientiam, quibus olim usi sacramentis, quos ad Dei cultum ritus adhibuerint. Heu! altaria quæ illi erexerant, destruxerunt heterodoxi; & avitam catholicamque religionem, admittis omnibus erroribus & impietatibus, repulerunt. *Det Deus illis penitentiam ad cognoscendam veritatem; & respiciant a diaboli laqueis, a quo captivi tenentur ad ipsius voluntatem.*

2. Tim. 2. 25.

## CAPUT IX.

4n. 596. & I. Gregorii Decretum de Episcoporum hereditate. II. Ejus misericordia præsertim in captivis redimendis, III. Hujus redemptionis gratia vasa sacra distrabi laudat. IV. Quosdam Ecclesiæ famulos libertate donat. V. Schisma deserentium sustentationi providet. VI. Quæ tunc essent Ecclesiæ Romane opes & patrimonia. Plurimæ urbes ejus dominio subditæ. Priorum Rom. Pontificum largæ eleemosynæ. Quibus S. Gregorius addidit. VII. Ejus de residentia Episcoporum sententia. VIII. Clerici extranei sine dimissoriis Episcoporum suorum litteris non recipiendi. IX. De Missis privatis, & altarium pluralitate tempore S. Gregorii. X. Causæ etiam Episcoporum ubi judicandæ. XI. A quibus causæ Clericorum. Privilegia Ecclesiarum illibata servat S. Gregorius. De Ecclesiarum consecratione. XII. Quem in laudandis amicis modum tenuerit.

5970

Gregorius tanto labore ac studio in aggregandis colligendisque intra Ecclesiam iis qui foris erant, incumbens, nihil tamen de pastoralis sollicitudine remisit erga gregem jamdudum suæ curæ a summo Pastore commendatum. Periculum erat ne Episcopi proximorum cupiditati fervientes, eorumque pravis abducti consiliis, ex Ecclesiæ redditibus prædia, quæ ipsis hereditario relinquerent jure, compararent: unde eleemosynæ aut nullæ, aut parciore, in egenos. Id quidem a sacris legibus jam prohibitum fuerat; sed Johannes Ravennas Episcopus eas spreverat, & condito Testamento, diversa in Ecclesiæ suæ gravamina conscripserat; qua de re expostulantes Papam adierunt Presbyteri, Diaconi, omnisque Ravennæ clerus: a quo judicatum, <sup>b</sup> ut ea quæ de Ecclesiæ suæ, vel de acquisitis in episcopatu rebus contra legum statuta testamento sancivisset, hæc irrita censerentur; si quod autem de propriis rebus quas ante episcopatum habuit, quod quidem prius Ecclesiæ suæ non contulit, fieri voluit vel decrevit, firmum per omnia robur obtinere necesse est, inquit æquissimus Pontifex. Idem iterato postea decrevit, jussitque insuper Scholastico Defensori, ut a vestibus & a quibuslibet inventis in domo patris ejus Episcopi nuper demortui prorsus abstinere: volebat enim omnia quæ Episcoporum aliorumque Clericorum parsimonia pauperibus fortasse subtraxerat, eisdem postmodum cedere, egenorum vere pater.

I. Gregorii Decretum de Episcoporum hereditate.

a

Lib. vi. Ep. i

b

Lib. xi. Ep. 20.

Cum sciebat Episcoporum redditus ad pauperes alendos minime posse sufficere, libentissime quæ satis essent eis suppeditabat. Legenda Epistola ad Cyprianum, qua præcipit ut ex Ecclesiæ patrimonio quod re-

II. Ejus misericordia præsertim in redimendis captivis.

ge-

a Vide notas ad hanc Epist. b Idem etiam statuitur lib. ix. Epist. 77. Tom. XVI.

gebat, usque ad duo modiorum milia, si tot collegerit, Zenoni det

Lib. VI. Ep. 4.

a

Episcopo egenis distribuenda. Largum se præsertim ostendebat in redimendis captivis, cui pio operi strenue incumbere jubebat, quos Ecclesiæ negotiis præfecisset. <sup>a</sup> Ita scribit ad Anthemium Subdiaconum Campaniæ patrimonium curantem: *Quantus dolor, quantaque sit nostro cordi afflictio de his quæ in partibus Campaniæ contigerunt, dicere non possumus: sed ex calamitatis magnitudine potes ipse colligere. Ea de re pro remedio captivorum qui tenti sunt, solidos*

Ibid. Ep. 35.

*Experientiæ tuæ per horum portio- rem Stephanum virum magnificum transmisimus, admonentes ut omnino debeas esse sollicitus, ac strenue peragas, & liberos homines, quos ad redemptionem suam sufficere non posse cognoscis, tu eos festines redimere. Qui vero servi fuerint, & dominos eorum ita pauperes esse compereris, ut eos redimere non assurgant, & hos quoque comparare non desinas. Hoc etiam*

Lib. VII. Ep. 26.

*anno Crotona ad mare Adriaticum jacens, a Langobardis capta est; & multi viri ac multe mulieres nobiles in prædam ductæ sunt; & filii parentibus, parentes a filiis, & conjugibus divisi; quibus in libertatem restituendis, & propriam, & ab aliis oblatam pecuniam impendit piissimus pater.*

III.

Hujus redemptionis gratia distrahi vasa sacra laudabat. Ibid. VII. Ep. 23.

Pro redimendis captivis vasa sacra distrahi non solum permittebat, sed laudabat; ut ex plurimis ejus Epistolis liquet. Fortunatus Fanensis Episcopus copiam petierat eam vendendi, ut mutuam pecuniam quam captivorum redemptioni impenderat, solveret, cum alias solvendo non foret; cui rescripsit: *Quia Fraternitate vestra indicante comperimus ad redemptionem captivorum mutuam se fecisse pecuniam, & eam unde solveret non habere, atque ob hoc cum nostra vos auctoritate sacrata velle vasa*

*distrabere: in hac re, quia & legum & canonum decreta consentiunt, nostrum consensum præbere curavimus, & in distrabendis sacratis vasis vobis licentiam indulgemus. Hic annuit; at in alia præcipit, ad Donum Melanensem Episcopum scribens: Fraternitas vestra debet esse sollicita, ut si quidem de prædicta Ecclesia usuale argentum est, superscriptam quantitatem accipiat; alioquin de sacratis vos vasis hac in re eam quam prædiximus quantitatem præbere necesse est. Nam sicut omnino grave est frustra ecclesiastica ministeria venundare, sic iterum culpa est, imminente hujusmodi necessitate, res maxime desolata Ecclesiæ captivis suis præponere, & in eorum redemptione cessare.*

Ibid. Ep. 2.

Lib. VI. Ep.

2.

IV.

Quoddam

Ecclesiæ

famulos li-

bertate do-

nat.

Lib. VI. Ep.

12.

Lib. II. Ep.

10.

Eadem pietate ac munificentia quandoque Ecclesiæ Romanæ famulos de ipsa bene meritos libertate donabat, & cives Romanos efficiebat, concessio ipsis omni peculio, additis etiam donis. Hujusmodi manumissionis exemplum & formulam habes in Epistola ad Montanam & Thomam scripta. Solemniter ab Episcopis in Ecclesia celebrari manumissiones alibi nos docet, ad Paulum Episcopum scribens.

V.

Schisma de-

ferentium

sustentatio-

ni providet.

Ibid. Ep. 32.

& 47.

Misericordiam Gregorii præ cæteris experiebantur, qui a schismate aut ab hæresi ad Ecclesiam reversi, suos Gentiles adhuc in perduellione pertinacius hærentes patiebantur adversarios. Hanc sanctissimi & sapientissimi pontificis liberalitatem imitatus Ludovicus Magnus Francorum Rex Christianissimus, annuis pensionibus fovere curavit erroris Calviniani sectatores, ad Ecclesiæ sinum reversos; ut in piæ matris gremio eadem saltem vitæ necessaria nanciscerentur, quæ noverca hæresis prius abunde suppeditabat.

VI.

Quæ tunc

essent Ec-

clesiæ Ro-

manæ opes,

& patrimo-

nia.

Cum multoties jam de effusa in omnes S. Gregorii liberalitate verba fecerimus, operæ pretium est paucis

osten-

a Vide etiam lib. VII. Ep. 24. 28.



ostendere quæ tunc essent Ecclesiæ Romanæ opes, unde ad sumtustantos & pene immensos hauriret. Multa & maxima jam a priscais temporibus latifundia possidebat in toto orbe Christiano Ecclesia hæc cæterarum princeps, quæ S. Petri patrimonialia vocabantur. Nota sunt ex sancti Pontificis Epistolis Africanum; Siculum multiplex, ut ex Epist. 44. lib. 1. & ex plurimis ad Siciliæ defensores & rectores missis, quas in indice geographico sub Siciliæ titulo collegimus, manifestum est; Corsicum, Dalmaticum, Gallicanum. De iis quæ intra Italiam, in Campania præsertim Ecclesia Romana possidebat loqui foret supervacaneum. Amplissimas possessiones a Constantino Magno concessas auguramur, cujus in ditandis Ecclesiis munificentiam præsertim laudat Eusebius in ejus vita.

Plurimæ urbes ejus dominio subditæ.

Nepestinam civitatem in Etruria juri Romani Pontificis subditam fuisse conjicimus ex Ep. 11. libri secundi, qua Leontio viro clarissimo curam sollicitudinemque civitatis injunctam a se fuisse significat, ut in cunctis invigilans, quæ ad utilitatem civium, vel Reipublica pertinere dignoscet, ipse disponat. Eadem Epistola clerum, ordinem Senatorium, & plebem urbis hujus admonet, ut a se constituto Præfecto in omnibus obedientiam exhibeant: Quia quisquis, inquit, incongrue ordinationi ejus restiterit, nostræ resultare dispositioni cognoscetur. Quicumque vero eum in iis, quæ supra retulimus, audierit, nos audiet. Si quis autem, quod non credimus, eum post hanc admonitionem nostram contemnendum putaverit, ad suum proculdubio sciat pertinere periculum. Qua auctoritate

& potestate Gregorius, tum Leontio viro clarissimo custodiam Nepefinæ urbis demandasset, tum civibus ut ipsi obsequerentur, additis etiam minis præcepisset, nisi juris fuisset Ecclesiæ? Ad eandem pertinuisse Hydruntum & Callipolitanum castrum aliunde colligitur. Id quoque dicendum de Neapoli, cum legamus Papam ad hujus civitatis custodiam Tribunum deputasse, ac militibus qui in hujus urbis præsidio erant, imperasse; non alia proculdubio ratione, quam quia ejus dominio foret <sup>a</sup> subdita, non excusso tamen penitus Imperatorum jugo. Iamdiu antea summos Pontifices ad amplissimam dignitatem evectos fuisse, testis est Ammianus Marcellinus; quam etiam suæ præferendam non dubitaret Prætextatus Urbis Præfectus; etsi secularis tantum potestatis rationem haberet.

Lib. 1x. Ep. 99. 100.  
Lib. 11. Ep. 31.

Lib. xxvii. c. 3.

Dionysius Corinthiorum Episcopus, qui seculo secundo inclinante floruit, ita scribit ad Romanos, & ad Soterem Papam, apud Eusebium: Hæc, inquit, vobis consuetudo est, jam inde ab ipso religionis exordio, ut fratres omnes vario beneficiorum genere afficiatis, & Ecclesiis quamplurimis, quæ in singulis urbibus constituta sunt, necessaria vitæ subsidia transmittatis; & hac ratione tum egentium molestiam sublevatis, tum fratribus qui in metallis opus faciunt necessaria suppeditatis... Atque hunc morem beatus Episcopus vester Soter non solum servavit, verum etiam adauxit. Alter Dionysius, scilicet Alexandrinus in Epistola Stephano Papæ medio circiter seculo tertio nuncupata, <sup>b</sup> testatur ipsum omnibus Syriæ provinciis cum Arabia, necessaria suppeditare solitum; quæ omnia

Priorum Rom. Pontificum largæ elemosynæ.  
Lib. 1v c. 23.

libid. Lib. vii. c. 5.

R. 2                      mnia

<sup>a</sup> Vide lib. 1x. Ep. 69. ubi arguit Maurerentium magistrum militum, quod Episcopum Neapolitanum ea quæ patroni erant hujus urbis usurpantem non cohiberet: non alia, ut opinamur, ratione, quam quia dominium temporale Neapolis ad Rom. Sedem

pertinebat. In Ep. 105. Ejusdem libri vocatur Major Urbis, qui dicitur hic Patronus Gallicæ Maire.

<sup>b</sup> Vide quoque Ep. 220. S. Basilii magni ad Dionysium Papam.

maia tum summæ potestatis, tum optime dispensatæ sunt argumenta. Piam hanc in sublevandis egenis decessorum suorum consuetudinem adeo non abrogavit, vel imminuit Gregorius, ut etiam auxerit plurimum.

Quibus Gregorius addidit.

Inter inopes quibus libentissime necessaria ministrabat, numerat tria Monialium millia in urbe Roma; neque vero sibi ab ipsis quidquam ob tam amplas eleemosynas deberi putabat; quin potius se Romanosque omnes iisdem debitores esse profitebatur: *Harum, inquit, talis vita est, atque in tantum lacrymis, & abstinentia districta, ut credamus quia si ipse non essent, nullum nostrum jam post tot annos in loco hoc subsistere inter Langobardum gladios potuisset.*

VII. Eius de re. fidentia Episcoporum sententia. Lib. VI. ep. 23. Lib. VII. ep. 22.

Quo suis ovibus præsto semper adessent pastores, ut quæque ad vitam, sive animæ, sive corporis forent necessaria suppeditarent, eos ab Ecclesiis suis abesse, aut vagari non sinebat. Quapropter cum audisset Pimenium Amalphitanum Episcopum, in Ecclesia sua non residere, de ipso minacibus litteris ad Anthemium scripsit, ut eum ad residendum sacerdotali more cogeret; si vero non emendaretur, eum in monasterium detruderet. Episcopalis residentiae gratia, Siciliæ Episcopis indulgit ut unoquoque quinquennio tantum semel Romanam convenirent, cum prius singulis trienniis sistere se cogerentur; qua in re ipsorum etiam labori minuendo consulebat. Felix Messanensis Episcopus magno videndi Gregorii desiderio flagrabat: sed quia ex diuturna forsitan absentia pastoris, grex ipsius aliquid damni pati potuisset, rogavit amicum ne tanti itineris laborem assumeret: *Sed ora, inquit, pro nobis, ut quanto nos itineris intervalla dissociant, tanto animis nostris*

Lib. I. ep. 46.

*ad invicem Christo adjuvantē, sinus in caritate conjuncti.*

Non solum Episcopos, sed etiam Presbyteros & alios Clericos fixos in suis Ecclesiis permanere, non de parochia in parochiam migrare, ac vagari volebat, quod etiam Ecclesiæ canonibus cautum erat. Si qui vero Episcopi extraneorum Clericorum nonnullos, in suo clero promovendos, & certis ministeriis addicendos postularent, eos prius admittere debebat proprius Episcopus, facta cessione; nec citra ipsius consensum poterat incardinari. Ipsi etiam qui in Episcopos electi fuerant, hujusmodi litteris, ut ajunt, dimissoriis Episcopi sui indigebant ut ordinarentur. Eadem quoque ratione Monachos absque Abbatis sui consensu ab Episcopis assumi ad presbyteratum, aut alia ecclesiastica munia obeunda prohibitum erat. Ubi adverte quantus hac in parte sit hodiernæ cum disciplina veteri consensus.

VIII. Clerici extranei sine dimissoriis Episcoporum litteris non recipiendi.

a

Lib. VI. ep. 20. Lib. V. ep. 17. Lib. VI. ep. 23.

Hanc ipsam consensionem juvat ostendere in Missis privatis, & in altarium multitudine intra eandem Ecclesiam, ut refellantur heterodoxi de novitate litem importune nobis moventes. Johannes Episcopus Syracusanus Venantii Patricii oblationes repulerat, quod ille indigne ferens hostiliter in episcopium armatos immisit satellites. Hæc ubi accipit Papa, scripsit ad Venantium de injuria Episcopo illata expostulans; cum ob notam gravitatem, sanctitatem & mansuetudinem, a vi & insultatione tanta tutus esse debuisset. *Unde necesse est, inquit, ut & vos sacerdotalem illi reverentiam exhibere, sicut decet filios, debeatis: nec ejus ad iracundiam animos provocetis. Nam cum quo fidam estis gratiam habituri, si vobis, quod absit, cum Sacerdote fuerit discordia? Alia Epi-*

IX. De Missis privatis & alterum pluralitate tempore S. Gregorii. Lib. IV. ep. 43.

Ibid. ep. 44.

stola

a S. Leo Ep. 12. c. 9. *Alienum Clericum, invito Episcopo ipsius, nemo suscipiat. Ibid. Transfugam Clericum ad suam Ecclesiam Metropolitanus redire compellat. Et Ep.*

13. c. 4. *Ut nullus Episcopus, alterius Episcopi Clericum sibi audeat vendicare, sine illius ad quem pertinet cessione, quam tam evidenter scripta continent.*



stola Johannem ad concordiam & pacem cum Venantio habendam hortatus est; cuius gratia placuit Gregorio non solum ut Patricii oblationes susciperet, sed etiam ut in domo ipsius Missarum peragi Mylteria permetteret; immo etiam ipse, si voluerit Venantius, celebraret. Quippe ob hæc duo denegata ortum præsertim hoc jurgium. Quis nisi lippus hic non videat clare usitatas & approbatas Missas privatas, & in privatis ædibus?

*Ibid. ep. 45.*

Quod spectat ad altarium pluralitatem intra ejusdem Ecclesiæ septa, eruitur ex Epistola hoc anno quoque scripta ad Palladium Santonensem in Galliis Episcopum. Construxerat ille Ecclesiam in honorem beatorum Apostolorum Petri & Pauli, sanctorum Laurentii & Pancratii martyrum; in qua tredecim altaria collocarat, miseratque Romam Leuparicum Presbyterum, ad petendas sacras reliquias, in quatuor altaribus nondum dedicatis ponendas. Annuit pius Pontifex, militque Palladio laudatorum Apostolorum ac Martyrum reliquias, quas summa cum reverentia suscipi & collocari postulavit. Consulat studiosus lector notas ad hanc Epistolam, ex quibus discet longe ante Gregorium plurima erecta esse altaria. Etsi vero Græcorum hodiernus mos hanc altarium multitudinem non admittat, olim tamen ab ipsis minime reprobata esse ostenditur ex Theodoro Studita Epist. 219.<sup>a</sup> interrogat. 15. Ex altaris voce, si cum heterodoxis digladiandi esset animus, facile urgeri possent; quippe altare Græce *θυσιαστήριον*, sacrificium & hostiam in lege nova cogit admittere, quod tamen procul rejiciunt. Altaris autem vox in scriptoribus Apostolorum supparibus frequentatur. Unus pro omnibus sit

Martyr Ignatius: Omnes, inquit in Ep. ad Magnes. n. 7. *velut in unum templum Dei concurrite, velut ad unum altare.* Et in Ep. ad Trall. num. 7. *Qui intra altare est, mundus est; qui vero extra altare est, non est mundus.* Accinit b Paulo & Johanni Apostolis, apud quos, etiam post reprobata vetus altare, sæpe altaris alterius occurrit mentio. Sed his omisis, ad reliqua S. Gregorii gesta huic anno debita festinemus.

Summa ejus in supremi Pontificatus administratione modestia elucet in Epistola ad Columbum in Numidia Episcopum. Petrus hujus provincie quondam Episcopus, ut aiebat, adierat Sedem apostolicam, ejusque judicium postulaverat. Sed quia, inquit sapientissimus Papa, *causæ ipsius interna subtiliter nequaquam addiscere tam longo itineris intervallo disjuncti potuimus, eam, incerti quippe, definire nequivimus.* Quapropter optimum ei visum est ut Columbus Episcopus judex sederet inter Petrum & ejus accusatores, *quia præsens causam subtilius poterat scire.* Aliquando etiam accusatos Episcopos, ut se purgarent, regiam urbem petere & Imperatori se sistere permittebat.

Quam strenue jura Episcoporum propugnaret, probat Epistola ad Fortunatum Neapolitanum Episcopum, cujus hæc verba sunt: *Quia pervenit ad nos Clericos aliasque civitatis ac parochiæ tuæ religiosas personas ab aliis conveniri, fieri hoc de cætero prohibemus: & neque Clericum tuum, neque Monachum vel quumlibet civitatis aliam religiosam personam parochiæ tuæ conveniri a quocumque, vel ad alterius volumus judicium exhiberi. Sed si quis contra hujusmodi personas cujuslibet negotii movere voluerit questionem, Fraternitatem tuam noverit adeundam. Aut si for-*

b

X.  
Causæ etiam Episcoporum sibi iudicandæ.  
Lib. vi. ep. 37.

XI.  
A quibus causæ Clericorum.  
Ibid. ep. 11.  
Lib. vii. ep. 2.

a Sunt Ecclesiæ, inquit Theodorus, quæ duas aut tres habeant adicular. (græce *ἀνῳχᾶς*) Ex his autem una est quam nemo

occupavit, utrum fas ibi sacrum facere an non.

b Hebr. 13. 10. Apoc. 6. 9.

si forte, ut assolet, aliqua illis quolibet modo fuerit nata suspicio, & electorum desideraverint fortasse iudicium, sub tua executione eligendi fas habeant cognitores; quatenus hoc modo nec tu amisisse jurisdictionem, nec actor apud suspectum litigando videatur præiudicium suscinere. Hæc exscribere non piguit, quod iudiciorum Ecclesiasticorum formam continere videantur.

Privilegia  
Ecclesi-  
arum illibata  
servat S.  
Greg. Igid.  
ep. 9. & 18.

Ut Episcoporum, ita Ecclesiarum jura & privilegia illibata permanere volebat æquissimus Pontifex, ut palam profiteretur, ad Donum Messanensem & Johannem Syracusanum Episcopum Pallium mittens. In Epistolis ad utrumque missis quæ sunt omnino similes, deprehendere mihi videor communem & usitatam Pallii concedendi formulam.

De Ecclesia-  
rum conle-  
gratione.

Notatu dignum est nullas Ecclesias provinciarum Siciliæ & Italiæ, Romano Pontifici tamquam Metropolitano subditarum, tunc fuisse consecratas absque ipsius licentia; quod non solum ex <sup>a</sup> Epistola 45. hoc anno scripta eruitur, sed etiam ex aliis plurimis. In <sup>b</sup> baptisteriis consecrandis eadem erat ratio.

XII.  
Quem in  
laudandis  
amicis no-  
dum tenuerit.  
Lib. 6. ep. 56.

Exemplum nobis præbet modi in laudandis amicis tenendi Epistola ad Stephanum Abbatem Lirinensem scripta. De concordia ejus congregationis, in qua plures erant Presbyteri & Diaconi, certiore fecerat Papam Augustinus Roman rediens. Quanto cum gaudio id acceperit Gregorius testatur, Stephanum Abbatem amicis compellens litteris, laudatque ejus vigilantiam, & pro donis ab eo acceptis ad ministerium pauperum gratias agit. Attamen præmissis laudibus subdit hanc adhortationem: *Quia vero humani generis inimicus insidiari nostris actibus non quiescit, sed assidua calliditate hoc nititur, ut Deo servientes animas in qualibet*

parte decipiat: ideo, dilectissime Fili, hortamur ut sollicitudinem tuam vigilantanter exerceas, & ita commissos oratione & cura providenti custodias, ut lupus circumiens nullam dilanandi occasionem inveniat.

## CAPUT X.

I. Cyriacus Patriarcha CP. mittit ad An. 596. & S. Gregorium legationem & Epistolam. Cui respondet. II. Cyriaci encomium. III. Corripiuntur qui sacram Scripturam usurpant ad eum laudandum. IV. Legati Cyriaci erroris arguentur a Papa. V. Fabula de Trajano S. Gregorii precibus liberato inde explosa. Sed præsertim ex Dialogis. VI. Objectiones contra pœnarum inferni æternitatem solvantur. VII. Cur finita culpa puniatur sine fine. VIII. Cur Sancti pro damnatis non orent. Eadem ratione probatur S. Gregorium orare non potuisse pro Trajano. IX. Johannis Diaconi effugium exploditur. X. Petite ex S. Perpetuæ actis objectioni occurritur.

ET si Johannes CP. e vivis excessisset mense Januario an. 595. ut jam supra monuimus, ejus tamen successoris Cyriaci legationem & Epistolam Synodicam, de sua electione ac ordinatione scribentis, nonnisi post viginti fere menses excepit S. Gregorius. Cyriaci Epistolas honoris causa detulerunt Georgius Presbyter, & Theodorus Diaconus. His respondens Papa, laudat quidem Cyriacum pro amore quietis pastorem sollicitudinem fugisse, sed inde probat ipsum ad episcopalem promovendum fuisse dignitatem: *Quia sicut locus regiminis desiderantibus negandus est, ita fugientibus offerendus.* Monet itaque internæ tranquillitati caritatem erga proximum esse

I.  
Cyriacus  
Patri. CP.  
mittit ad S.  
Greg. Lega-  
tos & Epi-  
stolam.  
Cap. 1. n. 15.  
Cui respon-  
det.  
Lib. VII.  
ep. 4.

<sup>a</sup> Lib. VI. Ep. 45. lib. XIII. Ep. 11. lib. XIV. Ep. 9.

<sup>b</sup> Lib. XIII. Ep. 20.



se præferendam, quod suo quoque ostendit exemplo; & qua ratione caveri possit ne curæ Pastoris animum penitus obruant, docet. Quod spectat ad fidei confessionem a Cyriaco datam, ipsam approbat Papa; dubitat nihilominus utrum quidam

Eudoxius inter hæreticos a quatuor Synodis œcumenicis damnatos referri debuerit; at ejus dubitationem & hæsitacionem postea iustulit Eulogius. De œcumenici titulo respondendo quædam attingit.

In alia breviori ad Cyriacum Epistola testatur ipsius bona jampridem sibi perspecta, dum scilicet in urbe regia moraretur. Animo despondentem ex infirmitatis conscientia, erigit dicens: *Scimus quia prima virtus est cognitio infirmitatis, atque ex eo colligimus posse vos bene susceptum ministerium implere, quia vos videmus infirmitatem propriam ex humilitate cognoscere. Omnes enim infirmus sumus, sed ille est infirmior, qui suam considerare non valet infirmitatem.*

De Cyriaci electione gratulatus est Imperatori vir sanctissimus, quod de optimo Pastore Ecclesiæ Constantinopolitanæ dando adeo fuerit sollicitus. Quædam ex Epistola ad Mauricium subjiciemus, ex quibus intelligetur quis esset Cyriacus, & qua ratione tardius Johanni, qui non parum laudatur, fuerit successor datus: *Non parvæ, inquit, potuit esse mercedis, quod Johanne sanctæ memoriæ de hac luce substracto, ad ordinandum Sacerdotem Pietas vestra diu hæsitavit, tempus paulo longius distulit, cum metu omnipotentis Domini consilium quæsit, ut videlicet causa Dei cum magno debuisset timore disponi. Unde & aptum valde existere in pastoralis regimine fratrem atque consacerdotem meum Cyriacum existimo, quem ad eundem ordinem Pietatis vestræ consilia longagenuerunt. Qui in administrandis dudum rebus*

*ecclesiasticis quam sollicitus & quomodo fuerit exercitatus, cuncti novimus. Unde & superna gestum dispensatione non ambigo, ut qui bene minima gesserat, congrue majora susceperet, atque a cura rerum, ad animarum regimina transfiret.*

In ordinatione Cyriaci, Episcopi quidam immoderatus exultantes exclamarant; *Hec dies quam fecit Dominus; exultemus & lætemur in ea.* Quasi sol esset hic Patriarcha cujus lumine dies illuxisset. Hanc verborum sacræ Scripturæ usurpationem, in sermone adulatorio prorsus damnavit S. Gregorius, uti suis ad illos Episcopos litteris significavit. Ne vero putaretur zelotypia laborasse, laudesque Cyriaco collatas ad se potius trahere voluisse, statim culpam immoderatæ laudationis hujus elevare conatur. Quantum autem alienus esset a nimis & immodicis; immo a quibuslibet laudibus appetendis & aucupandis, certe millies, & hoc præsertim anno testatum reliquit, dum redarguit Johannem Syracusanum Episcopum ob adhibitam suæ mensæ coram extraneis lucubrationum suarum lectionem.

Legati Cyriaci, testibus Ecclesiæ Rom. Diaconis, dixerant, *Jesum Christum ad inferos descendantem, omnes qui illic confisterentur eum Deum, salvasse atque a penis debitis liberasse.* De qua re, inquit S. Doctor, volo ut Caritas vestra longe aliter sepiat. Descendens quippe ad inferos, solos illos per gratiam suam liberavit, qui eum & venturum esse crediderunt, & præcepta ejus vivendo tenuerunt. Constat autem quia post incarnationem Domini, nullus etiam ex his salvari potest, qui fidem illius tenent, & vitam fidei non habent; quod multis sacræ Scripturæ testimoniis demonstrare pergit.

Solus hic locus sufficeret ad explodendam fabellam de Trajano ab

III.  
Corripitur qui sacram Scripturam usurpant ad eum laudandum.  
Pp. 217. 24.  
Ibid. ep. 7.

Ibid. ep. 9.

IV.  
Legati Cyriaci erroris arguuntur a Papa.  
Ibid. ep. 15.

V.  
Fabula de Trajano S. Gregorii precibus liberato inde explosa.

infernî pœnis Gregorii precibus liberato, quam referunt Paulus & Johannes Diaconus in ejus vita lib. II. c. 44. Quid enim? potuit scilicet pro Trajani cultoris idolorum, Christianorumque persecutoris usque ad mortem liberatione preces ad Deum fundere, qui noverat, trahi ad Deum post mortem non posse, qui se a Deo male vivendo separasset? Id enim conceptis verbis dicit egregius Doctor. Sed longe validius refellitur commentum hoc ex asserta in Dialogis doctrina lib. IV. cap. 44.

Sed præsertim ex Dialogis.

Quæstio eo loci proposita, est: Si semper ardeant qui gehennæ incendiis deputantur? ad quam respondet Sanctus Gregorius: Constat nimirum, & incunctanter verum est, quia sicut finis non est gaudii bonorum, ita finis non erit tormento malorum. Nam cum Veritas dicat: ibunt impii in supplicium æternum, justî autem in vitam æternam: quia verum est quod promissit, falsum proculdubio non erit quod minatus est Deus.

Mat. 25. 46.

VI.  
Objectiones  
contra præ-  
sentem in-  
ferni æter-  
nitatem sol-  
vuntur.

Petrus his opponit: Quid si quis dicat: idcirco peccantibus æternam pœnam minatus est, ut eos a peccatorum perpetratoe compesceret? At illa diluit S. Doctor respondens in hæc verba: Si falsum est quod minatus est, ut ab injustitia corrigeret: etiam falsa est pollicitus, ut ad justitiam provocaret. Sed quis hoc dicere vel insanus præsumat? Et si minatus est quod non erat impleturus, dum asserere eum misericordem volumus, fallacem, quod dici nefas est, prædicare compellimur.

VII.  
Cur finita  
culpa puni-  
atur sine  
fine.

Petrus hac responsione sibi factum satis intelligens, alium nodum proponit solvendum: Scire vellem, inquit, quomodo justum sit, ut culpa quæ cum fine perpetrata est, sine fine puniatur. Cui respondet sapientissimus magister, hoc recte diceretur, si districtus judex non corda hominum, sed facta pensaret. Iniqui enim ideo cum fine deliquerunt, quia cum fine

vixerunt. Nam voluissent utique si potuissent sine fine vivere, ut potuissent sine fine peccare. Ostendunt enim quia in peccato semper vivere cupiunt, qui nunquam desinunt peccare dum vivunt. Ad magnam ergo justitiam judicantis pertinet, ut nunquam careant supplicio, qui in hac vita nunquam voluerunt carere peccato. Egregia sane ratio qua pœnarum probetur æternitas, adversus religionis contemtores, qui solent hoc de dogmate, ut liberius peccent, cavillari. Petrus tamèn argumenti hujus pondere nondum oppressus, adhuc subtilius instat: Sed nullus justus crudelitate pascitur; & delinquens servus a justo domino idcirco cædi præcipitur, ut a nequitia corrigatur. Ad hoc ergo vapulat, ut emendari debeat. Iniqui autem gehennæ ignibus traditi, si ad correctionem non perveniunt, quo fine semper ardebunt? Respondet vero Doctor discipulo: Omnipotens Deus, quia pius est, miserorum cruciatu non pascitur: quia vero justus est, ab iniquorum ultione in perpetuum non sedatur. Sed iniqui omnes æterno supplicio deputati, sua quidem iniquitate puniuntur, & tamen ad aliquid ardebunt, scilicet, ut justî omnes, & in Deo videant gaudia quæ percipiunt, & in illis respiciant supplicia quæ evaserunt: quatenus tanto magis in æternum gratiæ divinæ debitorcs se esse cognoscant, quanto in æternum mala puniri conspiciunt, quæ ejus adjutorio vicerunt.

Ista perpendenti quonam pacto venire potest in mentem, Gregorium ita sapientem, ita docentem, preces aliquando fuisse pro Trajano Imperatore, quem ob infidelitatem, & motam in Christianos persecutionem (ut alia interim dissimulemus) æternis pœnis addictum non dubitabat? At quæ sequuntur, ne leviusculam quidem relinquunt ea de re difficultatem. Quærit enim Petrus:

Cur Sancti  
pro damna-  
tis non o-  
rent.

Et



Diac. effu-  
gium explo-  
ditur.

Et ubi est quod sancti sint, si pro inimicis suis quos tunc ardere vident, non orabunt, quibus utique dictum est: Pro inimicis vestris orate? Cui respondet ita sapientissimus Doctor: Pro inimicis suis orant eo tempore, quo possunt ad fructuosa pœnitentiam eorum corda convertere, atque ipsa conversione salvare. Quid enim aliud pro inimicis orandum est, nisi hoc quod Apostolus ait: Ut det illis Deus pœnitentiam ad cognoscendam veritatem, & respiciant a diaboli laqueis, a quo captivi tenentur ad ipsius voluntatem? Et quomodo pro illis tunc orabunt, qui jam nullatenus possunt ad justitiæ opera ab iniquitate commutari? Eadem itaque causa est, cur non oretur tunc pro hominibus igni æterno damnatis, quæ nunc etiam causa est, ut non oretur pro diabolo Angelisque ejus æterno supplicio deputatis. Quæ nunc etiam causa est ut non orent sancti homines pro hominibus infidelibus impiisque defunctis, nisi quia pro eis utique quos æterno deputatos supplicio jam noverunt, ante illum Judicis justis conspectum orationis suæ meritum cassari refugiunt. Quod si nunc quoque viventes justis mortuis & damnatis injustis minime compatiuntur, quando adhuc aliquid judicabile de sua carne sese perpeti etiamsi ipsi noverunt; quanto districtius tunc iniquorum tormenta respiciunt, quando ab omni vitio corruptionis exuti, ipsi jam justitiæ vicinior atque arctius inhaerebunt? Sic quippe eorum mentes per hoc quod justissimo Judici inhaerent, vis districtioris absorbet, ut omnino eis non libeat quidquid ab illius æternæ regulæ subtilitate discordat.

Hæc legenti num dubia aut obscura esse potest S. Gregorii sententia, tum de pœnarum inferni æternitate, tum de negandis precibus iis quos citra ullam hæsitacionem sci- mus hujusmodi pœnis addictos?

Ut vim argumenti hujus eludat  
Tom. XVI.

aut elevet Johannes Diaconus, hoc excogitavit effugium: Nempe Gregorium pro Trajano liberando non exorasse, sed flevisse. Quasi lacrymæ coram Deo fusæalicujus rei obtinendæ gratia, preces non sint, & quidem efficacissimæ. Addit Trajanum ita liberatum fuisse ab inferni cruciatibus, ut in inferno tamen remanserit, non autem sit evehctus ad superos. At sancti Doctoris ratiocinatio, uti & testimonia omnia sacre Scripturæ ab ipso prolata, non solum probant æternam damnatorum in inferno mansionem, sed etiam exustionem. Neque fingere licet S. Doctorem duplicem habuisse diversis temporibus de hac quæstione sententiam; nam primo non potuit ignorare quæ esset sacrarum litterarum Ecclesiæque hac de re doctrina: secundo constanter idem in omnibus pene operibus, diversis licet temporibus elucubratis; nimirum in Moralibus lib. 34. n. 34. in Dialogis, & in Epitola jam laudata, quæ huic dissertatiunculæ occasionem præbuit, ob errorem Legatorum Cyriaci in ea refutatum. Cæterum opinionem hanc quæ Origeni tribui solet, impugnant jam Augustinus & Basilus Magnus.

Quod legitur in actis S. Perpetuæ, nimirum illam pro fratre Dinocrate orasse, sicque ipsum a pœnis quibus in loco tenebroso plectebatur liberasse, minime favet opinioni quam post Gregorium impugnamus. Probat enim tantummodo mortuos purgatorii cruciatibus addictos ob levia peccata post baptismum admissa, posse fidelium precibus ab iis eximi. Quam responsionem suppeditat Augustinus lib. 1. de origine animæ c. 10. & lib. 111. c. 9. ubi ait Dinocratem propter peccata quædam commissa post baptismum aliquas pertulisse pœnas. Quippe cum septennis esset, potuit mentiri, aut alio levi piaculo animam maculare. Quod au-

Lib. xx1. de  
civ. Dei c.  
11 Reg. brv.  
94. 267.X.  
Objectiones  
ex actis S.  
Perpetuæ  
petit oc-  
currunt.  
Ad Marcyro  
in S. Perpet.  
n. 7. & 8.  
pag. 89. &  
97.

Matt. 5. 44.

2. Tim. 2. 2.

Eadem ra-  
tione proba-  
tur sanctum  
Gregorium  
pro Trajano  
non potuisse  
orare.IX.  
Johannis

tem antè mortem fuisset baptizatus negari nequit, Perpetua ipsa testante totam familiam suam, excepto patre, Christi coluisse religionem.

## C A P U T XI.

An. 596. &  
597.

I. S. Gregorius in moribus efformandis doctor eximius. Quid doceat contra nimiam securitatem & de duplici compunctione. II. Theoctistæ sororis Imperatoris pietas. III. S. Gregorius amicis denegat opem ad obtinenda secularia officia. IV. Quales amicis morientibus adhiberet consolatione. V. Laudat laicos divini verbi cibum quarentes. VI. Ariminensi Episcopo infirmo successor datur. VII. Et Corneliensi ob lapsum dejecto. Laudatur a Greg. Stephanus Episcopus. VIII. Res quedam monastica. IX. Insulæ Corsicæ prospicit Papa. X. Quedam de servilium personarum conjugio observantur.

I.  
S. Gregorius  
in moribus  
efformandis  
doctor exi-  
mius.  
Lib. vii.  
Ep. 25.  
Quid do-  
ceat contra  
nimiam se-  
curitatem.  
1. Cor. 12.  
1. Cor. 9. 27.

**M**OX vidimus S. Gregorium Theologorum optimum pro fidei puritate ac integritate fortissime decertantem; nunc miremur ipsum tamquam in moribus informandis magistrum eximium pietatis perfectionisque Christianæ exquisitissima subministrantem consilia. Gregoria Augustæ cubicularia scripserat ei se nunquam ab importunis precibus cessaturam, donec ab ipso certo sciret, nimirum ex divina revelatione, peccata sua esse dimissa. Cui sic respondit modestissime simul ac prudentissime: Rem difficilem etiam, & inutilem postulasti. Difficilem quia ego indignus sum cui revelatio fieri debeat. Inutilem vero, quod secuta de peccatis tuis fieri non debes, nisi cum jam in die vite tuæ ultimo plangere eadem peccata minime valebis. Quæ dies quousque veniat semper suspecta, semper trepida metuere culpas debes, atque cas quotidianis fletibus lavare. Certe Paulus Apostolus jam ad ter-

rium cælum ascenderat, in paradysum quoque ductus fuerat, arcana verba audierat, quæ homini loqui non liceret: & tamen adhuc trepidans dicebat: Castigo corpus meum, & servituti subijcio, ne forte aliis prædicans, ipse reprobus efficiar. Adhuc timet qui jam ad cælum ducitur, & jam timere non vult qui adhuc in terra conversatur? Perpende, dulcissima Filia, quia mater negligentiae solet esse securitas, Habere ergo in hac vita non debes securitatem, per quam negligens reddaris. Scriptum est enim. Beatus vir qui semper est pauidus. Et rursus scriptum est: Servite Domino in timore, & exultate ei cum tremore. In paucis ergo hujus vite tempore mentem vestram necesse est ut tremor teneat, quatenus per securitatis gaudium sine fine postmodum exsultet.

Psalm. 2. 11.  
Prov. 28. 14.

Quid opportunius hoc loco, ad exsufflandas larvatas cujusdam pietatis fallacias, quæ sub mentito purioris amoris nomine omnem timorem de salute æterna, sollicitudinem omnem excutit? In Epistola quidem ad Theoctistam Patriciam, quæ proxime sequitur, explicat Sanctus Doctor duo genera compunctionis, unum quod æternas pœnas metuit, alterum quo longa mœroris formidine & anxietate consumpta, quædam jam de præsumptione veniæ securitas nascitur. At hic status non excludit omnem salutis curam; neque enim adest plena securitas, sed incoata, non omnem expellens timorem sed nimis anxium. Hoc in statu, inquam, anima de cælestibus præmiis suspirat. Qui prius flebat, ne duceretur ad supplicium, postmodum flere amarissime incipit, quia differtur a regno.

Lib. vii ep.  
26.  
Et de duplici compunctione.

Ex hac Epistola intelligimus Theoctistam Imperatoris sororem, sacri verbi ubertate plenam fuisse, ad æterna gaudia incessanter suspirasse, ad repromissionis patriam inter undas seculi siccis vestigiis properasse; nimirum.

II.  
Theoctistæ  
sororis Imperatoris  
pietas.



mīrum inter hominum tumultus & in ipsa aula solitudinem colendo; quod pro miraculo habet Sanctus Gregorius, comparatque cum filiorum Israel transitu per mare rubrum. Piissimæ forori nutriendorum liberorum provinciam dederat Mauricius Augustus; hinc eam hortatur Papa ut illos optimis moribus imbuere conetur, & eunuchos ipsorum custodiæ ac obsequiis deputatos admoneat, quam caute coram ipsis loqui debeant: *Verba siquidem nutrientium, inquit, aut lac erunt si bona sunt, aut venenum, si mala.* In eadem Epistola Gregorius ostendit se de salute Constantinæ Augustæ, & de ipsius profectu in virtute sollicitum; quos enim amabat, a terrenis cupiditatibus abstrahere, & in amore cœlestium succendere conabatur; hæcque erant ejus amicitia symbola & argumenta.

III.  
S. Gregorius amicis suis denegat opem ad obtinenda secularia officia.  
*Ibid. ep. 29.*

Andreas vir clarissimus ejus familiaris postularat ab eo Imperatori commendari, ad aliquod officium in Republica obtinendum, quod sanctissimum patrem non mediocri mœrore perculit. *Multos novi, inquit amico, qui in servitio Reipublicæ positi vehementer affliguntur: quia eis non licet vacare, & peccata sua plangere; & vos quare, nescio, implicari desideratis? multa prætermittam de mundi contemptu, digna tamen quæ legantur, & serio animis inculcantur. Epistolam ista claudunt: Hoc ipsum vero esse in obsequio piissimi Principis, quanta est mentis occupatio in appetitu terrenæ gratiæ, & quantus est timor ne hæc eadem gratia perdat, si adcepta fuerit? Perpende ergo quæ pœna sit, aut prosperitatis desiderio fatigari, aut adversitatis timore pavescere. Unde magis suadeo, ut Magnitudo vestra in suo proposito quondam, in paucotempore delectabili receptaculo peregrinationis vivere studeat, & quietam ac*

*tranquillam vitam ducere, sacris lectionibus vacare, cœlestia verba meditari, in æternitatis amore se accendere, de terrenis rebus secundum vires bona opera agere, & regnum perpetuum in eorum remuneratione sperare. Sic autem vivere, jam in æternitatis vita partem habere est. Hæc, magnifice Fili, loquor, quia multum te diligo. Et quia in procellas & fluctus tendis, verborum meorum funibus te ad littus revoco: & si trahentem sequi volueris, quæ pericula evaseris, quæ gaudia inveneris, in ipso quietis tuæ littore positus agnosces.*

Quando amicorum animos fatiscere sub ærumnarum pondere observabat, litteris consolatoriis eos erigebat, vel ipsa animi magnitudine qua supra humana omnia in iis eminere videbatur. De amicorum nostrorum liberis aut aliqua ratione propinquis morte præreptis immatura, solemus dolere; idque de eorum amissione lugentibus significare. At Gregorius nil humani sapiens, ad Andreæ amicitia sibi conjunctissimum scribit: *Quod domna Constantia clarissima puella, priusquam nuptias faceret, ab hujus mundi illecebris erepta, vehementer exsulso. Et ad Narsam: Per scripta vestra mihi transitum domnæ Eſychiæ muntiaſtis: & magna exultatione gavifus sum, quia illa bona anima ad suam patriam pervenit, quæ in patria laborabat aliena. Noverat fortasse haud ingratum fore hoc genus consolationis; Narsæ viro religioso (sic appellatur in Epistolæ inscriptione) qui cum*

IV.  
Quales amicis mœrentibus consolationes adhiberet.

*Ibid. ep. 29.*

*Ibid. ep. 30.*

a

*Lib. I. v. ep. 32. Lib. VII. ep. 30.*

S 2 stea

Ita facta Præposita. Quæ de Dominica in Græcis litteris erudita diximus eo magis mirari debemus, quod S. Gregorius ad ejusdem patrem scribens, asserat tunc non fuisse Constantinopoli satis doctos interpretes, qui de Græco in Latinum & de Latino in Græcum dictata bene transferrent?

*Ibidem.*

V.  
Laudat laicos divini verbi cibum quærentes.

a

*Ibid. ep. 36.  
Matth. 7. 2.  
Luc. 11. 12.*

Laudabat maxime Sanctus Gregorius si amici, etiam <sup>a</sup> laici, in verbo divino solatium & animæ cibum quærent. Id potissimum liquet ex Epistola hoc anno ad Dynamium & Aureliam Gallos scripta, ubi eis gratulatur, quia sacræ lectionis pabula quærebant; subditque optimam hujus Evangelicæ sententiæ expositionem: *Omnis qui petit accipit, & qui quærit invenit, & pulsanti aperietur.* Petamus, inquit, orando, quæramus legendo, pulsemus operando. At de his satis; ad alia transeamus.

VI.  
Ariminenfis Episcopo in anno successor datus.

Post diutinam in Oriente moram factam, in Occidentem revertamur, ubi potissimum vigilabat ad Ecclesiarum gubernationem pastoralis Gregorii sollicitudo. Ariminensis Ecclesia diu sine Episcopo fuerat, ob infirmam Castorii valetudinem. Qui cum per quadriennium absuisset, nec melius haberet, data scriptis supplicatione petiit a Papa, ut quia ad ejusdem Ecclesiæ regimen vel susceptum officium, pro eadem qua detinebatur molestia assurgere nullatenus posset, Ecclesiæ ipsi ordinare Episcopum deberet. Ejus votis annuens summus Pontifex, quia cunctarum Ecclesiarum in juncta eum sollicitudinis cura confringebat, datis de more præceptis clerum & populum ad eligendum sibi Antistitem hortatus est, quem Mariniano Ravennati examinandum fisti voluit.

*Lib. vii. ep. 39.*

VII.  
Et Cornelius oblatum decessit.  
*Ibid. ep. 41.*

Paulo post ad eundem Marinianum scripsit, ut dejecto ex Cornelienfis Ecclesiæ Sede Episcopo incri-

men lapso, in ejus locum alius ordinaretur Episcopus; quia nec lapso spes ulla superesse posset ad pristinam redeundi dignitatem, nec ultra tres menses Ecclesiam vacare sacri permitterent <sup>b</sup> canones. Dum vero legis supra, Gregorium cunctas in Ecclesias sollicitudinis curam sibi tribuere; ne suspiceris ipsum ultra modum Pontificiam protulisse potestatem, quod ab ejus modestia & animi demissione prorsus abhorrebat. Certe qui 150. circiter annis ante ipsum sedit Leo Magnus ad Ep. Thessalonicensem scribens ut ei vices suas committeret, ait eum in partem vocatum esse sollicitudinis non in plenitudinem potestatis; quam proinde sibi vindicare non dubitabat.

*Ep. 120 c. 1.*

Quemadmodum Gregorius Episcopos qui officio suo deerant, dignis pœnis afficiebat, ita optimos Pastores debitis laudibus & præmiis remunerare satagebat. Quapropter Stephanum Episcopum impense laudat quod assidua prædicatione Mariam Patriciam ab hæresi aut schismate ad Ecclesiæ sinum revocarit, aliosque non paucos. Ex hoc fortasse numero erat Dominica gloriosa femina; Johannis cujusdam uxor Gregorio intimi; ad quem scripsit se non mediocriter lætatum, cum ipsam cognovisset unitati Ecclesiæ sociatam.

Laudatur a Gregorio Stephanus Episcopus.  
*Lib. vii. ep. 2.*

Ut res monasticas breviter attingamus, hoc anno Papa privilegiis donavit monasterium S. Cassiani apud Massiliam, cui præerat Respecta. De hoc monasterio consule notas ad Epistolam hæc privilegia continentem.

*Ibid. ep. 37.*  
VIII.  
Res quædam monastica.  
*Ibid. ep. 12.*  
*Ibid. ep. 12.*

In alia Epistola legimus Martinum quemdam Diaconum & Abbatem, de quo aliqua Papæ fuerant nuntiata, quæ officii ejus propositum non leviter macularent, nec tamen sedula inquisitione facta probari potuerant; ne qua de iis suspicio remane-

ne.

<sup>a</sup> Vide sup. Ep. 26. & infra lib. xi. Ep. 78.

<sup>b</sup> Ex can. 27. Chalcedon. in codice canonum Eccl. Rom.



veret, ad sacratissimum beati Petri Apostolorum Principis corpus *distri-cta sacramenta præbuisse*, quibus infontem se assereret. Quapropter eum absolvit S. Gregorius & suo loco restituit.

Epist. 32. scripta est ad Anastasium Presbyterum, quem multis & præclaris virtutibus ornatum depingit; vituperat tamen ob ducatum in monasterio quod vocabatur *Neas* assumptum, quod hoc in cœnobio *multa sub sanctitatis habitu secularia agerentur*. Hortatur autem illum ad contentionem quæ inter ejusdem monasterii patrem, & Amos Jerosolymorum Patriarcham exorta erat, tollendam & componendam.

Magna erat altercatio inter Cæsarium Abbatem monasterii sancti Petri apud Bajas, & Johannem Abbatem S. Lucæ, in Syracusana urbe; de qua dirimenda Gregorius ad Johannem Syracus. Episcopum scripsit, rogans ut ipse cum Fantino defensore, adhibito Johanne Agrimensore (erat enim quæstio de finibus) accederet, ac sententiam ferret: *Ne religiosorum virorum corda secularium rerum intentio a mutua disjungeret caritate*. De servanda monastica disciplina in Africa sollicitus, Dominicum Carthaginensem Episcopum rogavit, ut coerceret Monachos impune vagantes, eosque obedientiæ jugo, quod excusserant, rursus subdi curaret; Episcoposque quos audierat iis erroneis patrocinium ferre, ab eorum defensione modis omnibus interminando compescere.

IX.  
Gregorius  
insulæ Cor-  
sicæ prospice-  
rit.  
Ibidem,  
ep. 3.

Alia occasione ad Gennadium Africæ Præfectum scripsit, nimirum ut ei Ruserium Comitem ejusque concives ac ipsam Corsicam insulam commendaret. Unde intelligimus insulam hanc ad Africæ Præfecturam seu Exarchatum pertinuisse; fortasse quod Sardinia adjaceat, quæ tunc inter Africæ provincias accensebatur septima & ultima. Hostium incur-  
sio-

nibus patebat Corsica; nec satis erat illuc exercitum transmittere, nisi huic præesset dux peritissimus. Ideoque rogat Gregorius præfici Anastasium Thribunum, qui jam eadem provincia strenue defunctus fuerat, & ab ipsa dein amotus, magnam sui estimationem omnibus insulæ incolis, majusque reliquerat desiderium.

Septimum hunc Gregoriani Pontificatus annum claudemus observatio-  
ne de conjugio, si alter conjugum servilis sit conditionis, dirimendo; quod a sanctissimo Pontifice nequam reprobatur, ut patet ex Epistola ad Fortunatum Neapolitanum Episcopum. Ejus Ecclesiæ Clericus uxorem a suo consortio removerat, quod illa fuisset *de servili conditione pulsata*. Contendit vero mulier ejecta se liberam esse; & summum Pontificem adiit, rogans viro suo restitui. Benignas aures præbuit supplicanti pius Pater; cumque in ea *nulla servilis macula* inventa esset, jussit ut ille Clericus conjugem injuste repudiatam reciperet; si vero abnueret, districtæ vindictæ subiceretur. Unde liquet non alia ratione coactum fuisse Clericum illum ad uxorem de-  
nuo accipiendam, quam quia falso fuerat *de servili conditione pulsata*. Itaque si nupisset ut libera, & postea probata fuisset ejus conditio servilis, propter conditionis vitium, irritum fuisset matrimonium.

X.  
Quædam de  
conjugio  
servilium  
personarum  
observantur  
Ibid. lib. 7.  
ep. 1.

## C A P U T XII.

- I. *Corporum Idololatrarum conversio*. An. 597. &
- II. *Et Judæorum Agrigentinarum*. 598.
- III. *Alios Judæos injuste vexari prohibet S. Gregorius*. IV. *Anastasium Antiochenum variis persecutionibus oppressum consolatur*. V. *Moritur Anastasius*. Ejus successor ad S. Gregorium scribit. Hæreticorum falsam Ephesi Synodum pro vera obtrudentium fraudem ex veteribus codd. detegendam censet S.

*Doctor . VI. Eulogio Alexandrino gratulatur . VII. De Martyrologii Rom. antiquitate . Opinio Henrici Valesii expenditur . VIII. Suspicio de Vaticanorum codicum suppositio-  
ne injecta exsufflatur . IX. Episcopus Numidiæ injuriam passum protegit S. Pontifex . X. Africana Ecclesia ducit originem a Romana .  
XI. Quid de pretio pro sepultura dato senserit sanctus Gregorius . XII. Quid de reddituum Eccles. partitione statuerit . XIII. Et de Campagis .  
XIV. Septem defensores fecit Regionarios . XV. Res monasticæ hujus anni attinguntur .*

I.  
Corforum  
idololatri-  
um conver-  
sio .  
*Lib. VII. ep. 1*

**O**ctavum sui Pontificatus annum auspicatus est Sanctus Gregorius magno cum gaudio , propter Corforum conversionem , de qua nuperrime perscripserat Petrus Alerien-  
sis Episcopus . Gratiis Deo de more actis oblætum nuntium , eundem Petrum hortatus est ut cœptum feliciter opus perficeret , ac cæteros qui necdum baptizati erant , aut post susceptum baptismum , sive negligentia sive necessitate , ad idolorum cultum reversi fuerant , congregare , & ad fidem perducere pergeret . *Quod enim , inquit , opus utilius & sublimius acturus es , quam ut de animarum vivificatione & collectione cogites , & tuo Domino , qui tibi locum prædicandi dedit , immortale lucrum reportes ?* Adhortationi liberalitatem , ut solebat , adjunxit ; transmisit enim huic Episcopo quinquaginta solidos , ad vestimenta eorum qui baptizandi erant , comparanda : & Presbytero Episcopi adjutori qui regebat Ecclesiam non ita pridem jussu Papæ in possessione Rom. Ecclesiæ constructam cum batisterio , prædium aliquod pro stipendio assignavit & concessit . Laudavit insuper consilium Petri <sup>a</sup> Episcopi de alio Episcopo in

*Lib. VI. ep. 22*

a

eadem insula ordinando ; non procul a monte , quem plurimi adhuc idolorum cultores incolebant . Non in sola Corsica exsulabat & latitabat idololatria , nam ex Ep. 18. hoc anno scripta ad Agnellum Terracinensem Ep. discimus quosdam hoc in pago tunc arbores adhuc coluisse . Et bien-  
nio post Brunichildem Reginam hortatus est ut ab idolorum cultu sibi subditos populos coecreret . *Quia , inquit , pervenit ad nos , quod multi Christianorum & ad Ecclesias occurrant , & quod dici nefas est , a culturis demonum non abscedant .* Quodnam esset idololatriæ genus explicat his verbis : *Cultores arborum non existant , de animalium capitibus sacrificia non exhibeant .* Quæ in notis ad hunc locum exposuimus Alia in Epistola idolorum cultoribus jungit aruspices atque sortilegos .

*Lib. IX. ep. 11*

*Ibid. ep. 65.*

Lætitiâ pro conversis idololatriæ excepit gaudium de Judæis Agrigentinis ad fidem Christianam venire festinantibus . Ne vero longiori morâ desiderium eorum defervesceret ( nam a mense Junio quo ea de rescripta est Epistola Sancti Gregorii , usque ad proximum Pascha , novem ad minus menses computabantur , ) indulgit Papa ut ante solemnitatem Paschalem , <sup>b</sup> extra quam & festum Pentecostes baptismus dari non solebat in Ecclesia Latina , lustralibus aquistingerentur , indicta prius quadraginta dierum abstinentia & pœnitentia . Cumque ex illis plurimi pauperes essent , itaut ad emendam sibi <sup>c</sup> candidam vestem a recens baptizatis gestari solitam , ob rei domesticæ angustias , pares esse non viderentur ; jussit Fantino defensori ut Ecclesiæ sumtibus compararentur hæ vestes , quas egestate laborantibus distribuere curaret . Interim Episcopum Agrigentinum monitum esse voluit , ut illos Christianæ religionis candidatos

II.  
Et Judæo-  
rum Agri-  
gentinorum  
*Lib. VIII. ep. 22.*

b

c

Ca.

<sup>a</sup> Vide Castro nota ( ccc )

<sup>b</sup> Vide notas ad hanc Ep.

<sup>c</sup> Consule notam 327. ad Librum Sacramentorum Menardi .



Catechumenos arcefferet, ac eos fide quam suscepturi erant mature docere, necnon Evangelicæ legis præceptis imbuere sollicitus foret.

III.  
Alios Judæos injul-  
tè vexari pro-  
hibet S. Gre-  
gorius.

Ut facilius Judæos alios clementia & mansuetudine ad fidem pertraheret sapientissimus Pontifex, prohibuit ne locis juxta leges sibi concessis depellerentur aut aliis afficerentur injuriis. Id liquet ex Epistola Victori Panormitano Episcopo in gratiam Judæorum hac in urbe degentium scripta, <sup>a</sup> paulo post superiorem de Judæis Agrigentum incolentibus ad Fantinum directa. Si qui tamen Judæorum insolefcerent adversus Christianos, eorum audaciam frangere & coercere quanto citius satagebat; & Episcopos ut eorum pravis consiliis resisterent, hortabatur.

a  
Ibid. ep. 25.  
Ibid. ep. 21.

Lætum de tot infidelibus ad fidem converfis nuntium turbarunt Anastasii Antiocheni Episcopi Epistolæ, quæ pro verbis lacrymas fluebant. Amici dolorem lenire, animumque pene sub adversitatum pondere deficientem erigere conatus est Gregorius. A quibus tunc vexaretur hic Patriarcha, non explicatur in Epistola consolatoria summi Pontificis. Hæreticos tamen qui tunc in Oriente grassabantur plurimi, sub variis Acephalorum, Severianorum, Theodosianorum nominibus, adversariorum ejus antesignanos existisse vix dubitamus. Præter commemoratos heterodoxos, alia monstra nuper consurrexisse queritur vigilantissimus Papa; novos videlicet erroneos, qui Prophetas, Evangelia, & dicta Patrum evacuare moliebantur: sed permanente, inquit Gregorius ad Anastasium, vita vestra sanctitatis, in protectoris nostri gratia speramus, quod eorum occultius obmutescant, quæ contra soliditatem veritatis aperta sunt; quia & quamlibet acuti gladii immitantur, cum saxum feriunt, fracti resiliunt. Optima sane ratio, cur tot

IV.  
Anastasium  
Antioch. v-  
riis persecu-  
tionibus op-  
pressum  
consolatur.  
Ibid. ep. 2.

hæreticorum tela in Ecclesiæ firmissimam petram intorta, & retusa tandem in ipsos reciderint auctores. Aliunde spes affulgebat victoriæ de his Ecclesiæ hostibus reportandæ, scilicet ab eorum divisione: Quia, inquit sanctus Doctor, in ipsis, qui a sanctæ Ecclesiæ doctrina divisi sunt, unitas non est.

Inter eos qui sancto Anastasio infensi erant, S. Gregorius designare videtur Patriarcham CP. quem ait addidisse onera, cum sublevare debuisset; sub ovium vestitu intus fuisse lupum rapacem; & solum præ aliis habere appetuisse, quod dignus non fuerat vel cum fratribus habere, ob usurpatum scilicet œcumenici Patriarchæ titulum.

Paulo post acceptas a Gregorio litteras, Anastasius ad tranquilliorē & meliorem vitam <sup>b</sup> transiit, & successorem habuit alium Anastasium dictum juniorem, qui cum ad Papam scripsisset de sua provectione, ac fidei professionem ut moris erat misisset, responsum ab ipso tulit pergratum & caritatis melle conditum. Ut Sedis Anastasii majoris successor fuit ille Patriarcha, ita etiam molestiarum & persecutionum: nam post novem episcopatus annos, in seditione martyr occubuisse dicitur. In Epistola Sancti Gregorii qua respondet Anastasio nuper ad Sedem Antiochenam assumpto, id præ cæteris observatione dignum, pseudo Ephesinam Synodum a Nestorianis habitam, in qua impia Cœlestii & Pelagii dogmata sunt approbata, tunc sæpius pro ipsamet œcumenica Synodo Ephesina, versipellium hæreticorum fraude fuisse obtrusam. Cui errori ut occurratur, suadet doctissimus pater, in scriniis præcipuarum Ecclesiarum Romanæ, Alexandrinæ, Antiochenæ, sincera Ephesinæ Synodi acta perquiri; ubi vides veterum co-

V.  
Mortitur A.  
nastasius.  
Ejus succe-  
ssor ad S.  
Greg. scri-  
bit.  
Lib. IX. cap. 49  
Hæretico-  
rum fallam  
Ephesi Sy-  
nodum pro  
vera obtru-  
dentium  
fraudem ex  
veteribus  
codd. dete-  
gendam cen-  
set S. Do-  
ctor.

b

a Lege etiam Ep. 6. libri IX. & 55.

b De Anastasio legendus Evagrius lib. IV.

hist. Eccles. c. 4. & lib. V. cap. 5.

codicum fidem & auctoritatem asserunt.

VI.  
Eulogio  
Alexandri-  
no pro fu-  
bæstis hæ-  
reticis gra-  
tularur.  
Lib. VIII.  
p. 30.

Tumultuantes adversus Anastasium hæreticos mox vidimus in Oriente. Pacatior autem erat Ægyptus, & Alexandrina Ecclesia sub Eulogio, Patriarcha, qui plerisque hæreticos Ecclesiæ reconciliaverat, & concordiam inter fideles firmarat. Hæc ut accepit S. Gregorius, arrepto calamo statim amico gratulatus est; vicissimque de conversis nuper Anglis eum certiore fecit. At de his jam diximus. Erat inter utrumque sanctissima consuetudo mutuis confirmata beneficiis & officiis. Eulogius postularat a summo Pontifice, ut sibi *cunctorum Martyrum gesta, quæ piæ memoriæ Constantini temporibus ab Eusebio Cæsariensi collecta sunt transmitteret*. At ille respondit se de hac a Eusebiana collectione nihil unquam ante acceptam Eulogii Epistolam audisse. Addit: *Præter illa quæ in ejusdem Eusebii libris de gestis sanctorum Martyrum continentur, nulla in archivio hujus nostræ Ecclesiæ, vel in Romanæ urbis bibliothecis esse cognovi, nisi pauca quædam in unius codicis volumine collecta*. Nos autem pene omnium Martyrum distinctis per dies singulos passionibus collecta in uno codice nomina habemus, atque quotidianis diebus in eorum veneratione Missarum solemniter agimus. Non tamen in eodem volumine quis qualiter sit passus indicatur, sed tantummodo nomen, locus, & dies passionis ponitur. Unde fit, ut multi ex diversis terris atque provinciis per dies, ut prædixi, singulos cognoscantur martyrio coronati.

VII.  
De Martyro-  
logio Roma-  
ni antiqui-  
tate.

Hinc habemus Martyrologii Romani prima veluti rudimenta. Ipsi meminit Synodus Cloveshovien-  
an. 747. habita, in qua decretum ut per gyrum totius anni natalitia sanctorum uno eodemque die juxta Martyrologium Ecclesiæ Romanæ, cum

sua sibi conveniente psalmodia & cantilena venerentur. Martyrologiorum origo a fastis Ecclesiarum repetenda nobis videtur. Singulæ enim habebant Martyrum suorum aliorumque Sanctorum Catalogum, quorum in memoriam festi celebrabantur dies. Hinc Cyprianus: *Denique, inquit, & dies eorum quibus excedunt annotatione; ut commemorationes eorum inter memorias Martyrum celebrare possumus*. De hoc argumento lector studiosus consulat Henricum Valesium, qui singularem edidit de Martyrologio Romano dissertationem, & suis in Eusebium Cæsariensem annotationibus adtexuit, perpendatque rationes quæ adstruere conatur vir doctissimus nullum unquam fuisse proprium ac peculiare Martyrologium Ecclesiæ Romanæ ante illud quod jussu Kittii V. Pontificis maximi editum est hoc titulo, & Baronii annotationibus illustratum. Præcipua ducitur ex veterum Scriptorum silentio, quæ tamen ruit lecto Synodi Cloveshovien-  
sis allato supra testimonio. Non inficiatur quidem Valesius Ecclesiam Romanam & alias saltem insigniores habuisse sua Kalendaria suosque fastos, quibus inscripta priorum Martyrum ac sanctorum Episcoporum nomina continebantur; sed nullatenus Martyrologia, quæ non unius, inquit, loci propria, sed totius Ecclesiæ fore communia, quippe quæ totius Orbis Martyres Confessoresque generaliter continerent. Certe si ex allata definitione controversiam dirimamus, Valesius lite casurus videtur. Quippe non alicujus Kalendarii meminit S. Gregorius, in quo Martyrum tantum Romæ pas-  
sorum nomina containerentur, sed codicis in quo pene omnium Martyrum distinctis per singulos dies passionibus collecta nomina essent. Ut autem agi de Martyribus ubique terrarum passis ostendatur, subdit: *In eodem volumine .n. no-*

Ep. 12 nova  
edit. olim 37.  
Opinio  
Henrici  
Valesii ex-  
penditur.

men,

a Lege notas ad hanc Epistolam.



*men, locus, & dies passionis ponitur. Unde fit ut multi ex diversis terris atque provinciis, per dies... singulos cognoscantur martyrio coronati. Hic quid sentiamus de Valesii opinione aperire operæ pretium judicavimus; ne quis forte crederet notam quamdam quæ Valesio favet subjectam laudatæ Epistolæ ex Guffanvilleo, fuisse a nobis adoptatam. Absit enim ut omnia quæ in Gregorianas Epistolas observavit vir doctus, nobis approprientur.*

VIII.  
Suspicio de  
vaticano-  
rum codi-  
cum suppo-  
sitione in-  
jecta exuffla-  
tur.

Certe hoc loco suspicionem injicit de manu exaratorum codicum Vaticanorum suppositione, quam diluere nostri est officii. Ait enim: *Romæ nulla vel pauca tunc fuisse Martyrum gesta, nullas de Martyrum passionibus narrationes, id certe est mirabile, & novis auctoribus qui Vaticanos codices passim ingerunt, incommodum.*

At primo sanctus Gregorius minime dicit non extitisse in archivo Ecclesiæ Romanæ codicem quem sibi communicari postularat Eulogius, sed tantum non inventum; unde subdit: *Querentes quidem non invenimus, sed adhuc non invenientes quarimus; & si potuerint inveniri transmittemus.*

Secundo etiam si cunctorum Martyrum gesta, quæ... Constantini temporibus ab Eusebio Casariensi collecta fuerant, in archivis & bibliothecis Romanis tunc locum non obtinissent, inde temere colligitur tunc Romæ nulla vel pauca fuisse Martyrum gesta, nullas de Martyrum passionibus narrationes. Fatetur fortasse Gregorius caruisse suo tempore bibliothecas Romanas collectaneis in quibus acta Martyrum omnia aut pleraque reperirentur, quasi in unum corpus redacta; sed ditatæ nihilominus erant actis singularibus Martyrum, maxime in Italia, & præsertim Romæ martyrio coronatorum. Taceo

de veteribus codicibus ad alia quam ad Martyrum historias pertinentibus, quorum poterat esse Romæ maxima copia: de his enim flet sanctus Doctor.

Tertio quid vetat etiam post sanctissimi Pontificis obitum multos aliunde codices Romam fuisse allatos, quos nunc laudare nos non puderet, etiam si non essent Gregorio antiquiores? Qua etenim veneratione dignæ sunt membranæ plusquam centum annorum supra mille? Nunc ad historiæ Gregorianæ seriem revocemus gradum.

Bellum hoc anno in Italia exarsisse innuit sanctus Gregorius, dum deflet mala quæ a Barbarorum gladiis perpeti cogebatur. Ipsos in Sardiniam descensionem fecisse colligitur ex Epistola sequenti Indictione scripta. Idcirco fortasse voluit S. Gregorius, ut nullus etiam Clericus a vigiliis & excubiis ad urbium custodiam necessariis excusaretur: eademque lege tenebantur Monachi. Non minus dolet vir sanctus de Judicum & Magistratum perversitate & iniquitate, quam de ferocitate hostium. Inter arma enim silentibus legibus omnia sibi licere existimabant. Genadius Africæ Patricius Paulum Episcopum in Numidia multis ab annis vexabat. Cumque Sedem apostolicam appellasset, variis calumniis impetratus Præsul, quominus Romam veniret obstitit Patricius, penes quem in administratione hujus provinciæ summa erat auctoritas. Consensit Papa ut Episcopus ad Comitatum pergeret atque ad Augustum suas deferret querelas. Tandem Paulus in Numidiam redire jussus est, ut ab Episcopis hujus provinciæ judicaretur. Cujus innocentiam cognoscens Gregorius, ipsius causam Episcopis Adecodato, qui tunc<sup>a</sup> primatum gerebat, Maurentio, & præsertim Co-

IX.  
Episcopum  
Numidiæ  
injuriæ  
patientem  
protegit S.  
Pontifex.  
Lib. VII.  
Ep. 2.  
Lib. IX. Ep. 2  
ib. d. Ep. 18.  
Lib. IX. Ep. 73.  
Lib. VI. Ep. 71.  
Lib. VII. Ep. 2.  
Lib. VII.  
Ep. 12. &  
13.

<sup>a</sup> Vide quæ supra diximus lib. II. c. VI. num. 2.

lumbo commendavit; hunc enim no-  
verat Ecclesiæ a beato Petro funda-  
tæ addictissimum, & recti tenacissi-  
mum. Nihilo tamen minus ipsum ad-  
huc munire curat contra optimatum  
solicitationes & impulsus, quibus  
ejus virtus labefactari potuisset: *Nul-  
la ergo, inquit, vos res ab æquita-  
tis studio, nulla suspendat potentia  
personarum. Sed innitens præceptis  
Dominicis, omnia quæ sunt rectitudi-  
ni adversa, contemne. In defenden-  
dis partibus justitiæ constanter insiste.  
Odia pro veritate, si qua sunt, su-  
stinere non renuas: ut tanto majorem  
in adventu Redemptoris nostri fructum  
mercedis invenias, quanto ejus man-  
data non negligens, in favorem ju-  
stitiæ & defensionem impenderis.*

X.  
Africana  
Ecclesia du-  
cit originem  
a Romana.  
*Ibid. Ep. 33.*

Præter communem sollicitudinem  
quam de tota Ecclesia gerere debe-  
bat summus Pontifex, singulari studio  
& cura Ecclesiæ Africanæ prospicere  
tenebatur, quod a Romana suam  
traheret originem, ut docet S. Gre-  
gorius ad Dominicum Carthaginen-  
sem Episcopum scribens: *Scientes  
unde in Africanis partibus sumserit  
ordinatio sacerdotalis exordium, lau-  
dabiliter agitis quod Sedem apostoli-  
cam diligendo, ad officii vestri origi-  
nem prudenti recordatione recurritis.  
Hinc ad fovendam mutuam caritatem  
teneri utriusque Ecclesiæ Antistites  
probat; excurritque hac occasione in  
laudes caritatis, his verbis plane au-  
reis: Magna autem caritatis virtus  
est, dilecte Frater, quæ sinceritatis  
sue vinculo alterna multo affectu cor-  
da constringit, & ea a gratiæ non  
sinit compage dissolvi; disjuncta con-  
jungit, unita custodit, & ignotos sibi  
immagine reddit cognitos per amorem.  
Quisquis igitur in hujus cardine men-  
tem figit, eum de supernæ patriæ ha-  
bitaculo cujuslibet adversitatis impul-  
sio non evellit: quoniam quocumque  
se verterit, a mandatorum limine  
non excedit. Ita sapientissimus ille*

pietatis Christianæ magister omnibus  
Epistolis suis exquisitas<sup>a</sup> inspergebat  
sententias de caritate, de mundi con-  
temptu, de adversis patienter ferendis,  
de studio sacrarum litterarum, & de  
cæteris virtutibus ad cœlestem vitam  
pertinentibus; eoque veluti sale quid-  
quid scriberet condire curabat.

Episcopos, aliosque sacris mini-  
steriis addictos a turpi lucro & a-  
varitia verbo & exemplo avertere  
potissimum satagebat sanctissimus Pon-  
tifex. Hinc moleste tulit Donum  
Episcopum Messanensem pro sepul-  
tura tantum pretium accepisse, ut  
ejus qui sepulturæ jus comparaverat,  
heredes ad inopiam redacti videren-  
tur. Suadet igitur Episcopo ut quæ  
accepit restituat, maxime cum ea es-  
se juris alieni Palumbi Episcopi Con-  
sentini testimonio probaretur. Et si  
vero non prohibeat aliquid pro se-  
pultura accipere, fateaturque antiqua  
ea consuetudine id factum; ait tamen  
in sua Ecclesia vetitum a se fuisse,  
nec cuiquam assensum se præbitu-  
rum, *ut loca humani corporis pretio  
possint adipisci. Nos, inquit, qui E-  
piscopi dicimur, de humanis fidelium  
corporibus pensa facere quid debemus?*  
Postea scribens ad Januarium, in-  
dulsit tantum ut pro luminaribus ac-  
ciperetur quod quisque offerre vel-  
let. *Peti vero, inquit, aut aliquid  
exigi omnino prohibemus; quod valde  
irreligiosum est, ne aut venalis for-  
tasse, quod absit, dicatur Ecclesia,  
aut vos de humanis videamini morti-  
bus gratulari, si ex eorum cadaveri-  
bus studeatis quarere quolibet modo  
compendium.*

Leo Catanensis Episcopus ferebatur  
quartam reddituum ecclesiasticorum  
partem non ex integro, sed cum ali-  
qua diminutione suis Clericis divi-  
dere, quod cupiditatis argumentum  
erat. Inde Acolythorum & aliorum  
de clero querelæ ad Papam perve-  
nerunt. Ex tribus aliis bonorum Ec-  
cle-

XI.  
Quid de  
pretio pro  
sepultura  
dato sense-  
rit S. Gre-  
gorius.

Lib. VII.  
Ep. 3.

Lib. IX. Ep. 3.

XII.  
Quid de re-  
dituum Ec-  
cles. partio-  
ne statu-  
erit.  
Lib. VIII.  
Ep. 7.  
Lib. XI. Ep.  
64.

<sup>a</sup> Vide Ep. 17. ac 35. lib. ejusdem VII.



clésiæ portionibus una cedebat Episcopo & familiæ ejus, propter hospitalitatem, & susceptionem: alia pauperibus; alia denique reparandis Ecclesiis servabatur. Ut autem omnis querelarum calumniarumque in Episcopum tolleretur occasio, hæc decrevit sapientissimus & æquissimus judex: *Volumus ut quidquid Ecclesiæ tuæ ex redditu vel quolibet alio titulo fortassis accesserit, quartam exinde portionem sine diminutione aliqua debeas segregare, atque eam secundum Dei timorem Presbyteris, Diaconis, ac clero, ut tibi visum fuerit, discrete dividere: ita sane ut unicuique sicut meritum laboris exegerit, libera tibi sit, juxta quod prævideris, largiendi licentia: quatenus & hi qui merentur, etiam temporali se sentiant hoc commodo consolari, & alii, adjuvante Domino, eorum ad melius contendunt imitatione proficere.*

Qui iustis Catanensium Clericorum querelis pulsatus, hanc sententiam tulit contra Episcopum, eorumdem superbiam & inanem gloriolam repressit paulo post, ob usurpatos a campagos, quod est genus calceamenti ad usum Prælatorum solemniter Missam celebrantium. Iis uti cum solis in tota Sicilia Diaconis Messanensis Ecclesiæ a Romanis Pontificibus concessum olim fuisset, Catanenses tamen Diaconi calceati campagis procedere præsumserant. Quem temerarium ausum exosus Papa, scripsit ad Johannem Syracusanum ut eade re inquireret, ac utrum a se vel alicujus auctoritate id præsumsissent exploraret; posteaque decerneret ipse quid facto esset opus. Nam si negligenter, inquit, ea quæ male usurpantur emittimus, excessus viam aliis aperimus.

Quemadmodum superbe insolenterque agentes coercebat, ita etiam

utiliter pro Ecclesia militantibus debita honoris præmia rependere satagebat. Idque defensores hoc anno sunt experti; nam septem ex ipsorum collegio Regionarios constituit, ob strenue navatam in causis Ecclesiæ & Pontificum obsequiis operam. Olim ex solis Diaconis assumebantur Regionarii; postea quorundam Pontificum concessione, ex schola noteriorum & Subdiaconorum nonnulli constituti sunt. Tandem ad defensores hic honor pervenit, S. Gregorii beneficio.

Et si hoc præsertim anno S. Gregorius quantum sibi curæ essent res monasticæ<sup>b</sup> plurimis Epistolis palam fecerit, pauca tamen ex his delibabimus. Insigne præ cæteris est privilegium concessum monasterio sanctorum Johannis & Stephani in urbe Classitana constituto, de quo scripsit ad Marinianum Ravennatem Episcopum. Quid hoc privilegio cautum esset in gratiam Monachorum, inde repetendum.

Ex Epistolis 31. & 34. liquet Castellienſe monasterium olim a magno Cassiodoro fundatum, non solum tunc perseverasse, sed etiam floruisse, aliaque monasteria sibi unita obtinuisse. Nam priori Epistola Secundinus Tauromenitanus Episcopus in Sicilia, monetur ne patiatuſ monasterium suæ diœcesis ad Castellienſes Monachos pertinens, in laicæ personæ potestatem venire. Alia Epistola S. Gregorius increpare videtur Johannem Episcopum Scillitanum, in cujus civitate positum erat illud Castellienſe cœnobium, quod ipsi concessa privilegia longo usu firmata tentaret labefactare. Hac ex Epistola constat ipsum Scillacium Castrum in solo juris monasterii fuisse fundatum, cujus incolæ Castellienſibus persolvere censum tenebantur.

cit regionarios.  
Ibid. ep. 14.

XV.  
Res monasticæ hujusmodi artinquantur.  
Lib. VII. Ep. 15.  
b

XIII.  
Et de Campaniis.  
Lib. VIII. Ep. 27.  
a

XIV.  
Septem defensores fa-

a Vide notas ad laudatam Ep.

b Vide Epp. 4. 8. 9. 11. 15. 31. 34.

## SANCTI GREGORII PAPÆ VITA.

## LIBER QUARTUS ET ULTIMUS.

Quidquid superest historię vitęque S. Gregorii exhibens.

## CAPUT PRIMUM.

*Ann. Christi  
593. & 599.*

*I. Pax fit Romanos inter & Langobardos, annitente S. Gregorio. II. Prædicit eam non fore diuturnam. III. Bellum redintegratur ab Exarcho. IV. Schismatici ad Ecclesiam redeunt. Quid pro ipsis in unitate Ecclesię confirmandis præstiterit S. Gregorius. V. Schismaticorum Episcoporum depravati mores. VI. S. Gregorii caritas erga schismaticos. VII. De Secundino Monacho celeberrimo. Scribit contra tria capitula, etsi minimus schismaticus. VIII. Secundini humilis confessio. Eum consolatur S. Gregorius. IX. S. Doctoris sententia de usu & cultu sacrarum imaginum expenditur. Ab Ecclesię doctrina nunc recepta non exorbitat. X. Objectionibus occurratur. S. Gregorius in Epistolis ad Serenum prohibet solum ne imaginibus latrę cultus tribuatur. XI. Laudat imaginum usum, tamquam antiquitus receptum. Sed non adorationem proprię dictam. XII. Ejusdem veneratio erga Sanctorum reliquias.*

*I.  
Pax fit Romanos inter  
& Langobardos, annitente S.  
Greg.  
Paul. Diac.  
lib. IV. h. 1.  
c. 13.*

**I**AM a longo tempore S. Gregorius de pace Romanos inter & Langobardos facienda confirmandaque cogitabat; quam ut impetraret egit tum apud Imperatorem, tum apud Agilulfum Regem ejusque uxorem Theodelindam, missis non solum Epistolis, sed etiam Legatis. Tam utili necessarioque Reipublicę consilio semper obstiterat Romanus Exarchus; quamvis viribus impar, aliundeque

belli & rei militaris non satis peritus esset, ut a Langobardis Italiam liberaret. Nuper Hunnorum Rex ab Agilulfo Mediolani sedente pacem impetrarat. Rebus itaque compositis cum bellicosissima gente, Langobardi ferocius immincebant urbibus adhuc intactis. Non ita pridem Crotonam in extrema parte Italię expugnant, abductis in captivitatem civibus. Nuperrime Sardiniam populabundi invaserant; quod futurum prænuntiavit Gregorius, monueratque tum Gennadium Africę Præfectum, tum Januarium Caralitanum Episcopum, ut insulę defensionem prospicerent. Quis tunc ausus fuisset pacem sibi polliceri? At Deus in cujus manu sunt corda Regum, Agilulfum ad arma deponenda & accipiendas pacis condiciones a Papa oblatas flexit. Usus ille fuerat Probi a Abbatis ministerio, quem jam ante multum temporis ad Regem Reginamque miserat, ut de pace ageret; irritum tamen semper conatu, quamdiu vixit Romanus Exarchus hostis pacis infensissimus. Eo itaque mortuo cum Callinicus pro Reipublicę bono melius affectus summa rerum potitus esset in Italia, spes denuo pacis refarciendę affulsit. Tandemque facta

*Lib. VII. ep.  
3. Lib. I. c.  
ep. 4. & 43.*

2.

*Ibid. ep. 88.*

est annitente præsertim Theodoro Ravennę curatore, quem adiutorem expertus est in omnibus Probus pro pace concilianda Legatus. Pacta conditionesque pacis Agilulfus Rex optima fide sacramento confirmavit, qua de re Gregorius tum ipsi gratias egit, tum Theodelindę Reginę, quam studiosius pro concordia laborasse, a Probo Abbate acceperat. In Epi-

a Quis fuerit ille Probus Abbas quærit Mabill. Annal. Benedic. lib. 9. n. 26. p. 252.



Epistola ad Agilulfum eum rogat ut suis ducibus per diversa loca, & maxime in Romanis partibus constitutis præcipiat pacem sicut promissum erat custodire. Metuebat enim ne redintegrandi belli occasionem quærerent. Neque vanus fuit timor. Ariulfus enim Dux Beneventanus pacem servaturum se jurare noluit, nisi adhibitis certis conditionibus in quibus latenter ac subdole opportunitatem quærebat Romanos incautos ob fidem datam opprimendi. Suspicionem augebat, quod Warnilfrida, ex cujus arbitrio & consilio Ariulfus cuncta faciebat, omnino jurare despexisset.

II.  
Prædicat  
eam non fo-  
re diuturnam.

Alia ex parte Agilulfus & Langobardi urgebant Gregorium ut pacto subscriberet, quod negabat, quia medius & sequester erat Regem inter ac Exarchum. Itaque cum res in ancipiti essent, bellumque sub specie pacis periculosus imminere videretur: ne ignis doloso cineri suppositus erumperet, Romanis nihil tale cogitantibus, suavitatis Gregorius ut in ipsa pace, belli agitentur consilia; scripsitque præsertim ad Januarium Caralitanum primo de conciliandis inter se hostium metu civium animis, quia, inquit, hoc maxime tempore, quando de hoste formido est, divisum populum habere non debetis. Deinde vero de Caralitana urbe aliisque insulæ locis muniendis. Unde necesse est, inquit, ut Fraternalitas vestra, dum licet, civitatem suam vel alia loca fortius muniri provideat, atque immineat ut abundanter in eis condita procurentur; quatenus dum hostis illuc Deo sibi irato accefferit, non inveniat quod lædat, sed confusus abscedat. Sed & nos pro vobis quantum possumus cogitamus, & iis quorum interest, ut se ad obsistendum Deo auctore præparare debeant, imminemus: quia sicut vos nostras tribulationes vestras attenditis, ita quoque nos vestras afflictiones nostras similiter reputamus.

Ibid. ep. 6.

Metus de brevi futuro bello non fefellit Papam; nam paulo post cruduit, & ferocius defæviit. Nuper Agilulfus pacem perpetuam cum Theoderico Francorum Rege fœdusque constituerat. Tres duces, in his Veronensem, & Pergamensem cui jam bis pepercerat, cum rebellassent, oppressos iusserat morte affici, ut hac severitate cæteros in officio contineret. De pace paulo antea cum Hunnorum rege facta, supra diximus. Hæc perpendens Callinicus, ob reportatas de Sclavis victorias forte ferox, metuensque ne liber ab omnibus bellis Agilulfus conjunctis viribus in Romanos ex improvviso irrueret, ipsum occupare constituit. Collecto itaque exercitu, tractisque ad Imperii partes nonnullis Langobardorum ducibus, Parmam urbem munitissimam obsidione cinxit ac expugnavit. Captos in hac expugnatione Godiscalcum ducem & ejus uxorem Regis filiam, Ravennam duxit Exarchus. At illatam sibi injuriam ulcisci cupiens Agilulfus vicemque rependere, cum tentare velle Cremonam, Mantuam, Montem Silicis in agro Patavino simulasset, ipsum adorsus est Patavium, quo potitus urbem solo æquavit; præsidium tamen Ravennam se recepit, populi autem pars maxima ad loca Venerorum palustria confugerunt. Ne obsessis opem ferre posset Exarchus, Rex imperavit Ariulfo & Langobardis Etruriam obtinentibus, ut Romam, ipsamque Ravennam continuis excursionibus lacerarent. Interim Aves Langobardorum & Sclavorum copiis juncti, ferro igneque Histriam vastare. Patavio capto, Mons Silicis expugnatur, & duo Langobardorum duces Tridentinus ac Forojulienensis, qui a Rege defecerant, veniam ob violatam fidem petunt, atque in gratiam recipiuntur. Ita turbatæ pacis religione sacramenti paulo antea sanctæ & consecratæ Callinicus pœnas dedit.

III.  
Bellum re-  
integratur  
ab Exarcho.

Paul. Diacon.  
l. vi. c. 21.

Paul. Diacon.  
Ibid. cap. 21.  
& 25.

IV.  
Schismatici  
ad Eccle-  
siam re-  
deunt.  
Lib. IX. ep. 1.

a

Id quam moleste tulerit S. Gregorius, qui pro pace adeo laboraverat, quamque amare jacturam illius flevit hic pacis Angelus, facilius est cogitare quam verbis exponere. Dolorem tantisper lenivit reditus ad Ecclesiam<sup>a</sup> Capritanæ insulæ, quæ schismati pro tribus capitulis confiato diu adhæserat. Quandoquidem Capritanos ad schisma ejurandum a Callinico impulsos audierat Papa, ipsi gratias egit, laudavitque consilium de revocandis ad sinum Ecclesiæ dissidentibus, & tumultuantibus populis sibi subditis. Ne tamen in hoc proposito perseveraret, obstare videbatur jussio Mauricii Augusti, pro schismaticorum defensione ad ipsum transmissa; sed eam ita interpretatur Gregorius: *Quod autem exemplar jussionis quæ ad vos pro schismaticorum defensione transmissa est, mihi ostendi voluistis, pensare sollicitè dulcissima mihi vestra Excellentia debuit: quia quamvis jussio ipsa subrepta est, non tamen in ea vobis præceptum est, ut venientes ad unitatem Ecclesiæ repellatis, sed ut venire nolentes hoc incerto tempore minime compellatis. Unde necesse est ut hæc ipsa piissimis Imperatoribus nostris suggerere festine debeatis: quatenus cognoscat quod eorum temporibus schismatici cum omnipotentis Dei solatio & labore vestro, sua sponte reverti festinant. In eadem ad Exarchum Epistola conqueritur S. Gregorius, tum de majore ejus domus, tum de Justinocujus consilio utebatur; qui nimirum non obscure hæreticis favebant atque schismaticis.*

Quid pro  
ipsis in u-  
nitatem Ec-  
clesiæ con-  
firmandis  
præstiterit  
sanctus Gre-  
gorius.

Ibid. ep. 10.

Quia hujus insulæ Episcopus, postquam petitione oblata Callinico, postularat ut sibi cum omni populo ad unitatem Ecclesiæ reverti liceret, mentem deinde mutaverat, & se ad schismaticos iterum contulerat: placuit Papæ ut Marinianus Ravennas Episcopus Capritanæ Ecclesiæ ordi-

naret Episcopum, qui ad suam Metropolim pertineret; donec Histrici Episcopi ad fidem catholicam rediissent, quorum scilicet provinciæ tribuebatur insula Capritana. Nihilominus ante novi Episcopi ordinationem visum est sapientissimo Pontifici, ut mitteretur prius ad schismaticum Episcopum, qui de reditu ad Ecclesiæ catholicæ unitatem, & ad propriam plebem eum admoneret. Scripsit etiam Gregorius ad hujus insulæ habitatores, laudans amorem unitatis quo flagrabant, & de iis quæ Mariniano scripserat eos certiores faciens. Pauca ex hac Epistola quasi flosculos quosdam excerpenda duximus, & apponenda; mulcebunt enim, & odore, & aspectu: *Redemptor noster, inquit, . . . sic imis summa conjungit, ut ipse in æternitate permanens, ita temporalia occulto instinctu pia consulens moderatione disponat: quatenus de ejus manu antiquus hostis nullatenus rapiat quos ante secula intra sinum matris Ecclesiæ coadunandos esse præscivit. Nam etsi quisquam eorum inter quos corporaliter degit, flatibus motus, ad tempus ut palmes titubet: radix tamen rectæ fidei, quæ ex occulto prodit, divino judicio virens manet; quæ accepto tempore fructum de se ostentare valeat qui latebat. Quod in vobis nunc ex desiderio vestro gestum esse superni respectus illustratione cognoscimus, qui schismaticorum inter quos habitatis, pertinaciam refutantes, coadunari ovili Dominico mente promptissima ipsa rei operatione monstratis. Quibus enim scissura displicet, sanos se velle esse testantur, & reprobantes errorem, ostenditis vos amare quod rectum est, vitare quod devium. De aliis Histricæ populis qui schisma deseruerant, agitur in aliis plurimis hujusce anni Epistolis. In illis ad Ecclesiam revocandis eluxerat maxime Gulfaris magistri militum studium, de quo*

Ibid. ep. 97.

Ibid. ep. 63.  
94. 95. 99.

ipsi

a. In intimo recessu, maris Adriatici, non longe a littore provinciæ Foro-Julienfis.



ipsi gratulatur, & gratias agit piissimus Pastor; eumque ad perseverantiam, & ad protectionem a schismate redeuntibus impendendam adhortatur.

Qui ex schismaticis illis ad ovile reversi fuerant, de pravitate Episcoporum Histriæ multa narrabant: quæ ut Mauricio Imperatori significarent, medelamque flagitarent, Constantinopolim se contulerunt, & Anatolio Sedis apostolicæ Legato commendari postularunt. Id cum illis denegare non posset sanctissimus Pontifex, scripsit Anatolio ut eis, *salva ratione*, præberet auxilium. Non dubitabat enim quin hæreticis & schismaticis, haud fecus ac cæteris, æquum reddi deberet.

Hoc sane proprio probavit exemplo, erga Comensis Ecclesiæ Clericos, qui ab Ecclesia Romana secesserant, ut Histricorum schisma sequerentur. Constantius Mediolanensis Archiepiscopus, studio sacerdotali eos monuerat ut ad Ecclesiæ unitatem redirent. At illi responderunt se a multis injuriam passos, & præsertim ab Ecclesia Romana, quæ suæ Ecclesiæ prædium quoddam usurparat, potius hac iniqua prorsus agendi ratione a Romanorum societate repelli, quam caritate allici. Hæc ut accepit a Constantio Gregorius, respondit possessionem quam sibi ablatam Comenses causabantur, contra rationis ordinem ultra detineri se minime passurum, si eis jure competere, quamvis ad communionem redire different; sed, cognita veritate, restitui jussurum. Porro si ad unitatem Ecclesiæ se converterint, prædium de quo erat controversia, quamvis illis non competere, libenter concessurum.

Schismaticis, uti jam diximus, accenseri non debere Secundinum Monachum, qui tamen trium capitulorum damnationi non consenserat, vel ex Epistola hoc anno ad ipsum

scripta satis intelligitur. Magna erat Secundini fama, præsertim in aula Regis Langobardorum, & apud Theodelindam summa auctoritas, ob ipsius eruditionem & sanctitatem. Unde voluit Regina ut filium suum Adalaldum e fonte sacro susciperet, Paulo rerum Longobardicarum scriptore teste, apud quem vocatur <sup>a</sup> *Secundus servus Christi de Tridento*. In inscriptione Epistolæ dicitur inclusus; & ex Epistolæ serie ubi *Monomachus* appellatur, ob solitariam quam colebat vitam, liquet ipsum non Cœnobitam, sed Eremitam & Anachoretam fuisse. Ejus autem reclusionis distinctio tanta non erat, ut e cella egredi non liceret, aut etiam de gravissimis negotiis tractare. Profert Mabillonis exemplum Sigoberti reclusi apud S. Dionysium, in agro Parisiaco, qui cum Grimone Abbate Corbejensi ad Gregorium Papam eo nomine quartum, a Carolo Francorum Principe missus est. Cum adhuc hæreret pia Regina, & adduci non potuisset Gregorii adhortationibus aut precibus, ut trium capitulorum damnationem amplecteretur, Secundinus qui cum ipsa idem sentiebat, libellum scripsit quo suam tuebatur sententiam, rogavitque Gregorium Theodelinda, ut ad singula libelli ad se a Secundino missi responderet argumenta. Deprecatus est hunc laborem Gregorius ob podagræ dolores qui eum decumbere cgebant, & ab omni lucubratione seruari: *Sed si omnipotente Deo disponente, convalevero*, inquit, *ad cuncta quæ mihi scripsit (Secundinus) subtiliter respondebo*. Id tamen præstare sanctissimo Doctore nunquam licuit ob assiduas infirmitates.

Diu ante libellum hunc in quo de fide rebusque ecclesiasticis disputabat pius ille Monachus, scripserat ad S. Gregorium, ab ipso postulans eru-

a  
Lib. IV. c. 26.  
Scribit contra tria capitula, etsi minime schismaticus.  
Ann. Bened. pag. 252.

Lib. XI. v.  
Ep. 12.

VIII.  
Secundini humilis confessio.

a Idem Paulus docet ipsum historiam Langobardorum compendiose elucubrasse lib. III.

de gestis Langobar. cap. 30. & lib. IV. cap. 42.

V.  
Episcoporum schismaticorum depravati mores.  
Ibid. ep. 66.

VI.  
Gregorii caritas erga schismaticos.

VII.  
De Secundino Monacho  
Ibid. Ep. 52.

Eum confo-  
larur san-  
ctus Gre-  
gorius.

erudiri, & contra hostis insidias ejus monitis muniri. Quam in Epistola humiliter aperuerat confessione, se quamvis quinquagenario majorem, juvenilibus adhuc desideriis teneri & subjacere. Molestissime id ferentem ac pene animo despondentem erigit peritissimus vitæ cœlestis magister, illi respondens mirum non esse majores insidias callidi hostis patiatur, qui majora contra eum bella præparavit: Tanto quippe ille deprecationis molimina ardentius exquirat, inquit, quanto te cœlesti patriæ ferventius inhiare cognoscit. . . . Et nos quidem qui inter homines vivimus, sæpe per homines a callido hoste tentamur. Vos autem qui viam vitæ presentis, extra hominum frequentiam ducitis, tanto majora certamina pati necesse est, quanto ad vos ipse tentationum magister accedit. Cætera omitto sane eximia, & maxime a Monachis assidue legenda, ut inde discant nimiam de suo statu securitatem abjicere, & ex ea nasci solitam socordiam excutere, majorique contra latentes hostis insidias excubare vigilantia.

IX.  
Sancti Do-  
ctoris sen-  
tentia de  
usu, & cul-  
tu sacrarum  
imaginum  
expenditur.

At in fine laudatæ Epistolæ occurrit locus de imaginibus, cujus occasione quid senserit S. Gregorius de sacrarum imaginum usu & cultu inquirendum & expendendum censemus. Postularat pius Monachus a Pontifice sanctas imagines, cui morem gerens misit surtarias duas imaginem Dei Salvatoris, & sanctæ Dei Genitricis Mariæ, beatorumque Apostolorum Petri & Pauli continentes. Præmonuerat discipulum de usu imaginum his verbis: Valde nobis tua postulatio placuit, quia illum toto corde, tota intentione quaeris, cujus imaginem præ oculis habere desideras, ut te visio corporalis quotidiana reddat exercitatum: ut dum picturam illius vides, ad illum animo inardescas, cujus imaginem videre desideras. Et infra; Scio quidem quod imaginem Salvatoris nostri non ideo

petis, ut quasi Deum colas, sed ob recordationem filii Dei in ejus amore recalescas, cujus te imaginem videre desideras. Et nos quidem non quasi ante divinitatem ante illam proster-nimur, sed illum adoramus quem per imaginem aut natum, aut passum, sed & in throno sedentem recordamur. Et dum nobis ipsa pictura quasi scriptura ad memoriam Filium Dei reducit, animum nostrum aut de resurrectione lætificat, aut de passione demulcet. Hic habemus omnem de usu cultuque imaginum Ecclesiæ catholicæ doctrinam: & ipsam ante illas prostrationem. Neque de hac parte laudatæ Epistolæ amplius disputandum, postquam eam Gregorio nostris in notis vindicavimus. Præterea idem docet sanctissimus Pater aliis in locis indubitatis. In Epistola ad Januarium paulo antea scripserat ut a Synagoga Judæorum crux & imago Dei genitricis, cum ea qua dignum est veneratione auferrentur.

Neque vero quæ paulo post scripsit ad Serenum Episcopum Massiliensem, imagines quidem non esse frangendas, aut ex Ecclesiis projiciendas, immo potius in templis habendas, ut hi qui litteras nesciunt, saltem in parietibus videndo legant quæ legere in codicibus non valent; at minime adorandas; hæc, inquam, venerationem imaginibus debitam non tollunt aut impugnant, sed damnant iconolatrias, eos videlicet qui imaginem quasi Deum colunt, ut supra legimus in Epistola ad Secundinum. Id liquet ex ipsis Gregorii ad Serenum scribentis verbis: Fraternitas vestra quosdam imaginum adoratores aspiciens, easdem in Ecclesiis imagines confregit atque projecit. Et quidem zelum vos, ne quid manu factum adorari posset, habuisse laudavimus, sed frangere easdem imagines non debuisse indicamus. Subdit quæ jam ex parte retulimus, imagines litteras nescientium codices esse, in quibus

Ab Ecclesiæ  
doctrina  
nunc rece-  
pta non  
exorbitat.  
Lib. ix. Ep. 6  
13.

X.  
Objectioni-  
bus occur-  
ritur. Ibid.  
Ep. 105.  
Sanctus Gre-  
gorius in E-  
pistolis ad  
Serenum  
prohibet  
tantum ne  
imaginibus  
latriæ cul-  
tus tribua-  
tur  
Lib. xi. Ep.  
33.



legant & discant, quæ ex libris ad-  
discere non possunt.

Lib. XI. Ep.  
31.

Cum Serenus admonitionem sum-  
mi Pastoris insuper habuisset, aliam  
is Epistolam scripsit, qua ipse te-  
mere factum acrius increpavit: *Per-  
latum*, inquit, *ad nos fuerat, quod  
inconsiderato zelo succensus, Sancto-  
rum imagines sub hac quasi excusatio-  
ne, ne adorari debuissent, confrege-  
ris. Et quidem quia eas adorari ve-  
tuisses, omnino laudavimus: fregisse  
vero reprehendimus. Dic, frater, a  
quo factum Sacerdote aliquando au-  
ditum est, quod fecisti? Si non aliud,  
vel illud te non debuit revocare, ut  
despectis aliis fratribus, solum te san-  
ctum & esse crederes sapientem? Aliud  
est enim picturam adorare, aliud  
per picturæ historiam quid sit ado-  
randum addiscere. Infra docet ve-  
tustatem non sine ratione imagines  
admisisse. Unde ait Sereni facinus  
gravissimum in Ecclesia scandalum  
generasse, ita ut maxima filiorum  
ejus pars ab ejus communione se sus-  
pendisset. Proinde hortamur, inquit,  
ut vel nunc studeas esse sollicitus,  
atque ab hac te presumptione compe-  
scas, & eorum animos quas a tua  
disjunctos unitate cognoscis, paterna  
ad te dulcedine, omni annisu, omni-  
que studio revocare festines. Convoca-  
di enim sunt dispersi Ecclesiæ filii,  
eisque Scripturæ sacræ est testimoniis  
ostendendum, quia omne manufactum  
adorari non licet; quoniam scriptum  
est: *Dominum Deum tuum adorabis,  
& illi soli servies. Ac deinde sub-  
jungendum, quia picturas imaginum,  
quæ ad adificationem imperiti populi  
fuerant factæ, ut nescientes litteras  
ipsam historiam intendentes quid actum  
sit discerent, quia transisse in adora-  
tionem videras: idcirco commotus es,  
ut eas imagines frangi præciperes.*  
Ex his constat:*

Laudat ima-  
ginum u-

Primo, S. Gregorium laudasse ima-

a Vide lib. IV. Epist. 30. lib. VII. Epist.  
Tom. XVI.

ginum usum, tamquam antiquitus  
in Ecclesia receptum. Neque tamen  
putamus ab ipsis religionis christianæ  
incunabulis, hunc cœpisse usum,  
cum & Judæis recens conversis po-  
tuissent imagines esse offensioni, &  
Gentiles nuper factos Christianos ad  
idololatriam revocare. Sed ubi sine  
periculo potuerunt recipi, statim vi-  
sæ sunt in Ecclesiis maxime ad or-  
natum, & ad illiteratorum eruditio-  
nem, ut docet sanctus Paulinus No-  
lanus Episcopus, qui quarto seculo  
florebat.

Secundo, sanctum doctorem per  
adorationem quam vetat imaginibus  
exhiberi, intelligere supremum illum  
cultum soli Deo debitum. Unde ad-  
ducit hoc Scripturæ testimonium,  
*Dominum Deum tuum adorabis, &c.*  
Et infra quærens aliquam Sereni facto  
excusationem, ait non alio consilio  
fractas ab eo, & projectas fuisse ima-  
gines, quam ne adorarentur, quod  
jam a nonnullis admissum observarat.  
Certe inter Gentes degebat Serenus,  
ut ait S. Gregorius. In Galliis hoc  
ævo multas adhuc idololatriæ reliquias  
superstites fuisse jam observavimus.  
Hinc nonnullos ante imagines pro-  
stratos videns Massiliensis Episcopus;  
temere judicavit eos imagines tam-  
quam Deum colere; ac majori te-  
meritate, quæ ad communionem ejus  
deferendam plerosque compulit, eas-  
dem imagines fregit & projecit.

Sed non ad-  
orationem  
proprie die-  
ctam.

Lib. XI. Ep.  
13.

S. Gregorii mens erga cultum san-  
ctarum imaginum agnosci quoque  
potest ex singulari veneratione quam  
sacris reliquiis exhibendam ubique  
docet; etiam linteis & pannis, \* qui  
super sanctorum Apostolorum, aut  
Martyrum tumulos positi fuerant,  
aut similibus. Qui sub ejus discipli-  
na instituti erant Augustinus ejusque  
socii, cum Doroberniam ingressi sunt,  
uti supra narravimus, crucem & i-  
maginem Salvatoris pro sacro vexil-  
lo

XII.  
Ejusdem ve-  
neratio erga  
Sanctorum  
reliquias.

2

26. lib. IX. Epist. 122.

V

lo præferre constituerunt; ut publice, quantum iis cultum, quantam deferrent reverentiam, testarentur. At quæ a discipulis hic facta legimus, doctrinæ magistri sunt argumentum.

## C A P U T II.

*I. Cyriacus Abbas in Galliam Legatus mittitur. II. Massiliam venit, ubi a Sereno male exceptus. III. Inde Arelatum. De privilegiis ab apostolica Sede ad Regum postulationem concessis. IV. Desiderio Vienne pro suæ Ecclesiæ privilegiis supplicanti quid responderit S. Gregorius. V. Usus dalmaticarum Aregio Vapincensi concedit. VI. Et Pallium Syagrio Augustodunensi. Quibus conditionibus. VII. Epistola ad Galliarum Reges, de emendandis cleri Gallicani corruptelis. Quo successu. VIII. De Mauriennensi Episcopo. IX. Cyriaci legatio in Hispaniam. X. Felix tunc Hispaniæ status. De Claudio regni administro a Papa laudato. XI. Argumentum Epistolæ ad Leandrum scriptæ. Pallio donatur. XII. Recarci Regis encomium. Respuit pecuniam a Judæis oblatam. XIII. Eximia Regi data monita.*

*I. Cyriacus in Galliam Legatus mittitur.*

*Lib. IX. Ep. 105. & 120. Mabill. an. Bened. lib. 11. p. 256.*

*a*

**E**cclēsia Gallicana Gregorio nostro semper carissima, hoc præsertim anno paternam ipsius experta est sollicitudinem. Cum enim de variis vitiis & corruptelis in Gallia grassantibus certior factus esset, non satis habuit de his emendandis Reges & Episcopos admonere; sed etiam Legatum eo mittendum existimavit: qui, ut quantocius concilium celebraretur ad hæc refecanda strenue apud Principes ac Antistites ageret. Is fuit Cyriacus Abbas S. Andreæ

*a* Maxime in regno Burgundiæ extra quod non extendebatur Cyriaci legatio, & Sya-

ad Clivum Scauri, qui prius in Sardiniam missus fuerat ut in <sup>b</sup> Barbaricorum conversione Felici Episcopo collaboraret. Unde intelligimus quantum floreret tum istud Romanum S. Gregorii Monasterium; ex quo videlicet eodem tempore tot assumti sunt verbi sacri præcones ad Anglorum conversionem missi; & Sedis apostolicæ Legatus delectus, qui tum in Galliis, tum in Hispaniis gravissima negotia pertractaret.

Cyriacus multis Papæ Epistolis munitus, Massiliam primum venit maritimo itinere, ubi salutato Sereno Episcopo, nomine Pontificis, litteras de fractione imaginum communitarias dedit, quarum supra meminimus. Legatum ab Episcopo non ea qua par erat caritate ac reverentia exceptum fuisse inde conjicimus, quod, ut liberius stomachari liceret, sinxerit Serenus Pontificias litteras a Cyriaco sibi oblatas, supposititias esse. Hanc falsi suspicionem Legato injuriosam graviter postea redarguit S. Gregorius, ita scribens ad Serenum: Ex illo autem quod de scriptis nostris, quæ ad te misimus, dubitasti, quam sis incautus apparuit. Nam si diligenter ea quæ fraterno amore monuimus, attendisses, non solum minime dubitasses, sed immo quid te sacerdotali gravitate oporteret agere, cognovisses. Neque enim Cyriacus quondam Abbas, qui scriptorum nostrorum portitor exstitit, istius discipline vel eruditionis fuit, ut vel ipse aliud facere, sicut putas, auderet, vel istam de ejus tibi persona suspicionem falsitatis assumeres. Sed dum monita salubria pensare postponis, contigit ut jam non solum actu, verum etiam esses interrogatione culpabilis.

Massilia relicta Cyriacum Arelatem venisse credimus, & ad Virgilium detulisse summi Pontificis Epistolam, qua

*III. Inde Arelatum. Lib. IX. Ep. 111.*

grio collata potestas cogendarum Synodorum. *b* Vide lib. IV. Ep. 24. 25. 26.

*b*

*II. Massiliam venit, ubi a Sereno male exceptus. Cap. I. n. 10. Lib. XI. Ep. 13.*



De privile-  
giis ab apo-  
stolica Sede  
ad Regum  
postulatio-  
nem con-  
cessis.

<sup>a</sup> qua confirmabat privilegia <sup>a</sup> cuidam monasterio virorum olim a Vigilio Papa concessa. De privilegiis huic cœnobio indultis nihil aliud scimus quam quod nos docet S. Gregorius; <sup>b</sup> scilicet glorio sœmemoriæ Childebertum Francorum Regem intra muros Arelatensis civitatis monasterium virorum constituisse, & quædam pro habitantium sustentatione concessisse; cujus ne voluntas duceretur in irritum, & ea quæ pro quiete Monachorum disposita fuerant, turbarentur, Epistolis suis hæc apostolica petitiis auctoritate firmari. *Subjunxerat petitioni suæ ut eidem monasterio tam in dispositione rerum, quam in ordinatione Abbatis quædam pariter privilegia largirentur: sciens quippe eam apostolicæ Sedi reverentiam a fidelibus exhiberi, ut quæ ejus fuissent decreto disposita, nullius deinceps illicitæ usurpationis molestia quaterentur. Annuerat Regiæ postulationi Vigilius Papa, & ea de re scripsit ad Aurelium seu Aurelianum Episcopum. Verum ne lapsu temporis, quæ indulserrat Vigilius oblivione delerentur, & ab Arelatensibus Episcopis convellerentur, S. Gregorius exemplum privilegii ab antecessore suo concessi misit ad Vigilium, & omnia in ipso contenta rata se habere significavit. Nam licet, inquit, ea quæ semel apostolicæ Sedis auctoritate sancita sunt, nil egeant firmitatis; ex abundantia tamen cuncta, quæ pro hujus rei quiete a prædecessore nostro statuta sunt, nostra iterum auctoritate in omnibus roboramus. Fraternitas ergo vestra ita se in custodiendis eis*

*exhibeat: quatenus & omnem occasionem inquietudinis excludat, & aliis hæc operari suadeat, dum se in custodienda c defuncti piissima voluntate, sollicitam, ut decet, exhibuerit & devotam. Adeo cautum esse servorum Dei tranquillitati cupiebat optimus pater. Cæterum hæc & similia d privilegia sæpe Gallicanis monasteriis, postulantibus etiam Regibus, concessa Romanis a Pontificibus, jam tunc summam eorum etiam in Galliis auctoritatem fuisse probant, citra quam videlicet nihil ratum habebatur; qua vero accedente inconcussa omnia stabant.*

Arelate discedens Cyriacus fortasse Viennam perrexit, Desiderioque Archiepiscopo obtulit S. Gregorii Epistolam, qua ipsi etiam pro privilegiis supplicanti respondet. Agebat hic Præsul Ecclesiæ suæ quædam olim privilegia esse ab apostolica Sede concessa, usumque Pallii suos antecessores antiquitus habuisse: quæ sibi aliisque in posterum Viennensibus Antistitibus restitui magnopere cupiebat. Sed nihil repertum in Ecclesiæ Romanæ scrinio, quo de concessis aliquando privilegiis illis fides fieret, testatur S. Gregorius; unde monet Archiepiscopum ut in requirendis Ecclesiæ suæ chartis sit sollicitus; & si quæ reperiantur quibus quod contendebat probari possit, Romanam curer transmittere. *Nam qui nova concedimus, inquit, vetera libentissime reparamus.* Unde liquet non omnibus olim Metropolitanis concessum Pallium. Ealem fere scripsit postea Ætherio Lugdunensi.

V 2

Cy-

<sup>a</sup> De hoc monasterio consule notas ad laudatam Epistolam, & Annales Bened. Mabill. lib. v. pag. 128. ubi refellit conjecturam Auctoris Pontific. Arelat. de hoc monasterio.

<sup>b</sup> Multa alia monasteria contruenda curavit & amplissimis ditavit donis Childebertus, maxime celeberrimum S. Germani apud Parisios ac ceterum.

<sup>c</sup> Ex his discimus non solum Aurelium privilegiis ab apostolica Sede indultis consen-

sisse, sed etiam ut concederentur optasse; quod persuadere videtur præfatum monasterium, præter Childebertum Regem, fundatorem etiam habuisse Aurelium; fortasse quod ipsi Regulam dederit ad cujus præscriptum viverent Monachi. Eam lege Cod. Reg. part. 11. pag. 69.

<sup>d</sup> Vide præsertim lib. xiii. Epp. 6. §. 9. 10.

IV.  
Desiderio  
Viennensi  
pro suæ Ec-  
clesiæ pr vi-  
legiis sup-  
plicanti  
quid res-  
ponderit S.  
Gregorius.  
Lib. ix. Ep.  
112  
Lib. xi. Ep.  
56.

V.  
Usum dalmaticarum  
Aregio Vapincensi  
concedit.  
*Ibid.*, Ep. 107,  
a

Cyriacum Vapincum petiisse testis est Epistola ad <sup>a</sup> Aregium Episcopum Vapincensem scripta, qua sanctissimus Pontifex tum amicum de suorum obitu merentem consolatur, tum rogat ut Synodo per Syagrium cogendæ interfit, ac se de omnibus in ea gestis reddat certiores, quod tanti viri sanctitatem compertam haberet. Aregius non ita pridem Romam profectus fuerat ad invisenda sanctorum Apostolorum limina, & ad salutandum S. Gregorium; postularatque ut sibi atque Archidiacono suo licentia daretur utendi dalmaticis. Iis enim tunc non utebantur Diaconi promiscue, sed tunicis quæ erant strictis manicis, dalmaticæ vero amplis. Legimus in <sup>b</sup> vita S. Cæsarii Arelatensis Symmachum Papam, tanta ejus meritorum dignitate permotum.... Diaconos ipsius ad Romanæ instar Ecclesiæ dalmaticarum fecisse habitu præminere. Aregius hominum suorum infirmitate compulsus festinanter abscesserat, nondum obtento dalmaticis utendi privilegio. Quod per Cyriacum ad eum misit, additis etiam ipsis dalmaticis.

b  
*Johan. Diacon.*  
*lib. 111. vi.*  
*æ. c. 59.*

VI.  
Et Pallium  
Syagrio Augustodun.

Tot perlustratis urbibus, Legatus tandem Augustodunum pervenit, ubi maxime cum Syagrio Episcopo de negotiis ecclesiasticis tractandum erat. Duas ad eum S. Gregorii Epistolas detulit Cyriacus, unam velut encyclicam & Syagrio Augustodunensi, Etherio Lugdunensi, Virgilio Arelatensi, Desiderioque Viennensi Episcopo communem, qua grassantia in Gallicanis Ecclesiis mala enumerat, videlicet simoniam, neophytorum seu laicorum nondum probatorum præproperam promotionem ad sacerdotia, mulierum cum Clericis cohabi-

tationem; necnon Synodorum quæ quotannis haberi debent, neglectum; de quibus eliminandis in Concilio deliberandum censet: alteram, qua prius gratis actis ob navatam Augustino operam, ipsi <sup>c</sup> Pallii usum concedit, decernitque ut Ecclesia Augustodunensis primum in provincia locum post Lugdunensem obtineat. Deinde Syagrio tamquam apostolicæ Sedis vices gerenti curam congregandæ Synodi mandat. Magna erat hujus Episcopi auctoritas apud Brunichildem Reginam ejusque nepotes Theodericum & Theodebertum. Nec immerito, nam *Sacerdoti nomen*, Johannis Regionarii aliorumque multorum testimonio, *etiam morbus implebat*. Jam pridem erat ex quo Brunichildis de Pallio ipsi concedendo apud Papam egerat. Quid autem causæ fuerit, ut tardius hoc honore donaretur, disce ex laudata mox ad eandem Reginam Epistola. Immo quando illi utendi Pallio ad sacra tantum Missarum solemniam celebranda potestatem fecit, adjecit conditionem: *Quod, inquit, ita tibi dandum esse decrevimus, si prius per Synodi definitionem emendare promiseris quæ corrigenda mandavimus*. Et infra: *Unde quia præcellentissimos filios nostro Francorum Reges magnam vobis novimus dilectionem impendere, omni vos studio omnique agere animum necesse est, ut quod de Synodo congreganda mandavimus, Fraternalitatis vestræ vigilantia compleatur, atque omnia illic quæ pro animarum salute scripsimus censeantur; quatenus per hoc, & vos zelum vestrum, & qualiter vobis illicita displiceant ostendatis, & nos utiliter providisse, qui vestram ad hoc præ cæteris personam*

*Lib. 1. x. Ep. 11.*

*Quibus conditionibus.*

<sup>a</sup> Sive Aredium: hic successerat Sigittario, qui cum Salonio plurimis in Conciliis fuerat depositus. Tandem uterque in basilicam B. Marcelli Cabil. sub custodia detruditur, teste Greg. Turon. lib. v. histor. c. 28.

<sup>b</sup> Tom. 1. act. SS. à Mabillonio edit. pag. 665.

<sup>c</sup> Supra observavimus non omnibus Metropolitanis datum olim Pallium. Neque illis solis concessum probat exemplum Syagrii: Plurimis etiam Sicilia Episcopis, aut Panormitanis concessum legitur in Gregorianis Epistolis.



nam elegimus, videamur.

VII. De eodem argumento scripserat  
Epistolæ ad  
Galliarum  
Reges de e-  
mendandis  
cleri Gall. c.  
corruptelis.

a  
Lib. I. x. Ep.  
109. & 110.  
Quo succes-  
su.

Concilium tamen pro extirpandis  
& eliminandis e clero Gallicano hu-  
jusmodi corruptelis, quod sanctissi-  
mo Pontifici adeo cordi erat, nullum  
his temporibus habitum in Galliis  
legimus, fortasse quod Syagrio tibi  
prælato Episcopi, Metropolitani ma-  
xime, obtemperare detrectaverint.

VIII.  
De Tauri-  
nensi Epi-  
scopo.  
Ibid. Ep. 115.  
& 116.

Non feliciorem exitum habuit quod  
postularat ab iisdem Regibus pro  
Ursicino Taurinensi Episcopo, nimi-  
rum, ut ejus Ecclesiæ subtractæ quæ-  
dam parochiæ restituerentur. Con-  
troversia præsertim erat de Maurien-  
sensibus & Segusiensibus; quas cum  
occupasset Guntramus Rex, noluit  
amplius Taurinensi subesse Episcopo,  
quia hæc urbs erat in Langobardo-  
rum ditione. Itaque proprium habe-  
re cepit Episcopum urbs b Mauri-  
enna, qui primo Tarentasiensi Me-  
tropolitano attributus est, postea  
Viennensi, quod hodie perseverat.

IX.  
Cyriaci le-  
gatio in  
Hispaniam.

Cyriaco apud Hispanos felicius le-  
gatio cessit: etenim ipso annitente,  
ut par est credere, celebratum est  
hoc anno Kalendis Novembris Barcino-  
nense Concilium, cujus cum quatuor  
sint tantum Canones, duo simonia-  
cam labem infectantur, tertius ad-  
versus præmaturas Neophytorum ordi-  
nationes conditus est. Hoc nomine,  
ut diximus, intelliguntur laici, qui

nondum assidua exercitatione proba-  
ti, auspice ambitu, seculari potesta-  
te duce, ad sacerdotia, & ad ipsos  
proflire audebant episcopatus.

Felix tunc erat Hispaniæ status  
sub Recharedo Rege optimo, qui ad  
Regni sui administrationem adjutores  
adhibuerat probos viros; in his Clau-  
dium, & Leandrum Hispalensem  
Episcopum de quo sæpe jam dictum  
est. Claudius vero quis & qualis es-  
set, non potest melius agnosci quam  
ex Gregoriana Epistola cujus lator  
fuit Cyriacus: *Quia unguenti moris  
bonorum fragrat opinio, vestra Gloria  
de Occidentalibus partibus hucusque  
odor tetendit. Cujus profecto auresuz-  
vitate respersus, multum fateor quæ  
nesciebam dilexi, atque intra sinum  
cordis amoris manute rapui: nec jam  
eum nesciens diligebam, cujus bona  
cognoveram. Qui enim mihi magna  
intentione notus, sed corporis visione  
manet incognitus, de eo proculdubio  
veraciter dicere possum, quia perso-  
nam illius scio, sed domum nescio.  
Magna autem vestra laudis datur as-  
sertio, quod excellenti Gothorum Regi  
vestra Gloria sedulo adhaerere perhibe-  
tur: quia dum malis boni semper dis-  
pliceant, bonos vos esse certum est,  
qui bono placuistis. Postea optimum  
virum ad perseverantiam hortatur:  
& in fine Epistolæ commendat Cy-  
riacum, ut peractis quæ ei injuncta  
erant, nulla eum remeandi mora præ-  
pediret. De duabus aliis Epistolis ab  
hoc Legato in Hispaniam delatis,  
una ad Leandrum, altera vero ad  
ipsum Regem, quæ sane sunt exi-  
miæ, tacere non est integrum.*

XI.  
Argumen-  
tum Episto-  
læ ad Lean-  
dram scri-  
ptæ.  
Ibid. Ep. 121.

In priori Gregorius mire laudat  
litteras quas nuper a sancto viro ac-  
ceperat. Boni, inquit, sapientesque  
viri, cum legeretur (hæc Epistola)  
adfuerunt, quorum statim viscera in-

con-

a Vide lib. xi. ab Ep. 56. ad 63;

b Dicta postea cum ipsa valle S. Johannes  
de Maurienna, ob miraculorum S. Johannis  
Baptistæ celebritatem hoc in loco, ubi infi-

gnes ejus exstant reliquiæ; de quibus vide  
Greg. Turon. lib. i. de glor. Mart. c. 14.  
& seq.

compunctionem commota sunt. Cæpit quisque amoris manu in suo corde te rapere, quia in illa Epistola tuæ mentis dulcedinem non erat audire, sed cernere. Accendebantur & mirabantur singuli, atque ipse ignis audientium demonstrabat, qui fuerat ardor dicentis. Quæ sane magnum deperditæ hujus Epistolæ desiderium generant. Unum in ea vituperat Pontifex incredibilis humilitatis, & dolet ab amico scriptum; nimirum vitam suam cunctis esse imitabilem. His provocatur ad lacrymas de amissa priori vitæ tranquillitate, adeoque Pontificatu: Quasi enim, inquit, prospero statu navigabam, cum tranquillam vitam in monasterio degerem. Sed procellosis subito motibus tempestas exorta, in sua perturbatione me rapuit, & prosperitatem itineris amisi: quia quiete perditâ mentis naufragium pertuli. Ecce nunc in undis versor, & tuæ intercessionis tabulam quero, ut qui navî integra dives pervenire non merui, saltem post damna ad littus per tabulam reducar.

Ep. No. donatur.

In fine Epistolæ significat missum ad Leandrum ex S. Petri benedictione Pallium, quod & antiquæ consuetudini, & ipsius gravitati ac bonitati, & Recharedi Regis, qui hunc honorem suo in fide catholica patri & magistro concedi rogarat, optimis moribus jure debeatur.

Ibid. Ep. 121.

XII.

Recharedi Regis enco-

mium.

Ibid. Ep. 112.

Ps. 67. 11.

In Epistola qua litteris a Rege acceptis respondet S. Gregorius, non minus elucet summa animi demissio. Nam postquam de conversis ad fidem catholicam Recharedi opera omnibus Gothis, prius Arianis, exclamavit supens: Hec est immutatio dextere excelsi: subdit: cujus enim vel saxeum pectus tanto hoc opere cognito, non statim in omnipotentis Dei laudibus, atque in tuæ Excellentie amore mollescat? Hec me, fateor, quæ per vos acta sunt, sæpe convenientibus filiis meis dicere, sæpe cum eis

pariter admirari delectat. Hæc me plerumque etiam contra me excitant, quod piger ego & inutilis tunc inerti otio torpeo, quando in animarum congregationibus pro lucro cælestis patriæ Reges elaborant. Quid itaque ego in illo tremendo examine Judici venienti dicturus sum, si tunc illuc vacuus venero, ubi tua Excellentia greges post se fidelium ducet, quos modo ad veræ fidei gratiam per studiosam & continuam prædicationem traxit?

Postea gratias agit pro muneribus regiis ad beatum Petrum missis: (in his erat calix aureus) & maxime laudat Regem ob rejectam ingentem pecuniæ summam, quam Judæi obtulerant, ut legem contra ipsos latam refingeret: quo facto, auro innocentiam prætulit, & Davidem æmulatus est, immo superavit. Nam si ab armato Rege in sacrificium Dei versa est aqua contempta, pensemus quale sacrificium omnipotenti Deo Rex obtulit, qui pro amore illius non aquam, sed aurum accipere contempsit? Itaque, Fili excellentissime, fidenter dicam, quia libasti aurum Domino, quod contra eum habere noluisti. Magna sunt hæc, & omnipotentis Dei laudi tribuenda.

Quanto præstantiora erant quæ de juvene Rege narrabat Gregorius, tanto majus imminabat a superbix spiritu periculum. Neque enim, inquit, latrunculi in via capere viatores vacuos expetunt, sed eos qui auri vasa vel argenti ferunt. Itaque contra dolosi hostis latentes insidias eum eximiis monitis & præceptis manendum putavit. Sæpe namque, inquit, malignus spiritus ut bona destruat quibus prius adversari non valuit, ad operantis mentem post peractam operationem venit, eamque tacitis cogitationibus in quibusdam suis laudibus excutit; itaut decepta mens admiretur ipsa, quam sint magna quæ fecit. Quæ dum per occultum tumorem apud se-

Lib. IX. Ep. 61. Respuit pecuniam a Judæis oblatam.

XIII. Eximia Rege data monita.



*semetipsam extollitur, ejus qui domna tribuit, gratia privatur..... Quid ergo in his agendum est, nisi ut malignus spiritus cum nobis ad elevandam mentem reducit bona quæ egimus, nos semper ad memoriam mala nostra revocemus: quatenus & nostra cognoscamus esse quæ peccando fecimus, & solius omnipotentis Dei munera, cum peccata declinamus?*

Pro acceptis a Rege muneribus sacras reliquias rependit S. Gregorius. Longe ampliora dona Recharodus miserat diu antea per Legatos qui erant *Abbates ex monasteriis*; at quibusdam scopulis prope Massiliam inherentes; vix suas potuerunt animas liberare. Sed de Gregoriana ad hunc Regem Epistola satis, maxime cum in notis ad ipsam, ejus excellentia commendetur.

## CAPUT III.

*An. 593. & I. Gregorius ægrotans, nihil remittit de cura pastoralis. II. Crementius Byzacene provincie Primas ad ejus judicium confugit. III. Metropolitanorum in suæ provincie Episcopos auctoritas. IV. Vagantes absque Metropolitanis licentia Episcopos ad eos remitti jubet S. Gregorius. V. Forma judiciorum in Episcopos, in condemnatione Episcopi Melitensis. VI. Defensorum officium usurpantes puniuntur. VII. Humilis responsio S. Gregorii ad injustas querelas. VIII. In variis ejus decretis quanta eluceat prudentia. IX. Quanta ejus de Monachis sollicitudo. X. S. Columbanus eum consultit.*

I.  
Gregorius  
ægrotans,  
nihil remittit de cura  
pastoralis.  
Lib. ix. Ep.  
121.  
Lib. x. Ep.  
35.

**E**tsi compertum habemus hoc præsertim anno Gregorium infirmum usum esse valetudine, ac podagra laborasse, nunquam tamen strenuum se magis ostendit in exsequendis quæ sui erant officii, uti probant tot variis de negotiis ad universi pene Or-

bis Christiani Episcopos ab eo scriptæ Epistolæ: adeout perpensis quæ pro Ecclesia & Republica gessit dicere libeat, ægrotante Gregorio, semper valuisse ac viguisse Pontificem.

Extrema ex Africa, nimirum ex Byzacena provincia Crementius ipsius Primas ad Papæ judicium tandem confugere coactus est. Is de quodam crimine fuerat accusatus, & Imperator eum juxta canonica statuta voluerat a Romano Pontifice judicari, sed Theodorus Magister militum, acceptis decem auri libris, obstitit ut minime fieret. Urgebat tamen Augustus ut Papa transmitteret aliquem, & quidquid esset canonicum faceret. Crementius itaque a suis collegis & coepiscopis impetitus, instante aliunde Imperatore, misit in Siciliam Martinum scholasticum ad Johannem Syracusanum, quem sciebat Gregorio gratissimum & familiarem, ut eo favente facilius posset summo Pontifici obrepere. Profitebatur hic Primas se apostolicæ Sedi subiectum esse; sed dubium erat utrum pure an fecte. Quod autem se dicebat Sedi apostolicæ subijci, si qua culpa in Episcopis invenitur, inquit S. Doctor, nescio quis ei Episcopus subiectus non sit.

II.  
Byzacenus  
Primas ad  
ejus judicium  
confugit.  
Lib. vi. Ep.  
55.

Crementius ejusque patronus Martinus Scholasticus, ut Cyzacenorum Episcoporum criminationes facilius diluerent & in eos regerent, de ipsis varias querelas ad summum Pontificem detulere; maxime quod ex illis aliqui sine Primatis sui Epistolis ad Comitatum profecti essent, & conventus illicitos celebrarent. Id minime sibi probari significavit Gregorius, at in hoc negotio sententiam ferre noluit: *Quia, inquit, causarum origo, vel qualitas omnino nobis ignota est: a pronuntiare aliquid definitive non possumus; ne, quod reprehensibile*

Lib. vi. Ep.  
58.

a

a Eadem prudentia elucet in Ep. 29. lib. x. ubi de causa Pompeii Episcopi agitur. In

ea videtur minime probare confessionem criminis tormentis extorqueri *Hæc, inquit, gesta*

nimis est, de rebus non bene cognitis proferre sententiam videamur. Scripsit vero ad Johannem Syracusanum, ipsius arbitrio permissum ea de re colloqui cum Martino, & quid facto esset opus judicare. Causam Clementii postea in Synodo Byzacenæ provinciæ agitatam nos docet Epistola 32. libri xli. ad eandem Synodum scripta.

III. Ex querela Clementii de suæ provinciæ Episcopis sine sua licentia & litteris commendatitiis ad Comitatum, hoc est ad aulam profectis, datur intelligi quantum tunc a suis Metropolitanis aut Primatibus penderent eorum suffraganei. Idem probatur ex alia S. Gregorii Epistola Sardinia Episcopis directâ, qua arguit eos qui diem paschalis festivitatis a suo Metropolita non dignabantur addiscere, tum illos qui pro emergentibus Ecclesiæ suæ causis transmarina petentes, sine sui Metropolitanis cognitione vel Epistolis, sicut canonum ordo constituit, audebant ambulare. Hortamur ergo, inquit, Fraternitatem vestram, ut antiquam Ecclesiarum vestrarum consuetudinem exsequentes, tam de suscipienda Paschali devuntiatione, quam etiam si quemdam vestrum pro causis propriis ubicumque compulerit ambulare necessitas, ab eodem Metropolitanano vestro secundum indictam vobis regulam petere licentiam debeatis, nec eum postponere in aliquo presumatis; excepto, si, quod non optamus, contra eundem Metropolitanum vestrum habere vos aliquid causæ contingat, ut ob hoc Sedis apostolicæ iudicium requiratis.

IV. Vagos Episcopos Metropolitanis inobedientes ipsis reddi præcipiebat, ut dignis afficerentur pœnis. Unde scribit Syagrio Theodorum quem-

dam Episcopum diœcesis Mediolanensis, qui disciplinam Constantii Archiepiscopi devitans morabatur in Gallia, diligentissime requirendum & ad Metropolitanum suum reducendum. Jubet eadem in Epistola Menatem quoque Episcopum, de diœcesi Romanæ Ecclesiæ, cui episcopatus nomen non amplius in honore erat, e Galliis pelli, & Romam transmitti: *Ut sub ea qua dignum erat observantia refrenatus, seculares mores, ad sacerdotalem studeret convertere gravitatem.*

Forma iudiciorum in Episcopos reos, describitur in Epistola ad Johannem Episcopum Syracusanum. Commota querela adversus Lucillum Melitæ civitatis Episcopum, Johannes inquisitionem de ipsius crimine instituerat, quam perscriptam ad summum Pontificem miserat postea. Quæ lecta Gregorius Johanni rescripsit: *Quia tanti facinoris ultio nulla debet dilatione differri: Fraternitas vestra tres vel quatuor de fratribus ac consacerdotibus nostris sibi adhibeat, ut ipsis quoque presentibus prædicta ac satisfacta veritate, prædictum Lucillum de episcopatus ordine, quem hujusmodi sceleris contagio maculavit, studeat sine ambiguitate deponere.* Criminis Episcopi conscii & participes esse dicebantur quidam sive Diaconi sive Presbyteri; quos præmissa sedula indagatione si rei reperiantur, vult Pontifex ab honoris sui gradu dejici, & in monasteria pœnitentiæ causa detrudi. Quod spectat ad laicos, ejusdem peccati societate maculatos, decernit eos, qui rei esse claruerint, Dominici corporis ac sanguinis participatione privandos, indictis insuper litanis & orationibus. Tempus hujus pœnitentiæ definiendum relinquit Johannis

Episcopos, ad eos remitti iubet S. Greg.

Ibid. Ep. 113.

V. Forma iudiciorum in Episcopos in condemnatione Episcopi Melitenfis.

Ibid. Ep. 63.

a

gesta esse poterant ad definiendum idonea, si accusati confessionem sequeretur; si tamen eadem confessionem subtilitas examinis ex occultis eliceret, & non assistitio vehemens

exterqueret, quæ frequenter hoc agit, ut noxios sese fateri cogantur etiam innoxios.

a De excommunicatione Episcopi, Presbyterorum & Diaconorum nulla fit mentio, quia



Lib. x. Ep. 1.

nis arbitrio; quem admonet providere, ut iis qui mortis urgerentur periculo viaticum non negetur. In locum dejecti Episcopi cum suffectus esset Trajanus Abbas monasterii Syracusani, S. Gregorius præcepit ipsi restitui a Lucillo & a Petro ejus filio res Ecclesiæ Melitensis, cujus deprædator fuerat flagitiosus hic Episcopus, non rector aut pater. Petiit novus Episcopus ut quatuor aut quinque Monachos e suo monasterio assumere sibi liceret, quos adjuutores & convictores haberet; quod etsi æquum judicaverit sapientissimus Pontifex, tamen illos concedere propria auctoritate noluit; sed id Johannis permisit arbitrio, ne jura Episcopi minuere videretur.

VI.  
Defensorum  
officium u-  
sui-pantes  
puniantur.

Hoc ipso anno æquissimi Pontificis vindicta exarsit in eos qui defensorum nomen & auctoritatem asciscere sibi audebant in Sicilia. De iis inquirendis & coercendis ad Romanum defensorem scripsit. Quia vero unus ex illis Martianus nomine, Johanni Episcopo patrimonii Romani curam gerente obedientiam exhibere distulerat, contumacem a in exilium deportari jubet.

VII.  
Humilis re-  
sponso S.  
Greg. ad in-  
justas que-  
relas.  
Lib. ix. Ep.  
12.

Qui inflexam erectamque mentem in his omnibus judiciis exercendis ostendit, quam demissi tamen esset animi probavit, maxime respondendo Johanni Syracusano jam sæpe commemorato, de nonnullis querelis contra se, ut a Johanne audierat, publicatis. In ordinandis quibusdam ritibus ad Missam pertinentibus, Gregorium consuetudinibus Ecclesiæ Constantinopolitanæ obsecutum esse ægre ferebant, qui falso pro Ecclesia Romana zelo abrepti, ejus honorem mutuatis ab inferiori Ecclesia ceremoniis læsum causabantur. Ad

quia suorum graduum privatione sufficientes pœnas dabant. Quando aderant sufficientis criminis indicia, Presbyteros aliosque Clericos in *districam custodiam* conjici jubebat S. Pontifex. Vide lib. x. Ep. 4.

Tom. XIV.

hæc respondet Pontifex humilitate quam dignitate præstantior, primo se nullius alterius Ecclesiæ ritus in his quæ constituit, imitatum esse: secundo se non pudere imitari quidquid boni in inferioribus Ecclesiis repperit: *Stultus est enim*, inquit, *qui in eo se primum existimat, ut bona quæ viderit, discere contemnat.* Quæ sane tam sapiente Pontifice sunt dignissima.

Sancti viri summa prudentia præsertim enituit, in his quæ adversus Judæos negotiatores constituit, ne mancipia Christiana ipsis retinere liceret, quod maxime cupiebant & variis artibus obtinere quærebant: sed omnes elusit vir perspicacissimus & in mira simplicitate sagacissimus. Ejusdem prudentiæ deputandum quod, etsi suis eleemosynis nullo terminos præscribi suerit, decrevit tamen haud patiendum ut concessa per aliquot annos in eleemosynam, postea quasi debitum quid exigerentur. Quamquam ea quæ ad Ecclesiæ jura perveniunt alienari legis ratio non permittat, ut ipse S. Doctor præfatur in Epistola ad Romanum defensorem, temperandam tamen aliquando legis hujus severitatem censuit intuitu misericordiæ. Quapropter donatam ab Ammonia Romanæ Ecclesiæ domum, Calixeno ejus nepoti paupertate laboranti restitui jussit: maxime cum contenderet aviam suam hujus domus alienandæ nullam habuisse potestatem; etsi id minime probaret.

Eumdem Romanum alia admonuit Epistola, caveret ne patrociniū Ecclesiæ facilius impendendo flagitiosos defenderet, ac sic fieret conscius eorum facinorum: unde nec litterarum suarum, si quas forte commendatitias incaute dedisset, rationem ullam ha-

beri

a Vide lib. xi. Ep. 71. & lib. xiii. Ep. 45. ubi etiam sit mentio pœnæ exilii inflictæ aut infligendæ Clericis, ipsi quoque Episcopis in foro Ecclesiastico.

VIII.  
In variis e-  
jus decretis  
quanta ela-  
ceat pru-  
dentia.  
Ibid. Ep. 36.  
Ibid. Ep. 26.

Ibid. Ep. 27.

beri voluit. Nunc breviter perstrin-  
gamus quæ in ordinis monastici gra-  
tiam hoc anno ab æquissimo patre  
decreta sunt.

*Ibid. Ep. 69.*

*IX.  
Quanta ejus  
de Mona-  
chis sollici-  
tudo.*

*Ibid. Ep. 7.*

Primo irritum declaravit testamen-  
tum cujusdam Abbatis, & quæ al-  
liis illicite legarat, restitui ejus mo-  
nasterio jussit: *Quia*, inquit, *ingre-*  
*dientibus monasterium convertendi gra-*  
*tia, ulterius nulla est testandi licen-*  
*tia*, etiamsi monachica vestis non sit  
assumpta. De his legenda libri decimi  
Epistola prima.

*Ep. 28.*

Secundo controversiam inter An-  
tonium Subdiaconum suum cujusdam  
xenodochii præpositum, & Domitium  
Presbyterum & Abbatem monasterii  
SS. Maximi & Agathæ composuit,  
& quæ inter illos pacta erant confir-  
mavit.

*Ep. 30.*

Tertio Massam Veneris ab Eccle-  
siæ Romanæ actoribus injuste occu-  
patam, reddi jussit monasterio sancti  
Marci apud Spoletum.

*Ep. 27.*

Quarto cum questus esset Valen-  
tinus Presbyter & Abbas, Monachos  
a se exigente culpa <sup>a</sup> communione  
privatos, in diocesi Spoletana nihi-  
lominus ad communionem recipi; S.  
Gregorius Chrysantho Episcopo Spo-  
letano scripsit, ne confugientibus ad  
ejus Ecclesiam Monachis communio-  
nem indistincte reddi pateretur. De  
privilegiis monasterio Arelatensi con-  
cessis diximus capite superiori.

*X.*

*S. Columba-  
nus cum  
consulit.*

*Ibid. Ep. 127.*

Fama summx ejus benignitatis in  
Monachos, impulit fortasse celeberrimum  
Abbatem Columbanum, ut  
ad ipsum confugeret, dum in Gal-  
liis exagitaretur, ob singulares quos-  
dam Scottorum ritus, maxime in  
celebratione Paschatis quorum erat  
retinentissimus. Ea de causa scripsit  
ad nostrum Gregorium. Summa ejus  
Epistolæ est, in celebratione Paschæ,  
rejectione Victorii cyclo, Scottorum  
morem amplectendum, cui Anatolius  
ab Hieronymo laudatus favit. Con-

fulit etiam S. Gregorium de Epi-  
scopis, aut per simoniam ordinatis,  
aut post lapsum tempore Diaconatus;  
necnon de Monachis monasterium  
suum deferentibus. Laudat librum  
Regulæ Pastoralis, petitque expositio-  
nes in Ezechielem, & in Cantica.  
Anno sequenti habitum est in Gallia  
Concilium, in quo Scottorum ritus a  
Columbano observatus proscriptus  
fuit. E Gallia pulsus sanctissimus Ab-  
bas, ad Agilulfum Langobardorum  
Regem perrexit, & in ejus ditione  
Bobienſe monasterium celeberrimum  
construxit. Cur autem in regno Lan-  
gobardorum Sedem figere maluerit,  
quam in aliis Italiæ locis, id forte  
in causa fuit, quod apud Langobar-  
dos nosset damnationem trium capi-  
tulum non esse receptam. Huic  
enim damnationi adversabatur pius  
aliunde Abbas, ut ex ejus Epistola  
ad Bonifacium IV. liquet.

*Annal. Be-  
nedict. lib.  
IX pag 257.*

#### C A P U T IV.

*I. Gregorii in infirmitatibus patientia. An. 599. 600. Et assiduus labor. II. Qua sollicitudine exortam Agnoitarum hæresim opprimere conatus sit. Laudat scripta sancti Eulogii adversus illos. Occurrit errori nascenti Theſſalonice. III. Sclavi in Italiam irrupunt. Pacta ad annum inducie cum Langobardis. IV. Eorum Regi nascitur filius. Langobardorum vestes & cultus. V. Augustus reos repetundarum punit. Asyla in Ecclesiis. Gregorii pro amicis accusatis sollicitudo. VI. Judicem ad clementiam flectere conatur. VII. Amicum fortunis exutum consolatur, & liberalitate recreat. Ejusdem consolatorie litteræ ad Dominicum. VIII. Prosperis rebus utentes ad earum contemptum accendit. IX. Amicorum vitia minime dissimulat. X. Fortunatus Neapolitanus Epi-*

<sup>a</sup> De excommunicatione Monachorum pro  
culpis, consule Reg. sancti Benedicti capp. 23. 24. 25. 26. & 27.



*Episcopus moritur. De ipsius successore diu deliberat sanctus Gregorius. XI. Ducem Campaniæ ob vetustos Monachos arguit.*

<sup>a</sup> **G**regorii ægritudines in dies ingravescabant; at dicere poterat cum Apostolo; *Cum infirmor, tunc potens sum*. Summam animi sui æqualitatem inter tot morborum cruciatus optime adumbrat his ad amicum Eulogium verbis: *Ecce, inquit, jam biennium pene expletur, quod lectulo teneor, tantisque podagræ doloribus affligor, ut vix in diebus festis usque ad horarum trium spatium surgere valeam, Missarum solennia celebrare. Mox autem cum gravi pellor dolore decumbere, ut cruciatum meum possim interrumpente gemitu tolerare. Qui dolor interdum mihi lentus est, interdum nimius. Sed neque ita lentus ut recedat, neque ita nimius ut interficiat. Unde fit ut qui quotidie in morte sum, quotidie repellar a morte. Nec mirum, quia peccator gravis talis corruptionis carcere diu teneor inclusus. Unde compellor exclamare: Educ de carcere animam meam, ad constituendum nomini tuo. Sed quia meis hoc precibus adhuc obtinere non mereor, rogo vestrae Sanctitatis oratio sue mihi intercessimis adjutorium præbeat, meque a peccati & corruptionis pondere liberum reddat in illam quam bene nostis libertatem gloriæ filiorum Dei. Æstivica- lores qui ad podagræ cruciatus mitigandos conferre posse videbantur, quod apti essent ad noxium & morbidum humorem dispellendum, aliunde corpori ejus valde contrarii erant, ut ipse ait; quia lentis & continuis febribus urebatur. Alius*

<sup>b</sup> *Castro nota (ggg)*  
<sup>c</sup> *De Castro nota (bbb)*  
 Forte ipsa est quam exhibet Photius loco assignato. In ea omnem a Christo etiam homine amovet ignorantiam. Aliarum sensibile videtur Athanasii, lib. de Incarn. contra Arian. n. 7. Cum dicit de ultimo die, inquit, ne-

proculdubio nihil aliud cogitans quam de levandis incommodis, de adhibendis remediis accersendisque medicis ad eorum nutum negotiis ecclesiasticis nuntium remisisset, omnesque Pontificatus curas Vicariis credidisset. Non desunt summis Antistitibus & Episcopis, qui succedere oneri pastoralis, sive ex caritate, sive ex cupiditate ambiant. At sanctissimus Pastor omnium Christi ovium, in alienos & vicarios humeros rejiciendum non putavit jugum sibi a Christo impositum, ita enim appellabat pontificale munus.

<sup>b</sup> Præcipua autem ejus sollicitudo fuit insurgentes errores, mox ut innotescerent, discutere & opprimere. Non ita pridem exorta erat Alexandriæ hæresis Agnoitarum, cujus initia quidam referunt ad Themistium Diaconum; unde dicti sunt Themistiani. Hanc hæresim excitasse quosdam Monachos ex Palæstina auctor est S. Eulogius Alexandrinus, qui adversus hujusmodi hæreticos decertavit. Hi vero Christo ignorantiam tribuebant, ex nonnullis Evangelii locis male intellectis. Nimirum Christo de Lazaro sepulto inquirente, *Ubi posuistis eum?* & alibi dicente: *De die autem illo vel hora, nemo scit, neque Angeli in celo, neque Filius*; inde asserendum putabant ipsum ea ignorasse. Contra hunc errorem scripsit Eulogius, & ad Gregorium <sup>c</sup> lucubrationem suam approbandam curavit mittere; quam Papa valde laudavit, ut doctrinæ Ecclesiæ prorsus consentaneam; *De doctrina vestra, inquit, contra hæreticos, qui dicuntur Agnoitæ, fuit valde quod admiraremur; quod autem displiceret, non fuit. In eodem autem*

<sup>b</sup>  
 16.  
 Qua sollicitudine exortam Agnoitarum hæresim opprimere conatus sit. *Joban. Damaſcen. de Hæres. apud Photium Biblioth. cod. 210. Job. 11. 34. Marc. 13. 32.*

<sup>c</sup>  
 Lib. ix. E. 19. Scripta S. Eulogii contra illos laudat. *Mar. 11. 13.*

X 2 sen-

*mo novit, neque Filius... secundum humanitatem loquitur. Qui de re legendæ Disquisitiones Reverendorum PP. Congreg. S. Vitoni 2. parte pag. 168. ubi alia proferunt S. Athanasii testimonia ex Ep. ad Sar. & ex orac. 4. contra Arian.*

sensu jamdudum communi filio nostro Anatolio Diacono plurima scripseram. Ita autem doctrina vestra per omnia Latinis Patribus concordavit, ut mirum mihi non esset, quod in diversis linguis spiritus non fuerit diversus. Nam hoc quod de ficulnea dixistis, in eo sensu proprie beatus Augustinus loquitur, quia cum Evangelista subjunxit: Nondum enim erat tempus ficorum; aperte cognoscitur, quod per ficum Dominus in Synagoga fructum quaesierat, quæ folia legis habuit, sed fructum operis non habebat. Non enim poterat Creator omnium nescire, quia fructum ficus non habuit, quod dum tempus ficorum non esset, omnes poterant scire. Pergit sanctus Pater ostendere mirum consensum doctrinæ Eulogii cum Augustiniana, quam ipse sitibundus hauserat, & inebriatus eructabat. Certe sufficit Gregoriana hæc Epistola, ad Agnoitarum somnia refellenda; in ea enim occurritur omnibus, unde Christo qualiscumque ignorantia posset affingi. De hoc argumento scribendi occasionem habuerat doctissimus Papa. Quippe ante biennium Ierofolymitani quidam Monachi Constantinopolim venerant, & ea de quæstione, ut conicere licet, Anatolium sanctæ Sedis Apocrisarium interrogarant. At ille Diaconus respondere distulit, donec Gregorium consulisset. Cui, inquit ipse ad Eulogium, ego ante longum tempus quam vestra scripta susceperem, contra eandem heresim ipsa respondi, quæ postmodum in Epistola vestra Sanctitatis inveni; atque omnipotenti Deo magnas gratias retuli, quia de cunctis inquisitionibus Romanorum atque Græcorum Patres, quorum nos sequaces sumus, uno spiritu sunt locuti. Agnoitas Nestorianos fuisse Gregorius docet esse manifestum; unde me latet qua ratione contrarius Eutychianorum error ipsis a doctissimo Theologo tribuatur. Certe neque Grego-

rius, nequa Eulogius qui cum ipsis & coram & scriptis congressus fuerat, ipsos Eutychianis unquam accensuerunt. Eodem tempore vigilantissimus Ecclesiæ Pastor cum accepisset in Ecclesia Thessalonicensi non leve ortum scandalum, Luca Presbytero & Petro Concilium Chalcedonense suscipere nolentibus, ea de re statim scripsit ad Eusebium Thessalonicensem Archiepiscopum, ut ad removendam offensionem sedulo incumberet. Qua ex Epistola præsertim docemur, quid sit præstandum ab iis de quorum fide suborta est suspicio. De Luca eadem adhuc præcepit Sanctus Gregorius anno sequenti.

Ecclesiam turbantibus hæreticis, res Imperii non erant pacatiores. Nam Scavi per Histriæ aditum jam in Italiam intrare cœperant, quando S. Gregorius ad Maximum Salonitanum qui de Barbarorum irruptione monuerat, rescripsit. Ad eundem quoque annum refert Baronius quæ de Chagano Avarum Rege Venetiam provinciam invadente, Foroque Julii insidiis Ramildæ potito narrat Paulus Diaconus. Utrum his Barbaris faverint Langobardi, dum imperii provincias depopulati sunt, non audeamus asserere; nam hoc eodem tempore factam fuisse pacem cum Rege Langobardorum, aut potius pactas inducias usque ad mensem Martium Indictionis quartæ, testatur S. Gregorius ad Innocentium Africæ Præfectum scribens. Hac in Epistola occurrit insigne humilitatis ejus, & summæ erga Augustinum observantiæ non prætereundum argumentum: Quod, inquit, in expositionem sancti Job transmitti vobis codicem voluistis, de vestro omnino studio gaudemus: quoniam illi rei Eminentiam vestram studere conspiciamus, quæ nec totos foras vos exire permittat, & ad cor iterum secularibus curis dispersos recolligat. Sed

Occurrit errori nascenti Thessalonica.

III.  
Scavi in Italiam irrumpunt.  
Ibid. Ep. 56.  
Lib. I. v. c. 12.  
Pactæ ad annum induciæ cum Langobardis.  
Lib. X. Ep. 37

Ibid. Ep. 35.

Ibid. Ep. 39.  
a



*Sed si delicioso cupitis pabulo saginari, beati Augustini patriote vestri opuscula legite, & ad comparationem similitudinis illius nostrum fursurem non quaratis.*

IV.  
Eorum Re-  
gi nascitur,  
filius.  
Paul. Diac.  
Lib. IV. c.  
26. Ibid. c.  
22. & 23.  
Mabil. mnsf.  
Ital. p. 117.  
& 213.

Ex eadem Epistola intelligimus, Romæ nuntiatam fuisse Regis Langobardorum mortem. Id incertum esse scribit Gregorius, quod postea falsum comperit. Immo pro luctu de morte Principis, maxima fuit in tota gente lætitia de nato ipsi filio nomine Adaloaldo. Editus est in lucem Modiciæ non procul a Mediolano, qui locus Theodelindæ Reginae carus. Ibi enim basilicam S. Johannis Baptistæ totius gentis patroni ædificavit, ornamentis auri & argenti decoravit, & amplissimis ditavit prædiis. Olim hac in Ecclesia quæ adhuc stat, ministrarunt Monachi Benedictini. Ibidem exstruxit regia munificentia celebre palatium, ubi depicta præcipua Langobardorum gesta videbantur.

Langobardorum vestes & cultus.  
Ibid. c. 23.

Fortasse non erit injucundum lectori hic describere ex Paulo Diacono quis tunc esset Langobardorum cultus, quæ vestes, ut ex Modiciani Palatii pictis tabellis deprehendebatur. Cervicem radentes nudabant usque ad occiput; capillos a facie usque ad os demissos habentes, quos in utramque frontis partem discriminabant. Vestimenta eorum erant laxa, & maxime linea, ornata institis varii coloris. Calcei erant usque ad summum pollicem pene aperti, & alternatim laqueis corrigiarum retenti. Postea cœperunt<sup>a</sup> hosis uti, super quas equitantes subrugos birreos mittebant. Sed hæc de Romana consuetudine trahebant.

V.

Augustus  
reos repe-  
runt ad  
punit.  
Lib. x. Ep. 50  
Asyla in  
Ecclesiis.

Interim Mauricius Imperator brevi pacis intervallo uti constituit ad rationes exigendas ab iis qui pecunias publicas dispensandas acceperant,

<sup>a</sup> Hofa, tibiale, caliga. Galli olim dixerunt *houfoux*. Affines sunt voce; Germanicæ, Italiæ &c. idem significantes.

ac in proprios convertisse usus ferebantur. Eo consilio misit Romam Leontium Exconsulem, quem S. Gregorio commendavit Domitianus Melitinæ Metropolitanus, Augusti, ut jam dictum est, cognatus; rogans insuper ut in iis quæ ei pro publica utilitate serenissimorum Dominorum jussione mandata erant, in quantum ratio sineret, suffragari dignaretur. Id libentissime se præstiturum pollicitus est Papa: nec id implere distulit, nam cum Gregorius Expræfectus & alii qui repetundarum accusabantur, in septa Ecclesiastica se recepissent, quod pro inviolabili haberentur asylo, S. Gregorius eis persuasit ut exirent, & rationes suas exponere curarent. Egressi sunt itaque, & Marco Scriboni qui ad exhibitionem eorum venerat traditi, accepta prius sponsione, nullam se violentiam passuros. Gregorium Expræfectum amicitia sibi conjunctissimum commendavit Papa tum<sup>b</sup> plurimis in Sicilia Episcopis, tum Leontio Exconsuli & aliis quos in accepta provincia vel adjuutores & consiliorum participes habebat, vel ministros. Cum diu post indictum & constitutum tempus a Marco seu Azimarcho Scribone, Gregorius Expræfectus in Siciliam venisset, ut se coram Exconsule sisteret judicandum, S. Gregorius eidem Scriboni significavit moræ ac procrastinationis causam fuisse gravem infirmitatem, non dilationem spontaneam. Quid de illo judicatum sit assequi non possumus. Hunc tamen Expræfectum a pristino statu non excidisse, sive quoad honores, sive quantum ad fortunas, conjicere licet ex Epistola duobus post annis ad eum scripta.

Libertinus quondam Siciliæ Præfectus, S. Gregorii familiaris, longe durius habitus est. Rogaverat Ex-

con-

Gregorii pro  
amicis ac-  
cusatis sol-  
licitudo.

Lib. VII. Ep.  
12.

VI.  
Judicem ad  
clementiam  
flectere co-  
natus.

<sup>b</sup> Vide Epist. libri 2. a 54. usque ad 60. inclusive.

consulem pius Pontifex ut amicum haberet commendatum; & de ipso ad plurimos alios eodem consilio scripserat. Sed Leontius Exconsul vir sane nimis severitatis, misit ad Gregorium exemplar cujusdam cautionis, plane execrabilis, quæ fidem faciebat quam perversa mente ad præfecturæ dignitatem Libertinus accessisset. Tacite exprobranti quod scelestissimum hominem commendasset, respondit Papa, se de nemine unquam ad ipsum scripserat, nisi ut protectionem suam, favente justitia præstaret. De Libertino Præfecto Siciliæ dato provinciam universam gratias retulisse, quod sufficiens videbatur ejus probitatis argumentum. Cæterum quis esset, aut quales causas habuerit, quidve ad impactas criminationes responderet, sibi prorsus incognitum: *Unum hoc tamen, inquit, bene atque constanter novi: quia & si quam in rebus publicis fraudem fecit, substantia ejus cadi debuit, non libertas. Nam in hoc quod liberi caduntur, ut taceam quod omnipotens Deus offenditur, ut taceam quod vestra opinio vehementer gravatur: piissimi tamen Imperatoris nostri omnino tempora fuscantur. Hoc enim inter Reges gentium, & Imperatores Romanorum distat: quia Reges gentium domini servorum sunt, Imperator vero Romanorum dominus liberorum. Unde & vos quidquid agitis, prius quidem servata justitia, deinde custodita per omnia libertate agere debetis.*

Pergit vir sanctissimus increpare nimiam judicis austeritatem, & ad eam emolliendam eximia sane præcepta dare, ex quibus pauca hæc decerpere placuit: *Quoties ira animum invadit, mentem edoma, vince te ipsum. Differ tempus furoris, & cum tranquilla mens fuerit, quod placet judica. Ira enim in vindictam malorum sequi debet rationem animi, non*

*præire, ut quasi ancilla justitiæ post tergum veniat, & non lasciva ante faciem prorumpat. Aliquando vero ostendenda est, & non exhibenda: aliquando exhibenda est, sed nunquam sequenda. Quando enim in executione justitiæ placata mente irascimur, iracundiam & non sequimur, & exhibemus.*

Pro Libertino commendando scripserat quoque Gregorius ad Amandinum Domesticum, quod moleste ille tulit, etsi nihil asperi haberet Epistola. Jamque Gregorio rescribere asperis verbis parabat, sed ne id exsequeretur prohibitus est per somnium. Testatus est enim se in somnis vidisse Papam ea de causa reprehendentem & increpantem.

Ad Libertinum omnibus pene fortunis exutum Gregorius Epistolam scripsit consolatoriam, & ut adversa patienter sustineret amicum hortatus est. Verbis addidit liberalitatem, quam solita urbanitate condidit: *Peto autem, inquit, ne injuriosum ducatis, quod viginti a nobis vestitus ad pueros vestros per Romanum defensorem scriptus præberi; quia de beati Petri Apostoli rebus, quamvis parva sint quæ offeruntur, pro magna semper benedictione suscipienda sunt.*

Non uni dumtaxat amico, sed plurimis impendendum fuit a Gregorio consolandi officium, præsertim Dominico Carthaginensi Episcopo, ob pestilentiam in Africa delævientem, quem docet quinam fructus ex hoc flagello sint colligendi. Tunc Italiam a tali percussione non fuisse liberam asserit, ad quam plurimæ quasi accervatim accedebant calamitates.

Quos noverat rebus uti prosperis, & nulla afflictione magistra erudiri, ad bonorum temporalium contemptum, & æternorum amorem magis ac magis accendebat. Ita scribit ad illustrem quamdam feminam:

*Mæ-*

a Noverat fortasse Leontium iræ esse impatientem. De eodem argumento vide Ep.

II. ejusdem libri.

*Ibid. Ep. 52.*

VII.  
Amicum  
fortunis ex-  
utum con-  
solatur, &  
liberalitate  
recreat.  
*Ibid. Ep. 31.*

Ejusdem  
consolato-  
riæ litteræ  
ad Domini-  
cum.  
*Ibid. Ep. 63.*

VIII.  
Prosperis re-  
bus utentes  
ad eorum  
contemptum  
accendit.  
*Ibid. Ep. 49.*

Lib. IV. Ep.  
51.

2



Magnam nobis letitiam Glorie vestre ingessit Epistola, quæ æternæ vitæ desiderium vos habere signavit: sed quia hujusmodi studium fugitiva solet mundi gloria præpedire, hortamur ut mentis vestre saluberrimam deliberationem res quælibet transitoria non revocet, nec ab incæpto eam tramite deviet. Sed magis supernæ patriæ amor accendat, præmia mansura sollicitent, & ad venturi Judicis promissionem certa semper aspiret, atque ex temporalibus æterna mercetur: ut ex hoc & in vera gloria esse, & inter matronas possitis cælestes adscribi. Reducite ad animos prosperitates temporum, multitudinem hominum, dignitatum pompas, matronarum gloriam, divitiarum abundantiam. Attendite hæc omnia ubi vel quid facta sunt; & ex hoc pensate quam nulla sint, & quia qui ista diligit, somnium vigilans videt.

IX.  
Amicorum  
vitia non  
dissimulat.  
Ibid. Ep. 58.

Amicorum vitia minime dissimulabat ad eos scribens. Ita Clementinam patriciam alloquitur: Nuntiatum mihi est quod si quando vos quicumque offenderit, dolorem irremissibiliter retinetis. Quod si verum est, quia quantum vos diligo, tantum contristor: peto ut hoc a vobis vitium nobiliter excludatis, & secus boni operis segetem inimici semen crescere non sinatis. Dominicæ orationis verba ad memoriam reducantur, & non apud vos plus valeat culpa quam venia. Excessus Gloriæ vestræ bonitas superet, & magis salubriter ignoscendo devotum faciat, quem potest persistens facere asperitas inde votum. Relinquatur illi unde verecundiam habeat, & non servetur quod doleat. Nam plerumque plus virium habet discreta in correctione remissio, quam in exsequenda ultione districcio.

Si contingeret amicos ex libertate corripiendi quandoque offendi & exacerbari, amicabilibus verbis eos delinire satagebat; ut intelligerent aspera verba non ex odio, sed ex caritate fluxisse.

Hoc anno mortuus est Fortunatus Episcopus. Eum paulo ante obitum redarguerat Gregorius, tum de minima sollicitudine erga monasteria, tum de occupatis Urbis portis & aquæ ductu, quorum cura & custodia pertinebat ad Theodorum Majorem populi & ad Rusticum Seniores. Proindeque jussit æquissimus Pontifex usurpata restitui. Erat hic Major populi fere idem magistratus ac apud nos modo Major urbis. Amplissima jam tum erat civitas Neapolis. Ibi artifices in diversa corpora, pro unaquaque arte quam profitebantur, coaluisse discimus ex querelis Saponariorum adversus Johannem Palatinum, qui nova plurima eorum corpori præjudicialiter nitebantur imponere, & sibi proficere volebat quidquid commodi de introitu ejus accederet, hoc est quidquid perfollebant qui huic ordini aut corpori sociari impetrabant.

X.  
Fortunatus  
Neapol. Episcopus  
moritur.  
Ibid. Ep. 24.  
& 25.

Lib. Ep. 26.

De successore Fortunati diu deliberatum. Pars populi favebat Johanni Diacono; sed a Papa rejectus est, quia cum parvulam haberet filiam, ejus continentia nondum sufficienti tempore probata erat & explorata. Pars altera Petrum item Diaconum elegerat, qui nec Pontifici placuit propter nimiam simplicitatem. Præterea dicebatur olim pecuniam ad usuram dedisse. Neuter itaque factus est Episcopus, sed Paschasius, ad quem plurimæ Gregorianæ Epistolæ.

De ipsius  
successore  
diu deliberat S. Gregorius.

Nunc de rebus monasticis ad hunc annum pertinentibus agendum foret, sed brevitatis gratia, unicam dumtaxat S. Gregorii Epistolam in defensionem Monachorum scriptam expendemus. Ex monasterio S. Archangeli apud Neapolim, Monachus quidam abierat ad hostes; quod Godescalum Campaniæ ducem in tantum furorem abripuit, ut januas monasterii frangi jussit, & quidquid ibi inventum est, diripi. Fuscus monasterii Abbas discrimen fuga evaserat; sciens

XI.  
Ducem  
Campaniæ  
ob vexatos  
Monachos  
arguit.  
Ibid. ep. 11.

sciens ducem ipsi fugitivi Monachi crimen impingere. Quod quam absurdum esset ostendit S. Gregorius, cum ad saniolem revocans mentem proprio exemplo: *Numquid & diebus Magnitudinis tuæ, inquit, multi de civitate in qua consistis, ad Langobardos milites fuga non lapsi sunt? Et quis tantæ indiscretionis, tantæque possit stultitiæ reperiri, ut eorum iniquitatem tibi æstimet applicandam?*

Vis huic monasterio illata fortasse occasionem dederat Constantio Monacho & Presbytero transmigrandi in Siciliam, & secum auferendi monasterii sui vela & codices. Qui cum ibi diem clausisset extremum, Gregorius a Fusco Abbate rogatus ad Fantinum defensorem scripsit, ut ablata restitui curaret.

#### C A P U T V.

An. 600. &  
cel.

I. S. Gregorius obstat ne is Mediolani esset Episcopus, quem Agilulfus elegerat. Ordinatur Deusdedit. Somnium cuiusdam heterodoxi de æqualitate Ecclesiæ Mediol. cum Romana. II. Amos Patriarchæ Jerosolymitano mortuo succedit Isacius. III. Multiplex & gravissimus S. Gregorii morbus. IV. De amicorum salute magis quam de sua sollicitus. V. Amicos egrotantes ad penitentiam hortatur. Præsertim Venantium. Quo mortuo de ipsius filiabus sollicitudinem gerit. VI. Hostes immittent Siciliæ. Fides in Sardinia propagatur. VII. S. Gregorius Theodistam de heresi infamatam consolatur. VIII. Scandalum tollere debemus, quando possumus. IX. Heresis objectæ Theodiste capita refelluntur. X. Calumniatores gravibus pœnis addicit S. Gregorius. XI. Falsarium punit. XII. De rebus ecclesiasticis. XIII. Et monasticis. XIV. Recharedi Regis mors & successores.

Mortuo Constantio Mediolanensi Episcopo, periculum schismatis in Ecclesia Mediolanensi imminabat. Nam clerus & populus unanimis elegerant in ejus successorem Deusdedit Diaconum. At Rex Agilulfus in cujus ditione Mediolanum erat, alium postulabat ordinari; & ea de re scripserat ad Mediolanenses. Hæc ut rescivit Gregorius, ad eos in priori proposito corroborandos, ne fortasse minacibus Regis litteris cederent, scribendum quanto citius putavit. Suam Epistolam exorditur a Constantii laudibus. Commemorat maxime ejus tum sollicitudinem in servanda Ecclesiastica disciplina, tum vigilantiam in tuenda civitate. Laudat postea Mediolanenses ob electum unanimi consensu Deusdedit, & electionem factam sua auctoritate confirmat. De electo a Langobardis & ab ipso Rege ita constanter loquitur: *Illud autem quod vobis ab Agilulfo indicastis scriptum, Dilectionem vestram non moveat. Nam nos in hominem qui non a catholicis, & maxime a Langobardis eligitur, nulla præbemus ratione consensum. Nec si alicujus præsumptionis usurpatione factum fuerit, in locum vel ordinem illum Sacerdotis suscipimus: quia Vicarius sancti Ambrosii indignus evidenter ostenditur, si electus a talibus ordinatur. Scripsit quoque ad Pantaleonem Notarium, ut pergens ad Genuensem urbem Deusdedit Episcopum solemniter faceret ordinari. Agilulfum nondum tunc amplexum fuisse Catholicam fidem, vel ex hac Epistola liquet. Noluit tamen cum Gregorio contendere, suadente forsan Theodelinda, quæ tum Catholicam fidem, tum sanctissimum Pontificem impense colebat; & electus a Mediolanensibus Deusdedit, nemine reluctante est ordinatus. Quod hoc in loco, & prius<sup>a</sup> in ordinatione Constantii factum legimus, pro-*

I.  
S. Gregorius obstat, ne is Mediolani esset Episcopus quem Agilulfus elegerat. Lib. xi. Ep. 4. Ordinatur Deusdedit.

Ibid. ep. 30.

Somnium cuiusdam heterodoxi de æqualitate Eccl. Med. cum Romana.

<sup>a</sup> Vide lib. 111. Ep. 29. 30. & 31.



proculdubio sufficit ad refellendum somnium Jacobi Gothesfridi in dissertat. 2. de suburbicariis Regionibus & Ecclesiis, in qua contendit Mediolanensis & Romani Episcoporum summam æquamque potestatem.

II.  
Amos Patriarchæ Jerof.  
mortuo suc.  
cedit Isacius.  
Ibid. ep. 45

Hoc etiam anno luxit Ecclesia Jerosolymitana Patriarcham Amos, cujus Cathedram accepit Isacius, & paulo post ad Gregorium Synodicam misit Epistolam. Fidem quam in ea profitebatur Isacius probavit Papa, & gratias exsolvit Deo, qui & *immutatis gregis sui Pastoribus, fidem quam semel sanctis Patribus tradidit, etiam post eos immutabilem custodit.* Gratiarum actionibus addidit preces pro Imperatore, cujus temporibus, inquit, *hæreticorum ora conticescunt, quia etsi eorum corda in insania perversi sensus ebulliunt, orthodoxi tamen Imperatoris tempore prava quæ sentiunt, eloqui non præsumunt.* At quia audierat in Orientis Ecclesiis nullum ad sacrum ordinem, nisi ex præmiorum datione pervenire, ad tam nefariam simoniam eliminandam novum hortatur Patriarcham. Monet quoque de compescendis jurgiis quædam mansuete corrigendo, quædam quæ corrigi nequeunt, æquanimiter tolerando.

III.  
Multiplex  
gravissimus  
S. Grægorii  
morbus.  
Ibid. Ep. 32.

Hoc anno quoque parum absuit quin Orbis omnis Christianus præstantissimum suum amitteret Pontificem. His verbis, quam male se haberet describit; *Multum jam tempus est quod surgere de lectulo non valeo. Nam modo me podagra dolor cruciat, modo nescio quis in toto corpore cum dolore se ignis expandit; & sit plerumque ut uno in me tempore ardor cum dolore configat, & corpus in me animusque deficiat. Quantis autem aliis necessitatibus extra hæc quæ rectuli infirmitatis afficiar, enumerare non valeo. Sed breviter dico, quia sic me infectio noxii humoris imbibit, ut vivere mihi pœna sit, & mortem desideranter expectem, quam gemitu*

Tom. XVI.

*bus meis solam esse credo posse remedium. Proinde, Frater sanctissime, divina pro me pietatis misericordiam deprecare, ut percussione suæ erga me flagella propitius mitiget, & patientiam tolerandi concedat: ne nimio, quod absit, tedio in impatientiam cor erumpat, & ea quæ bene curari per plagam poterat, culpa crescat ex murmure.*

Attamen in tot tantisque doloribus positus vir summæ patientiæ, quid toleraret vix cogitans, de amicorum suorum valetudine sollicitudinem gerebat. Id expertus est Marinianus Ravennæ Episcopus, quem cum vomitu sanguinis laborare audivisset piissimus pater, ad se accersivit ut curam ejus ageret. Interimque ut a jejuniis & vigiliis temperaret præcepit. Aliud tamen simul in animo habebat, Marinianum ad se vocans. Etenim *proximum se morti intelligens, inter amici manus animam efflare cupiebat.*

Eandem paternam caritatem expertus olim fuerat Castorius Ariminensis Episcopus, quem diu ob infirmitatem retinuerat apud se, de ejus valetudine restituenda anxius & sollicitus. Tenerum ejus animum erga ægrotantes amicos, maxime demonstrat Epistola hoc anno ad Rusticianam patriciam scripta, in qua licet asserat *corpus suum tamquam in sepultura ita siccatum esse, tamen ut piæ sceminæ dolori compatiatur, proptii videtur oblivisci.*

At præcipua ipsius cura erat in amicorum infirmitatibus, ut eos humilissimi flagellis attritos ad pœnitentiam provocaret. Sic urget Venantium podagra laborantem, de cujus lapsu jam locuti sumus: *Inter quos (dolores) quid aliud debemus nisi semper delicta nostra ad memoriam revocare, atque omnipotenti Deo gratias agere? Quoniam qui ex carnis blandimento multa peccavimus, ex carnis afflictione purgamur. Sciendum quoque est*

IV.  
De salute  
amicorum  
magis est  
sollicitus  
quam de  
sua.  
Ibid. Ep. 33.

Lib. III. Ep.  
24 & 25.

Ibid. Ep. 34.

V.  
Amicos ægrotantes ad  
pœnitentiam  
hortatur.  
Ibid. Ep. 36.

nobis, quia pœna præsens, si animum afflicti convertit, suis est culpa præcedentis. Si autem ad timorem Domini minime convertit, initium est pœnæ sequentis. Curandum igitur nobis est, & summo opere in fletibus tota mentis conversione vigilandum, ne de tormento ad tormenta transeamus. Considerandum quoque est, quanta erga nos dispensatione pietatis agat Conditor noster, quod morte dignes assidue percutit, & tamen adhuc minime occidit.

*Præsertim Venantium. Ibid. Ep. 36.* Hac in Epistola filet S. Gregorius de Venantii apostasia, nec de reditu ad monasticum statum quem deseruerat ipsum hortatur, quia malebat in ægroto suggeri ab ejus Episcopo, scilicet Johanne Syracusano, ad quem scribit primam ejus curam esse debere hortando, rogando, Dei terribile judicium proponendo, ineffabilem ejus misericordiam promittendo, suadere Venantio ut ad habitum suum vel in extremis redeat; ne ei tantæ culpæ reatus in æterno judicio obstat. Eidem Johanni Venantii filias Barbaram & Antoninam commendavit, quibus etiam scripsit litteras consolatorias, & patrocinium suum adversus pravorum hominum consilia pollicitus est, quod præstitit. Venantium ex hoc morbo non asfurrexisset, sed occubuisse satis probant aliæ S. Gregorii litteræ; utrum prius acta pœnitentia, res est divino relinquenda judicio. Italica ejus uxor jam objerat; nam si vixisset graviter decumbente & postea e vivis sublato marito, ad eam potius quam ad ejus filias scripsisset Gregorius, aut saltem iis in litteris aliqua matris injecta esset mentio. Hinc facilius erat Venantio reditus ad Monachi statum, dissolutis conjugii vinculis.

*VI. Hostes imminet Siciliæ. Ibid. Ep. 51.*

Cupiebat Gregorius nobiles virgines e Sicilia Romam migrare, forte quod cognovisset hostes adhuc insulæ invasionem festinare, ut alias rationes interim taceam. De

impetu hostili jamjam imminente vigilantissimus Pontifex admonuit universos Siciliae Episcopos, & hortatus est ut litanias omni hebdomada feriis quarta & sexta indicerent, & ita contra barbaricæ crudelitatis incursus supernæ protectionis auxilium implorarent. Precibus autem addere bona opera jubet, quia, inquit, inanis fit oratio ubi prava est actio. Idem periculum Sardiniae non longe distat insulæ, ab hostibus impendisse supra diximus. At pacem ac tranquillitatem ipsi restitutam esse autumamus ex felici religionis Christianæ propagatione apud Sardos aut advenas & Barbaros seu Barbaricinos, aut indigenas. Ea de causa S. Gregorius rogavit insulæ Præsidem, ut Victori Episcopo in gentiliū conversione laboranti opem ferret. Aderat enim omnibus qui ejus opera & commendatione indigebant.

Præsentissimum eum experta est hoc anno Theoctista Mauricii Augusti cognata, pia femina de qua jam alibi actum, a nonnullis temere hæresis infamata. Jam diximus, Gregorio in urbe regia commorante, rumorem sparsum de nova hæresi, cujus notam inurere nobilissimæ ac sanctissimæ matronæ non sunt veriti sycophantæ; unde in populo, sua levitate ad atrociora maxime in Principes credenda satis prono, magnus subortus est tumultus. Statim autem atque id Papæ fuit indicatum, scripsit ad Theoctistam, cui multiplici ratione ostendit ejus mentem obtræctionibus turbari minime debere: Si enim laudibus latamur, inquit, & detractionibus frangimur, gloriam nostram non in nobis, sed in aliorum ore posuimus.... In omne autem quod extra de nobis dicitur, recurrere ad arcana mentis debemus. Et si omnes vituperent, liber est tamen quem conscientia non accusat. Aliam longe postea subdit rationem. Sunt autem plurimi, inquit, qui vitam bonorum for-

*Fides in Sardinia promagatur.*

*VII. S. Gregorius Theoctistam de hæresi infamatam consolatur. Lib. I. c. 5. num. 50. Lib. XI. Ep. 45. Calumniæ patienter tolerandæ.*



fortasse amplius quam debent, laudant; & ne qua elatio de laude surripiat, permittit omnipotens Deus malos in obtestationem & objurgationem prorumpere: ut si qua culpa ab ore laudantium in corde nascitur, ab ore vituperantium suffocetur.

*Ibid. Ep. 2.* Simile pertractat argumentum scribens ad Palladium Presbyterum de Monte Sina, qui etiam obloquentium linguis stimulabatur; ubi hæc inter cætera notatu digna dicit: *Inter verba laudantium sive vituperantium ad mentem semper recurrendum est, & si in ea non invenitur bonum quod de nobis dicitur, magna tristitia generari debet. Et rursus si in ea non invenitur malum quod de nobis homines loquuntur, in magnam debemus lætitiā proficere. Quid enim si homines laudent, & conscientia accuset? Aut quæ debet esse tristitia, si omnes accusent, & sola conscientia nos liberos demonstraret? Ac infra: Quid aliud detrahentes faciunt, nisi in pulverem sufflant, atque in oculos suos terram excitant, ut unde plus detractionis perflant, inde magis nihil veritatis videant?*

VIII.  
Scandalum  
tollere de-  
bemus,  
quando pos-  
sumus.

Attamen in utraque Epistola docet qua ratione tolli possit scandalum, quod negligere circa peccatum non possumus. Proponitque S. Petri Apostolorum Principis exemplum, qui fidelium querelæ arguentium quod intrasset ad gentiles & manducasset cum eis, eosque ad baptismum recepisset, non ex potestate, sed ex ratione respondit, causamque per ordinem exposuit: *Si enim, inquit, cum a fidelibus culparetur, auctoritatem quam in sancta Ecclesia acceperat, attendisset, respondere poterat ut pastorem suum oves.... reprehendere non auderent. Sed si in querela fidelium aliquid de sua potestate diceret, profecto doctor mansuetudinis non fuisset. Humili ergo eos ratione placavit.... Si ergo Pastor Ecclesiæ Apostolorum Princeps, signa & mi-*

racula singulariter faciens, non dignatus est in causa reprehensionis suæ rationem humiliter reddere, quanto magis nos peccatores, cum de re aliqua reprehendimur, reprehensores nostros humili ratione placare debemus?

Non poterat efficaciori exemplo humilitatem illustri semine persuadere sanctissimus Doctor. Postea hæresis ipsi impactæ capita omnia recenset, ac confutat & conterit. Primo ostendit religionis causâ conjugia non dissolvenda. Secundo peccata omnia in baptismo penitus dilui & dimitti. Tertio post actam per triennium pœnitentiam, licentiam peccandi minime concessam. Quarto etiam illum anathematis vinculo teneri, qui etsi necessitate compulsus, id de quo reprehenditur anathematizaverit. Ad ultimum testatur plebsque falso de quatuor illis capitulis imperito zelo accusatos; placandos tamen esse illos accusatores tum ratione, tum mansuetudine.

Etsi vero calumnias patienter tollerandas doceret summus ille morum magister, calumniatores tamen gravibus pœnis coerceri jubeat. Unde cum accepisset Hilarum Subdiaconum qui Johanni Diacono crimen ingesserat, a iudicibus nulla fuisse pœna castigatum, præcepit ut virgis publice caderetur, & in exilium deportaretur. Jam supra observavimus hanc exilii pœnam iudicio Ecclesiastico decretam in defensorem Episcopo non obedientem.

Non minus in falsarios, qui calumniatoribus affines sunt, indignabatur Gregorius veritatis studiosissimus cultor. Hinc graviter exarsit in Andreæ Monachum, ut conjicere licet, Græcum; qui non solum Epistolam Eusebii Thessalonicensis Episcopi ipsius fidei commendatam, ut latinam eam faceret, corruerat, & hæresibus infecerat, sed etiam sermones aliquos Græce evulgarat, quibus præfixerat Papæ nomen. Eos

IX.  
Impactæ  
Theodisii  
hæresis ca-  
pita refel-  
luntur.

X.  
Calumniatores  
pœnis  
addicit S.  
Greg.  
Lib. ix. Ep.  
62.

XI.  
Falsarium  
punir.  
Lib. xv. Ep.  
74.

diligentissime requiri iussit Gregorius & aboleri. Præterea Concilium habuit in quo de pœna falsario aliunde flagitiosissimo infligenda deliberaretur; at vero quæ decreta fuerit nos latet. Epistola ex qua hæc habemus, humilitatis & modestiæ Gregorii argumentum est. In ea enim simpliciter profitetur Græcarum se litterarum nescium.

XII.  
De rebus  
Ecclesiasti-  
cis.  
Ibid. Ep. 47. Ut res ad hunc annum spectantes absolvamus, notanda sunt summam quæ ad illustrandam Ecclesiasticam disciplinam aut historiam conferre possunt nondum a nobis delibata. Imperatori Johannem primæ Justinianæ Episcopum pro ægritudine capitis ab Episcopatu amovere cupienti, consentire noluit æquissimus Pater, nisi ægrotus ipse, dato libello supplici, hoc peteret. Sed suavit ut quæreretur dispensator, qui munus Episcopale obire posset.

Ibid. Ep. 67. Quiricus & alii Iberiæ Episcopi summum Pontificem consuluerant de diversorum hæreticorum baptismo & ordinationibus. Quibus respondit baptizatos in hæresi cum Trinitatis invocatione, non iterum baptizandos quando ad Ecclesiam revertuntur, sed aut impositione manuum, aut chrismatis unctione, aut professione fidei reconciliandos. Redeuntes vero Nestorianos de incarnatione edocendos: & si Nestorium anathematizaverint, receptasque ab Ecclesia Synodos recipere profiteantur, in propriis ordinibus admittendos.

Ibid. Ep. 54. Cum audisset Desiderium Viennensem Episcopum grammaticam & literas humaniores quibusdam exponere, id gravissime tulit, quia, inquit, in uno se ore cum Jovis laudibus Christi laudes non capiunt. Postea tamen Candidus Presbyter ex Galliis rediens, Desiderium apud Papam excusavit, negavitque ipsum in his nugis tempus terere.

Ibid. Ep. 77. Deferendas ad Episcopos Clericos

rum causas sæpe docet, ne Episcopalis jurisdictio pessumdetur. Clericos ab Episcopo, exigente culpa, in pœnitentiam missos Romanus defensor, Episcopo inconsulto & nesciente, auctoritate propria eiecerat e loco ubi ad pœnitentiam traditi fuerant. At iussit Papa Clericos Episcopo sine mora restitui, & Romano prius increpato, gravia comminatus est, si talia deinceps committeret.

Quæ ad obtinendum defensoris officium conditiones requirerentur, qualia forent eorum munia, quæve formula constituerentur, habemus in Epistola ad Vitum. Ibid. Ep. 38

Gesta vel scripta S. Irenæi diu a se quæsitæ, sed ex eis aliquid invenire non valuisse testatur maximus Doctor. Nunc de rebus monasticis pauca attingenda. Ibid. Ep. 56.

Cum Agathosa quæstæ esset maritum suum, se invita, Monachum factum, quod ad culpam invidiamque Urbici Abbatis in cujus monasterio conversus fuerat, pertinebat: edixit Papa reddendum eum petenti, licet jam tonsuratum, nisi constaret ipsam prius mariti conversioni consensisse, suamque promississe, aut ipsam adulterii esse ream. XIII.  
Et monasti-  
cis.  
Ibid. Ep. 50.

<sup>a</sup> In eodem Concilio a quo damnatus est Andreas falsorum scriptorum artifex, concessa est Probo Monacho & Abbati testandi facultas de bonis ante susceptum habitum monasticum ad ipsum pertinentibus. Tanti enim erat momenti facultatem hanc dare, ut Synodi totius consensus requirendum judicaverit sapientissimus Pontifex. Neque vero facta fuisset Probo testamenti condendi licentia, nisi liquido constitisset ipsum jussu fuisse & quasi coactum a S. Gregorio monasterium subito introire, non indulto ad deliberandum vel tractandum spatio. Unde non integrum ipsi fuerat de rebus suis dispo-  
nere.

<sup>a</sup> Vide Castro n. (iii)



nere. Periculum autem erat ne bonis ipsius monasterio cedentibus, filius ejus summa egestate laboraret.

*Ibid. Ep. 25.*

Laudavit Januarius Caralitanum, quod monasterium virorum in domo ancillarum Dei monasterio cohærente construi noluerit. Voluit tamen alium quæri locum, ubi constitueretur.

*Ibid. Ep. 1.*

Omitto beneficia, quæ in monasteria, etiam remotissima, contulit hoc anno optimus pater, præsertim in cœnobium montis Sina; sed quibuslibet muneribus & beneficiis præstantiora mihi videntur monita Cononî Lirinensi Abbati data, quibus cum docet quanta cura, qua tolerantia monasterium sibi commissum regere debeat; maxime ob ejus decessoris incautam remissionem: *Dilectionis tuæ*, inquit, *vigilantia ardentiori se semper cura succendat; & ita cuncta, Deo adjuvante præmuniat, ut lupus sæviens huc illucque discurrens, in oves Dominicæ ingrediendi locum non habeat.* Et post aliqua: *Itaque boni te dulcem, pravi sentiant correctorem.* In qua videlicet correctione hunc esse ordinem noveris observandum, ut personas diligas, & vitia persequaris: ne si aliter agere fortasse volueris, transeat in crudelitatem correctio, & perdas quos emendare desideras. Sic enim vulnus debes abscindere, ut non possis ulcerare quod sanum est: ne si plus quam res exigat ferrum impresseris, noceas cui prodesse festinas. Ipsa enim in te dulcedo cauta sit, non remissa: correctio vero diligens sit, non severa. Sed sic alterum condiciatur ab altero, ut & boni habeant amando quod caveant, & pravi metuendo quod diligant.

XIV.  
Recharedi  
Regis mors  
& successor  
res. *Joan.  
Siclarens.*

Hoc anno e vivis excessisse pium Regem Recharedum fidei Catholicæ in Hispania restauratorem tradunt Hispanicarum rerum scriptores. Arianos ob studium quo flagrabat in religionem orthodoxam semper expertus est insensibilissimos, maxime vero Gofuintham Leuvigildi Regis viduam,

cujus auctoritate audaciores facti, non semel in Regem conspirarunt. Horum antesignani fuerunt quidam Episcopi hæresi Ariana polluti. Ex his duo in exilium ejecti sunt, etsi gravioribus pœnis digni forent. Recharedo successit Liuba II. qui duobus tantum annis regno potitus. Hunc excepit Witericus.

## C A P U T VI.

I. S. Gregorius de instaurandis SS. *An. 601. & 602.* Apostolorum basilicis cogitat. Ejus munificentia in illas basilicas. II. Bellum redintegratum infelicitè cedit Imperatori. III. Hereticorum & schismaticorum conversio. Quid redeuntes e schismate sponderent. IV. Firminum Episcopum reversum, & ob hoc ab aliis vexatum schismaticis tuetur S. Gregorius. V. Docteurina Ecclesiæ pacandæ providet. De Paulo flagitioso Episcopo & prædone judicium. VI. De rebus Africanis curat. Causa Paulini Episcopi. Et alterius nomine Victoris. VII. Auctoritatis Rom. Pontificis in Africa argumenta. VIII. Gregorii summa in potestate major humilitas & modestia. IX. De ejus homiliis in varios Sacræ Scripturæ libros a Claudio exceptis. De Claudio inquiritur. X. S. Gregorii in eligendis dignis Abbatibus, & tuenda monastica disciplina sollicitudo. XI. Utrum monachatum loco Subdiaconatus esse putaverit. XII. Diaconum factum Monachum e monasterio avelli non patitur.

Cum imminere sibi mortem præsciret S. Gregorius, jam conceptum de reparandis SS. Apostolorum Petri & Pauli basilicis consilium non ultra differendum judicavit. Idcirco præcepit Sabino Subdiacono res Ecclesiæ in Lucania & Brutiis curanti, ut his in provinciis trabes ad id operis necessarias pararet, atque ad mare

I.  
S. Gregorius  
de instauran-  
dis basilicis  
SS. Aposto-  
lorum cogi-  
tat.  
*Lib. XI. Ep.  
20.*

mare advehendas curaret, unde navibus impositæ Romam deportarentur. Ea de causa scripsit ad <sup>a</sup> Arogem, quem Beneventanum ducem Zotone mortuo constituerat Langobardorum Rex, rogavitque ut Sabino Subdiacono in hujus materiæ vectura opem ferret; promittens duci *dignum xenium*. Idem est argumentum epistolarum quas ad Gregorium Expræfectum & ad Stephanum Episcopum scripsit. Biennio post paulo ante mortem assignavit multa prædia basilicæ S. Pauli pro <sup>b</sup> luminariibus, *ne minus illic habere luminaria præco fidei cerneretur, qui totum mundum lumine suæ predicationis implevit*, quam S. Petrus. De Oliveris & aliis fundis a S. Gregorio concessis ad basilicæ S. Petri luminaria nutrienda & augenda, legenda tabula donationis quam vitæ S. Gregorii subjiciendam duximus. Legitur alibi fecisse *ad beatum Petrum Apostolum super altare ciborium cum columnis quatuor ex argento puro*. De fastigiis ex argento purissimo fabricatis in basilicis sanctorum Apostolorum Petri & Pauli legendus Johannes Diac.

II.  
Bellum redintegratum infeliter cedit Imperatori. Paul. Diac. lib. 10. c. 29.

Ex Epistola ad Arogem scripta datur conjiciendum pacem aut inducias tunc fuisse Romanos inter & Langobardos. Attamen hoc anno rursus bellum conflagravit in Italia, ubi res infeliter pro Imperatore gestæ sunt. Nec felicius in Oriente cesserunt; quasi jam omnia vergerent ad Mauricii de folio dejectionem & cædem. Langobardi cum Sclavorum auxiliis ab Avarum Rege missis Cremonam primum obsidione cinxerunt, & occuparunt, quam Agilulfus æquari solo jussit. Deinde Mantuam expugnavit idibus Septembris, quæ

vix clementiorem victorem est experta. Romanorum præsidium Brixellum incendit & deseruit, Hostilibus armis prementibus Exarchus pacem impetravit, ea lege ut redderet Godiscaicum ducem ejusque uxorem filiam Agilulfi, ipsorumque liberos in expugnatione Parmæ captos. Quamvis tot annis inter hostiles gladios vivere consuevisset S. Gregorius, de hoc tamen bello vehementer ingemit, & cum amicis expostulavit, eorumque precum opem sibi adesse rogavit supplex, maxime S. Eulogii.

Ibid. c. 21.

Lib. 110. Ep. 50.

In Epistola huic inscripta Patriarchæ, quæ omnium hoc anno scriptarum est ultima, meminit Papæ Monophysitarum seu hæreticorum unicam in Christo naturam confitentium, qui errorem hunc nuper ejurarant. Hi cum in Siciliam venissent, fama sanctissimi doctoris invitati Romam perrexerant, ubi in fide confirmati, litteras a summo Pontifice testimoniales petierunt. Eos commendat sanctissimus pater amico Eulogio, ipsisque restitui monasterium ab hæreticis occupatum petit, nisi forte maluerint ipsius infautores ad Ecclesiæ redire sinum. Eodem tempore Firminus Tergestinae urbis Episcopus in Istria, prius in schismate ob tria damnata capitula conflato pertinax, venenum evomuit, & relictis schismaticorum partibus, ad unitatem Ecclesiæ se contulit. De ipsius reditu Gregorius lætus, gratulatoriam scribendam Epistolam censuit, in qua revocatum & respicientem hortatur, ut satanæ jaculis constantiæ scutum opponat, aliisve secum revocandis insudet. Insuper vitæ subsidia pollicetur: *Nobis*, inquit, *omnino curæ erit de Fraternitatis tuæ quic-*

III.  
Hæreticorum & schismaticorum confesso.

a Apud Paulum Diacon. lib. 10. c. 19. & alibi dicitur *Arigis*, aut *Arechis*. Arigis significat *honore fortem*.

b De Ecclesiæ luminariibus legendus Athanasius in Ep. encyclica ad Episcopos Tom. 1. p. 114. n. 4. ubi describens ingressum Gregorii Alexandrinæ Ecclesiæ infaustis cum

militari manu, ait tunc vi ablatum a militibus oleum ad Ecclesiæ luminaria repositum; adeoque insaniisse qui pseudo Episcopum comitabantur, ut candelabra ad parietem statim reponerent, & Ecclesiæ cereos idolis accenderent.



*quiete, ut dignum est, cogitare; quia postquam nobiscum, jam Deo protegente unus es: non aliter utilitates tuas, quam nostras attendimus.*

Qui redeun-  
tes e schis-  
mate spon-  
derent.  
Olim lib. x.  
Ep. 31. nunc  
in appendice  
cel. 1300.

Exstat promissio cuiusdam Episcopi ad unitatem Ecclesiæ reverentis, quam a Firmino datam non immerito putant eruditi. Sine observatione præteriri non debet Episcopum hunc schisma deserentem omnino filere de Concilio V. & de trium capitulorum condemnatione; sed sponlere tantum & jurare se prona & spontanea voluntate ad unitatem Sedis apostolicæ redeuntem, ad schisma nunquam reversurum, sed semper in unitate sanctæ Ecclesiæ Catholicæ & communione Romani Pontificis permanfurum. Quod sane argumento est, ut jam non semel a nobis dictum, illud Istricorum schisma non in eo positum esse, quod tria capitula non damnerentur, sed quod ea condemnantes a communione repellerentur, fieretque sic ab Ecclesia catholica secessio.

IV.  
Firminum  
Episcopum  
reversum &  
ob hoc ab  
aliis vexa-  
tum schis-  
maticis tue-  
tur S. Gre-  
gorius.  
Lib. XIII.  
Ep. 33.

Quod Firmino prænuntiavit vir sanctissimus, ejus videlicet constantiam terroribus & blandimentis tentatum iri ab holte, ut retro redire compelleretur, paulo post accidit. Nam Severus Gradenſis Episcopus ejurati a Firmino schismatis caput, audita ejus reversione, eum diversis præmiorum suasionibus cepit, si posset, a bono revocare proposito. Quod cum perficere Deo auctore minime valuisset, seditionem illi suorum civium excitare non timuit. Periclitanti Episcopo manum porrigere & subvenire constituit Gregorius. Quapropter Smaragdum Exarchum rogavit, ut nulla mora Firminum Episcopum ab illatis molestiis tutari studeret, ac quietem illius multis ad imitandum profuturam modis omnibus procuraret: *Excellentiam, inquit, vestram pa-*

*terno salutantes affectu; petimus ut zeli vestri in hac causa olim exhibiti, nunc vehementius fervor incandeat; tantoque vos contra hostes Dei vindices defensoresque reperiant, quanto apud Deum pretiosior est animæ quam defensio corporis. Armet vos contra devios ipsa quæ in vobis fidei viget rectitudo, redintegretur vestris temporibus quod in illis est partibus scissum corpus Ecclesiæ. Habetis in hac causa retributorem vestri operis, rectitudinis ac integritatis auctorem.*

Cum non minus pateret sanctissimi Papæ sollicitudo, quam auctoritas & potestas, providendum censuit hoc anno Ecclesiæ Diocletianæ rebus perturbatissimis. Paulus hujus urbis Episcopus, inter alia mala in corporale crimen lapsus, a suis Clericis accusatus fuerat, & convictus; itaut ipse libellum, in quo ea de quibus accusatus fuerat vera esse confitebatur, obtulisset. Qua de re sententia episcopali depositus est, & in locum ejus ordinatus fuit Nemesion, consentiente Johanne primæ Justinianæ Episcopo, ad quem tamquam Primate tunc pertinebat Dioclea, cum tamen Ecclesiæ Scodritanæ subesset, jure Metropolitico. At Paulus facti postea mali pœnitens, auxilio secularium judicum fretus, episcopium more prædonis ingressus, ablatisque violenter Ecclesiæ rebus, recens ordinatum Episcopum ejecerat summa cum injuria, magnoque vitæ periculo. Nemesion Romam veniens, de vi sibi illata questus est apud summum Pontificem, qui scripsit tum ad Constantinum Scodritanum Episcopum, quem a Metropolitam fuisse satis indicant S. Gregorii verba, tum ad Johannem primæ Justinianæ Primate, insuperque sanctæ Sedis vicarium, ut si res ita sese habuissent,

V.  
Diocletianæ  
Ecclesiæ pa-  
candæ pro-  
vider.  
Lib. XII.  
Ep. 31.

a Hæc scribit S. Greg. ad Johannem: *quamvis grave & iniquum fuerit ut non a vobis vel a Metropolitano ejus hoc peteret, scilicet Paulus. Ergo Johannes non erat Pauli Metropolitani, sed Constantinus. Compe-*

*tebat tamen Johanni jus aliquod in Paulum. unde conjicimus eum fuisse Primate vel Exarchum. Ex his emendanda videntur quæ ad hanc Epistolam post Gullanvillæum annotavimus.*

De Paulo fr-  
gusto Epi-  
scopo &  
pædone ju-  
dicum.

scnt, cogerent Paulum ad reddenda confestim omnia quæcumque abstulerat. Quæ si probaret non esse Ecclesiæ, sed ipsius propria; tamen ex his retinendum satis ad resarcienda bonis Ecclesiasticis illata detrimenta; nam ea dilapidasse ferebatur. Si autem differre tentaverit, quousque omne quod dilapidavit, vel de substantia tulit Ecclesiæ restituat, in monasterium mittendus est, ut saltem coactus reddat quod male auferre non timuit, inquit S. Gregorius. Qui si forte, quod non credimus, post depositionem suam inverecunde ac mente perversa aliquid de episcopatu loqui, atque rursus ad hoc qualibet aspirare præsumptione tentaverit; Fraternalitatis vestra se contra improbitatem ipsius omnino vigor accendat, atque Domini corporis ac sanguinis communione privatum, in monasterium eum usque ad diem obitus sui ad agendam curet penitentiam retrudendum: quatenus perpetrati sceleris maculas dignis disceat fletibus emundare, quas magis in interitu animæ suæ nequiter augere desiderat. De Nemeshio vero decrevit ei locus ejus & episcopatus restituere-  
retur.

VI.  
De rebus A-  
fricanis cu-  
rat.  
Lib. XII. Ep.  
28.  
Causa Pauli-  
ni Episcopi.

Eodem tempore Gregorio cogitan-  
dum fuit de rebus Africanæ Eccle-  
siæ, ubi ex Episcopis & ex aliis ec-  
clesiasticis viris nonnulli ad officium  
erant revocandi. Multæ præsertim e-  
rant querelæ de Paulino Tegessis ci-  
vitatibus in Numidia Episcopo, quem  
clerus & qui etiam in sacro ordine  
erant constituti, in se corporaliter ex-  
cessisse perhibebant. Causam hanc in-  
ter Episcopum ejusque Clericos ju-  
dicandam S. Gregorius detulit ad  
Victorem Numidiæ Primatem & ad  
Columbum Episcopum, quibus in  
mandatis dedit, ut quos vellent e  
suis Coepiscopis assumerent ad senten-  
tiam de reo vel de accusatoribus fe-  
rendam. Idem Paulinus dicebatur  
Ecclesiasticos ordines simoniace dare,  
vel potius vendere, quod omni flu-

dio explorandum dicit sanctissimus  
Pontifex, ut tam dans quam accipiens  
præmium, uterque canonicæ ultionis  
sententia feriat. Verum ne simo-  
niæ radix mortifera coalesceret, ac  
plures interimeret, cupit communi  
totius Concilii definitione prohiberi,  
ne ullus unquam pro quovis ordi-  
ne accipiat aut det, neve quisquam  
ex gratia promoveatur, sed ex merito.

Paulo antea oblatum a Donadeo  
Diacono libellum supplicem, quo se  
quereretur a suo Episcopo Victore  
injuste depositum, ad eundem Co-  
lumbum miserat, ut una cum Pri-  
mate Concilii aliisque Coepiscopis  
de hac querela judicaret. Episcopus  
contendebat Donadeum ob corpora-  
le peccatum de ordine suo dejectum.  
Quod si probari possit, Gregorius  
vult Diaconum in pœnitentiam de-  
trudi, ut commissi flagitii vinculum  
lacrymis valeat absolvere. At vero  
si constet Episcopum in insontem sæ-  
viisse, decernit in ipsum canonici  
rigoris distractionem exercendam. De  
Clementio provinciæ Byzacenæ Pri-  
mate graviter accusato, quem a to-  
tius provinciæ Concilio judicandum  
censuit hoc anno vigilantissimus Pon-  
tifex, jam paulo supra dictum; qua-  
propter nihil hoc loco addendum vi-  
detur.

Et alterius,  
nomine Vi-  
ctoris.  
Ibid. Ep. 3.

Ibid. Ep. 32.

In his eo magis elucet Romani  
Pontificis auctoritas: quod ei diver-  
sa statuenti omnes obtemperaverint,  
ipsa Concilia, Primates, etiam Car-  
thaginensis Episcopus, penes quem  
in totam Africanam Ecclesiam summa  
erat potestas. Certe Dominicus qui  
Cathedram Carthaginensem Gregorio  
Romæ sedente obtinebat, nunquam  
questus est Romanum Antistitem fal-  
cem misisse in messem alienam, nun-  
quam pro tuenda sua auctoritate cum  
eo contendit, sed ejus amicitiam sem-  
per coluit. Noverant videlicet Afri-  
cani Patres Gregorium suo tantum  
uti jure, suorumque decessorum insi-  
ficere vestigiis. Nondum oblitterata  
erat

VII.  
Auctoritatis  
Rom. Pontifi-  
cis in Afri-  
ca argumen-  
ta.



erat Leonis Magni memoria qui Potentium committis ipsi Sedis apostolicæ vicibus miserat in Africam, ut labefactatam Wandalicis bellis Ecclesiasticam disciplinam refarciret, nonnullosque Episcopos contra canones ordinatos, exauktoraret. Tempore quoque Augustini, licet de appellationibus ad sanctam sedem quaestio esset orta cum Zosimo, quanta esset Africanorum erga Romanum Pontificem reverentia probant Conciliorum acta, Epistolæ ad ipsum scriptæ, aliaque monumenta. Ipse Cyprianus apostolicæ Cathedræ sententiam de lapsorum restitutione sciscitatus est; quem Africani Patres diversis temporibus secuti sunt, summos Pontifices de variis Ecclesiasticæ disciplinæ capitibus<sup>a</sup> consulendo. Et quamvis magnus Cyprianus aliud fenserit de baptismo hæreticorum quam Stephanus Papa, aliosque Africanos Episcopos ad suas partes traxerit, vicit tamen sententia Stephani, etiam in Africa, rescissis Conciliorum sub Cypriano habitorum decreta. Hæc paulo extra metas observavimus contra nonnullos, qui Africanam Ecclesiam vel *acephalam* audent dicere, vel *autocephalam*; quod proprii Primatis, hoc est Carthaginensis auctoritate sola regeretur: *Quasi vero ad Romanam Ecclesiam propter potentiorē principalitatem, necesse non sit omnem convenire Ecclesiam, hoc est eos qui undique sunt fideles*, ut ait Irenæus.

Lib. III. ad-  
vers. Valent.  
c. 3.

VIII.  
Gregorii  
summa in  
potestate  
major hu-  
milis &  
modestia.  
Lib. XII. Ep.  
24.

Summa hæc Gregorio demandata potestas, ejus modestiæ ac humilitati minime officiebat; quarum virtutum argumentum sane maximum est Epistola hoc anno ad Johannem Subdiaconum Ravennæ commorantem scripta. Etenim in ea pene indignabundus queritur de Mariniano Archiepiscopo Ravennate, quod legi

publice faceret ad vigiliis *commenta beati Job*, quia, inquit, illud opus non est popolare, & rudibus auctoribus impedimentum magis quam proVectum generat. Addit: *Neque enim volo dum in hac carne sum, si qua dixisse me contigit, ea facile hominibus innotesci. Nam quia dilectissimæ memoriæ Anatolius Diaconus querenti ac jubenti Domino Imperatori librum Regulæ Pastoralis dedit, ægre suscepi: quem sanctissimus frater & Coepiscopus meus Anastasius Antiochenus in Græcam linguam transulit. Et, sicut mihi scriptum est, ei valde placuit, sed mihi valde displicuit, ut qui meliora habent, in minimis occupentur.*

Eadem in Epistola S. Gregorius meminit suarum homiliarum de Proverbiis, de Canticis canticorum, de Prophetis, de libris quoque Regum, & de Heptateuco, quas exceperat Claudius Abbas. Quo mortuo jubet Papa requiri omnes etiam chartulas de his superstites, & ad se mitti, igne, ut ex ejus humilitate suspicari licet, fortasse abolendas. De his autem legendæ sunt præfationes aut admonitiones præviæ ad Commentarium in librum 1. Regum; ad Expositionem in Cantica, & ad aliam septem psalmorum pœnitentialium Expositionem. Sed quia forsan parcius illic diximus de Claudio Abbate, nunc colligendum quidquid in Epistolis Gregorianis de ipso sparsum legitur.

IX.  
De ejus ho-  
miliis in  
plurimos  
sanctæ Scri-  
pturæ libros  
a Claudio  
excerptis.

<sup>b</sup> Monachum fuisse in Gregoriano Romæ monasterio, & quidem sub ejus disciplina, probat filii titulus ipsi a Gregorio datus. Jam assumtus fuerat ad regendum Classense SS. Johannis & Stephani monasterium, anno secundo Pontificatus sancti viri; *ejus enim tamquam Abbatis meminit hoc tempore ad Johannem Ravennatem scribens: Videtur mihi ut Clau-*

b  
De Claudio  
inquitur.

<sup>a</sup> Vide Ep. Papæ Dynamio & Sufidio Consulibus datam ann. 488. & consule histor. Tom. XVI.

Vandal. persecut. par. 2. c. 12. n. 9.

<sup>b</sup> Castro nota (iii.)

*Lib. II. Ep. 16.* dium Abbatem cum aliquanta pecunia illuc transmittere debeatis.

*Lib. VII. Ep. 45.* *Lib. VIII. Ep. 15.* *Ibid. Ep. 16.* Romam venit, tum ut jura monasterii sui adversus Marinianum Ravennatem ejusque Clericos tueretur, pro quo impetravit privilegium; tum ut studiorum B. Gregorii adjutor foret ac particeps. In Urbe diu moram fecit, S. Gregorio eum retinente, quia magnum ipsi erat in verbo Dei solatium. At quia monasterium suum repetere & revisere festinabat; aliundeque non latebat vigilantissimum Pastorem, congregationi fratrum præsentiam sancti Abbatis esse summe necessariam, ei redire permisit, eumque commendavit Mariniano; quem rogavit ut paternam illi monasterioque ipsius caritatem, uti debebat, impenderet. Mortuum eum fuisse suspicamur paulo ante scriptam ad Johannem Subdiaconum Epistolam, cujus jam meminimus, hoc est anno 601. desinente.

*Lib. XII. Ep. 24.* Post ejus obitum Monachi ejus monasterii venientes Romam petierunt sibi Constantium Monachum Abbatem constitui. At eum minime probavit sanctissimus pater, quod peculiaritati studere diceretur, & in Piceni provinciam perrexisset sine aliquo fratrum suorum. Eo itaque rejecto consensit ordinari Maurum cellarium, modo quæ de ipsius vita & industria testabantur qui elegerant, vera esse probarentur. De his scripsit ad Johannem Subdiaconum; insuperque præcepit ut Marinianum Episcopum admoneret, peculiaritatem a quatuor aut a quinque Monachis monasterii refecare.

*X.* S. Gregorii in eligendis dignis Abatibus, & tuenda monastica disciplina sollicitudo. *XI.* Utrum monachorum loco subdiaconatus esset introitus. *Ibid. Ep. 15.* Hæc sane sunt argumenta sollicitudinis & curæ singularis, quam gerebat de statu monastico. Quanti autem illum faceret præsertim hoc anno demonstravit duabus in Epistolis. Ex priori scripta ad Passivum Episcopum Firmanum, colligit Thomassinus Monachatum tunc loco subdiaconatus fuisse. Quippe cum Aprutium

Castrum Firmensis territorii Pastore careret, indicavit S. Gregorius Opportunum quemdam, ob morum innocentiam, psalmodiæ studium, amoremque orationis a multis laudatum, quem hortandum dicit ut *vel Monachus fiat vel Subdiaconus*; & post aliquantulum temporis, ad pastorem curam eum suadet promovendum. Cur hic monachatus fieret mentio sicuti subdiaconatus, quando de promovendo ad sacerdotium Opportuno agitur, nisi æque ad sacros ordines disponderet? Et ideo fortasse S. Benedictus qui de Monachis ad presbyteratum & diaconatum assumendis loquitur, de subdiaconatu ipsis conferendo prorsus silet. Sed legendus ea de re noster Mabillonius, maxime Annal. Benedict. lib. x. an. 602. num. 20. col. 277.

In altera Epistola scripta ad Desiderium Viennensem Episcopum, pro Pancratio Diacono qui Monachus factus fuerat, sanctissimus pater hortatur Desiderium, ut tam promptæ Diaconi devotioni, quam in sancto studebat habere proposito minime impedimento sit. Magis autem, inquit, quibus valetis adhortationibus pastoralis admonitione (eum) succendite, ut fervor hujus desiderii in eo non tepescat: ut quia turbulento curarum secularium tumultu se segregans, quietis desiderio portum monasterii appetiit, rursus in Ecclesiasticarum curarum non debeat perturbationibus implicari.

*Part. 2. lib. 1. c. 34.*

*XII.* Diaconum factum Monachum ex monasterio avelli non patitur.

## C A P U T VII.

- I. Mauricii Imper. dejectio & cædes.* *As. 602. 4. 603.*
- II. De qua divinitus præmonetur.*
- III. Phocas eligitur Imperator ab exercitu. Qui Constantinopolim advolet. Mauricii filios ipsumque occidi jubet. Necnon Constantinam Augustam ejusque tres filias.*
- IV. S. Gregorius ad Phocam scribit. Ejus Epistola expenditur. De alia ad*



*ad eundem Epistola. V. Cur S. Gregorius durius de Mauricio scripserit. VI. Apocristarium mittit ad novum Imperatorem. VII. Misericordiam Italiae statum exponit. VIII. Legatio Theoderici Francorum Regis & Brunichildis ad Papam. Illum consulunt de Episcopo amente. Papæ responsum. Bigamum arcet a sacris ordinibus. IX. Petit Regina mitti Legatum in Gallias, ad Concilium celebrandum. X. Papæ sollicitudo de Eccles. disciplina in Italia. XI. Conductorum Ecclesie fraudibus injuste ablata restituit. XII. Ejus in facienda elemosyna studium. XIII. Urbicus Abbas eligitur in Panorm. Episcopum. Cur hanc electionem respuerit S. Gregorius. XIV. Scribit contra nuper exortos Romæ errores.*

I.  
Mauricii  
Imp. de  
je  
ctio & cæ  
des.

**A**Nnus hic Pontificatus S. Gregorii decimus-tertius insignis est ob Mauricii Augusti causam ipsiusque ac filiorum cædem, necnon Phocæ Centurionis promotionem ad imperium. Iram ordiumque militum in se concitaverat Imperator, nolens modico pretio redimere captos ab Avaribus, quos barbari interfecerunt; sive id avaritiæ causa factum, ut vulgo creditur, sive voluerit eos hostili gladio perire, quia seditionem fecerant. Ipse vero tanti criminis conscientiam pondusque diutius ferre non valens, Dominum precatus est ut in hac vita debitas sibi pœnas infligeret, æternisque suppliciis se non reservaret. Postulavit autem ab omnibus Patriarchis Monachisque, maxime Ierosolymitanis, ut eadem quoque a Deo suis precibus exorare satagerent. Vota ex animo facta Deus audivit, ut Theodoro Siceotæ ostensum est ac ipsimet Augusto, qui fuerat admonitus ut caveret ab homine cujus nomen a duobus his litteris *ph* inciperet, & ab eo se occidendum sciret.

II.  
De qua di  
vinus præ  
monetur.

Statim suspicatus est Mauricius a Philippico sororis suæ marito sibi insidias & necem parari. At in somnis vidit se Judici Christo adstare cum turba militum captivorum ipsum accusantium, uti narrant scriptores Græci; nec mora statim iussu esse, ut cum uxore sua & liberis totaque familia Phocæ militi trucidandus traderetur. Expergefactus Imperator, statim misit qui Philippicum ad se producerent. Ille vocari se nocte videns, mortem sibi imminere non dubitavit; noverat enim se apud Imperatorem in suspicionem adductum esse. At Mauricius statim ac illum vidit, ad ejus pedes provolutus ait: Ignosce mihi, frater, quas tibi innocentem calumnias imposui. Rogo autem ut si quem in exercitum militem Phocam nomine noveris, indices mihi. Novum, inquit ille, quemdam, qui pridem ab exercitu missus, cum majestate tua iurgavit. Non dubitavit Mauricius ipsum esse quem in somnis viderat.

III.  
Phocas eli  
gitur Impe  
rator ab e  
xercitu.

Sub id tempus Petrus Imperatoris frater ejus iussu misit litteras ad exercitum, quibus jubebatur Istrum trajicere ac ibidem hyemare; quod cum milites moleste ferrent, quia iis in hybernis assidue cum barbaris erat præliandum; cœperunt de novo Imperatore creando agere; moxque Phocam centurionem, quem audacem noverant, super scutum de more elevantes, Imperatorem acclamant salutaruntque. His auditis Petrus confestim Constantinopolim veniens eorum certiore fecit Imperatorem, qui paulo post navem conscendit cum uxore ac liberis; sed tempestate repulsus delatus est ad S. Autonomum; eademque nocte podagræ doloribus correptus, quæ fuit grave fugæ impedimentum.

Qui Con  
stantinopo  
lim advolat.

Interim Byzantium advolat novus Imperator, cumque jam pervenisset ad Hebdomum, facti sunt ei obviam Patriarcha Senatusque; mox urbem

regiam ingressus insignia sumpsit Imperatoria. Biduo. post curru ad-  
 vectus Imperatorio, venit in regiam;  
 quinta vero die Leontiam uxorem  
 corona imposita, Augustam pronun-  
 tiavit. Ad Phocæ adventum celebra-  
 dum edita sunt plurima spectacula.  
 Cumque de pompa & solempni ap-  
 paratu ad excipiendam Leontiam de-  
 liberaretur, de loco stationis inter  
 Venetos & Prasinos (duæ erant fa-  
 ctiones) orta contentione, Veneti  
 ab æmulis male habiti clamarunt:  
*Adhuc vivit Mauricius*, quem Pra-  
 risinis infensum sciebant. His cogni-  
 tis Phocas missis militibus iussit ad-  
 duci Mauricium ad Eutropii portum  
 ubi ante oculos ejus primum inter-  
 fecti sunt ejus <sup>a</sup> filii; patre interim  
 hæc Davidica usurpante: *Iustus es,*  
*Domine; & rectum judicium tuum.*  
 Quin etiam cum loco natu minoris  
 adhuc lactentis nutrix proprium fi-  
 lium obtulisset, Mauricius infantem  
 prodidit. Eadem constantia mortem  
 excepit; sicque calicem iræ Dei con-  
 vertit in medicinæ poculum, quod  
 ipsi ad peccatorum purgationem, &  
 ad perfectam animæ salutem conse-  
 quendam profuit. Constantiam Au-  
 gustam cum tribus filiabus, in pri-  
 vatam domum Leonis dictam in-  
 cludit tyrannus, uti narrat Simo-  
 catta lib. VIII. c. 15. quas tri-  
 men elapsis paucis mensibus interfici  
 iussas, alii referunt scriptores. Petrum  
 Mauricii fratrem & aliquos procerum  
 simul. interfectos esse docet fragmen-  
 tum de Phoca caronato; unde etiam  
 habemus nomina quinque filiorum  
 Imperatoris, & tempus quo ista con-  
 tingerunt, scilicet Indict. VI. die 23.  
 Novembris.

Ex eodem scripto docemur venif-

<sup>a</sup> Alii dicunt quinque, alii tantum tres.  
 In fragmento a nobis laudato inter occisos  
 numeratur Theodosius qui jam Cæsar fue-  
 rat a Patre renuntiatus. Absuisse tamen quan-  
 do hæc gesta sunt vulgaris est sententia,  
 quia missus fuerat a Mauricio ad Persarum Re-  
 gem, ejus opem postulaturus: eundemque a-  
 junt Nicæ in Bithynia postea comprehen-

se Romam icones Phocæ & Leontiae  
 Augustorum Kalendis Maii, & ac-  
 clamatum esse eis in Lateranis in  
 basilica Julii ab omni clero & Sena-  
 tu. Postea jussisse S. Gregorium ima-  
 gines illas reponi in oratorio S. Cæ-  
 sarii Martyris intra palatium.

Non erat integrum Papæ abstinere  
 a scribendis ad Phocam litteris,  
 quibus ipsi gratularetur adeptum im-  
 perium. Iis qui Gregorium arguunt  
 quod de Mauricio iniquius, de Pho-  
 ca vero adulatorie locutus sit jam  
 respondimus. Sane quæ dicuntur adu-  
 lationes & assentationes, potius vota  
 sunt pro Imperatore a quo summus  
 Pontifex optime gubernari Rempu-  
 blicam optat, ut legenti palam fiet:  
*Latentur, inquit, cæli & exsultet ter-  
 ra, & de vestris benignis actibus uni-  
 versus Reipublicæ populus nunciusque  
 vehementer afflictus hilarescat. Com-  
 primantur iugo dominationis vestræ,  
 superbæ mentes bestium. Relevantur  
 vestra misericordia contriti ac depressi  
 animi subjectorum. Virtus cælestis  
 gratiæ inimicis terribiles vos faciat,  
 pietas subditis benignos. Quiescat fe-  
 licissimis temporibus vestris universa  
 Respublica, prolata sub causarum ima-  
 gine præda pacis. Cessent testamento-  
 rum insidia, donationum gratiæ vio-  
 lenter exactæ. Redeat cunctis in rebus  
 propriis secunda possessio, ut sine timore  
 habere se gaudeant, quæ non sunt eis  
 fraudibus acquisita. Reformetur jam  
 singulis sub iugo imperii pii libertas  
 sua: Hoc namque inter Reges gentium,  
 & Reipublicæ Imperatores distat, quod  
 Reges gentium domini servorum sunt,  
 Imperatores vero Reipublicæ, domini  
 liberorum. Sed melius hæc orando quam  
 suggerendo dicimus. Quæ sequuntur  
 usque ad finem Epistolæ, sunt præ-*

IV.  
 S. Gregorius  
 ad Phocam  
 scribit.  
 Lib. XIII.  
 Ep. 31.  
 Ejus Episto-  
 la expendi-  
 tur.  
 b.

ces  
 sum capite truncatum esse. Sed Theophyla-  
 ctus Simocatta scriptor pene coævus, quem  
 propterea cæteris duximus anteponendum,  
 diserte dicit Theodosium a sua legatione re-  
 vocatum a patre Mauricio ad modulationem  
 adfuisse.

<sup>b</sup> In notis ad Ep. 31. lib. XIII.

De alia ad  
 eundem E-  
 pistola.  
 Ibid. Ep. 32.  
 & 39.

<sup>a</sup>  
 Mauricii fi-  
 lios ipsum-  
 que occidi  
 jubet.  
 Cf. 1. 8.  
 Necnon  
 Constanti-  
 nam Au-  
 gust. & tres  
 filias.  
 Ad calcem  
 Epistol.



ces quibus vir sanctus a Deo postulat auxilium gratiæ Augusto necessarium.

In alia ad eundem Phocam Epistola nullæ laudes occurrunt, quæ sermonem adulatorium redoleant. In ea qua Leontiam salutavit, vota quoque nuncupat, non verbis lenocinatur, ut legendo quisque observare potest.

V.  
Cur S. Gregorius durius de Mauricio scripsit.

Quod spectat ad quædam in Mauricio Augustum durius a Sancto Gregorio scripta iis in Epistolis, constat hunc Imperatorem iniquiorem sese fere semper ostendisse sanctissimo Pontifici, Romæ, totique Italiæ, ut ex tot Gregorianis Epistolis liquet. De duro itaque ipsius jugo quando conqueritur (dissimulato tamen ejus nomine) scribens ad Phocam aut ad Leontiam, non injustis querelis querit Imperatoris demortui famam obscurare. Vero propius autem videtur sancti viri propositum esse novi Imperatoris animum ad misericordiam & clementiam erga subditos inflectere. Mauricii avaritiam carpit quidem latenter, & cætera mala quæ ex hoc vitio solent oriri. At ipse Simocatta, etsi erga hunc Imperatorem iudulgentior, non inficiatur ipsum avaritia laborasse, dum ait ea ratione Mauricium voluisse exercitum trajecto Istro hiemare, ut barbarorum regionem incursaret, inde comparatis alimentis victitaret, ne annonam militi præbere cogeretur; unde occasio rebellandi data, & aliterius Imperatoris eligendi.

Lib. VIII.  
cap. VI.

Bellica Mauricii virtus etsi laudetur, attamen vix ullum bellum post assumptum imperium gessit, nisi per duces. Quamvis autem quamdiu imperavit, bellandum ei fere semper fuerit, maxime contra Avars vel Abaros, vario tamen eventu & sæpe infelici pugnatum esse constat ex eodem Theophylacto Simocatta. Interea Italiam, Siciliam, Sardiniam,

Dalmatiam Langobardi aliique barbari depopulabantur, Imperatore vix curante. Hoc moleste ferebat Sanctus Gregorius, unde ex postulandi contra Mauricium in Epistolis ad Phocam & Leontiam data occasio.

<sup>a</sup> Ut ad novum Imperatorem redeat oratio, cum nullum in palatio invenisset Ecclesiæ Romanæ Apocri-farium, id minime gratum habuit. Anatolius hoc munere fungebatur adhuc Indict. IV. an. 601. ut patet ex Epistola ad eum scripta: quo vero tempore urbe regia excesserit, quave occasione, divinare non possumus. Gregorius excusaturus se apud Phocam, scripsit: *Quod permanere in palatio, juxta antiquam consuetudinem, apostolicæ Sedis Diaconum vestra Serenitas non invenit, non hoc meæ negligentia, sed gravissimæ necessitatis fuit: quia dum ministri omnes hujus nostræ Ecclesiæ tam contrita aspera que tempora cum formidine declinarent, atque refugerent, nulli eorum poterat imponi, ut ad urbem regiam in palatio permansurus accederet. Sed postquam vestram Clementiam, omnipotentis Dei gratia disponente, ad culmen imperii pervenisse cognoverunt, ipsi quoque suadente lætitia ad vestra vestigia venire festinant, qui prius illuc accedere valde timebant.* Postea significat ad id muneris delectum fuisse Bonifacium primum defensorum, quem ait sibi longa assiduitate compertum, vita, fide ac moribus approbatum, idcirco Diaconum effectum, ut hanc legationem ac provinciam obiret. Is est Bonifacius ex plurimis Gregorianis Epistolis satis notus qui postea electus est in summum Pontificem & dictus est Bonifacius tertius; at ad breve tempus Ecclesiam rexit. Quam acceptus fuerit Phocæ inde colligimus, quod Pontifex creatus obtinuerit, <sup>b</sup> ut Constantinopolitanus Patriarcha œcumenicum se dicere desineret.

a  
VI.  
Apocri-farium mittit ad novum Imper.  
Lib. XI. Ep. 47.  
Lib. XII. Ep. 43.

b

In

<sup>a</sup> Castro nota ( kkk )

<sup>b</sup> Vide quæ diximus supra lib. III. c. I. n. 16.

VII.  
Miserabilem  
Italiam statu-  
tum expo-  
nit.  
Lib. XIII.  
Ep. 33.

In Epistola ad Phocam cujus la-  
tor fuit novus Apocrisiarius, mise-  
rabilem Italiam statum deplorat: *Quali-  
ter*, inquit, *quotidianis gladiis & quan-  
tis Langobardorum incursionibus, ecce  
jam per triginta quinque annorum  
longitudinem premimur, nullis explere  
suggestionis vocibus valemus.*

Sane ex Epistola ad Smaragdum  
Exarchum hoc anno scripta comper-  
tum habemus bellum adhuc fuisse  
cum Langobardis, etsi quandoque  
induciis paucorum dierum intermit-  
teretur. Eadem Epistola pene per-  
suadet Pisanos jam tunc fuisse sui  
juris, potuisseque pro arbitrio pacis  
foedera inire aut bellum indicare.  
De eorum dromonibus ad egrediendum  
jam paratis ibidem S. Gregorius me-  
minit: unde discimus eos mari fuisse  
præpotentes. Eosdem ad pacem  
cum Romanis ineundam hortatus fue-  
rat summus Pontifex misso Legato,  
sed obtinere nihil potuit, quod nun-  
tiandum putavit Exarcho.

VIII.  
Legati Theo-  
dorici  
Franc. Re-  
gis & Bru-  
nichildis  
ad Papam.

Paulo antea Theodoricus Franco-  
rum Rex in Burgundia, miserat Le-  
gatos ad Papam illustres viros Bur-  
goaldum & Varmaticarium, ut eo  
adjutore pacem cum Imperatore ac  
Republica Romana facere ac stabili-  
lire posset. Laudavit ejus consilium  
sapientissimus pater, operamque suam  
ad id præstandum pollicitus est. For-  
tasse jam dissidebant duo fratres,  
Theodebertus Austrasianorum Rex,  
& Theodoricus, qui prudenter ami-  
citiam Romanorum ambiebat. Fave-  
bat huic Brunichildis avia, infensa  
Theodeberto nepoti, qui tandem du-  
plici prælio fusus fugatusque, a suis  
occisus est victoris gratiam ejus ca-  
pite mercari volentibus.

Illum con-  
sulunt de E-  
piscopo a-  
nente.  
Ibid. Ep. c  
Papæ ref.  
ponfam.

Præfati Legati jussi fuerant a Bru-  
nichilde, consulere Papam de quo-  
dam Episcopo quem capitis infirmi-  
tas administrare suum officium non  
sinebat. *Alienata mente fuisse hunc  
Episcopum docet nos Epistola ad E-  
therium Lugdunensem ea de rescri-*

*pta, in qua sic ad quæstionem pro-  
positam respondet: Quia vivente E-  
piscopo quem ab officio suo necessitas  
infirmitatis non crimen abducit, alium  
in locum ejus nisi recusante eo, nul-  
la finit ratio ordinari: si intervalla  
ægritudinis habere est solitus, ipse data  
petitione non se ulterius ad hoc mi-  
nisterium, intellectualia nempe officia  
subvertente infirmitate, posse fateatur  
assurgere, & alium loco suo expectat  
ordinandum. Quo facto, omnium so-  
lemniter electione, alter qui dignus  
fuerit Episcopus consecratur: sic ta-  
men ut quousque eundem Episcopum  
in hoc seculo vita tenuerit, sumtus  
ei debiti de eadem Ecclesia ministren-  
tur. Enimvero si nullo tempore ad  
sanæ redit mentis officium, persona  
fidelis ac vitæ probabilis est eligenda,  
quæ ad regimen Ecclesiæ idonea possit  
existere, atque ad animarum utilita-  
tem cogitare, inquietos sub disciplinæ  
vinculo constringere, Ecclesiasticarum  
rerum curam gerere, & maturam at-  
que efficacem se in omnibus exhibere,  
Qui etiam si Episcopo, qui nunc ægro-  
tat, superstes extiterit, loco ejus de-  
beat consecrari. Ordinationes vero Pres-  
byterorum vel Diaconorum, seu al-  
terius ordinis, si fieri in eadem Ec-  
clesia causa poposcerit, Fraternitati  
tuæ noveris reservandum: quatenus si  
tuæ est diæceseos de ejus qui ad hoc  
eligitur vita, moribus, actuque per-  
quiras. Et si placuerit, nec est quod  
in eo canonice distractionis judicium  
reprehendat, ad destinatum ordinem  
non aliter, nisi te ordinante, perve-  
niat.*

Consultus ab eadem Regina S.  
Gregorius de bigamo, an ad sacrum  
ordinem posset accedere, respondit id  
juxta canonicam regulam minime fieri  
debere. Postulanti autem ut privile-  
giis munire dignaretur monasterium  
S. Martini in suburbio Augustodu-  
nensi, aliud monasterium ancillarum  
Dei, & xenodochium quæ in ea-  
dem urbe construenda curaverat,

Bigamum a  
sacris ordi-  
nib. arcet.



a libenter a annuit pius Pontifex.

IX.  
Petit Regi-  
na mitti Le-  
gatum in  
Gallias ad  
celebran-  
dum Conci-  
lium .

Gratum se facturam vigilantissimo totius Ecclesiæ Pastori putavit Regina, ipsum rogando ut Legatum mitteret in Gallias, qui facta Synodo, cuncta quæ contra sacratissimos canones perpetrabantur, posset corrigere. Nam id ipsi maximo in voto erat, ut liquet ex tot Epistolis quas eade re superioribus b annis scripserat ad eandem Reginam, Reges, & Episcopos Galliarum quamplurimos. Itaque Gregorius actis Reginæ gratiis, respondet apto tempore se misurum aliquem qui Synodum cogeret; ejusque pia desideria se impleturum pollicitus est. Nulla tamen coacta est Synodus in Galliis quæ cleri corruptelis mederetur, nisi post annos fere triginta, civilibus bellis bonum hoc opus impredientibus.

X.  
Papæ solli-  
citus de  
Eccl. disci-  
plina in I-  
talia.  
Ibid. Ep. 36.  
& 35.  
Ibid. Ep. 27.  
& 26.

De refarcienda in Italia ecclesiæ disciplina majorem adhuc sollicitudinem gerebat sanctissimus pater. De amovendis a Sacerdotum aliorumque Clericorum contubernio mulieribus extraneis scripsit ad Chrysantum Spoletanum Episcopum & ad plurimos alios; atque ad id Optati defensoris operam adhibuit. Præcepit Anthemio Subdiacono ut Campaniæ Episcopos convocaret, admoneretque officii sui, cujus immemores esse videbantur. Si vero postea semel admonitus negligens exstiterit ac desidiosus, vult ut Romam transmittatur, distinctius puniendus. Paschasius Episcopus præ cæteris otio torpere ferebatur; unde jubet Anthemio ut eum de negligentia coram selectis testibus corripiat. Si vero desidiam non excutiat, Romam transmitti præcipit severius castigandum.

X.  
Conducto-  
rum Eccle-  
siæ fraudi-  
bus injuste  
ablata resti-  
tuit.  
Ibid. Ep. 34.

In Ecclesiæ Romanæ actoribus & conductoribus fraudes omnes non modo vindicabat sed etiam damna eorum fraudibus colonis illata refarciebat. Hinc laudavit Pantaleonem pa-

trimonii Syracusani rectorem, quod fregisset modium, quo coloni frumenta dare compellebantur, quia debitam mensuram excedebat; iussitque pecuniam ex injusto modio perceptam colonis pauperibus secreto distribui.

Certe quam alienus esset ab invadendis pauperum bonis, probat ejus studium incredibile in facienda eleemosyna. Sic expostulat cum Juliano viro illustri ob dissimulatam ex verecundia inopiam: *Certum est, inquit, quia minus amatur qui adhuc crubescitur. Atque omnimodo contristatus sum, quia me a vobis comperi minus quam aestimaverim amari. In hoc autem valde me continetis, si mercedis causas mihi assidue providendas studiose requiritis. Nec vobis debet esse verecundiæ ei aliquid de eleemosynis importune dicere, quem constat non res suas, sed ad dispensandum, res pauperum habere. De causis itaque mercedis apud Episcopum libere agere debuistis, etiamsi meum animam qualis in amore vestro existeret nesciretis. Postquam enim & nos omnino gloriam vestram diligimus, & dispensatoris locum in rebus, sicut scitis, pauperum tenemus; vestra, fateor, verecundia valde accusabilis fuit. Quam ideo tot verbis increpando insequor, ut hanc a corde vestro funditus repellam. Ex Epistola ad Pantaleonem discimus patrimoniorum rectores apud sacratissimum corpus beati Petri jusjurandum olim præbuisse.*

Cum propria auctoritate Imperatoris ministros privatorum bonis, utilitatis publicæ nomine, insidiantes coercere non posset, de eorum malis artibus & rapinis certior fieri Augustum curabat. Hoc anno admonuit Rusticanam patriciam venisse Romam quemdam Beatorum, qui se Comitem privatarum dicebat, & multa inique agebat, maxime adversus ipsam & ejus neptes, scilicet c

XII.  
Ejus in fa-  
cienda elec-  
mosyna stu-  
dium.  
Ibid. Ep. 19.

An-

a Exstant hæc privilegia in Epp. 8. 9. 10.  
b Maxime anno Pontificatus sui nono.

c Ita auguratur Baronius.

Antoninam & Barbaram Venantii filias, de quibus alibi.

XIII.  
Urbicus Ab-  
bas eligitur  
in Panormi-  
tanum Epi-  
scopum. Cur  
hanc ele-  
ctionem re-  
pulerit S.  
Gregorius.

Hoc anno mortuo Victore Panor-  
mitano Episcopo, Venantius Patri-  
cius Panormitanus, alius a Syracu-  
sano exmonacho, de cujus morte  
jam diximus, Urbicum Abbatem mo-  
nasterii S. Hermetis curavit eligi in  
hujus urbis Episcopum. Laudavit  
hanc lectionem S. Gregorius, quod  
Urbicum nosset *vigilantem, sollici-  
tum, & divinæ Scripturæ scientia,*  
*quod maxime in Sacerdotibus eligen-  
dum est, institutum.* Quietem tamen  
hujus Abbatis turbare noluit Papa,  
*ne eum ad altiora producendo, mino-  
rem seipso fieri missum in fluctibus com-  
pelleret.* <sup>a</sup> Urbicus erat quasi Præfe-

etus aut Præpositus generalis omnium  
monasteriorum in Sicilia, ut jam ob-  
servavimus; quod fortasse in causa  
fuit ut eum a tali præfectura, ut  
fieret Episcopus, amoveri non sit  
passus Gregorius. Panormitanam Se-  
dem obtinuit Johannes, quem S.  
Gregorius monuit de redditibus Ec-  
clesiæ quartam in integro portionem  
suo clero tribuere, & tabularium in-  
stituere qui singulis Clericis debita  
distribueret juxta tabulam seu matri-  
culam. Eidem eximia præbet præce-  
pta ad optimam Ecclesiæ gubernatio-  
nem. Ad Johannem Pallium jam pau-  
lo antea fuerat missum. In Epistola  
qua sanctissimus Pontifex recens or-  
dinatum Episcopum jure utendi Pal-  
lio donavit, ait eum speculatoris Ec-  
clesiæ Panormitanæ officium suscepisse;  
nomen Episcopi probe interpreta-  
tatus.

XIV.  
Scribit con-  
tra nuper e-  
xortos Ro-  
mæ errores.

Certe speculatorem indefessum ac  
vigilantissimum sese probabat ipse  
Gregorius, assidue excubans, licet  
gravissimis morbis decumberet, ut a  
grege suo, quidquid immineret mali  
arceret. Unde cum intellexisset quos-  
dam in ipsa urbe Roma perversi  
spiritus homines die Sabbati aliquid  
operari prohibere; ad cives Romanos

scripsit, Judaicum hunc errorem ex-  
plodens, cujus auctores Antichristi  
prædicatores appellat, qui *veniens,*  
*inquit, diem Sabbatum atque Domi-  
nicum ab omni faciet opere custodiri.*  
Iidem, aut alii *perversi homines,*  
prædicabant, Dominico die nullum  
debere lavari. *Et quidem, inquit, si*  
*pro luxu animi atque voluptate quis*  
*lavari appetit, hoc fieri nec reliquo*  
*quolibet die concedimus. Si autem pro*  
*necessitate corporis, hoc nec Domini-  
corum die prohibemus.*

## C A P U T VIII.

I. S. Gregorius mittit defensorem in  
Hispaniam, ut judex sit causarum  
Episcop. Judicium Johannis defen-  
sor. II. Eidem injungit Papa vi-  
sitationem monasterii insula Capra-  
ria. Ejusdem pro aliis monasteriis  
solicitudo. III. Quid statuerit de  
Episcopo Missæ sacrificium ob infir-  
mitatem intermittente. IV. Pro pa-  
ce inter Episcopos concilianda quam  
fuerit sollicitus. V. S. Gregorii ad  
Theodelindam Reginam Epistola &  
munuscula. VI. Ultimi S. Gregorii  
labores pro Ecclesia. Quid consulenti  
Episcopo Messanensi responderit. VII.  
Consilia ab ipso amicis data. Ejus  
obitus. Sepultura. Sacer cultus.  
Translationes.

An. 603. &  
604. Indi-  
ct. VI. & VII.

EX editissima Ecclesiæ specula S.  
Gregorius conspiciens turbatas  
Hispaniarum Ecclesias, ob injustam  
Presbyteri & quorundam Episcopo-  
rum dejectionem, eo misit Johannem  
defensorem, qui auctoritate sibi a  
summo Pontifice delegata judex sedit  
inter Presbyteros Episcoposque vim  
passos, & alios qui aut ipsos injuste  
dejecerant, aut eorum Sedem inva-  
serant, aut eorum in favores ordina-  
rant; necnon inter gloriosum Comi-  
tolum Baticæ, ut par est credere,  
Præfectum, quo præsertim auctore

I.  
S. Gregorius  
mittit de-  
fensorem in  
Hispaniam,  
ut judex sit  
causarum  
Episc.

Lib. XIII.  
Ep. 45. &  
qua sequun-  
tur usque  
ad Ep. 46.

tan-

<sup>a</sup> Vide Mabillon, Annal. Bened. lib. 8. n. 35. & 59.



tanta mala hac in provincia perpetrata sunt. Johannis defensoris legationi occasionem dedit Januarii Malacitani Episcopi *petitio*, seu libellus supplex Papæ oblati, quo querebatur unum e suis Presbyteris ab officio suo amotum, & in exilium deportatum fuisse. In eodem haud dubie libello de simili quoque poena sibi inflicta conquestus est Januarius. Alius incerti loci Episcopus nomine Stephanus cum Januario depositus & in exilium ejectus, ad sanctam quoque Sedem appellaverat. Ut in his Episcoporum & Presbyterorum causis recte sententiam ferret Johannes, dedit ipsi Papa duplex capitulare seu commonitorium, quorum unum præscribit, quidquid facto opus sit in his litibus tum instruendis tum judicandis; alterum continet leges Imperiales de Clericorum immunitate. In sententia Johannis defensoris, quem omnes partes pro legitimo suo iudice agnoverunt, nulla fit mentio Stephani Episcopi & Presbyteri Malacitani, sed tantum Januarii Episcopi hujus urbis, qui hoc solemni iudicio fuit Ecclesiæ suæ restitutus: *Nullam*, inquit Johannes, *in antedicto Januario culpam, quæ exilio vel depositione digna esset puniri, sed magis illum ejectum de Ecclesia violenter inveni. Et quamquam hujusmodi temeritatem legum censura districtissime feriat; ego tamen legum vigorem sacerdotali moderatione temperans, mediis sacrosanctis Evangeliiis, quibus presentibus ab initio in hoc cognitor resedi iudicio, ea quæ contra eum statuta sunt, licet jure non teneant, nec alicujus sint momenti, injusta tamen & infirma esse pronuntio, atque illos & illos memoratos Episcopos, qui postposita consideratione sacerdotali, in fratris sui præjudicium atque condemnationem injuste & contra Dei timorem versati sunt, condemnans, in monasterio recipiendos ad agendam in tempus penitentiam statuo atque*

*Tom. XVI.*

Judicium  
Johannis de-  
fensoris.

*decerno. Illum vero qui locum antedicti sanctissimi Januarii contra sacrorum canonum statuta nequiter præsumsit invadere condemnans, privari sacerdotio & ab omni Ecclesiastico ordine removeri statuo: ut & hoc quod male est adeptus amittat, nec ad officium quod ante indigne gesserat, revertatur. Sæpeditum autem sanctissimum Januarium Episcopum absolutum loco suo in episcopatus gradu Deo auctore reverti.*

Eidem defensori S. Gregorius in mandatis dedit, monasterium Capricanæ, seu Caprariæ insulæ prope Majoricam visitare, & Monachorum corruptos mores emendaret. Nam ita perverse agere dicebantur, ut non Deo sed antiquo potius hosti se militare ostenderent. Sic studium suum pro conservanda aut refarcienda monastica disciplina ubique demonstrabat sanctissimus Pater. Anno ejus pontificatus decimo quarto ineunte, ipsi curæ fuit providere monasterio sanctorum Laurentii & Zenonis in Cæsenati castro, quod Concordius hujus loci Episcopus turbabat injusta Fortunati Abbatis depositione. Ab ejus antecessore Natali Cæsenæ Episcopo Fortunatus ordinatus fuerat Abbas hujus monasterii; etsi nulla existente causa novus Episcopus eum ab hoc amoverat officio, aliumque instituerat Abbatem. Fortunatus de sua dejectione querelam ad summum detulit Pontificem, qui, quamvis ex ipso Concordii Diacono Abbatem injuste spoliatum cognovisset, de hoc negotio tamen Marinianum Ravenatensem Archiepiscopum voluit inquirere, quia, inquit, certior in partibus ubi res acta est, potest esse probatio. Et si nulla manifesta causa depositio- nis exstiteret, jussit Fortunatum in pristinum gradum restitui, increparique Episcopum, qui decessoris sui, nullis provocatus excessibus, destruere ordinationem molitus sit.

De quibusdam Abbatibus Mona-

A a

ste.

II.  
Eidem in-  
jungit Papa  
visitationem  
monasterii  
insulæ Ca-  
prariæ.  
*Ibid. Ep. 46.*  
Ejusdem  
pro aliis mo-  
nasteriis sol-  
licitudo.  
*Lib. xv. Ep. 6*

*Ibid. Ep. 2.*

steriorum Sardinia scriptis eodem fere tempore S. Gregorius ad Vitalem hujus insulae defenforem, eos qui cum adhuc *in monachico & minori essent ordine*, lapsi fuerant, Abbatibus officium suscipere minime debuisse, *nisi omnino correctæ vitæ & dignæ præcedente penitentia*: sed quia jam Abbates facti erant, voluit sapientissimus Pater ut de eorum vita, moribus ac sollicitudine curam gereret Vitalis. Et si actus eorum inventi contra officium non fuissent; in accepto perseverarent ordine & officio. *Alioquin remotis*, inquit, *eis, alii qui commissis sibi animabus prodesse valeant ordinentur*.

III.  
Quid statuerit de Episcopo Missæ sacrificium ab infirmitatem intermitte.

In epistola ad Vitalem ea de re scripta respondet S. Gregorius quaestioni propositæ de Januario Caralitano Archiepiscopo, qui tempore quo sacrificium celebrabat, tantam frequenter angustiam patiebatur, ut vix post longa intervalla ad locum canonis redire valeret. Inde multis offensionis data occasio, ita ut dubitarent, si communionem de ejus consecratione deberent percipere; sed admonendi sunt, inquit sanctus Doctor, ut nullatenus pertimescant, sed cum omni fide & securitate communicent; quia ægritudo personæ sacri mysterii benedictionem nec mutat nec polluit. Voluit nihilominus a Vitali suggeri Januario, ut quoties aliquam sentiret molestiam, non procederet; ne ex hoc & se despicabilem præberet, & infirmorum animis generaret scandalum.

Infirma Januarii valetudo in proVecta ætate, magna Ecclesiis, xenodochiis, & monasteriis damna intulerat in Sardinia. Xenodochiorum curam habere Ecclesiæ Caralitanae æconomum & Archipresbyterum iussit Papa, de neglectu, si quis deinceps esset, pœnas daturus.

IT. Gregorii sollicitudinem pro tota Ecclesia, neque ingravescens ætas,

neque assidui acrioresque in dies morbi qui mortem prænuntiabant, proximam, potuerunt imminuere; maxime cum de pace restituenda inter Episcopos agebatur. Quod ipse significat in Epistola hoc anno scripta: *Quoties*, inquit, *nos eorum discordia tristes facit, qui pacis prædicatores esse debuerant, magna sollicitudine studendum est, ut litigii ablata materia, ad concordiam redeant, qui diversa ab invicem voluntate discordant*. Hæc ait occasione litis inter Alcysonem Corcyrae, & Johannem Euriae in Epiro Episcopum, qui ex hac urbe fugere coactus a Barbaris una cum clero, ablatoque secum sancti<sup>a</sup> Donati corpore in Cassiopi castro sacras illas reliquias deposuerat, si bique ac suis Clericis sedem fixerat, annuente Alcysone Corcyrae Episcopo ad cujus diœcesim pertinebat castrum. At contra Ecclesiasticam ordinationem, contra Sacerdotalem modestiam, contra sacrorum Canonum statuta, prædictum castrum de jurisdictione Alcysonis abducere, ac suæ molitus est potestati subicere: ut fierent quodammodo domini, ubi prius suscepti fuerant peregrini. De ingrato Episcopi animo, injustaque castri usurpatione exposulavit Alcyson tum apud Imperatorem, tum apud Andream Nicopolitanum Episcopum utriusque Metropolitam, qui tum ex officio, tum ex Principis præcepto lata sententia, decrevit Cassiopi castrum sub jurisdictione Corcyritanae Ecclesiæ debere persistere. Metropolitani sententiam comprobavit Papa. Et quamvis distractionem contra se non modicam hujus litigii culpa videretur exigere, propter quod mala pro bonis sunt reddita: *studendum est*, inquit clementissimus Pater, *ut excessu benignitas non vincatur, nec illud quod extraneis debetur, fratribus etiam necessitatem patientibus denegetur.... oportet ergo ut Sacerdotes*

pos. quam fuerit sollicitus.

Lib. xiv. Ep. 7.

a

De lite inter Johannem Euriam, & Alcysonem Corcyrae Episcopum. Lib. xiv. Ep. 7.

vel

a A quo hæc urbs nomen accepit, vocaturque etiam nunc San Donato.



vel clerus Eurix civitatis ab antefati Cassiopi castri habitatione nullatenus repellantur, sed & beati Donati sanctum ac venerabile corpus, quod secum detulerunt, in una Ecclesiarum antedicti loci quam elegerint, sive intus, sive foris habeant recondendi debita cum veneratione licentiam. Sic tamen ut Dilectioni tue in cujus parochia castrum ipsum est positum, emissâ procuretur cautione munitio, per quam promittat Episcopus Eurix nullam sibi in eo potestatem, nullum privilegium fore, nullam jurisdictionem, nullam tamquam Cardinalis Episcopus ulterius auctoritatem defendere: sed pace Deo propitio reddita, ablato venerabili sancti Donati, si maluerint, corpore, ad propria se modis omnibus reversuros.

Id. Ep. 8. Huic judicio non statim acquievit Episcopus Eurix, sed ab Imperatore subreptitiam obtinuit jussionem, qua in castrum Cassiopi omnem sibi vendicabat potestatem. Id ægre tulit S. Gregorius; ne tamen contra Augusti præceptum aut in despectum ipsius aliquid facere videretur, nulli partium data ex juris formulis sententia; satis habuit eum admonere Bonifacii Legati sui opera, de jussionis ab ipso surreptæ iniquitate; rogareque ut contrariam daret, qua Metropolitæ judicium a sancta Sede ratum habitum confirmaretur. Resipuisse Eurix Episcopum nos docet scripta ad Alcysonem Epistola. Nam capitulare obtulit quo supplex petebat a Corcyritano Antistite, ut in Ecclesia S. Johannis intra castrum Cassiopi posita, licentia recondendi corporis beati Donati sibi daretur; paratumque se asserebat ad emittendam munitionem, qua locum hunc Corcyritanæ diœcesis esse ultro agnosceret, nullumque sibi jus in illum unquam vendicaturum polliceretur. Alcysonem hortatus est Papa ut accepta cautione postulata concederet,

a De Castro nota ( III )

sponderetque tum Episcopo Eurix tum ejus Clericis, restituta pace, cum ad propriam redire liceret Ecclesiam, ipsos auferendi secum corpus sancti Donati fas habituros.

a Eurix Episcopum ad propriam Ecclesiam deferendam coactum esse a Sclavis aut Avaribus suspicamur, non vero a Langobardis, cum quibus nullum tunc fuisse bellum conjicimus ex litteris & munusculis a S. Gregorio ad Theodelindam Reginam hoc anno missis. Ipsa scripserat summo Pontifici, ut eum sui gaudii participem efficeret ob Adaloldum filium in lucem editum, quem in fide Catholica baptizari curaverat, licet Agilulfus Rex ejus pater nondum Arianismum ejurasset. Regio puero ejusque sorori Papa misit sacra quædam dona & alia munuscula, de quibus legenda Epistola ad Reginam scripta. Ipsam rogavit ut suo nomine Regi conjugis de facta pace gratias agere dignaretur, atque ejus animum, sicut consueverat, ad pacem de futuro provocaret.

In eadem Epistola, cum rogatus esset a Theodelinda respondere scripto Secundini Abbatis pro tribus capitulis decertantis, excusatum se haberi postulat ob infirmitatem, cujus testes fuerant Reginæ Legati; quandoquidem ipsum discedentes in summo vitæ periculo ac discrimine reliquerant.

Neque tamen pro Ecclesia sollicitudinem gerere intermisit. Nam eodem tempore, cum vacasset Pastore Anconitana Ecclesia, de ordinando Episcopo qui dignus esset diu deliberavit, animidotes, virtutes, mores trium qui electi fuerant explorans: & ad plurima quæsitâ Felicis Messanenensis Episcopi amplissime respondit, scilicet de consanguinitatis gradibus intra quos nubere licet, de vexatione quam Episcopi patiebantur a laicis sibi subditis, & de Ecclesiis

A a 2

de

a  
v.  
S. Gregorii  
ad Theode-  
lindam Re-  
ginam Epi-  
stola & mu-  
nuscula.  
Ibid. Ep. 12.

Summa S.  
Gregorii  
prudentia  
in hac causa  
Ibid. Ep. 13.

VI.  
Ultimi S.  
Gregorii la-  
bores pro  
Ecclesia.  
Ibid. Ep. 17.  
Ibid. Ep. 17.

de quarum dedicatione dubitabatur. Ad primum dicit, ea quæ indulget, <sup>a</sup> Anglis neophytis, nimirum ut matrimonium in gradibus prohibitis contrahere possent, non esse omnibus a se concessa; immo nec ipsismet Anglis nisi ad tempus, videlicet donec in eis coalesceret religio Christiana. Ad secundum quæsitum respondet: Si David Regum justissimus in Saul, quem constabat jam a Domino reprobatum esse, manum mittere non presumpsit: quanto magis cavendum est ne manum detractionis aut vituperationis, sive indiscretionis aut debonationis, quidam mittant in unctum Domini, vel in predicationes sanctæ Ecclesiæ? quia eorum vexatio sive detractionis ad Christum pertinet, cujus vice in Ecclesia legatione funguntur. Unde summopere cavendum est omnibus fidelibus, ne clanculo aut publice Episcopum suum, id est unctum Domini, detractionibus aut vituperationibus dilanient. Ad tertiam vero interrogationem ait: De dedicationum vero Ecclesiarum dubitatione, super qua inter cetera nos consulere voluistis, hoc vos rite tenere debetis, quod ab antecessoribus nostris traditum accepimus: id est, ut quoties tam de baptismo aliquorum vel confirmatione, quam de Ecclesiarum consecratione dubitatio habetur, & nec scriptis, nec testibus ratio certa habetur utrum baptizati, vel confirmati, sive Ecclesiæ consecratæ sint: ut baptizentur tales ac confirmentur, atque Ecclesiæ canonice dedicentur, ne talis dubitatio ruina fidelibus fiat; quoniam non monstratur iteratum, quod non certis indiciis ostenditur rite peractum.

His responsis totam informare Ecclesiam curabat sanctissimus Doctor, nec ab admonendis privatim amicis, ubi e re Ecclesiæ esse videbatur, cessabat. Gratulatus est Paulo Scho-

lastico, tum de ipsius sollicitudine in coercendis puniendisque maleficis, tum de ejus cum Leone Catanensi Episcopo reconciliatione; & utrumque hortatus est ad diligendam pacem, fovendamque caritatem; quatenus reciprocum affectum, quasi mutuum aliquod foeneratores, semper ab invicem possent exigere.

Audiens abductam a quodam milite ancillam Dei, de tanto facinore puniendo scripsit ad Guduinum Neapolitanum Ducem in hæc verba: Cum inter multa bona quæ nobis de Magnitudine vestra sæpius nuntiantur, illud in vobis plus laudabile dicatur existere, quod castitatem diligitis, & disciplinam, sicut dignum est, custoditis: satis mirati sumus quod in milite illo qui ancillam Dei diabolica instigatione perdiderit, districtissima hætenus vindicta facta non fuerit. Nam & moribus & bonitati vestræ valde conveniens fuit, ut ante ad nos ultio quam perpetrata culpæ iniquitas perveniret, &c. Pro Exarcho sollicitus, cum sciret eum ex linguæ incontinentia ea sæpe loqui quæ omnes qui illum amabant, ad inimicitias illius valerent provocare, <sup>b</sup> ad quemdam ejus familiarem scripsit ut ea de re amicum commonere studeret.

His assiduis laboribus non minus quam continuis morbis absortus Gregorius, tandem ad optatam quietem transiit. Idus Martias, anno Phocæ Imperatoris secundo <sup>c</sup> Indict. vii. Christi anno 604. & sepultus est in extrema porticu basilicæ beati Petri Apostoli ante vetus secretarium. De his ac de ejus epitaphio legendus Johannes Diaconus, qui ait venerabile ejus corpus a Gregorio IV. Papa translatum ante novellum secretarium constructis absidibus sub altari sui nominis collocatum, ubi ejus an-

Ibid. Ep. 10.

Ibid. Ep. 15.

viii.  
Ejus obitus.Sepultura.  
Lib. iv. c. 62.

a Quid consulerenti Episcopo thessalonensi respondere.

vii.  
Consilia ab ipso amicis data.  
Ibid. Ep. 1.

<sup>a</sup> Vide lib. xi. Ep. 64.

<sup>b</sup> Vide Castro nota (mm)

<sup>c</sup> Ejus tamen obitum Beda consignat In-

dict. viii. quem secutus est Paulus Diaconus in Historia Langob. at uterque fallitur; ut probat Baron. ad hunc an.



*Ibid. c. 60.  
Sacerculus.*

anniversaria solemnitas cunctis certatim pernoctantibus celebrabatur. Honores ei sacri ab Anglicana Ecclesia decreti sunt in Concilio Cloveshoviæ an. 747. can. 17. *Ut dies natalitius beati Papæ Gregorii, & dies quoque depositionis S. Augustini Archiep. ab omnibus, sicut decet, honorifice venerentur; ita ut uterque dies ab Ecclesiasticis & Monasterialibus feriatius habeatur.* Non a solis Latinis coli meruit vir sanctissimus, sed etiam a Græcis, quorum menologio sacrum ejus nomen inscribitur ad diem XI. Martii, cum amplissimo encomio quod refert Bollandus.

*Translationes.*

*Seculo xv.  
Bened. par.  
5. p. 383.  
Bolland. die  
xii. Mart.  
Johan. Diac.  
xv. c. 84.*

De translatione sacrarum reliquiarum S. Gregorii in celeberrimum S. Medardi cœnobium legendi Mabilonius & Bollandus, qui agit etiam de translato ejusdem sancti capite ad monasterium S. Petri vivi apud Se-

nonas, circa an. 876. ex dono Johannis Papæ, favente Carolo Calvo Francorum Rege & Imperatore, postulanteque Ansegiso Senonensium Archiepiscopo.

Staturam sancti Pontificis, vultus lineamenta, capillamentum, barbam, & quæcumque ad formam spectant; satis accurate depingit Johannes Diaconus. At præstantissimi animi statum, flagrantissimum amorem in Deum, immensam erga proximum caritatem, demississimam humilitatem, fortitudinem infractam in adversis, modestiam, temperantiam, vigilantiam, prudentiam cæterasque virtutes quæ Gregorium nostrum certatim ornaverunt, quis describere valeat? Ut enim cum S. Hildefonso loquar, VICIT SANCTITATE ANTONIUM, ELOQUENTIA CYPRIANDUM, SAPIENTIA AUGUSTINUM.

*Lib. de viris  
Illustr. c. 1.*



## I N D E X C A P I T U M.

## LIBER PRIMUS,

Ejus historiam ab ortu ad summum Pontificatum  
complectens.

**CAPUT PRIMUM.** I. S. Gregorii genus. Gordianus ejus pater. II. Mater S. Silvia. III. Majores, inter quos S. Felix Papa. IV. Amitæ, inter quas sanctæ Tharsilla & Æmiliana. V. Fratrem habuit. VI. Quo anno sit ortus. VII. Ejus nomen quid significet. VIII. Sancti pueri institutio. IX. Et studia. 1

**Caput Secundum.** I. Ecclesiæ status. II. Et Imperii. Langobardi Italiam invadunt. III. Gregorius fit Prætor Urbis. Ejus præturæ tempus. IV. Quomodo in prætura se gesserit. V. Frequentia de rebus piis colloquia ad monasticæ vitæ propositum eum accendunt. Quod diu differt. VI. Septem ædificat monasteria. VII. Fit Monachus. Quo in loco & tempore. VIII. Quibus magistris. 6

**Caput Tertium.** I. S. Gregorii monachatus indubitatus. II. Monachi olim ut nunc veste peculiari insignes. Et tonsura. III. Baronii de monastico S. Gregorii instituto sententia refellitur. IV. Et nostra adstruitur. Laudes a S. Gregorio datæ vitæ Sancti Benedicti & Regulæ. V. In ejus monasteriis observabatur. VI. Illius verba sæpe usurpat. VII. Fuit etiam propagata in Valeria. VIII. Adversariorum cavillationes refutantur. IX. Concilii Duziacensis de Regula S. Benedicti testimonium. X. Aliud invictissimum argumentum, a propagatione hujus Regulæ per S. Gre-

gorii discipulos. XI. Nonnullis objectionibus occurritur. 12

**Caput Quartum.** I. S. Gregorii profectus in monasterio. II. Longioris in eo moræ argumentum. III. Ejus abstinencia & jejunia. Unde molestissimi morbi. IV. Ipsius exemplo quantum alii Monachi profecerint. V. Jam tunc Angliam cogitat. VI. Fit Diaconus. VII. A quo Pontifice. VIII. An Diaconus Cardinalis. IX. An Archidiaconus. 18

**Caput Quintum.** I. Gregorius Constantinopolim mittitur a Pelagio secundo. II. Ejus vivendi ratio in Aula. III. Quibus cum sociis. IV. Quæ ab eo Constantinopoli sint gesta. V. De pellendis Langobardis Pelagii Papæ sollicitudo. VI. Eutychii novam hæresim Gregorius comprimit. VII. An cum Johanne Eutychii successore jam tum decertaverit. VIII. Ex tempore collationis cum Eutychio habitæ, nostra chronologia stabilitur. IX. De nova alia hæresis fama. Quid de ipsa Gregorius senserit. X. Libros Moraliū elucubrat. XI. Præcipui ejus amici ex Aula. Filium Imperatoris ex sacro fonte suscipit. XII. Quamdiu in urbe regia manserit. XIII. Romam redit sacris reliquiis ditatus. 22

**Caput Sextum.** I. S. Gregorius monasterii sui fit Abbas. II. Pelagius eum sibi adiutorem adhibet scribendis Epistolis. III. Argumentum prioris Epistolæ ad Eliam scriptæ contra schisma. IV. De se-

cun-



cunda ad eundem Eliam Epistola. V. De tertia. VI. Schisma fidei ejurant quidam Episcopi. VII. S. Gregorius libros Moraliū retractat. 27  
*Caput Septimum.* I. Tiberis exundatio. II. Mala inde subsecuta. In his pestis. Pelagio peste sublato, Gregorius in ejus locum eligitur. Petitur Imperatoris consensus. III.

Jure an injuria. IV. Num ad consensum impetrandum soluta pecunia. V. Acrius defavit pestis. Gregorius Romanos ad pœnitentiam hortatur. VI. Indicit publicas supplicationes. VII. Qua auctoritate. VIII. Fugit, & latebras quærit. Indicio columnæ fulgidæ agnoscitur. 30

## LIBER SECUNDUS,

Quatuor priores Pontificatus S. Gregorii annos complectens.

**C**APUT PRIMUM. I. S. Gregorius ordinatur, & fidei symbolum emittit. II. Ejusdem Synodica Epistola ad Patriarchas. III. De ipsius inscriptione. IV. Cur dicta Synodica. V. Gratulantibus de suscepto Pontificatu quam humiliter rescripserit. VI. Aliæ præter animi demissionem, detrectandi episcopatus causæ, gravissima Ecclesiæ mala. VII. Ea magna ex parte sustulit. VIII. Ejus hoc in opere adjutores Johannes CP. IX. Eulogius Alexandrinus. X. Anastasius Antiochenus. XI. Johannes Jerosolymitanus. XII. Domitianus Arabiæ Metropol. XIII. Dominicus Carthag. XIV. S. Leander in Hispania. XV. Virgilius Arelat. Syagrius &c. in Galliis. 36

*Caput Secundum.* I. Orbis Christiani status politicus sub Mauricio Imperatore. II. Status Italiæ. III. Galliarum sub tribus Francorum Regibus. IV. Hispaniæ sub Recharelo. V. Majoris Britanniæ. VI. Quas ad regendam Ecclesiam dotes attulerit Gregorius. VII. Summa ejus humilitas. VIII. Et caritas. IX. Animi constantia. 41

*Caput Tertium.* I. S. Gregorius librum Regulæ Pastoralis elucubrat. II. Et librum Sacramentorum cum Antiphonario meliorem in formam

restituit. III. De sua domo constituenda & ordinanda statim cogitat. IV. Laicis valere jussis, Clericos & Monachos pietate ac eruditione conspicuos, convictores sibi assumit. V. Quanta ei pauperum & peregrinorum cura. VI. Nullos laicos procurandis Ecclesiæ patrimoniis præficit. VII. Dei verbo suum pascit gregem. VIII. Ejus prædicandi ratio. IX. Barbaris nondum christianis prædicatores mittit. X. Episcoporum rigidus censor, sed sui maxime fuit. 44

*Caput Quartum.* I. S. Gregorius in Sicilia Synodum quotannis celebrari jubet. II. Inde frumenta Romanam advehi curat. III. Luctuosus Romæ status. Cujus occasione Romanos ad pœnitentiam hortatur S. Gregorius. IV. Ecclesiis destructis qua ratione providerit. Et egenorum Episcoporum necessitatibus. Translationes Episcoporum. V. Gregorii erga monasteria sollicitudo & liberalitas. VI. Vagos & flagitiosos Monachos coercet. VII. Nova monasteria jubet construi. VIII. Viduarum curam suscipit. 49

*Caput Quintum.* I. S. Gregorii misericordia in hæreticos, per prudentiam temperata. II. Quomodo se gesserit erga schismaticos pro tri-

tribus capitulis tumultuantes. Damnatio trium capitulorum num in Hispanis recepta. Et in Galliis. III. Exempla caritatis & æquitatis Gregorii in Judæos. IV. Autharis Langobardorum Rex inoritur. Cujus successor Agilulfus Catholicis favet. V. Quid pro fide & pro disciplina restauranda Gregorius decreverit. VI. Quid statuerit de Subdiaconorum cœlibatu. Putida heterodoxorum fabella exploditur. VII. De Venantio monastici status desertore. VIII. Eum S. Gregorius ad pœnitentiam hortatur. De Monachorum conjugiiis quid sentiendum. 53

*Caput Sextum.* I. Quid de Primatibus inter Africanos Episcopos S. Gregorius decreverit. II. Num Columbus tunc Numidiæ Primas esset. III. S. Gregorii labores in Donatistas. Quo successu. IV. Quædam notatu digna de reis Episcopis judicandis. De Ecclesiasticis immunitatibus. Delitibus. A quibus Monachos eximit. V. Pravas consuetudines tollit. VI. De Monachorum testamentis. VII. De bonis lapsorum & dejectorum Sacerdotum. VIII. Oratoriorum dedicationes tunc percelebres. 58

*Caput Septimum.* I. De causa Natalis Episcopi Salonitani. II. Archidiaconus ab eo dejectus apostolicam Sedem appellat. III. Quæ responderit Natalis. Respicit. IV. Illo mortuo S. Gregorius de eligendo successore curat. Electus est Honoratus Archidiaconus. V. Mauricius Imperator mitius cum schismaticis agit. VI. Langobardi Romam premunt. VII. S. Gregorius Ezechielem Prophetam exponit. Miserabilis Romæ status. 61

*Caput Octavum.* I. Roma fame laborat. II. Quid passus sit Gregorius ab adversariis. III. Pacem ab Langobardis impetrat. IV. A turpi lucro quam alienus foret. V. De

Judicum rapinis conqueritur. VI. Archidiaconum ob superbiam deponit. VII. Sanctæ Sedis vices Maximiano tribuit. VIII. Varia ab eo constituta. IX. Legum amicitia fuit observantissimus. X. Pacem inter Maximianum Episcopum & Eusebium Abbatem conciliat. Prudentissima utrique dat monita. XI. Privilegium Ariminensi Monasterio concessum. 65

*Caput Nonum.* I. Duos Metropolitanos castigat S. Gregorius, causa Thebani Episcopi II. Episcopum percussorem excommunicat. III. De Isauriæ Monachis a Johanne CP. male habitis. Epistolæ S. Gregorii ad Johannem ea de causa scriptæ. IV. Monachos post oblatam fidei confessionem absolvit. De Johanne Presbytero ab hæresi quoque absoluto. V. Johannes CP. hæresim objiciens, in errorem incaute labitur. VI. Johannis Ravennatis fastum comprimit S. Gregorius. VII. De Domitiano Melitinæ Episcopo. Qui prædicat Persis irritò conatu. Eum consolatur S. Pontifex. 69

*Caput Decimum.* I. De lege Mauricii milites in monasteriis recipi prohibente. Hanc improbat S. Gregorius. II. Utrum illam, antequam publicaretur, emendaverit. III. Qua occasione lex illa fuerit lata. Quibus rationibus niteretur. IV. Gregorius de disciplina monastica sollicitus. V. Num Abbatibus & Monachis egredi foras prohibitum. VI. Judæus falso Eliæ cultu Christianis illudit. De eo puniendo scribit Gregorius. VII. Dialogos elucubrat. 75

*Caput Undecimum.* I. In Ecclesia Salonitana turbæ propter Maximum, invito Papa, ordinatum Episcopum. II. Gregorii hoc in negotio constantia & patientia. III. Maximi audacia in sanctum Pontificem. IV. Maximi ordinationem asse-



asserit Imperator. V. Maximi poenitentia & satisfactio. VI. Quid de Honorato Archidiacono definitum. VII. Constantina Augusta S. Pauli reliquias postulans fert repulsam. Mos antiquus Sanctorum corpora loco non movendi. VIII. Antiquitus tamen factæ nonnullæ translationes. 78  
*Caput Duodecesimum.* I. Theodelinda Constantio Mediolanensi Episcopo infensa pro causa trium Capitulorum. II. Gregorius ad eum Legatos mittit & Epistolas. III. Quo

eventu. IV. Idololatriæ convertendis incumbit. V. Januarii & aliorum Sardinia Episcoporum sociordia. VI. De licentia chrismate consignandi Presbyteris Sardis data. VII. Res hoc anno in Monachorum gratiam a S. Gregorio gestæ. VIII. Mulieres a monasteriorum ingressu arcet. IX. Monialium honestati & tranquillitati prospicit. X. De Abbatissarum ætate decernit. XI. Ejusdem decretum de Clericis Abbatibus explicatur. 83

## LIBER TERTIUS.

Complectens historiam Pontificatus S. Gregorii ab annis 594. & 595. ad annos 598. & 599. seu ab Indictione 13. ad Indict. 2.

*Caput Primum.* I. OEcumenici titulus a CP. Patriarcha assumptus. II. Quæ Concilia œcumenica dicta. III. Oblatum hunc titulum Papa respuit. IV. Hujus vocis significatus. V. S. Gregorii studium in explodendo hoc titulo propugnatur. VI. Quibus gradibus ascenderit Patriarcharum CP. ambitio. VII. Quanta fuerit in Johanne. VIII. An ex Monacho factus sit Patriarcha. IX. Epistolæ S. Greg. de illa controversia expenduntur. De prima ad Mauricium scripta. Et ad Augustam. X. Scribit ad Patriarchas. XI. Quid ab Eulogio Alexand. responsum. XII. Et ab Anastasio Antioch. XIII. De interpolatis S. Ignatii Epistolis. XIV. Summa Epistolæ ad Johannem CP. scriptæ. XV. Irriti S. Papæ conatus in Johan. & in ejus successorem. XVI. Hujus controversiæ finis. XVII. Refelluntur hæretici S. Gregorii modestiam ejus successoribus objicientes. 89

*Caput Secundum.* I. Gregorii pro pace facienda sollicitudo. II. Non auditur ab Imperatore. Falsæ con-  
 Tom. XVI.

tra eum criminationes. III. Luget S. Maximianum vita defunctum. Cui successorem dat Johannem virum sanctissimum. IV. Johannes Ravennas moritur. V. Cura S. Gregorii pro monasteriis. VI. Marinianus Ravennæ fit Episcopus. VII. Romanæ Synodi Decreta. VIII. De Mariniano querelæ. IX. Maxime quod monasteria vexari pateretur. X. Privilegium Monachis concessum. 94

*Caput Tertium.* I. S. Gregorius simoniam, & neophytorum ordinationes in Galliis infectatur. II. Arelatenfi Episcopo suas vices committit. Ecclesia Gallicana Romanæ filia. III. De primatu Arelatenfi. IV. S. Gregorii de Franciæ Regibus oraculum. V. De laudibus a S. Greg. Brunichildi datis. VI. Quantum ab adulatione abhorrue-rit. VII. Gregorius Turonicus Papam invisit. Quo tempore. VIII. Quomodo ab ipso exceptus. IX. Erga heterodoxos quomodo se gesserit S. Gregorius. 100

*Caput Quartum.* I. S. Gregorius mittit S. Augustinum in Angliam. 11.  
 B b

II. Christianæ fidei exordium in Britannia. III. Angli idololatram hanc occupant insulam. IV. Quando profecti Augustinus & socii Monachi. V. De reditu cogitantes a Sancto Gregorio corroborantur. VI. Quo loco subisterint. VII. Eorum iter per Galliam describitur. VIII. De Cantii quo appulsi sunt regno, Rege, Regina. IX. Augustinus Regem adit. X. Ejusdem ad Regem oratio. XI. Responsum Edilberthi. XII. Cantuariam ingreditur cum sociis. Quo apparatu. 106

*Caput Quintum.* I. Augustinus ordinatur Episcopus. II. Baptizat decem Anglorum millia. Romam mittit & Papam consulit. III. A quo novum prædicatorum subsidium accipit. Et alia plurima. IV. Epistolæ S. Gregorii ad Regem. Ad Reginam, & ad Augustinum. V. De monasterio prope Cantuariam condito. Et monastica vita in Ecclesia Cantuariensi instituta. Luculentum ea de re Bedæ testimonium. VI. Alterum ex Bedæ sumptum argumentum ineluctabile. 111

*Caput Sextum.* I. Objecta ex Gregorii Epistolis dissolvuntur. II. Respondetur alteri objectioni. III. An Monachus ad clericatum promotus, ultra non dicatur Monachus, apud Sanctum Gregorium. IV. Monachi olim Clerici passim dicti. V. Utrum Canonicos Regulares instituerit Sanctus Gregorius. Johannes Diaconus explicatur. VI. Num vita communis Canonicum potius innuat, quam Monachum. VII. Objectorum Johannis Diaconi verborum genuinus statuitur sensus. An Canonicis Regularibus annumerandi Clerici omnes qui juxta canones vivunt. VIII. De discrimine Canonicorum seculi & Regulæ. IX. Novum de S. Augustini sociis Monachis nun-

quam ordinatis commentum. X. Laurentius & alii S. Augustini fideles omnes fuisse Monachi. XI. De Presbyteris Arelatensibus Augustinum secutis aliud figmentum. XII. Gregorii ad August. responsio explicatur. XIII. Urbani II. testimonium expenditur. XIV. Decretum Bonifacii IV. pro Monachis Ecclesiastica munia obeuntibus. XV. Ejusdem Epistola pro Monachis in Ecclesia Cantuar. militantibus. Male a nupero scriptore intellecta. 114

*Caput Septimum.* I. Angliæ Monachi fuisse ab initio Benedictini. Unde jam dicta confirmantur de S. Gregorio S. Benedicti legibus adstricto. II. Prima ratio ex Aldhelmo. III. Secunda ex S. Wilfridi vitæ Scriptore cœvo. IV. Tertia ratio ex veteribus litaniis, quibus S. Benedicti nomen insertum. V. Cloveshovianæ Synodi silentium frustra nobis objectum. VI. Et venerabilis Bedæ. VII. Aliud argumentum ex S. Benedicti Regula per Monachos Anglos in Germaniam delata. VIII. Bollandianorum ea de re sententia. IX. Mareshamus aliter sentiens refellitur. 122

*Caput Octavum.* I. Sanctus Gregorius debitas sibi pro Anglorum conversione laudes in alios regerit. II. Quantum floreret tunc religio in Anglia. III. Quædam recens conversis indulget Papa. IV. Idolorum templa christiano ritu consecrari jubet. V. Quas neophytis epulas, & agapas concesserit. VI. Augustinus frustra Britones dissidentes ad pacem invitat. Qui pervicaciæ poenas dant. Augustini obitus, & post obitum cultus sacer. VII. Quantum ejus successores pro reconciliandis Britonibus & Scottis laboraverint. VIII. In Anglos christianos persecutio desavit. Quæ tandem sedatur. IX. Britones Ecclesiæ Romanæ doctrinam



nam ritusque suscipiunt. Pro hodiernorum Anglorum conversione votum. 126

*Caput Nonum.* I. Gregorii Decretum de Episcoporum hereditate. II. Ejus misericordia præsertim in captivis redimendis. III. Hujus redemptionis gratia vasa sacra distrahi laudat. IV. Quosdam Ecclesiæ famulos libertate donat. V. Schisma deferentium sustentationi providet. VI. Quæ tunc essent Ecclesiæ Romanæ opes & patrimonia. Plurimæ urbes ejus dominio subditæ. Priorum Rom. Pontificum largæ elemosynæ. Quibus S. Gregorius addidit. Ejus de residentia Episcoporum sententia. VIII. Clerici extranei sine dimissoriis Episcoporum litteris non recipiendi. IX. De Missis privatis, & altarium pluralitate tempore S. Gregorii. X. Causæ etiam Episcoporum ubi judicandæ. XI. A quibus causæ Clericorum. Privilegia Ecclesiarum illibata servat S. Gregorius. De Ecclesiarum consecratione. XII. Quem in laudandis amicis modum tenuerit. 129

*Caput Decimum.* I. Cyriacus Patriarcha CP. mittit ad S. Gregorium legationem & Epistolam. Cui respondet. II. Cyriaci encomium. III. Corripiuntur qui sacram Scripturam usurpant adeum laudandum. IV. Legati Cyriaci erroris arguuntur a Papa. V. Fabula de Trajano S. Gregorii precibus liberato inde explosa. Sed præsertim ex Dialogis. VI. Objectiones contra pœnarum inferni æternitatem solvuntur. VII. Cur finita culpa puniatur sine fine. VIII. Cur Sancti pro damnatis non orent. Eadem ratione probatur S. Gregorium orare non potuisse pro Trajano. IX. Johannis Diaconi effugium exploditur. X. Petitæ ex S. Perpetuæ actis objectioni occurratur. 134

*Caput Undecimum.* I. S. Gregorius in moribus efformandis doctor eximius. Quid doceat contra nimiam securitatem, & de duplici compunctione. II. Theoctistæ sororis Imperatoris pietas. III. S. Gregorius amicis denegat opem ad obtinenda secularia officia. IV. Quales amicis mœrentibus adhiberet consolationes. V. Laudat laicos divini verbicum quærentes. VI. Ariminensi Episcopo infirmo successor datur. VII. Et Cornelienſi ob lapsum dejecto. Laudatur a Gregorio Stephanus Episcopus. VIII. Res quædam monasticæ. IX. Insulæ Corsicæ prospicit Papa. X. Quædam de servilium personarum conjugio observantur. 138

*Caput Duodecimum.* I. Corforum idolatrarum conversio. II. Et Judæorum Agrigentinarum. III. Alios Judæos injuste vexari prohibet S. Gregorius. IV. Anastasium Antiochenum variis persecutionibus oppressum consolatur. V. Moritur Anastasius. Ejus successor ad S. Gregorium scribit. Hæreticorum falsam Ephesi Synodum pro vera obtrudentium fraudem ex veteribus codd. detegendam cenſet S. Doctor. VI. Eulogio Alexandrino gratulatur. VII. De Martyrologii Rom. antiquitate. Opinio Henrici Valesii expenditur. VIII. Suspicio de Vaticanorum codicum suppositione injecta exsufflatur. IX. Episcopum Numidiæ injuriam passum protegit S. Pontifex. X. Africana Ecclesia ducit originem a Romana. XI. Quid de pretio pro sepultura dato senserit sanctus Gregorius. XII. Quid de reddituum Eccles. partitione statuerit. XIII. Et de Campagis. XIV. Septem defensores facit Regionarios. XV. Res monasticæ hujus anni attinguntur. 141

## LIBER QUARTUS.

Quidquid superest historiæ vitæque S. Gregorii exhibens.

**CAPUT PRIMUM.** I. Pax fit Romanos inter & Langobardos, annitente S. Gregorio. II. Prædicat eam non fore diuturnam. III. Bellum redintegratur ab Exarcho. IV. Schismatici ad Ecclesiam redeunt. Quid pro ipsis in unitate Ecclesiæ confirmandis præstiterit S. Gregorius. V. Schismaticorum Episcoporum depravati mores. VI. S. Gregorii caritas erga schismaticos. VII. De Secundino Monacho celeberrimo. Scribit contra tria capitula, etsi minime schismaticus. VIII. Secundini humilis confessio. Eum consolatur S. Gregorius. IX. S. Doctoris sententia de usu & cultu sacrarum imaginum expenditur. Ab Ecclesiæ doctrina nunc recepta non exorbitat. X. Objectionibus occurritur. S. Gregorius in Epistolis ad Serenum prohibet solum ne imaginibus latræ cultus tribuatur. XI. Laudat imaginum usum, tamquam antiquitus receptum. Sed non adorationem proprie dictam. XII. Eiusdem veneratio erga Sanctorum reliquias. 143

**Caput Secundum.** I. Cyriacus Abbas in Galliam Legatus mittitur. II. Massiliam venit ubi a Sereno male exceptus. III. Inde Arelatum. De privilegiis ab apostolica Sede ad Regum postulationem concessis. IV. Desiderio Viennensi pro suæ Ecclesiæ privilegiis supplicanti quid responderit S. Gregorius. V. Usus dalmaticarum Aregio Vapincensi concedit. VI. Et Pallium Syagrio Augustodunensi. Quibus conditionibus. VII. Epistolæ ad Galliarum Reges, de emendandis cleri Gallicani corruptelis. Quo

successu. VIII. De Mauriennensi Episcopo. IX. Cyriaci legatio in Hispaniam. X. Felix tunc Hispaniæ status. De Claudio Regni administro a Papa laudato. XI. Argumentum Epistolæ ad Leandrum scriptæ. Pallio donatur. XII. Recharedi Regis encomium. Respuit pecuniam a Judæis oblatam. XIII. Eximia Regi data monita. 154

**Caput Tertium.** I. Gregorius ægotans nihil remittit de cura pastoralis. II. Crementius Byzacenæ provinciæ Primas ad ejus iudicium confugit. III. Metropolitanorum in suæ provinciæ Episcopos auctoritas. IV. Vagantes absque Metropolitanis licentia Episcopo ad eos remitti jubet S. Gregorius. V. Forma iudiciorum in Episcopos in condemnatione Episcopi Melitensis. VI. Defensorum officium usurpantes puniuntur. VII. Humilis responsio S. Gregorii ad injustas quærelas. VIII. In variis ejus decretis quanta eluceat prudentia. IX. Quanta ejus de Monachis sollicitudo. X. S. Columbanus eum consulit. 159

**Caput Quartum.** I. Gregorii in infirmitatibus patientia. Et assiduus labor. II. Qua sollicitudine exortam Agnoitarum hæresim opprimere conatus sit. Laudat scripta sancti Eulogii adversus illos. Occurrit errori nascenti Thessaloniciæ. III. Sclavi in Italiam irrumunt. Pactæ ad annum induciæ cum Langobardis. IV. Eorum Regi nascitur filius. Langobardorum vestes & cultus. V. Augustus reos repetundarum punit. A fyra in Ecclesiis. Gregorii pro amicis accusatis sollicitudo. VI. Ju-



Judicem ad clementiam flectere conatur. VII. Amicum fortunis exutum consolatur, & liberalitate recreat. Ejusdem consolatoriae litteræ ad Dominicum. VIII. Prosperis rebus utentes ad earum contemptum accendit. IX. Amicorum vitia minime dissimulat. X. Fortunatus Neapolitanus Episcopus moritur. De ipsius successore diu deliberat sanctus Gregorius. XI. Ducem Campaniæ ob vexatos Monachos arguit. 162

*Caput Quintum.* I. S. Gregorius obstat ne is Mediolani esset Episcopus, quem Agilulfus elegerat. Ordinatur Deusdedit. Somnium cujusdem heterodoxi de æqualitate Ecclesiæ Mediol. cum Romana. II. Amos Patriarchæ Jerosolymitano mortuo succedit Isacius. III. Multiplex & gravissimus S. Gregor. morbus. IV. De amicorum salute magis quam de sua est sollicitus. V. Amicos ægrotantes ad pœnitentiam hortatur. Præsertim Venantium. Quo mortuo de ipsius filiabus sollicitudinem gerit. VI. Hostes imminent Siciliæ. Fides in Sardinia propagatur. VII. S. Gregorius Theodistam de hæresi infamatam consolatur. VIII. Scandalum tollere debemus, quando possumus. IX. Hæresis objectæ Theodistæ capita refelluntur. X. Calumniatores gravibus pœnis addicit S. Gregorius. XI. Falsarium punit. XII. De rebus ecclesiasticis. XIII. Et monasticis. XIV. Recharedi Regis mors & successores. 168

*Caput Sextum.* I. S. Gregorius de instaurandis SS. Apostolorum basilicis cogitat. Ejus munificentia in illas basilicas. II. Bellum redintegratum infeliciter cedit Imperatori. III. Hæreticorum & schismaticorum conversio. Quid redeuntes e schismate sponderent. IV. Firminum Episcopum rever-

sum, & ob hoc ab aliis vexatum schismaticis tuetur S. Gregorius. V. Docleatinæ Ecclesiæ pacandæ providet. De Paulo flagitioso Episcopo & prædone judicium. VI. De rebus Africanis curat. Causa Paulini Episcopi. Et alterius nomine Victoris. VII. Auctoritatis Rom. Pontificis in Africa argumenta. VIII. Gregorii summa in potestate major humilitas & modestia. IX. De ejus homiliis in varios sacre Scripturæ libros & Claudio excerptis. De Claudio inquiritur. X. S. Gregorii in eligendis dignis Abbatibus, & tuenda monastica disciplina sollicitudo. XI. Utrum monachatum loco Subdiaconatus esse putaverit. XII. Diaconum factum Monachum e monasterio avelli non patitur. 173

*Caput Septimum.* I. Mauricii Imper. dejectio & cædes. II. De qua divinitus præmonetur. III. Phocas eligitur Imperator ab exercitu. Qui Constantinopolim advolat. Mauricii filios ipsumque occidi jubet. Necnon Constantinam Augustam ejusque tres filias. IV. S. Gregorius ad Phocam scribit. Ejus Epistola expenditur. De alia ad eundem Epistola. V. Cur S. Gregorius durius de Mauricio scripserit. VI. Apocrisarium mittit ad novum Imperatorem. VII. Miserrabilem Italiæ statum exponit. VIII. Legatio Theoderici Francorum Regis & Brunichildis ad Papam. Illum consulunt de Episcopo amente. Papæ responsum. Bigamum arcet a sacris ordinibus. IX. Petit Regina mitti Legatum in Gallias, ad Concilium celebrandum. X. Papæ sollicitudo de Eccles. disciplina in Italia. XI. Conductorum Ecclesiæ fraudibus injuste ablata restituit. XII. Ejus in facienda eleemosyna studium. XIII. Urbicus Abbas eligitur in Panormi. Episcopum. Cur hanc electionem

nem respuerit S. Gregorius. XIV.  
Scribit contra nuper exortos Ro-  
mæ errores. 178

*Caput Octavum*. I. S. Gregorius  
mittit defensorem in Hispaniam,  
ut judex sit causarum Episcop.  
Judicium Johannis defensoris. II.  
Eidem injungit Papa visitationem  
monasterii Insulæ Capraræ. Ejus-  
dem pro aliis monasteriis sollici-  
tudo. III. Quid statuerit de Epi-  
scopo Missæ sacrificium ob infir-

mitatem intermittente. IV. Pro  
pace inter Episcopos quam fuerit  
sollicitus. V. Gregorii ad Theo-  
delindam Reginam Epistola &  
munuscula. VI. Ultimi S. Gre-  
gorii labores pro Ecclesia. Quid  
consulenti Episcopo Nefsanensi re-  
sponderit. VII. Consilia ab ipso  
amicis data. VIII. Ejus obitus.  
Sepultura. Sacer cultus. Transla-  
tiones. 184



# I M A G I N E S

## B E A T I G R E G O R I I M A G N I

### E J U S Q U E P A R E N T U M ,

a Johanne Diacono descriptæ lib. iv. in ejusdem Sancti Vi-  
cta, Cap. lxxxiiij. & lxxxiv. & ab Angelo Rocca  
apostolici sacrarii Præfecto notis illustratæ.

*De imagine B. Gregorii, Cap. lxxxiv.*

a **I**N<sup>a</sup> absidicula Gregorius in rota  
gypsea pictus ostenditur, statura  
justa & bene formata, facie de pa-  
ternæ faciei longitudine, & mater-  
na rotunditate, ita medie tempera-  
ta, ut cum rotunditate quadam de-  
centissime videatur esse deducta: bar-  
ba paterno more subfulva, & modica:  
ita calvaſter, ut in medio fronte  
gemellos cincinnos rariusculos ha-  
beat, & dextrorsum reflexos: corona  
rotunda, & spatiosa, capillo sub-  
nigro & decenter intorto, sub au-  
riculæ medium propendente: fronte  
speciosa, elatis & longis, sed exi-  
libus superciliis: oculis pupilla \* ful-  
vis, non quidem magnis, sed patu-  
lis, b subocularius plenis: naso a ra-  
dice vergentium superciliorum subti-  
liter directo, circa medium latiore;  
deinde paululum recurro, & in ex-  
tremo patulis naribus præminente:  
ore rubeo, crassis & subdividuis la-  
biis, genis compositis, mento a confi-  
nio maxillarum decibilibiter prominen-  
te: colore c aquilino, & \* livido,  
nondum, sicut ei postea contigit,  
cardiaco: vultu mitis, manibus pul-  
cris, teretibus digitis, & habilibus  
ad scribendum. Præterea planeta su-  
per dalmaticam castanea, Evangelium  
in sinistra, modus crucis in dextra:  
d Pallio mediocri a dextro videlicet  
humero sub pectore super stomachum  
circulatim deducto: deinde fursum

per sinistrum humerum post tergum  
deposito, cujus pars altera super eum-  
dem humerum veniens propria re-  
ſtitutione, non per medium corpo-  
ris, sed ex latere pender: circa ver-  
ticem vero e tabulæ similitudinem,  
quod viventis insigne est, præferens,  
non coronam. Ex quo manifestissi-  
me declaratur, quia Gregorius, dum  
adhuc viveret, suam similitudinem  
depingi salubriter voluit: in qua pos-  
set a suis Monachis, non pro ela-  
tionis gloria, sed pro cognitæ f di-  
ſtinctionis cautela frequentius intueri.  
Ubi hujusmodi distichon ipse dictavit.

*Christe potens, Domine, nostri lar-  
gitor honoris,*

*Indultum officium solita pietate gu-  
berna.*

*De imagine Gordiani. Cap. lxxxiiij.*

In venerabilis s Monasterii atrio  
jussu Gregorii justa Nymphium duæ  
iconiæ veterrimæ artificialiter depi-  
ctæ usque hætenus videntur. In  
quarum altera beatus Petrus Aposto-  
lus sedens conspicitur, stantem Gor-  
dianum h Regionarium, videlicet pa-  
trem Gregorii, manu dextera per  
dexteram nihilominus suscepisse. Cu-  
jus Gordiani habitus castanei coloris  
planeta est, sub planeta dalmatica,  
in pedibus i caligas habens, statura  
longa, facies deducta, virides oculi,  
barba modica, capilli condensi, vul-  
tus gravis.

*De*

*De imagine Silviae, eodem Cap.*

In altera iconia mater Gregorii  
 sedens depicta est Silvia, candido  
 velamine a dextro humero taliter  
 contra sinistram revoluta contexta,  
 ut sub eo manus tamquam de pla-  
 neta subducat, & circa pectus sub  
 gula inferior tunica <sup>k</sup> pseudolactini  
 coloris appareat, quæ magno sinua-  
 mine super pedes defluat: duabus <sup>l</sup>  
 zonis ad similitudinem dalmaticarum,  
 sed latioribus, omnino distincta: sta-  
 tura plena, facies rotunda quidem &  
 candida, sed senio jam rugosa, quam

ipsa quoque senectus pulcherrimam  
 fuisse significat: oculis glaucis & gran-  
 dibus, superciliis modicis, labellis  
 venustis, vultu hilaris, ferens in ca-  
 pite matronalem <sup>m</sup> mitram candentis  
 brandei raritate niblatam, duobus  
 dexteræ digitis signaculo crucis se  
 munire velle prætendens: in sinistra  
 vero patens Psalterium retinens, in  
 quo hoc scriptum est: *Vivit anima  
 mea, & laudabit te, & judicia tua  
 adjuvabunt me.* A dextero vero cu-  
 bito usque ad sinistrum circa scapu-  
 las, versus ascendens reflectitur, qui  
 ita se habet: *Gregorius Silviam matri  
 fecit.*





## OBSERVATIONES ANGELI ROCCÆ.

**H**ÆC Johannes Diaconus lib. 4. cap. 83. & 84. de Vita B. Gregorii Magni, qui obiit anno Domini dc. iv. vel dc. v. teste Trithemio; Johannes vero Diaconus claruit circa annum Domini mcccclxx. Quamvis autem (a) dictæ imagines a Johanne descriptæ non eodem in loco essent, eas tamen hoc disposui ordine, juxta quem in ædícula S. Andreæ pictas Romæ inveni: hæc namque circa trecentos fere annos ex iis, quas Johannes Diaconus sua tempestate in atrio monasterii existisse testatur, desumptæ videntur, a pictore tamen non satis peritico, sicut res minus aptæ, minutivæ ad artem pictoriam pertinentes, id nobis persuadent. Idcirco ego suasionē judicioforum hominum monitus, dictas imagines juxta exactissimam Johannis Diaconi descriptionem quasi penicillo repræsentatas, omni ex parte ad vivum exprimentas diligenter curavi: quibus etiam magna ex parte respondent illæ, quæ rudi nunc arte pictæ in ipsa cernuntur ædícula.

Quonam autem in monasterio dictæ imagines pictæ fuerint, non satis constat, si verba Johannis Diaconi cap. 83. accurate perpendantur. Ego autem Romæ monasterium illud esse credo, quod in ejusdem B. Gregorii ædibus ad Clivum Scauri prope Ecclesiam SS. Johannis & Pauli in honorem S. Andreæ, teste Johanne Diacono lib. 1. cap. 6. & lib. 7. Registri S. Gregorii Ep. 13. constructum fuit: cujus Ecclesia præiens in tempus nomine S. Gregorii vocitatur. Idque ex eo quod cap. 95. 96. & 97. ab eodem Johanne Diacono scribitur, colligi potest. Huc accedit quod Johannes Diaconus dictas imagines describere, & quasi penicillo, earumdem, ut ita dicam, minutias tam exacte non potuisset repræsentare, si eas Romæ, ubi vitam degebat, non vidisset.

Non desunt qui a B. Gregorio Magno duo monasteria ad Clivum Scauri constructa fuisse opinentur, moti ex iis, quæ lib. 1. in ejusdem Sancti vitam cap. 32. & 38. lib. 2. cap. 45. & lib. 4. cap. 97. Johannes Diaconus scribit; præsertim vero lib. 2. cap. 45. in quo ipse Diaconus ex libro, qui Græce *Δεσπότης* dicitur, la-

tine autem campus, sive pratum, hæc invenisse ait: *Idem (nempe Gregorius) effusus Papa edificavit monasterium virorum magnum, & dedit mandatum, ut nullus Monachorum proprium aliquid haberet usque ad unum obolum.* Hæc Johannes Diaconus. Dum autem a B. Gregorio monasterium unum ad Clivum Scauri ante Pontificatum, mortuo Patre Gordiano, ædificatum fuisse constet; alterum, & magnum quidem, in Pontificatu constructum fuisse dicas oportet, nisi illud ipsum, a Johanne Diacono lib. 1. cap. 6. commemoratum, in ampliorem deinde formam redactum dicamus. Quamvis item a Johanne Diacono lib. 2. cap. 6. monasterium a B. Gregorio constructum sub nomine S. Andreæ, & cap. 38. sub nomine venerabilis Levitæ Gregorii nuncupetur; utrumque tamen esse potest, etiamsi unum tantum fuisset monasterium: nam S. Andreæ dici valet, quatenus in honorem ejus ædificatum; Gregorianum autem quatenus a Gregorio constructum. Hinc Pelagius II. ut legitur lib. 1. cap. 32. Johannis Diaconi, & Tom. 1. Decretal. Epist. ult. ad B. Gregorium, tunc Levitam, & Constantinopoli Apocrisarium scribens, monasterium, ab eodem Gregorio ædificatum, Gregorianum nominat. Idem scribitur a Johanne Diacono lib. 4. cap. 88. & aliis in locis: idemque legitur l. 3. Dialogorum, cap. 36. & l. 4. Dialog. cap. 21. 26. & alibi.

Sed nodus difficilior redditur ab ipso Diacono, qui lib. 4. c. 97. eodem in loco de monasterio Gregoriano, necnon de monasterio Sanctimonialium S. Andreæ mentionem facit, quasi unum fuerit virorum, alterum feminarum: quod etiam, ut Diaconus expresse ait, Clivus Scauri appellabatur; fieri enim potest ut vetus monasterium modo Gregorianum, modo S. Andreæ ob assignatam rationem nuncupatum, ætate Johannis Diaconi, non virorum sed Sanctimonialium foret. Sunt interea qui ædiculum S. Andreæ vocitatum, fuisse oratorium monasterii primitus ædificati: majorem vero Ecclesiam monasterio annexam, multo post tempore ab eodem Gregorio in suo videlicet Pontificatu constructam esse velint, opinantes illud fuisse oratorium, de quo Johannes

Dia-

(a) Imaginem S. Gregorii habes delinetam in propylæo tom. 1. Duas alias, scilicet Gordiani & S. Silvæ exhibent tum Baronius in Annalibus Eccles. tum Mabillonius Annal. Benedict. tom. 1. tunc edit. Romana & Gulsanvillzana.

Diaconus l. 1. c. 12. mentionem facit. Hæc de monisterio & Ecclesia S. Andreæ ac B. Gregorii mihi dicenda videbantur: quid autem sentiendum sit, judicent alii, rationibus ad utramque partem diligenter pensatis.

Quatuor interea circa descriptam, & incisam B. Gregorii Magni effigiem explicatu digna videntur; cur scilicet imago ipsa senilem ætatem non referat; cur barbata sit; cur item absque columbæ specie appareat, nam senior, abrasa, & columbæ specie prope ejus caput exstantis, ab omnibus depingi solet; cur denique sine mitra, aut sine tiara, quam Regnum vocant, effictus cernatur.

Gregorius Magnus, ut nodos propositos dissolvamus, dum Levita, ut ait Johannes Diaconus l. 1. cap. 41. 43. & 44. in ejusdem B. Gregorii vita, sive S. R. E. Cardinalis Diaconus adhuc foret, uno omnium consensu, invitatus tamen, Pontifex creatur, homo, ut conjectare licet, annorum 46. vel ad summum quinquagenarius: propterea quod anno ipsius B. Gregorii Pontificatus IV. nutrix ejus vivebat, ut ex ejusdem B. Gregorii libri 3. Epistolarum ultima videre licet; sanctus namque Gregorius ad Rusticianam Patriciam scribens, ait: *Domnam vero illam, nutricem meam, quam per litteras commendatis, omnino diligo, & gravari in nullo volo.* Hæc Beatus Gregorius circa annum sui Pontificatus quartum. Adde etiam quod B. Gregorius nunquam de senectæ ætate, quæ morbus ipse vocitari solet, conquestus est, quippe qui præcipitata aut ingravescente ætate non erat; sed tantum podagræ ac stomachi molestiis se laborasse multis in locis narravit: immo lib. 7. Registri indict. 2. epist. 1. circa annum suæ Ordinationis, se potius juniorem quam senem ostendit, si verba ejus diligenter examinentur. Dicta namque in Epistola, dum Januarius Episcopum Caralitanum, hominem senem, reprehendere studet, reprehensionem ab illa B. Pauli Apostoli sententia 1. Timot. c. 5. exorditur, dicens: *Seniorem ne increpaveris*; eamque in ejusdem Epistolæ initio interpretatur, ne ipse Apostolicæ sententiæ refragari videatur, seniorem se reprehendens. Is interea il lib. Dialogorum 111. cap. 11. sua tempestate (hoc est infantili, vel ad summum puerili, ut conjicio, ætate) Totilam Gothorum Regem VIII. ab Urbe milliario cum exercitu resedisse testatur. Totila vero, occupata omni fere Italix parte, Romam per annum integrum obsessam expugnavit anno Domini 546.

anno 1x. Vigiliis papæ, & Imperii Justiniani 19. vel, ut alii volunt, aliquot post annis. Beatus autem Gregorius circa annum Domini DXXI. Romanus Pontifex renuntiatus, anno Domini DC. IV. vel DC. V. obiit. Hinc eundem Sanctum, ut conjectura mea fert, atque ex ejusdem lib. Dialogorum 111. c. 4. 5. & 11. colligitur, quinquagenaria ad summum ætate, ad Pontificatum fuisse assumptum affirmandum videtur. Ille enim sub initium Totilæ regni duobus videlicet annis plus minusve ante Urbis obsidionem natus indicatur, ut ex locis nuper citatis, ac diligenter perspectis videre licet. Ad hanc de B. Gregorii Magni ætate sententiam Cæsar Baronius S. R. E. Cardinalis videtur accedere, sicut ex iis quæ Tom. 7. Annalium non minus accurate, quam erudite scribit, colligi potest.

Idem barbatus a nobis expressus est, non solum juxta picturam, quæ in ædícula S. Andreæ, & in oratorio Aulæ Leoninæ prope Scalam sanctam annexo exstat; sed juxta etiam luculentissimum testimonium Johannis Diaconi, qui floruit circiter 265. annis post obitum B. Gregorii, suæque tempestate dictas imagines hominum prospectui fuisse, scriptum reliquit.

Absque interea columbæ specie a Johanne Diacono imago B. Gregorii describitur, quippe quæ jussu ejusdem depicta fuit, eo scilicet tempore, quo (ut sic dixerim) apparitio columbæ illa ad ipsius caput a Petro Diacono ejus familiarissimo nondum fuerat promulgata: hic enim nonnisi post B. Gregorii obitum dictam columbæ apparitionem super caput Gregorii scribentis se vidisse testatus est, ut Johannes Diaconus lib. IV. cap. 69. & 70. refert. Adde etiam quod Spiritus sanctus in specie columbæ super B. Gregorii caput, nonnisi dum sanctus Doctor in actu scribentis repræsentatur, teste Johanne Diacono, depingi solet: in quo videlicet actu ipsam columbam ad beati Gregorii caput frequentissime se vidisse Petrus Diaconus medio solemoni juramento affirmavit, divinoque miraculo approbavit & confirmavit, ut scribit Johannes Diaconus, lib. IV. cap. 69. de vita beati Gregorii Papæ.

Hoc loco beatum Gregorium nudo capite effingendum curavi, quia non solum in ædícula sancti Andreæ ita pictum, verum etiam ab Johanne Diacono scriptore accuratissimo, ita descriptum inveni, etiam si jam inde a Silvestro Papa hujus nominis primo, insulam vel mitram



tram episcopalem; necnon tiaram, quam cydarium & diadema, vel coronam, & Regnum vocant, fuisse constet. Hæ namque, mitra scilicet, per quam spiritualis auctoritas; ac tiara, sive corona, per quam temporalis potestas, significantur, teste Innocentio III. serm. 3. de consecratione Pontificis Maximi, beato Silvestro datæ sunt, ut in prima parte Decreti, distinct. 69. cap. 14. & apud Theod. Balsam. in Nomocan. Photii, tit. 8. cap. 1. videre licet. Hinc Platina in beati Silvestri vita de hujus generis concessione ac donatione luculentissimam facit mentionem. De Mitra vero qua usus est beatus Silvester, in Eugenii IV. vita idem Platina loquitur hunc in modum: *Eugenius sancti Silvestri mitram Romam Avinionem delatam, ipsemet e Vaticano ad Lateranum detulit.* Hæc Platina. Nunc autem medietas ejusdem, aut alterius mitræ beati Silvestri ad sanctum Martinum in Montibus inter reliquias custoditur. De sua ipsius mitra ipsemet Gregorius Nazianzenus in Apologetico 3. sermonem habet. De mitra vero sancti Ambrosii Ennodius in suo Epigrammate, more poetico, sub fertorum nomine verba facit. Medietas vero mitræ beati Silvestri holoserica non villosa, viridis coloris est, in qua beatæ Mariæ semper Virginis imago Filium in gremio gestantis, acu (rudi tamen arte) picta cernitur, puerulis alatis ac stellulis circumsepta. Usus itaque mitræ antiquissimum ante beati Gregorii Magni Pontificatum fuisse ambigendum non est.

Quamvis autem diadematis vel coronæ, sive tiaræ, Pontificalis originem Sigebertus ad annos Domini DL. & Aimoinus, sive Annonius Monachus in historia Francorum, lib. 1. cap. 24. Clodoveo acceptam referant, dicentes Anastasium Imperatorem Clodoveo Regi Francorum, coronam auream cum gemmis dono misisse, eamque deinde a Clodoveo ipsi sancto Petro ultro oblatam velint; legi tamen apud Anastasium Bibliothecarium, & Platinam, compluresque alios, qui Annales Romanorum Pontificum scriptis mandarunt, multos ex antiquioribus Pontificibus ante Clodoveum fuisse coronatos, papalique insignitos corona sive tiara, quam Regnum vulgo appellant. Illud autem scitu dignum videtur, quod tiara tribus coronis, Regiam scilicet, Imperatoriam, & Sacendotalem; plenariam videlicet & universalem totius Orbis potestatem repræsentantibus, decorata, nonnisi jam inde a Bonifacio VIII. ex nobilissima Cajetana familia, usum re-

cepit: antea enim tiaram una tantum corona idem implicate comprehendente eo usque ornatam fuisse inveni, ut videre est in antiquissimis musæis, & in omnium Romanorum Pontificum iconibus; quæ æneis typis incisæ cernuntur. Ante igitur beati Gregorii Magni Pontificatum, mitræ ac tiaræ usus exstabat, originem, ut Ethnicorum pileos ac mitras posthabeam, a Testamento veteri trahens. Nam in lib. Exodi 20. 29. & 39. Levit. 8. & 16. Ezech. 21. Zachariæ 3. & in aliis Scripturæ sacræ locis de mitra sacerdotali, necnon de cydari ac tiara Pontificali, expressam mentionem factam invenimus. Beatum tamen Gregorium hoc loco nudo capite ad vivum exprimendum curavi non quod ejus tempore, & ante ipsius Pontificatum, mitræ ac tiaræ usus non esset; sed ob rationes initio assignatas id faciendum visum fuit. Hæc de imaginibus a Johanne Diacono descriptis: nunc reliquum est ut nonnullas voces subobscuras ac res intellectui subdifficiles in ipsarum imaginum descriptionibus comprehensas explicemus.

(a) Beatus Gregorius Magnus, Pontifex creatus, in parva quadam abside, quam fornicis curvaturam appellamus, intra rotam gypseam, arte scilicet plastica constructam pictus fuit.

(b) Subocularia plena, hoc est partem illam, quæ subest oculis, plenam, sive turgidulam, subdividuaque labia, aliquantillum videlicet (ut ita dicam) ab invicem separata, beatus Gregorius habuisse a Johanne Diacono scribitur.

(c) Deinde colorem aquilinum, & lividum, sed in senectute colorem cardiacum eidem fuisse Johannes Diaconus ait. Colorem aquilinum apud eos, qui de coloribus loquuntur, non inveni, nisi ille sit, qui ab Antonio Thylesio aquilus nuncupatur, dicente: *Aquilam veteres hunc fuscum a colore aquæ vocarunt, qui inter nigrum est & album. Id quod Plato etiam docet.* Hæc Thylesius cap. 3. de coloribus. Cum autem in declaratione coloris aquili fiat mentio de fusco, qui inter nigrum est & album, aquilinum, sive aquilum ab aquæ colore dictum, eundem fere cum livido esse puto: fuscus enim color a livido, qui est color subniger, & plumbeus, parum aut nihil fere distare videtur, vel ad lividum proxime accedit, cum a Johanne Diacono aquilinus color cum livido jungatur, ex quibus color fuscus componitur: qui, Thylesio teste, non est insuavis, atque in homine persæpe laudatur. Festus Pompejus de colore aquilo hunc ait in modum: *Aquilus color est*

*fuscus, et subniger, a quo aquila dicta esse videtur, quamvis eam ab acute videndo dictam velint. Aquilus autem color ab equa est nominatus: nam cum antiqui duos omnino naturales colores nossent, nigrum scilicet & album, interveniret autem is quoque, qui ita neutri similis est, ut tamen ab utroque proprietatem trahat, potissimum ab aqua, cuius intersus est color, eum denominaverunt. Hæc Festus, cui Junianus Sipontinus in commentariis, Hugutio, Papias, & alii assentiuntur. Si autem color aquilinus ab aquila dicatur, fulvus color intelligi post. Aquila enim fulvi coloris est. Hinc Ovidius lib. 5. Pastorum, aquilam, avem fulvam appellat: & Claudianus fulvum Jovis armigerum nuncupat. Per colorem igitur aquilinum & lividum, vel colorem fuscum, vel fulvum intelligi posse opinor. At quia fulvum colorem multa jactant, & ut ait Thylesius cap. 11. aurichalcum imprimis, deinde aurum, stellæ, arena, leo, & aquilæ genus quoddam ab Aristotele maxime celebratum, fulvum homini minus convenire video. Quare per aquilinum colorem nonnisi fuscum intelligi debere puto: fulvus enim ex rufo & viridi videtur esse mixtus. Jaspidem, tamen, quam viridis tantum coloris esse constat, fulvam vocant: atque item olivula fulva nuncupari solet. Hoc interea loco subtrahendum non videtur, quod in omnibus codicibus mss. Vaticanis legitur, colore aquilino & vivido, non livido. Quæ sane lectio melior videtur. Color enim vividus, hoc est multo vigore præditus, colori aquilo & fusco maxime congruit: fusca namque facie homines vivaciores, quam candidi, esse solent.*

Colorem autem cardiacum a morbo cardiaco dictum puto: cardiacus enim morbus a καρδια voce Græca, id est corde, nuncupatus, est passio sive palpitatio cordis, seu oris ventriculi affectus: cor enim pro ventriculi ore sumebant interdum antiqui. Hujus autem generis morbus Cornelio Celfo teste, lib. 3. cap. 19. Nil aliud proprie est, quam nimia corporis imbecillitas, quod stomacho languente immodico sudore digeritur. Hoc stomachi forsitan morbo se laborasse Gregorius Magnus non semel dixit, homilia scilicet 21. & 22: in Evangelia, atque aliis in locis: & ex hoc morbo colorem cardiacum, hoc est pallorem croceatum, seu gilvo paucillulum tinctum; ab eo deinde contractum fuisse, credendum est: quia ex hac stomachi affectione sive imbecillitate, addita podagra, quæ ipsum beatum Gregorium mirandum in modum infestabat,

hujus generis colorem nasci posse, Medici volunt. Qua ex re beatum Gregorium Magnum in sui Pontificatus initio præscriptum in modum, hoc est, colore aquilino & livido, sive vivido, pictum fuisse argumentor, & pro comperto habeo.

(d) Quæ de Pallio a Johanne Diacono dicuntur, haud facilia intellectu videntur, nisi quid sit Pallium, quamnam formam habeat, & quonam modo corpori sit adaptandum, explicemus. Auctor libri ceremoniarum lib. 1. tit. 10. cap. 5. ex Maximo Episcopo, homil. de veste sacerdotali, exque Eusebio Cæsariensi sermone de Epiphania: docet in lege gratiæ antiquum esse illud nostrum Ephod, id est Pallium candida lana contextum, a Lino post Petrum II. Romano Pontifice institutum, & in singulare potestatis privilegium summo Pontifici, Patriarchis & Archiepiscopis datum, habens circulum humeros constringentem, duasque lineas ab utraque parte, ante scilicet, ac retro pendentes; immo Rupertus Tuitiensis lib. 1. cap. 27. de divinis officiis, ait, Maternum a sancto Petro missum Treverensi Ecclesiæ, hereditatem Pallii suis successoribus reliquisse. Pallium in sinistra duplex est, ad tolerandas præsentis vitæ molestias, quæ per sinistram significantur: simplex vero in dextra est, ut deferens Pallium, ad vitæ futuræ quietem obtinendam, quæ per dextram representatur, toto affectu adspiret. Pallium item quatuor purpureas cruces habere solebat, quæ sunt quatuor virtutes politicæ, quæ nisi crucis Christi sanguine purpurentur, frustra sibi virtutis nomen usurpant. Harum prima est justitia, quæ in anteriori parte esse debet; secunda est prudentia, quæ debet esse posteriori parte; tertia est fortitudo, quæ sinistræ convenit; quarta est temperantia, quæ dextræ congruit: nunc autem cruces in Pallio affixæ non sine mysterio nigræ sunt. Pallio denique tres insignuntur acus, sive aciculæ, in quarum prima significatur compassio proximi, in secunda officii administratio, in tertia iudicii districtio. Prima pungit animam per dolorem: secunda pungit animam per laborem: tertia pungit animam per terrorem. Trium acuum sive acicularum, una figitur in anteriori parte, altera in posteriore; tertia in humero sinistro: in dextro enim acus non figitur, quia in æterna quiete, quæ per dexteram representari solet, nullus est afflictionis aculeus. Circulus Pallii, per quem humeri, dexter scilicet ac sinister constringuntur, signi-



significat pœnæ formidinem ab illicitis cohibentem, & amorem justitiæ a superfluis temperantem. Hæc ex Innocentio III. libro primo Myst. Missæ, cap. 63. & ex aliis. Adde etiam, quod extremitati duarum linearum ante ac retro pendentium duæ laminæ plumbeæ ferico nigro coopertæ juxta earumdem linearum latitudinem annexæ sunt. Hujus generis est Pallium, quo nunc Latina utitur Ecclesia. Verba vero Johannis Diaconi de beati Gregorii Magni Pallio loquentis, huic formæ adaptari non queunt; sed solum formæ, qua Episcopi Græci utuntur. Hi enim pro Pallio fasciam quamdam seu zonam, latiore sane ac longiorem quam stolam, sed instar stolæ collo imponunt: dextra tamen ejus pars multo est longior, & ad terram usque desluit, cujus pars major per sinistrum humerum post tergum rejicitur, ita vero ut crux una a tergo maneat, altera ad dextram, tertia ad sinistram appareat, quarta vero ad eam Pallii partem, quæ ab humero sinistro pendet. Hujus generis Pallium tempore beati Gregorii fuisse quis dicat oportet, si Joannis Diaconi verba recte examinentur. Ego itaque tamen in ædícula sancti Andreæ Pallium beati Gregorii more Latino factum reperi, hoc est circularem zonam satis latam, & integram, humeros constringentem, duasque lineas habentem sive fasciolas, ex eadem tamen latitudine, una scilicet a posteriori, altera vero ab anteriori deorsum vergentes; illud tamen more Græco a Johanne Diacono conscriptum incidendum hoc loco curavi. Hunc item in modum non solum in imaginibus summorum Pontificum typo æneo incisil a Lino Papa ad Miltiadem usque; sed in vetustis quoque Ecclesiarum multis, præsertim vero ad sanctum Petrum, in eorundem summorum Pontificum imaginibus, quas Formosus Papa circa annum Domini 899. pingendas Romæ curavit, in hanc eandem formam Pallium pictum fuisse inveni. Idem videre est ad sanctum Paulum, & multis aliis in locis, in quibus etiam Honorius primum, qui obiit anno Domini DCXXXV. Johannem IV. Theodorum primum, Domnionem primum, compluresque alios ante Gregorium Magnum, & post ejus tempora, hac Pallii forma, qua nunc Græci utuntur, decoratos reperi. Hæc itaque Pallii forma tempore beati Gregorii in usu habebatur, deinde multis post seculis in desuetudinem deducta est, nova ad majorem commoditatem inventa, & in usum recepta. Id

quod de casula, quam etiam planetam vocant, factum esse constat: antiquitus enim, ut in planeta beati Gregorii, & in vetustis Ecclesiarum picturis videre est, casula sive planeta nullam, ut ita dicam, aperturam pro brachiis emittendis habebat, sed tota integra circulatim, & undequaque ad pedes usque demissa totum corpus ita tegebat & circumibat, ut brachia emitti non possent; nisi limbus vel fasciola extremitatem casulæ ambiens super scapulas projiceretur errabunda. Hinc casula, quasi parva casula (Rabano auctore, lib. 1. Instit. Cleric.) totum hominem tegens; & planeta, quasi erratica, vocabatur, & ad hanc usque diem ita vocitatur, Ætate vero nostra, & superioribus aliquot seculis, ut ait Lindanus, lib. IV. cap. 50. ab utraque parte, dextra scilicet ac sinistra accissa, & aperta est, ante ac retro decurtata, & paulo infra crurum medium pradueta.

(e) Viventis indicium est tabula illa, quam beatus Gregorius ad occiput, id est ad posteriorem capitis partem habere cernitur: antiquitus enim cum quis vivens pingebatur, tabula quadrata ejus capiti subiciebatur, ut in vetustis aliquot Ecclesiarum musivis videre licet. Id quod fieri solebat, hoc sane argumento aut symbolo, quod homo in hac mortali vita constitutus, per tabulam quadratam quatuor virtutibus cardinalibus (ut ait Durandus, lib. 1. cap. 3. num. 20. necnon Stephanus Durantus, lib. 1. cap. 5. num. 5.) vigere intelligatur: vel quod status vitæ præsentis imperfectus esse demonstretur, angulos, scilicet multos, hoc est multa impedimenta & obstacula secum deferens. Sancti vero æternam gloriam consecuti, ut eorum vita undequaque perfecta nullum penitus impedimentum habens indicaretur, circulo, seu coronæ, quam diadema solent appellare, sive radiis solaribus insigniti, jam inde ab initio nascentis Ecclesiæ pingi & sculpi consueverunt: nam per figuram sphericam, quæ omnium figurarum perfectissima est, perfectissima eorum vita quodammodo adumbratur. Non desunt autem qui velint solarem coronam super capita Sanctorum, & Apostolorum præsertim, pingi & sculpi solitam, ex eo quod Abdia Babylonico teste lib. 5. hist. apostolicæ, lux tanta super Johannem Apostolum moribundum per unam fere horam apparuit, ut nullus eam sufferret aspectus. Utcumque vero sit, coronam tamen Sanctis in cælo gloriam consecutis; aliis autem in hac mortali adhuc vita com-

commorantibus, tabulam quadratam a pictoribus & sculptoribus assigni solitam, hoc saltem loco explicasse sat est.

(f) *Cognita districtionis cautela.* Districtio, vel restrictio, vox est ab Ecclesiasticis Scriptoribus frequenter usurpata; & sicut ex Placido Grammatico, apud Fulvium Ursinum, virum eruditissimum, ac de bonis litteris optime meritum, aservato, in Glossis colligitur, severitatem significat. Placidus enim ait: *Est autem restrictus, adiens, vel severus, ac non solutus & lenis.* In hunc sensum ab Inn. III. districtio iudicii libro primo Myst. Mistæ, c. 63. & a Gregorio ultio & emendatio districta nuncupatur; hoc autem loco districtionem pro arcta vitam debere puto. Hinc, ut ait Johannes Diaconus, imaginem suam beatus Gregorius salubriter depingi voluit, ut Monaci per ipsam imaginem non pro inani gloria, sed in suam ipsorum salutem, cognitam beati Gregorii districtionem, id est arctam vitam in memoriam revocarent, dictamque vitam imitarentur, dum loco ipsius imaginem frequentius intuerentur. *Intueri* autem hoc loco a Johanne Diacono passive sumitur.

(g) Nymphæum pro lavacro & fonte, necnon pro balneo apud Plinium, Julium Capitol. Josephum, & alios sumi solet, a Nympha dictum: quia Ethnici luminis veritatis expertes, Nymphas aquarum deas esse putarunt. Adde etiam, quod veteres Græci Nympham dicebant, quam nos mutationes unius litteræ, Lympham, id est aquam, vocamus. Nymphæum itaque hoc loco vel pro lavacro, vel pro fonte sumi posse puto: de quo fonte Johannes Diaconus, lib. iv. cap. 97. loquitur.

(h) Gordianus, beati Gregorii pater, Regionarius a Johan. Diacono nuncupatur: quem quamvis virum Ecclesiasticum nullibi fuisse invenerim, vestes tamen si spectentur, & verba Johannis Diaconi accurate perpendantur, eum Ecclesiasticum virum omnino fuisse dicas oportet. Regionarii nomen, a Regionibus dictum, notariis quibusdam, necnon Defensoribus & Diaconis dari solebat. Notarii Regionarii erant protonotarii, ad quos gesta præsertim Martyrum scribere pertinebat. Defensores regionarii, ad varias provincias destinati, ut scribit Johannes Diaconus, lib. ii. de beati Gregorii vita, cap. 53. circa pia præsertim opera versabantur, ut videlicet legata, ad pias causas relicta, in eleemosynam pauperibus distribuerentur, sicut ex lib. iv. epist. 24. & 25. lib. vii. epist. 66. & lib. xi.

ep. 21. beati Gregorii colligitur. Horum item officium erat de Episcoporum excessibus cognitionem ac notitiam suscipere, Regularesque perverse agentes corrigere. His etiam Defensoribus, ut Panvinus ex Pelagii epistola in capite de Primicerio Defensorum ait, conveniebant causarum cognitiones, conventiones, actus, publica litigia, & quæcumque vel Ecclesiastica instituta, vel supplicantium necessitas postulabat.

Diaconi Regionarii, ut Subdiaconos; quos in Registro beati Gregorii, lib. vii. epist. 5. lib. xi. epist. 20. & 30. videre est, prætermittam, septem juxta 7. Regiones Urbis erant, ut legitur in Ordine Rom. Vel singuli duabus ex 14. Regionibus præerant: deinde 14. juxta 14. Regiones fuerunt instituti, & ita vocabantur, quod singularum Urbis regionum, teste Panvinio, diaconis vel xenodochiis præessent. Hi namque viduarum inopia laborantium, & pupillorum ministri erant, in publicis pauperum domibus, oratoria, & sacella sibi habentibus annexa, in quibus a Diacono egenis necessaria subministrabantur. Ad hanc rem præstandam viri graves ac religiosi a B. Gregorio electi fuerunt privilegiis insigniti, ut legitur apud Johannem Diaconum, lib. 2. cap. 51. in ejusdem vita. Ex collegio itaque Defensorum, qui ex ordine quoque Clericorum, Panvinio teste, sumebantur, vel ex Diaconorum collegio, si hac in re conjectare liceat, Gordianum fuisse reor, Ecclesiasticis indumentis, hoc est dalmatica & planeta diligenter consideratis: Diaconus enim non solum dalmaticam, quæ ei proprie convenit, gestare solet; sed ut scribit Alcuinus, lib. de divin. offic. cap. de significationibus vestimentorum, casulam item, quam Amalaris Fortunatus lib. 2. de Ecclesiasticis officiis, cap. 19. generaliter ad omnes Clericos pertinere ait: ad finem autem Præfationis in ipsum de officiis opus ostendit, quando Diaconus casula sit induendus, quando vero exuendus.

(i) Huc accedit quod a Johanne Diacono Gordianus caligas in pedibus gestare dicitur: per caligas autem nonnisi sandalia intelligenda sunt: non enim vero adsumile est, ut per caligas, tibiæ tegumentum intelligi queat, quia huius generis tegumentum in pictura nec fieri, nec videri potest ob vestem ad pedes usque demissam. Caligæ itaque pro sandaliis a Johanne diacono sumuntur. Huic sane rei favet vulgata Bibliorum editio, quæ pro sandaliis *caligas* vertit, ut videre



dere est locum illum Actuum 12. in quo B. Petrus sandalia sibi subligare ab Angelo jussus est hisce verbis : *Præcingere, & calcea te caligas tuas*. Pro quo Græca editio habet, *περιζῶσαι ὑπὸ ὀνείας τὰ σανδάλια σου*, hoc est, *Præcingere, & subliga sandalia tua*. Latini tamen recentiores pro sandaliis non caligas, sed soleas vertunt : quia caligæ pro tibarum etiam operimentis sumi solent. Beatus autem Hieronymus explicans 20. Isaïæ caput, calceamenta, sandalia, & caligas pro eodem videtur accipere per hæc verba : *Depositis* ( inquit ) *calceamentis, quæ a Septuaginta, sandalia, id est caligæ vocantur, &c.* Caligæ item pro calceis a B. Gregorio Magno, lib. 1. cap. 4. & lib. 3. cap. 20. Dialogorum sumuntur : immo secundo loco citato de caligarum corrigiis, quæ calceis, non tibialibus conveniunt, mentionem facit. Adde etiam quod illud Actuum : *Calcea te caligas tuas*, nonnisi ad pedes & ad calceos referri potest, quia calceare nil aliud quam calceos induere, significat. Hinc apud Suetonium in Vespasiano, equi vel muli calceari dicuntur, cum pedes eorum adversus saxorum injuriam ferramentis, seu soleis ferreis muniuntur. Per caligas igitur, quas etiam Isidorus, lib. 19. Etymologiarum cap. 34. inter calceamentorum genera videtur numerare, & a caligis caligarium dictum putat, sandalia intelliguntur. Nam Isidorus caligarium non a callo pedum, sed a voce Græca, *calo*, id est ligno, quod Græci τὸ κάλον dicunt, nuncupatum opinatur : unde calopodium, calceamentum ligneum vel foccus. Per caligas itaque rectius sandalia, quam tibarum operimenta intelligenda sunt. Quod autem Diaconi sandaliis interdum uti consueverint, Albinus, sive Alcuinus in lib. de divinis officiis, cap. de significationibus vestimentorum, & Amalarius Fortunatus lib. 2. de Eccl. officiis cap. 25. & alii, aperte fatentur, immo etiam a Presbyteris & Subdiaconis sandalia gestata olim fuisse narrant, sed sine ligamine, ad differentiam Episcoporum & Diaconorum, qui in sandaliis ligamen habebant. Quamvis autem sandaliorum gestatio tempore B. Gregorii Magni Diaconis vetita fuisse videatur, lib. 7. Registri epist. 28. & can. *Pervenit*, dist. 93. idem tamen Gregorius eadem in epistola, sandaliorum usum Diaconis Ecclesiæ Messanenensis a prædecessoribus suis concessum olim fuisse testatur. Sandalia vero inibi compagi appellabantur : ab aliis vero compagia vocitari solent. Hodie vero nonnisi summus Ponti-

fex, Episcopi & Presbyteri Cardinales sandaliis uti solent, quæ veterum sandaliis dissimilia sunt : ea enim subter pedem, integram soleam habebant, supra vero corium fenestratum seu perforatum, hoc sane symbolo quod pedes Episcoporum & Diaconorum, seu Prædicatorum, ( quorum officium etiam Diaconis erat demandatum ) subter deberent esse muniti, ne terrenis affectibus polluerentur ; sursum vero aperti, quatenus Prædicatores ad cœlestia cognoscenda, necnon ad mysteria revelanda, & prædicanda tales & ipsi forent. Hujus generis caligas, aut sandalia Gordiani fuisse conjectare licet : sin secus, nihil erat quod Johannes Diaconus de communibus calceamentis ita expresse & insigniter mentionem fecisset.

Hoc loco facere non possum, quin admirer, cum Johannes Diaconus, qui dictas imagines exacte descripsit, ut multas earundem minutias expresse-rit ; sandalia Gordiani commemorarit, de sandaliis autem beati Gregorii nullam penitus fecerit mentionem. Quoniam autem modo hunc nodum dissolvere queam, ignoro, nisi id memoriæ lapsu factum esse dicam. Hinc calcei beati Gregorii, num in superiori parte fenestrati aut perforati, necnon cruce insigniti effingendi essent ( ut hac nostra ætate fieri solet ) anceps profecto fui ; propterea quod calceos ipsos in ædicula sancti Andreæ neutro modo pictos inveni. Quamvis autem Josephus Stephanus Valentinus, Episcopus olim Vescanus, nunc vero Episcopus Oriolen. vir sane doctissimus, in libro de osculatione pedum Romani Pontificis, cap. 18. adversus Papirii Massonis calliditatem, usum gestandi sandalia Pontificia, cruce insignita, vetustissimum fuisse per picturas conjectet ; ego tamen, qui potius oculatus quam auritus testis hac in re esse cupiebam, veteres Ecclesiarum Romæ absides opere musivo decoratas, diligenter perlustravi. Qua in re perquirenda, calceos summorum Pontificum in superiori parte nec omnino fenestratos, aut perforatos, nec undequaque pedem obtegentes reperi ; nam tantummodo in pedis acumine, atque in calca-  
neo tegumentum cum ligamine, a solea & a calce ad collum, & ad pedis acumen ad superiorem videlicet pedis partem diducto, inesse conspicitur ; parvula cruce supra digitos pedum, tibialibus & corio coopertos, impressa, sive picta.

Tamet si Innocentius III. lib. mysteriorum Missæ, cap. 34. & 48. Alcuinus cap. de vestimentorum significationibus, A-

malarius Fortunatus lib. 2. cap. 25. Rabanus lib. 1. cap. 22. Ivo Carnotensis ferm. de significatione indumentorum, Guillelmus Durandus lib. 3. cap. 8. Stephanus Duantus, lib. 2. cap. 9. & alii, qui de sandaliis loquuti sunt, de cruce super calceis Pontificiis apponi solita non meminerunt; hanc tamen consuetudinem antiquam esse, nonnunquam vero incuria pictorum, & lapidarum, vel eorum qui statuas & picturas efficiendas curabant, prætermittam inveni. Nam, ut ab antiquioribus summorum Pontificum imaginibus, quas invenire potui exordiar; vidi Romæ vetustissimam Ecclesiæ S. Agnetis absidem, opere vermulario circa annum Domini DC. XXIV. exornatam, in qua Honorius, hujus nominis primus, qui sacram beatæ Agnetis ædem via Nomentana construendam, & absidem musivo decorandam curavit, ut Anastasius Bibliothecarius testatur, & carmina in abside indicant; sandaliis alba cruce satis conspicua insignitis calceatus, & ecclesiam manu gestans exstare cernitur. Hic enim dum viveret, in abside ipsa pictus fuit, sicut ea, quæ diximus id nobis facile persuadent. Quamvis autem Honorius I. crucis signum super sandaliis gestarit, Honorius tamen III. & IV. ex nobilissima Sabellorum familia crucem in sandaliis non habent. Ille enim ad sanctam Bibianam circa annum Domini M. CC. XL. ad januam Ecclesiæ pictus; hic vero in Ara cæli circa annum Domini M. CC. LXXXVII. ex marmore effictus, Romæ conspicitur.

In oratorio, seu potius ecclesia sancti Venantii, nunc sanctæ Mariæ ad Fontem nuncupata, prope Baptisterium sive Fontem Lateranensem, exstat absis opere teselato exornata, in cuius fornice, præter aliquot imagines sacras, pictus cernitur Johannes IV. Dalmata, ut Anastasius Bibliothecarius, & Panvinus testantur, eam struxit Ecclesiam circa annum Domini DC. XXXIX. dictamque absidem picturis musivis ornavit. Inter alias imagines opere musivo pictas, duo Pontifices Romani, necnon Martyres duo, sandaliis parvula nigri coloris cruce insignitis conspiciuntur: quorum Pontificum alter, ad dexteram videlicet postremo loco pictus, est, Johannes IV. Ecclesiam manu gestans, quippe qui eam construendam curavit. Quam item rem versus aliquot, qui inibi leguntur, nos aperte monent. Pontifex ad sinistram postremo loco pictus, librumque manu tenens, ut Panvinio placet, est Theodorus, Johannis successor: qui, ut idem ait Panvinus, Ec-

clesiam fortasse, vel, ut ego arbitror, absidem a Johanne incoatam perfecit; hinc in ea pictus cernitur: Cur autem hoc loco Venantius, & Domnio, & extra absidem, Maurus, Martyres crucem super sandaliis gestare cernantur, ignore, nisi id arbitrio pictoris, vel ad crucem martyrii repræsentandam, factum esse dicam: nam summi tantum Pontifices hunc ritum super sandaliis gestandi crucem observare solent: hi enim de se humiliter ac demisse sentientes: *Cum omnes populos communi voto*, ut Josephus Stephanus, Episc. Oriolen. in libro de osculatione pedum Romani Pontificis non minus docte, ut omnia, quam accurate & pie cap. 13. scribit, *ad suos pedes adorandos propensos agnoscerent, cruci Christi osculationem potius, quam sibi ipsis, tantum honorem deferri maluerunt, ut omnes Christianos benigne ad oscula pedum exciperent. Itaque, ut expressam Christi imaginem referrent, & Salvatoris passionem in hominum memoriam redigerent, crucem sandaliis affixerunt, ut Christiani homines eos honores, quos debitos & necessarios Pontifici deferebant, cruce perspecta, alacrius exhiberent.* Hæc Josephus Stephanus. Cur itaque Martyres vel alii sancti, non Pontifices Romani, calceis cruce insignitis decorentur, non satis perspicio, nisi id ad ea, quæ dixi, referam; vel ob episcopalem fortasse dignitatem, qua Martyres ipsi, Venantius videlicet, Domnio, & Maurus fuerant insigniti, factum id esse dicam, ut præ se fert Pallium, quod dicti Episcopi & Martyres, Græcorum Episcoporum more, ornati cernuntur: apud namque Latinos jure communi non nisi summis Pontificibus, Patriarchis, & Archiepiscopis, ex indulto autem Apostolico Episcopis nonnullis, Pallio uti licet. Sicut itaque Paullium, quod Pontifici Romano in primis convenit, non Episcopo, eis datum est; ita & crucem, quæ propter pedum osculationem in solius Romani Pontificis sandaliis apponi solet, dictis Martyribus datam esse opinor, ritus inventi ratione sive causa non perspecta.

Ad S. Martinum in montibus inter reliquias R. Martini I. Papæ & Martyris anno Dom. DC. XLVII. calceus in superiori parte fenestratus, & in acumine tantum obiectus juxta formam, nuper a nobis descriptam, asservatur. Acuminis autem pedis tegumentum coriaceum, cæruleo colore tinctum, & quibusdam operibus ex serico & auro contextis ornatum exstat, in quo instar fere hujusce litteræ Græcæ, X. quædam crucis ima-



go, ut ita dicam; transversaliter acu picta cernitur, quæ ornatum facit, & quamdam crucis similitudinem refert, ut infra explicare ostendetur. Inter easdem reliquias exstat etiam calceus B. Silvestri primi holosericus, viridi colore imbutus, non villosus, sed jam ob vetustatem satis decoloratus, quamdam tamen viridis coloris, & holoserici speciem referens, operibus item ex serico & auro contextis insignitus. Is autem calceus quadam calcanei parte ob nimiam vetustatem carens, non est juxta formam antiquiorem in usu olim habitam, hoc est juxta illud calceamenti genus, quo solæ obteguntur plantæ, cæteris pedum partibus nudis relictis, ansulis tantum quibusdam in superiori parte coeuntibus, quas ligulas vocant, revinctum: nec item instar calcei est, quem nuper explicavimus, sed est calceamenti genus, coriaceam habens soleam, necnon tegumentum, totam superiorem pedis partem obtegens, instar calcei, quo nunc omnes indifferenter uti solent. Quæ ex re in hanc sententiam devenio, ut calceum hunc ab eo, quo in rebus Ecclesiasticis & in functionibus quibusdam, ad Pontificiam præsertim majestatem exprimendam idoneis, B. Silvester uti solebat, differre credam. Quamvis autem hujus generis calceamentum nostro de cruce argumento haud omnino faveat, ipsum tamen tamquam venerandæ vetustatis monumentum, & memoratu dignum, quamdam item crucis formam latenter per aliquot linearum involucra repræsentans, ut infra explicabimus, silentio præterire mihi visum non fuit.

Ad sanctam Martinam, in Foro Boario ad radicem Capitolii, vetustissima exstat ab his tempore Domnionis circa annum Domini DC. LXXIX. opere musivo insignita, in qua duo Romani Pontifices, unus ad dextram, alter ad sinistram B. Mariæ semper Virginis Filium in sinu gestantis, Pallio, juxta more antiquum formati, decorati cernuntur. Hunc vel Honorium primum, vel Gregorium Magnum (qui ante Domnionem fuerunt) esse conjicio: quem sandaliis parvula nigri coloris cruce calceatum vidi, & prope eum ad sinistram partem litteras hæc legi... origus PP. cæteræ nomen summi Pontificis proprium complentes, collapsæ desiderantur: alius vero Pontifex, ante Domnionem, dictam nominis proprii terminationem habere haudquaquam potest. Illum interea Pontificem, qui exstat ad B. Mariæ semper Virginis dextram, ecclesiam manu ge-

stans, quippe qui ædem sacram construendam, vel saltem reparandam curavit, Domnionem esse dicas oportet. Panvinus etiam in adnotatione ad vitam Domnionis, a Platina descriptam, ait hunc in modum: *In antiquo musivo, quod est Romæ in Ecclesia sanctæ Martine, hic Pontifex Domnio, non Donus sive Dominus, appellatur.* Quibus verbis Panvinus Domnionis nomen se inibi legisse aperte narrat. Verum quia hujus Pontificis nomen nunc eo in loco non legitur, litteras omnino periisse, mihi persuadeo, sicut in alterius Pontificis nomine aliqua ex parte factum esse vidi. Quare sicut antiquior Pontifex sandaliis cruce insignitis calceatus cernitur, ita & alterum recentiorum fuisse credendum est: nam calcei opere olim musivo facti, nunc collapsi sunt: quorum loco, calcei rudi arte picti, sine cruce conspiciuntur.

Ad basilicam B. Petri, SS. Apostolorum Principis, Romæ a tergo oratorii, sive sacelli, vel altaris sanctissimi Sudarii Salvatoris nostri supra Portam sanctam, ad interiorem basilicæ partem, exstat oratorium opere musivo insigni, excultoque decoratum, & in honorem immaculatæ semper Virginis ac Dei Genitricis a Johanne VII. circa annum Domini MCC. VI. constructum, ut Anastasius Bibliothecarius, Platina, & Panvinus testantur, & inscriptio ipsa docet hisce verbis: JOHANNES INDIGNUS EPISCOPUS FÆCIR. Huc accedit quod Johannes ad capitis tegum quadratam habet tabulam, quæ, ut superius dictum est, indicium ea tempestate viventis esse solet, dum fieret pictura illa. Johannes vero prope imaginem B. Mariæ semper Virginis sandaliis insignitis parvula nigri coloris cruce, quæ ex quatuor lapillis musivis constat, cernitur calceatus.

In basilica Sancti Petri exstat simulacrum Urbani VI. e marmore circa annum Domini M. CCC. LXXXIX. effictum. Ad S. Johannem in Laterano exstat Martini V. statua sepulchralis ænea circa annum Domini M. CCCC. XXXI. In atrio monasterii S. Salvatoris in Lauro statua Eugenii IV. marmorea circa annum Domini M. CCCC. XLVII. In basilica etiam sancti Petri exstant quæ infra leguntur statuarum sepulchrales, hoc est, Nicolai V. circa annum Domini M. CCCC. LV. Calixti III. in atrio prope sacellum Sixtium, M. CCCC. LVIII. Pii II. M. CCCC. LXIV. Pauli II. M. CCCC. LXXI. Sixti IV. M. CCCC. LXXXIV. Innocentii VIII. M. CCCC. XCII. Pii III. M. D. III. In ecclesia sanctæ Mariæ supra Minervam exstat Leonis X.

simulacrum sepulchrale, & in Capitolio statua item marmorea circa annum Domini M. D. XXI. Horum omnium Romanorum Pontificum, & aliorum his recentiorum, hoc est, Pauli III. Pauli IV. Pii V. Gregorii XIII. & Sixti V. statuas vidi calceatas sandaliis cruce insignitis. Vidi etiam alios Romanos Pontifices opere tessellato effictos, Honorio I. antiquiores, sed propter magnam picturarum vetustatem calceos collapsos reperi. Contra vero vidi ad sanctum Laurentium in Lucina pictam Sixti III. imaginem, & quidem pervetustam; necnon Paschalem I. ad sanctam Praxedem, & ad sanctam Cæciliam circa annum Domini MCCC. VII. & Gregorium IV. ad S. Marcum circa annum Domini MCCC. XXX. opere musivo pictos, sed sandalia sine cruce gestantes. Id quod non sine incuria vel pictorum, vel eorum qui picturas faciendas curabant, factum videtur; ut cernere est in abside Ecclesiæ sanctæ Mariæ trans Tiberim circa annum Domini M. C. XLIII. opere tessellato decorata, in qua præter alias imagines, Romani Pontifices, beatus scilicet Petrus Apostolus, Calixtus, Julius, Cornelius, & Innocentius II. qui opus musivum faciendum curavit, picti conspiciuntur: sed Cornelius solus, qui passus est anno Domini CC. LIII. calceos cruce insignitos gestare cernitur. Idipsum confirmatur per Bonifacii IX. statuam marmoream in basilica sancti Pauli asservatam, & circa annum Domini M. CCCC. XL. effictam, quæ calceos sine cruce habere conspicitur, alios tamen Pontifices ante Innocentium II. & Bonifacium IX. sandalia non sine cruce gestare vidimus. Nam si antiquiores Pontifices calceos cruce insignitos gestasse constet, eundem etiam ritum a recentioribus observatum fuisse, fatearis necesse est.

Quamvis autem ante Honorium I. qui Pontifex renunciatus fuit circa annum Domini DC. XXII. & anno Domini DC. XXXV. obiit, hunc ritum ob absides ecclesiarum opere musivo decoratas, & nimia vetustate vel omnino, vel majori ex parte collapsas, in usu habitum invenire non potuerim, ipsum tamen antiquiorem esse conjicio, etiam si Scriptores tam antiqui, quam recentes, de sandaliis loquentes, nullam penitus ut dixi, mentionem de cruce fecerint, quippe qui de sandaliis Episcoporum, Sacerdotum, & Diaconorum absolute sumtis, denique eorundem tantum forma, & significato ac ministerio verba fecerunt, prætermisso ritu ad osculationem pedum Romani Pontificis invento. Quod autem B. Grego-

rius Magnus hujus generis sandalia, hoc est calceos cruce insignitos gestarit, id nobis facile persuadet, quod inter Pontificatum B. Gregorii Magni, & Honorii I. quem calceis cruce ornatis usum fuisse vidimus, nonnisi viginti annorum spatium plus minusve intercessit. Hinc vero adsumile est, ut idem hujus generis sandalia gestandi ritus ab Honorio I. qui obiit anno Domini DC. XXXV. usurpatus, apud Gregorium Magnum & alios Pontifices ejus prædecessores, in frequenti usu haberetur: Honorius namque primus, natione Campanus, ob brevem temporis intercapedinem, quæ inter eorundem pontificatus interjecta erat, non solum ipsum Gregorium, qui anno Domini DC. IV. vel secundum Trithemium, DC. V. ex hac vita decessit, verumetiam Pelagium, Gregorii prædecessorem, videre potuit; immo quod eos viderit, credi potest, ac debet.

Illud præterea ad vetustissimam super sandaliis summorum Pontificum crucis signum gestandi consuetudinem comprobendam, scitu satis dignum videtur, quod Panvinus dum vitas summorum Pontificum, nondum in lucem editas, conscriberet, eorundemque imagines ad vivum exprimendas curaret, in abside quadam vetustissimo musivo decorata vel B. Silvestri, vel alterius ex antiquioribus Romani Pontificis imaginem a calce ad caput integram, sandaliis parvula insignitis cruce pictam invenit, eamque tamquam perpetua memoria dignam inter insigniores summorum Pontificum imagines ad vivum expressam penes se habebat, cæteris, quas pictorum arbitratu pictas judicabat, prætermittis, sicut Silvius Antonianus, SS. D. N. Clementis VIII. cubuli Præfectus, apprime eruditus, necnon spectatæ integritatis, probatæque fidei vir splendide testatur, dictamque imaginem a Panvinio sibi ostensam præscriptum in modum calceatam sese vidisse omnino, nullaque hæsitacione affirmat.

Hæc de cruce super sandaliis Romani Pontificis antiquitas gestari solita. Qua in re tamquam ab aliis nondum explicata, mihi immorari visum fuit.

(k) Tunica Silvæ inferior pseudolactini coloris esse a Johan. Diacono dicitur. Color pseudolactinus est color exalbidus; quasi fallam quamdam albedinem, sive, ut opinor, leucophæum, id est, colorem quemdam ex albo & nigello mixtum; vel, ut sic dixerim, cinericium referens. Nam Græce *ψιδος*, Latine sonat *fallum*, eoque utimur in compositione, ut pseudodulus; id est fallus servus;



vus : pseudographus , id est falsarius ; pseudopropheta , id est falsus Propheta , & alia id genus permulta . Color itaque pseudolactinus a falso dictus late , per quod Johan. Diaconus albedinem quamdam intelligi voluit , significat falsum album , id est exalbidum , seu cinerium , albedinem quodam modo imitantem .

(l) Tunicam Silvæ inferiorem , quam Pseudolactini coloris fuisse scribit Johannes Diaconus , duabus zonis distinctam ait . Zona etsi proprie pro cingulo sumi solet , hoc tamen loco per zonas Diacono commemoratas , nonnisi fasciolas quasdam vestium muliebrium extremitatem circumquaque ambientes , & ad ornatum elaboratas , accipi posse autumo ; una enim zona infra alteram quodam intervallo , & ornatum , & distinctionem vestis quamdam reddit ; ita vero , ut duæ tunicæ instar duarum dalmaticarum esse videantur ; nam dalmatica in extremitate pro ornatu habet limbum quemdam , quo fasciola sive zona ipsa , de qua est sermo apud Johannem Diaconum , est paulo latior , ut ipsemet affirmat . Huc spectare videtur illud , quod Isidorus lib. 19. cap. 22. Etimolog. de nominibus vestium scribens , de segmentis ait : *Segmenta zonis quibusdam , & quasi præcisamentis ornata : nam particulas cujusque materia abscissa præsegmina vocant* . Hæc Isidorus .

(m) Silvia mitram matronalem candentis brandei raritate nublata in capite gestasse ( teste Johanne Diacono ) legitur . Mitra utebantur matronæ , ut innuit Varro lib. 4. de lingua Latina . Isidorus lib. 19. cap. 31. ait : *Mitra est pileum Phrygium , caput protegens , quale est ornamentum devotarum : sed pileum virorum est , mitra autem feminarum* . Quod autem mitra sit tegmen quoddam ad ornatum capitis muliebrem , ex Isaïæ cap. 3. constat : quin mitra viris probrosa erat , ut ex Luciano , Virgilio 4. & 9. Æneigi & aliis , colligi potest .

Mitra igitur matronalis , ut alias mitræ formas & significationes posthabeam , erat quoddam capitis ornamentum mulibre ; sed varias , & matronarum , & adolescentularum , aut virginum mitras apud varias nationes fuisse opinor . Apud Phryges mitra fovebatur pro muliebri ad ornatum capitis adolescentularum corona , ex qua pendebant fasciolarum , quæ phylla dicebantur , quod foliorum instar dependerent . Hinc Virgil. lib. 9. Æneid. ait :

*Et tunica manicæ , & habent redimicula mitra*

De mitra virginali sermonem habet Optatus Episcopus Milevitanus lib. 6. adversus Parmenianum .

Judith Hebræa in sacra Script. lib. de historia ejusdem cap. 9. mitram pro ornatu capitis gestasse legitur : quam scilicet mitram Lyranus cucufam appellat muliebrem ; hoc est ut ego interpretor , calanticam , capitis videlicet ornatum muliebrem ; nostrates autem cussiam appellant . Muliebrem autem capitis ornamentum ( ut dixi ) varium fuit . Turcæ hodie , & aliæ nationes Orientales pileis turbinatis ex linteo velamine , vel ex tela serica contextis utuntur : eundemque fere in modum Turcarum femine , ut in Chronicis Turcicis 3. part. cap. 3. & 4. legitur pileis turbinatis & acuminatis caput ornare solent . Hujus generis fere ornamento , pileo scilicet turbinato quod mitra appellabatur , matronæ olim Romanæ utebantur , ut innuit Varro libro quarto de lingua Latina . Quæ sane res comprobatur ex statuis antiquarum matronarum marmoreis , quæ multis in locis , & præsertim Romæ ad hanc usque diem conspiciuntur . Hujus generis mitram candentis brandei raritate nublata , hoc est ex candente brandeo contextam , Silvia gestasse legitur apud Johannem Diaconum . *Brandeu* , ut colligitur non solum ex Johanne Diacono in hoc loco , & lib. 2. cap. 24. sed etiam ex ipsomet Gregorio Magno l. 3. Epist. 30. erat sudarium album , seu velum lineum , vel sericum , ex quo mitram Silvæ ad ornatum capitis contextam fuisse , dicendum est . Quid autem vox illa *nublata* , proprie sibi velit , invenire non potui : eamque barbaram esse credo , usurpatam hoc loco pro , *distinctam* , vel *nubliatam* , id est nubis instar factam , seu potius ex raritate sive subtilitate candentis , seu candidi linteoli contextam . Vel , *niblata* , est vox ob Librariorum oscitationem corrupta pro , *nimbata* , a nimbo dicta : nimbus enim non solum est pluvia repentina & præceps , sed etiam fasciola transversa ex auro astita in linteio , quod est in fronte feminarum , teste Isidoro lib. 19. Etymologiarum , cap. 31. de capitis feminarum ornamentis . Hac voce , *nimbata* , usus est Plautus in Pœnulo , dicens :

*Quo magis eam aspicio , tanto magis nimbata est , & nuxa mea .*

Lumen item , quod circa Angelorum capita pingitur , ut ibidem Isidorus ait ; nimbus vocatur , licet nimbus sit densitas nubis . Dicit ergo potest mitra candentis brandei raritate nimbata , vel quia mitra

nimbo erat ornata, vel ex candido & raro vel subtili velamine fasciata, sive instar candidæ nubis turbinata. Hæc ad sensum per conjecturam; quid enim vox illa, *niblata*, quæ in omnibus mss. Vaticanis ita legitur, proprie significet, me omnino ignorare fateor, multis ac variis Dictionariis penes me exstantibus, necnon recentioribus & antiquis auctoribus diligenter conquisitis, accurate perlustratis. Ut res sese habeat, mitram illam ad ornatum capitis a matronis olim gestari solitam, ex sudariolo quodam aut velo tenuissimo contextam, sive fasciam, vel turbinatam fuisse mihi persuadeo, & pro comperto habeo, sicut in antiquis simulacris seminarum marmoreis, quæ Romæ & alibi passim cernuntur, videre licet. Huic adsimile videtur esse illud, quod repperit in stola quadam Sacerdotali perantiqua, acu insignita vel variata, & quasi penicillo picta, quæ Romæ in Sacratio Pontificio ad hanc usque diem asservata custoditur. In hac enim stola vetustissima & pulcherrima quidem, inter alias imagines sacras quæ inibi conspiciuntur, exstat B. Mariæ semper Virginis, & Dei Matris imago, hujus generis mitram ad ornatum capitis gestans. Circa vero ejus imaginem hæ notæ Græcæ, MP. ΘΤ: hoc est Μήτηρ Θεῷ id est, Mater Dei, acu insignitæ leguntur. Quæ sane res magnam nobis de mitra illa, ad ornatum capitis muliebrem olim inventa, fidem facit.

Hæc de S. Gregorii Gordiani, ac beatorum Silvæ imaginibus: nunc reliquum est, ut, mitræ partem S. Silvestri, & antiquis summorum Pontificum sandaliis perspectis, ad scholia in B. Gregorii librum Sacramentorum tandem aliquando accedamus.

#### *De mitra sancti Silvestri Papæ.*

Mitra S. Silvestri Papæ partem, sive anteriorem medietatem ære incisam ad reverentiam mitræ Pontificiæ antiquitatem, occasione sese oblata indicandam hoc loco apponere visum est, etiam si B. Gregorii imaginem nudò capite incidendam curarim ob causas initio enarratas. Hanc vero mitræ partem inter sacras reliquias ad S. Martinum in montibus asservatam; ad amissam una cum litteris & imaginibus repræsentare studui, etsi acu satis imperite pictam, pro ut illa ætas ferebat, in qua tam sculpendi quam pingendi artes jamdiu mendis & ineptiis scatentes defloruerant. Quamvis mitræ medietas, quæ ad S. Martinum in mon-

tibus asservatur, & quantum ad latitudinem & altitudinem major sit, ipsam tamen in eam quantitatem incidendam curavi, ut in eadem paginæ facie mitra cum calceis in eam item parvitatem contractis comprehenderetur. Mitra vero coloris viridis holoserica, non villosa, Phrygiana est, ut suo loco explicavi, dum de mitra summorum Pontificum sermonem habui.

#### *De sancti Silvestri primi, sancti Martini primi, & Honorii primi summorum Pontificum sandaliis sive calceis.*

Calceus, quem S. Silvester gestabat, viridis etiam coloris, holosericus non villosus, quibusdam operibus ex serico & auro contextis ornatus, ad S. Martinum in montibus inter easdem reliquias asservatur. Hujus generis calceum, quem Græci *συνδάνιον* vocant, quamvis ab eo quo in functionibus Ecclesiasticis ad Pontificiam majestatem referendam B. Silvester uti forsitan solebat, differre credam; eum tamen sine cruce omnino esse inficiis ire non audeo, dum nodos super sandalium confectos diligenter spectro ac perpendo: nodi namque ipsi per aliquot linearum implexionem sive involucra, ornatum præstant, pluresque cruces efficiunt & comprehendunt.

Calceus item, quem S. Martinus gestabat, eodem in loco nuper commemorato asservatur; in cujus acumine tegumentum exstat coriaceum, cæruleo colore imbutum, & quibusdam etiam operibus ex serico & auro contextis ornatum. Hic calceus instar sandalii Honorii primi fuisse cernitur, tegumento calcaei, & ligulis astrictioris ob vetustatem carens: in calcei acumine ornatus ille formam Græci characteris hujusce Χ & vel litteræ Servianæ quodammodo referens; quamdam crucis imaginem, transversalem tamen repræsentare videtur. Hinc non desunt qui per hæc litteras, crucem satis belle repræsentari posse scribant. Hæc duo sandalia quamvis explicatam crucem non habeant, ea tamen, ob rationes alibi enarratas, ære incidenda & hoc loco apponenda curavi.

Calceus Honorii postremo loco repræsentatus ad absidem S. Agnetis via Nomentana ab eodem Honorio opere musivo exornatam, pictus exstare cernitur, ut fusius ostendi dum de caligis sive calceis Gordiani, summorumque Pontificum sandaliis cruce insignitis verba feci. Ad absidem namque ipsam circa annum Domini DC. XXIV. constructam Honorius pri-



mus hujus generis sandaliis alba cruce  
satis conspicua decoratis calceatus cer-  
nitur. Hinc calceum ipsum & ad vetu-  
stum super sandaliis crucem gestandi ri-  
tum indicandum & ad antiquam sanda-  
liorum formam ob oculos positam facile  
explicandam hoc loco repræsentandum  
censui: antiquiora enim sandalia etsi so-  
leam tantum & ligulas habebant atri-  
ctorias, ut loco superius citato satis di-  
ctum esse reor; omnes tamen fere Pon-  
tifices qui in multis antiquis picti re-  
præsentantur, juxta calcei Honorii pri-

mi formam sandalia gestare conspiciun-  
tur. De solea vero S. Petri B. Bonaven-  
tura mentionem facit: eamque ad suum  
usque tempus Romæ asservatam fuisse  
testatur, Tom. 4. part. 4. in illo de san-  
ctorum Apostolorum sandaliis opusculo,  
in quo multis Scripturæ sacre locis san-  
ctorumque Patrum testimoniis in me-  
dium allatis & explicatis, doctissime, ut  
omnia explanat, & eruditissime docet,  
quomodo & quando Salvator noster Chri-  
stus Apostoli ac discipuli ejus incesse-  
rint discalceati.


PARS MITRÆ

S. SILVESTRI PAPÆ I.




CALCEUS S. MARTINI I. PAPÆ ET MART.

CALCEUS S. SILVESTRI PAPÆ I.



CALCEUS HONORII PAPÆ I.



D E  
TABULIS DONARIORUM  
M A R M O R E I S

Romæ a beato Gregorio Magno sanctis Apostolis Petro &  
Paulo dicatis.

**T**ABULAS. Donariorum marmoreas sanctis Apostolis Petro & Paulo a beato Gregorio Magno dicatas pro luminaribus, ut ipse ait, concinendis, & in porticu sancti Petri affixas, hoc in loco apponendas censui, ut ea, quæ de vetusto scribendi modo in scholiis, & præsertim in scholio illo 241. 242. dixi, corroborarentur. Quoniam vero donationem aliam beato Paulo ab eodem Gregorio sancto pro luminaribus item concinendis lapide incisam, & in porticu olim sancti Pauli ad parietem Ecclesiæ affixam, nunc autem paucis abhinc diebus ante majus altare translatam prope alteram ex duabus columnis, quæ primum fulciunt arcum, a dextera parte collocatam, necnon in ejusdem beati Greg. Registr. lib. 12. ep. 19. conscriptam inveni; ad ipsius Sancti & Christianam & Apostolicam pietatem splendide representandam ac perpetuo conservandam, hoc etiam loco imprimendam indicavi. Rerum namque gestarum monumenta, ut ratio ipsa suadet, & experientia docet, facilius per typographicam, quam per sculptoriam artem ab interitu vindicari queunt. Tabulæ primo loco positæ, & ad porticum sancti Petri affixæ, duarum Tabularum frustra videntur, sicut diversæ lapidum formæ necnon mutili Donariorum fines præ se ferunt.

De Tabulis Donariorum marmoreis in porticu sancti Petri ad parietem Ecclesiæ affixis Maphæus Vegius in libello de præstantia basilicæ sancti Petri loquitur in hanc verborum formam: *Beatus Gregorius ad instruenda abundantius basilica sancti Petri luminaria, multa prædia, multaque præsertim oliveta illi donavit, sicut constat ex publico documento inscripto Tabulis marmoreis: quæ cum primo septem essent, dua tantum adhuc affixæ sunt muro ante ingressum basilicæ.* Hæc Maphæus Vegius dicto in bello, qui in bi-


bliotheca basilicæ sancti Petri asservatur.

Ego interea Lectorem moneo, omnem vel etiam futilem hisce in Tabulis describendis, & imprimendis industriam fuisse adhibitam, ut vetusta scribendi consuetudo ad amissim, vel, ut rectius dicam, ad minimum usque apicem representaretur, spatiis tantum exceptis; quæ quamvis in inscriptionibus lapide incisis inter singulas quasque voces desiderentur; ea tamen in hisce impressis apponenda curavi, ut lectio facilior reddatur. In nonnullis item vocibus contractis puncta non exstant, & minuscule elementa majusculis admixta interdum cernuntur.

Voces denique obsoletas, quæ priscam illam veterum Scriptorum ætate sapiunt, etiam prout jacent, reliquimus; easque lapidarum mendis carere lectorem monitum volo; littera enim pro littera nonnunquam a veteribus usurpata invenitur, ut *Inmutilata* pro immutilata; *Inmeritum* pro inmeritum, *Impendi* pro impendi; *Ser* pro sed; *Adquisita* pro acquisita; *Assignatis* pro assignatis; *Intro* pro intra, id est, adverbium loco præpositionis; *Super* pro supra, hoc est, præpositio pro adverbio; *Posthoc* pro posthac: nam post hoc, quasi post hoc tempus dicitur, cujus significationem habet adverbium, *posthac*; *Adfines* agrorum, pro affines & confines; *Adicientes* pro adjicientes; *Exsistere* pro exsistere; *Hortus* in accusandi calu, pro hortos; *Detenebantur* pro detinebantur; *Consolatus* pro Consulatus. Hujus generis exempla majori ex parte in orthographia Aldina, & in aliis inscriptionibus, quas ad millia sexaginta, & eo amplius descriptas penes se habere Aldus junior affirmare solebat, antiquitus usurpata leguntur, quæ brevitatæ gratia silentio prætermittenda censui: sat enim est hanc in re citasse inscriptiones veterum Latinorum ab Aldo de-



# TABULA MARMOREA AD BASILICAM S. PAULI PARIETI AFFIXA.

GREGORIUS EIPSC. SERVVS SERVORVM DI  FELICI SVBDIAC. ET RECTORI PATRIMONII APPIÆ  
LICET OMNIA QVÆ HÆC APOSTOLICA HABET ECCLESIA BEATORVM PETRI AC PAVLI QVORVM HONORE ET BENEFICHS ADQVISITA SVNT  
DO SINT AVCTORE COMMVNIA. ESSE TAMEN DEBET IN AMMINISTRATIONE ACTIONVM DIVERSITAS PERSONARVM VT IN ADSIGNATIS CVIQUE  
REBVS CVRA ADHIBERI POSSIT IMPENSOR. CVM IGITVR PRO ECCLESIA BEATI PAVLI APOSTOLI SOLLICITVDO NOS DEBITA COMMONE  
RET NE MINVS ILLIC HABERE LVMINARIA ISDEM PRÆCO FIDEI CERNERETVR QVI TOTVM MVNDVM LVGINE PRÆICATIONIS IMPLEVIT ET VAL  
DE INCONGRVVM AC ESSE DVRISSIMVM VIDERETVR VT ILLA EI SPECALITER POSSESIO NON SERVIRET IN QVA PALMAM SVMENS MARTY  
RII CAPITE EST TRVNCATVS VT VIVERET VTILE IVDICAVIMVS EANDEM MASSAM QVÆ AQVAS SALVIAS NVNCVPATVR CVM OMNIBVS  
FVNDIS SVIS ID EST. CELLA VINARIA. ANTONIANO. VILLA PERTVSA BIFVRCO. PRIMINIANO. CASSIANO. SILONIS. CORNELI  
TESSELLATA. ATQVE CORNELIANO CVM OMNI IVRE INSTRVCTO INSTRVMENTOQVE SVO ET OMNIBVS GENERALITER AD EAM  
PERTINENTIBVS CVM XPI GRATIA LVMINARIBVS DEPVARE ADIICIENTES ETIAM EIDEM CESSIONI HORTOS DVO PO  
SITOS INTER TIBERIM ET PORTICVS IPSIVS ECCLESIAE EVNTIBVS A PORTA CIVITATIS PARTE DEXTRA QVOS DIVIDIT FLVIVS  
ALMON INTER ADFINES HORTI MONASTERII SCI STEPHANI QVOD EST ANCILLARVM DI POSITVM AD SCM PAVLVM ET AD  
FINES POSSESSIONIS PISINIAN SIMVL ET TERRVLAS QVÆ VOCANTVR FOSSA LATRONIS POSITAS. IDEM IVXTA EAN  
DEM PORTICVM EVNTIBVS SIMILITER A PORTA PARTE SINISTRA VBI NVNC VINEÆ FACTÆ SVNT QVÆ TERRVLÆ CO  
HÆRENT AB VNO LATERE. POSSESSIONI EVGENITIS QVÆ SCOLASTICI ET AB ALIA PARTE POSSESSIONI MONAST. SCI ARISTI QVÆ  
OMNIA QVONIAM DO ADIVVANTE PER ANTEDICTÆ ECCLESIAE PRÆPOSITOS QVI PER TEMPORA FVERINT A PRÆSENTI SEP  
TIMA INDICIONE VOLVMS ORDINARI ET QVIDQVID EXINDE ACCESSERIT LVMINARIBVS EIVS IMPENDI ATQVE IPSOS EXIN  
DE PONERE RATIONES IDCIRCO EXPERIENTIÆ TVÆ PRÆCIPIMVS VT SVPRASCRIPITAM MASSAM AQVAS SALVIAS CVM PRÆ  
NOMINATIS OMNIBVS FVNDIS SVIS NECNON HORTVS ATQVE TERRVLAS QVÆ SVPERIVS CONTINENTVR DE BREVIBVS SVIS DELERE DEBE  
AT AC AVFFERRE ET CYNCTA AD NOMEN PRÆDICTÆ ECCLESIAE BEATI PAVLI APOSTOLI TRADERE QVATENVS SERVIENTES SIBI PRÆPOSITI  
OMNI POST HOC CARENTES EXCVSATIONE DE LVMINARIBVS EIVS ITA SINE NOSTRA STVDEANT SOLLICITVDINE COGITARE VT NVLLVS IL  
LIC VMQVAM NEGLECTVS POSSIT EXISTERE FACTA VERO SVPRASCRIPITARVM OMNIUM RERV TRADITIONE VOLVMS VT HOC PRÆ  
CEPTVM IN SCRINIO ECCLESIAE NOSTRÆ EXPERIENTIA TVA RESTITVAT. BENE VALE

DAT. VIII. KAL. FEBRVARIAS IMP. DN N FHOCA PP. AVG. ANNO SECVNDO ET CONSVLATVS EIVS ANNO PRIMO IND. SEPTIMA.

# TABULA MARMOREA AD PORTICUM S. PETRI PARIETI AFFIXA.

✠ DOMINIS SCIS AC BEATISSIMO PETRO ET PAVLO APOSTOLORVM PRINCIPIBVS ✠ GREGORIVS INDIGNVS SERVVS ✠  
 QVOTIENS LAVDI VESTRAE VSIBVS SERVITVRA QVEDAM LICET PARBA CONQVIRIMVS VESTRA VOBIS REDDIMVS NON NOSTRA LARGIMVR  
 VT HÆC AGENTES NON SIMVS ELATI DE MVNERE SET DE SOLVTIONE SECVRI ✠ NAM QVID VNQVAM SINE VOBIS NOSTRVN EST ✠  
 QVI NON POSSVMVS ACCEPTA REDDERE ✠ NISI QUIA PER VOI ITERVM ET IPSVM HOC VT REDDEREMVS ACCEPIMVS ✠ VNDE EGO VESTER  
 SERVVS REDVCENS AD ANIMVM MVLTVM ME VOBIS BEATI APOSTOLI PETRE ET PAVLE ESSE DEVITOREM PROPTER QVOD AB VVERIBVS  
 MATRIS MEÆ DIVINÆ POTENTIÆ GRATIA PROTEGENTI INTRO GREMIUM ECCLESIAE VESTRAE ALVISTIS ET AD INCREMENTVM  
 PER SINGVLOS GRADVS VSQVE AD SVMMVM APICEM SACERDOTII LICET IMMERITVM PRODVCERE ESTIS DIGNATI ✠ IDEOQVE  
 HOC PRIVILEGIH MVNVSCVLVM HVMLI INTERIM OFFERE DEVOTIONE PRÆVIDI ✠ STATVO ENIM ET A MEIS SVCCESSORIBVS  
 SERVANDVM SINE ALIQA REFRAGATIONE CONSTITVO ✠ VT LOCA VEL PRÆDIA CUM OLIBETIS QVI INFERIVS DESCRIBVNTVR  
 QVOS PRO CONCINNATIONE LVMINARIORVM VESTRORVM A DIVERSIS QVIBVS DETENEbantVR RECOLLIGENS VESTRA VOBIS DICAVI  
 Forte per IMMVTILATA PREMANERE ID EST IN PATRIMONIO APLÆ MASS VICTORIO LAS OLIBETV IN FVND. RVMELLIANO IN INTEGRO  
 OLIBETV. IN FVND OCTABIANO IN INTEGRO MASS TRABATIANA OLIBET. IN FVND BVRREIANO VT SP OLIBET IN FVND APIANO VT  
 SP

OLIBETV IN FVND. IVLIANO IN INTEGRO OLIBET. IN FVND. VIVIANO VT SVP. OLIBET. IN FVND. CATTIA...  
 OLIBET. IN FVND. SOLIFICIANO. VT SP. OLIBET. IN FVND. PALMIS VT SVP. OLIBET IN FVND. SAGARIS. V...  
 OLIBET. IN FVND. MARANO VT SVP. OLIBET. IN FVND. IVLIANO VT SP. OLIBET IN FVND. SATVRRIANO. VT SP.  
 OLIBET. IN FVND. CANIANO ET CARBONARIA VT SVP. MASS. CESARIANA OLIBET. IN FVND. FLORAN<sup>o</sup> VT  
 OLIBET. IN FVND. PRISCIANO ET GRASSIANO VT SVP. OLIBET IN FVND. PASCVRANO VT SP. OLIBET. IN FVND  
 VARINIANO VT SVP. OLIBET IN FVND. CESARIANO. VT SP. MASS. PONTIANA OLIBET IN FVND. PONTIANO VT SP.  
 OLIBET. IN FVND. CASAROMANIANA VT SP. OLIBET. IN FVND. TATTIANO VT SP. OLIBET. IN FVND. CASAFLOLANA VT SP.  
 MASS. STEIANA OLIBET. IN FVND. BERRANO VT SP. OLIBET. IN FVND. CACLANO VT SP. OLIBET IN FVND. PONTIAN<sup>o</sup> VT  
 OLIBET. IN FVND. AQVILIANO VT SP. OLIBET. IN FVND STEIANO VT SP. OLIBET. IN FVND. CASSIS VT SP. MASS. TERTIANA  
 OLIBET. IN FVND. CAMMELIANO ET FVND. TORTILLIANO VT SP. OLIBET IN FVND. CASACVCLV<sup>o</sup> VT SP. MASS. NEVIANA  
 OLIBET. IN FVND. ARCIPIANO VT SP. OLIBET. IN FVND. CORELLIANO VT SP. OLIBET. IN FVND. VRSANO VT SVPER ✠  
 IN PATRIMONIO LABICANENS MASS. ALGISIA OLIBET QVI EST AD TVFV IVXTA ANAGNIAS IN INTEGRO ✠  
 OLIBET QVI EST IN SIBVLA ET MODICAS TALIAS CALAGEMVLVM AG MILIT. OLIBET. IN APLINEAS IN INTEGRO ✠  
 OLIBET. QVI EST IN CLAVINIANO OLIBET. QVEM TENET FRANCVLYS COLONY IN FVND. ORDINIANO IN INTEGRO ✠



descriptas. Ipse enim abstrusa omnia antiquitatum in Latine scribendo monumenta adeo accurate observavit, ut neminem in hoc genere parem habuerit. Non desunt etiam Scriptores, qui dictas voces apud antiquos in usu frequenti fuisse dicant: quos brevitatis causa omitto.

Illam item B. Greg. ætas, littera B, pro V; & V, pro B, uti non raro solebat, ut infra videre est in Tabula ex duabus prima, in qua legitur, *Parba* pro Parva; *Olibetum* pro Olivetum; *Silbula* pro Silvula; *Ostabiano* pro Octaviano; *Deviozem* pro Debitorem; & *Uveribus* pro Uberibus. Hunc vetustum scribendi usum in scholio nostro 246. satis diffuse explicavimus, ut idem scholium, in quo nonnulla scitu fortasse digna enarrantur, huic etiam Tabulæ deserviret. Alia item haud omnino contemnenda ad hujus generis scribendi pronuntiantique usum spectantia in Commentario nostro bibliothecæ Vaticanæ anno 1591. impresso, pag. 153. & 297. docuimus.

Lectorem item moneo, in Olivetorum recensione legi semper *Olibetum* in accusandi casu per vocem hoc modo contrariam, *Olibet* & cum puncto, & sine ipso; vel *Olibetu*: modo etiam cum puncto, modo absque ipso. Quod autem accusandi casus sine littera, *m*, fuerit in usu apud veteres Latinos illos, qui ætate beati Gregorii exstabant, id nobis persuadent multæ antiquorum inscriptiones lapide incisæ, quarum etiam exempla, brevitati consulens, omitto.

Illud interea subticendum non videtur; cur scilicet Olivetum, quod est generis neutrius, in hac inscriptione masculini semper generis esse inveniatur: id quod factum puto per figuram synthesim, quæ discordat cum voce, & cum suo concordat significato, ut est illud Virg. 8. *Æn. Præneste sub ipsa*, teste Aldo seniori; & *Camerino sub ipsa*. i. Civitate: nam Præneste, & Camerinum sunt generis neutrius. Per hanc item figuram, synthesim, dicitur: Liliū est albiſſimus florum. i. flos albiſſimus omnium florum; ita etiam Olivetum, quod est locus, sive ager, in quo oleæ confitæ sunt, discordat cum voce, & concordat cum significato, si referatur ad locum, sive ad agrum.

In secunda Tabula, quæ infra cernitur, legitur *isdem* in recto pro idem. Hanc vocem *isdem*, in nominativo singulari pro *idem*, non solum Eucherius bis in 2. lib. in Gen. & bis in lib. Regum usurpavit, sed Ennius etiam auctor per-

antiquus in nominativo singulari, & in ablativo plurali, ut refert Cicero in lib. de Oratore, usus est eadem voce, *isdem*, dicens:

*Isdem campus habet, ( inquit Ennius ) &c.*

*In templis isdem, probavit : &c.*

In templis *isdem* pro *iisdem*; dixit Ennius. Hinc Cicero in loco ait *Isdem* dici & in nominativo singulari, & in ablativo plurali, & utrumque usurpatum fuisse ab Ennio: nam vox *Isdem* derivatur ab *is*, *ea*, *id*, & demum, Auctore Prisciano lib. 12. cap. de figura. Hinc, si non *Isdem*, sed *idem* campus legere- tur, ut nunc profecto legitur, sed corrupte quidem; Ciceronis de hac voce disputatio vana esset. Ennius etiam quamvis in nominativo singulari dixerit, *Isdem*, non *Idem campus*, in ablativo plurali etiam dixit *in templis isdem*, pro *iisdem*, & uti maluit eadem voce in secundo loco, alterum *i*, abiciens ut malum sonum vitaret, quam pro *iisdem*, vocem *eisdem* usurparet, quæ sane vox (ut ait Cicero) erat opimior, quam scilicet ferebat Ennii ætas, quæ nimirum vetustatem sapiebat. *Isdem* itaque voce, primo Ennii loco *idem*, reposita, Ciceronis locus emendatur.

*Duo* etiam pro duos, ut *Hortos duo possites*. Quem locum in secunda Tabula mendosum esse credidissim, nisi locum Charisii legissem scribentis, *Duo* pro duos, & *Ambo* pro ambos juxta analogiam, & declinationem Græcam recte dici. Ait enim Charisius lib. 1. Nonnulli, Græcos sequuti, quia illi, *τοὺς δύο* & *τοὺς ἀμφο* dicunt, *hos duo*, & *hos ambo* dixerunt. *Ambo* pro *ambos* apud Virg. Ecl. 6.

———— (nam sæpe senex spe carminis *ambo*

*Luserat.*) ———

Ita legendum ex Charisio, necnon ex codice mss. vetustissimo & insigniori, characteribus majusculis conscripto, qui in bibliotheca Vaticana asservatur. Idem Virg. in lib. 4. Georgicorum:

*Verum ubi ductores acie revocaveris ambo.*

Ita Virg. locus ex Charisio emendandus. In codic. Vaticano insigni versus hic non exstat, quia in hoc lib. 4. Georg. aliquot paginæ desiderantur: Afranius in Panta- leo:

*Revocas nos ambo ad prælium.*

Idem Virg. lib. 12. *Æneid.*

*Hunc congressus, & hunc; illum eminus, em nus ambo.*

Ita legitur in codice mss. vetustissimo, & infi-

insigniori Vaticano. Terentius in Andria Act. 2. sc. 2. *Ambo opportune vos volo*, ita legendum ex Charisio: alii enim legunt; *Ambo opportune: vos volo*.

*Duo pro duos recte scribi*, ait Charisius lib. 1. Attius in Epinausimache:

*Martes armis duo congressos crederes*. Ita legendum ex Charisio. Terentius in Adelphis, Act. 5. sc. 3.

*Tu illos duo pro re olim tollebas tua*. Ubi Helenius Acron, *duo pro duos*. Ita legitur in codice ms. vetustissimo, & insigniori Vaticano. Ita etiam legitur in Terentio a Gabriele Faerno; & ita Terentii locus ex Charisio est emendandus. Cicero in Verrum lib. 1. Act. 2.

*Horum Pater abhinc duo & xx. annos est mortuus*.

Sic legebatur, & ita legi debet. Idem ad Atticum lib. 4. Ep. ult.

*Duo consulares, qui te dicerent*.

Sic legendum. Idem ad Q. Fr. lib. 1. epist. 2.

*Duo Mysos*.

Ita legendum, & ita emendavit Paulus Manutius ex lib. Bessarionis: Idem lib. Famil. 3. Ep. 4.

*Duo enim duarum atatum plurimi facio, Cn. Pompejum filia socerum, & M. Brutum generum tuum*.

Idem lib. 7. Ep. 25.

*Prater duo nos, loquitur isto modo nemo*:

Ita legitur, & ita legi debet. Idem lib. eod. Ep. 29.

*Duo parietes de eadem fidelia dealbare*.

Idem de Amicitia:

*Ut omnis caritas sive inter duo, aut inter paucos jungeretur*.

Salustius historiarum lib. 4. in Epist. Mithridatis:

*Inter me atque Lucullum, prope inopia rursus ambo incescit*. Virg. Ecl. 5.

*Cratæque duo statuam tibi*.

Ita legit Pierius ad sibilum evitandum: & ita legitur in codice ms. vetustissimo, & insigniori Vaticano. Idem lib. 11. Æneidos:

*Si duo præterea tales Idæa tulisset*

*Terra viros* ———

Ita legitur in codice ms. vetustissimo, & insigniori Vaticano, nec aliter legi potest, quia utraque syllaba in voce, *Duo*, est brevis; & in primo loco est dactylus, in quo prima syllaba longa est, duabus sequentibus brevibus.

Priscianus lib. 7. ait: Oportet scire quidem analogiæ rationem, usum tamen Auctorum magis æmulari. *Duo* præterea, & *Ambo* accusativos, secundum hanc declinationem proferunt, *Ambo*, & *Duos*. C. Julius Romanus in libello de Analogia rectam ponit esse declinationem:

*Hos duos*.

*Duo* igitur pro duos, & *Ambo* pro ambo recte scribi ex Charisio, & aliis probatissimis Auctoribus fatendum, affirmandumque est.

Quod autem ad orthographiam attinet, duæ voces in prima Tabula absque diphthongo leguntur, quarum prima est dictio, *Quadam*; altera vero, *Cesariano*: In secunda vero Tabula legitur *Fhoca*, pro Phoca. Quas sane voces lapicidarum mendis carere non puto.

Massa hisce in Tabulis non eo sensu, quo dicitur massa auri, & argenti, atque id genus alia; sed pro fundo sive villa, quam vulgo dicunt possessionem, usurpatur. Unde Massarius, cui totius villæ cura commissa est, nuncupatur, ut placet Huguitioni. Hinc nonnullis in locis rustica possessio, pro villa sive fundo sumta, Massaria vocitari solet.

Hæc de glossematibus, sive vocibus veterum Latinorum abstrusis in utraque Donariorum Tabula conscriptis: de quibus Lectorem monitum volui, ut ne quis voces obsoletas per Typographorum incuriam impressas fuisse opinetur, necve quis omnes illas lapicidarum menda esse suspicetur.

Ea Donariorum Tabula, quæ nunc ad basilicam sancti Pauli exstat, legitur etiam in registro beati Gregorii lib. 12. Epist. 19. sed in Epistola, quæ Registro inserta est, nonnulla desiderantur: nam in salutatione epistolari desunt hæc verba, quæ in Tabula marmorea exstant: *Episcopus servus servorum Dei*. Ad finem vero Epistolæ verba hæc: *Bene vale. Dat. viij. Kal. Febr. Imp. Domino N. Phoca PP. Aug. Anno secundo, & Consolatus ejus anno primo, ind. septima*. Hæc in Tabula marmorea.

Nonnullæ item voces, ut, *in foro*, pro quo in Tabula legitur *Bisulco*. *Hortos duos*, pro hortos duo positos, id est, pro *ibidem*; *similiter parte sinistra ad portam*, pro *similiter a porta, parte sinistra*; Eugen-



*Eugentis, pro Eugentis: Possessionibus monasterii sancti Edistii, pro possessioni monasterii sancti Aristi; Hortos pro hortus; deleri facias ac auferri, pro delere debeat ac auferre.*

His de rebus Lectorem item monitum volui, ut si quis Tabulam marmoream cum epistola Registro inserta conferret, hanc collationem in Registro imprimendo factam non fuisse sciat: propterea quod dum Registrum typis mandaretur, Tabula illa, nondum in ecclesiam translata, in porticu sancti Pauli, ad parietem affixa erat in editissimo loco sita, hinc perpaucis & fere nemini nota: quia vix aliquid de ea legi poterat. Ego vero dum scholia, & alia in beatum Gregorium a me elaborata in lucem edenda curarem, aliud agens, incidi in Panvinium, qui totam hanc Tabulam in libello de septem Urbis ecclesiis scriptam reliquit, dum de basilica sancti Petri sermonem haberet.

Quare omni adhibita diligentia, & industria, eam quærendo inveni, inventamque ex marmore fideliter decerpsi, decerptamque denique atque impressam, ob rationes initio assignatas hoc loco apponere libuit.

Reliquum est paucis explicemus cur beatus Gregorius Magnus folis pro luminaribus, seu lampadibus in honorem sanctorum Apostolorum Petri & Pauli accendendis, tot fundos & prædia, sive tot possessiones, totque denique oliveta eorumdem Sanctorum basilicis dedicavit, ac destinavit: nam ex tot tantisque prædiorum, & olivetorum præsertim redditibus, nonnisi ingentem lampadum numerum dictis in ecclesiis adhibitum olim fuisse, colligere possumus. Id quod planum cuique profecto fit, si Vitæ summorum Pontificum ab Anastasio Bibliothecario, & a Platina, necnon Historiæ sacræ a Petro Mallio conscriptæ legantur. Nam post Silvestrum Papam, Cælestinus, Hilarius, Simplicius, Symmachus & post Gregorium Magnum Sabinianus, ejus successor, deinde Honorius, Agatho, Gregorius II. Zacharias & alii varia candelaborum genera argentea, variis nominibus nuncupata (hoc est coronæ, phara, canthara, cerostata & rhetia) multasque auri & argenti libras pro lampadibus basilicæ sancti Petri Romæ dono dederunt. Idem fecit Constantinus Magnus Imperator, deinde Theodoricus Rex sub Hormisda, Belisariusque sub Vigilio, qui magni præ-

*Tom. XVI.*

tii varia candelaborum genera, multasque auri & argenti pondo, Imperatoris ac Regiæ opulentis ac liberalitati consentanea, Ecclesiæ sancti Petri atque item beati Pauli obtulerunt. Panvinus de rebus antiquis memorabilibus & præstantia basilicæ sancti Petri lib. 5. in ejusdem ecclesiæ bibliotheca asservato, ait: *Mathilda sanctitate celebris, tanti basilicam sancti Petri fecit, ut quo luminaribus adhibitis magis decoraretur, tamquam debitam ei dotem donavit patrimonium suum, id est, Liguria & Herruria præcipuas partes cum omnibus oppidis ac eorumdem juribus.* Hæc Panvinus. Platina in ipsa Pausanias II. vita, inquit hunc in modum: *Hoc tempore Mathilda Comitissa, admodum senio confecta, moriens, Romana Ecclesia ex testamento reliquit quidquid a Pissa amne, & sancto Quirico agri Senensis usque ad Cæseranum inter Appenninum & mare pertinet, addita Ferraria, quæ adhuc Romana Ecclesia vestigialis est.* Hæc Platina. Sed Ferraria longe prius sub Ecclesiæ ditione fuit, hoc est mille abhinc fere annis, tempore videlicet Vitaliani, ut in Chronicis Peregrini Prisciani, & Gasparis Sardi videre licet, deinde tempore Pipini, Karoli Magni, Ludovici I. Henrici I. & Othonis I. ante Mathildam, ut ex eorumdem, cæterorumque post Mathildam Imperatorum privilegiis, quæ in Archivo Castri sancti Angeli custodiuntur, constat. De hac item Donatione, Donationisque confirmatione a Comitissa Mathilda tempore Gregorii VII. & Paschalis II. præstita anno m. c. ii. authentica non desunt momenta scriptis mandata, quæ in omnibus S. R. E. archivis asservantur. Postquam autem in sermonem de Ferraria non consulto, sed re id mihi subministrante incidi, breviter & quasi præteriens, dicam quod de ipsa Ferraria accidit dum hæc de sanctorum Apostolorum Petri & Pauli lampadibus typis mandarem. Superiori namque anno Domini m. d. xcvi. die 27. Octobris, Alphonso Eltense hujus nominis II. & ultimo Ferrariæ Duce sine filiis ac descendantibus mortuo, sanctiss. D. N. CLEMENS VIII. Pastor Ecclesiæ vigilantissimus, & patrimonii sancti Petri defensor acerrimus, & indefessus, ubi primum accepit Ferrariæ Ducatum in feudum olim a Romanis Pontificibus prædecessoribus suis concessum, ad Romanam Ecclesiam ob lineam dicti Alphonsi finitam fuisse devolutum, nulla penitus cunctatione interposita, cum universo S. R. E. Cardinalium Collegio de illius recuperatione graviter ac sapienter egit, dictam

*E e recu.*

recuperationem iisdem quoque Cardinalibus instanter postulantibus. Quare sanctiss. D. N. in decreto, ac de re pronuntiando, humanis posthabitis rationibus, totam Ferrariæ ditionem Christo Domino Salvatori nostro, necnon gloriosæ ac semper Virgini Dei Genitrici Mariæ, sanctisque apostolis Petro & Paulo constanti animo miroque pietatis ardore addixit, & consecravit. Juris itaque ac Canonum ordine servato, stricto tandem utroque gladio, Petroque sancti Nicolai in carcere Diacono Cardinali Aldobrandino ejusdem CLEMENTIS nepote, ad res sane præclaras & arduas pro Romana Ecclesia celeriter ac feliciter perficiendas nato, ad Ducatum Ferrariæ recuperandum cum militaribus copiis missus, Cæsar Estensis nullo militum expectato congressu, eundem Ferrariæ ducatum antiquo ac legitimo S. R. E. dominio, anno hoc ipso M. D. XCVIII. die 12. Januarii restituere, inita conventionescriptis mandata, promissit: reque ipsa ejusdem vigesima nona mensis die, hoc est pridie diei sancto Hippolyto consecratæ, in qua ipse CLEMENTIS, antea Hippolyti nuncupati, Pontificatus natalis celebratur, libere ac pacifice, non humano tantum, sed expresso divinæ opis præsidio, restituit, Ferraria gaudio gestiente, tota urbe Roma exultante, Deoque ingentes gratias agente, universaque Italia admirante. Hactenus de Ferraria. Nunc ad nostrum de lampadibus in honorem sanctorum Apostolorum Petri & Pauli olim accendi solitis insti-

tutum revertamur. Nam Petrus Mallius in libro de Historia basilicæ sancti Petri, ut in bibliotheca Vaticana videre est, post varia donorum ac redituum genera basilicæ sancti Petri pro lampadibus accendendis enumerata, de luminaribus dicta in Ecclesia perpetuo accensis loquens; cl. lampades diu nosque, in Stationibus autem ccl. sua tempestate in basilica sancti Petri arsisse testatur, variaque lampadum & candelabrorum genera & nomina, atque item loca omnia, in quibus candelabra suspendebantur, recenset, Stationibus quibuscumque totius anni enarratis. Accendebatur etiam candelabrum, quod tot habebat lampades, quot dies anni sunt, hoc est ccc. lxxv. Immo, ut Anastasius Bibliothecarius in Hadriano primo ait: Hadrianus ipse basilicæ sancti Petri dono dedit candelabrum, crucis formam representans, M. CCCLXX. candelis vel lampadibus insignitum, quod ante Presbyterium pendens, quatuor anni vicibus, die scilicet Natalis Domini, in Pascha, in Natali sanctorum Apostolorum Petri & Pauli, & in Romani Pontificis electione, quæ singulo quoque anno, ipso vivente, celebratur, accendi solebat M. CCC. LXX. lampades ante Presbyterium accendi solebant. Idem fere legitur de basilica sancti Pauli. Cum itaque in basilicis sanctorum Apostolorum Petri & Pauli tot lampades perpetuo arderent; mirum nemini videri debet, si tot prædia, totque oliveta dictis basilicis fuerint dedicata, ac destinata.



EPISTOLA  
AD MONACHOS  
BENEDICTINOS  
CONGREGATIONIS PARISIENSIS  
SANCTI MAURI

S U P E R

QUIBUS DAM PARUM CONSONIS;  
*prætermiſſis, atque improbabilibus in Vita Sancti Gregorii  
Magni ab ipsis adornata, & in Tomo IV.  
operum in lucem edita repertis.*

AUCTORE

D. PETRO DE CASTRO, BONONIENSIS  
*Collegii Majoris Sancti Clementis Alumno.*







REVERENDISSIMO PATRI ABBATI,  
CÆTERISQUE MONACHIS  
BENEDICTINIS CONGREGATIONIS PARISIENSIS  
SANCTI MAURI.



UM præterito anno, RR. PP. Bibliothecarii munere fungebar in celeberrimo Hispanorum Collegio Majori sub invocatione S. Clementis Bononiæ erecto ab Eminentissimo Domino meo Domino Ægidio Cardinali Albornotio, codicem Registri Epistolarum S. Gregorii Magni vestra cum editione accurate contuli, variasque lectiones excerpti, ut quas publicæ lucis dignas invenirem, cum notis ad eas typis darem. Postea vero Dialogorum alium, licet non ejusdem Bibliothecæ, eodem modo, & animo perlegi. Sed cum ad absolvendum hoc opus necessarium omnino judicarem vitam ejusdem S. Doctoris a vobis Tomo IV. lucubratam inspicere, eam legi, & relegi, quæque parum consona, prætermisisti, & improbabilia inveni, notavi, judicii rationem plerumque ex ipsis operibus desumptam reddens.

Vestræ lucubrationis gloriam obscurare non fuit animus. Nam & omnibus Maurinæ eruditionis amplitudo veneranda patet; & ego ingenue fateor illius proculdubio magnæ perfectioni deberi quicquid boni meæ observationes contingant.

Statim ac dispositas eas vobis dirigerem, sed prælo datas, quorumdam eruditorum consilio permotus, opportunum duxi, ut, dum ad varias lectiones notæ compleretur, eis studium non careant.

Marginalibus libri, capituli, & numeri, ad quos in vita a vobis adornata pertinent, simulque personæ, vel argumenti notis eas distinxî, ut quæsitæ facilius offendantur.

Unde ad propositum deveniens: (aa) Sententia Johannis Diaconi super cognatione Gregorium inter & Felicem IV. Papam, quam Cardinalis Baronius impugnât in Annal. Eccles. ad ann. 581. hæc

præsertim ratione, quod Felicem IV. Samnitum fuisse constet, majoresque Gregorii Magni Romanos, non satis firmatur illis verbis cap. 26. lib. III. Dialogorum videlicet: *Nuper in Samni Provincia quidam venerabilis vir Mennas nomine, solitariam vitam ducebat, qui nostrorum multis cognitus; quibus ipsum Gregorium aliquos e suis consanguineis Samnites fuisse satis innuere vobis videtur. Nam S. Gregorius Marinianum Ravennæ Episcopum ob hujus de vomitu sanguinis infirmitatem ad se vocans in epist. 33. lib. XI. sic eum alloquitur: Aut certe si vocandus es, inter tuorum manus voeris.* Et hæc a vobis, quamvis non transcripta, in num. IV. cap. V. lib. IV. non cognationi, sed amicitie tribuuntur. Itaque nisi hæc intelligentia præcedenti parum consona in prædicto num. IV. corrigatur, ad quod sufficiens præbet fundamentum epistola 48. lib. V. ubi constat Marinianum civem non esse Ravennatem, ex quo etiam emendanda venit nota-æpistolæ 56. ejusdem V. libri, Cardinalis Baronii impugnationem verbo *nostrorum* non convellitis.

Sed dato quod *nostrorum* cognationem denotet, ad Baronii opinionem amplius infringendam affirmari etiam poterat, quod in partibus Piceni Samnio contiguus Gregorium cognatos habebat: siquidem in capite V. lib. I. Dialog. loquens de Constantino Mansionario Ecclesiæ Sancti Stephani juxta Anconitanam Civitatem sitæ, hæc dixit: *Cui etiam quidam nostri jam provectioris ætatis, qui ex eisdem sunt partibus, attestantur.* Quibus, quia indicantibus ut non alienum a progenie ejus longævitatem pertingere, solvit simul nodus, qui super gradu cognationis, atavi scilicet, Felicis cum Gregorio primo aspectu occurrit.

(bb) Dicitis: Gregorium fratrem habuisse nullus qui ejus Epistolas attente le-

(bb)  
Lib. I. cap. I.  
n. V. De  
Fratre San-  
cti Gregorii

(aa)  
Lib. I. cap. I.  
num. III. De  
cognatione  
Gregorii  
cum Felice  
IV. Papa.

gerit in dubium revocabit. Meo tamen iudicio, ut adeo certum non habeatur sufficit locus epistolæ 2. lib. XIV. quem ad hoc probandum inter alia citastis, & sic legitur: *De Monasterio S. Hermæ, quod ... a fratre nostro constructum est*; quia attente legens epistolas 48. lib. I. 25. lib. XI. & prædictam 2. lib. XIV. Gregorium in hac de Januario Episcopo Caralitano locutum fuisse illico agnosceret; perfectius vero, si lib. IV. octavam ex abundantia percurrerit.

Est & alia urgentissima dubitandi ratio desumpta ex inscriptione epistolæ 25. lib. IX. & illo alio loco epistolæ 98. ejusdem, quem etiam adduxistis his in verbis: *Sed si tantum est, gloriosum fratrem nostrum, vel de Episcopis unum, aut certe Archidiaconum subscribere faciemus*. Reperitur enim in præcitata inscriptione quidam *Gloriosus* nomine Episcopus Ostiensis; conjunctio vel pro ut, & veluti accipi potest: ergo nil mirum si de hoc Episcopo Gregorius in 98. loquatur: præsertim cum in vulgatis, ut in notanda ad istam asseritis, *Gloriosus* quasi nomen proprium scribatur.

(cc) Quamquam magnæ auctoritatis sit Gregorii Turonensis assertio circa institutionem sex Monasteriorum in Sicilia, & unius in Urbe, quod S. Andræ ad Clivum Scauri appellabatur; tamen quod ea innixi dicitis in num. III. cap. sequentis, plurimas patitur instantias, propter quas illam minorem fidem facere ullus non negabit. Ideoque eas hic potius quam illic apponere judicavi, ut amplius stabilatur dum solutio a vobis huic impugnationi detur.

Hæc sunt verba præcitati numeri: *Atque satis liquet dum dicit Valentionem in Valeria prius rexisse suum Monasterium, per suum intellexisse Monasterium non ab Equitio, aut ab alio, sed ab ipso Valentione conditum; quo sensu suum semper dicit S. Andrea Romanum asceterium*. Hæc impugnatio: Præterquam quod S. Gregorius non semper illud suum dicit, sicut ostendunt epistol. 11. lib. VIII. & 44. lib. XI. Candido Abbati S. Andrea ad Clivum Scauri, & Rusticana Patricia directæ, in quarum textu de eo loquitur Gregorius, & nostri, vel mei non legitur, quod dum suum illud appellat accipi non debeat eo in sensu, quo vultis, manifeste evincunt, quæ referam, verba epistolæ 6. lib. V. & 42. lib. VI. ad Victorem Panormitanum Episcopum. In illa sic loquitur Gregorius: *Ita tamen, ut Urbicus Monasterii mei Præpositus*; erat quidem Præpositus Monasterii S. Hermæ, quod putatur a S. Grego-

rio constructum, ut in nota-a 42. lib. VI. dicitur. Sed in hac 42. Urbici jam Abbatibus supplicationi de ordinando in eodem Monasterio Presbyterum annuit Gregorius dicens: *Quatenus nec ille (Urbicus) de Monasterio suo hac pro causa egredi .... cogatur*: signum igitur evidens est, quod dum suum illud Gregorius dixit, eo in sensu, quo vultis, non fuit locutus; nam si suo de Urbico idem significat quod mei de Gregorio dicto, quare a Gregorio, & non ab Urbico constructum intelligitur? Præterea, si suum constructionem denotat ab illo factam, de quo dicitur, Monasterium Classense SS. Johannis, & Stephani a Claudio ejus Abbate constructum existimari deberet: quia S. Gregorius Mariniano eum commendans in epistola 16. lib. VIII. hæc dicit: *Quem etiam hic adhuc volueramus diutius retinere, si & ipse non festinasset ad suum Monasterium*. At quam improbabili hæc intelligentia esset, numerus III. Præfationis vestræ in Regum Commentarios tom. III. cum pluribus aliis locis aperte indicat.

Est etiam in contrarium quod S. Gregorius in cap. 35. lib. IV. Dialog. dixit, scilicet: *Sed neque hoc sciam quod dum adhuc laicus viverem, atque in domo mea, quæ mihi in hac Urbe ex jure patris obvenerat, manerem, nam si in ea, ut Turonensis asserit, Monasterium construxisset, & in Monasterio Dialogos, ut vos num. XIX. Præfationis in eos ex veteri inscriptione dicitis, lucubrasset, hæc profecto ibidem non dixisset.*

(dd) Idem (dicitis) Eminentissimus Annalium Scriptor colligit ex lib. IV. Dialog. cap. 21. S. Gregorium habuisse in vita Monastica institutorem Valentionem, seu Valentionem Abbatem, cui successit Maximianus, Maximiano Pretiosus .... itaque ex Abbatum Cœnobii hujus catalogo expungit Hilarionem, quem Johannes Diaconus primum Gregorii Patrem, Doctoremque in Monasticis institutis tradit .... Afferit autem Baronius Gregorium sub Maximiano Abbate non militasse, quod diu non sit permissus in Monasterio degere, contra manifestum Johannis Diaconi testimonium, cui infra suffragabimur. Nec dissimulandum dicitissimum Scriptorem ad hunc falli cum Pretiosum Abbatem fuisse S. Andrea asserit ex lib. IV. Dialog. cap. 55. ubi Pretiosus non Abbas, sed Præpositus dicitur. Neque etiam legimus cap. 21. ejusdem libri, Valentionem fuisse in vita Monastica institutorem, cum de eo S. Doctor tantum dicat: *Valentius qui post in hac Romana Urbe, mihi, sicut nostri, meo quoque præsuit Monasterio*. Hucusque

(cc)  
Lib. I. cap. II  
n. VI. De Institutione  
Monasterii  
Sancti. Andrea ad Clivum Scauri.

(dd)  
Lib. I. cap. II  
n. VIII. De Valentione Abbate opinio Baronii propugnatur.  
Est in Catalogo Abbatum S. Andrea Cyriacus prætermisus ostenditur.



que retuli, ut Baronianæ opinionis propugnatio, etsi non quoad *Prelosum*, amplius elucescat.

Non semel veluti oscitanter dicta ab aliquibus habentur, quæ Auctores proferrunt quin rationes adducant, ne in infinitum historiam protrahant. At necesse est, ut crisis injusta non evadat, fere omnia, quæ ratam facere opinionem possunt, prius inquirere. Notandum igitur erat quod Hilarionis mentionem Gregorius nunquam fecit; quod in cap. 4. lib. I. Dialogorum dixit: *Silere non debeo quod de hoc viro (Equitio) Abbate quendam meo Valentino (seu Valentione, ut ibi in nota d. dicitur) narrante agnori*; in cap. 22. lib. III. *In Valeria namque Provincia res est hæc gesta, quam narro, mihiq; beata memoria Abbatis mei Valentionis relatione cognita*; quod loquens de Valentione in cap. 21. lib. IV. ait: *Mibi, sicut nosti, meoque Monasterio præfuit*. De Maximiano autem in cap. 32. ejusdem libri solum asseruit: *Qui diu in hac Urbe meo Monasterio præfuit*; quod in duobus locis primum citatis de Valentione legitur *Abbate meo, & Abbatis mei*; in cap. autem 36. lib. III. de Maximiano tantum: *tunc . . . . mei Monasterii Patrem*. Tunc, id est, quum Gregorius Apocristarius erat, quo ipsissimo modo loquitur de Cyriaco dum Catholicam Ecclesiam gubernabat, videlicet in epistola 120. lib. IX. tandem quod etsi Johannes Diaconus Hilarionem, de quo nil Gregorius dixit, lib. I. c. VI. primum ejus patrem tradat, ac deinde Maximianum (fortasse occasione desumpta a cap. 7. lib. I. Dialog. ubi Gregorius ait: *De vicino nunc loco tibi aliquid narrabo, quod & viri venerabilis Maximiani Episcopi, & Laurionis, quem nosti, veterani Monachi, qui uterque nuncusque superest, relatione cognovi*. Nam, ut in nota m. columnæ 24. tom. IV. dicitur, ubi Johannis Diaconi textus habet *Hilarionis*, Bollandus in duobus manuscriptis codicibus legit *Laurionis*, censetque legendum *Valentionis*) ipsum tamen præterivit Valentius, de quo tamquam Abbate suo Gregorius bis, aut ter mentionem habuit: Notandum, inquam, totum hoc a vobis erat, & postea, an his omnibus Baronianam opinionem adeo clare fulcientibus solum Johannis Diaconi testimonium, ob illorum codicum dissentum non parum de errore suspectum, prævalere possit, vel non, dijudicandum.

Ibidem ad Abbatum S. Andreæ seriem ex supra transcriptis restituendam transcriptum fecistis, atque Petrum immediate

post Gregorium collocaſtis, ut demonſtrant hæc verba: *Ipsemet Gregorius, qui ex ſua legatione reverſus Monasterium ſuum rexit, ut infra videbimus. Denique Petrus, quo ſedente Sanctus Doctor ſuos ſcripſit Dialogos*. Ubi prætermiſſum noto Cyriacum, ne dicam etiam Mariniſianum, ut ex tempore, quo hic ad Episcopatum fuit promotus, atque ex dicendis in nota ad num. VI. cap. II. lib. 3. colligi poteſt, quem ante Petrum (dato quod Petrus Abbas fuiſſet) collocari debere ostendunt, & epistola 26. lib. IV. & 120. libri IX. in hac enim eum *Monasterii nostri Patrem* Gregorius vocat; in illa autem, quæ data fuit menſe Junio anni 594. ut ex nota temporis 23. & 30. colligitur, Cyriacus appellatur Abbas, quem hac dignitate decoratum fuiſſe tunc, vel priuſquam Gregorius ſuos ſcripſiſſet Dialogos quiſque agnoſcet, qui citatam 26. & numerum XVII. veſtræ Præſationis in illos attente legerit. Dato, dixi, quod Petrus Abbas fuiſſet: quia de eo tantum legitur quod in cap. 47. lib. IV. Dialog. Gregorius dixit, nempe: *Ad cuius ſepulcrum dum Petrus, qui nunc Monasterio præeſt*. Quæ quidem verba, licet in præterito, ad Abbatialem Valentionis dignitatem probandam ex cap. 21. ejusdem libri a Baronio adducta, veluti officium Abbatis non ſignificantia, ut paulo ſupra videtur, parvipendiſtis.

(cc) Cardinalis Baronii ſententiam de Monastico S. Gregorii inſtituto, cujus Auctorem fuiſſe non S. Benedictum contendit, ſed S. Equitium, in toto hoc capite III. tanta objectionum copia obruitis, quod pene impoſſibile eſt reſponſum omnibus præbere, & criſis brevitati conſulere. Sed cum ex jam dictis in duabus præcedentibus notis (cc) & (dd) diſtinctis Baronianæ opinionis fundamentum non adeo, ut a vobis habetur, debile appareat, ne robur, quod ex illis accepit, intactis objectionibus veſtris, rursus deperdat, præcipuas earum oppugnare ſelegi.

Itaque (dicitis in num. III.) prelati a Baronio teſtimoniis nequaquam probatur Valentionem fuiſſe S. Equitii diſcipulum, ejuſque inſtituti ſectatorem, immo contrarium ex collatis inter ſe duobus locis elicitur. Nam lib. I. Dialog. c. 4. Gregorius aſſerit Equitium poſt mortem diſcipulos ſuos reſtatutum eſſe contra Langobardos, atque a morte liberaviſſe. At lib. IV. cap. 21. reſert Langobardos e Monasterio Valentionis Abbatis diſcos Monachos in ramis arboris ſuſpendiſſe, qui eodem die deſuncti ſunt. Nunc ſic: Gregorius lib. I. cap. IV. a vobis citato ait:

Qui

(cc)  
Lib. I. c. III.  
a num. III.  
ad VII. De  
Monastico S.  
Gregorii in-  
ſtituto Baro-  
nii ſententi-  
a propo-  
gnatur.

Qui nimirum Equitius pro sua magnitudine sanctitatis multorum in eadem Provincia (Valeria) Monasteriorum pater exstitit; in lib. IV. cap. 21. Valentio .... prius in Valeria Provincia suum Monasterium rexit. Igitur a proximis Equitanis institutum fuit, si illud: quia suum Gregorius vocavit, in Valeria construxit, ea ipsa ratione, qua, quia Gregorius suum juxta Casinates construxit, ab his institutum accepisse vultis. Unde nil mirum quod aliud fuisset Monasterium Valentionis, & aliud ubi Equitius degit, utrumque tamen sub eadem regula; sicuti duodecim Monasteria a S. Benedicto constructa suos Abbates habebant, qui sub eadem regula militabant, ut textus cap. 4. lib. II. Dialog. demonstrat. Ait etiam Gregorius in dicto cap. 4. lib. I. *Eandem Valeria Provinciam Langobardi intrantibus ex Monasterio reverentissimi Viri Equitii in prædicto oratorio ad sepulcrum ejus Monachi fugerunt. Cumque Langobardi savientes oratorium intrassent, ceperunt eisdem Monachos foras trahere .... quorum unus ingemuit, atque acridolore commotus clamavit: Heu, heu sancte Equiti, placet tibi quod trahimur, & nos non defendis? Ad cujus vocem protinus savientes Langobardos immundus spiritus invasit. Qui corruentes in terram tandiu vexati sunt, quousque hoc cuncti, etiam qui foris erant, Langobardi cognoscerent, quatenus locum sacrum temerare ulterius non auderent. Sicque Vir sanctus dum discipulos defendit, etiam multis post remedium illuc fugientibus præstitit. Ergo ex eo, quod lib. IV. cap. 21. Gregorius refert, nimirum Langobardos e Monasterio Valentionis Abbatis duos Monachos in ramis arboris suspendisse, qui eodem die defuncti sunt; licet colligi possit quod hi Monachi ad sepulcrum Equitii non fugerunt, inferri tamen minime valet quod Equitiani instituti sectatores non fuerunt. Fecit enim miraculum in gratiam non discipulorum, sed loci sacri, ut patet ex causali, & eo, quod multis illuc fugientibus remedium præstitit.*

Nunc proprius refutanda venit numeri VII. objectio, ubi ipsum opinionis Baronii fundamentum convellere creditis epistola Fundani Abbatis ad Simplicium, tertium a S. Benedicto Casinensis Monasterii Abbatem, cujus epistolæ summa est, eo tempore omnia Campania, Samnia, Valeria, Tuscia, Liguria, & aliarum Italia Provinciarum Monasteria, dimissis peculiaribus regulis, Benedictinam servare decrevisse. Nunc, inquam, propius: quia hæc & illa se invicem destruunt, ut sequens argumentatio ostendit: Si eo tempore,

quo Valentio Monasterium, ut dicitis, ab eo constructum in Valeria regebat, omnia hujus Provinciae Monasteria, dimissis peculiaribus regulis, Benedictinam servabant, eodem tempore Equitius discipulos suos tutatus esse non poterat: quia si, dimissa Equitiana regula, Monasterii S. Equitii Monachi sub Benedictina militabant, non jam Equitii, sed Benedicti discipuli erant. Si vero Equitii adhuc discipuli erant, non omnia Valeriæ Monasteria Benedictinam servabant. Judicent ergo nunc æqui lectores (eosdem, quos ibi vos, arbitros constituo) utrum Casinatum proximitas, quæ Gregorium non induxit ad eligendum ex his pro suo Monasterio Abbatem, ejus animum ad ipsum institutum accipiendum movere potuisset; vel an Valentio sui in Valeria Monasterii sub Equitiana regula Abbas ad Gregorianum Romæ sub Benedictina regendum venire voluisset.

Objectio autem sub num. IV. posita super Benedictinæ regulæ laudibus a Gregorio exhibitis, & Equitianæ silentio, solvitur collatis inter se verbis a Gregorio de Equitio dictis lib. I. cap. 4. Dialogorum, & ab ipso de regula S. Benedicti prolatis lib. II. cap. 36. in illo enim dixit: *Qui nimirum Equitius pro sua magnitudine sanctitatis multorum .i. Monasteriorum Pater exstitit; in hoc vero: Hoc autem nolo te lateat, quod vir Dei inter tot miracula, quibus in mundo claruit doctrina quoque verbo non mediocriter fuit. Nam scripsit Monachorum regulam discretionis præcipuam sermone luculentam. Ex quibus recte deduci potest, quod de Equitiana sermonem non fecit: quia tunc notior, utpote extensior, erat: Quod autem Benedictinam discretionis præcipuam sermone luculentam vocet, eum sub Equitiana militasse non excludit: quia id dixit dum jam Pontifex esset. Neque repugnat, immo potius est experimento cognitum, plerosque Magnates a seculo fugientes non regulam discretionis præcipuam, & sermone luculentam, sed quam rigidam existimant, amplecti. Præterea ex immediate dictis etiam diluitur: quia sicut existimatio de Benedictina regula concepta Abbatem ex Casinatibus Gregorium pro suo Monasterio eligere non fecit, idem de ipsorum regula discurrere nil impedit.*

Quæ vero sub numero V. continetur de eo quod S. Benedicti Regula titulo *Regula Monachorum* designata apud Scriptores Ecclesiasticos reperitur; in quo titulo ei etiam a S. Gregorio dato ipsum satis ostendisse asseritis eam ceteris, si qua.



in Occidente jam recepta forent, esse anteponendam, penitus evertitur etiam quo ad conditionalem: Si qua in Occidente jam recepta forent, duobus, quos adducam, locis S. Isidori Hispalensis, atque S. Ildephonsi Toletani. Ait enim ille de *Viris illustribus*, cap. 26. *Eugipius Abbas Luculanensis oppidi Neapoli Campaniae . . . . scripsit regulam Monachis consistentibus in Monasterio S. Severini, quam eisdem moriens quasi testamentario jure reliquit. Claruit post Consulatum Importuni Junioris Anastasio Imperatore regnante. Ildephonsus vero in additione ad Isidorum de Viris illustribus, cap. 4. hæc dixit: Donatus, & professione, & opere Monachus, cujusdam Eremita fertur in Africa existisse discipulus. Hic violentias barbarorum gentium imminere conspiciens . . . & gregis Monachorum pericula pertimescens ferme cum septuaginta Monachis, copiosisque librorum codicibus navali vehiculo in Hispaniam commovit . . . . Servitanum Monasterium visus est construxisse. Iste prior in Hispaniam Monastica observantia usum, & regulam dicitur adiunxisse. De hoc Servitano Monasterio mentionem fecit Isidorus cap. 45. dicens: Eutropius Ecclesia Valentina Episcopus dum adhuc in Monasterio Servitano degeret, & Pater esset Monachorum scripsit ad . . . Lucinianum (Carthaginis Spartariæ Episcopum) valde utilem Epistolam, in qua petit ab eodem quare baptizatis infantibus chrisma post hac unctio tribuatur. Scripsit & ad Petrum Episcopum Ircavicensensem de distributione Monachorum salubri sermone compositam Epistolam, & valde Monachis necessariam. Eugipius claruit initio seculi sexti; hoc pene medio Benedictus; Donatus vero mirabilium operator vocatur a Johanne Biclari. ann. 572. Lucinianus scripsit ad S. Gregorium an. 592. ut denotat epistola 54. lib. II. De Eugipio, & Eutropio scripsit Isidorus initio seculi septimi, istoque jam medio de Donato Ildephonsus. Deducite nunc vos, quæ ex his omnibus in prædictam objectionem vestram deduci possunt.*

Tandem, quam de Claudio Classensi Abbate desumptam in num. VI. adducitis, in observatione, seu nota super num. IX. cap. VI. lib. IV. satis convellitur. Unde in his amplius immorari non licet.

(ff) Pelagii II. Epistola ad S. Gregorium missa, & a Johanne Diacono lib. I. cap. 32. exhibita, hic ad tempora Tiberii Imperatoris refertur, & in num. XII. huius cap. V. data mense Octobri Indictionis III. ex ipso Johanne dicitur, proindeque anno 584. duobus scilicet post Tiberii mortem.

Tom. XVI.

(gg) Ne vos amplius lateat Gregorium cum Johanne Constantinopolitano pro æcumenici titulo, quem in Synodo usurparat, in urbe Regia, Tiberio regnante non decertavisse, hic vobis præ oculis ponere quædam verba epistolæ 43. lib. V. vestrum quidem dubium removens, necessarium duxi: citastis enim tantum 68. lib. IX. in qua tempus Synodi Gregorius non indicavit; in illa autem Eulogium Alexandrinum, & Anastasium Antiochenum ita alloquitur Gregorius: Ante hos siquidem annos octo, sanctæ memoriæ decessoris mei Pelagii tempore, Frater, & Coepiscopus noster Johannes in Constantinopolitana urbe ex causa alia occasionem querens Synodum fecit, in qua se universalem appellare conatus est. Quod mox idem decessor meus ut ignoris, directis litteris ex auctoritate S. Petri Apostoli ejusdem Synodi acta cassavit. Hæc Pelagii Epistola, ut in nota b-ad præcitatam 43. legitur, data fuit mense Martio Indictionis V. id est anni 587. a quo mense usque ad Junium an. 595. quo fuit scripta 43. lib. V. seu Indictionis XIII. octo tribus cum mensibus numerantur anni: unde Gregorii relatio irrefragabilis apparet. Cumque obitum Tiberii quinque ante hanc Synodum annis, id est mense Augusto an. 582. contigisse asseratis in num. VIII. absque hæsitacione jam dicere potestis S. Gregorium pro æcumenici titulo a Johanne C. P. usurpato, tempore Tiberii in urbe Regia non decertavisse.

(hh) Gregorium Romæ redeuntem Brachium S. Andreæ, & Caput S. Lucæ ab Imperatore impetrasse, atque in suo Romano Monasterio collocasse penitus rejiciunt non illa, quæ citastis epistolæ 30. lib. IV. verba scilicet: *Consuetudinem non esse, ut quando Sanctorum reliquie dantur, quidquam de corpore tangere presumatur, quæ prædictæ assertioni, seu narrationi ibi dixistis contraria non esse: Nam loquitur de Romanorum & Latino- rum, non vero Græcorum more, & consuetudine; non, inquam, illa; sed ipsiusmet Epistolæ sequentia: In Romanis namque vel totius Occidentis partibus omnino intolerabile est, atque sacrilegum, si Sanctorum corpora tangere quisquam fortasse voluerit. Quod si presumpseris, certum est, quia hac temeritas impenita nullo modo remanebit. Pro qua re de Græcorum consuetudine, qui ossa levare Sanctorum se asserunt, vehementer miramur & vix credidimus. Nam quidam Monachi Græci huc ante biennium venientes nocturno silentio iuxta Ecclesiam Sancti Pauli corpora mortuorum*

Ff rum

(gg)  
Lib. I. cap. V.  
nu. VII. De  
Concertatione  
Gregorii  
cum Johanne  
C. P. pro æ.  
cumenici ti-  
tulo ab hoc  
usurpato  
dubium dis-  
solvitur.

(hh)  
Lib. I. cap. V.  
n. XIII. De  
Brachio S.  
Andreæ, &  
Capite S.  
Lucæ.

(ff)  
Lib. I. cap. V.  
n. V. De E-  
pistola Pela-  
gii II. ad  
Gregorium.

rum in campo facientia effodiebant, atque eorum ossa recondiebant, servantes sibi, dum recederent. Qui cum venti, & cur hoc facerent diligenter fuissent discussi, confessi sunt quod illa ossa ad Graciam essent tamquam Sanctorum reliquias portaturi. Ex quorum exemplo, sicut praedictum est, major nobis dubietas nata est, utrum verum sit quod levare veraciter ossa Sanctorum dicuntur. Certe si ab Imperatore praefatas reliquias Gregorius impetrasset, haec illius conjugii, sive Augustae minime respondisset, aut verbo asserunt, quippe eas levare vidisset, in hac rescriptione indebite usus fuisset. Meo quidem iudicio post illarum asportationem a Gregorio factam ipsum superscripta proferre nihil aliud esset quam se a Graecis, immo ab Imperatore deceptum dicere.

(ii)

Lib. I. cap. VII. num. I. De Anachronismo a Gregorio Turonensi cum misso, loquendo de coronamento Mauricii, & ordinatione S. Gregorii.

(ii) Non solvitur Anachronismus, qui ex Gregorii Turonensis verbis columna 187. tom. IV. relatis, & num. VI I. cap. V. hujus lib. dictis aperte resultat, distinctione in hoc num. I. a vobis data, videlicet de anno non incoato, sed completo. Nam ex Gregorio Turonensi in praecitato num. VIII. coronamentum Mauricii factum asseritis anno octavo Childeberti Regis, hoc est mense Augusto an. 582. In columna autem 187. haec ex eodem Turonensi leguntur: *Anno quinto decimo Childeberti Regis Diaconus noster ab urbe Roma cum Sanctorum pignoribus veniens, sic retulit quod anno superiore, mense nono, tanta inundatione Tiberis fluvius urbem Romam obtexit, ut ades antiqua diruerentur .... subsecuta est .... clades, quam inguinariam vocant. Nam medio mense undecimo adveniens, primum omnium .... Pelagium Papam perculit, & sine mora exstinxit. Quo defuncto ... Gregorium Diaconum plebs omnis elegit. Et concludit: Sed nec destitit Diaconus noster nisi ad Episcopatum ejus de portu rediret, & qualiter ordinatus fuerit, praesenti contemplatione susciperet. Ex quibus hoc formo ratiocinium: Gregorii ordinationem mense Septembri an. 590. factam fuisse manifestum est. Si igitur Mauricius anno octavo Childeberti Regis imperare coepit: quia coronatus fuit mense Augusto anni 582. nec inundatio Tiberis accidere potuit mense nono, aut mors Pelagii undecimo anni decimi quarti Childeberti, nec Gregorii consecratio fieri anno decimo quinto ejusdem, licet Turonensis relatio de morte Pelagii intelligatur de anno decimo quarto Childeberti pene completo, ut in hoc numero vultis; quia Turonensis, ut dicitur in notat. non incoat annum a Januario, sed a*

Martio. Nam si mensis Januarius secundum nostram chronologiam primus anni 590. erat secundum Turonensem undecimus mensis anni decimi quarti Childeberti, tunc Januarius in nostra mensis primus anni 583. debebat esse in Turonensi undecimus mensis anni septimi ejusdem Regis: quod quidem stare non potest cum ejus assertione de coronamento Mauricii. En clarius ostensum ex demonstratione arithmetica ad marginem apposita: Vel annus octavus Childeberti incepit mense Augusto 582. vel finivit, quicquid dicatis, id ipsum de anno decimo sexto in mense Augusto anni 590. asserere debetis. Si initium habuisse dicitis: Sequitur quod Gregorii Turonensis Diaconus venit ad Gallias anno decimo sexto, non quinto decimo ut Turonensis dixit: quia vidit qualiter ordinatus fuerit Pontifex mense Septembri an. 590. Si vero finem asseratis, tunc deducitur quod Turonensis Diaconus venit anno decimo septimo Childeberti: unde vestra de anno completo intelligentia nullo modo Turonensem ab anachronismo liberat.

(ji) Columnae fulgidæ indicio, quod delitescentem Gregorium ex Paulo Diacono asseritis detectum fuisse, atque verbis epistol. 21. lib. I. & 4. lib. VII. probare intenditis, illius videlicet: *Sed quia divinis iudiciis non poteram resultare, hujus vero: Sed superna mihi iudicia adversari conspiciens*; contraria sunt, quæ Leandro Hispanensi ipse S. Doctor lib. I. ep. 43. scripsit: scilicet, *navem, quam regendam OCCULTA Dei dispensatione (vel dispositione, ut Albornotianus codex habet) suscepi.*

(kk) Neque hic, neque in I. num. Appendixis, neque in cap. 2. lib. II. vitæ a Johanne Diacono, notatis quod symbolum a codicibus Registri Epistolarum exhibitum caret his verbis: *in carnis resurrectione*, quæ leguntur in citato loco Johan. Diac. & in codice Albornotiano post ista: *innovaturus seculum per ignem.*

(ll) Hujus numeri verba referam, quibus inscriptionem Epistolæ Synodicae ad Patriarchas non a S. Gregorio, sed a Collectoribus Epistolarum, factam cum Cardinali Baronio judicatis, ut hujus opinionis impugnatio melius percipiatur. Sic dicitis: *In hujus Epistola Synodica ad Patriarchas inscriptione primum omnium occurrit Johannis Constantinopolitani nomen, quod a Gregorianarum Epistolarum Collectoribus factum, non ab ipso Gregorio jure censet Baronius. Singulis enim Patriarchis singula misit illius Epistola exemplaria, in quibus solum nomen Patriarchæ ad quem*

Aug. Child.  
an. 582 & an.  
583  
584  
585  
586  
587  
588  
589  
590

(jj)  
Lib. I. cap. VII. n. VIII.  
De indicio  
columnae ful-  
gidæ.

(kk)  
Lib. II. cap. I. n. I. De  
Verbis: In  
carnis resur-  
rectione.

(ll)  
Lib. II. cap. I. num. III.  
De inscrip-  
tione Epi-  
stolæ Synodi-  
ca.

utrum:



numquodque mittebatur, erat inscriptum. Neque enim exemplum, quod ad Johannem delatum est, aliud quam Johannis ipse nomen præferbat. Hinc legitur FRATER CARISSIME, non FRATRES CARISSIMI. Nostram sententiam confirmat quod subjunctum fuerit A PARIBUS post Patriarcharum nomina, ut in notis observavimus. Notæ vero, de quibus hic, me non latent; sunt enim e. et u. epistolæ 25. lib. I. At earum doctrina cum sententia hic prolata penitus corrumpit legendo epistolam 106. lib. IX. cujus inscriptio est: Gregorius Siagrio Augustodunensi, Etherio Lugdunensi, Virgilio Arelatensi, & Desiderio Viennensi Episcopis Galliarum a paribus. Et tamen in ea Fratres carissimi ter offenditur 110. ejusdem libri Theodorico, & Theodeberto Regibus Francorum directam, in qua codex Albornotianus habet a paribus sicut citati a vobis in nota-a ad eam, & similiter bis in ea præcellentissimi Filii reperitur. In hac etiam Synodica ad Patriarchas Albornotianus codex habet Fratres sanctissimi, atque subsequentes lectiones, ut in notis ad eam dicam, concordantes. 58. lib. VI. Theodorico, & Theodeberto Fratibus Regibus Francorum a paribus, in cuius textu hæc leguntur: Magnam de vobis materiam præsumendi concepimus, quod subjectos vestros ad eam converti fidem per omnia cupiatis, in qua eorum nempe Reges estis, & domini.

Sunt, & aliæ epistolæ ad duos, vel plures Episcopos directæ, in quarum inscriptionibus licet a paribus subjunctum non videatur, in textu tamen vel Fratres carissimi, vel quædam locutiones, quæ inscriptioni unius tantum nominis adaptari non possunt, reperiuntur; ut 8. lib. VI. in qua Fratres carissimi, & quisque vestrum, legitur; 43. & 51. lib. V. ubi Fratres carissimi ter reperitur; 8. & 68. lib. IX. in quibus quidam vestrum, & nullus vestrum passim offenditur. Tunc igitur mos erat, vel omnibus unum, vel unicuique suum Epistolæ exemplar mittere, sed cum inscriptione nomina continente omnium, ad quos simile etiam dirigebatur. Confirmant hoc plures ex Epistolis ad universos alicujus Provinciæ Episcopos scriptis, ut sunt 45. & 77. lib. I. 54. & 58. lib. V. quia harum idem ac illarum, in quibus nomina exprimuntur, character est, inscriptionesque earum fuisse a Collectoribus factas non dicetis.

Illa verba: Jamque ad ejusdem (Anastasio Antiocheni) litteras de susceptio Summo Pontificatu gratulatorias responderat, dis-

sentire videntur ab eis, quæ in nota-a epistolæ 26. lib. I. leguntur, nempe: *lisdem fere verbis concepta est septima hujusce libri Epistola, quam ad Anastasium non fuisse missam ibi annotavimus.* Si igitur septima non fuit missa, quomodo jam, hoc est, antequam Synodicam transmississet ad gratulatorias Anastasio responderat, si Synodica est 25. & responsio ad gratulatorias 26.? Si in hac illius mentionem fecit dicens: *Præterea sicuti Patriarchis aliis paribus vestris, Synodiceam vobis Epistolam direxi?*

(mm) Ex malis Ecclesiæ, quæ ut caussæ cur Gregorius a Pontificatu tantum abhorreret ex epistola 43. lib. I. deducuntur, illud, quod de Hispania memoratur his ejusdem Epistolæ verbis: *Explere autem loquendo nullatenus valeo gaudium meum, quod communem filium Recharicum gloriosissimum Regem ad Catholicam Fidem integerrima agnovi devotione conversum, omnino rejicitur.* Numero autem sequenti, sive VII. dicitis: *Gorhos Ecclesia reconciliavit.* Et conversio totius Gothorum gentis ab Arianæ hæreseos pravitate quatuor, vel quinque annis Gregorii ordinationem antecessit; ut videri potest in lib. III. Dialog. cap. 31. in Isidori Hispalensis Historia Gothorum, & in Baronio tom. 8. pag. 614. & 647. ad an. 585. unde nisi conversio ad Catholicam Fidem Ecclesiæ reconciliatio non dicatur, propositio illa veritati parum consentanea videtur.

(nn) Ex titulo homiliæ XIX. tom. I. columna 1510. & num. 7. ipsius aperte colligitur S. Gregorium incoasse annum a mense Martio: quia in illo dicitur: *Habita Dominica in Septuagesima, & in hoc Gregorius ait: Præsenti anno, refertque successum in mense Julio nuper elapso, ut ad eundem annum attinens; in mense Aprili anni 599. responder ad Synodicam Anastasio Junioris: igitur accidit alterius Anastasio mors anno 598. quia in uno mense, immo nec in tribus (ne fortasse vos annum a Januario incoare dicatis) Anastasio Junioris electio, atque ordinatio fieri poterant, nec Synodica ad Romam pervenire. Plus fallitur Moreri, qui Seniores vita functum asserit die 21. Aprilis 599. nisi epistola 49. lib. IX. bene constituta non sit.*

(oo) De annis Episcopatus Patriarchæ Jerosolymitani Amos sermone facitis. At minime notatis quod responsio ad ejus Synodicam, quam Gregorio proculdubio daret, inter Epistolas non reperitur. Proculdubio dixi: quia mos erat, sicut ait Gregorius lib. IX. epist. 52. ut

Ff 2 quo-

(mm)  
Lib. II. cap.  
I. n. VI. De  
Arianæ hæ-  
resi ab Hi-  
spania præ-  
sigata.

(nn)  
Lib. II. cap.  
I. n. X. De  
morte Ana-  
stasio Antio-  
cheni.

(oo)  
Lib. II. cap.  
I. n. XI. De  
Epistola Syn-  
odica Amos  
Jerosolymita-  
ni.

Idem De  
Epistola A-  
nastasio An-  
tiocheni.

quoties in quatuor præcipuis sedibus Antistites ordinabantur Synodales Epistolas Papæ mitterent, quod quidem fecit Isachius successor ejus. Similiter consuetudo erat, sicut S. Doctor dixit lib. VI. ep. 66. ut priusquam ordinati Synodica ad Papam delata fuisset, ad eum scribere Pontifex non deberet; & epistolam 6. lib. VIII. Amos Episcopo Jerolomitano missam video.

(pp)

Lib. II. cap. III. nu. VII. De Cyriaci Constantino-  
politani ani-  
madversione  
prætermissa.

(pp) Licet S. Gregorius Synodicam Cyriaci sine mora susciperet, ne Ecclesiæ unitatem turbaret, impunitam tamen non reliquit ejus elationem in æcumenici titulo sibi vendicando. Nam ut legitur in epist. 33. & 34. lib. VII. suo Diacono præcepit, ut cum Cyriaco missarum solemniam non celebraret; quo ipsissimo modo Pelagius II. & ipse Gregorius animadverterunt in Johannem Cyriaci prædecessorem. Sed de hoc fufius in nota ad numerum XV. cap. I. lib. III.

(qq)

Lib. II. cap. III. nu. IV. De Monachis in famulicium a Gregorio receptis.

(qq) Quæ ex Johanne Diacono de Monachis a S. Gregorio in famulicium receptis asseruntur, in nota ad n. V. cap. VI. lib. III. a me impugnantur.

(rr)

Lib. II. cap. V. nu. VII. De Venantii titulis, scilicet: Cancellario Italica, & Exmonacho Patricio.

(rr) Epistolæ 34. lib. I. inscriptio in codice Albornotiano ita legitur: *Gregorius Venantio Canc. Italico*. Unde non ita gratis, sicut hic, & in nota-a-prædictæ Epistolæ asseritis, Cancellarii Italicæ titulum Editores Venantio contulerunt. Isti quidem Epistolam sic inscribere non poterant, nisi alicujus codicis manu exarati inscriptione ducti: igitur restituere debetis Gussanvillæi notam ad vocem *Cancellario*, quam resecandam duxistis in nota-a-citata, utpote jam aliquorum codicum manu exaratorum auctoritate fultam.

Alii vero tituli *Exmonacho Patricio* in duabus aliis, quas Albornotianus continet, non reperiuntur: sunt hæc 123. lib. IX. & 30. lib. XI. Inscriptio illius ita se habet: *Gregorius Italica Patricia, & Domino Venantio*; hujus vero: *Gregorius Venantio, Episcopo*, illam exhibent Vat. omnes; Colbert. & Rem. ut in nota-a-ad-123. asseritis, istam autem excussi, ut in nota-a-ad-30. lib. XI. legitur: deducitur ergo quod in his tribus inscriptionibus Mf. codices dissentiant. Cumque major horum numerus plus auctoritatis non præstet, rationes congruentiæ pensandæ erunt, ut unus præ alio inscriptionem sequamur. Sunt vero in favorem Alborn. codicis sequentes scilicet: quod *Exmonachi* titulus ignominiosus est: unde potius auctores illius credere debemus Epistolarum Collectores, immo transcriptores aliquos, fortasse ad eum distinguendum a

Venantio Patricio Panormitano, quam prudentissimum Pastorem Venantii reditum ad habitum suum tantopere optantem; cum ad illud sufficiens præbeat fundamentum Epistolarum textus. Quoad aliam *Patricii* titulum hanc, & quidem efficacissimam invenio rationem, ut Venantio tribui non debeat: S. Gregorius in omnibus Epistolis ad alicujus territorii Patricios directis eos titulo *Gloria*, vel *Excellentia* in textu compellat, sicuti ostendunt epistolæ 33. & 52. lib. III. 57. lib. VII. 119. lib. IX. 40. lib. XII. & 15. lib. XIII.; in nulla ex eis, quæ tantum ad Venantium missæ fuerunt, occurritur: igitur sicut ex titulo *Gloria*, qui in 15. lib. XIV. legitur recte conjicitur eam Anthemio Subdiacono inscribi non debere, mihi similiter ex profundo prædicti tituli silentio augurari licebit Venantium non fuisse Patricii Dignitate decoratum. Si vero sexta lib. I. Epistola Narasæ data mihi objiciatur: quia in ea prædictus *Gloria* titulus non legitur, & tamen *Narsa Patricio* inscribitur, eandem de illa sententia teneo Albornotiani codicis inscriptione innixus, in quo, sicut de omnibus vestris nota-b-prædictæ Ep. asseritis, *Narsa* simpliciter exarata offenditur.

Hunc Venantium ex Monachis Siculis uxoris fuisse dicitis; sed oppositum conjicio ex eo, quod a personarum consideratione justissimus Pastor omnino abhorrebat: siquidem etiam cum suprema Augusti Dignitate circa minora delicta contendere non formidabat. Videatur epist. 20. & 24. lib. V. Unde cum in ep. 42. lib. I. Anthemio Subdiacono scripserit: *Et quia aliquos Monachorum usque ad tantum nefas proficisse cognovimus, ut uxores publice sortiantur, sub omni eos vigilantia requiras, & inventos digna coercitione in Monasteria, quorum Monachi fuerunt, retransmittas*. Et usque ad Venantii obitum ei consilium de reditu ad habitum, in quo fuit, tantum dedit, rationem quæsi, ut hæc conciliarem, & ni fallor, in ipso S. Doctore eam inveni. Ait enim homilia 38. in Evangelia: *Tres pater meus sorores habuit, quæ cunctæ tres Sacra Virgines fuerunt: quarum una Tharsilla, alia Gordiana, alia Æmiliana dicebatur. Uno omnes ardore conversa, uno eodemque tempore sacrata, sub districtione regulari degentes, in domo propria socialitatem vivebant. Cumque essent diutius in eadem conversatione, coeperunt quotidianis incrementis in amorem conditoris sui Tharsilla, & Æmiliana succrescere... At contra Gordiana animus coepit a calore amoris incipere*.



intini per quotidiana detrimenta tepescere; & paulisper ad huius seculi amorem redire. Crebro autem Tharsilla dicere Æmiliana sorori suæ cum magno gemitu solebat: Video Gordianam sororem nostram de nostra sorte non esse: perpendo enim quia foras defluit, & cor ad quod proposuit non custodit. Quam curabant blanda quotidie redargutione corripere, atque a levitate morum ad gravitatem sui HABITUS reformare. Et infra post quam Tharsillæ, & Æmilianæ obitum retulit, dicit: Gordiana autem mox ut solam remansisse se reperit, ejus pravitas excrevit, & quod prius latuit in desiderio cogitationis, hoc post affectu prava actionis exercuit. Nam oblita Domini timoris, oblita pudoris, & reverentia, oblita consecrationis, conductorem agrorum suorum postmodum maritum duxit. Et tandem in fine: Ecce, fratres mei, Gordiana, quam superius dixi, a SANCTIMONIALIS HABITUS excellentia corruit ad pœnam. Poterat quidem Venantius hoc ipsissimum fecisse, & tunc nil mirum si eum, ut ad habitum, in quo prius fuit, rediret, Gregorius tantum consiliaret; alios vero, quia post votum in Monasterio solemniter emissum uxores sortiti fuerant, ab eis avulsos in Monasteriis suis retransmitti præciperet.

Ab hoc argumento me expedire non possum, quin etiam dicam: quod Albornotianus codex optimæ quidem notæ, peritorumque judicio ætatis plus quam 700. annorum, in textu 34. epist. lib. I. Venantius Canc. Italico inscriptæ, ubi vestra editio habet: Si ergo ille mortis periculo dignus fuit qui eos, quos dederat, nummos Deo abstulit; considera quanto periculo in divino judicio dignus eris, qui non nummos, sed temetipsum Deo omnipotenti, cui te sub Monachico habitu devoveras, subtraxisti. (considera iudicium Dei, quod mereatur, qui semetipsum Deo vovit, continuoque mundi desiderijs irrepit, mentitus est quod vovit) Quapropter si correptionis meæ solum dicit: Si ergo ille mortis periculo dignus fuit, qui eos, quos dederat, nummos Deo abstulit. Considera iudicium Dei, quid mereatur qui semetipsum Deo vovit, continuoque mundi desiderijs irrepit, mentitus est quod vovit. Si mihi credideris, si correptionis meæ. Quæ nempe, ut Parenthesis, interjecta, & a Mss. abesse, & pro glossmate, quod e margine in textum irrepit, habenda esse ibi nota c. asseritis.

Nec officit quod in eadem Epistola paulo supra dixerit Gregorius: In quo enim habitu fueris recolis. Siquidem Monachico non adjunxit. Et licet velitis

subintelligi; adhuc remanet soluta objectio, quæ, ut in nota a. prædictæ 34. ep. dixistis, S. Bernardo, (cujus ævo disputatum fuit an validum esset Monachi matrimonium) a nonnullis ex hoc Gregorii loco facta fuit; cui ob summam erga S. Gregorium reverentiam Mellissimum vix respondisse asseritis. Nam illa Monachorum, qui uxores sortiti fuerant, ab eis avulsio, atque suis in Monasteriis digna coercitione præcepta retransmissio non minus matrimonii istorum nullitatem indicant, quam amitæ suæ Gordianæ factorum relatio, atque Venantii reprehensum, sed impunitum conjugium hunc proprie Monachum non fuisse, vel ita Monachum a Gregorio appellari, sicut Sanctimonialem Gordianam, quæ tantum in domo propria, atque agrorum domina suorum, etsi sub regulari districtione, Deo consecrata primum degit. Certe Gordiana, quam Sanctimonialem Gregorius vocat, in ipsa Urbe, ac proinde coram Summo Pontifice maritum duxit, neque de ipsius separatione a marito quidquam Gregorius dixit, cum omnes Gordianæ successus late describeret: illis verbis corruit ad pœnam ipsius damnationem satis indicavit: Hanc Venantio, ut ad habitum rediret, minabatur, nec eum cogebat: igitur ex Monachis Siculis uxoratis Venantius non erat. Sic longum facere me coegerunt tot quot nota a. et e. prædictæ Epistolæ eleganter attingistis.

(ff) Circa locum, quo S. Gregorius suos condidit Dialogos, tantum dicam: quod, ut S. Doctorem ad eos lucubrandos in S. Andreæ Monasterium secessisse non credatur, plus convincit pronominis demonstrativi silentium, quam ad oppositum judicandum vetus inscriptio publici juris a Mabillonio facta tom. 4. Analect. pag. 497. de qua in XIX. Præfationis numero locuti estis. Hæc mea assertio infringi non potest, quin ratio, qua in prædicto numero probatis Gregorium tunc Romæ fuisse, simul corruat: Ibi enim ex demonstrativi usu in Romanorum successuum relatione eum tunc Romæ fuisse recte infertis: igitur ex opposito dum de Monasterio loquitur atque bene oppositum conjicitur. Suffragaturque mihi ipse loquendi modus, quem in Homiliis persequitur. Has enim in Monasterio lectas, vel fuisse expositas minime dicetis: Siquidem in Epistola ad Secundinum præcedente illas hæc dixit Gregorius: Inter sacra Missarum solemniam, ex his, quæ diebus certis in hac Ecclesia legi ex more solent, Sancti Evangelii.

(ff)  
Lib. II, cap.  
X. n. VII.  
De loco quo  
scripti fuerunt  
Dialogi, atque de  
congregante  
in eis cura  
S. Doctore.

gelii quadraginta lectiones exposui. Et quod in eis de suo Monasterio retulit, iisdem, quoad nostrum intentum, verbis in Dialogis repetitum legitur. Nam lib. IV. Dialog. cap. 38. ita dicit: *Nam is, de quo in Homiliis coram populo me narrasse jam memini, inquietus valde, Theodorus nomine, puer fuit, qui in Monasterium meum, fratrem suum necessitate magis quam voluntate secutus est. Et paulo infra: In hac autem pestilentia, qua nuper hujus urbis populum magna ex parte consumpsit. In homilia 38. in Evangelia hoc ipsum retulit in n. 16. Si igitur Dialogos in Monasterio lucubrasset procudubio dixisset in hoc Monasterium meum, sicuti de Roma loquens cap. 36. ejusdem libri IV. dixit: Quidam vero miles in hac eadem urbe nostra percussus; atque in loco immediate supra citato: hujus urbis populum. At ut alia omittam sufficiat dicere: quod nunquam Monasterio, semperque Roma demonstrativum adjunxit.*

Ut autem jam intra conjecturæ terminos non permaneat Petrum Subdiaconum, Siciliæ Rectorem, lucubrationis Dialogorum tempore Diaconum fuisse, ac per consequens in num. XV. Præfationis in eos sine hæsitacione dicatis: eum esse qui illic cum S. Doctore congregitur, initium 34. ep. lib. V. Cypriano Diacono datæ hic apponere judicavi. Sic legitur: *Benenatus, Frater, & Coepiscopus noster, Ciceronem quemdam Monachum, qui pro suis excessibus a dilectissimo filio nostro Diacono Petro, tunc autem Subdiacono, & Rectore patrimonii nostri est in patientia deputatus. Hic Petrus fuit Rector patrimonii Siciliæ duobus primis Gregoriani Pontificatus annis; tertio autem Campaniæ; in sequentibus nulla ad eum missa Epistola reperitur: Cyprianus Diaconus in his erat Rector Siciliæ, & Anthemius Subdiaconus Campaniæ: Dialogi quarto Pontificatus anno lucubrati probabilius censentur: in Epistola citata libri V. de illo jam Diacono ut existentem mentionem fecit; siquidem quondam, ut de vita functis loquens solet, non adjunxit: initio igitur anni quarti ad Diaconatum promotus, atque cum S. Doctore in Dialogis, ut in horum exordio ipse dixit, fuit congressus.*

(et) (11) Quæ hic in Clericos Monasticis tunc inhiantes dignitatibus nonnullis S. Gregorii Epistolis innixi dicitis, pariter in Monachos illius temporis ad Ecclesiastica officia pervenientes in num. XV. capitis. XII. lib. 3. aliis ejusdem S. Doctoris Epistolis ibi citatis ducti proferre debebatis, ne hæc in odium Clericorum

hic dicta, illic autem in gratiam Monachorum omissa fortasse ab aliquo habeantur. Non immerito vos ita alloquor: Ait enim S. Doctor in epistola 11. lib. IV. Maximiano Syracusano Episcopo directæ: *Presbyteros, Diaconos, ceterosque cujuslibet ordinis Clericos, qui Ecclesiis militant, Albates per Monasteria esse non permittas, sed aut omissa Clericatus militia, Monachis provehantur ordinibus: aut si in Abbatis loco permanere decreverint, Clericatus nullatenus permittantur habere militiam. Satis enim incongruum est, si cum unum ex his pro sui magnitudine diligenter quis non possit explere, ad utrumque judicetur idoneus. Sicque invicem, & Ecclesiasticus ordo vita Monachica, & Ecclesiasticis utilitatibus regula Monachatus impediatur. Ex quibus, postquam opinionem aliquorum recte intelligentium per hæc pariter repulso ab Ecclesiasticis officiis, seu Clericali militia Monachos, & Abbates convellere vultis epistola 42. lib. VI. in qua Victorem Panormitanum Episcopum Gregorius horratur, ut unum e Monachis S. Hermæ Presbyterum ordinet, concluditis: Scopus ergo vigilantissimi Pastoris eo loci est, repellere a Monasticis prælaturis Clericos, ut nunc audiunt, seculares, aliarum jam Ecclesiarum titulis addictos, pro illorum temporum more; tum quod Clericalis, & Monastica militia in diversis Ecclesiis ita sociari non possint, tum potissimum quod per Clericorum illorum, qui Monasticis inhiabant dignitatibus, ambitionem, & remissorem vitam (ne quid pejus dicamus) Monasteria destruenda, quod etiam postea contigit, prævideret. Et certe Gregorius in epistola 42. lib. VI. loquitur de Monacho Presbytero ordinando, ut suo tantum Monasterio in celebrando sacrum inserviat; in 11. vero lib. IV. de Presbyteratu alicui Ecclesiæ addito. Cumque de hoc, & non de illo procedat quæstio, nescio quare ex verbis supra relatis ob 42. epistolam sic concluditis.*

Ait etiam S. Doctor lib. V. ep. I. Nemo etenim potest & Ecclesiasticis obsequiis deservire, & in Monachica regula ordinare persistere: ut ipse Monasterii districtiorem teneat, qui quotidie in ministerio Ecclesiastico cogitur permanere. Et in num. V. cap. II. lib. III. dicitis: Nonnulli hac usi sunt Epistola, ut probarent Monastica vita statum a Clericatu prorsus esse alienum. Verum quantum id a mente S. Doctoris abhorreat, ipse manifeste ostendit cum ad sacros ordines, inmo ad Episcopatum Monachos quamplurimos... assumptis. Et paulo infra: Mens igitur S. Doctoris fuit quantum ex laudata libri quinti prima Epist.



*Epist. & ex aliis assequi possumus, Monasteriorum praefecturam minime Clericis esse commendandam; quia cum disciplina laxiori serviant, nec severioribus Monachorum moribus sint innutriti, de regula Monastica observantia minus felicitii sunt. Praeterea quandoquidem, aut ambitus, aut avaritia, aut pravus quispiam alius affectus iis Clericis, quos Gregorius insectatur, viam ad Abbatialem dignitatem munierat, secularium vivendi modum sectabantur, in epulis, in suppellectili, in vestibus quibus sibi procurandis ut pares esse possent, Monasteria expilabant. In quibus meo iudicio nil aliud facitis ac si eo quod ex peccatoribus Deus iustos facit convellere velitis argumentationem hanc: Nemo potest in statu peccati, & gratiae simul permanere: igitur status peccati a statu gratiae prorsus est alienus: quod quidem, omissionem prius notatam ostendendo, demonstrat.*

In numero XV. cap. XII. lib. 3. ubi de epistola 15. lib. VIII. sermonem facitis haec tantum dicitis: *Ersi hoc praesertim anno S. Gregorius quantum sibi cura essent res Monastica plurimis Epistolis parlans fecerit, pauca tamen ex his delibabimus. Insigne praeter ceteris est privilegium concessum Monasterio Sanctorum Johannis, & Stephani in urbe Classicana constituto, de quo scripsit ad Marinianum Ravennatem Episcopum. Quid hoc privilegio tantum esset in gratiam Monachorum, inde repetendum. Et in eadem privilegii Epistola Gregorius ait: Quisquis autem ex praedicto Monasterio ad Ecclesiasticum ordinem pervenerit, ulterius illic nec aliquam potestatem, nec licentiam habeat habitandi. Dixerat etiam in ep. 43. lib. VII. Sed ne vel per cunctoslibet Monachi, aut Abbatis promotionem aliquod onus Monasteria fortasse sustineant, studendum vobis est, ut si quispiam Abbatum, aut Monachorum ex quocumque Monasterio ad Clericatus officium, vel ordinem sacrum acceperit, non illic aliquam habeat ulterius, ut diximus, potestatem, ne Monasteria hujus occasionis velamine, qua prohibemus, sustinere onera compellantur. Dixitque postea in 8. lib. XIII. juxta desiderium Conditorum (Gallicae Regum) decernimus ut nullus eorum, qui eidem Xenodochio, atque Monasterio Abbas, aut Presbyter in posterum fuerit ordinatus ad Episcopatus officium quocumque obreptione sit ausus accedere, nisi prius Abbatibus officio sit privatus. Pariter ergo Monachos repulit ab officio Ecclesiastico, seu Clericali militia, ac a Monasticis praelaturis Clericos: id est, nec Monachus manens Monachus alicui Ecclesiae*

*servire, nec Clericus manens Clericus alicui praesse Monasterio poterat.*

(uu) Johannes Constantinopolitani obitum hic, & in numero primo sequentis cap. X. mense Januario anni 595. contigisse asseritis; consequenterque Gregorium non nisi post viginti fere menses Synodicam Cyriaci illius successoris excepisse: quia ab epistola 18. lib. V. Kalendis Januarii data, paulo post quam Johannis mortem evenisse dicitis, ad 4. lib. VII. quae est ad Synodicam Cyriaci rescriptio, totidem menses currunt. Sed quia ratione illud asserere possitis non intelligo: etenim mense Octobri ejusdem anni 595. aliam a Gregorio Johanni datam invenio, quae quidem est 15. lib. VI. & si mense Januario Johannes e vivis excessisset, ad eum mense Octobri Gregorius Epistolam mittere non poterat quin novem mensibus Johannis mors Pontificem latuisset; quod impossibile ostendunt tot eo tempore ab urbe Regia in Romam litterae delatae, quot indicant libri V. epistolae 30. 38. 39. 40. 41. 42. & 43. quarum prima data constat mense Martio an. 595. reliquae vero mense Junio, aut Julio ejusdem anni. Praeterea Gregorius ad Johannem, ut dixi, mense Octobri ann. 595. epistolam 15. lib. VI. misit; in ultima autem ejusdem libri VI. quae ad mensem Augustum anni 596. attinet, ordinationis Cyriaci mentionem facit. Concluditur ergo, & Johannem mense Januario ann. 595. vita functum non fuisse; & Cyriacum non integro anno elapso ordinatum esse; ac tandem ejus Synodicam non post viginti fere menses, sed ante duodecim exceptam a Gregorio fuisse.

Quo ad poenam ob assumptum oecumenici titulum eis inflictam jam aliquid notavi num. VII. cap. II. lib. II. Prohibuit enim Gregorius Diaconum suum Missarum solemnia cum Cyriaco celebrare. Hoc ipsissimo modo cum Johanne hujus praedecessore ob idem se gessisse, & Gregorium, & Pelagium II. plures docent Epistolae. Hanc poenam non fuisse Canonicam verba epistolae 18. & 19. lib. V. demonstrant. Aliam ei non fuisse impositam decima quinta lib. VI. manifestat: unde ad judicandum eum nunquam a communione Sedis Apostolicae rejectum fuisse inutilis videtur recursus ad sanctae memoriae verba, quibus eum Gregorius in sexta lib. VII. compellat. Erant tamen in 66. lib. VI. alia, quae, quia de nullo dicta, quemlibet de Johannis sanctitate certiore facient. Ait enim S. Doctor in fine praedictae 66. epistolae: *De hoc*

(uu)  
Lib. III. c. I.  
nu. XII. &  
XV. De obitu  
Johannis  
C. P. Cyriaci  
electione;  
& poena eis  
ob assumptum  
oecumenici  
tituli  
impositam a S.  
Gregorio inflata.

quoque, & dilectissimo Fratri nostro Constantinopolitana civitatis Antistiti, qui in supradicti SANCTI JOHANNIS loco ordinatus est, nostra volumus scripta transmittere.

(vv)

Lib. III. cap. III. nu. VI. De Mariniano Ravennate Episcopo prius vero Monasterii S. Andreae Abate.

(vv) Marinianum Ravennatem Episcopum prius fuisse Monasterii S. Andreae Abbatem neque a vobis, neque ab aliquo unquam dictum invenio; sed tali officio, vel dignitate eum etiam functum fuisse, quæ referam, verba epistolæ 48. lib. V. & 15. lib. VIII. penitus demonstrant. Sic enim de eo in prima Gregorius loquitur: Tandem venerabilem Fratrem Marinianum Presbyterum, quem diu mecum didicere in Monasterio conversatum communi . . . voce, atque consensu sapius petierunt. In secunda vero ita eum affatur: Quam sit necessarium Monasteriorum quieti prospicere, & de eorum perpetua securitate tractare, anteaquam vos officium, quod in regimine Monasterii exhibuistis, informet. His a S. Gregorio in Concilio Romano III. sub numero VII. Appendicis posito de semetipso dictis S. Doctorem ejusdem Monasterii Abbatem fuisse in num. I. cap. VI. lib. I. probatum relinquitur: unde hoc in loco non solum Monachum, sed etiam Abbatem eum nominare debetis.

(xx)

Lib. III. cap. III. n. II. De Primatu Arelatenſi.

(xx) Hic mihi paulo extra meæ crisis metam excurrere liceat. Placuit enim, dicitis, Zozimo aliisque deinceps Romanis Pontificibus nobilissima civitatis Episcopos Vicaria Sanctæ Sedis potestate insignire: quorum tanta erat auctoritas, ut septem Provinciarum Synodo præsent, litteras formatas Clericis peregrinantibus, ipsique Episcopis abundi licentiam darent. Si qua vero in Galliis, & in Hispania creverint de fide, aut moribus controversia, ad illos tanquam Primates, Romanique Pontificis Vicarios dirimenda referantur. At cum ab Hilario Arelatenſi Episcopo perversa fuisse Metropolitanorum jura, & usurpata, quæ ipsis deberentur ordinationes, accepisset S. Leo, primum amplissimum in ipsum, Episcopumque Viennensem divisit. Ad quem autem ex his tunc pertinebat Hispania non asseritis. In nota verò ad hunc numerum ita dicitis: Ante S. Leonem Bonifacius I. & Cælestinus I. de Arelatenſium Episcoporum privilegiis jam quædam detraxerant. Sed super hoc Henrici Spondani sententiam referam. Hic enim postquam tom. I. Epitomæ Annal. Baronii, pag. 602. num. IV. de concessione Primatus Arelatenſis mediante Epistola Zozimi ad universos Galliarum Episcopos loquitur, ita in num. V. ait: Verum post hæc Zozimus de juribus Ecclesiæ Viennensis

per Legatos admonitum revocasse sententiam adversus eam datam, donec plenior de causa cognitio haberetur, docet alia ejusdem Epistola ad Simplicianum Viennensem Archiepiscopum. Et qui Zozimo successit Bonifacius Papa scribens ad Hilarium Episcopum Narbonensem, ex auctoritate Concilii Nicæni jussit ejus Provincia Metropolim integre conservari, neque ad Arelatenſis Episcopi jura pertinere; in cuius pariter sententiam successor Bonifacii Cælestinus abiit: necnon post multum tempus S. Leo, ac ceteri fere Romani Pontifices cum ejusmodi controversiæ sæpe sopita, iterum in judicium revocata est: ut constet cum ex aliis tum præcipue ex plurimis eorundem Pontificum, ea de re scriptis literis, quæ habentur in dictis codice Arelatenſi, & Bibliotheca Floriæ. Ruit igitur per illa verba ad universos Galliarum Episcopos Arelatenſis Antistitis Primatus, & Vicaria Sanctæ Sedis potestas ad dirimendas Hispaniarum de fide, aut moribus controversias: quia si ejus potestas ad Hispaniam per Epistolam extensa fuisset, non solum ad Galliarum Episcopos hæc Zozimus direxisset. Per illa autem alia revocasse sententiam Primatus Arelatenſis in Gallis etiam a suo, vel quod dicitis, initio corrui: unde non a Bonifacio I. sed ab ipso concedente ejus divisio incæpit. Eadem est Natalis Alexandri sententia tom. IX. pag. 10. Præterea omni, qua potui, diligentia vidi quidquid tom. I. Gallia Christiana de Arelatenſibus Antistitibus scripsit Dominus Dionysius Sammarthani, incluxi vestræ Congregationis Monachus, & nil de Primatu Arelatenſi ad dirimendas Hispaniæ de fide, aut moribus controversias inveni. Cardinalis Aguirre, atque aliorum, quos hic primatus fugit, sententiam non refero: quia ostendit satis repugnantiam ejus ipsa Primatum institutio.

(xy) In hoc numero conceditis quod in nota-b. epistolæ 35. lib. I. Guffanvillæ negastis; ibi enim post ejus notam ita dicitis: Hæc in observatione Guffanvillæ Gregorium quasi pugnantia scripserit, ipsimet Gregorio videtur opponere, sed immerito, &c. Hic autem: A se constituta mutare, & fixa reficere non verebatur humilis Gregorius, quando experientia comperit habebat ea Reipublica Christiana non amplius prodesse. Itaque quamvis plurimis in Epistolis docuisset cum heterodoxis, & ipsis Judæis mitius esse agendum, Religionemque Christianam non minis, & terroribus, sed benignitate, ac prædicationis suavitate persuaderi debere: postea tamen mutato consilio frequenter scripsit Manichæos, & Judæos, qui in possessionibus Romane Ec-

(yy)

Lib. III. cap. III. n. XI. De conversione Paganorum.



*cleſa erant (cum manſuetudine pellici non potuiſſent) ſummopere eſſe inſeſtandos, & tribuſis onerandos. At venia veſtra, Guſtaſtavillæque dicam: quod nec iſte in ſua nota de operibus tanti Doctōris, quod debuit, iudicium fecit; nec vos in hoc numero conformiter ad ſua ſcripta locuti eſtis. Nam dum de Paganis converſendis Gregorius loquitur terroribus, ac oneribus perſequendos eſſe ſemper monet; dum vero de Judæis, benignitate, ac manſuetudine alliciendos eſſe ſemper conſiliat. Illud quidem probant epiſtolæ 26. lib. IV. 18. lib. VIII. & initium 8. lib. V. Hoc autem evincunt 35. & 47. lib. I. 32. lib. II. 8. lib. VIII. 55. lib. IX. & 12. libri XIII. Si enim S. Gregorius conſtituta a ſe in epiſtolis 35. & 47. libri I. mutaviſſet in 26. lib. IV. initio Octavæ lib. V. & 18. lib. VIII. ſequeretur etiam quod conſtituta a ſe in his rursus mutaviſſet in 25. libri VIII. 55. lib. IX. & in 12. lib. XIII. quia in duabus primis benignitate, & manſuetudine tra- hendos eſſe iudicat, in tribus autem ſequentibus perſequendos eſſe, ut veniant, admonet; tandem in tribus ultimis rursus benignitatem, ac manſuetudinem cum eis obſervare conſiliat. Quis tantam animi imbecillitatem conſantiſſimo Doctōri tribuet? Certe nullus, qui ejus ſuper hoc Epiſtolas accurate legat, & præcipue octavam lib. V. ex qua, ni fallor, tota errandi occaſio provenit. Eam quidem in duobus capitibus S. Doctōr dividit; in primo loquens de Manichæis eos ſummopere perſequi, ſicut in omnibus ubi de eis, Cyprianum admonet: In ſecundo autem de Judæis ſermonem faciens eos promiſſione diminutionis onerum penſionis ex alio titulo debitis, velut in aliis benignitate, & manſuetudine; alliciendos eſſe præcipit.*

Nec obſtant ea 35. epiſtolæ lib. I. verba, ſcilicet: *Eos enim, qui a Religione Chriſtiana diſcordant, manſuetudine, benignitate admonendo, ſuadendo ad unitatem fidei neceſſe eſt congregare, ne quos dulcedo prædicationis, & præſentis futuri iudicis terror ad credendum invitare poterat, minus ac terroribus repellantur.* Nam intelligenda eſſe non de omnibus diſcordantibus ipſe Epiſtolæ textus, in quo tantum de Judæis locutus fuerat, manifeſte docet; confirmatque hanc aſſertionem Albornotianus codex, ubi non *Eos enim*, ſed *Hos enim* legitur. Præterea nemo dubitat quod Judæos, & Paganos par morum qualitas non aſtringit. Quid nunc mirum, ſi pro diverſitate morum, licet utrique a Religione Chriſtiana diſcordarent, Judæos, quibus in ſua lege vivere permittebatur, manſuetudine ad fidem

Tom. XVI.

congregare prudentiſſimus Paſtor ſemper intenderet; Paganos vero, quibus in infidelitate permanere non erat conſeſſum, terroribus, penſionumque augmento compellendos ad eam venire ſemper iudicaret.

Omittere non poſſum verba homiliæ X. in Evangelia, quæ hoc penitus confirmant: quia longum facere obſtare minime debet dum implicatio tanto Doctōri attributa, eſſi humilitatis decorata prætextu, proſtiganda carpitur. Hæc ſunt verba: *Sed quarendum nobis eſt, quidnam ſit quod Redemptore nato, paſtoribus in Judæa Angelus apparuit, atque ad adorandum hunc ab Oriente Magos, non Angelus, ſed Stella perduxit? Quia videlicet Judæis tamquam ratione utentibus, rationale animal, id eſt Angelus, prædicare debuit: Gentiles vero, quia uti ratione nesciebant, ad cognoscendum Dominum non per vocem, ſed per ſigna perducuntur.*

(zz) Ex commendatiitiis, quas Auguſtinus deferendas acceperat, epiſtolis ejus iter per Gallias deſcribitis. Sed, quia ex eis nulla Clothario Francorum Regi data legitur, dicere prætermiſiſtis: per Regiam hujus Sedem, Pariſienſem nempe civitatem, illum tranſiſſe. Verum hoc docent epiſtolæ ſexageſimæ primæ lib. XI. Clothario directæ hæc verba: *Quidam igitur, qui cum Reverendiſſimo Fratre, & Coepiſcopo noſtro Auguſtino ad Anglorum gentem perrexerant, revertentes, quanta eundem Fratrem noſtrum Excellentiæ veſtra in præſentia poſitum, caritate reſecerit, quantisque ſuffragiis proſciſcentem adjuverit, narrauerunt.*

(aaa) De converſatione Monachiſtica in Eccleſia Cantuarienſi ab Auguſtino Monachiſtii S. Andreæ Præpoſito inſtituta adeo clarum eſt venerabilis Bedæ teſtimonium, ſicut illud aliud S. Gregorii in ep. 1. lib. V. de impoſſibilitate conjungendi illam cum militia Eccleſiaſtica. Unde utriuſque veritas propugnari non poteſt quin dicatur Bedam appellare Monachiſticam converſationem illam, quam S. Gregorius in epiſtola 64. lib. XI. reſponſione prima Auguſtinum monet, ut in Cantuarienſi Eccleſia inſtituat. Hæc quidem ſi Gregorii iudicio cum militia Eccleſiaſtica inconjungibilis, ſicut Monachiſtica regula, foret, ab eo, ut inſtituenda, minime conſiliaretur: ex quo clare deducitur converſationem Monachiſticam Eccleſiæ Anglorum aliam fuiſſe a converſatione, ſeu regula Monachiſtorum Italiæ, atque Siciliæ. Hujus diſcurſus reſtitutionem demonſtrant tot S. Gregorii epiſtolæ ubi de Monachis uxoratis ab uxoribus avel- lendis, ſuiſque Monachiſtiis retrudendis loquitur, & ſecunda ad Auguſtinum reſponſio. In hac enim poſtquam de inſti-

Gg

tuen-

(zz)  
Lib. III. cap.  
IV. nu. VII.  
De Auguſtino  
ni itinere  
per Gallias.

(aaa)  
Lib. III. cap.  
V. num V. &  
VI. De con-  
verſatione  
Monachiſtica in  
Eccleſia An-  
glorum.

tuenda conversatione primitivæ Ecclesiæ in prima locutus fuerat, ita ait: *Si qui vero sunt Clerici* (ex illis a quibus seorfum vivere Augustinus, jam Episcopus, non debebat) *extra sacros ordines constituti, qui se continere non possunt, serviri uxores debent, & stipendia sua exterius accipere: quia & de eisdem Patribus, (primitivæ Ecclesiæ) de quibus prafati sumus, novimus scriptum quod dividebatur singulis prout cuique opus erat. De eorum ergo stipendio cogitandum, atque providendum est, & sub Ecclesiastica regula sunt tenendi, ut bonis moribus vivant, & canendis Psalmis invigilent, & ab omnibus illicitis cor, & linguam, & corpus Deo auctore conservent. Communit autem vita viventibus jam de faciendis portionibus &c. erant igitur in Ecclesia Anglorum, & Clerici communi vita viventes, & Clerici cum suis uxoribus habitantes: ergo verbum *Clerici* non potest ibi intelligi de Monachis sub S. Benedicti regula contentis: quia hi etiam extra sacros ordines constituti se continere non valentes fortiri uxores non possunt. Quis unquam vidit ab aliqua Monachorum regula sancitum quod hic Gregorius ait se de Patribus primitivæ Ecclesiæ novisse scriptum? Igitur alia a Benedictina erat illa regula Monachica, quam, ut testatur venerabilis Beda in num. VI. citatus, per omnia cum ipso Episcopo (Lendisfarnensi) omnes Presbyteri, Diaconi, Cantores, Lectores, caterique gradus Ecclesiastici servabant. In ista, absque dubio a Beda Monachica dicta: quia omnia erant communia, Monachi extra sacros ordines constituti uxores ducere poterant; atque uxorati canendis Psalmis invigilare debebant; conjugioque non obstante, prout illis opus erat, licet exterius, dividebatur. Dixi *Monachi*: quia verbum *Clerici* idem ibi significare vultis.*

(bbb)  
Lib. III. cap.  
VI. n. II. su-  
per eodem

(bbb) Utrum vero Canonici Regulares dici debeant Lector judicet, aut regularis instituti Canonici Propugnator probet. Ego tantum dicam: quod consequentia ab eo ex epistola 43. lib. VII. deducta vos, quia num. IX. cap. III. præcedentis immemores, in admirationem irrisionis erga illum rapuit, quod sic demonstro: in num. II. hujus VI. cap. ita dicitis: *Ad posteriorem locum* (hoc est ad secundam objectionem ex posteriori loco desumptam) *jam veniamus. Sanctus Doctor lib. VII. ep. 43. hac decernit: Si quispiam Abbatum, aut Monachorum ex quocumque Monasterio ad Clericatus officium, vel Ordinem sacrum accesserit; non illic aliquam habeat ulterius, ut diximus, potestatem; ergo hoc ipso quod ad curam Ecclesiæ sustinendam ordinabatur Monachus,*

*Monachatus auferebatur, inquit nuper scriptor. Mira sane consequentia. Quasi vero idem esset potestas in Monasterio, & Monasticus status, qui obedientia, & subjectione potius quam potestate, ac auctoritate constat. In numero autem IX. præcedentis cap. III. sic loquimini: Ad sacrum ministerium ordinari (Monachi) non debebant, nisi præmisso, de vita, & moribus serio examine. Et hi quidem velut emancipati, ulterius in Monasterio nec habitabant, nec habitandi potestatem habebant aut licentiam: Ne Monasteria hujus occasionis velamine, ea qua prohibemus, sustinere onera compellantur, inquit S. Gregorius lib. VII. ep. 43. Qui vero pro Monasteriis Presbyteri constituebantur, adhuc juris Abbatum erant, neque obedientia jugum excutere poterant. Mira sane derisio! Nunc Canonici instituti Propugnator merito exclamare poterat. Sed ut prædictæ derisæ consequentiæ restitudo clarius percipiat, eam ex assertionibus vestris deductam hic apponam. Per vos status Monasticus obedientia, & subjectione potius quam potestate, ac auctoritate constat: per vos etiam Monachi, qui pro Ecclesiis Presbyteri constituebantur, obedientiæ jugum excutiebant, jurisque Abbatum non erant: Ergo hoc ipso quod ad curam Ecclesiæ sustinendam ordinabatur Monachus, Monachatus auferebatur.*

Num. III.

Tunc Augustinum non fuisse Clericum, nec Ecclesiasticis officiis addictum constat ex ep. 108. lib. IX. Syagrio Augustodunensi Episcopo missa, in qua Gregorius sic loquitur: *Quia igitur in predicationis opere, quam diu cogitans Anglorum genti per Augustinum tunc Monasterii mei Præpositum, nunc Fratrem, & Coepiscopum nostrum. Quod vero Presbyter, aut Diaconus tunc foret ad Clericatum ejus probandum nil facit: quia Monachus pro suo Monasterio Presbyter constitutus dici Clericus non potest; vos enim tomo 2. columna 1411. titulo penultimo dicitis: Secularis Clericus non possit esse Abbas, qui si Abbas esse voluerit, desinat esse Clericus. Ex quibus hunc discursum effingo: Nemo potest definire esse Presbyter, vel Diaconus; sed Clericus secularis definire debet esse Clericus, si velit esse Abbas: ergo esse Clericum est aliud ab ordine sacro Diaconatus, vel Presbyteratus. Igitur ex eo quod Augustinus Presbyter, vel Diaconus fuisset minime probatur quod Clericus esset.*

Ex notatis præcedenti numero II. hic emendanda venit sequens propositio vestra: *Et si vero Monachus ad Ecclesiasticas curas, & dignitates assumptus, Monachus ultra non diceretur, esse tamen minime desineret, quid contendit vir doctus, (Canonici*

Num. IV.



nici Regularis instituti Propugnator) *ne in lectione Gregorii Magni pene peregrinus*: Similiter corrigi debet hujus propositionis probatio, utpote vestrae sententiae in num. VII. sequenti penitus contraria. Ecce demonstratio: *Cum enim*, dicitis, *demonstratio a nobiliori gradu desumatur, quid mirum si quis Monacho superinduens Episcopum, exempli gratia, non amplius Monachus vocitetur, licet Monachum non deposuerit, & in Monasticis etiam institutis, in vigiliis, jejuniis, orationibus perseveret?* In numero autem VII. sic loquimini: *Porro, vel hac sola proprii resentio, ex ipsomet regula instituto, a Canonici Regularis statu adeo abhorret, ut evertat, & secularem cum efficiat.* Nunc sic: Monachus factus Episcopus proprium habet, & tunc habebat: Siquidem initio tantum nascentis Ecclesiae omnia erant communia: quia nullus Patrum ex his, quae possidebant, aliquid suum esse dicebat, ut inquit S. Gregorius in responsione prima ad Augustinum; haec sola proprii retentio: quia ex ipsomet Regulae instituto a Canonici Regularis statu abhorret, vestro iudicio sufficit, ut eum secularem efficiat: quare non sufficiet, non minus a Monastico statu abhorrens, ut Monachus factus Episcopus nec sit, nec amplius vocitetur Monachus?

Num. V. &  
VII.

Nec Johannis Diaconi testimonium, nec secundum numeri V. Appendicis decretum praefata sententiam oppugnant. Primum non: quia sex Monachos, quos tamquam S. Gregorii familiares ex ipso Johanne in num. IV. cap. III. lib. II. recensuistis, tales non fuisse ex immediate dicendis pene liquet. Primus est Maximianus: Hunc Syracusanum Episcopum fuisse prius, quam S. Gregorius in Pontificem unctus esset constat ex eo quod inter Epistolas non invenitur aliqua de missione Pallii ad illum, sicut ad Johannem successorem ejus: cumque in hac, quae 17. lib. V. est, Gregorius asserat tali decore Maximianum usum fuisse, credibile non est eum Gregoriani Pontificatus tempore Episcopum factum esse. Secundus, videlicet Augustinus, quando ad Anglorum conversionem mittebatur Monasterii S. Andreae Praepositus erat, ut jam dixi num. III. praecedenti. Tertius, nempe Mellitus, dum ad eandem conversionem fuit missus Abbas erat, ut ex epistolis 54. 58. & 61. lib. XI. evincitur. Marinius autem dum Ravenas Episcopus fuit electus in Monasterio habitabat, ut deducitur ex epistola 48. lib. V. Claudius, qui post praefatos nominatur, indictione X. erat Abbas Monasterii SS. Johannis, & Stephani Classitanæ civitatis, ut videri potest in epistol. 46. lib. II.

Suspicio tamen Johannem Diaconum ideo Claudium inter familiares ex Monachis electos recensuisse; quia S. Gregorius in ep. 16. lib. VIII. ad Marinianum Episcopum Ravennatem missa ait: *Quod communem filium Claudium Abbatem, maiorem praesentium longa apud nos hactenus mora retinuit, res illa fecit, quod magnum nobis, sicut nostis, erat in verbo Dei solatium: quem etiam hic adhuc volueramus diutius retinere, si & ipse non festinasset ad suum Monasterium, & nos congregationem fratrum ejus praesentiam esse omnino necessariam sciremus.* Hanc longam moram plus quam ad septem menses extendi non posse ex nota temporis praecitatae epistolae, & ultimae libri praecedentis aequae colligitur, ac ex earum textu domesticum hunc convictum (si forte fuit: nam in aliquo Monasterio hospitari poterat) praefamulitio hospitium intelligi debere. Hoc confirmat sequens 17. ejusdem libri Epistola Mauritio Magistro militum data; ubi S. Gregorius inquit: *Quasi autem qui vobis adhuc in lectionis Sacra Collegio, & neminem reperi, & vehementer ingemunt paupertatem boni. Et quamvis peccator ego valde occupatus sum: tamen si ad Beati Petri Apostoli limina venire volueritis in sacro eloquio strictum poteritis me habere Collegam.* Ob quae nullus Maurentium in famulitium Gregorii receptum judicabit, quia seculares omnes a cubiculo suo jam removerat.

Probus tandem Abbas Monasterii SS. Andreae, & Luciae dum Abbas fuit, convictor S. Gregorii non perstitit, & antequam fuisset Abbas, Monachus non fuit, ut apertissime constat ex nono Appendicis numero, cujus verba utramque meae assertionis partem demonstrantia, ne latius dicam silentio praetermitto.

Non secundum, id est decretum, quia cum Monachica regula plus conjungibilis non sit cum Pontificiis obsequiis, quam cum alicujus Ecclesiae cura, atque Gregorii iudicio nemo possit, & huic deservire, & in illa ordinate persistere, idem de familiaribus ex Monachis electis, ac de promotis ad Ecclesiae curam iudicium profero, hac ductus ratione, quod Gregorius lib. XI. ep. 33. Mariniano dixit: *Si igitur eadem egritudine gravari te sentis, & venire disponis, cum paucis tibi veniendum est: quia tecum in Episcopio manens, quotidiana obsequia de hac Ecclesia habebis.* Heliae autem Presbytero, & Abbati Isauriae ep. 38. lib. V. *Filium vero vestrum Euphanium mandastis ut ad sacrum ordinem provehere deberemus, vobisque retransmittere. Sed in uno vos audivimus, in altero autem minime audire potuimus. Diaconus quidem factus est; sed quisquis semel in hac*

*Ecclesia ordinem sacrum acceperit, egrediendi ex ea ulterius licentiam non habet.*

(ccc) Benediclinam Regulam ab Augustino in Angliam delatam hic asseritis; sed pro priori ad Augustini adventum Monasterium Bancor in Uallia Angliæ Provincia situm erat, ut ex num. VI. capitis sequentis deducitur: igitur non omnes Angliæ Monachi ab initio Benedictini fuere.

(ddd) Hujus numeri textum transcribere necessarium duxi, ut tria ei obstantia clarius percipiantur. Dicitis: *Evocato ad superos Augustino, qui ab ipso ordinati fuerant Episcopi, Mellitus Londonia, Justus Rosse, & Laurentius ipsius in Doroverensi Cathedra successor; de revocandis a schismate cum Britonibus, tum Scottis Hibernia Insula habitatoribus plurimum sategunt, scriptis ad eos Epistolis caritatem, & humilitatem Christianam spirantibus.* Missa ad Scottos, seu Hibernos hæc erat inscriptio, quam refert Beda: Dominis carissimis Fratribus Episcopis, vel Abbatibus per universam Scotiam: Ubi Episcopi, & Abbates iidem esse videntur. Huic opinioni primum obstat Bedæ testimonium num. VI. cap. V. hujus libri citatum: siquidem ibi constat quod Lendisfarnensis Episcopus cum consilio Fratrum Monasterii Abbatem eligebat; ait enim Beda: Unde ab illo (Aidano) omnes leci hujus (Lendisfarnensium) Antistites usque hodie sic Episcopale exercent officium, ut regente Monasterium Abbate, quem ipsi cum consilio fratrum elegerint, omnes Presbyteri, Diaconi, Cantores, Lectores, caterique gradus Ecclesiastici Monachicam per omnia cum ipso Episcopo Regulam servant.

Secundo, Synodi Cloveshovienensis decretum immediate ante hunc numerum adductum, ibi: Ita ut uterque dies ab Ecclesiasticis, & Monasterialibus feriatus habeatur. Nam si conjunctio vel in Epistolæ ad Scottos inscriptione eosdem esse Episcopos, & Abbates denotat, quare diversos fuisse Ecclesiasticos, & Monasteriales conjunctio & in decreto non significabit? Præterea, si Ecclesiis ab Episcopo Abbate, & Monachis serviebatur, quare Synodus non omisit verbum Ecclesiasticis? Fortasse respondebitis id ipsum, quod num. XI. cap. VI. præcedentis dedistis, videlicet: Presbyteros aliquos Monasticis legibus nullatenus adstrictos Episcopo sociatos esse. At tunc rursus interrogo: quare hos Monasterialibus illic principalioribus Synodus anteposuit?

Vestram tandem opinioni potissimeque obstat maximum inconveniens ex ipsa resultans, quod sic ostendo: In Insula Hiberniæ Episcopi erant, qui ex inscriptione Epistolæ ad illos esse etiam Abbates vobis videntur; sed hi neque ab Augusti-

no, neque ab ejus sociis ibi fuerunt instituti, ut ex num. VI. præcedenti evincitur: igitur pro priori ad Augustini adventum iis in partibus Ecclesiæ erant Regulam Monachicam servantes.

(eee) Ex inscriptione epistolæ 32. lib. IV. Narlam Patriciæ dignitatis fuisse hic colligitis; at in nulla ex Epistolis ad eum directis titulo *Gloriæ*, vel *excellentiæ*, ipsi ad Patricios proprio, Gregorius eum compellat. Videatur nota ad num. VII. cap. V. lib. 2. simulque vestra nota-a-ad prædictam Epistolam.

(fff) Ex epistola 1. lib. VIII. dicitis: *Laudavit insuper consilium Petri Episcopi (Alerici) de alio Episcopo in eadem Insula (Corsicæ) ordinando.* Locus prædictæ Epistolæ sic legitur: *Vestra autem Fraternalitas petiit, ut sibi Episcopum in Ecclesia, que non longe ab eodem monte (Negeugno) est, facere debeat; quod omnino libenter accepi; quia quantum vicina fuerit, tantum prodesse animabus illic consistentibus amplius poterit.* Guffanvillæus in nota-d-ad illam legendum Episcopium conjecit: quia textus favet; & quidem Petrus per alterius Episcopi ordinationem vicinior non fiebat. Vos autem post Guffanvillæi notam ibi immediate asseritis quod plerique MSS. conjecturam ejus juvant: quia litteræ, quibus scribitur, æque utrumque significare possunt: unde cum litteræ Guffanvillæi conjecturam, cui textus favet, non rejiciant, hic de alio Episcopo faciendo loqui debuistis, non de alio Episcopo ordinando.

(ggg) Postquam epistolæ 35. lib. X. aliqua verba adducitis ad probandum *Sanctissimum Pastorem omnium Christi ovium in alienos, & vicarios humeros rejiciendum non putasse jugum sibi a Christo impositum, sicut Pontificale munus appellabat, dicitis: Alius prescudubio Pontifex nil aliud cogitans quam de levandis incommodis, de adhibendis remediis, accercendisque Medicis ad eorum nutum negotiis Ecclesiasticis nuntium remisisset, omnesque Pontificatus curas Vicariis tradidisset. Non desunt Summis Antistitibus, & Episcopis, qui succedere oneri pastoralis, sive ex caritate, sive ex cupiditate ambiant.* At cum hujus veluti objurcationis aliorum Pontificum, eisque assentientium, in ipsa epistola fundamentum quærerem, oppositum non solum in ea, sed etiam in 33. lib. XI. quam protinus recordatus sum, plenissime inveni: hæc enim scripsit Gregorius in 33. Mariniano Ravennæ Episcopo de vomitu sanguinis ægrotanti: *Veniente quodam Ravennate homine, gravissimo morere percussus sum, quia fraternitatem tuam de vomitu sanguinis retulit egrotare. Ex qua re sollicitus, & singillatim eos, quos hic doctos lectione novi-*

(eee)  
Lib. III. cap.  
XI. num. IV.  
De Narla.

(fff)  
Lib. III. cap.  
XII. num. I.  
De alio Episcopo,  
seu domo Episcopali facienda.

(ggg)  
Lib. IV. cap.  
IV. num. I.  
Quadam in  
firmorum de  
modo operandi  
objurgatio  
ipsum  
Gregorii consilio,  
vel præcepto  
injusta ostenditur.



mus, Medicos fecimus inquiri, & quid singuli senserint, quidve dictaverint sanctitati vestra transmisimus. Qui tamen quietem, & silentium pra omnibus distant: quam si tua Fraternalitas in sua Ecclesia possit habere, valde sum debitus. Et ideo videtur mihi ut ordinata illic Ecclesia, vel qui Mis-sarum solemnia explere valeant, vel qui Episcopii curam gerere, hospitalitatemque, & suscepciones possint exhibere, quive Monasteriis custodiendis praesse, tua Fraternalitas ad me ante aetivum tempus debeat venire, ut agnitudo tua ego spectabiter, In quantum valeo, curam geram, quietem tuam custodiam: quia huic agnitudo aetivum tempus Medici vehementer dicunt periculosum. Et valde pertimesco, ne si curas aliquas cum adversitate temporis habueris, amplius ex eadem molestia pericliteris. Ego etiam ipse valde sum debilis, & omnino est utile ut cum Dei gratia sanus ad tuam reddeas Ecclesiam: aut certe si vocandus es, inter tuorum manus voceris: & ego qui me proximum morti video, si me omnipotens Deus a te te vocare voluerit, inter tuas manus transire debeat. Si autem qualitas temporis ad veniendum praepedierit, aliquo parvo exensio dato, apud Agorem (Langobardorum Regem) agi potest ut ipse vobiscum hominem suum usque Romam transmittat. Si igitur eadem agnitudo gravari te sentis, & venire disponis, cum paucis tibi veniendum est: quia mecum in Episcopio manens, quotidiana obsequia de hac Ecclesia habebis. Praeterea nec hortor, nec admoneo, sed districte precipio ut jejunare minime praesumas: quia dicunt Medici huic molestia valde esse contrarium, nisi forte si grandis solemnitas exigit quinque in anno vicibus concedo. A vigiliis quoque temperandum est, & preces, qua super circum in Ravennati civitate dici solent, vel expositiones Evangelii, qua circa Pascalem solemnitate a Sacerdotibus fiunt, per alium dicantur. Et tua dilectio contra virtutem laborem sibi minime imponat. Hac autem dixi, ut si te melius senseris, & venire distuleris, scias quid debeas ex meo mandato custodire.

In 35. epistola lib. X. ex qua assiduum Gregorii laborem non solum deducitis, sed quid alius Pontifex proculdubio faceret conjicitis, Eulogio Patriarchae Alexandrino S. Doctor haec scripsit: Transacta anno suavissima sanctitatis vestra scripta suscepi, quibus pro agnitudo mea nimietate respondere nunciusque non valui. Trigessimam quoque nonam ejusdem libri super eodem argumento, errore scilicet Agnoitarum, eidem Eulogio scriptam sic concludit: Sed ad hac ei, hoc est Anatolio Diacono Constantinopolitano S. Doctoris sententiam requirenti, necdum respon-di, quia gravi nunciusque infirmitate detenti-

us sum. Jam nunc autem vestra caepi oratione convalescere, & ei si iura perfecte convalescere, ut dictare valeam, adjuvante Domino, respondebo. Illud igitur iustificate praecceptum; vel importunam de oratione tollite conjecturam.

(bbb) Ab immediate citata 39. epistola, lib. X. occasione desumpta in hoc numero dicitis: Agnoitas Nestorianos fuisse Gregorius docet esse manifestum; unde me latet qua ratione contrarius Eutychnianorum error ipsis a doctissimo Theologo tribuatur. Ut autem nemo fortasse incivili sententiae Agnoitarum Gregorium existimet, verba ipsius in citata, & S. Ildori Hispalensis locum cap. V. libri VIII. Etymologiarum ponam, ex ipsique per argumentationem concludam, quod S. Gregorius praecise Eutychnianorum errorem Agnoitis non tribuit, sed cum additamento, ex quo deducit, seu tantum per illationem docet manifestum esse Agnoitas Nestorianos fuisse. Ecce vobis Gregorii verba: Diem ergo, & horam iudicii scit Deus, & homo: sed ideo quia Deus est homo. Res autem valde manifesta est, quia quisquis Nestorianus non est, Agnoita esse nullatenus potest. Nam qui ipsam Dei sapientiam fateretur incarnatam, qua mente valet dicere esse aliquid quod Dei sapientia ignoret? En Ildori locus: Agnoita ... a Theodosianis exorti sunt ... Agnoita ab ignorantia dicti, quia pervertit, a qua exorti sunt, id adiciunt, quod Christi divinitas ignoret futura, qua sunt scripta de die, & hora novissima, non recordantes Christi personam in Isaia loquentis: dies iudicii in corde meo. Et immediate supra: Theodosiani ... errorem Eutycheis ... sequentes ... ex duabus unam in Christo naturam ... corruptam ... contendunt. Et supra: Eutychniani dicti ab Eutyche ... qui Christum post humanam assumptionem negavit existere de duabus naturis, sed solum in eo divinam asseruit esse naturam. Tandem immediate supra: Nestoriani a Nestorio ... nuncupati, qui beatam Virginem Mariam non Dei, sed hominis tantummodo asseruit genitricem, ut aliam personam carnis aliam faceret Deitatis. Neque unum Christum in Verbo Dei, & carne credidit, sed separatim, atque separatim alterum filium Dei alterum hominis predicavit.

Nunc sic: Eutychnianorum error tantum est asserere solum in Christo esse divinam naturam post assumptionem humanam; atqui S. Gregorius in sua Epistola convellere intendit ignorantiam diei, & horae iudicii, quam huic divinae naturae Agnoitae tribuunt postquam solum; utpote a Theodosianis, qui Eutycheis errorem sequuntur, exorti, in Christo fatentur: ergo illis Eutychnianorum errorem

(bbb)  
Lib. IV. cap.  
IV. num. II.  
De errore  
Agnoitarum.

non solum, sed cum additamento tribuit: Quod vero ex hoc additamento ut doctissimus Theologus deducat, seu tantum per illationem doceat esse manifestum Agnoitas Nestorianos fuisse, etsi Gregorii verba satis indicent, me etiam probare moleste non feratis.

Sic enim interrogat S. Doctor: *Nam qui ipsam Dei sapientiam fatetur incarnatam, (ut Eutychianus) qua mente valet dicere (ut Agnoita) esse aliquid quod Dei sapientia ignoret? Quasi diceret: non potest quis negare quod sapientia incarnata scit diem, & horam judicii quin neget causalem quare hæc futura scire debet, nempe quia Deus est homo; sed negare hanc error est Nestorianorum, qui duas in Christo personas adstruunt, & negare illud Agnoitarum: igitur res valde manifesta est, quia quisquis Nestorianus non est Agnoita esse nullatenus potest.*

Alio etquidem clariori modo: Agnoitæ ex Isidoro in capite citato ab Eutychæ etsi remote ortum ducebant, ut Eutychiani Nestorianis contrarios se ponere debebant; ex additamento ignorantia ad Eutychetis errorem concordēs Nestorianis resultabant. Quid certe efficacius ad eorum somnia refellenda quam ex additamento ad sententiam, quam ut Eutychiani propugnabant, casum in contrariam: ipsis demonstrare?

In eodem numero, sed paulo supra, hæc etiam dicitis: *Certe sufficit Gregoriana hæc Epistola ad Agnoitarum somnia refellenda; in ea enim occurritur omnibus, unde Christo qualiscumque ignorantia posset affingi.* Sed S. Doctor apertissime oppositum fatetur. Et utinam non: quia (licet in cap. 23. lib. I. Moralium dicat: *Nam cuncta sciens, sed in locutione sua ignorantiam nostram suscipiens*) sic tanti Magistri solutione ad postea propositam ei difficultatem melius edocti, data occasione, rectius respondere possemus. Inquit enim S. Doctor in præcitata epistola 39. *Ad hac vero mihi idem communis filius Anatholius respondit aliam questionem, dicens: Quid si obijciatur mihi, quia sicut immortalis mori dignatus est ut nos liberaret a morte, & æternus ante tempora fieri voluit temporalis: ita De sapientia ignorantiam nostram suscipere dignata est, ut nos ab ignorantia liberaret? Sed ad hac ei necdum respondi, quia gravi nunciusque infirmitate detentus sum. Jam nunc autem vestra capti oratione convalescere, & ei, si ita perfecte convalescero in dictare valeam, ad*

(iii). Lib. IV. cap. V. nu. XIII. *juvante Domino respondebo.*  
De tempore (iii). Ex assertione vestra videlicet: In eodem concilio, a quo damnatus est Andreas falsorum scriptorum Artifex, concessa est Probo Monacho, & Abbati restandi fa-

cultas; & atque ex nota temporis hujus facultatis, quæ sub num. IX. Appendicis ad Epistolas constituta est, supposita veritate tituli, & notæ temporis Concilii Romani III. sub num. VII. Append. contenti, deducitur Concilium Romanum IV. pro priori ad III. fuisse celebratum, quod sic demonstro: In indictione mensis October Aprilem præcedit, quia indictio a Septembri incipit; atqui nota temporis Concilii IV. sub Gregorio celebrati, est sub diem tertium Nonarum Octobris Indictione IV. si in eo fuit concessa Probo testandi facultas: quia ejus est hæc temporis nota; & die Nonas Aprilis Indictione IV. est nota temporis Concilii III. igitur pro priori ad tertium fuit quartum celebratum. Hoc esse nullatenus potest: ergo vel titulus Concilii IV. ibi: *celebratum anno Domini DCI.* cancellandus est, vel suprascripta assertio vestra corrigenda. Alio æque claro medio assertio vestra convellitur. En illud: October, & Aprilis unius ejusdem indictionis sunt October unius anni, & Aprilis alterius: quia indictio incipit a Septembri, annus vero a Januario; sed utrumque Concilium celebratum asseritur in eorum titulis anno Domini 601. ex quibus tertium die Nonas Aprilis indictione IV. facultas autem testandi concessa sub diem tertium Nonarum Octobris indictione quarta: ergo hoc die non fuit Concilium quartum celebratum.

At fortasse dicetis: quod ubi Concilium III. habet in textu *die Nonas Aprilis Indictione IV.* in margine notatum legitur *alias III.* qua quidem nota mea corrui obiectio: sed tunc sequitur quod prædicti Concilii titulus corrigi debet: In eo enim celebratum dicitur anno Domini 601. & indictio III. incæpit mense Septembri anni 599. finivitque mense Augusto anni 600.

Emendari etiam debet titulus Concilii IV. si eodem die, quo testandi facultas Probo data, celebratum fuit. Nam illa upote concessa mense Octobris indictionis quartæ anno Domini 600. respondet, quod confirmat Albornotianus codex, in quo nona inter indictionis quartæ Epistolas reperitur, & sic legitur: *In nomine Domini Salvatoris nostri Jesu Christi imperantibus Domino Mauricio, & Tiberio Augustis anno Incarnationis Domini DC. primo eodemque domino undecies Consule sub die tertio NON. Octobrium IN S. IIII.* Et infra, ubi Paterius recitavit, ita: *post ejusdem Domini anno XVI. (id est post Consulatum) quod quidem convenit cum eo, quod in num. II. Appendicis legitur scilicet: quod depositio Laurentii Diaconi, quæ in codicibus initio X. Indictionis constituta invenitur, facta fuit anno septimo Consulatus Mau-*



Mauricii. Siquidem ab Indictione X. exclusive: quia ut septimus annus Consulatus Mauricii numerata remanet, ad quartam inclusive novem numerantur anni; septem & novem sexdecim componunt: igitur Indictio IV. cum anno XVI. Consulatus Mauricii proculdubio concurrat.

(jjj) Titulum filii, quem Claudio Ab-  
bati Monasterii Classensis SS. Johannis,  
& Stephani in epistola 24. lib. XII. Gre-  
gorius dat, eum fuisse Monachum in Gre-  
goriano Romæ Monasterio, & sub ejus  
disciplina, probare vultis. At eundem  
titulum etiam dedit Bonifacio Diacono  
ep. 52. lib. I. Candido Presbytero ep. 57.  
58. & 59. lib. VI. Secundo Servo Dei ep.  
10. lib. VII. Felici viro glorioso ep. 45.  
lib. IX. Domestico Abbati SS. Maximi, &  
Agathæ in civitate Panormitana ep. 28.  
ejusdem. Canonii Abbati Lirinensi, & Co-  
lumbo Presbytero Lunensi ep. 12. lib. XI.  
Aurelio Presbytero ep. 70. lib. XII. Bo-  
nifacio omnium Defensorum primo ep. 40.  
libri XIII. aliisque plurimis, quos certe  
Monachos non fuisse in Gregoriano Ro-  
mæ Monasterio nemo dubitabit.

(kkk) Quo vero tempore urbe regia exce-  
serit Anatholius Diaconus, quare occasione  
divinare non possumus, hic dicitis. Utrum-  
que autem manifestum inveni in epistola  
24. lib. XII. Johanni Subdiacono Raven-  
næ inscripta, ibi: Nam quia dilectissima  
memoria Anatholius Diaconus quarenti ac  
jubenti Domino Imperatori librum Regula Pa-  
storalis dedit, agra suscepit; quia illud ver-  
bum dilectissima memoria latis indicat Ana-  
tholii obitum, ejusque conscium jam tunc  
Gregorium fuisse. Prædicta epistola fuit  
data, ut in fine ejus legitur, mense Ja-  
nuario Indictione V. ultima vero, quæ ad  
Anatholium missa reperitur, est 47. In-  
dictionis IV. igitur occasio fuit mors,  
tempusque hujus a mense Majo, vel Ju-  
nio Ind. IV. ad Octobrem, vel Novem-  
brem quintæ.

(lll) Euria Episcopum, hic dicitis; ad  
propriam Ecclesiam deferendam coactum esse  
a Sclavis, aut Avaribus suspicamur, non  
vero a Langobardis, cum quibus nullum  
tunc fuisse bellum conjicimus ex litteris,  
& manuscriptis a S. Gregorio ad Theodelin-  
dam Reginam hoc anno (id est 603.) mis-  
sis. Sed hæc suspicio penitus evertitur  
sequenti ratione ex verbis epist. 7. & 8.  
lib. XIV. formata: Temporibus Mauricii  
jam contenderant super jurisdictione in  
Cassiopi Castro Alcyon Episcopus Corcy-  
ræ, & Johannes Eurix. Ait enim S. Do-  
ctor in prædicta ep. 8. Bonifacio Diacono  
Constantinopolitano missa: Qua igitur de  
Cassiopi Castro, quod in Insula Corcyra est  
positum, acta sint, qualiterve id de juris-  
dictione Corcyritani Episcopi Episcopus Eu-

ria molietur subtrahere, & sua nequiter  
jurisdictioni subicere, valde prolixum est  
dicere .... Hoc tamen breviter indicamus,  
quia dum Mauricio quondam Imperatori es-  
set in præjudicium Ecclesia Corcyritana sub-  
reptum, nec jussu ejus, quippe qua contra  
Leges, & sacros Canones data fuerat, ha-  
buisset effectum, & indecisa inter partes  
contentio remansisset; aliam illum ad An-  
dreadam quondam fratrem nostrum tunc Nico-  
politanum Metropolitam jussionem dedisse, ut  
quoniam utraque pars ejus erat jurisdic-  
tioni subiecta ipse hanc causam cognoscere, &  
finire canonice debuisset. Qui Metropoli-  
ta cognita causa, prolataque sententia, ejus  
tibi exemplaria misimus, prædictum Cassiopi  
Castrum sub potestate, ac jurisdictione Cor-  
cyritani Episcopi, ejus & semper fuit Diæ-  
cesis, esse distinxit. Quam nos sententiam  
comprobantes Apostolica Sedis auctoritate præ-  
vidimus confirmandam. Sed pro priori ad  
hanc contentionem Episcopus Eurix fuit  
coactus ad propriam Ecclesiam deferen-  
dam, ut demonstrant hæc epistolæ 7. ver-  
ba: Relectis igitur Fraternitatis tue (Al-  
cyonis) Epistolis, quæ de Cassiopi Castro,  
quod in tua situm est Diæcesi, ab Episcopo  
Eurix civitatis prius, vel modo sint acta co-  
gnovimus: & contristati sumus quod hi, qui  
Ecclesia tua pro impensa sibi caritate debi-  
tores esse debuerant, ei inimici magis feri  
nullo sunt pudore prohibiti. Denique ut con-  
tra Ecclesiasticam ordinationem, contra Sa-  
cerdotalem modestiam, contra sacrorum Ca-  
nonum statuta prædictum Castrum de juris-  
dictione tua abducere, ac sua molirentur  
potestati subicere; ut fierent quodammodo  
domini ubi prius suscepti fuerant peregrini.  
Ergo ex quo in epistola 12. ejusdem  
XIV. libri pax cum Langobardis facta  
constet oppositum potius suspicari debe-  
batur: quia si tunc, hoc est sub finem an-  
ni 603. vel, ut in nota-i-ad hanc 12. di-  
citur, mense Novembri Indictionis septi-  
mæ pax cum Langobardis facta fuit, hi  
prius bellum gerebant; atqui prius co-  
actus fuit ad deferendam Ecclesiam Epi-  
scopus Eurix, ut denotant verba adducta  
epistolæ 7. & 8. hujus ejusdem libri: er-  
go vestræ suspicionis fundamentum potius  
ejus oppositum confirmat.

Nec obstant illa 13. epistolæ ejusdem  
libri verba: ut tempore quo, miserante  
Deo, pace reddita, illi ad propria fuerit re-  
vertendi licentia; quia ut de recta consti-  
tutione ejus dubitetur sufficit, vel nota  
temporis duorum codicum Tellerianorum  
ubi mense August. Indict. VI. data legitur;  
vel illud verbum: Post longum vero tempus  
suprascriptus Petrus capitulare protulit. Nam  
etsi data mense Januario Indictione VII. ut  
in nota-e-ad eam, concedatur, prædictum  
verbum non convenit cum nota temporis  
se-

septimæ epistolæ, & octavæ. Præterquam-  
quod duorum mensium tempus sufficiens  
non erat, ut octava mense Novembri Bo-  
nifacii rescriptio ad Constantinopolim, & Bo-  
nifacii rescriptio ad Romam perveniret:  
quod quidem requirebatur, ut decima  
tertia, quæ est hujus litis sententia (quam  
dispositam mense Augusto Indictionis VI.  
conjicio) cuilibet partium daretur: ete-  
nim dixerat Gregorius in octava: *Senten-  
tiam nostram nulli dare previdimus, ne con-  
tra jussionem clementissimi domni Imperato-  
ris, vel, quod absit, in despectum ejus al-  
iquid facere videremur.* Et paulo infra:  
*Qua in re omnino danda opera est ut, si  
fieri potest, etiam jussionem suam ipse tri-  
buat, in qua ea, qua a nobis definita  
sunt, servari precipiat.*

(mm) Omnibus epistolis Mariniano  
Ravennæ Episcopo, & Theodoro ejusdem  
civitatis curatori, seu Procuratori a S.  
Gregorio missis perbelle lectis conjeci de-  
cimam quintam lib. XIV. de qua in hoc  
numero sermonem facitis prædicto Theo-  
doro directam fuisse, eamque post trige-  
simam secundam lib. XI. constitui debere.  
Sed quia in nota a ad illam ex titulo *Glo-  
riam*, qui bis in textu legitur, ejus in-  
scriptionem scilicet *Gregorius Anthemio Sub-  
diacono*, falsam esse, & nil amplius in-  
dicastis; atque in hoc numero ad quem-  
dam ejus familiarem scripsit tantum dici-  
tis, utriusque partis meæ conjecturæ en-  
rationes ut ad proprium locum restituta,  
de illa in num. III. cap. V. hujus libri IV.  
fiat mentio.

Primæ partis ratio est quod hujus epi-  
istolæ character penitus convenit cum il-  
lo, quem in omnibus epistolis Theodoro  
datis persequitur Gregorius. Hæc sunt 98.  
lib. IX. quæ sic incipit: *Licet multa de  
vobis ad nos olim, referentibus Responsalibus  
vestris, qua animos nostros latificarent per-  
venerint: nunc tamen remeans filius noster  
Probus Abbas tanta de Gloria vestra amplius  
caritate retulit, quanta de bono revera, &  
christianissimo decet filio predicari.* Sexta  
lib. X. cujus initium est: *Quamvis Gloria  
vestra bonitas semel sibi commendatos ne-  
sciat oblivioni mandare; verumtamen scien-  
tes hac eadem iterata carissimum filium non  
onerose suscipere, scribere nos qua jam du-  
dum scripsimus non piget.* Sexta lib. XII.  
*Quia sic de Gloria vestra, sicut de carissi-  
mo revera filio omnino præsumimus, certi de  
vobis, eos qui nostri sunt commendamus.*  
Quadragesima septima lib. XIII. *Postquam  
sic de Gloria vestra sinceritate præsumimus,  
ut vestros vos credamus reputare qui nostri  
sunt.* Et paulo infra: *Sed quoniam pater-  
na commendatio boni filii mentem solet  
semper accendere; unde cum decima quin-*

ta lib. XIV. incipiat ita: *Quia Gloriam  
vestram fixam valde, atque stabilem in suis  
esse moribus audio, multum latificor, & sic  
vobis qua mihi displicent, sicut speciali fi-  
lio fiducialiter loquor;* de convenientia cha-  
racteris ejus cum omnibus aliis nemo du-  
bitare jam potest, vel primam meæ con-  
jecturæ partem aliquantillum labefacere.

Secundæ vero partis hæc est ratio: Sup-  
posita ejus præsentis constitutione fuit pro-  
culdubio data mense Januario, vel Fe-  
bruario Indictionis VII. ut ex nota tem-  
poris præcedentis Epistolæ deducitur; sed  
in ea ait S. Gregorius: *De qua re ... per  
latorem præsentium, & paulo infra: Hic  
autem quanta necessitas, & qua nos mala  
constringant ... ex Epistolis Fratris, & Coe-  
piscopi mei Mariniani potestis agnoscere:*  
ergo ad Marinianum per latorem præsentium  
tunc etiam Gregorius Epistolam mittebat,  
in quibus de necessitate, & malis, quæ  
eum constringebant, loquebatur. Atqui  
pro priori ad hanc decimam quintam il-  
la, quæ Mariniano missa proximius repe-  
ritur, est sexta hujus XIV. libri, quæ,  
præterquamquod nil de necessitate, &  
malis, quæ Gregorium constringebant,  
continet, mense Octobri Indictionis VII.  
data, aperte conflat; & ex viginti tri-  
bus, quæ fuerunt Mariano missæ, ut in  
Epistolarum Indice Alphabetico apparet,  
solum in trigesima secunda lib. XI. Gre-  
gorius ita Mariniano loquitur: *Latore huc  
præsentium Candido Abbate ... veniente ...  
contristatus sum quod ejus, ut volui, præ-  
sentia frui non potui, quod me, & agrotum  
reperit, & discedens in infirmitate adhuc  
postum dereliquit. Multum enim jam tem-  
pus est quod surgere de lectulo non valeo.  
Nam modo me podagra dolor cruciat modo  
nescio quis in toto corpore cum dolore se i-  
gnis expandit ... Quantis autem alius ne-  
cessitatibus extra hæc qua retuli infirmitatis  
afficiar, enumerare non valeo. Post hanc  
ergo constitui illam debere inficias ire  
nemo audebit.*

Hæc sunt, RR. PP. quæ notabilia in  
vita S. Gregorii Magni a vobis adornata  
reperi; quæque vos precor, ut ea, quæ  
Viros doctos, & religiosos decet, beni-  
gnitate accipiat, & quidquid ex eis  
minus firmum vobis videatur, meæ exigui-  
tati condonetis, vel, ut amplius fulciam,  
ostendatis. Nam de pluribus filii: quia  
intelligentibus pauca. Ea tandem, quali-  
tercumque sunt, judicio S. R. E. humil-  
lime summito. Data Matriti die 17. O-  
ctobris anno Domini MDCCCLIII.

Vester obsequentissimus Servus

Petrus de Castro.

Finis Tomi Decimi Sexti.



